

**P.F. CAROLI
LANTERIJ
GENUENSIS ...
TRACTATUS DE SS.
INCARNATIONIS...**

Carlo Lanteri





204, 14, E, 9.



Sig. g. u. l. i. t. m. n. o.

204.14, E. 9

P. F. CAROLI LANTERII GENVENSIS

ORD. MIN. REG. OBS. PROVINCIÆ TERRÆ LABORIS
SAC. THEOL. LECTORIS IVBILATI,
Et Ex-Ministri, totius Ord. iam Diffinitoris Generalis,
& ad præsens in Romana Curia Commissarij
Generalis

TRACTATUS DE SS. INCARNATIONIS MYSTERIO

EX NOSTRI SVBTLISSIMI
IOANNIS DVNS SCOTI
CELEBRATA DOCTRINA

*Cum triplici Syllabo, de Disputationibus, & Propositionibus;
de Rebus notabilibus; & de locis Sacræ Scripturæ.*

EMINENTISS. AC REVERENDISS. DOMINO
D. FRANCISCO BARBERINO
S. R. E. CARDINALI, AC VICECANCELLARIO.

Inter Generales Inquisitores aduersus hæreticam prauitatem
vigilantissimo, atque Seraphicæ Religionis Protectori,
Correctori, & Gubernatori optimo D. & C.

Donatus Petronius Sacerdos? S. R. E. Curia? Sacerdos? Sacerdos? Sacerdos?



1695

NEAPOLI, Ex Officina Nouelli de Bonis Typogr. Archiep. 1665.

Superiorum licentia. C. 12

Digitized by Google



EMINENTISS. AC REVERENDISS. DOMINO

**D. FRANCISCO
BARBERINO**

S. R. E. CARDINALI

AMPLISSIMO,

AC VICECANCELLARIO.

**Inter Generales Inquisitores aduersùs hæreticam
prauitatem vigilantissimo, atque Seraphicæ
Religionis Protectori, Correctori,
& Gubernatori optimo.**



*Vod diù meo versabatur in animo,
Eminentissime Princeps, Tuam se-
mel obsequiosissimè reuereri Pur-
puram quodam gratitudinis vecti-
gali: tandem se obtulit non obscu-
ra testificandi animi ansa, dùm has
Disputationes Theologicas præ manibus habeam,*

† 2

om-

omni, quo poteram, studio elaboratas; quas sub cel-
sissimi Tui Nominis Auspicijs in lucem proferre
proposui. A quo omnes cum non mediocrem reci-
piant fauorem, & has maximum recepturas splen-
dorem, minimè ambigo;

. *Quanto pretiosa metallo*

Hermi ripa micat

Et quamvis de mysterio pertractent à sæculis ab-
sccondito, deposito quasi velamine, cur à Tuo Ho-
noris fastigio, ad cuius patrocinium recurrunt, non
abundè illustrarentur? in quo virtutes omnes agno-
scunt reconditas. Omnes enim ità in Te certant, om-
nes vincunt, omnes magnificè consentiunt, vt nihil
maiestati simplicitas, nihil constantiae facilitas, nihil
grauitas demissioni, nihil comitas detrahat grauitati:
vt mirer magis, quàm laudem vno in pectore, tan-
quàm in sacrario, virtutem cum nobilitate ad mira-
culum connexam, vno in animo, velut adyto, fulgen-
tem cum pietate scientiam, cum integritate facun-
diam, sine vanitate gloriam;

. . . *Et quæ partitè singula quemque*
Nobilitant, & quæ efficiunt diuisa beatos,
Viribus in vno collectis mixta micare.

Vt verò de cæteris Tuis præstantissimis virtutibus
pertractare omittam, cur hæc non infima pars Theo-
logiæ meæ, quæ de Sapientia agit æterna, non Tuam
inter

inter mortales rarissimam amplecteretur sapientiam : utpotè , qui ab ineunte ætate nihil magis moliebaris animo , quàm de virtute in virtutem felices facere progressus, ipsius usq; sapientiæ adeptus sis apicem. Vbi enim ille feruor, illa propensio, illa auiditas ad litterarū studia meliùs, quàm in Te ab adolescentia sedem habet? qui sponte Tua in humiliā etiā quæque claustra , pro concertationibus Scholasticis lubenter auscultandis, Te continuò ingeris, & demittis , ut ex Tuo nutu verticem sapientia erigat altiorē . Tu etenim perindè ac si hæreditarium illud munus haberes à *Sanctissimo Patrio. Tuo Urbano VIII.* ut studiosam diligeres iuventutem, hanc opibus, & fauore semper foues, & protegis.

Tua etiam sapientia in administratione Reipublicæ Christianæ ad eò inter Romanos enitescit , qualiter nec Semiramis apud Babylonios , nec Zenobia apud Syrios , nec Debora apud Hebræos vnquam commendabatur: ut meritò dicaris ille, ab ipso Apolline non faciliè inuentus;

*Vir bonus, & sapiens, qualem vix reperit unum .
Millibus è multis hominum consultus Apollo.*

Sed quid proferam , ò *Præsul dilectè Deo, cui militat æther ; & coniurati veniunt ad classica venti:* quid, inquam, proferam de eximia Tua in Deum pietate, quæ omnium ore ita prædicatur, ut alio à se

non indigeat præcone? Hanc reuerà in Cœlum vſque extollunt pupillorum commiseranda cohors, viduarum deploranda afflētio, inopum innuptarum desolatio, & totius Religioſi cœtus Deo dicata paupertas: vel vt verbo dicam:

Erga omnes cōmunis amor, pietasquē, fauorquē.
Ni ſingulariſſima Tuā eſſet beneficentia erga nos tuos obſeruantiffimos de Obſeruantia Franciſciades: cuius patrociniſmo fulcimur, cuius fauore fouemur, cuius liberalitate viuimus;

Nam Tua larga manus flumines ſuperauit Iberos.
Non ampliùs igitur Diuina hæc Aſſerta mea tutelæ cupida, per longa vallium euolabunt deſerta, non ad multorum montium quantumuis amœna confuſient cacumina, nec in iſtis Cecropijs ambient ob ambulare campis, ſed ad liminaria Tui aluæarij, vt beatè quieſcant, gradum ſiſtunt: præteritorum hæctenus oblita laborum, quæ Tuarum murmurella Apum ad diuum quendam prouocabunt ſomnum: nec hoſtiles formidabunt excuſſiones, aut inuidorum liuores, quæ ambabus aliſ Tuæ gentilitiæ velabunt Apes.

Non dedignaberis itaque, *Princeps Eminentiffime*, hoc qualecumque vectigal laborum meorum, ea, qua ſoles, regali humanitate ſuſcipere, & ſub alarum tegmine Apum Tuarum patrocinari, qui totam

ram nostram Seraphicam Religionem tanta cum
felicitate tot annorum curriculo protegere, regere,
& gubernare non desinis. Vale, & diù viue, *Emin-*
entissime Princeps, ad maximum Reipublicæ Chri-
stianæ emolumentum, Inclytæ Tuæ Familiæ orna-
mentum, ac Seraphicæ Religionis perpetuum de-
cus, & incrementum.

Tuæ Eminentiæ

Humillimus, deuotissimus, & obsequentissimus in Christo SERVUS

Fr. Carolus à Genua.

APPROBATIO ORDINIS.

EX Reuerendissimi Patris Fr. Michaelis Angeli à Sambuca totius nostri Seraphici Ordinis Ministri-Generalis mandato vidimus, ac attentè legimus eruditissimum *Tractatum de Diuini Verbi Incarnatione* ab A. R. P. F. Carolo Lanterio à Genua eiusdem Instituti Sac. Theol. Lectore Iubilato, iam Diffinitore Generali, in Romana Curia Commissario Generali, & huius nostræ Prouinciæ Terræ Laboris bis Ex-Ministro Prouinciali concinnè compositum, & elaboratum, in quo non solum Orthodoxæ Religioni, ac Christianis moribus repugnans nil reperimus, sed multa sanè inuenimus, quæ altum, absconditumquè Diuinæ Incarnationis Mysterium mirè elucidant, & clarificant: hinc dignissimum reputamus, vti Scoticæ doctrinæ apprimè conducentem, ac vtilem, vt publicæ luci mandetur, atque Typis edatur. Data in nostro Regali Sanctæ Mariæ Nouæ Neapolis Conuentu die 25. Maij 1664.

*Fr. Theophilus Nolanus in eodem Conuentu Sacra Theologia
Lector Generalis.*

Fr. Egidius à Mariliano Artium, & Sacra Theol. Professor

FRA

FRATER BONAVENTURA CABALLVS
Ord. Min. Strict. Obseruantia S. Patris nostri Francisci, Sacrae Rituum Congregationis Consultor, ac in Cismontana Familia Obs. ac Refor. Commissarius Generalis, ac Seruus. Dilecto Nobis plurimum in Christo Adm. R. P. Fratri Carolo à Genua eiusd. Ord. Prouinciæ verò nostræ Terræ Laboris de Obs. Concionatori Generali, Lectori Iubilato, bis Ex-Ministro Prouinciali, Ex-Diffinitori Generali, & ad præsens in Romana Curia Commissario Generali. Salutem in Domino sempiternam.

Cum ex commissione Reuerendissimi Patris Ministri Generalis præteriti Theologicum quoddam opus à Paternitate Vestra compositum, & elaboratum: cui titulus est, *Traclatus de Myserio Incarnationis, &c.* duo nostræ Religionis Lectores Theologi, Pater Frater Aggidius à Mariliano, & Pater Frater Theophilus à Nola reuiderint, & approbarint; dignumquæ prælo ob multiplicem solidæ eruditionis vberitatem, subtilitatem, facilitatemquæ in profundi Scoti sententijs exponendis existimarint: Nos vt illud publici iuris fiat, tenore præsentium facultatem ipsi quamlibet impertimur, vt seruatis seruandis, Typis mandare queat: imò, vt reliquos ingenij vestri factus, non parùm rei litterariæ, & Scholasticæ Theologiæ Professoribus, præsertim in via Subtilis nostri Doctoris profuturos, quàm citiùs in lucem edat, enixè adhortamur, ipsiquæ ad salutaris obedientiæ meritum iniungimus. Beneualeat, nostri apud Deum in orationibus memor. Datis Romæ in hoc nostro Ara Cœlitano Conuentu, die 12. Iunij 1664.

Fr. Bonauentura Caballus Commis. Gener.

Loco ✠ Sigilli.

*De mandato S. Reuerendiss. Paternitatis
 Fr. Agnellus de Neapoli Secret. Generalis.*

Registrata fol. 188.

IN

IN Congregatione habita coram Eminentiss.& Reuer. D. Cardina-
li Philamarino Archiepiscopo Neapolitano sub die 22. Decembris
1663. fuit dictum, quod Reu. Pater Fr. M. Hilarius de Rossis Ord. Min.
Conuentualium reuideat, & in scriptis referat eidem Congregationi.

Paulus Garbinati Vic. Gen.

Canonicus D. Matthæus Renzi S.T.D. & S. Offic. Conf.

EGo Fr. Hilarius de Rossis Artium, & Sac. Theol. Doctor Ord. Min.
Conu. S.æti Francisci Prouinciæ Neapolis Definitor perpetuus ex
Commissione Eminentissimi, ac Reuerendissimi Domini Ascanij Car-
dinalis Philamarini, perlegi opus Incarnationis Dominicæ editum ab
Adm. Reu. Patre Fratre Carolo Lantero Ianuensi Ord. Min. Reg. Ob-
seruantix Sacræ Theologiæ Lectore Iubilato, Ord. Pater Prouinciæ Ter-
ræ Laboris bis Ministro Prouinciæ, & in Romana Curia Commissa-
rio Generali, in quo nihil à fide Catholica obsonum reperi; quinimmò
omnia, quæ ibi continentur, redolent non minus maximum Auctoris
ingenium, quàm pietatem: quare censeo, quòd opus tam dignum Ty-
pis detur tanquàm publicè omnium Theologorum commoditati cõ-
sentaneum, & vtile; in quorum fidem, &c. Datum in Coenatu Sancti
Laurentij Maioris Neapolis die 9. Augusti 1664.

Fr. Hilarius de Rossis, qui supra confirmauit manu propria.

IN Congregatione habita coram Eminentiss.& Reuer. D. Cardina-
li Philamarino Archiepiscopo Neapolitano sub die 16. Septembris
1664. fuit dictum, quòd stante relatione supradicti Reuisoris, Imprimatur.

Paulus Garbinati Vic. Gen.

Canonicus D. Matthæus Renzi S.T.D. & S. Offic. Conf.

ILLVSTRISS. ET ECCELLENTISS. SIGNORE.

N Ouello de Bonis Stampatore de libri in questa Fedelissima Città di Napoli, supplicando fa intendere à V.E. come desidera stampare vn libro, di Theologia del P. Fra Carlo Lantero da Genoua de' Padri Min. Ofs. di S. Francesco, intitolato De Incarnatione Diuini Verbi. Per tanto supplica V.E. resta seruita ordinare li siano concesse le solite Regie licenze, che l'hauerà à gratia, vt Deus, &c.

Reuer. P. Fr. Thomas Tonti videat, & in scriptis referat.

Galeota Reg. Vlloa Reg. Nauarra Reg.

Prouisum per Suam Excellentiam Neap. die 24. Mensis Ianuarij 1664.

De Amico

EXCELLENTISSIME DOMINE.

Regia dignius corona, quàm censura, Theologicum Opus (de Incarnatione Diuini Verbi) à Reu. Adm. Patre Sacræ Theologiæ Lectore Iubilato Fratre Carolo Lantero à Genua Minorum Obseru. Terræ Laboris Prouinciæ Neapolitanæ semel, & iterum, Ministro Prouinciali ad subtilium Principis mentem, quam subtilissimè enucleatum, & à me plusquam Subtili, dulcique acie reuifum, & recogitatum, Typis quamprimum dignissimè tradendum censeo. Datum in Regali Conuentu Hospitaletti Neap. die 5. Martij 1664.

Ego Fr. Thomas Tonti Illustriss. Domini Nuntij Apostolici in hoc Regno Theologus, Reuifor Deputatus.

Visa retroscripta relatione Imprimatur. Verùm ante publicationem seruetur Regia Pragmatica.

Galeota Reg. Vlloa Reg. Nauarra Reg.

Prouisum per S.E. Neap. die 11. Mensis Martij 1664.

De Amico.

REVERENDI ADMODVM
P. F. CAROLI LANTERII
SAC. THEOL. LECTORIS IVBILATI

TRACTATVS INCARNATIONIS DOMINICÆ

DISPUTATIO PRIMA.

*De Possibilitate, Cognoscibilitate, Convenientia,
& Necessitate Incarnationis.*



Pud Theologizantes, atque Philosophantes est vsu frequentissimum, quod nominis explicatio rei definitionē præcedat, vt habet Scotus in 4. dist. 1. q. 2. & docet Iuris Consultor lib. 1. §. de origine iuris. Hinc in tanto Incarnationis Mysterio, in quo rationis humanæ, atque Angelicæ oculus caligat, præmittenda terminorum explicatio, simulque notandū est, quod nomina, cum sint ad placitum significatiua, multoties non imponuntur ad explicandam substantiam ipsam, vt hoc nomen, *lapis*, desumitur à læsione pedis, & vocis rigore ipsam tantum repræsentat, quæ est actio lapidis, & tamen ex impositione lapidem significat. Incarnatio ergo Verbi, & si plura obtineat

vocabula, quibus significatur; vt *Exinanitio*, ad Philippenfes 2. *exinaniuit semetipsum*. *Incorporatio*, ex Hieronymo in Prologo super psalmos: *mixtura admirabilis*, ex Augustino Epistola 3. ad Volusianum: *Inhumanatio*, & sic de alijs huiusmodi. Nullum tamen vsitatus est in Ecclesia, ac nomen, *Incarnatio*, quo vsi sunt Patres Latini ad hoc Mysteriū significandum, vt Cyprianus lib. 9. contra Iudæos; Lactantius Firmianus lib. 4. institutionum, cap. 11. Leo I. serm. 2. de Natiuitate, Hieronymus in caput 1. Marci; Ambrosius in cap. 23. Lucæ Augustinus lib. 9. de Ciuitate Dei, & lib. 10. cap. 24. & 29. Fundamentum habetur ex varijs Scripturæ locis, vt Ioannis 1. *Verbum caro factum est*: ex quo Patres Concilij Nicensi in Symbolo sumpserunt illud, &

A incarn.

incarnatus est de Spiritu sãto. Nec dicendum est, hanc vocem esse nouam, aut non latinam, ex eo quòd minimè in vsu fuerit ante hoc Mysterium: Etenim satis est, supradictos Patres de lingua abundanter benè meritos, ita vocasse, & regula Ciceronis lib. 1. Acad. & Oratij in arte Poetica est, quod nouis adiuuentis rebus, necesse est; vt noua inueniantur vocabula. Quæ regula obseruanda est contra modernos nostri temporis Hæreticos irridentes Ecclesiam Catholicã, propterea, quod vtatur huiusmodi vocabulis de nouo adiuuentis, & non in vsu apud antiquos Grammaticos, vt est verbi gratia illa vox, *transsubstantiatio*, quæ est inuenta in Concilio Lateranensi sub Innocẽtio X. ad significandam mirabilem mutationem, qua in Eucharistia, substantia panis in substantiã Corporis Christi, & substantia vini in substantiam Sanguinis Christi conuertitur. Neque hæc consuetudo noua est in Ecclesia Catholica; sed Sacra Concilia antiqua eam obseruarunt, quæ ad res nouas explicandas, noua excogitauere vocabula. In Concilio enim Niceno inuẽta est noua vox ad explicandam consubstantialitatem Patris, & Filij contra Arium. Et in Concilio Ephesino primò inuenta est illa vox, *Deipara*, seu *Dei Genitrix*, ad significandum, Virginem Sanctissimam Matrem Dei, & ho-

minis appellari debere.

- 3 Idem ergò dicendum est de hoc nomine, *Incarnatio*, quod apud Patres, & Theologos, ab ipso ferè mysterij exordio in communi vsu reperitur. Et licet Catholici aliquando eo vti formidauerint, nè viderentur fauere hæresi Apollinaris, qui asseruit, *Verbum Diuinum, solam carnem, & non animam assumpsisse*, vt refert Athanasius in libro de Incarnatione, & Aduentu Filij Dei; Hoc tamen iam nõ est timendum: quia vox, *Incarnatio*, non solum significat, carnem fuisse assumptam, sed etiã naturam humanam integram. Quemadmodum igitur in Ecclesia Catholica, nomine, *Christus*, intelligitur vna persona, quæ tamen verus Deus, & verus homo existit, non confusione aliqua vtriusque naturæ, nec conuersione Diuinitatis in carnem, sed assumptione humanitatis in Deum, vt ait Diuus Athanasius in symbolo, & Augustinus de bono perseuerantiæ cap. 24. vbi cum dixisset, *humanitatem Christi, quæ minor est Patre, non diminueret diuinitatem, quæ equalis est Patri*, statim subiungit: *hoc autem vtrumque vnus est Christus*.
- 4 Ita hæc vox, *Incarnatio*, ex communi vsu Ecclesiæ significat coniunctionem duarum naturarum in Christo, Diuinæ scilicet, & humanæ; itaut natura Christi humana nullo modo per hypostasim, aut personam creatam, & suam

suam propriā subsistat, sed per Diuinam; sic vt eadem persona Verbi Diuini sit, & verus Deus ratione Diuinæ naturæ in ipsa subsistentis, & verus homo ratione naturæ humanæ subsistentis in eadem persona Diuina. Vnde hæc vox, *Incarnatio*, plus ex cōmuni vsu significat, quam videtur ex natura sua exprimere: quia videtur exprimere humanam carnem à Verbo assumptam fuisse: Significat autem, non solum carnem, sed etiā naturam ex anima, & corpore constantem, assumptam à Verbo fuisse; & in hac significatio-

ne vitur sæpè hac voce Sacra Scriptura, vt Lucæ 10. *videbit omnis caro salutare Dei*. Ad Galatas 1. *non acquieui carni, & sanguini*. Genesis 6. *omnis quippè caro corruperat viam suam*; quibus in locis nomine carnis sacra Scriptura intelligit hominem. Vnde Cyrillus Alexandrinus in Scholijs de Incarnatione Vnigeniti capite 25. ait: *quoties igitur audimus, carnem factam esse Verbum, hominem intelligimus ex anima, & corpore factum*. Ex his patet, quid nomine Incarnationis in tota hac materia intelligendum sit.

Q V Æ S T I O P R I M A.

Vtrum Deum Incarnari sit possibile.

5 **N**ON vertitur in dubium inter Christianos possibilitas Incarnationis; nam Diuinū Verbū hominē esse factū, ex fide credimus: Sed propterea possibilem esse huiusmodi Incarnationem Theologi probant, vt no. uerint infideles; sicuti in reliquis Fidei Catholicæ Articulis, ita in hoc, qui est aliorum fundamentum, nihil esse absurdi, & quod naturæ principijs non repugnet; nunc est agendum de hac possibilitate, & non repugnantia. *Moneo* primò ex Sco. in 1. dist. 2. q. 3. & dist. 6. q. vnica, quod possibile accipitur dupliciter. *Vno*

modo pro non repugnantia terminorum, & definitur à Scoto: Modus compositionis formatæ ab intellectu rei illius, cuius termini non includunt contradictionem, & hoc dicitur possibile logicū. *Altero modo* pro eo, quod sumitur à potentia inherente, alicui, vel terminata ad aliquid; vt materia physicè potest recipere formam, & forma potest materiam informare. *Item noto* (relictis multis receptionibus naturæ, quæ legi possunt apud Aristot. 5. Met. cap. 4. & apud Boetium in lib. de duabus naturis, & vna Persona Christi,) quod natura

• 4 Disputatio I. De Possibilitate,

natura humana sumi potest tripliciter; vel pro natura in cōmuni, quæ de pluribus indiuiduis in quid prædicatur, vel pro natura singularizata aliquo positivo; vel pro natura personata. Hic non loquimur de natura in suo esse specifico separato à singularitate, vel indiuiduo: non enim Platonici sumus, vt secundas substantias (genera inquam, & species,) extra singularia putemus existere: sed cum Arist. in primis substantijs, atq; singularibus ea esse putamus. Non est natura assumpta, quatenus est sub omnibus indiuiduationibus, & singulis indiuiduis; quia tunc Christus esset omnis homo, & Verbum Diuinum vnium esset cum omnibus, & singulis hominibus; non est quoq; hæc natura sub sua personalitate; nam personalitas dicit incommunicabilitatem, & independentiam; at humanitas à Verbo Diuino assumpta, non est in se incommunicabilis, aut independentis, sed actu ei communicatur, & ab eo dependet. Superest

igitur, vt natura humana assumpta fuerit singularis, & indiuidua, scilicet priusquàm assumeretur propria indiuiduatione, & singularitate, fuerit indiuidua, singularis, & hæc; vt videlicet Christus non solum esset homo, sed etiam hic homo, haberetq; vltimam actualitatem positivæ naturæ humanæ.

Tandem noto ex Scoto in 19. quæst. quolibetali lit. A. quod tripliciter aliqua realiter possunt vniri; vel per informationem, vt materia vnitur formæ, & è conuerso, & de hac nihil ad præsens; cum nec Verbum se habeat vt forma, nec vt materia respectu naturæ humanæ. Secundò aliqua vniuntur per aggregationem, & associationem, vt multi lapides simul, nec de hac in præsentiarum agimus. Tertiò aliqua vniuntur, quia habent inter se talem ordinem, quod vnū tenet rationem dependentis, alterum independentis, & terminantis dependentiam sine vlla tamen informatione.

PROPOSITIO PRIMA.

Possibilis est Incarnatio Dominica, duarum videlicet naturarum, Diuina, & Humana unio sub unitate personali Diuina.

• **P**robatur. Id possibile Deo est, quod nullā dicit cōtradi-

ctionem: sed duas naturas vniri modo supra explicato, nullam dicit

dicat contradictionem: ergo possibile est illa unio, atque Incarnatio Verbi. Minorem tamen Iudæi, quam Aethnici constantissime negant; hanc nos hunc in modum probamus. Si aliqua est in huiusmodi unione repugnantia, ea est vel ex parte personæ Diuinæ, vel ex parte personæ Verbi, vel ex parte hominis assumpti; sed ex nullo horum est contradictio, aut repugnantia: ergo, &c. *Dicere non possunt* repugnare personæ Diuinæ huiusmodi assumptionem naturæ humanæ; Siquidem huiusmodi assumptio nihil ponit in Diuina persona indecens, & repugnans: nam ex huiusmodi assumptione, nulla resultat in Diuina persona assumente potentialitas, compositio, aut limitatio, quæ tria sola sunt, quæ mens nostra fingere potest aduenire Deo ex Incarnatione. *Non repugnat etiam* personæ Verbi huiusmodi solitaria assumptio; hoc est non implicat, solam Verbi personam incarnari, & uniri naturæ humanæ: nam ea sola opera Dei ad extra sunt communia tribus personis, quæ à Deo emanant, quatenus Deus est, & efficiens causarum opera verò ipsa habent ratio-

nem effectus; sed ea, quæ emanant à persona Diuina, quatenus persona est, & propter distinctionem realem cuiuslibet personæ Diuinæ ab alia, & propter incommunicabilitatem, quam includit persona, possunt ita esse ab una persona, ut alterius non sint. Talis autem est Incarnatio, quæ non est effectus, neque est à Deo, ut Deus est, nec respicit Deum ut causam efficientem, sed solam respicit personam Verbi, quæ sola terminat Incarnationem. *Non est quoque repugnantia* ex parte naturæ assumptæ; Tum quia illa est creatura, seu creatura, ac proinde est in potentia obedientiali Dei; Tum quia potest Deus separare omne posterius realiter distinctum à priori, facereque, ut prius maneat, destructo posteriore. Est enim personalitas creata posterior singularitate: ergo potest Deus præseruare hominem singularem, & indiuiduum carentem sua personalitate, quæ supplebit postea personalitas Diuina, reiectis omnibus imperfectionibus, quas ex huiusmodi supplementatione, cæca mens nostra somniare posset.

PROPOSITIO SECVNDA.

Possibilitas Incarnationis demonstratur varijs exemplis Sacrorum Doctorum.

7 **P**rimi exempli *Author est D. Athanasius in Symbolo: Sicue anima rationalis, & caro vnus est homo; ita Deus, & homo vnus est Christus:* Claudicat ista similitudo: nam vnio Animæ cum Corpore naturalis est: cū Verbi Diuini, & hominis cōiunctio sit præter naturam Vnitur Anima Corpori, vt pars parti, Verbum autē homini, vt totum toti. Anima vnitur Corpori, vt forma materiz; absit autem, vt id ipsum dicamus de Verbo, & homine. Tamen hæ omnes dissonantiz, necnon aliz, si quæ sūt, excluduntur illa dictione (*Vnus*) posita in textu Athanasij; est nāque sensus (in hoc dumtaxat conueniunt hæ duæ vniones Animæ cū Corpore, & Dei cum homine) vt quemadmodū non obstante distantia, & disparitate Animæ Rationalis, & Corporis, resultat nihilominus vnitas substantiz primæ, atque Personalis; Ita non obstante disparitate Dei, & hominis, vniuntur tamē duæ naturæ, Diuina, & Humana in vnitate Hypostatica, & Personali, ita vt non sint duo, sed vnus Christus; Quapropter licet ita argumentari. Possibilis

est vnio Animæ Rationalis cum Corpore in vnitate Personali: ergo à simili possibilis est vnio Dei, & hominis in eadem vnitate, quam appellamus Incarnationem.

8 Secundi Exempli *Author est Sco. 7. 1. lib. 3. art. 1.* quod desumitur ex coniunctione accidentis, & substantiz. Claudicat illud, sicut, & præcedens: Nām ex substantia, & accidente fit ens per accidens, quale non est Christus: imò detrahenda est ab vnione naturali substantiz, & accidentis imperfectio illa, quæ consistit in informatione. Nām etsi informet accidens substantiam, nō tamen Diuinitas hominem; aut humanitas Deum. In hoc ergo sita est similitudo Scoti, vt quemadmodum substantia est prior accidente, illudque substantiat, & dependentiam terminat, possetquē Deus efficere, vt accidens vniretur substantiz, nec tamen illam informaret: quia informatio est posterior existentia accidentis, pari modo duæ naturæ, humana, & Diuina possunt ita vniri, vt Diuina, quæ est prior, substantet humanam, quæ est posterior, terminetque eius

eius dependentiam sine vlla tam in informatione.

Tertij Exempli Author est Du-
randus q. 1. tertij & delimitur ex
mixtione arborum: docet nam-
que experientia, arbores duas,
aut plures per insertionem ita
vniri, vt efficiatur arbor vnica,
non solum eiusdem speciei, sed
etiam diuersissimæ, ita ut ex Ra-
musculo, qui inseritur cū Trun-
co cui inseritur, fiat vnum vn-
itate numerica secundum quan-
titatem molis sine naturarū per-
mixtione. Pari modo in Incar-

natione Dominica: Naturæ duæ
quantumuis diuersæ vniuntur in
vnitate quantitatis virtutis sin-
gulari, & personali, fitque arbor
vnica, scilicet vnus Christus,
manente vtraque impermixta
cum altera. Habetque Diuina
Natura rationem Trūci, huma-
na autem rationem arbusculi,
ita vt dicere possimus, insertum
esse hominem Diuinitati; qua-
ratione ausus est D. Paulus ad
Rom. dicere fideles esse insertos
Christos eo modo, quo oleaster
inberi solet cum oliua bona.

PROPOSITIO TERTIA

Possibilitas Incarnationis Dominica probatur ex
facilitate soluendi argumenta, quæ contra
ipsam afferri solent.

Primum Argumentū. Actus pu-
rus non concurrir ad cōpo-
sitionem. Sed Deus est actus pu-
rus: ergo non potest concurrere
ad compositionem, quæ in In-
carnatione est. *Concessa Maiore,*
& Minore, negatur subsumptum,
si compositio sumatur in sua si-
gnificatione propria, & non cō-
fundatur eius significatio cum
vnione, ac proinde negamus id,
quod in cōclusionē sumitur, nē-
pē Incarnationem esse compositi-
onem; Est enim vnio simplici-
ter dicta, quæ omnem excludit
compositionem. Possē autem
actum purum vniri alteri sine
compositione, cōstat ex vnione,
quæ Angelus, qui actus purus est

(scilicet physicè non composi-
tus) vnitur corpori assumpto si-
ne vlla compositione.

Secundum Argumentum. Inter
vnibilia debet esse proportio; sed
inter Deum infinitum, & homi-
nem finitum, nulla excogitari
potest proportio; cum sit distan-
tia infinita inter vtrumque, ergo
non possunt Deus, & homo vniri
in Incarnatione. *Maior est di-*
stinguenda de duplici proportio-
ne, scilicet Geometrica, & habi-
tudinis, seu ordinis; Maior pro-
positio est vera de proportionē
habitudinis, seu ordinis, falsa
verò de proportionē Geometri-
ca. Ad minorem dicimus, inter
Deum infinitum, & hominem
finitum

finitum reperiri proportionem habitudinis, seu ordinis; Hinc neganda conclusio.

- 10 *Explicemus aliquatulum datam responsionē.* Continet enim eruditionem non contemnendam. Quotiescunque duo inter se cōparantur, quæ sunt diuersæ perfectionis, necessarium est ut vnū altero sit perfectius, idque cum aliqua pportione, quæ aliquādo talis est, ut sciri & deprehēdi excessus valeat; Est enim duplo, aut triplo perfectius, & tunc inter ea dicitur esse perfectio Geometrica, seu proportio. Vel nec sciri, nec deprehēdi potest ille excessus, qui, quantusque sit, nō impedit quominus ea duo dicantur habere ad se inuicem quamdam habitudinem, seu ordinem, secundum quem ita conueniunt, ut conuenire in simul possint, simulq; vniri; Et huiusmodi proportio, quæ facit, ut vniri valeāt, dicitur habitudinis seu ordinis, qualem reperire licet inter res maximè distantes, ut inter obiectum, & potentiam, formam, & materiam, superficiem, & colorem. Vnde fit, ut aliquando quæ magis distant, facilius vniantur propter hanc proportionē habituales, quā, quæ minùs distant. Siquidem magis distat forma à materia, quā dux formæ substantiales à se inuicem, & tamen naturalis est vnio formæ cum materia, & contra naturam est duarum formarum substantialium vnio, nisi vna subordine-

tur alteri, sitque ad illam necessaria dispositio, ut videre est in forma corporeitatis, & Animæ Rationali. Idipsum in alijs exemplis patet. Nam magis distant superficies, & albedo, quā albedo, & nigredo, tamen vnuntur superficies, & albedo, cum albedo, & nigredo vniri nequeāt. Inter Deum, & hominem finitū, & infinitum non est Geometrica proportio, quia infinite excedit perfectio Diuina creatam, seu humanam, estque infinita distantia perfectionis inter finitū & infinitū; sed ea nō impedit quominus sit pportio habitualis seu habitudinis, quam appellare possumus entis ad ens, seu dependentis ad id, quod est dependentiæ terminus, ac proinde, Natura humana dependens vniri potest cum Natura Diuina, quæ est terminus huius dependentiæ.

- 11 *Tertium Argumentum.* Deus mutationis experts est: sed si Deus incarnaretur, esset in eo mutatio: ergo Deus incarnari non potest. Sequelā inde probatur. Personam Diuinam incarnari, est eam vniri intrinsecè humanitati: ergo vnio foret intrinsecè in Persona Verbi, & mutaretur. *Nec valet si dicas*, vnionem esse extrinsecam Verbo. *Contra*, nam inde haberetur Deum nō esse intrinsecè hominem; quippè, quæ ratione Persona Diuina vniretur, emanaret denominatio vniti: ergo, si vniretur extrinsecè, diceretur extrin-

extrinsecè homo.

Aliqui, concessa maiore, negāt cum Gregorio de Valētia disp. 1. q. 1. pun. 2. Verbum mutari: Siquidē vera mutatio in hoc cōsistit, vt res, quæ mutatur simpliciter, & absolutè, & secundū vllum modum non habuerit antea id, quod secundū aliquem modum incipit habere de nouo; ac proindē cum Persona Verbi, in quantū Deus est, ante Incarnationem in se habuerit naturam humanam, non formaliter, aut secundū esse reale, sed eminētē (cū omnes creaturarū perfectiones in Deo sint) non potest Persona Verbi dici mutata, cum eandem naturam humanam assumpsit formaliter, & secundū esse reale in Incarnatione. *Refellitur* hæc Doctrina, patitur quippè difficultatē: nam, & si Natura Diuina eminētē contineat naturam humanam, non tamen illam continet Verbum, vt falsò supponebatur. Etenim relationes Diuinæ non sunt infinitæ, nec perfectæ ex Sco: quolib. 5. *Sit alia difficultas*. Aqua, etsi pro illo signo, quo suam anteit frigiditatem, virtualiter eam contineat; cū tamen postea eam continebit formaliter, minimè dices; eam non esse mutaram. *Sit aliud argumentum*. Si Piper, quod est virtute calidum, fiat actū & formaliter calidum applicatione ignis, verè cēsetur realitèr mutari: ergo idem posset quis dice-

re de Verbo, etiam gratis concessa in ipso eminentiali contentia humanitatis.

12 *Nominales* ad tollendas realitates semper parati; respondēt, vnionem inter extrema, siue ea naturalis sit, siue supernaturalis, nihil de nouo superaddere illis, sed extrema vnibilia se ipsīs vniri; Hinc vniri naturam humanā Verbo absque Verbi mutatione concludunt.

Doctrina ista nobis probari non potest; hinc illam sic impugno ostendendo, vnionem, esse aliquod realitèr distinctum ab extremis. *Primo*: Quod per se tale est, semper, & necessariò est tale: ergò si humanitas per se, & non per aliud à se distinctum dicitur vnita: ergo pari ratione humanitas quælibet dicenda vnita de facto. *Sit aliud argumentum*: Verbum Diuinum dicitur hypostaticè vnitum naturæ humanæ in tali tempore, & non prius: ergo ratio alicuius adiuncti dicitur natura vnita, alioquin non maiori ratione diceretur hæc humanitas vnita, quàm altera. *Respondent Nominales* ea doctrina, qua in physicis scilicet, vltra entitates absolutas, fore necessariam indistantiam. *Contra* insurgo doctrina physica. Corpori possedē disposito potest. Deus de potentia absoluta plures indistantes apponere animas, quarum nulla informaretur: ergo, vt Corpus dicatur informatum, necessariò

B

requi-

requiritur aliquod superadditū partibus vltra indistantiam.

- 13 *Respondent aliqui*, cum sola indistantia illam animam informaturā corpus, quā Deus vellet. *Contra*. Vel enim hæc Dei volitio ponit aliquid noui ad partes vniendas, vel nihil: si ponit aliquid noui, habetur intentum; si nihil apponat partibus, certē partes in eodem statu permanent, proindequē nō magis intelligentur vnitæ, quā antea. Non potest enim facere Diuina volitio, vt res aliter se habeat, si nulla fiat mutatio: alioquin, faceret, vt Aethiops euaderet albus, non superaddito candore. *Sit altera ratio*. Petrus, & Paulus ponantur simul diuinitus penetratiuē; certē tunc anima Petri erit localiter intimē præsens Corpori Pauli. Nunc tale, sit argumentum. Anima Petri indistans à corpore Pauli facit nē cum ipso vnum totum, vel non? Non dicendum primum; alioquin anima Christi ē matris vtero prodeūcis, ipsiusque carnem penetrantis, verē carnem Virginis informasset, quo nihil absurdius: ergō dicendum, solam indistantiam minimē sufficere ad faciendum vnum; ergō superaddenda vnio. *Transferamus* quæstionem ad formam accidentalem, puta Petri calorem ad Pauli calorem; cum enim calor ille possit saltem diuinitus esse indistans à corpore Pauli, dum Petrus Paulum penetra-

bit, vel iste calor vnietur physicē corpori Pauli, vel non? Respondent negatiuē; Vnde infero: ergo vnio huius caloris cum suo subiecto est aliquid reale præter entitates subiecti, & caloris supras cum intima vtriusque præsencia locali, proindequē licebit à pari concludere de vnione formæ substantialis in physicis, & de vnione naturæ humanæ ad Verbum in Schola Theologica. *Item* licet negent Aduersarij, animam Petri coniunctam ipsius corpori, posse naturaliter informare corpus Pauli positū penetratiuē, id tamen diuinitus fieri posse, nō negant. Ponamus ergo id fieri, certē hoc posito valet argumentum; Nām quæro, quid tunc de nouo partibus adueniet? *Respondent* in facta Hysteresi, animam Pauli non fore ampliū vnitam corpori Pauli; *Hoc gratis dicitur*: quippē in Schola, contra quam disputamus, nulla proferri posset contradictio, quominus duæ formæ simul informant eandem numero materiam: Sed de hoc in physicis.

- 14 *Dies contra Nos*: Verbum dicitur vnitum, nulla forma in ipso recepta; cur ergo id non dicendum de humanitate? *Debilis discursus*: Nām noua denominatio in termino non potest haberi, si non sit noua acquisitio, vel perditio in altero extremorum. *Explicatur doctrina ista discursu Sco. quolib. 9. litt. M. & in 2. d. 14.*

q. 1. fine

Cognosc. Conuenienti. & Neces. Incarnat. 11

1. in fine & in 4. d. 45. q. 1. 5. *Ad
gumenta principalia*, quibus in
cis docet, quod cum partes
impositi sint essentialiter im-
perfectæ, & perficiantur in com-
posito, necessaria est illis unio, ut
media, perficiatur. Hinc cum
tura humana perficiatur, &
gnificetur hoc in Mysterio, nõ
Verbum; concludendum,
negata unione in Verbo, eam
e admittendã in humanitate
& aliud argumentum. Indiffe-
is ad plura, ut perdat indiffe-
tiam, & restet determinatum
vnum, indiget acquisitione,
deperditione alicuius. Non
quippè transitus de contra-
torio in contradictorium sine
qua mutatione; Hac ratione;
genus est indifferens ad plures
erentias, seu species, nunquã
itur huius determinatæ spe-
i, nisi per differentiã adiu-
m: ergo idem de Humanitate.
e recurras ad nouam indistan-
n; Etenim Natura est indi-
issima à Patre, & Spiritu Sã-
cum tamen illis non dica-
vnica.
Que faciunt pro Nominalibus:
tipt. Processus in infinitũ ne-
lus; daretur processus talis, si
et vera nostra doctrina: ergo
sa. Sit hoc argumētum. Unio
et vniri: ergo unione, ergo
unio altera unione; idem de
eris: ergo clarus processus in
nitum. Respondent nonnulli,
onem vniri se ipsa. Contra, idẽ
am ego de humanitate. Sol-

no argumentum cum Sco. in 4.
d. 12. q. 1. dicendo, primam unio-
nem vniri per secundam, secun-
dam verò seipsa. *Replicabis*, nos
sine solido fundamento esse phi-
losophatos, cum non habeatur
maior ratio de secunda unione,
quàm de prima. *Soluimus argu-
mentum* notando, secundam
unionem esse identificatam rea-
liter cum prima. Quippè illa est
relatio realiter identificata cum
fundamento, cui per locum in-
trinsecũ repugnat esse sine fuda-
mẽto verò secundæ: unioni repu-
gnat esse sine prima, ergo identi-
ficatur cum prima; Hinc fit ut
propter talem identitatem rea-
lem secunda unio se ipsa vnia-
tur, non verò prima. *Si placet*,
solue argumentum alla doctri-
na Sco. in 4. d. 13. q. 1. vbi do-
cet, unionem non vniri, *ut quod*;
sed tantum esse rationem vnien-
di. *Exemplum* aptum nobis præ-
stat metaphysica de vnitæte, quæ
est passio entis, & dicimus super-
additam enti, cum tamen nil su-
peraddatur vnitati, & sit ens in
quale. Ratio apud Methaphysi-
cos est: quia vnio non habet ra-
tionem quod, sed rationem quo:
Est quippè ea, qua ens dicitur
vnum: ita etiam actio, ea est, qua
producitur, non tamen quæ pro-
ducitur: Motus non est id, quod
mouetur, sed quo aliud mouetur
Dilectione diligo Deum, cum
tamen illa dilectio non sit, quæ
diligitur, Ita discurrendũ in præ-
senti nostro negotio Theologico.

16 *Restat*, vt præsupposito argumēto principali, n. 11. nostrā applicemus solutionē. Cōcedimus ergo, Verbum esse immutabile; sed negamus ex isto mysterio, aliquam in ipso concludi mutationem. Ratio est, quia mutatio non consistit in eo, quod aliquid se habeat nunc aliter, quā prius, nisi alter modus habendi sit per aliquod positium reale; at id, quod aduenit Verbo per Incarnationem, non est aliquod reale, aut positium, sed dumtaxat relatio rationis, quæ rem, cui aduenit, non mutat, vt videre est in omnibus, quæ tantum extrinsecè denominant. *Hinc replicamus*, triplicem esse vnionem, scilicet, informationis, aggregationis, & ordinis. Informationis est, quando duo ita vniuntur, vt alterum se habeat vt actus, alterum vt potentia; hac ratione vnio, quæ intercedit inter corpus & animam, venit appellanda, *informationis*: quippè corpus se habet vt potentia, anima verò vt actus. Vnio aggregationis est, qua multa discontinuata simul vniuntur. Vnio ordinis ea est quando vnum, quod est posterius, per dependentiam dependet à suo priore. *Optimum exemplum* præsentis rei subministrat nobis Scotus in accidēte, & substantia, quia (inquit) præscindendo ab omni influxu substantiæ, adhuc accidens, cum entis ens sit, dependet in sustentari à substantia, & vt sic substantia

nullam dicit ab accidente dependentiam, quinimò, tota dependentia est in accidente, quod, qua posterius, dependentiam dicit à substantia, vt ab aliquo priore. Vnio hæc ordinis in suo formali conceptu nō importat, nisi dependentiā posterioris, vt sustentetur à suo priore tanquam à termino substantiuo, qui terminus sit complementum naturæ dependentis, & indigētis sustentatione; Vndè dependentia passiuæ tota se tenet ex parte naturæ sustentabilis.

17 *Hinc notandum*, vnionem istam ordinis ex suo conceptu formali minimè expostulare afficere, vtrumque extremum vnibile, sed solum, vt per illam afficiatur id, quod dependet. Cuius doctrinæ ratio ea est: quia esse terminum dependentiæ dicit esse id, à quo aliud dependet; Vndè collige, minimè esse necessarium informari Verbum: cum Verbum, & humanitas non vniuntur, vt actus, & potentia, vt perfectibile, & perfectiū, quasi verò partes incompletæ sint, sed est vnio dependentiæ naturæ humanæ indigentis sustentatione. *Dico ergo*, Verbum non esse mutatum, sed totam mutationem esse ex parte naturæ humanæ. Cum vnio hypostatica non sit informationis, de cuius ratione est, vtrumque extremum vnibile afficere; est ergo vnio ordinis, seu vnio posterioris, ut sustentabilis à suo priore, ut à substantia-
tuo

tio; vnio ergò illud extremum dum taxat afficit, in quo formaliter est dependentia: ergò cum tota dependentia fuerit ex parte naturæ humanæ, ista mutabitur, non Verbum. *Rem nostram* declarat id, quod habet Sco. in 3. d. p. q. 1. ubi docet: vnionem hypostaticam esse relationem disquiparentiæ, & non mutuam. Hinc nobis fuit documentum, quod relationes sub duplici cadunt differentia; quædam sunt mutæ, & æquiparentiæ; aliæ nõ mutæ, & disquiparentiæ. Mutuas illas appellat, quæ in utroque extremo sunt eiusdem rationis, v.g. relatio Patris ad Filiũ, & Filij ad Patrem. Relationes non mutæ illæ sunt, quando extrema non ita se habent, vt vnũ referatur ad aliud relatione reali, & alterum consimili relatione respiciat alterum; solum ergò alterum extremum relationis refertur. Talis est relatio scientiæ ad scibile: nam, scientia relatione reali respicit scibile; cum tamen scibile, sola relatione rationis referatur ad scientiam. Huius farinae est vnio hypostatica in Verbo. Nil ergò reale ponit in Verbo assumente.

18 *Dices.* Ergò si ad vnionem Verbum Diuinum merè terminatiue, & extrinsecè se habet: ergò Verbum Diuinum solum extrinsecè erit homo. *Respondetur,* debile esse argumentum, & hoc ex eo ostenditur, quòd in probabili sententiã anima ratio-

nalis, & corpus eadem vnione in solo corpore accepta, & ad animam terminata, faciunt hominem: ergò pari ratione Verbum, sola terminatione vnionis existentis in Humanitate, dicitur Homo. Si intendas, Verbum dicendum extrinsecè hominem: quia intrinsecè in se non recipit vnionem; Hoc placato animo tibi do. *Monco tamen,* quod aliud quod potest dici intrinsecè dupliciter. *Primò* quia perficiat & perficiatur intrinsecè per informationem, & informabilitatẽ. *Secundò,* dici potest intrinsecè, quod est per se requisitũ, & hac ratione terminus dicitur essentialiter expostulatus ad relationis pullulationem. Hac obseruantia posita; Distinguo de intrinsecitate vnionis. Vnio est intrinseca, quia per illam Persona Diuina perficiatur; nego. Vnio est intrinseca, scilicet requisita, vt extrema vniantur, & vt humanitas denudata propria subsistentiã, actualem dependentiã importet ad Verbũ subsistentans; Concedo, tali modo esse intrinsecam: attamen falsò inde deduces mutationẽ in Verbo: cum ad illam Verbum minime se habeat receptiue, sed dumtaxat terminatiue.

19 *Quartum Argumentum.* Incarnatio dicit passionem; sed passio nõ cadit in Deo: ergò nec Incarnatio. *Maiorem* concedimus propositionem. Omni enim actioni correspondet passio, ac proinde

proinde necessarium est, ut in Incarnatione, quæ sine actione esse non potest, passio reperiatur. Ita tamen, ut illa passio non significetur per hanc dictionem, *Incarnatio*, sed per unionem, aut assumptionem; sitque tam unio, quam assumptio in natura humana, quæ unitur Diuinitati, & assumitur à Diuina Persona. Hinc constar, concedendam esse minorem, & negandam conclusionem secundum interpretationem datam in maiori; nam passio non est in Diuina Persona assumente, sed est in natura assumpta. *Vel* (si placet) nego maiorem: nam quamuis secundum gramaticalem usum Incarnatio dicat passionem, non tamen secundum Fidei Catholicæ, & Scholæ Theologicæ usum: etenim apud nos *Incarnatio*, quamuis deducatur à Verbo passiuo, *incarnari*, tamen non retinet passiuam significationem, sed actiuam accipit: cum grammaticæ leges plerumque Ecclesia spernat. Itaque Incarnatio significat actionem propriam, & peculiarem secundæ Personæ Diuinæ, quatenus Persona est, quæ actione assumit naturam humanam, terminatque illius dependentiam, assumere autem, & terminare, potius actionem sonat, quam passionem. *Vide Scotum in 3. d. 1. q. 1. §. ad argum. vers. ad 4.*

20 *Quantum argumentum.* Anima Christi nequit fieri cognoscentes

per scientiam Dei increatam: ergo nec subsistens per subsistentiam increatam. *Nonnulli respondent* negando paritatem eo ducti fundamento, quod nemo intelligere potest intellectione ab eo non producta, & addunt, hoc deduci ex conceptu vitalitatis. *Nobis* hic philosophandi modus non probatur; credimus quippe, intellectum posse intelligere intellectione à Deo producta, & ad quam intellectus merè passiuè se haberet, sed de hac re nonnulla notabo in dispositione de Scientia Christi. Pro nunc hæc accipe. Conceptus vitæ non dicit ab intrinseco actiuitatem actualem, quinimò amore à Deo in mea voluntate productio amare me posse, docet communis Scotistarum: Amor ille in voluntate productus, nulli non viuienti deseruire posset ad operandum: ergo clarum argumentum, quod amor ille esset vitalis. *Sit aliud argumentum*, intellectio, qua Deus intelligit, vitalis est, non tamen producta; ergo vitalitas minimè exposcit ab intrinseco efficientiam ab ea potentia, quæ illa vititur.

21 *Ad argumentum ergo in se.* Respondeo primò, Vgonem de Sâcto Victore, Ioannē de Ripa, & alios apud Suarez disp. 24. Sess. 2. non abhorrire, potentiam creatam reddi posse intelligentē intellectione Dei. Hinc patet, argumentum hac in opinione, sup-

supponere falsum. Pro nunc ne-
ga mus paritatem assumptam, &
hoc, quia visio est vitalis, & in-
tellectus dicitur viuere intelle-
ctione; Cum ergo nemo viuere
possit vita sibi extrinseca, sic pal-
lam, quod intellectus intellige-
re non poterit intellectione Dei;
quæ illi est prorsus extrinseca,
& nulla ope ipsum informare
valet. *Adde*, quod vitalitas di-
cit principium viuum, prout prin-
cipium viuū distinguitur à prin-
cipio mortuo; Principium mor-
tuum nullam habet, nec habe-
re potest operationē: ergo prin-
cipium viuum, si non actū, ad
minus potentia valet influere
in actum, quo dicitur viuere.
Hinc cum creata potentia nullū
habere possit influxum in intel-
lectionem increatam, concludi-
mus, repugnare intellectu crea-
tum fieri intelligentem intelle-
ctione Diuina. *Sit aliud argumē-
tum.* Cognoscens debet fieri si-
mile cognito ex communi Phi-
losophorum consensu; at intel-
lectione Diuina nequit intelle-
ctus fieri similis obiecto cogni-
to (cum similitudo debeat esse
intrinsicca intellectui;) ergo in-
tellectus non potest fieri cogno-
scens cognitione increata. *Aliter*
tamen philosophandum de sub-
sistentia: Ista enim est secundum
dependentiam præcisè in ratio-
ne sustentabilis, & sustentati-
ui, dependentis, at dependen-
tiam terminantis, quod termi-
nans debet esse extrinsecum, &

non informans| subsistentiam,
&c.

22 *Sextum Argumentum.* Subsiste-
tia suum præstat effectum in
genere causæ formalis; at Deus
nequit supplere genus causæ for-
malis: ergo nec agere vices sub-
sistentiæ creatæ. Accipe hoc ar-
gumentum. Subsistentia propria
Naturæ est eiusdem naturæ mo-
dus, sicut sessio est modus sedē-
dis, & vbicatio modus rei vbi-
catæ: ergo quando suppletur
necessariò supplenda in genere
causæ formalis; quod si alio in
genere suppleretur, fieret, hu-
manitatem non recipere à sub-
sistentia Verbi, quod sibi præ-
standum postulabat à subsisten-
tia propria: ergo si subsistentia
propria dat effectum in genere
causæ formalis, & cōceptus cau-
sæ formalis intrinsicè pugnat cū
Personalitate Verbi, subsistentia
creata à Diuina minimè sup-
pleri poterit:

Pro solutione. Suppono ex me-
taphyfica, fuisse aliquorum sen-
tentiam, quod subsistentia for-
maliter in se sit modus. Alijs
placet, conceptum subsistentiæ
minimè de per se habere ratio-
nem modi, sed solum importare
esse vim complementem naturam
existentem, scilicet vt natura
substantialis, quæ præscinden-
do à subsistentia solum erat per
se negatiuè, non verò positiuè,
fiat in se, & per se positiuè. Hanc
sententiam secutus sum in Me-
taphyfica; Ibidem notabam di-
scri,

scrimen inter concurrere in genere causæ formalis, & concurrere formaliter. Obseruabam; quod genus causæ formalis ex postulabat concurrentiam se habere per modum actus, & potētis, informati, & informantis; ita quod ex illis partibus substantialibus resultaret tertia entitas à partibus alia. At concurrere formaliter, notabam, se habere terminatiuē dumtaxat; Sic se habet terminus respectū relationis: Punctus terminatiuus respectū lineæ, & subsistentia respectū naturæ dependentis.

- 23 *Hac stante Doctrina* facilis est Responso ad argumentum, dicendo, subsistentiam esse formā extrinsecam, non verò causam formalem intrinsecam; Genus autem formæ extrinsecæ terminantis, minimè repugnare Deo, concedunt omnes vno ore clamantes, Deum ad se terminare dependentias Creaturarum; & in tempore, nulla interueniente in Deo mutatione, ipsum de nouo denominari Creatorem. *Replicabilis*. Natura per subsistentiam subsistit intrinsecè: ergò subsistere est effectus formalis subsistentiæ. *Occurrimus difficultati* isti solutione, qua vtitur *Scotus in 3. d. prima qu. prima*, ita dicens: Quod communicare sic esse, non est idem, quod esse Diuinum informare formaliter naturam humanam; nec etiā effectiue communicare, quod sci-

licet Persona assumens effectiue det aliquod esse naturæ assumptæ: Sed istud communicare, est terminare dependentiā existentis actualis naturæ assumptæ, & hoc est, quod subsistentia sit ratio terminandi naturam creatam. Habes ergò de conceptu subsistentiæ solū esse terminare, & complere naturam. Quod si Personalitas creata informatet humanitatem; Non inde sequitur, Verbi subsistentiam, eandem humanitatem informaturam. *Nec putes*, subsistentiā Verbi in omnibus suppleturam subsistentiam propriā humanitatis: quippè subsistentia propria reddit humanitatem in se, & per se; Non ita tamē subsistentia Diuina. Cū per istā humanitas perdat propriā subsistentiam, & non sit in se. Satis ergò est ad rem nostram; vt per subsistentiam Diuinam terminetur dependentia Naturæ; constituaturque vltimatē completa, & satis ad operandum.

- 24 *Vltimum argumentum*. Ex duobus entibus in actu non potest fieri vnum ens per se: Sed ens Diuinum est ens perfectissimum in actu, & etiam natura humana est ens in actu: ergo nequeūt facere vnum per se. Maior est omnium Philosophorum communiter, & ratione pater, quia quod est ita in actu, est substantialiter completum, & consequenter non carens vilo comple-

plemēto substātiali: at natura nō carens vllō cōplemēto substātia. li, nequit facere vnū p̄ se cū vllō, q̄ ipsi superaddi possit: ergo &c.

Respondent Thomistæ, & aliqui etiam *Scotistæ*, & moderni communiter concedendo maiorem; & negando minorem pro secunda par̄te; quia putant, naturam humanam assumptam à Verbo, si secundum se consideretur, non esse in actu completo, & perfectio: cum sit in potentia ad subsistentiam tanquam ad terminū substantiale vltimatē cōpletiui, & terminatiui dependētis eius.

Nisi me meum fallat iudiciū, solutio ista non soluit argumentum. *Primò*; quia Philosophi naturales, quorū est illud axioma, nullatenus fortē cognouerunt talem subsistentiam distinctam ab ipsa natura indiuidualiter completa; nec de ipsa nūquam fortē cogitauerunt independenter ab hoc mysterio; Sicut multa sunt alia naturalia, quorum cognitionem, (saltem certam) habemus ex mysterijs fidei. *Secundò*, quia in probabili sententia personalitas creata nil superaddit naturæ singulari præter negationem communicationis ad quodcūque suppositum extrinsecum: Certum autē est, naturam singularem non esse in potentia ad faciendū vnum per se cum negatione (cum ex negatiuo, & positiuo non possit resultare vnum per se.) *Tertiò*; quia *Aristoteles*, & alij Phi-

losophi naturales æqualiter iudicarent impossibile, posse fieri vnum ens per se in sensu axiomatis ex duobus actibus, quorum quodlibet esset in actu cōpleto, & perfectio, ac ex duobus entibus, quorum vnum esset in tali actu; etiamsi alterum esset in potentia; nam sine dubio dicerent, quod sicut nō potest homo facere vnum per se cū Aquila, ita nec facere vnum per se cum anima, aut materia Aquilæ: ergo eodem modo respōderent, quod Verbum Diuinum, cū sit ens perfectissimum, & completissimum, non posset facere vnum per se cū natura humana singulari, etiamsi hæc sine personalitate, vt supponitur ab his authoribus, esset incompleta, & adhuc in potētia ad ulteriorem completionem.

§ *Vnde ad obiectionem aliter respōdetur*; & primò aduertendum, quod ex Verbo Diuino, & natura humana non resultat vnū physicum, aut metaphysicum, tanquam ex actu, & potentia; de quo vno sine dubio intellexerunt Philosophi illud axioma; Sed vnum subsistens ex natura, & subsistentia potente terminare eius dependentiā, quod vnū, vt distinguitur à priori, non cognouerunt Philosophi, nec nos etiam vnquam cognouissimus, si non esset reuelatum hoc mysterium. Vnde admitto totum argumentum in sensu Philosophorum, & dico; vnum per se, quod in hoc

in hoc mysterio fit, non esse eiusdem rationis cum illo vno, quod Philosophi negauerunt, posse fieri ex entibus in actu; Christus enim dicitur vnum per se, non in hoc sensu philosophico, quo partes ipsius deberent se mutuo, mediante aliqua vnione perficere, & complere; itaut aliqua operatio physica conueniret ipsi, quæ non posset competere partibus separatis, & secundum se: nam hoc puto esse falsum; constat: quia nulla potest assignari talis operatio; sed in sensu Patrum, & Conciliorum, quæ solum volunt contra Nestorium, quod non vnatur natura humana, vel homo cum Verbo Diuino per accidens, hoc est vnione tantum morali secundum specialem affectum, gratiam, & dignitatem, sed per se; vt per se opponitur tali vnioni accidentali, hoc est vnione reali, & physica fundata in humanitate, & terminata ad substantiam Verbi; ratione cuius ad se inuicem, ita mutuo alligantur in ordine ad inseparabilitatem, vt non possit esse natura humana, stante illa vnione, physice præsens, vbi non sit Verbum præsens physice, non solum ex eo, quod Verbum sit ex se necessarium vbique; sed etiam quamuis per impossibile non esset vbique, & in ordine ad hoc, vt ex utroque resulteret aliquid verum, & proprie vnum vnitatem sufficienti, vt extrema prædicari valeant de toto, & de se inuicem

admodum concretorum substantiuorum; nam hoc ipso, quod admittitur talis virtus; habetur tota ratio vnitatis per se, quam requirunt Patres, & Concilia.

26. *Ab illis etiam* vocatur hæc vnio substantialis, essentialis & naturalis; non quod in se sit substantia, aut immediata ad substantiam, seu essentiam, aut naturam Diuinam, aut naturalis, prout naturale distinguitur a supernaturali; nec volunt humanitatem esse vnitam ad vnitatem animæ, quando dicunt esse vnitam realiter Verbo, vel e contra; sed per hæc omnia solum volunt excludere coniunctionem impropiam per affectum, inhabitationem, operationem, dignitatem, & auctoritatem, qualem solummodo ponebat Nestorius. Vnde per talem vnionem intelligunt veram, & propriam, & realem, coniunctionem oppositam accidentali coniunctioni modo prædicto.

Totum hoc insinuare videtur Scotus in 3. dist. 7. qu. 1. vbi dicit, hanc vnionem esse diuersissimam rationis ab omnibus alijs vnionibus. & consequenter prædicationem in ea fundatam, non esse restringendam ad normam Aristotelis, cui illa fuit ignota: Et dicit non esse vnionem accidentalem, neque essentialem; sed substantialem, quod probat ex Damasceno lib. 3. de fide cap. 3. vbi ait: substantialem enim dicimus vnionem, scilicet veram, et non secundum phantasiam;

sub-

substantialē autē, non vt duabus naturis perficientibus vnā compositā naturā, &c.

Hic notandum, quod Sanctus per vnionem substantialē nil aliud intelligit, quā vnionem verā. His tamen non obstantibus, posset admitti, naturā non esse in actu completo subsistendi antecedenter ad vnionē; non quod desit ipsi aliquod complementum positiuum naturale; sed quia deest ipsi negatio sistēdi in alio, à qua formaliter intelligitur in se subsistere, & cōsequenter esse psonā psonalitate ppria.

27 *Dices cum Lugo disp. 12. de Incarnatione sessione 7.* naturā humanā, si ex se sit completa positiuē, nō posse recipere vnionem realem ad Verbum, quod sine dubio est complementum substantiale ipsius, & consequenter si natura humana recipiat talem vnionem, debet esse incompleta, & in potentia ad ulterius completum. *Respondetur* primo, Verbum non complere naturā alio modo, quā iam diximus, quatenus scilicet na-

tura deindeat hypostaticē ab ipso dependentia à posteriori, sicut dependeret à propria personalitate, itaut non possit esse sine propria, uel sine aliena supplente defectum propriā: debet enim necessariō subsistere, hoc est sistere in se, uel in alio; ut autem sistat in alio, non requiritur, quod desit ipsi aliquod complementum naturale positiuum: sed sufficit, quod sit in potentia obiectuali ad hoc, ut alteri uniatur hypostaticē. *Respondetur secūdō*; naturā cōpletā nō posse naturaliter recipere talē vnionē; posse tamē supernaturaliter: Sicut Cōpus, cuius capacitas repletiua loci naturaliter exhauritur uno loco, supernaturaliter potest replere aliū. *Ad illud autem*, quod dicit; Verbum Diuinum propterea non posse recipere vnionem ad naturā, sed solum terminare, quia est completum, falsum est, sed quia est completum tale infinitum, scilicet cui repugnat quicumque mutatio intrinseca, & physica; mutaretur autem physice, si ex se reciperet vnionem,

PROPOSITIO QVARTA.

Quāuis nē pias aures offēdamus, affirmemus solā naturā humanā à diuino Verbo assumi posse; tamē in rei veritate cū Sco. in 3. d. 2. defēdimus valere diuinum Verbū quacūq; aliā assumere substantiālē naturā.

28 **V**Ndē probatur maximē Incarnationis possibili-

tas, si ita dicamus: quicumque alia substantialis natura tam i-

tellic.

celleſtialis, quàm animalis imò
& inanimata ſubſtantia, eſt
vnibilis cū Verbo, & ab eo
aſſumptibilis: ergò & Natura
humana. Antequàm demus pro-
batum antecedens, monitos vo-
lumus leſtores, propoſitionem
hanc, aures quidera ſimplicium
offendere, non tamen ininùs eſ-
ſe veram. Horret ſanè animus
audire, Verbum Diuinum poſſe
vnire ſibi Diabolicam Naturā,
Aſinam, & lapideam, quibus
ſtantibus, reſultarent itz propo-
ſitiones, *Deus eſt Diabolus; Deus
eſt Aſinus, Deus eſt lapis;* Vnde
extra Scholā ſunt tacendæ: cū
tamen veræ ſint, & ſine pericu-
lo erroris eas proferunt Theo-
logi. Verumtamen hoc pacto
probamus, prædictarum natura-
rum aſſumptio non magis im-
plicat in Diuino Verbo, quàm
naturæ humanæ aſſumptio; ſed
ſam probatum eſt n. 6. neque ex
parte Perſonæ Diuinæ, neque ex
parte naturæ humanæ aliquid
eſſe, quod impediāt aſſumptio-
nem, ergò idipſum eſt ſen-
ſiendum de alijs naturis; nām
ſicut natura humana, quia eſt
in potentia obedientiali Dei aſ-
ſumi poteſt à Verbo; cū om-
nes aliæ ſubſtantię ſint in eadem
potentia obedientiali, nihil pro-
hibet, eas vniri Verbo.

29 Quod ſi quis interroget, quare
non obſtante hac poſſibilitate,
diximus, ſolam naturam hu-
manam eſſe aſſumptibilem. Re-
ſpondemus, eo ſenſu nos id dixiſ-

ſe, quo dicere ſolemus, morbū
aliquem eſſe inſanabilem, qui li-
cèt ſi in ſe, & in ſua malitia ab-
ſolutè, & ſimpliciter confi-
deretur, talis eſt, vt non videatur eſ-
ſe aliquod remedium ſanatiū,
tamen certum eſt, nullum poſſe
reperiri morbum tantæ malitiæ,
qui expelli non poſſit. Simili mo-
do, ſi ſpectetur dignitas, quæ ad-
uenit creaturæ, dum aſſumitur
à Creatore, videbimus, omnes
alias creaturas homine eſſe in-
feriores. Tantæ eſſe indignitatis,
& tales, ac tantas habere imper-
fectiones, vt ſi in ſe confi-
derentur abſolutè, dignare eas non
debeat Altiffimus aſſumptione,
& vnione. Sola eſt natura hu-
mana, quæ ſi in natura ſua con-
ſideretur, habet dignitatem na-
turalem, qua non dedecet, eam
ſibi vnire. Non reiſcimus Ange-
los ab huiusmodi dignitate, ſed
quia non erat neceſſitas exigens
vnionem naturæ Angelicę cum
Diuina, quę tamen neceſſitas in
natura eſt humana; propterea
ſolus homo dicitur vnibilis
Deo. *Si certum eſt* ergò poſſe
Deum omnipotentia ſua abſo-
luta vniri cuiunque naturę ſub-
ſtantiali, quę ſit inferior natura
humana, certum quoquē erit,
poſſibilem eſſe vnionem naturę
humanæ cum Verbo.

30 Duo ſunt, quę vrgentur argu-
menta contra noſtram propoſi-
tionem. *Primum ſit tale.* Vbi-
cunquē impoſſibile eſt, quod minus
eſt, impoſſibile quoquē eſt, quod
maius

maius est; sed vnio beatifica cuiuscumque naturę irrationalis cum Verbo, quę minor, impossibilis est: ergo & vnio hypostatica impossibilis, quę maior est. *Pondus argumenti* est in maiore propositione, quę etsi appareat vera, est tamen negāda vt falsa, vel distinguenda. Nām quotiescunque magis, & minus sunt eiusdem ordinis secundum superius, & inferius, vera illa est. Quotiescunque magis, & minus non sunt eiusdem ordinis, & vnū alteri non subijcitur, falsa est; ut videre est in anima rationali, quę multa potest maiora his, quę sunt ab irrationabilibus, nec tamen minora potest, quę faciunt animalia. Nām generat homo hominem, non canem; ita se res habet in proposito; nām vnio beatifica est alterius ordinis, & rationis, nec supponitur necessārio vnioni hypostaticę.

31 *Sit secundum argumentum.* Non eleuatur natura aliqua secundum esse, nisi sequatur eleuatio operationis, itaut impossibile sit eleuari aliquam naturam secundum esse suum ad unionem, cum aliqua natura superiori, nisi sit possibile, huiusmodi naturam eleuatā habere operationes correspondentes operationibus naturę eleuantis, & vnientis: sed impossibile est, substantias irra-

tionales, & inanimatas eleuari secundum operationem, & effici capaces operationis Diuinę: nō enim intelligere, aut videre, aut frui possunt: ergo impossibilis est eleuatio earundem naturarū secundum esse, itaut vniantur cum Diuino Verbo. *Si rationem naturalem* spectemus, & cōmunalem modum operandi, vera est maior propositio. Erit tamen falsa, si ad Diuinam Omnipotentiam aspiciamus, vt ex alijs rebus exemplū habere possumus. Lex quidem naturę est, vt operatio sequatur esse, talisque sit actus primus, qualis est actus secundus; Sed hanc legem, quam Deus constituit, destruere ad libitum potest; ac proinde ad argumentum respondemus, veram esse minorem propositionem; nām si Verbum vniretur alicui substantię inanimatę, & irrationali, non mutarentur illius naturę operationes, nec illi concederentur operationes intellectualis naturę; hoc tamen non impedit, quin Deus possit vniri quātū ad actum primum cum huiusmodi natura, & secundum esse, non tamen secundum operari: quia actus secundus, & operatio est posterior actu primō, seu esse rei, ac proinde separabilis.

QVÆSTIO SECVNDA.

Utrum possibilitas incarnationis potuerit naturaliter cognosci ab aliqua creatura, antequam Myſterium factū eſſet, vel poſtquam factum eſt.

31 **P**REmitto non eſſe omnia eandem difficultatem, ſi dicatur: *utrum poſſe Deum incarnari, ſit naturaliter cognoscibile.* & ſi dicatur *utrum Verbum Diuinum incarnari poſſe, ſit naturaliter cognoscibile*: plura enim requiruntur, ut hæc ſecunda propoſitio ſit euident, & cognoscatur lumine naturæ, quàm requirantur, ut ſit euident, & cognoscatur prima. Ut enim ſit euident lumine naturæ, Deum poſſe incarnari, non eſt neceſſe, ut habeatur noticia myſterij Trinitatis: quippe Deus ſecundum quod à nobis concipitur non explicat aliquā perſonam particularem Sanctiſſimæ Trinitatis, ſed tantum naturam Diuinam per ſe ſubſiſtentem, quæ ex communi Theologorum ſententia poteſt lumine naturæ per effectus naturales cognosci, cum tamen ad hanc notationem: *Verbum poſſe incarnari*, omnino ne eſſentia ſit Myſterij Trinitatis noticia: ſiquidem Verbum eſt perſona ſecunda Sanctiſſimæ Trinitatis.

Aduerto ſecundò, triplicem eſſe

modum, aliquam rem probandi *Primus eſt*, utendo medio à Deo reuelato mediata, vel immediata, & per ipſum demonstrationes Theologicas conficiendo. *Secundus eſt*, utendo medio neceſſario procedente ex euidentibus, & neceſſarijs, quomodo, hominem eſſe riſibilem demonſtramus. *Tertius eſt*, aſſumendo mediū probabile ex præmiſſis probabilibus procedens, quomodo ducere, vel non ducere uxorem alicui adoleſcentulo, eſſe conueniens probamus.

33 *Tertiò ſuppono*, Patres, & Prophetas, ac alios fideles veteris Teſtamenti habuiſſe cognitionē ſupernaturalem huius myſterij, quia habuerunt fidem Chriſti uenturi. Si Angelis etiam uiatoribus conceſſa ſit gratia propter merita Chriſti futura; ueriſſimile eſt, conceſſam etiam ipſis fuiſſe cognitionem huius myſterij, quantum ad eius ſubſtantiam, ut grati erga Chriſtum exiſteret; non tamen illud cognouerunt quantum ad plures circumſtantias, ut quod eſſet ex Virgine talitern.

li tempore, tali loco &c. imò nec ipsi Angeli Beati ab initio sue beatitudinis tali cognitione cōdecorati sunt, ut colligitur ex Dionysio de Cœlesti Hyerarchia cap. 7. ubi dicit, uocem illam psalmi 23. num. 8. & 10. *Quis est iste Rex gloria? esse Angelorum;* inferioris ordinis interrogantiū superiores, qui responderunt: *Dominus fortis, & potens &c. & uerba illa Isaïe 63. nu. 1. quis est iste, qui uenit de Edom tinctis uerbis &c. esse Angelorum supremi ordinis.* Et illa alia uerba, scilicet: *Ego qui loquor iustitiam, & propugnator sum ad saluandum etc.* esse responsionem Dei, & hominis Christi Iesu meditatoris. Et

multi Sancti Patres, ut Chrysostomus, Hieronymus, Augustinus & alij, ex uerbis Apostoli ad Ephesios 3, n. 10 ubi dicit; *Principatibus & Potestatibus in cœlestibus innotescere per Ecclesiam, multiformem Sapientiam Dei,* colligunt Mylterium Incarnationis multis Angelorū innotuisse per prædicationem Apostolorum, quòd debet intelligi quoad circumstantias particulares. Restat nunc, ut uideamus, quid intellectus creatus de eo naturaliter, & proprijs uiribus scire possit. Quæ nobis dicēda sint, quæ subsequuntur propositiones, ostendunt.

PROPOSITIO PRIMA.

Hoc incarnationis mysterium, sicut Fide Catholica tenendum est esse possibile; ita credendum firmiter, nulla posse ratione demonstrari, esse impossibile.

34 **P**robatur primò: quia mysteria nostræ fidei, licet supra rationem sint, non tamen contra illam militant; ergò ratio nō potest euidenter conuincere, aut falsa, aut impossibilia esse; sed præcipuum mysterium fidei est Incarnatio Verbi Diuini: ergò eius impossibilitas non potest euidenter demonstrari.

Secundò probatur, Incarnatio-

nem esse possibilem, & factam esse; est de fide: ergò erit certum, & uerum (cum fidei non possit subesse falsum: quippè nil potest cadere sub Fide Diuina, nisi sub ratione primæ ueritatis, scilicet Dei reuelantis: sed primæ ueritati falsum subesse non potest: ergò neque fidei potest subesse falsum. Adde, quod si fidei posset subesse falsum, Deus posset men-

mentiti, & fallere: sed hoc est absurdum: ergo &c.) ergo propositum, scilicet Incarnationem esse impossibilem, & non factam, est omnino falsum; sed id non potest euidenter demonstrari, cum demonstratio constet ex veris, & necessarijs: ergo &c.

Tandem verum verò cōsonat: sed hoc mysterium est verum: ergo ex veris non potest osten-

di, hoc mysterium esse impossibile, nec lumen rationis ex se ab impossibilitate huius mysterij declinare potest: alioquin Deus, qui est author immediatus huius luminis, & inclinationis, inclinaretur ad falsum, quòd est alienum à vera Theologia: ergo à primo ad vltimum inferitur, quòd incarnationis impossibilitas nullatenus potest euidenter demonstrari.

PROPOSITIO SECVNDA.

Futuritio huius Diuini Mysterij, antequam ipsum poneretur in esse, nullatenus potest demonstrari.

35 **P**robatur: nam illa, quæ tantum dependent à Diuino liberæ voluntatis decreto, non possunt alicui intellectui patefieri, nisi per liberam talis decreti manifestationem; & licet Angelus cognoscat, Petrû verbi gratia esse possibilem; futuritionem

tamen illius non cognoscit, nisi manifestetur à Deo. Aliud enim est de pluuia, aut tempestate, futura, quam Angeli, & homines cognoscere possunt ex connexionem quam habent cum eaus naturalibus iam positis in esse.

PROPOSITIO TERTIA;

Possibilitas Mysterij Incarnationis nequit cognosci naturaliter ab aliquo intellectu creato, antequam fiat.

36 **T**heologi omnes propriû votum dant huic propositioni, illamque demonstrant

pluribus autoritatibus in 3. dist. 1. & probatur ex modo loquendi sacræ Scripturæ. D. namque

que Paulus ad Ephesios 3. nu. 9. hoc mysteriū vocat Sacramētū ab-
sconditū à seculis, & generationibus
Similiter ad Colossi. 1. n. 26. vocat
mysteriū hoc absconditū à seculis, &
1. Corinth. 2. n. 7. vocat illud Sa-
pientiam in mysterio, quæ abscondi-
ta est. propter quod multi cen-
sent, Isaïam vocasse cap. 45. nu.
15. Deum absconditum, quem sen-
sum indicauit ibi D. Hierony-
mus, Eusebius lib. 5. cap. 4. Am-
brosius in 2. cap. epistolæ ad Co-
rinth. vbi ista concludit: abscon-
dita est ergo Diuina Sapiencia, dum
non in verbis, sed in unitate est; non
humana ratione possibilis; sed spiri-
tus efficacia credibilis. Vnde D. Leo
Epist. 10. de humana generatio-
ne intelligit illud Isaïæ 53. n. 8.
generationem eius quis enarrabit?
&c. Super quæ verba Chrysosto-
mus homilia de Sancto Ioanne
Baptista, quæ habetur tomo 3.
dicit, omnem creaturam hoc myste-
rium ignorare, nisi reueletur illi.

17 Secundò probatur autoritate
Sanctorum Patrum, & in primis
D. Ambrosij lib. 1. de fide ad Gra-
tianum cap. 6. vbi loquens de
æterna generatione dicit: *mibi
cui impossibile est generationis scire
secretum, mens deficit, vox silet, nō
mea tantum, sed etiam Angelorum;
subdit; non solum admirabilis ex
Patre generatio, sed admirabilis
etiam generatio ex Virgine; Qua-
propter D. Aug. Epist. 3. ad Vo-
lufianum de hoc mysterio lo-
quens, ait: Hic si ratio queritur,
non est mirabile, si exemplum, non*

*est singulare; vnde concludit; de-
mus ergo, aliquid Deum posse, quod
nos fateamur inuestigari nō posse,
in his enim rebus tota ratio facti est
potentia facientis, quæ verba vsur-
pauit Concilium Toletanum se-
cundum, quibus allēnecitur Cy-
rillus Alexandrinus lib. de In-
carnatione Vnigeniti cap. 3. di-
cens: admirabilem Verbi cum
carne humana unionē omni huma-
na cognitione esse superiorem. Quā-
obrem. D. Dionysius epist. 4. ad
Caïum dicit: hoc mysterium per
negationem potius esse explicandū
à nobis, quàm per affirmatio-
nem.*

Sit altera probatio. Impossibile
est haberi iudicium euidentis ali-
cuius obiecti, nisi habeantur spe-
cies naturales talis obiecti, uel
illud sit principium per se notū:
sed de mysterio isto, antequam
fiat, nequeunt dari species natu-
rales, neque aliquod principium
per se notum in rebus, ex quo
possit euidenter inferri: ergo cir-
ca tale mysterium nequit dari
demonstratio naturalis.

18 Aliqui probare solent nostrā
propositionem ab inconuenien-
ti, sic discurrendo. Si daretur
cognitio naturalis possibilitatis
mysterij incarnationis, daretur
etiam cognitio naturalis myste-
rij Trinitatis; sed hoc implicat:
ergo &c. Maior probatur, quia
mysterium incarnationis suppo-
nit necessariò mysterium Trini-
tatis, scilicet personam filij assu-
mere posse naturam humanam,

D ac per

ac per consequens cognoscere-
tur naturaliter persona filij, & cō-
sequenter Trinitas. *Nisi hac in re*
me meum fallat iudicium, proba-
tio hæc inefficax est, absolute
loquendo, quidquid aliqui lo-
quantur cum distinctione, & di-
cam quod si cognosceretur hoc
mysterium in indiuiduo, quod
de facto est, ignosceretur etiam
mysterium Trinitatis; sed con-
clusio non loquitur, nisi de possi-
bilitate incarnationis ut sic, ad
quam sufficit, quod subsistentia
diuina terminet naturam huma-
nam, siue sit subsistentia filij, siue
patris, siue subsistentia absoluta,
vel alicuius subsistentis personæ,
quæ neque habeat filium, neque
spiritum Sanctum à se productum:
nam mysterium incarnationis
abstrahit ab hoc, quare cognita
possibilitate illius ut sic, non co-
gnoscutur mysterium Trinitatis.
Cognito tamen mysterio incar-
nationis, quod de facto est, in
quo persona filij terminat natu-
ram humanam; bene inferitur
etiam cognitio naturalis myste-
rij Trinitatis.

- 39 *Ego quantum ad hoc secun-*
dum credo etiam inefficacem,
esse solutionem, quia dato casu,
quod aliquis naturaliter cogno-
sceret, personam diuinam filij
terminare naturam humanam;
solum poterat naturaliter infer-
re, esse in diuinis personam filij,
& personam patris, cuius est fi-
lius. Non tamen poterat natu-
raliter aliquid inferre circa per-

sonam spiritus Sancti, & in diui-
nis esse tres personas, nec pau-
ciores, neque plures, quod re-
quiritur ad cognitionem Trini-
tatis. *Neque approbo* sententiam
aliquorū dicentium, quod si An-
gelo fieret reuelatio mysterij
Trinitatis, inferret inde natura-
liter possibilitatem mysterij in-
carnationis; quia Angelus co-
gnoscat, magis repugnare, tres
personas esse realiter distinctas
in eadem numero natura, quam
duas naturas realiter distinctas
esse in eadem numero persona,
nam primum cognoscat per re-
uelationem; quapropter id iudi-
cat esse possibile; secundum verò
nequit iudicare esse possibile,
quoniam nunquam de tali my-
sterio cogitationem haberet.
Quod si fingamus, Angelum in
talem incidere quæstionem, &
velle eam suo ingenio discu-
tere, vel cohiberet ad sensum, &
dubiosus penderet, vel potius in
errorem incideret; quia plura ar-
gumenta inueniret, quæ ipsum,
in talem assensum falsum indu-
ceret. Saluo meliori iudicio, lo-
quendo de intellectu creato se-
cundum se, existimo probabilem
aliquam opinionem de possibi-
litate incarnationis, posse haberi
per quædam similia, quæ à
Sanctis Patribus adducuntur,
de quibus in prima quæstione
egimus.

- 40 *Quæ nostram impugnant propo-*
sitionem sunt, quæ sequuntur. Pri-
mu; vel ratio naturalis indicat
hoc

hoc mysterium esse possibile, vel impossibile : sed non iudicat esse impossibile : ergò iudicat esse possibile. Maior pater, quia inter possibile ; & impossibile non datur medium . Minor probatur : nam ratio naturalis non inclinatur ad assensum falsum , sed falsum esset, iudicare tale mysteriũ esse impossibile, cum de facto ponatur in re : ergò ratio naturalis iudicabit esse possibile. *Fratur ratio* ; quia si Angelo proponeretur difficultas nostra , illi foret clarus, nullam esse vrgentem rationem impugnantem possibilitatem , posse solui omnes difficultates contra illum . *Respondetur* negando maiorem , & ad probationẽ conceditur antecedens, & negatur consequentia ; quia quamuis inter possibile, & non possibile non detur medium ; bene tamen datur inter indicare , aliquid esse possibile , vel impossibile ; datur scilicet suspendere iudicium, seu non iudicare ; quia in re tam ardua, atque difficili nullus intellectus audeat iudicare, sed iudicium suspendit. Quare si ante factum mysteriũ , Angelo proponeretur : *an sit possibile* , proposita ex vna parte Omnipotentia Dei, & ex alia parte examinanda difficultas, taceret, & nullum iudicium daret.

Adde, quòd non id demonstratur possibile , quòd non conuincitur impossibile : nam aliud est rem esse nõ repugnantem, quinimò possibilem , aliud verò non

demonstrari euidenter esse impossibile ; potest enim aliqua compositio proponi , quæ reuera sit Chymerica , & repugnans in se , & tamen argumenta non habeamus, quibus eius repugantiã conuincatur. Hinc obseruo , quòd, rem esse possibilem , & nõ repugnantem, est quid positiuũ ; nempe prædicata essentialia rei, excludentia repugnantiam ; at rem non demonstrari repugnantem ; est quid negatiuum, nempe defectus euidentis , & luminis , quo nobis sit manifesta talis repugnantia .

41 *Replicabis*, quòd secundum Theologos, possibilitas rei probatur ex principio illo, nimirũ : *non est negandũ Deo id, quòd nõ conuincitur repugnare. Dico* probabilitatem rei esse probandam hoc argumento, scilicet : possibile est Deo quidquid non repugnat ; non autem bene probatur ex illo principio scilicet ; quidquid non conuincitur repugnare , est possibile Deo , hoc enim secundum principium minimè concludit euidenter possibilitatem rei ; sed tantum probat quandam æquitatem , conuenientiam , & condecantiam . Non ergò bene probatur possibilitas incarnationis ex illo principio :

Adde, quòd si valeret, probaretur ex principijs naturalibus possibilitas Trinitatis ; quippè Angelus posset soluere omnia argumenta, impugnatiã talem possibilitatem . *Adde*, rationem natura-

naturalem solum negatiue posse ostendere hoc mysterium non esse impossibile, hoc est soluendo rationes naturales in oppositū, & hoc ipsum cum summa formidine de opposito, cum videat rationes contrarias esse valde, difficiles; & idem est de mysterio Trinitatis; hoc autem non est scire possibilitatem rei euidenter, nam ad hoc requiritur, ut posituiue ex terminis intrinsecis ipsius rei cognoscatur, nullam esse repugnantiam, quominus res illa fieri possit. Vnde ad probationem consequentię, quod non esse impossibile, & esse possibile sint idem; sed dico rationem naturalem in proposito, neutrum ostendere posse, nisi imperfecte, modo iam dicto.

42. *Secundò* impugnatur nostra propositio. Potest Angelus naturaliter cognoscere, resurrectionem esse possibilem, & accidens posse sine subiecto cōseruari: ergo potest cognoscere, hoc mysterium esse possibile. *Suarez* proponit hoc argumētū disp. 3. in tertiam partem sancti Thomę sess. 1. & respondet, antecedens esse satis dubium; Deinde dicit; hoc mysterium esse multo altius, quàm sint illa in antecedente posita, nam, inquit, in Incarnatione, non solum separat Deus res omnes distinctas sicut etiam, separat accidens à subiecto; sed etiā separat Deus (inquit *Suarez*) modum prorsus intrinsecum naturę, & illū

supplet non per solam efficientiam, sed per intrinsecam, & mirabilem vnionem; Vnde mysterium hoc Deus in se attingit; & ex hac parte minus potest cognosci, quàm cætera opera Dei. *Hæc Suarez.*

Sed secundum principia Scoti, videtur mihi posse Dæmonem cognoscere existentiam accidentis sine subiecto: nam hoc cadit sub obiecto adæquato intellectus Angelici, & nihil vetat posse Angelum cognoscere rem absolutam distinctam ab alia, non necessariò ab ea dependentem, posse separari. Vtrum verò posset naturaliter cognoscere Resurrectionem actualem, id non facile assererem, nam licet cognoscat Dæmon, animam separatam esse propensam ad Corpus, non inde sequitur, quod cognoscat Resurrectionē; quippe videt, ex se ipsa animam effectiue Corpori non posse vniri; quare necesse est, ut Corpori vnatur à Deo, & ut ipsemet Deus Corpus restantet; hæc autem cum sint contingentia, non possunt certò sciri à Dæmone, & ideo hæc propositio sibi remanet neutra: *Resurrectio est possibilis futura*. Sed concessa vtraque parte antecedentis, nego consequentiam; non enim oportet, quod cognita natura, & cognito Verbo abstractiue, posset Dæmon cognoscere possibilitatem vnionis istius ad illam; cum nulla sit necessaria connexio inter

ter Verbum, & naturam.

- 43 *Replicabis*: Angelus cognoscit Omnipotentiam Dei: ergo cognoscit omne possibile, & consequenter, hoc mysterium esse possibile. Prima consequentia patet, quia sunt correlatiua, quæ sunt simul natura, & cognitione, *Respondetur*, Angelos damnatos cognoscere omnipotentiam solum abstractiue, & ex hac cognitione non sequitur aliud, quàm eos cognoscere, à Deo posse fieri omne id, quod est possibile; Non verò sequitur, quòd sciant, hoc, aut illud in particulari esse possibile.

Maior difficultas est de Beatis; qui facialiter intuentur attributa Diuina. *Respondetur tamen*, eos videre attributa Diuina quoad absoluta, quæ dicunt attributa, non verò cum quocumque ordine, quem ad terminos habent. *Replicabis*, Beatum non posse distinguere Omnipotentiam ab alijs attributis cognoscendo eam sic fundamentaliter. *Respondetur* hoc negando; quia intuyendo eam sic, videt esse illud attributum, ratione cuius competit Deo posse producere omne illud, quod non repugnat: sed ut habeatur hæc cognitio, non requiritur, ut uideatur aliqua Creatura possibilis, saltem determinata, sed sufficit ut cognoscatur creatura possibilis ut sic, uel habeatur aliquis conceptus eius. *Ex hac verò* cognitione non sequitur cognitio possi-

bilitatis huius mysterij, aut aliarum rerum in particulari; sicuti neque sequitur ex eo, quod Beatus intueatur intellectum, aut uoluntatem Diuinam, cum uidere omnia possibilita intellecta à Deo, aut futura omnia à Deo volita, quæ tamen habent maiorem connexionem cum illis attributis; cum sint eorum termini actuales, quàm quodcunque possibile cum omnipotentia, quod est tantum terminus eius potentialis.

Tertium argumentum. Potest Angelus cognoscere ex suis naturalibus, hoc mysterium esse credibile: ergo, & quòd sit euidenter possibile; patet consequentia: quia quod est impossibile non est credibile. *Concesso antecedente, negatur consequentia*; nam bene stat, aliquid esse credibile, quod in se est impossibile, ut ex duobus contradictorijs, uerbi gratia: materia prima potest existere sine forma, & materia prima non potest existere sine forma; quilibet est credibilis & probabilis, & tamen altera necessario est falsa, & impossibilis. *Ratio huius est*: quia possibile est illud, quod ex terminis intrinsicis non repugnat fieri; Vnde possibilitas non ostenditur undequaque, & simpliciter, nisi penes euentiam non repugnantiam intrinsicè terminorum; credibile autem est, quod dicitur à fide dignis, licet alias sit res impossibilis. Vnde credibilitas non

ref-

relpicit euidentiā, aut non-
repugnantiam extremorum, sed
authoritatem dicentis; nascitur

enim, non ex terminis intrinse-
cis rei, sicut possibilitas, sed ex
aliquo extrinseco.

PROPOSITIO QVARTA.

*Damon à principio prædicationis Christi. non nouit
ipsum ut filium Dei.*

44 **P**rima pars est certa, si in
propositione intelliga-
mus de cognitione euidenti ha-
bita ex connexione extremorū,
fauet Sacra Scriptura: nam ad
Ephesios 3. n. 8 *inuestigabiles diui-
tias Christi, & Sacramentū abscon-
ditum à sæculis*, Apostolus my-
sterium Incarnationis uocat. Idē
repetit ad Colloss. 1. n. 26. & 1.
ad Cor. 2. n. 7. & Isaïa 45. n. 15.
dicitur *Deus absconditus* ob hoc
mysterium, teste sancto Hiero-
nymo ibidem, & Ambrosio in
2. cap. 2. ad Cor. Chrysostomus
etiam homilia de sancto Ioanne
Baptista ait, *hoc mysterium esset
omnibus Creaturis ignotum, nec
sciri sine reuelatione*. Scotus in
3. dist. 20. q. vnica in fine expli-
cans illud Apostoli primæ ad
Cor. 2. n. 8. *si cognouissent, nunquā
Dominum gloriæ crucifixissent, etc.*
de Dæmonibus explicat, quia
inquit: *si sciuisent, enim esse verū
Deum, non instigassent homines ad
eius mortem, & hoc propter bonū
secuturum ex morte, scilicet, Redē-
ptionem hominis, quod bonum no-
lebant accidere*. Huic expolitio-

ni fauet sanctus Hieronymus in
caput primum Danielis.

Ratio autem est ea, quam ha-
bet Scotus in 3. dist. 7. quæst. 1.
art. 2. ubi propositionem hanc,
Deus est homo, inquit, non pos-
se ostendi, nec cognosci natura-
liter, esse veram. Ratio, quia,
aut habetur conceptus proprius,
& determinatus de Verbo, &
tunc est vera, contingens, & im-
mediata, sed non nota ex termi-
nis; Probatur: quia nulla ne-
cessaria est connexio inter termi-
minos: alioquin oportuisset fuisse
veram ab æterno. *Aut* habemus
conceptum de Verbo con-
futum, & tunc est cōtingens me-
diata, nata cognosci in alia im-
mediata contingenti, ex illius
immediatæ contingentis termi-
ni concludunt necessariam cō-
nexionem; quare Damon non
potest euidenter ex terminis co-
gnoscere hanc veritatem.

45 *Adde*, quod nullum habetur
principium ex terminis notum,
aut etiam probatum euidenter,
vnde intellectus creatus possit
naturaliter cognoscere existen-
tiam

tiam huius mysterij euidentem : ergo non potest sic naturaliter cognosci ab vilo intellectu. Probatur antecedens ; quia , vel illud principium esset intrinsecū , vel extrinsecum . *Non primum* ; quia vel esset Verbum Diuinum , & hoc non : Cum mysteriū Trinitatis , aut alia persona ipsius secundū suam rationem particularem nequeat naturaliter cognosci : vel esset vnio naturæ humanæ ad Verbum , & hoc etiam non : quia nulla relatio potest cognosci , nisi cognoscatur eius terminus sub ratione , quæ eam terminat : sed vnio naturæ assumpta est ad naturā Verbi sub ratione propria , quæ nequit euidenter cognosci lumine naturali : ergo neque vnio ad ipsam .

Dices : relatio Creaturæ ad Deum cognoscitur , non cognoscendo Deum sub ratione propria : ergo etiam vnio naturæ cognosci potest , non cognita persona sub ratione propria . *Respondetur* distinguendo antecedens : relatio creaturæ ad Deum cognoscitur transcendentaliter tantū , & hoc modo cognoscitur ipse Deus ex creaturis , hoc est , vt earum primum principium , & causa , à qua essentialiter dependent . concedo antecedens ; alio modo , nego antecedens , & consequentiam : quia nec transcendentaliter , nec sub ratione propria potest persona Diuina demonstrari ex creaturis : ergo nec vnio naturæ ad

ipsam sub ratione propria . *Nec refert dicere* , relationem dependentiæ Creaturæ , quæ est ad Deū , sub ratione speciali cognosci : quia cognoscitur solum vt dependentia causati ad causam , primam ex parte fundamenti ; quatenus videtur transire de nō esse ad esse , & non virtute propria , vel à se , & consequenter per aliud , & sic progrediendo vsque ad vltimum , quod est à se .

46 *Quod nullum sit* principium extrinsecum , ex quo possit probari hoc mysterium ; probatur ita : quia omnis effectus ab eo dependens , est tantū moralis ; supernaturalis , & creditus , vt est Redemptio à peccatis , Prædestinatio , Gratia , Gloriam , & media ad hæc ordinata , vt Sacramenta , fides , reuelatio , collatio donorum , miracula , & similia : sed hæc non possunt deducere intellectum naturaliter in cognitionem euidentem huius mysterij . *Primo* , quia ipsa in se , vt talia media ad vitam æternam , sunt credita , & non naturaliter nota : ergo non possunt deducere naturaliter in cognitionem huius mysterij , quæ est causa eorum moralis secundū illud esse . *Secundo* , quia non habent necessariam connexionem cum hoc mysterio ; cum Deus possit ea omnia operari per personam creatam , natura nullo modo assumpta .

47 *Quæ hanc impugnant propositio-*

litio-

sitionem, sunt quæ sequuntur.
Primo; Angelus, & anima possunt, nisi impediuntur, cognoscere alia supernaturalia posita in esse, vt gratiam, miracula, &c. ergo supernaturalitas huius mysterij; posito saltem in esse, non impedit, quominus ab Angelo naturaliter cognosci valeat. *Respondetur* distinguendo antecedens; alia supernaturalia, quæ non dicunt ordinē ad Deū, aut ad aliquid ad intra sub speciali ratione, concedo; quæ dicunt: nego. *Ratio* prioris est; quia talia dicuntur solum supernaturalia ex parte Creaturæ, nõ però ex parte termini; & consequenter continentur sub obiecto motiuo naturali intellectus Angelici; vel etiam animæ separatæ, ex natura ipsius potentie; quia tale obiectum est omne ens creatum sine speciali illo ordine ad Deum. Vnde cum hoc mysterium sit supernaturale cum tali ordine, non poterit intelligi, nisi intelligatur iste ordo specialis, scilicet vnio, quæ est ad personam sub ratione propria. *Fauet* huic doctrinæ Scotus qu. 1. Prologi §. ad primum litt. D. vbi eadem ratione docet, hominem non posse cognosci naturaliter sub illa ratione, qua ordinatur ad Deum: Videatur quod. lib. 14. §. Ad ista. &c. lit. G. vbi tradit, quod ens limitatum ad se, & ens limitatum ad aliud limitatum, potest cognosci naturaliter ab Angelo; sed ens limi-

tatum ad aliud illimitatum, non potest naturaliter cognosci; quia nequit cognosci relatio, non cognito termino; & ita non potest cognosci naturaliter, animā esse imaginem Trinitatis.

48 *Dices*: obiectum primum, & adæquatum intellectus creati, ex natura potentie, est ens vt sic: sed quidquid continetur sub obiecto adæquato, potest à potentia cognosci; hoc autem mysterium continetur sub ente, vt sic: ergo potest naturaliter cognosci. Vt respondeamus.

Noto ex Scoto in 4. dist. 1. qu. 1. in obiecto intellectus triplicem rationem inueniri, scilicet, motiui, mensuratiui; & terminatiui; quā motiuum, physice concurret vt concausa, per se, vel per suam speciem ad producendam suam notitiam. Vt terminatiuum non causat: vt communior opinio docet; sed tantum terminat respectum attingentię, vel tendentię potentię in ipsum; hæ autem rationes differunt, vt patet, in intellectu Diuino, cuius motiuum est solum sua essentia; sed terminatiuum est etiam creatura. Præterea motiuum indicit relationem realem ad intellectum, in quem producit effectum; Terminatiuum tantum dicit respectum rationis, quia nihil in eo efficit. Est enim veluti mensura respectu intellectus rationis. Mensuratiuum in re à terminatiuo non differt.

49 *Nunc ad argumentum* respondet

deo distinguendo maiorē: obiectum adequatum naturaliter attingibile, nego: supernaturaliter; concedo. Distinguo similiter minorem, quidquid continetur, &c. sub obiecto naturali, transeat; supernaturali nego. *Hinc patet*, cur Angelus possit cognoscere, resurrectionem mortuorum esse possibilem, & accidens absolutum posse conservari sine subiecto; & tamen non possit cognoscere hoc mysterium; quia scilicet illa cadūt sub obiecto naturalis attingentia, quod ex Scoto, quodlib. 14. est ens finitum, & limitatum, absolutum, vel respectuum, cuius terminus non est Deus; hoc autem non.

- 50 *Dices.* Angelus, vel Dæmon euidenter cernebat, Christi Domini naturam humanam carere propria personalitate; ergo saltem post factum, hoc mysteriū videbat. *Vrgetur ratio.* Angelus cognoscit naturaliter personalitatem, quando inest; ergo & eius absentiam, quando abest, & consequenter cognouit, naturam esse unitam alteri personalitati; sed non personalitati humana; quia hanc intuitiue ipse videret: ergo Diuinæ. Probatur primum antecedens; quia talis personalitas est ens creatū. Probatur prima consequentia; quia qui cognoscit formā quando inest, potest cognoscere eius absentiam. Probatur secunda consequentia, quia cognouit

dependentiam essentialē naturæ ad aliquam personalitatem, tanquam ad terminum vltimum sui esse: ergo cognouit, illam debere necessario habere aliquam personalitatem.

- 51 *Duplex mihi occurrit modus,* soluendi hanc difficultatem. *Primus* est ad aures sententiarum dicentis, personalitatem consistere in duplici negatione, scilicet in negatione dependentiæ actualis, & aptitudinalis. Vnde in hac sententia negatur discursus, cum enim negatio non cognoscatur, nisi cognoscendo illud, quod negatur; & Angelus nequeat cognoscere personalitatem Diuinam, nec etiam ei erunt naturales vires sufficientes ad cognoscendam personalitatem creatam: quia hæc est negatio, non solum excludens unionem, & dependentiam ad omne suppositum creatum; sed omnem etiam dependentiam ad quamcumque personam extrinsecam, & consequenter ad personam Diuinam: alias natura assūpta haberet de facto personalitatem propriam, cum habeat negationem dependentiæ ad omnem personam creatam. Cum igitur natura non constituatur persona creata per negationem, prout excludit hanc, vel illam dependentiam determinatē in specie, vel in individuo; sed vt excludit dependentiam ad omnem personam, & Angelus non cognoscat illam

E sub

sub hac ratione, quia non cognoscit dependentiam ad personam Diuinam, non cognoscit etiam illam negationem, vt constituit personam; quia sic constituit, vt opponitur huic dependentiæ ad personam etiam Diuinam.

- 52 *In sententia* verò collocante, personalitatem in positiuo. *Respondetur*; supposito, quod cognouerit Dæmon naturam illā carere propria suppositualitate; atque adeo non fuerit impeditus; non inferitur: ergo potuit cognoscere, illam subsistere subsistentia Diuina; quia arguitur à cognitione negatiua ad posituum. *Aliud enim* est dicere; cognosco rem illam carere ali-

qua perfectione: ergo cognosco illam habere talem perfectionē; ad hoc enim, quod cognoscat Dæmon relationem naturæ ad Verbum, oportet, vt cognoscat vtrumque extremum intuitiue, vt diximus, quod Dæmon non potuit; vel si abstractiue cognoscit vtrumque extremum, non cognoscit tamen connexionem; cum nulla sit necessaria habitudo inter extrema, vt notat *Scotus in 3. dist. 7. qu. 1. art. 2. Potest etiam dici*, quod à tali cognitione fuerit impeditus; vel quod iudicauerit, illam naturam esse sine suppositualitate, cū nec propriam vidēret habere, nec alienam; & hoc non apparet impossibile.

Q V Æ S T I O T E R T I A.

Vtrum Mystrium Incarnationis fuerit conueniens.

- 53 **T**Amēsi maximū hoc opus, cū à Deo sit, conuenienter facium esse credere oporteat; tamen rationem huius conuenientiæ explicare, Theologicæ est inquisitionis. *Moneo* propterea ad conueniens alicui dici posse dupliciter, vel quod eius naturæ consentaneum sit, vel quod commodum dicat, & utile. Et priori quidem modo, fuisse Deo valde conueniens; hoc est optimè consonans cum Dei na-

tura, & perfectione, quamuis commodum nullum inde retulerit, docent communiter Theologi.

Sed hic animaduertere oportet; aliud esse communicare se actui; & aliud potentem, & propensū esse ad se communicandum; & primum quidem præsupponit summum bonum: secundum, verò est de ratione boni, & perfecti; & hoc est tatis, vt hæc communicatio sit conueniens sum-

nio

mo bono. *Hoc verò bonum* pof-
fe fe cōmunicare; adhuc tribus
modis intelligi potefl; vel fina-
liter; quomodo accepiffe (ui
fallor) *visus efl D. Thomas* 1. p.
qu. 5. art. 4. *ad fecundum*, quod fa-
cit, cum alia mouet, & attrahit
ad fe amandum: aut efficienter,
vt cum ſibi producit ſimile; mo-
dus quidē valdē perfectus, quia
qui tali pacto ſe communicat,
& alium perficit, nullum ſuz
perfectioni affert diminutionis
incommodum: vel tandem, quod dicunt *formaliter*, cūm

eamdem, quam habet bonita-
tem, alteri impertitur. Quod ſi
abſque ſui diminutione fieri cō-
tingat, etſi ſumma ſit commu-
nicatio, maximum tamen eſſe
perfectionis indicium, fateri opor-
tebit; ſi verò diminuatür aliquo
pacto bonum poſſidentis, adhi-
bere oportet meſuram, & mo-
dum. His ſtantibus. Noſtri ergo
muneris eſt oſtendere, huius-
modi Verbi Incarnationem eſſe
conuenientiſſimam. Haſ prop-
terea ſubijciamus propoſitio-
nes.

PROPOSITIO PRIMA.

*Congruum, & conueniens fuit, Deum hominem
fieri, atque incarnari.*

54 **A** Diuina bonitate, & ſū-
mi boni proprietate de-
ducitur prima Incarnationis cō-
uenientia; nām inſitum eſt bo-
no, non ſolūm, vt ſe communi-
cet, ſed etiam, vt omnibus mo-
dis poſſibilibus fiat communica-
tio. Hinc probamus, Deum,
qui eſt ſummē bonus, ſuam cō-
municaffe eſſe etiam ad intra, non
ſolūm per generationem, ſed
etiam per ſpirationem: quia hi
erant duo modi, quibus com-
municari ad intra Diuinitas po-
terat. *Ex eadem bonitate* probat
Philosophi, mundum eſſe à Deo
creandum, quamuis illius crea-
tio merē ſit libera, & non ſit

Deus neceſſariò agens: indecēs
namque erat, Diuinam bonita-
tem in infinita æternitatis dura-
tione nullo pacto ſe communi-
care, nullamquē producere
creaturam, quam ſui participē
faceret, dans illi eſſe participā-
tum. *Valet eadem ratio* non
ſolūm ad probandam Incarna-
tionem tanquam poſſibilem,
ſed etiam vt aliquando futu-
ram.

55 *Siquidem* quadruplex eſt mo-
dus quo ad extra communi-
care ſe poteſt Deus humanę crea-
turę. *Primus modus* eſt ſecun-
dūm naturale, quòd habemus
commune cum alijs creaturis;

E 2 & ita

& ita hæc communicatio non est soli homini peculiaris, & propria, quamvis fatendum sit, nostrum esse naturale, ob singularitatem eius dignitatem, tale esse, ut per illud Deus se communicet nobis modo quodam peculiari, qui designatur in ipsa hominis creatione tam corporis, quam animæ; nam reliqua solum verbo Dei sunt creata, homo autem singulari artificio. *Secundus modus* est per gratiam, qua communicat se Deus homini conferens illi esse diuinum, atque cæleste. *Tertius modus* est gloriæ, quam in cælis nobis pollicetur. *Restabat Quartus*, per unionem hypostaticam naturæ nostræ cū Diui-

na. Certum est, alijs tribus modis se Deum homini communicasse congruenter, & conuenientissimè; nullum ergo inconueniens erit, imò decet, congruitque, hoc etiam quarto modo nos participes fieri Diuinitatis; imò in hac quadruplici communicatione, Diuinum licet aduertere artificium: nam in eo relucet tam Diuina bonitas, quam modi communicandi dignitas; siquidem per esse naturæ, quod est omnium minimum, communicat se Deus singulis hominibus; per gratiam paucis; per gloriam paucioribus; per unionem hypostaticam vni soli homini, videlicet Christo.

PROPOSITIO SECVNDA,

Solum Dei filium incarnari ex tribus Triadis Personis congruum fuit.

56 **D**E possibilitate incarnationis aliarum personarum, sequenti disputatione agemus. Nostram probemus propositionem ex his, quæ sunt filio Dei propria. Nam in primis est *filius Dei*, deinde est *Verbum*, & *sapientia Patris*; est insuper *Mediatrix in Diuinis Personis*, quæ omnia viam parant ad illius incarnationem. Filij sumus Dei per creationem; sed labefactatum erat huiusmodi priuilegium ex primi parentis peccato; imò hæc

filiatio, dispositio tantum erat ad filiationem adoptionis, quæ confertur nobis adoptio cælestis: quæ melius, & congruentius fieri non poterat, quam per incarnationem illius personæ diuinæ, quæ est natura filij Dei, ut adoptiui essemus filij Dei per eum, qui naturalis est eiusdem filius: hinc Ioan. 1. nu. 12. *Dedit eis potestatem filios Dei fieri his, qui credunt in nomine eius*. Iste filius est Verbum Patris, per quod, tanquam per exemplarem, & idealem

idealem causam, creata sunt omnia, hinc psalmus 32. num. 6. *Verbo Domini Celi firmati sunt, & spiritu oris eius omnis virtus eorū.* Hoc eodem Verbo reparari debuit homo, & sicut verbo magistri sui eruditur discipulus, ita homo erudiendus erat Verbo Diuino in assumpto homine. Hoc Verbum dicitur sapientia Patris, qua nos reparari debebat: vt ab illa insipientia liberemur, qua delusa, & decepta fuit Eva.

57 *Est haec sapientia* inter Patrē, & Spiritum Sanctum media persona, cui competit praeceptū incarnationis: quia per eam Deus incarnatus, scilicet, vt melius loquar, homo ille diuinitati cōiunctus, debuerat esse Dei, hominumque Mediator: ait enim Apostolus *p ad Timot. 2. n. 5. mediator Dei & hominum. homo Christus Iesus* mediator autem appositissimē est, qui medius est. *His adde*, filium Dei in sacra pagina appellari *Imaginem Dei*, quē videtur quasi necessariō requisita, vt imago Dei in nobis detur pura, pristinūque suum recuperaret splendorem. Adde si alia persona, quā secunda incarnata fuisset, duos agnosceremus in Trinitate filios, vnde non solum nasceretur confusio, quā distinctionem filiorum obscuram nobis redderet, sed etiam oriretur inaequalitas: nām nobilioris parentis nobilior proles, atque filiatio; at secunda in diuinis persona ob si-

liationem diuinam, esset superior altera persona, quā humanam tantum haberet filiationē; ergo &c.

58 *Has nostras propositiones* commune argumentum impugnat: estque tale. Non est magis conueniens naturae humanae assumptio, quā Angelicae naturae, Angelicae assumptio conueniens minimē fuit; aliās Deus eā assumpsisset: ergo &c. *Confirmatur primō* quia natura Angelica lapsa est, sicut & humana. *Secundō* quia est nobilior, & consequenter illius reparatio foret conuenientior; quia melior.

Negata paritate; quae subsequuntur, assignantur disparitates. *Prima*, quod natura Angelica minimē tota ceciderit, sicut tota cecidit natura humana; hinc, ne tota natura humana in aeternum periret, maximē decens erat, hominem reparari. *Nobis Scotistis*, qui ponimus, Angelos in eadem multiplicari specie, & consequenter dicere possumus, nullam speciem Angelicam integrē cecidisse, bona est disparitas, *Thomistis* verō, qui cum *D. Thoma* in 3. d. 1. q. 1. in solutione tertij articuli ea vtuntur ratione, nescio, si profit: cum ad aures eorū Angelus quilibet alterius sit speciei ab alio, & consequenter tot sint species, quot indiuidua, & ex his quolibet est nobilior specie humana secundum se. Videtur igitur magis inconueniens non reparari tot species nobiliores, quam

quàm vnā speciem infimā, cuiusmodi est tota species humana. Videant ergo Thomistæ quid illis melius sit.

- 59 Alteram disparitatem damus in hoc, quod homo, qui alterius tentatione, scilicet diaboli, cecidit, debuit reparari; Angeli vero, cum propria voluntate ceciderint, minimè debita fuit reparatio. Vndè *Anselmus lib. 1. Cur Deus Homo c. 21. Sicut Angeli ceciderunt, nullo alio nocente, ita, nullo alio adiuuante, surgere debent. Presentem hanc nostram dispa-*

ritatem ita impugnabis: Lucifer peccando tentauit alios, imò & ipsum Michaelē, contra quem pugnavit secundum id Apoc. 12. num. 7. *factum est Prælium magnū in Cælo, &c. Concedimus*, lapsum Luciferi cæteris Angelis tentationē intulisse, negamus tamen, illam adeò efficacem fuisse, quin maior fuerit hominum tentatio. Adde, quod Angeli erant fortiores, & nobilioris naturæ ad resistendum, quàm homo, qui est naturæ fragilioris.

PROPOSITIO TERTIA.

Incarnationis mysterium non fuit simpliciter necessarium.

- 60 **I**mpugnat hanc nostrā propositionem *Raymundus Lullius teste Vasquesio disp. 1. de Incarnatione num. 10.* Nostram tamen propositionē propugnant cuncti Theol. Probaturq; ita: nullius creaturæ productio fuit simpliciter necessaria: ergo nec incarnatio. Consequentia probatur: quod dependentiam habet ab aliquo simpliciter non necessario, simpliciter necessarium minimè dixeris; sed incarnatio dependet à productione alicuius creaturæ: ergo si nulla talis est simpliciter necessaria, id affirmandum de incarnatione. *Sit altera ratio.* Deus ex scriptura, &

Patribus liberrimè produxit quācunque creaturam: omnia quæcumque voluit fecit; sinè fundamento ergo diceretur, creaturam aliquā esse necessariò productā. Adde, quod nullius creaturæ bonitas transcendit conceptum bonitatis finitæ, & limitatæ: ergo nulla ratio est, ex qua inferatur, Deum necessitari ad alicuius creaturæ productionem.

- 61 *Dices primò:* Deus necessariò se amat, propter infinitam suam bonitatem: ergo necessariò vult suam perfectionem, & consequenter quidquid ad hanc perfectionem conducit: sed mysterium incarnationis ad hanc perfectionem

fectionem conducit: ergo Deus debuit illud necessario velle. *Cōfirmatur.* Si Theophilus efficaciter, & perfecte amaret Ludouicum, vel se ipsum, deberet necessario velle bonum sui ipsius, vel Ludouici (effectus enim potissimus amoris, est velle bonum rei amata) & si sciret, & posset illud consequi, veller sine dubio quidquid sibi, & Ludouico utilius, & melius esset; sed Deo clara, & aperta sunt cuncta, quæ utiliora sunt, & ad suum proprium bonum plus faciunt; & summa cum facilitate, ea sibi dare potest: ergo si summo se prosequitur amore, ut certum est, bene infertur, velle sibi maiora, quæ assequi potest.

- 62 *Respondemus* ad argum. præmissa distinctione antecedenti: amat se necessario, ut obiectum infinite bonitatis voluntati ipsius propositum; damus antecedens; ut finem, negamus antecedens: quia bonitas Dei non habet rationem finis propriè loquendo, nisi in ordine ad extra, quatenus scilicet creaturæ ordinantur ad ipsum; hinc, cum liberum sit Deo creaturas ordinare, vel non, liberum erit ipsi se amare, ut finem creaturarum. *Nostre intentionis* non est asserere, in manu Dei esse ordinare creaturas ad se, ex suppositione, quod sint; hoc enim repugnare putamus. Dicimus ergo, hanc bonitatem infinitam manere liberam, & cum summa indifferentia ad dandum ipsis esse.

Ratio huius est; quia ex esse ipsarum nullam, intrinsecam sibi accipit Diuina bonitas perfectionem; cum in se sit infinitæ perfectionis, & per consequens sufficiens ad terminandum amorem perfectissimum absque eo, quod sit ad aliquid aliud propter ipsum. *Hinc distingo* primum, & secundum consequens: necessario vult suam perfectionem intrinsecam, & quidquid ad eam conducit; concedo; Perfectionem extrinsecam, quam solam à creaturis habere potest; nego utramque consequentiam: quia finem hac esset infinitæ perfectionis.

- 63 *Replicabis* si Deus vellet illa, quæ non sunt optima, ipsius amor esset imperfectus; hoc non est dicendum: ergo, &c. Maior probatur: amor Dei accipit suam perfectionem ex bonis sibi volitis: ergo si hæc non sint optima, hoc idem de suo amore. *Negata sequela maioris*, & antecedentis probatione, dicimus, amorem Dei minimè suam accipere perfectionem ex obiectis secundario volitis; sed potius ex affectu erga bonitatem suam, propter quam vult cætera obiecta. Igitur quoad affectum erga bona intrinseca, Deus infinite perfectissimoque modo se amat, & quidquid vult ex summo sui amore vult. Quoad extrinseca verò bona non semper summo se prosequitur amore: quippe non vult sibi optima: cum semper sibi velle posset maiora.

64 *Ad confirmationē n. 61. Respōdetur*, hominē perfectē alterū, vel se ipsum se amantem quoad bona intrinseca, nō debere semper quoad bona extrinseca velle sibi, vel illi alteri quod melius est. Hinc iustus ardentissimē amans Deū aliquādo offert illi minima bona, cum alius iustus ex charitate maiori erga Deū, offert illi aliquod maius; amor prioris est maior quoad bona intrinseca; posterioris verō quoad bona extrinseca. Sic etiā Peccatores ardentissimē, & intemperatissimē se amantes (de quibus 2. ad Timot. 3. n. 2. dicitur: *quod sint homines se ipsos amantes, cupidi, elati, superbi, &c.*) non volunt sibi meliora bona, & maiora; sed inferiora, & caduca. Iusti verō, qui dicuntur odio habere animam suam, nolunt sibi meliora, & superiora bona. Priores quoad affectum magis se diligunt; Posteriores verō quoad effectum. *Nota tamen hic*, quod si homo plura, & meliora potēs facere in obsequium Dei, {convinceretur minūs perfectē, diligere Deum, quando ea non faceret; hoc ideo esset: quia non faceret ea, quæ se it Deo magis placere; & inde concluderetur, illum minimē velle cum Divina voluntate strictissimē vniri. *Ratio ista* locum non habet apud Deum: hic quippē semper facit ea, quæ sibi magis placent; Unde ex amore perfectissimo sui nō inclinatur ad volendum melius

obiectum, vt concordet cum sua voluntate; cum quidquid velit, non possit vnquā non summē concordare cum ipsa.

65 *Sit aliud argumentum*. Divina voluntas rectissima semper est: ergo semper conformis Divino intellectui; quippē perfectissima voluntas intellectui perfectissimo debet se conformare: sed Divinus intellectus dicat, melius esse itā Deum se diligere, vt nil pratermittat, quod cederet in eius maiorem gloriam; ergo Divina voluntas illud necessariō debet velle.

Distinguiamus primum consequens. Conformatur Divino intellectui ita; vt nihil velit, nisi quod proponitur ipsi vt obiectū honestum ab intellectu; concedo; vt nil velit, nisi quod iudicatur ab intellectu esse melius in se ex natura ipsius, non tamē Deo, nego consequentiam. *Distinguo* etiam subsumptum: dicat nil pratermittendum, quod cederet in maiorem gloriam Dei simpliciter, & ex natura ipsorū obiectōrū, nego; in maiorem gloriam, quæ magis Deo placeat, & quam in his, & illis circumstantijs sibi vult, concedo subsumptum. Licet igitur Divinus intellectus iudicet hoc, vel illud obiectum esse melius in se; non tamen iudicat, melius esse producere, vel amare hoc obiectum, quā illud: quia actus, quibus Deus amat omnia obiecta, æquales sunt in sua perfectione.

ctione: quippè vt supra notauimus, tuam accipiunt perfectiorem, non ab obiectis volitis, sed potius ab affectu ergà obiectum primum, propter quod alia sunt volita.

66 *Aliud argumentum.* Deus est sapientissimus artifex: ergò ipsum decet non solum facere meliora in actu primo, sed in exercitio. *Neganda consequentia* pro parte secunda; aliàs non haberet terminum, cum semper valeat meliora, & excellentiora operari. Ergò Deum artificem sapientissimum dicimus non ex eo, quod ab ipso facta, omnium possibilium sint optima; sed ex eo, quod à Deo operata, sine defectu sunt operata; iuxta id Gen. 1. n. 31. *Vidit Deus cuncta, quæ fecerat, & erant valdè bona.*

Subsequens argumentum fundatur in dictis sanctorum Patrum. Clemens Alexandrinus lib. 6. Stromatum: *prout erat capax, inquit, vniuscuiusque Natura, factum est, et fit vnumquodq; ad ipsū, quod est melius.* Basiliius hom. 9. *Vnum quidem hoc habere in mentibus nostris præsumptum, oportet, quòd nil eorum, quæ nobis accidunt, malum sit, aut tale, vt melius illo aliquid excogitare queamus.* Augustinus lib. de quantitate Animæ, cap. 33. *tomo 1. Iustitia summi Dei factum est, vt non modo sint omnia; sed etiã sic sint, vt omninò melius esse non possent.* Et lib. 3. de lib. arbitrio cap. 5. *quidquid tibi vera ratione melius occurrerit, hoc scias*

fecisse Deum, tanquàm bonorum omnium conditorem. Concilium Francfordiense in epistola ad Episcopos Hispania tom. 3. *Conciliorum: credamus, Deum omnia velle, quæ meliora sunt.* Ex his, & multis alijs sanctorum Patrum dictis concludi videtur; Deum semper velle, & facere id, quod optimum est.

67 *Breviter tamen nos ad hæc, & similia satisfacere credimus; notando, sanctos Patres non in ea fuisse sententia, Deum (simpliciter loquendo) non potuisse, producere alios mundos perfectiores, tam accidentaliter, quàm substantialiter, quàm sit præses mundus, & plures alias creaturas meliores his (ad minus aliquibus) quas de facto produxit. Sanctorum ergò Patrum, est sensus, solum velle Deum, de facto, optimaqueque voluisse in ordine ad finem à se intentum cum omnibus suis circumstantijs, & spectata connaturali indigentia; & exigentia, non tantum cuiuslibet creature in particulari, sed etiã totius vniuersi conflatu ex ordine tam naturali, quàm supernaturali, prout defacto existit. Licet enim, Deus potuisset producere alium mundum meliorem, & excellentioribus partibus constantem; aliæ tamen creature excellentiores, & nobiliores non congrueret fortassis ad proportionem, decorem, varietatem, pulchritudinem, & ordinatissimam*

connexionē partium huius vniuersitatis, in qua omnes partes secundum suos gradus optimē diuiduntur, & miro ordine, ac varietate constituuntur ita, vt nil vltra desiderandum videatur. *Hoc in sensu* admittimus; Deum non potuisse quidquam melius facere, quā fecit: ad

finem enim à se intentum; perfectissima proculdubio media applicauit. In hoc etiā sensu à Patribus redarguuntur volentes arguere tanquam defectuosam operationem Dei in rebus naturalibus: Patres in sensu à nobis adductos, locutos esse, docebunt, quæ subsequuntur.

PROPOSITIO QVARTA.

Incarnatio non fuit necessaria ex suppositione peccati primi parentis.

68 **F**Vndatur nostra hæc propositio in eo principio, quod scilicet minimē necessariū fuerit, hominem à peccato liberari; ergo supposito peccato, non fuit necessaria Incarnatio. Consequentia patet; quippè Incarnationis necessitas fundari deberet in necessitate liberationis. *Sit aliud argumentum.* Non dedecet Deum facere, quod est secundum Iustitiam; sed secundum iustitiam homo pro primū peccatum fuit debitor pænæ, & damnationis æternæ: ergo Deus hanc potuit exequi. *Adde*, quod ex scriptura, & Patribus Deus ex liberalitate, benignitate, amore, & misericordia hominē à peccato liberauit. *Deinde*, nō magis tenebatur Deus homini lapso, quā Angelis, qui peccarunt; ergo quia ratione Deus remedium non dedit ad Ange-

lorum redemptionem; tali poterat non consulere hominum salutem. *Pugnat* pro nobis sacra Scriptura ex D. Paulo ad Rom. 8. vbi comparatur genus humanum limo, & Deus artificem, vt ostendatur Diuina potestas ad relinquendum genus humanū, vel reparandum,

69 *Nostram hanc propositionem acriter impugnat sanctus Anselmus lib. 1. cur Deus homo cap. 4. & 25. & lib. 2. cap. 12.* contendens, quod ex suppositione peccati, hominem redimi, fuerit necessarium: quippè homo ad gloriam creatus, non debebat Dæmonis fraude perire: hoc enim indignum esset Deo, & indecens; Altera ex parte non potuit Deus peccatum sine debita relinquere pænā; nec potuit peccatum compensari condignē, nisi per mysterium Incarnationis, & Passio-

sionis Christi: ergò de primo ad vltimum stante peccato, necessaria fuit Incarnatio.

Occurrimus dicendo, quòd quamquàm ex adductis locis colligant nonnulli Incarnationis necessitatem; tamen nos, Diui Augustini inhærentes sententiæ oppositū reddimus probabilius. vt n. 7. patebit *Adde*: Patrē Anselmū intelligi posse de congruentiæ necessitate ad melius esse, & ad perfectiorem modum Redemptionis, vel de necessitate immutabilitatis, quæ supponit Decretum de incarnando Verbo. Non ergo Anselmum intelligimus de necessitate simpliciter. *Nota*, eundem Anselmum super illa verba ad Rom. 5. n. 8. commendat autem Deus charitatem suam in nobis; exhibere fundamentum explicandi modo à nobis notato. Etenim ibi constanter dicit: Deum alijs multis modis nos liberare potuisse; hunc tamen elegisse: vt suam Charitatem commendaret. Idem Anselmus lib. 2. cur Deus homo cap. 16. dicit, hanc necessitatem esse immutabilitatis, & honestatis in Deo: & licet cap. 17. eam æquiparet cum necessitate, quam habet Deus nō mentiendi, quæ videtur necessitas simpliciter; debet tamen intelligi, vt significat non implere promissum: vnde solum vult, Deum ex suppositione sui Decreti de hoc mylterio, & reparatione hominis, per illud non

potuisse aliter facere.

70 *Dices*: Deum, & naturam nil frustra facere; sed frustra fieret creatura rationalis, nisi posset summum bonū propter se amare, & ei per cognitionem, & amorem propter se adhibere; hoc autem non posset post lapsum, nisi repararetur: ergò debet necessario sic reparari: at reparari non potest, nisi per mylterium Incarnationis: ergò tale mylterium fuit necessarium.

Respondetur primò, non videri vllam implicantiam, quòd fieret creatura rationalis, & non ad fruendum Deo fruitione, saltem Beatifica, quam intendit argumentum; cur enim non posset fieri (si Deus vellet) ad seruendum, & amandum Deum, amore tantum naturali, & non ordinari nec ad aliam gloriam, nec ad penam? *Respondetur secundò*, supposita etiā ordinatione eius ad gloriam, quòd nō frustra fieret, etiā si nunquam restauraretur post lapsum: quia ista ordinatio poterat fieri cum conditione, si perseveraret in gratia accepta; quod si non perseveraret, Deus postea exerceret suam iustitiam puniendo ipsum propter transgressionem diuini præcepti; & sic non frustra fieret; sicut nec frustra facti sunt Angeli mali, aut homines damnati, quibus nunquam patebit additus ad æternam salutem.

PROPOSITIO QUINTA.

Non fuit Deo necessarium incarnari, etiã supposito decreto de reparando homine.

71 **P**Vgnant pro veritate istius propositionis multi Doctores cum Sco. in 3. d. 29. Probatur primò ex sanctis Patribus clarè docentibus, Deum, etiã supposito peccato, potuisse sine incarnatione hominem liberare. Athanasius ser. tertio contra Arianos. Eusebius Emittenus hom. 6. de Paschate. Leo sermone 2. de Nativitate Domini, & sermone 12. de passione. Gregorius lib. 17. Moralium cap. 18. & lib. 24. cap. 2. Augustinus lib. de agone Christiano cap. 11. ubi dicit, stultos esse, qui putant, non potuisse sapientiam Dei hominem liberare, nisi carnem assumendo, & lib. 13. de Trinitate cap. 10. ubi dicit; *Parvum est, ut istum modum, quo nos per mediatorem Dei, & hominũ Christum Iesum, Deus liberare dignatur, asseramus bonæ & diuinæ congruam dignitati; verũ etiam, ut ostendamus, non alium modum possibilem Deo defuisse, cuius potestati cuncta equaliter subiacent.* Ex quibus verbis colligitur, æquè fuisse in potestate Dei salvare genus humanum, si voluisset, aliter, ac per mysterium Incarnationis.

72 *Accedat ratio. Deus potuit pec-*

catum gratis dimittere, & liberaliter infundere iusticiam, sicut primò creavit hominem in iustitia; in hoc enim nulla apparet contradictio; ergò incarnatio non fuit simpliciter necessaria, ad remissionem peccati. Deinde potuit creare purum hominem cum plenitudine gratiæ, & constituit e ipsum, caput generis humani cum potestate merendi omnibus alijs, acceptando opera eius in Redemptionem, & satisfactionem peccati ita, ut iusticia ipsius transiret ad reliquos omnes, sicut peccatum Adæ, ex eo, quod fuerit constitutus caput generis humani, transiit ad posteror omnes.

Dices. Supposito diuino decreto de homine redimendo, debet Deus velle illud medium, quod melius est, sed tate est hoc mysterium: ergò necessariò debuit velle hoc mysterium. Maior inde patet, quia aliàs operaretur imperfectè moraliter, sicut homo imperfectè procederet moraliter, qui ex duobus obiectis moraliter inæqualibus, eligeret imperfectius, relicto perfectiori.

73 *Et solvamus, nota; Imperfectio;*

ationem moralem, quæ dicitur esse in electione imperfectioris obiecti moraliter; minimè obligare naturam rationalem ad eligendum perfectius: nulla quippè est culpa relinquere tale obiectum perfectum. Dicitur ergò imperfectio moralis ex eo, quod sit carentia maioris perfectionis moralis, quæ esset, si potentia eliceret actum circa obiectum moraliter melius. Unde, & si homo non peccet eligendo obiectum de se minus honestum; est tamen imperfectus, scilicet carens maiori perfectione intrinseca, quã haberet exercendo alium actum circa obiectum honestius; & idè dicitur ad hoc teneri lege perfectionis: quia aliàs incurreret istum defectum moralem, qui consistit in carentia maioris perfectionis; at Deus nec hac quidem lege tenetur eligere obiectum perfectius: quia eligendo oppositum, nulla carebit perfectione intrinseca morali: cum perfectio moralis actuum internorù Dei minimè augmentum recipiat ex maiori perfectione obiecti voliti; & consequenter actus, quo vult obiectum melius, & honestius, nequãquàm sit melior, & perfectior moraliter alio actu, quo vult obiectum minus perfectum, sed vterque est æquale honestate ornatus: quia infinitè perfectus moraliter, ex eo, quod identificetur cum infinita honestate Dei, in cuius per se conceptu

minimè includitur necessitas, quod melius est, semper amplectendum, sed potius excluditur: etenim hoc destrueret conceptum eius, ad quem pertinet necessitiò laudabilitas operationis, sicut ad inhonestatem spectat vituperabilitas.

Ad laudabilitatem verò perfectam necessaria est libertas, quæ non esset, si ex duobus obiectis honestis, Deus necessitiò eligeret honestius; infinita ergò honestas Dei (ratione cuius omnes actus eius circa creaturas sunt infinitæ perfectionis intensiue, ac proinde æquè perfecti, imò vnus æquè perfectus intensiue, ac omnes, quia nulla perfectione caret; cum posulet sibi identificari volitiones honestas Dei circa omnes materias morales, licet à qualibet alia secundum se consideratus præscindat,) inducit tantum necessitatem non eligendi obiectum inhonestum, nec etiã indifferens, nisi ex honesto siue, & habendi complacentiam circa omnem honestatem, & operandi in omni materia, eam volendo, vel nolendo ex fine honesto, & ad Dei gloriam, & hoc perfectissimo modo. Istæ necessitas radices habet in Dei sanctitate, quæ necessitatur Deus non eligere obiectum; nisi honestum, &c.

74 *Hoc flante documento*, occurrimus argumento, negando maiorem, & illius probationem. Disparitatè iam tetigimus: quia ho-

homo relinquendo obiectum perfectius, careret aliqua perfectione intrinseca, cuius foret capax; Deus verò non ita; quia illa, quam tunc haberet, ob identitatem cum infinita honestate Dei, ceteras omnes virtualiter contineret. Ita videtur nos docere *Vgo de sancto Victore in summa sententiarum tractatu primo cap. 14. tom. 3.* dicens. *Nihil ipse ex debito, sed sola bonitate facit: Homines ex debito faciunt; quia meliores inde fiunt, vel deteriores, si non faciunt.*

Partem illam à nobis assertam n. 72. peccatum scilicet, posse gratis dimitti, ita impugnabis. Ille, cui sic peccatum condonaretur, non redderet Deo, quod illi deberet; sed iniustus est omnis homo non reddens Deo quod debet, qua etiam ratione iniustus diceretur, qui homini, quod deberet, minimè redderet. Teste D. Anselmo cap. 24. & 25. lib. 1. cur Deus homo; sed nullus iniustus accessum habet ad æternam felicitatem: ergò nullus peccator potest saluari, nisi quod debet Deo, reddat. Distinguitur minor cum sua probatione;

iniustus est, qui non reddit, si ipsi non dimittatur; concedo; si dimittatur, nego. Et per hoc patet ad subsumptum, eiusque consequentiam.

- 75 *Obiectiones, quibus dicitur; nullam creaturam posse satisfacere de condigno ob improprietatem Personæ offendentis, & satisfaciētis in dignitate ad personam offensam, erunt solutæ in disputatione de satisfactione Christi. Moneo tandem Lectorem, quòd, etsi verum esset, nullam creaturam posse eo pacto satisfacere Deo; non tamen inde liceret aliquid contra nostram propositionem concludere: quia Deus posset acceptare minorem satisfactionem ea, quæ esset condigna. Tandem, si talè satisfactionem acceptare non posset: aut gratis peccatum dimitteret, aut relinqueret naturam æternaliter in suo peccato; & ita adhuc Incarnatio non esset necessaria: Valeret quippè, Angelicam assumere naturam, & in ea tam benè satisfacere, ac in natura humana: Quæ enim in hoc contradictio?*

DISPUTATIO SECVNDA.

De Possibilitate Incarnationis secundum alios modos.

Explicato iam in superiori disputatione Incarnationis Dominicæ mysterio quantum ad possibilitatem, & congruentiam secundum eum modum, qui Deo placuit, & hoc mysterium compleuit; nunc quia mens nostra multa posse fieri à Deo, quæ fa-

cta non sunt, ingenuè fatetur; ut illius appetitus in perfecta cognitione satietur; inuelligandi sunt: quinam sint alij modi possibiles, vel impossibiles vnionis naturæ nostræ cum Diuina? Satisfacient, quæ subsequuntur, propositiones.

PROPOSITIO PRIMA.

Potuit essentia Diuina, quæ in tribus personis est, ad se assumere naturam nostram, atque adeò incarnari, itaut natura Diuina esset terminus dependentiæ naturæ humane.

Supponit propositio nostra ex Sco: quodlib. 1. §. de primo, in Diuinis vnā primam, dari entitatem actū existentem, & absolutam. Dicimus illam primam, & veluti radicem omnium, quæ sunt in Deo; ne cogamur ad processum in infinitū. Eandem vocamus actū existentem: cum à prima illa entitate pullulent omnia, quæ in Deo. Accipe istam breuem rationem. In Deo est vna æternitas absoluta, & essentialis iuxta illud

Athanasij in symbolo: Non tres æterni, sed vnus æternus: ergo est vna essentialis existentia. Patet: nam æternitas est duratio, & duratio, vel est omnino idem cum existentia, vel necessariò supponit existentiam, tanquam proprietatē, vel modum eius intrinsecum. Illam entitatem dicebamus itidem absolutam; quia, ut bene Augustinus 7. de Trinitate cap. 4. omnis essentia, quæ relata dicitur, est aliquid excepto relatio; hinc idem Augustinus in prim-

principio tertij capitis concludit: si non est aliquid ad se (intellige absolute) non est, quod relatiue dicatur.

Supponit etiam: naturam diuinam a proprietatibus relatiuis præscindentem, propriam, absolute substantiam habere. Ita docet Scotus pluribus in locis. Videatur in primo d. 5. q. 2. ubi subsequenter habet verba: in diuinis incipiendo à primo signo nature, omnino primò occurrit essentia diuina, ut est per se, & de se, quod non competit alicui nature create, quia nulla natura creata habet esse prius naturaliter, quam in supposito. Ista autem essentia secundum Augustinum 7. de Trinitate est, quia Pater est, & quia filius est, licet non sit, quia Pater est Pater, & quia Filius est Filius: istigitur essentie abstractiue considerate, ut pr. ori omnibus personis, conuenit esse per se. Et in isto priori occurrit, non est aliquid receptiuum alicuius perfectionis, sed ut infinita perfectio potens in secundo signo nature communicari alicui non, ut forma informans materiam, sed, ut quidditas communicatur supposito, tanquam formaliter existenti per eam. Hæc enim Scotus: Ex hac Scoti doctrina habes naturam diuinam in hoc distingui à creata substantia in tota latitudine illius, quod cum esse creatum minime sit limitatum simpliciter in ratione essendi, non dicitur formaliter completionem esse, quæ simpliciter necessaria est, ut totale, &

integrum ens dici possit. Hanc doctrinam tradit Scotus illis verbis: occurrit essentia diuina, ut est esse per se, & de se, quod non competit alicui nature create: quia nulla natura creata habet esse prius naturaliter, quam in supposito.

3 Stante hoc documento. Naturam Diuinam præscindentem à proprietatibus relatiuis habere, propriam substantiam, docebit hoc argumentum. Natura Diuina, præscindens ab omnibus proprietatibus relatiuis, est simpliciter illimitata in ratione essendi: ergo pro tunc apprehenditur, ut ens integrum, & completum in ratione essendi, ac per consequens, ut habeas propriam substantiam (nam per subsistere tantum intelligimus, rem ita esse completam, ut non indigeat aliquo, à quo subsisteretur, tanquam à supposito). Antecedens patet: etenim esse simpliciter illimitato contradicit conceptus non integri, & incompleti.

Accipe hoc aliud argumentum. Substantia, de qua in præsentia agimus, est perfectio simpliciter: cum in quolibet habente illam, melior sit ipsa, quam non ipsa, scilicet, quam suum impossibile: ergo tribuenda Deitati pro illo signo. Consequentia probatur ex doctrina illa deducta ex Sco. supra: & in isto priori occurrit, non est aliquid receptiuum alicuius perfectionis, sed ut infinita perfectio. Hæc Scotus, &c. ergo si essentia nullam perfectionem accipit

accipit à proprietatibus relatiuis, sine sufficienti fundamento negabitur essentia propria subsistentia absoluta. Hanc concedit *Scotus in 3. d. 1. q. 2. §. si verò intelligatur secundo modo.*

4 *Subsistentiam absolutam* diuinæ essentia aliquo modo ab existentia absoluta eiusdem diuinæ essentia distingui, præsens probat argumentum: existentia est præcisè actualitas rei: dans illi rei esse oppositum puræ possibilitatis; subsistentia supra actualitatem rei addit independentiam ab alio, tanquam à sustentante: ergo subsistentia absoluta, aliquo pacto distinguitur ab existentia Dei in se. *Mibi etiam* probabilior redditur opinio asserens, subsistentiam Dei absolutam minimè locum habere inter prædicata dicta de Deo in primo modo dicendi per se. Moueor ad hoc; quia ex supra notatis subsistentia absoluta non reciprocatur cum existentia absoluta; consequenter erit vel attributum, vel modus, vel proprietas eius: ergo non de conceptu essentiali Dei: cum iuxta nostra principia attributa, proprietates, vel modi intrinseci non spectent ad lineam quidditativorum Dei.

Utrum subsistentia absoluta sit attributum Dei? sumus pro parte negativa, loquendo de attributo propriè sumpto: nam ad aures *Scoti in 1. d. 6. q. unica §. ad argumenta principalia, &c. ver-*

siculo ad ista. Illa dicuntur attributa propriè, quorum beneficio perficiuntur res in secundo esse, ad instar qualitatis, sed subsistentia absoluta non perficit naturam Diuinam, quasi qualitas eius, quemadmodum intellectus, & voluntas; ergo rectè cum ratione dicimus, subsistentiam absolutam minimè esse Deitatis attributum proprium. *Quid ergo* ista subsistentia absoluta? Respondeo esse attributum impropriè, propriè verò modum intrinsecum, sicut, & infinitas.

5 *Curiosè petes:* subsistentia ista absoluta transcendit nè formalitatem quancunque absolutam Deitatis ita, ut præter subsistentiam absolutam Deitatis, tot sint subsistentia absolute, quot proprietates & attributa absoluta in Deo? *Noster Pater Theodorus Smilingh* pugnat pro parte affirmatiua; nos pro negatiua. *Sit tale argumentum.* Si sententia Patris Smilingh foret vera: inde maximè quod tot sint subsistentia relationis, quot relatiue proprietates, & quod subsistentia relatiua est modus proprietatis relationis, verbi gratia Paternitatis; sed hoc est falsum, ergo &c. Minor probatur: subsistentia paternitatis non est modus talis relationis, quinimò est ipsissima formalitas paternitatis, quæ se tota differt à paternitate creata, ac proinde non mirum, quod illa formalissimè sit subsistentia, & personalitas, quantumvis intellectus non

ter cū sūdamēto in re distinguat in paternitate diuina rationē paternitatis, & rationē subsistentiæ.

- 6 *Confirmatur*: nām hæc paternitas, in quantum talis, constituit personam Patris: ergo formalissimè est suppositalitas, & personalitas, ac proinde subsistentia. *Dices*: existentia non potest non esse subsistentia: sed attributum gaudet formali existentia: ergo & propria subsistentia. *Maior est vera* in sensu identico, & non in sensu formali, nequè ad quamcunque existentiam, quæ est in Deo, sequitur specialis subsistentia; soli ergo lateri existentie absolute totali indubitanter adhæret. *Hinc colligere licet* ad attributorum multipliciter sequi existentiarum multipliciter absque plurificatione absolute subsistentie.

- 7 *Audiantur rationes pro nostra principali propositione*: essentia Diuina, ut distinguitur, & antecedit relationes, est substantia completa per se existens, non indigens extrinseco complemento, non minus quam quæcunque natura creata in se subsistens: ergo à subsistentia diuina poterit natura humana reddi completa. *Vergetur ratio*: essentia diuina præscindens à personalitatibus habet tantam perfectionem existendi in se, & sine adminiculo alterius, ut nequeat concipi indigens alterius complemento; ergo habet totum, quod requiritur ad supplendum per-

sonalitate creatam quantum ad omne complementum, quod potest talis personalitas tribuere: sed nil impedit, quominus possit assumere naturam creatam, nisi quod non haberet ex se, quo suppleret defectum propriæ personalitatis creatæ: ergo cum habeat hoc, poterit assumere. *Sit tale argumentum*: subsistentia diuina (quocunque modo sit distincta ab essentia Deitatis) fuit satis ad reddendam Diuinitatem subsistentem, ergo etiam erit satis ad reddendam talem humanitatem. *Aliud argumentum*: subsistentia personalis Verbi reddens naturam Diuinam incommunicabilem alteri Verbo, facit etiam subsistere humanitatem: ergo subsistentia absoluta Deitatis erit satis ad terminandam humanitatem.

- 8 *Quæ pugnant contra nostram propositionem; accipe*. *Primo*: personalitas creata reddit naturam incommunicabilem; sed subsistentia illa absoluta non redderet ipsam incommunicabilem (cum ipsa sit communicabilis): ergo nequit supplere defectum personalitatis creatæ. *Respondetur* distinguendo maiorem: incommunicabilem suppositis realiter distinctis ab ipsa subsistentia creata, concedo, alio modo, nego. *Distinguo* etiam minorem: non redderet ipsam incommunicabilem cuicumque supposito realiter distincto ab ipsa existentia, nego; ipsi identificato, concedo.

cedo. *Nota*, non esse necessarium, ut per substantiam alienam præstetur quicumque effectus, qui haberetur à propria: nam de facto per substantiam Verbi hoc non præstatur. Personalitas igitur propria, & compleret naturam, quatenus natura sine ipsa esset incompleta, & imperfecta, & redderet naturam ulterius incommunicabilem, à quo habet, quod sit ultimus terminus naturæ. Substantia essentialis divinæ suppleret primum effectum, complendo naturam, & reddendo ipsam perfectam ita, ut non indigeret ulteriori complemento; non præstaret tamen secundum effectum.

Cur autem personalitas creata, utrumque faceret; & non substantia absoluta divina? Respondeo: quia illud, quod est terminus in creatis, est illud ipsum, quo natura ultimo completur, & perficitur; illud verò, quod est ultimus terminus naturæ divinæ, scilicet personalitas, non est illud ipsum, quod formaliter reddit naturam Divinam completam, quia ante omnem personalitatem, Divina natura præintelligitur omnibus numeris completa, & nullo indigens sustentaculo, hinc, cum substantia divinæ essentialis sit communicabilis, fit, quod natura assumpta non redderetur incommunicabilis.

- 9 *Aliud argumentum.* Ex nostra propositione deduceretur dari quatuor personas in divinis.

Probatur. Substantia illa communis constitueret aliam personam contradistinctam; ergo darentur quatuor personæ. *Confirmatur primò* substantia illa communis redderet naturam assumptam incommunicabilem, & consequenter personam. *Cõfirmatur secundo.* Substantia illa absoluta præstaret id totum, quod haberetur per substantiam creatam; sed substantia creata redderet naturam incommunicabilem, & personam, ergo &c. *Cõfirmatur tertio.* Substantia illa divina foret infinita, ergo daret id totum, quod præstatura substantia creata. Probatur discursus iste. Tribuens effectum formalem alicuius formæ, vel est ipsa forma, vel aliquod continens virtualiter illam formam, ergo &c. *Respondetur negando* sequi quaternitatem, & novam constitui personam. Ratio est: quia persona dicit incommunicabilitatem; hanc autem minime daret substantia divina; nec argumentum desumptum ex infinitate substantiæ divinæ valet; ratio est, quia ratio terminationis non desumitur ex infinitate, ut probat Scotus: quippe personalitas Verbi non est infinita ex Scoto quolibeto quinto, & tamen est ratio formalis terminandi in Verbo. Ratio ergo terminandi est independentia ad quamcumque aliam personam; nam independens in aliquo genere dependentia potest

terminare aliquod, quod tali genere dependentiæ dependet. Disscurre, & applica &c.

- 10 *Aliud argumentum.* Licet hic Deus non habeat rationem suppositi in diuinis, habet tamen rationem singularis, & ipsa singularitas est de eius conceptu quidditativo, si igitur ad hunc Deum, vel ad deitatem assumeretur humanitas, ipsa non assumeretur, nisi ad singularitatem huius Dei, sed hoc est impossibile, quia natura assumpta non potest perdere suam singularita-

tem, & ita non potest assumi ad aliam singularitatem, sicut non potest assumi ad aliam personalitatem, nisi possit perdere propriam. *Respondetur*, quod non assumeretur ad singularitatem Dei ita, quod ambarum naturarum esset vna singularitas, sicut est vna personalitas in Christo; quia non ad vnitatem naturæ diuinæ singularis, sed assumeretur ad vnitatem vnionis, ut ait Scotus. *Aliud argumentum* vide in fine subsequenti propositionis quintæ.

PROPOSITIO SECUNDA:

Non possunt tres Diuina Persona vnā, eandemquē numero naturā humanā sibi vnire.

- 11 **P**ropositio ista est *Scoti in 3. d. 1. q. 2.* cui, quia multi aduersantur, illi adhibenda est solida probatio. *Sit hæc prima:* nō potest aliquis effectus à pluribus causis totaliter pendere; nequē id solum verū est de causis propriè dictis, verū etiam de omnibus illis, quæ quomodocunque gerunt vices causæ; sed natura assumpta à tribus Personis, penderet ab illis, & à qualibet illarum totaliter, non quidem in ratione causæ propriæ; sed tamen quā à termino, quæ dependen-

tia non minorem habet connexionem, quā sit effectus ad causam: ergo non potest eadem numero natura assumi à tribus Personis. *Fundamentalis hæc doctrina* aliquantulum est explicanda, & probanda: *Monéo* ergo per causam totalem in bona Philosophia intelligendam illam esse, quæ adequatè explet indigentiam effectus; hinc causa partialis ea est, quæ sola adequatè minimè explet indigentiam effectus.

- 12 *Nunc probo* impossibilitatem effectus à duplici causa totali. Nomi-

Nomine causæ totalis intelligunt Philosophi illam, quæ adæquatè explet indigentiam effectus, & consequenter totaliter explet in ipso effectui capacitatem dependendi; ergò reddit effectum incapacem alterius dependentiæ ab alia causa; ergò tantum potest effectus dependere ab vna causa totali. *Sit tale argumentum:* effectus productus per vnam causam totalem habuit ab illa causa totum id, quod exigebat; ergò non remanet in potentia ad aliquid recipiendum. Omnis dependentia in aliqua indigentia fundatur. Nam ideò causaliter effectus actualiter dependet à causa, quia habet illius indigentiam: ergò omnis dependentia actualis fundari debet in aliqua indigentia: conceptus enim dependentiæ dicit conceptum insufficientiæ, & imperfectionis: etenim quod in se ipso habet esse sufficiens, & perfectum, implicat contradictionem ab alio dependere; sufficientia namque contradictoriè opponitur insufficientiæ, atque indigentia; unde si effectus habet expletam indigentiam, & insufficientiam in esse, non habet amplius capacitatem dependentiæ: ergò non potest habere actualem dependentiam; ergò ex negatione indigentia concluditur negatio dependentiæ.

33 *Dicamus ita:* Habere totum esse, & totaliter à causa, & habere aliquam indigentiam in es-

se, contradictionem dicit, sed effectus habet totum esse, & totaliter ab vna causa totali: ergò non potest habere aliquam indigentiam in suo esse. *Subinverso:* sed hanc indigentiam haberet, si actualem dependentiam haberet ab alia causa totali; ergò &c. Maior probatur: quia si effectus haberet aliquam indigentiam in suo esse, haberet aliquam carentiam in tali esse: ergò non haberet esse totale ab vna causa per sufficientem, & adæquatum concursum.

Item dependentia in esse vel est in fieri, vel in conservari: Sed utraq, dependentia fundatur in indigentia: ergò dependentia quæcunque in indigentia fundatur. Minor probatur quoad priorem partem. Ideò aliquid est capax dependentiæ in fieri: quia insufficientis est, ut sit à se, & ita necessariò expectat habere esse ab alio. Quoad posteriorem partem, probatur. Ideò effectus dependet in conservari; quia non habet tantam sufficientiam, ac perfectionem, ut proprium esse manutenere, valeat independentem ab alio; & ita necessariò dicit indigentiam causæ conservantis: ergò si ponatur dependentia sine indigentia, poneretur ratio posterior sine ratione priori, quod implicat, sicut repugnat ponere risibilem sine rationalitate.

14 *Dices:* indigentiam naturalem esse expletam per vnam solam, cau-

causam totalem, non autem
exigentiam obedientialem. *Cō-*
tra: implicat illam indigentiam
non esse expletam, quæ non re-
stat in potentia ad recipiendum
aliquod plus (omnis enim indi-
gentia debet esse in ordine ad
aliquod receptibile) sed indi-
gentia omnis in effectu exple-
ta per vnam actionem totalem,
non restat amplius in potentia
ad recipiendum aliquod plus:
ergo effectus habens esse ab vna
causa totali restat incapax alte-
rius dependentiæ, etiam obe-
dientiali. Quare sit iste discursus.

Nihil potest dependere ab ali-
quo, tanquam à causa, nisi in-
digeat causalitate ipsius ad hoc,
ut existat; sed posito, quòd ali-
quis effectus habeat totum suum
esse ab vna causa totali, non in-
diget effectus ille causalitate al-
terius causæ: ergo non potest
vnus effectus dependere totali-
ter à duabus causis totalibus si-
mul. Maior patet; quia sicut
albedo huius parietis, *verbi gra-*
tia, est ratio fundandi similitudi-
nē, inter hūc parietē, & alterū pa-
rietē albū, sine qua ratione fun-
dandi, nunquā esset alteri similis;
ita indigētia causalitatis est ra-
tio, fundandi dependentiā alicuius
ad causam, sine qua indigē-
tia, nusquam posset effectus de-
pendere ab aliqua causa. *Hinc*
quia Deus non indiget vlla cau-
sa ad hoc, ut existat, nunquam
potest dependere ab vlla causa.

Minor probatur: Eatenus effe-
ctus totaliter productus ab vna
causa totali, posset indigere alia
causa simul, quatenus illa alia
causa posset aliquid ipsi præsta-
re, quod aliās non haberet; vel
quatenus aliquid ipsi vtile con-
ferret ad existendum; sed effe-
ctui totaliter producto ab vna
causa totali, alia causa nihil pos-
set præstare conduens ad ipsius
esse: ergo ipse effectus nullo mo-
do indigeret tali causa.

15 *Confirmatur exemplo de Pe-*
tro; si Petrus verbigratia habe-
ret totum suum esse à Paulo, tā-
quā à Patre totali, ad nihil cō-
duceret ipsi habere simul alium
Patrem, verbigratia Carolum:
ergo Petrus non indigeret Caro-
lo: ergo Petrus à Carolo non
posset dependere: ergo ipse non
posset esse ipsius Pater. *Dices*:
duo Patres possunt melius alere
filium, quā vnus. *Contra*:
ergo saltem quando vnus Pater
posset tantum ei præstare, quan-
tum mille Patres; secundus Pa-
ter ad nihil conduceret ipsi: ergo
licet secundus Pater cum primo
melius alerent filium, hoc nihil
facit ad probandum, quòd iu-
uaret ad existentiam primam
datam filio.

16 *Caietanus dicit*: tria fore neces-
saria ad veritatem Scotici, & no-
stri discursus; quæ, cum minimè
inueniantur in tali discursu, cō-
sequenter vanus. *In primis*, ait,
requiri, quòd loquatur de de-
pendentia propria, scilicet, quæ
est

est causati ad causam, non autem de impropria; quæ est inter ea, quorum vnum non potest esse sine alio vniuersaliter, ut est inter duas relationes, duo relativa, &c. *Secundò* requirit, quòd sermo sit de dependentia eiusdè rationis; nam à multis causis alterius rationis vnum dependere minimè repugnat. *Tertiò* dicit Caietanus, maiorem propositionem Scoti tunc esse veram, quando illud, quod terminat dependentiam, terminat illam totaliter intensiue, & extensiue. *Hac stante doctrina*, ad Scoticum argumentum dicit, Scotum in suo discursu non obseruasse primam conditionem requisitam; nec etià obseruasse Scotum secundam conditionem: nam, Pater, Filius, & Spiritus sanctus terminarent, non in quantum conueniunt, sed in quantum dissinguntur; & ita dependentia, qua Natura Humana dependeret ad Patrem, foret alterius rationis, qua dependeret ad filium.

17 *Debitatem Caietani discursus* facili negotio intelligemus ostendendo, falsam esse doctrinam ab eodem assignatam. Primam conditionem ab eo obseruatam esse parui momenti, ex eo fit clarum, quòd linea dependeret à puncto dependentia non propria, seu causati ad causam, & tamen non potest, nisi ad vnum punctum vltimum terminari. *Item*, si foret vera doctrina Cai-

ietani, sequeretur contra eundem, quòd Natura subsistens propria personalitate assumi valeret. Sequelam probò. Secundum Caietanum idem dependere potest duabus dependentiis totalibus, quando illæ dependentiæ non sunt veri effectus à causa, sed tantum dependentia sit, veluti terminati à termino: ergò cum natura dependeat à subsistentia, veluti à termino, etià si habeat dependentiam totalem ad propriam subsistentiam, valebit & etià alteram dependentiam dicere ad subsistentiam sibi non propriam. *Sit aliud argumentum.* Dependens fundatur in indigentia: ergò ubi nulla indigentia, nulla poterit esse dependentia. *Dicamus ita:* Impossibile est, quòd sit relatio sine fundamento: ergò & quòd sit relatio dependentiæ actualis sine indigentia: at per vnam totalem subsistentiam sufficienter, totaliter, & adæquate expletur, & satiatur indigentia in natura: ergò in eadem nullus restat locus pro altera indigentia, seu sustentatione.

18 *Secundam Caietani conditionem* non minus esse falsam, ostendo: *Primò* inde sequeretur contra eundem, quòd natura subsistens propria subsistentia posset assumi: nam subsistentia propria, & subsistentia personæ Diuinæ ad aures Caietani sunt alterius rationis: ergò si dependentiæ alterius rationis possunt simul stare

fiare in eadem natura, vnde habet Caietanus quod natura habens dependentiam ad propriam personalitatem non posset etiam habere dependentiam ad sibi extrinsecam personalitatem? *Adde*; quod, etsi entitatiuè subsistentia vnius esset distincta specie à subsistentia alterius; tamen in ratione terminandi, forent eiusdem rationis.

Tertia conditio, nec etiam facit ad rem nostram. Vnde enim habet Caietanus subsistentiam. Verbi terminare totaliter naturam intensiuè, & non extensiuè? *Item* personalitas creata terminat totaliter extensiuè: ergo & increata. Probo consequentiā. *Primo*, quia subsistentia increata agit vices subsistentiæ creatæ. *Secundo* personalitas Verbi est præstantior personalitate creatæ. *Tertio* in sententia Caietani personalitas Verbi est infinita, & vt talis terminat: ergo si personalitas creata finita, & limitata, terminat totaliter intensiuè, & extensiuè; cur non idem præstabit subsistentia Verbi?

- 19 *Ab alijs* nostro principali argumento occurritur notando: non sequi eundem numero effectum, vel quasi effectum depēdere à multiplici causa totali. Obseruant enim, quod natura non eodem modo dependeret, à Patre, à Filio, & Spiritu sancto: nam à Patre haberet natura ista in concreto esse Patrem, à Filio, esse filium, à Spiritu sã-

cto esse Spiritum sanctum; & consequenter essent quasi tres effectus, & non vnus. *Contra*: Natura non solum penderet à Patre in hoc, quod est esse Patrem, sed etiā in eo, quod compleretur in suo esse totali in hoc eodem esse, in hypotesi data, dependeret etiam à filio, & Spiritu Sancto: ergo quantum ad suum esse substantiale penderet natura totaliter à Patre, à Filio, & Spiritu Sancto, vt probabat nostrum argumentum.

- Hoc autem* repugnare ostendit ista altera ratio. Impossibile est, aliquod depēdere ab aliquo, quo ablato, haberet omne esse, quod illo præsentē haberet; sed per vnicam subsistentiam haberet natura totum integrum suū complementum: ergo quantum ad hoc complementū nō potest depēdere à alia subsistentia.
- 20 *Sit aliud argumentum*. Tres illi effectus enumerati repugnant: ergo nulla responsio, Repugnantiā probo. Nequeunt esse illi tres effectus, nisi primo natura humana subsistat, seu vniatur tribus subsistentijs; sed longo sermone probaui, naturam non esse capacem vniōis ad triplicem subsistentiam: ergo nequeunt dari illi tres effectus. *Declaratur ista ratio*. Vniō naturæ ad personalitates est veluti via ad esse Patrem, filium, & Spiritum sanctum: ergo cum suprā sit à nobis probatum; repugnare vniōem naturæ ad triplicem sub-

subsistentiam, repugnabunt & etia illi tres effectus. *Perxistit* ergo in suo vigore nostra ratio fundamentalis, qua dicebamus, sequi ex doctrina aduersariorum, vnum, & eundem effectum dependere simul à multiplici causa totali: nam per primam subsistentiam adæquatè, & integrè

compleretur natura, & satiaretur eiusdem indigentia, & consequenter, si aliæ aduenirent personalitates, idem numero complementum naturæ esset à multiplici subsistentia: ergo idem effectus à duplici, vel multiplici causa totali.

PROPOSITIO TERTIA;

Aliæ Principales nostræ Propositionis rationes.

21 **S**ecunda principalis ratio nostram ostendens propositionem est ista. Implicat contradictionem, naturam independentem assumi: ergo implicat, naturam pluries assumi. Consequentia probatur. Ex assumptione eiusdem numero naturæ à tribus personis, sequitur assumptio indepēdētis naturæ: sed hæc implicat: ergo, &c. Maior hæc probatur: nam huiusmodi assumptæ naturæ dependētia sufficientissimè, & adæquatissimè intelligeretur expleta, & terminata à qualibet, & singula Diuinarum Personarum: ergo vel vna excluderet aliam à consortio subsistentiæ in eadem natura; vel sequitur assumptio independentis naturæ. Antecedens probatur: quia illius naturæ dependentia, etiam seclusis duabus Personis, adhuc esset perfectissimè terminata à reliqua: ergo &c. Consequētia adhuc

quētia adhuc probatur: si depēdētia huiusmodi naturæ intelligitur expleta à vna personā: ergo ut sic intelligitur omnino indepēdēs; ergo si assumitur ab alia etiā cōcomitanter; sequitur assumptio naturæ plonatz, & indepēdētis.

22 *Aliquando mihi fuit responsū, quod eo in casu tres Personæ Diuinæ contemperarent subsistentium concursus ita, ut quælibet non adæquatè, sed inadæquatè expleret dependentiam illius naturæ. Contrā: quia hoc est recedere ab opinione, quam impugnamus. Querunt quippe Theologi cum Scoto vtrum eadē numero natura possit adæquatè, & cōpletè terminari pluribus subsistentiis totalibus? non autem querimus, vtrum valeat vna natura subsistere pluribus subsistentiis partialibus. Nec multum difficilis esset pars affirmatiua in ea ratione, qua Philosophi*

H com.

communiter concedunt, eiusdē numero effectus posse esse plures partiales causas. *Vtrū* verò valeat Personā Diuinā contēperare subsistentiarum influxum; *mibi* pars affirmatiua redditur difficilis: nām si personalitas Verbi esset forma intrinsecē sanctificans, deberet necessariō cōmunicare omnem suam sanctitatem naturā assumptę; ergō multō magis non poterit non cōmunicare illi omnem subsistentiarum influxum. Hoc satis videtur probare, quōd ratio suppositandi sit intimior supposito, quā ratio sanctificandi, si ergō nō potest non cōmunicare integrā sanctitatē; nō valebit pariter nō cōmunicare integrū subsistentiarum concursum.

- 23 *Tertia ratio principalis pro nostra propositione.* Natura, terminata per propriam subsistentiā, nequit terminari per alienam, siue Diuinam, siue creatam; ergo terminata per subsistentiā personalem Verbi, nequit per alteram terminari. Consequentia probatur. Ideō natura terminata per propriam subsistentiam, non potest terminari ab aliena: quia per propriam redditur interminabilis: sed similiter per subsistentiam Verbi natura redditur interminabilis: ergo natura terminata psonalitate Verbi nō potest p alterā terminari. Probat minor: gerens vices alterius debet tribuere eundē effectū, quem praestaret id, cuius gerit

vicem: sed subsistentia Verbi gerit vicem subsistentiæ propriæ: ergo subsistentia Verbi debet tribuere eandem interminabilitatem naturā, quam tribuit subsistentia propria. Maior patet, quia aliās non gereret perfectē vices illius. *Antecedens principale*, nimirum, quod natura subsistens subsistentia propria nequeat subsistere simul subsistentia aliena; ita probō: Patres, & Concilia colligunt nō esse in Christo personalitatem creatam: quia eius humanitas fuit assumpta a Verbo; at discursus Patrum, & Conciliorum non valeret, quando natura, retenta propria personalitate, assumi posset: ergō rectē concluditur, quōd natura, personata propria personalitate, non valeat simul subsistere subsistentia aliena.

- 24 *Dices* ad intentum Patrum sufficere repugnantiam naturalem ad sic colligendum. *Contra*; quia si non esset, nisi repugnantia naturalis, & non in ordine ad potentiam absolutam, inter illas duas personalitates non deberet auferri propria personalitas, vt natura subsisteret in aliena. Sequela patet: quia maius miraculum est priuare naturam propriam personalitate, quæ est passio ipsius, & generaliter ei debita, quam conseruare propriam personalitatem cum aliena: ergō, vt natura vniretur alienæ personalitati, nō deberet auferri propria.

Dices

Dices secundò. Concilia, & Patres collegisse negationem subsistentiæ creatæ ex eo, quòd natura assumpta subsistat in subsistentia Verbi, & ex eo, quòd sacræ scripturæ loquantur de Christo homine, & Deo; anquàm de vna, eademquæ Persona: tribuunt enim homini, quæ sunt Dei, & Deo, quæ sunt hominis, dicuntque: *Deus nascitur. Deus moritur &c. Homo est Deus; Homo est omnipotens &c.* Si autem essent duæ personæ, unicuique tribueretur, quæ essent ei propria. *Contrà* quia ex hoc ipso modo loquendi scripturæ, colligi licet, personalitatem propriam non potuisse manere cum aliena, quia sic non mansit: ergò generalius erat, vt non maneret, nè multiplicarentur miracula; sed id nõ esset generalius, si solùm esset repugnantia naturalis, & non in ordine ad potentiam absolutā: igitur &c.

25 *Non me latet* insuper molesta disparitas aduersariorum ad nostrum argumentum, dùm negāt paritatem de propria, & aliena subsistentia. Disparitatem dant: quia propria subsistentia (inquiūt) adequat naturam, & terminat dependentiam eius adequatè, tam intensiue, quàm extensiue; aliena verò tantum intensiue, & hinc volunt, naturam posse vtriusque extendi ad alias personalitates. *Debile certè fundamentum:* petunt enim principium: quæstio enim est, vtrum natura assump-

ta reddatur inassumptibilis, nedum intensiue sed etiam extensiue.

Dant tamen etiam aliqualem rationem, cum natura subsistens propria personalitate nõ valeat secum alteram admittere, quāvis nõ abhorreat duplicem subsistentiam alienam. *Observat enim* quòd si natura personaretur per alienam personalitatem, postquam per propriam est personata; tunc natura esset in se, & esset in alio, quòd implicantiam videtur inuoluere; non autem si bis esset in alio, quòd fieret, si personaretur pluribus subsistentiis alienis.

26 *Contra ita argumentor:* esse in alio, & simul esse in se, non inuoluit vllam contradictionem, quàm nõ inuoluit bis esse in alio aut bis in se: ergò si potest esse bis in alio, poterit esse in se, & in alio: vel si nõ potest esse in se, & in alio, nec poterit esse bis in alio. Antecedens probò, quia esse in alio non negat esse in se, cum sit affirmatio, & quid positivum. *Nec dicas* trahere tecum negationem essendi in se, quia aliena persona non est sua propria. *Nam contra est:* quia similiter vna extrinseca persona non est alia, *verbi gratia,* Pater non est filius, nec Paternitas filiatio. *Accipe hoc argumentum.* Difficilius videtur, naturam personari bis extrinsece, quā semel intrinsece, & semel extrinsece: ergò si natura non potest simul perso-

H 2 nari

nari propria, & aliena subsistentia; nec etiam poterit simul personari duabus subsistentiis sibi non propriis. Antecedens probatur, quia priori via natura omnino est extra modum suum connaturaliter existendi; ac verò secunda via licet habeat modum non connaturaliter existendi, tamen habet simul modum connaturaliter existendi, scilicet personalitatem propriam: ergo &c.

Accedat altera ratio. Natura personata extrinseca personalitate non potest simul personari per propriam. Tunc sic: aut hoc esse: quia propria est propria; aut quia est ultra adæquatam personalitatem. Primum non potest dici: quia propria semper est ipsi connaturalis, in quantum talis: ergo dicendum secundum; subinfitro, sed secunda persona extrinseca est similiter ultra terminum adæquatum naturæ: ergo &c.

27 *Nonnulli nostram probant propositionem:* quia alias daretur in creatis mysterium Trinitatis. Nos minime convinceret hoc argumentum: mysterium enim Trinitatis dicit vnam numero naturam connaturaliter expostulantem esse in tribus, & realiter sibi identificatam tres personalitates; quæ minime sequeretur, si humanitas vna tribus subsisteret subsistentiis. *Primo:* quia humanitas dependeret; non ita Diuina Natura in tribus. *Secundo* humanitas non identificare-

tur personalitatibus, sicut illas sibi identificat essentia Diuina. *Tertio* humanitas non necessario, & ex suis intrinsecis expostularet esse in pluribus: cum tamen ita ob suam inuicem fecunditatem expostulat Diuina Natura.

Variantur Scotistæ, ut probent cum Lycheto, naturam fore infinitam, si esset in pluribus. Hoc tamen, illis relicto, mihi absolute non placet: siquidem habet Doctor cit. quod vna res possit esse in pluribus, prouenit vel ex infinitate illius rei, vel ex eo, quod non sit complete satiata indigentia illius rei. (ob primū caput essentia Diuina potest esse in pluribus,) igitur absolute non est dicendum, quod natura fore infinita, si esset in pluribus. *Quare* liceat ita argumētari pro nostra propositione. Humanitas non potest esse in pluribus ex eo quod eius indigentia non sit satiata per vnam subsistentiam totalem: ergo si potest esse in pluribus, hoc debet prouenire ex infinitate; sed natura non est infinita, & est adæquate satiata illius indigentia per vnam subsistentiam; ergo ex nullo capite potest deduci humanitatem posse simul subsistere pluribus subsistentiis.

28 *Quarta nostra principalis ratio fuit:* datur in doctrina aduersariorū, quorum commune votum est: in humanitate vna non posse simul esse vniōem hypostaticā, & pec-

& peccatum. Quo supposito, ita argumentor. si vna natura posset simul, & semel assumi, & terminari duabus personalitatibus, quarum vna sit Diuina, & altera creata: ergo illa humanitas posset sub vtraque subsistentia operari: ergo posset operari demeritorie in subsistentia creata: ergo in eadem humanitate essent simul vnio hypostatica, & peccatum: quippe, etsi natura assumpta non posset demeritorie operari pro quanto subsistit subsistentia Verbi; tamen natura illa posset habere aliquam actionem peccaminosam pro quanto subsistit subsistentia creata: ergo tunc in tali natura foret vnio hypostatica, & simul foret peccatum; quod tamen minimè admittunt aduersarij.

Dices, in eo casu naturam illam assumptam minimè habere posse actionem per subsistentiam creatam. *Contrà primò*: quia hoc dicitur sine fundamento. *Secundò*, quia eadē ratione alius posset dicere, eandem naturam non posse eo in casu operari per subsistentiam increatam: cum non sit maior ratio vnus, quàm alterius. *Tertiò* in eo casu adessent omnia necessaria, vt natura illa posset operari secundum subsistentiam creatam: ergo &c. si ergo aduersarij opinantur, in natura non esse compatibilem vnionem hypostaticam cum peccato; debent etiam dicere, vnā naturam non posse sub-

stere duplici subsistentia.

29 *Quinta principalis ratio*. Formam esse in subiecto, & illi non communicare suum effectum, formalem primariū, repugnat; at effectus formalis subsistentiæ personalis, est reddere naturam interminabilem: ergo natura, dum est sub vna subsistentia personali, habet implicantiam ad simul terminari altera subsistentia. *Accipe* paritatem istam: subsistentia absoluta Diuina naturæ nõ redderet naturam creatam assumptā interminabilem, & incommunicabilem; quia subsistentia illa absoluta non est in se incommunicabilis: ergo, cum subsistentia personalis sit formaliter incommunicabilis, & interminabilis, non poterit non reddere naturā assumptam non interminabilem: cum forma hominis det esse proportionatum suæ naturæ.

30 *Replicabis* efficaciter contra nos: natura Diuina, etiam coniuncta Paternitati Diuinæ, restat communicabilis Filio, & Spiritui sancto: ergo non est de ratione personalitatis incommunicabilis reddere naturam incommunicabilem, & interminabilem.

Negabis consequentiam, & paritatem, notando, quod essentia, & natura Diuina sit infinita, ac proinde potest communicari tribus personis; natura autē creata, ob sui finitudinem, & limitationem, minimè valet simul communicari pluribus personis.

Con-

Cōtrā: ex eo, quod natura Diuina cōmunicetur tribus personis, hoc nō arguit, ipsā maioris esse infinitatis, quā si vni tantum communicaretur: ergo ex eo, quod natura creata assumeretur à tribus personis, non esset proinde magis infinita, quā si vni tantum communicaretur. Antecedens patet: quia in principijs Scotilicis tres Personę Diuinz nullam includūt perfectiōem, quam non includat vna tantum persona earum. Vide quolibeto quinto.

Respondebis secundo, personālitatem esse incommunicabilem naturę intellectualis existētię, idest facientem naturam, cui conuenit, non dependere ab vlla alia persona; ac proinde quādo natura creata haberet vnam aliquam personam, esset incommunicabilis vlli alteri personę. *Contrā*, non obstante, quod natura Diuina cōmunicetur personę Patris, adhuc est incommunicabilis, & communicatur personę Filij, & Spiritus sancti: ergo falsa est doctrina data. *Dices*, doctrinam illam, quamuis deficiat in Diuinis, valere tamen in creatis. *Contrā*; nām itā dicendo, petis principium; dic mihi quzso? Cur necessārio vera sit talis doctrina in creatis?

31 *Ad argumentum ergo in se negamus naturam Diuinam subsistere subsistentia personali; quia de se est completissima substantialiter, vt propositione prima*

huius disputationis probauimus; Pater ergo dicitur subsistere, & personari à paternitate, filius à filiatione, & Spiritus sanctus à spiratione passiuā: quilibet enim horum est incommunicabilis alterius personalitati; essentia autem non sic; ac proinde persona efficit, vt natura, quam afficit, & subsistere facit, indispensabiliter non communicetur alteri, & consequenter natura creata dependens ab vna persona nequit simul dependere ab altera.

32 *Tandem itā dico. Vel natura creata depēderet à pluribus personis itā, quod quzlibet persona adzquatē ipsam personaret; vel itā, vt vna adzquatē personaret ipsā, & reliquę nihil facerent; vel itā, vt personaretur ab omnibus simul sumptis, tāquā ab vno termino totali aggregato ex pluribus terminis partialibus. Primum dici nequit, vt patet ex supradictis, vbi vidimus, idem non posse simul fieri à pluribus causis, vel principijs totalibus. Si secundum dicatur; non est ad rem nostram; quia tunc assumeretur ab vno tantum. Si tertium dicatur; non est contra Scotum, nec cōtra nos, qui fortē cōcederemus ad ampliorem doctrinā, vnā naturā posse subsistere triplici subsistentia partiali. Tamen sēper stabiles sumus in nostra propositione negāte, vnam naturā creatā posse simul subsistere duplici subsistentia totali, &c.*

PRQ-

PROPOSITIO QVARTA.

Nostram propositionem impugnant, quæ sequuntur.

33 **P**rimò: quod non repugnat à parte rei, Deus facere potest; sed naturam simul assumi à pluribus non repugnat: ergo &c. Probatur minor; si repugnaret: maximè foret, quia esset iam personata; sed hoc non: quia, propria personalitate etiam personata, non dicit repugnantiam, sed duplicem solum negationem, scilicet, negationem dependentiæ æqualis, & aptitudinalis, non verò negationem dependentiæ potentialis: ergo non dicit repugnantiam ad assumi.

Respondetur, quòd, manente illa duplici negatione in natura, nequit ipsa ulterius personari propter contradictionem; aliàs enim communicaretur, & non communicaretur; & consequenter multò magis, stante una personalitate Diuina, quæ ultra negationem, ponit repugnantiam positiuam. *Hoc totum patet* exemplo de Cæco, qui, permanente priuatione lucis, neque de potentia absoluta Dei potest videre, licet non habeat repugnantiam positiuam ad videndum, imò habet aptitudinem.

34 *Secundò*. Vnum accidens potest esse in pluribus subiectis si-

mul; sed simillima est dependentia hæc: ergo vna natura poterit esse in pluribus personis. *Confirmatur primò*. Sicut non est impossibile, aliquam vnā relationem numero inueniri in pluribus Diuinis suppositis relatiuis, & subsistere in ipsis; ita non videtur impossibile de natura, creata subsistere in illis simul. Antecedens patet: quia licet in relationibus constitutiuis se excludant personæ; tamen in relationibus non constitutiuis, & in natura Diuina nõ se excludunt, imò plures in aliqua tali relatione, vel natura possunt communicare, vt patet de spiratione actiua in Patre, & Filio; ergo videtur, quòd etiam in natura creata possint simul communicari ita, quod subsistat in illis. *Confirmatur secundò*: quia nec repugnat ex parte personarum, nec ex parte naturæ assumptæ: quia nõ magis determinat unitatem suppositi extrinseci, quàm pluralitatem; sed si unitatem, aliquam determinat, erit proprii suppositi; ergo respectu alieni non repugnat sibi multitudo, sicut nec unitas.

35 *Respondetur ad argumentum* distinguendo antecedens, quòd duplex est dependentia accidentis

ris ad subiectum; & quantum ad informationem, fortè potest plura subiecta informare; quantum verò ad sustentificationem est simillima huic vnioni, licet terminus, siue subiectum accidentis, non habeat rationem vltimiacus, sicut subsistentia; quare accidens fortè posset esse in pluribus subiectis, non verò natura in pluribus personis.

Ad primam confirmationem respondetur, verum esse tres Diuinas personas non se excludere ab vna, & eadem natura Diuina, & ab aliqua relatione non constitutina; indè tamen non sequitur, ab eadem natura creata semel, & totaliter ab vna persona terminata non se excludere. *Ratio est*, quia spiratio non habet dependentiam ad personas Diuinas eo modo, quo natura ad suppositum; quia ipsa se habet, vt actus, à duabus personis ratione vnius principij egrediens. Quòd autem sit in duobus, hoc est: quia transit in perfectam identitatem cum illo principio, scilicet essentia, & voluntate secunda, quæ eadem numero est in duobus.

Ad secundam confirmationem negatur, naturam non magis determinare vnitatem, quam pluralitatem suppositi extrinseci: quia sicut determinat vnitatem proprii, vt argumentum fatetur; ita vnitatem suppletis extrinseci huius, vel illius dis-iunctiōe quidē, sed vnius.

36 *Replicabis*. Natura assumpta à Verbo dicit potentiam obedientialem ad hoc, vt assumatur à Patre: nam talem potentiam obedientialem habebat, antequàm assumeretur à Verbo: ergò, stante assumptione à Verbo, potest etiam assumi à Patre. *Respondetur* negando conclusionem, quia si sit vna potentia obedientialis ad Patrem, & filium; cum iam sit reducta ad actum à filio; nō potest amplius reduci à Patre; si autem sint tres potentie obedientiales ad tres personas, reducta vna ad actum, stante illa in actu, nequeunt alie reduci ad actum; sicut, licet in pariete sint duæ potentie ad albedinem vna, alia ad nigredinem; non tamen possunt reduci simul ad actum.

37 *Replicabis*: antequàm natura assumeretur, erat assumptibilis diuini à quacumque persona; (poterāt igitur tunc omnes personæ agere ad talem vnionem) aut igitur fuisset assumpta à tribus, aut à nulla, aut ab aliqua; *Si primum*, habeo intentum. *Secundum* dici non potest: quia si omnes agunt, & natura sit in potentia obedientiali, nō apparet ratio, cur à nulla assumatur. *Tertium* affirmari nequit: quippe nō est maior ratio de vna, quam de alia; cum quælibet sit æqualis virtutis, & æqualiter agat. *Respondetur*, quòd assumeretur ab illa persona, quam determinaret Diuina voluntas, et si Di-

uina

uina voluntas nullam personam determinaret, à nulla assumere-
tur; cū non sit maior ratio vnius,
quā alterius, & ab omnibus si-
mul assumi nequeat.

Adde, argumentum retorque-
ri posse in aduersarios nobiscum
docentes, non valere vnam na-
turam subsistere simul subsisten-
tia propria, & aliena; *sit tale*
argumentum. Natura pro eo si-
gno, quo anteit omnem perso-
nalitatem, est in potentia obe-
dientiali ad Deum, vt subsistat
subsistentia propria, vel aliena;
& hanc potentiam obedientia-
lem ad Deum minimè deperdit
natura, dum est sub propria per-
sonalitate: ergo poterit natura
subsistens propria personalitate
elevatori à Deo ad subsistendum,
subsistentia aliena simul; patet
ergo vanitas, & debilitas huius
argumenti.

38 *Nec maioris roboris* est illud
aliud deductum ex eo, quod na-
tura diuina sit in pluribus: ergo
id poterit ope Diuina comuni-
cari naturæ humanæ. *Grandis*
namque est disparitas: quando-
quidem, quod essentia Diuina
sit in pluribus; minimè proue-
nit ex eo, quod ipsa indigeat
subsistenti, & quod personæ ter-
minent dependentiam illius na-
turæ: nam essentia Diuina pro-
pria gaudet subsistentia absolu-
ta ex propositione prima huius
disputationis; nec indiget ali-
quo extrinseco substantante; est
ergo essentia Diuina tribus in-

personis per realem idēitatem;
cū ergo essentia ex eo, quod
est in Patre, non deperdat suam
infinitatem, identificabit sibi Fi-
lium, & ita poterit esse in illo, si-
cut & in Spiritu sancto: cū
nunquā auferatur infinitas ra-
dicalis, quæ est fundamentum,
talis esse in tribus personis. At
humanitas potest esse in persona
Diuina propter indigentiam ip-
sius humanitatis, vt sustentetur.
Hinc, cū per subsistentiam
Verbi integrè, & totaliter ex-
pleatur indigētia humanitatis;
nullus restat locus pro alia sub-
sistentia.

39 *Ternò*. Prius potest manere,
sinè suo posteriori, & ita non re-
pugnat multiplicari posterius,
licet non multiplicetur, nec va-
rietur prius; sed ratio personæ
posterior est, quā natura: ergo
non repugnat, personam mul-
tiplicari in eadem natura. Maior
patet: hoc enim postulat priori-
tas vnius supra aliud; & probari
potest instantijs: quia subiectum
manens idem recipit plura acci-
dentia, *verbi gratia* plures scientias;
item plures relationes, *ver-
bi gratia* plures paternitates.

Respondetur, posterius posse
multiplicari, non multiplicato
priori, quando prius absolute,
& simpliciter nō expostulat po-
sterius, vt vnicum, & integrum
totale complementum; at na-
tura sic expostulat subsistentiam:
ergo minimè est multiplicabilis
subsistentia cum vnitatem naturæ;

I

sic

sic etiam, etsi filiationes sint posteriores entitate genita, non tamen multæ filiationes ad plures Patres possunt multiplicari cum unitate illius naturæ.

- 40 *Quartò.* Beatus Franciscus in Patria eadem visione Beatifica videt Patrem, Filium, & Spiritum sanctum: ergò qua ratione visio Beatifica terminata ad personam Patris, potest simul terminari ad personam Filij, & ad personam Spiritus sancti; ita natura terminata à subsistentia Verbi, valebit etiam terminari à subsistentia Patris, & à subsistentia Spiritus sancti. *Concesso antecedente*, negatur consequentia, & datur disparitas, quæ consistit in hoc, videlicet, quod visio Beatifica habeat pro obiecto primario, & immediato essentiâ Diuinam; pro secundario verò, & mediato personas diuinas: at natura in ordine ad subsistentiâ deberet habere utramque subsistentiam immediatè terminantem; quod repugnat. *Si verò argumentum* velit demonstrare, nullam esse repugnantiam, ut natura mediatè terminetur ad tres diuinas subsistentias; nihil habet contra nos, qui supra strauimus, essentiâ Diuinam posse esse terminum immediatum Incarnationis, & tunc tres personæ dicerentur mediatè incarnatæ.

- 41 *Quintò.* Pater Aeternus posset immediatè assumere corpus; Spiritus sanctus posset immediatè

assumere animam, & Verbum valeret immediatè assumere tertiam entitatem realiter distinctam à partibus. *Nunc sit hoc argumentum.* Assumens totum, debet assumere partes; cum partes physice sint de conceptu quidditatiuo totius: ergò, cum Verbum in hypotesi data assumpsisset totum, etiam assumpsisset partes; at supposuimus, corpus fuisse assumptum à Patre, & animâ à Spiritu sancto; ergo idem corpus esset assumptum à Patre, & à Verbo, & anima esset assumpta à Spiritu sancto, & à Verbo.

Respondemus, quòd, si partes deberent assumi à Verbo assumente totum, partes non ampliùs remanerent assumptæ à Patre, & Spiritu sancto; & si remanerent assumptæ à Patre, & Spiritu sancto partes illæ, minimè haberent subsistere à Verbo, sed Verbum tantum suam præstaret subsistentiam tertiz entitati. *Quod si Damascenus* dicit, partes in triduo remansisse unitas Verbo; loquitur Sanctus Doctor, ut res se habet de facto; nam de facto Verbum assumpsit totum, & partes.

- 42 *Sextò.* Plures paternitates ad plures Filios fundari possunt in eodem Patre: ergò plures relationes dependentiæ ad diuersas subsistentias possunt simul esse in eadem natura. Antecedens in via Scoti suppono; consequentiâ probo: sicut natura subsistentia

rata

tata dicit ordinem essentialem ad subsistentiam, à qua constituitur in ratione naturæ subsistentiæ; sic pater dicit ordinem essentiali ad paternitatem, à qua constituitur in ratione talis: ergo, si hoc non obstante, potest habere plures paternitates; sic & natura plures subsistentias. *Confirmatur* idè natura subsistentata dicit ordinem essentiali, & dependentiam ad subsistentiam: quia pendet ab illa reduplicatiuè, prout substantata, & habet illud esse ab illa, similiter pater habet esse patris reduplicatiuè à paternitate: ergo reduplicatiuè secundum esse tale, essentialiter pendet ab illa.

Respondetur negàdo paritatè. Disparitas est, quia relatio paternitatis habet pro fundamento *genuisse*, & talis paternitas habet pro fundamento *tale genuisse*: hinc, cum in patre sint plura genuisse, non mirum ibi esse plures paternitates, cum ad pluralitatem fundamentorum, multiplicari valeant relationes; at in natura fundamentum dependentiæ est indigentia subsistentationis; & cum per vnā integram subsistentationem adequatè, integrè, & completè satisfietur indigentia talis naturæ, nullus restat locus pro altera subsistentia. *Et hinc* patet ad confirmationem.

43 *Replicabis*. Si vna natura poneretur in pluribus locis, posset

in vno personari vna subsistentia, & in alio altera subsistentia: ergo natura in se minimè intrinsecè abhorret plures subsistentias. Antecedens probant, quæ subsequuntur exempla. *Primum* est animæ, quæ potest esse in vno loco vnita corpori, & in alio separata. *Secundum* est accidentis, quod potest esse in vno loco vnium subiecto, & in alio extra subiectum. *Tertium* est linee, quæ potest esse in vno loco curua, & in alio recta: ergo à simili eadem natura poterit in vno loco esse personata personalitate propria, & in alio personalitate Diuina.

Nos minimè vrgent hæc adducta. *Primum* negamus: putamus enim, non posse animā alibi vnita corpori, alibi nō esse vnitam eidem corpori; ratio est, quia vnio illa conuenit ipsi independentè à loco. Vnde, si Petrus esset hic albus, restaret albus vbicumq; poneretur; idem de anima. *Secundo* exemplo occurrendum est ista eadem doctrina. *Quantum ad tertium* non esset mihi inconueniens, eādem lineam posse simul in vno loco esse curuam, & in alio rectam, sicut posset homo in vno loco stare, & dormire; in alio autem ambulare, & disputare; & hoc; quia curuitas, & rectitudo conueniunt lineæ per respectum ad locum.

PROPOSITIO QUINTA.

Alia argumenta refelluntur.

44 **T**homas ab Argētina ita discurret, atque nostram impugnat propositionem. Potest Deus per miraculum, vnum idemque corpus ponere simul in pluribus locis: ergo & eandem naturam simul in distinctis suppositis. Cōsequentia patet: nām sicut natura sufficienter, & totaliter sustentatur, & terminatur vna substantia; ita corpus sufficienter, & totaliter terminatur vnico loco: ergo si corpus potest replicari simul in altero loco, valebit & etiā natura stans sub vna substantia terminari ab altera.

Occurrimus argumento, obseruando, diuersam esse rationem essendi in loco, & personaliter subsistendi. Disparitas est, quod substantia personalis habet pro suo intrinseco, & formali effectu reddere naturam incommunicabilem: dicebat quippē Ricardus: *Subsistentiam esse intellectuales natura incommunicabilem existentiam*; si ergo substantia personalis habet pro suo effectu formali reddere naturam incommunicabilem; qua ratione valebit ulterius communicari? Non ita tamen de esse in loco.

Item locus est terminus locati omnino accidentalis, & si cor-

pus diuinitus poneretur in spatio imaginario extra omnem locum; adhuc corpus habebit suū complementum substantiale; personalitas verò spectat ad complementum substantiale naturæ singularis; non quantum ad esse essentiae, aut existentiae; sed in esse subsistentiae, aut personali. Vnde, cum substantia sit complementum naturæ substantialis, sapit naturam illius, & ideo sicut prædicta natura nequit habere plura esse essentiae, aut existentiae; ita neque subsistentiae: accessorium quippē sapit naturam sui principalis, iuxta vulgare axioma.

45 *Aliud argumentum*: Ex prima propositione humanitas potuisset immediatè assumi à Diuina natura; sed, stante illa assumptione, adhuc posset assumi immediatè à Verbo: ergo tunc humanitas dependeret duplici dependentia totali, scilicet vna à Deitate, altera à Verbo. *Dici potest*, quod in sensu composito non valeret.

Contrā. Subsistere, & incommunicabiliter existere stant simul in eadem natura: ergo non est repugnantia, vt in sensu composito natura terminata ad subsistere, terminetur etiam ad incom-

communicabilitatem. *Respondetur*, hoc esse verum, quando id habet per vnum terminum, non autem quando id habetur per diuerfos terminos.

Contrā. Subsistere, & personari sunt effectus formaliter diuersi, & separabiles ad inuicem, vt patet de natura, si terminaretur ad subsistentiam absolutam, nō tamen diceretur personari: ergo possunt esse in ordine ad diuersos terminos formaliter distinctos; effectus namque formaliter diuersi petunt diuersas causas formales, vel terminorum, quando sunt extrinseci.

Respondetur, indiuisibiliter vtrumque effectum extrinsecum communicari a personalitate, Diuina, nec posse vnum haberi sine alio; ac proinde, si natura est iam subsistentiata per subsi-

stentiam absolutam, personalitas Diuina non potest immediate eam amplius terminare.

Contrā. Ratio independentis, seu subsistentificantis, est diuersa a ratione præcisa personalitatis, itaut hæc ex natura rei addat aliquid supra ipsam: ergo natura dependens a subsistentia absoluta in ratione subsistentificantis, potest alterius habere respectum terminatum ad præcisam rationem personalitatis, vt dicatur immediate personata, sicut dicitur subsistentiata, &c. & tunc illæ duæ dependentiæ essent alterius rationis, & per vnam diceretur subsistere, per aliam personari. *Si concedatur totus discursus*, nil habetur contra nos, quia solum negamus, posse eandem naturam habere plures dependentias eiusdem rationis.

PROPOSITIO SEXTA.

Partes physica, & essentielles nequeunt assumi immediate in toto; separatim tamen existentes, assumi possunt: partes verò integrantes, siue in toto, siue separatim existentes, immediate assumi possunt.

46 **T** Res claudit partes nostras hæc propositio; quæ omnes suo ordine reitabunt probata. *Prima pars probatur*: quia tales partes non habent in toto

propriam subsistentiam: ergo non possunt habere alienam. Cōsequētia patet: quia nil potest hypostaticè vniri alteri, nisi, quod aptum natum sit habere propriam hypo-

hypostasim:ergò si partes essen-
tiales nequeunt in toto habere
propriâ subsistentiâ, nô poterû
habere alienam. Antecedens
principale probatur *primò*;quia
rales partes sufficentiissimè sub-
sistunt in tota subsistentia ipsius
totius realiter distincti ab illis
partibus: ergò frustra haberent
proprias subsistentias partiales.
Hoc antecedens patet: quia sub-
sistentia totius naturæ, debet
tribuere illis partibus quidquid
haberent à propria subsistentia.

Dices. Subsistentias partium
vnitarum esse subsistentiam ip-
sius totius. *Contrà*; quia subsi-
stentia propria vnus subiecti rea-
liter distincti nequit esse subsi-
stentia alterius realiter distincti,
quod non est constitutum
eius: ergò subsistentia partium
vnitarum non potest esse subsi-
stentia tertiz entitatis realiter
distinctæ. *Dices.* Nullâ esse ratio-
nem, cur subsistentia partium
realiter distinctarum, non possit
esse subsistentia totius, si subsi-
stentia totius realiter distincti
possit esse subsistentia partium:
ergò, sicut nos dicimus, partes
subsistere subsistentia totius, ita
quis possit dicere, totum subsi-
stere subsistentia partium. *Re-*
gatur antecedens: quemadmodum
enim partes complentur vltimò
ab ipso toto, & non è contrajita
subsistentia totius debet dici vl-
timum completum partium
in genere subsistentiæ, & non è
contra.

47 *Deindè* sequeretur absurdum,
si totum subsisteret subsistentia
partium, quod tamen non se-
quitur ex eo, quod partes subsi-
stant subsistentia totius: ergò
hoc potius est dicendum. Se-
quela maioris probatur: quia
si anima in toto haberet sub-
sistentiam suam propriam, &
corpus, suam; & his subsistentijs
subsisteret natura integra huma-
na; posset natura humana sub-
sistere duabus subsistentijs alie-
nis; vel etiam vna propria, sal-
tem partiali, & alia aliena; vtrû-
que horum videtur absurdum:
ergo &c. Probatur maior: quia
in tali casu anima posset assumi
ab vna persona Diuina, & cor-
pus ab alia: ergò natura huma-
na subsisteret in duabus illis
subsistentijs, & consequenter in
duabus personalitatibus alie-
nis. *Deindè* posset assumi vna
pars ex illis, alia retinente
propriam subsistentiam; sed in
tali casu natura subsisteret vna
aliena subsistentia, & alia pro-
pria, saltem partiali, vt supra
dixi: ergò &c.

Probatur secūdò antecedens prin-
cipale: effectus subsistentiæ est in-
cōmunicabilitas alteri subsisten-
tiæ superuenienti; sed subsisten-
tia totius superuenit partibus
physicis: ergò non habent alias
suas. *Tertiò probatur idem ante-*
cedens: quia ipsa natura huma-
na immediatè assumpta est à
Verbo, & prius natura, quàm
partes, quæ mediante natura

solum.

solum assumptæ sunt; sed hoc facilius intelligitur, dicendo, partes essentielles physicas in toto existentes non habere partiales subsistentias: ergo &c.

- 48 *Secunda pars nostræ propositionis probatur exemplo corporis, & animæ in triduo mortis: nam eadem est ratio de ipsis, ac de quibuscumque alijs partibus physicis. Ex eodem exēplo colligitur, quod partes separatim existentes habeant proprias subsistentias.*

Probatur due ultime partes nostræ propositionis, quia utroque modo habent proprias subsistentias: quemadmodum enim totum integrale, siue homogeneū, siue heterogeneum, non distinguitur à suis partibus, ut probabiliter dicitur in physica; ita etiā subsistentia ipsis non distinguitur à subsistentijs partialibus partium integrantium; sed ex his integratur, & componitur. Et hinc oritur disparitas inter totum integrale, & essenziale, eorumq; partes quantum ad præsentem difficultatē: quod unū sit tertia entitas realiter distincta à partibus, aliud verò nō. Videatur Scot. 3. d. 2. q. 2. §. *quantū ad primū.*

- 49 *Contra primam partem Conclusionis obijcies: in triduo mortis Christi mansit unio corporis, & animæ ad Verbum: ergo immediate uniebantur ipū, & non tantum mediante humanitate; sed hoc nequit fieri, nisi haberent proprias subsistentias, quæ tol-*

lerentur per illā unionem: ergo: Respondetur distinguendo antecedens: mansit unio, quæ antea fuit; nego; quæ tunc producebatur; concedo; & nego consequentiam, & subsumptum. Nec tamen hinc sequitur, corpus, aut animam fuisse unquam à Verbo dimissa: nam, sicut verum est dicere, materiam primam nunquam esse sine forma, quamvis dimittat unam formam, ex eo, quod in eodem instanti, quo una priuatur, incipiat esse sub alia; ita verum est dicere, corpus, & animam Christi nunquam fuisse absque unione ad subsistentiam Verbi: quia in eodem instanti, quo desijt unio immediata totius, quæ antea uniebantur mediatē tantum partes, incepterunt due alię uniones immediatæ ipsarum partium ad eandem subsistentiam Verbi.

- 50 *Contra tertiam partem conclusionis instabis. Si darentur subsistentiæ partiales partium unitarum, deberent inter se uniri per alias uniones: at multiplicarentur entia sine necessitate: ergo &c. Respondetur primò negando sequelam: quia sufficeret uniri subiecta earum ad hoc, & ipsæmet sufficienter dicerentur uniri; præsertim, si dicantur consistere in negationibus. Respondetur secundo; si non sufficiat uniri subiecta, non multiplicari entia sine necessitate admittendo alias uniones inter ipsas subsistentias: nam ex illa hypothēsi hoc necessa-*

cessario admittendum est.

Replicabis contra eandem partem: si aqua *verbigratia* esset assumpta à Verbo diuino, faceret cum eo suppositum: sed si assumeretur vnita cum alia aqua, hoc non faceret: ergò nequit assumi. *Respondetur* distinguendo maiorem: si esset separata ab alia aqua, concedo; si coniuncta, nego maiorem, & consequentiã: sicut enim vna pars aquæ separata faceret cum substantia propria suppositum, & coniuncta cum alia aqua sine deperditione vllius entitatis positivæ, faceret cum illa alia aqua vnum suppositum tantum, ita faceret Verbum Diuinum, supplens locum propriæ substantiæ, vnum suppositum cum aqua separata, licet cum coniuncta faceret idem suppositum, quod faceret alia pars aquæ superaddita, nec in hoc vllum est absurdum.

51 *Dices primò*: si aqua separata esset assumpta, & postea coniungeretur cum alia aqua, non deperderet illam formalitatem, aut realitatem, à qua denominaretur suppositum: ergò deberet sic denominari; & consequenter, quod non potest sic denominari, non poterit habere illam

formalitatem. *Respondetur* distinguendo antecedens; non perderet realiter; concedo; formaliter, hoc est, vt dat illam denominationem; nego: quia ad hoc requiritur negatio vnionis physica cum illa alia aqua. Hoc modo eadem entitas positiva, dat rationem personæ vni naturæ, quod tamen non daret alteri; vnde non est mirum, quod eadem formalitas realiter existens, non existat formaliter quantum ad denominationes, nisi existentibus conditionibus extrinsecis, à quibus dependet in ordine ad tribuendas tales denominationes.

Dices secundò: ergò si personalitas creata sit quid positivum, non debuit perdi in assumptione naturæ humanæ. *Respondetur* negando consequentiã: quia eadem ipsa natura secundum eandem partem, quæ deberet affici propria personalitate, afficitur immediatè vnione ad personalitatem Verbi: eadem autem pars non potest immediatè affici pluribus substantijs, licet idem totum possit affici pluribus substantijs, quarum vna, vni parti, & altera alteri immediatè correspondeat.

PROPOSITIO SEPTIMA.

Potest una persona Diuina plures ad se sumere naturas humanas, hoc est cum multis hominibus incarnari; & quod de natura humana dicetur; de quibuscumque alijs naturis dictum esse volumus.

52 **V**erbum Diuinum, vnicū dumtaxat assumpsisse hominem, Fides Catholica docet; potuisse tamen idem Verbum, remanente illa Incarnatione, vniri cum alijs hominibus personaliter, est commune Doctorum placitum: nihilominus hæc possibilitas ita

Probatur. Ea, quæ sunt communiæ, propterea quod sibi inuicem non aduersantur, vniri possunt: sed variæ dependentiæ variarum naturarū, aut diuersorum indiuiduorum, nullam habent inter se pugnantiam, suntq; compossibiles: ergo possunt vniri cum qualibet persona Diuina, à qua illæ naturæ, vel hæc singularis, dependeant eo modo, quo homo Christus vnitur Diuinæ personæ secundæ, & ab illa pendet. *Innititur* possibilitas nostræ propositionis illi documento, quod nos docuit Logica, scilicet, *unum, & idem posse esse terminum multiplicis relationis realis.* Vnde sic ar-

gumentamur. Possunt multiplicari fundamenta variarum relationum, atque etiam relationes in illis fundatæ, manente vnitæ terminum, vt videre est in vno Patre plures habente filios: sed assumptio variarum naturarum in vnitæ suppositi, atque personæ, nihil aliud est, quàm vnicum esse terminum multiplicis relationis, atque diuersorum fundamentorum: ergo huiusmodi assumptio est possibilis.

53 *Dices contra primò.* Ab vnica causa non potest provenire, saltem simul, duplex effectus totalis, quinimò neque successiue, si prior sit ipsi omnino adæquatus, & adhuc durans, vt clarescit in intellectu, & voluntate Diuina, quæ propterea non possunt plures filios generare, nec plures spiritus spirare: sed personalitatis Diuinæ adæquatus est vnicus effectus, scilicet personatio Naturæ Diuinæ: ergo non potest plures creatos. *Respon-*

K deo

deo primò, si argumentum vale-
ret, probaret, quòd nec vnā
naturam creatam posset Natura
Diuina terminare. *Respondeo se-*
cundò distinguendo maiorem:
à causa efficiente, seu quasi effi-
ciente non potest esse duplex ef-
fectus, &c. concedo; ab aliquo
terminante tantum, nego ma-
iorem. *Tandem respondeo*, non
posse ab eadem causa prouenire
duos effectus, qui singuli sint
adæquati virtuti causæ, tam in-
tensiue, quàm extensiue, &c. ac
verò post terminum, qui habet
esse à causa terminante tantum
extensiue, possunt plures simul
ab eodem esse principio.

- 54 *Dices secundò*, ex nostra pro-
positione sequi plura absurda.
Primò: idem suppositum suppo-
sitarer plures naturas etiā di-
stantes; & quæ loco distarent,
essent supposito vnitz. *Secundò*,
inter disparatas naturas creatas
daretur idiomatum communi-
catio, vt si altera natura esset
Angelica; dici posset: quod idē
esset corporeum, & spirituale.
Ad primum negatur absurditas
nam in triduo mortis Christi
Domini, anima separata, & cor-
pus subsistebant eodem supposito
Verbi, & tamen ipsa loco di-
stabant: anima enim in Limbo
erat, corpus autem in sepul-
chro: *Ad secundum*: Communi-
catio idiomatum non est ab-
surda inter naturas disparatas
eiusdem suppositi: hinc de factō
prædicata opposita verineantur

hinc inde de duabus naturis in
Christo.

Moneo tamen, quòd in casu
præsentī minimè daretur inter
duas naturas tam exacta idio-
matum communicatio, sicut de
facto datur inter Naturam Di-
uinam, & Humanam in Chri-
sto. Huius rei ea est ratio: quòd
suppositum in hoc casu esset rea-
liter distinctum ab vtraque Na-
tura; at verò in Incarnatione
altera natura; scilicet Diuina
est realiter eadem supposito; da-
retur tamen aliqua communi-
catio, qualis de facto est inter ac-
cidentia eiusdem subiecti, quæ ra-
tione eiusdem suppositi de se in-
uicem dicuntur in concreto; sic
dum in eodem sunt albedo, &
dulcedo, dicitur album esse dul-
ce, & è contra.

- 55 *Contendunt hoc loco Theologi*;
esset nē dicendus homo vnus, vel
plures? Multa forent hic notan-
da, & resolueri oporteret, quid
sufficeret ad multiplicationem;
& pluralitatem, de quo multi
multa disputant. *D. Thomas hic*
disp. 1. qu. 2. absolute vult, dicen-
dos plures homines, quamuis
non desint Thomistæ; qui in op-
posito sensu ipsum sequantur.
Scotus se remittit ad primum dist.
12. ex quo loco Scotistis placet
diuersimodè Scotum explicare.
In Reportatis clariùs se explicat
pro pluralitate. *Vnde Respondeo*,
si Verbum assumpsisset plures
humanitates, esset quidem tan-
tū vnus humanus, sed plures

ho.

homines. Ita Deffor citatus dist.
1. qu. 2. terij. Sit ratio: Naturæ
assumptæ essent multæ; perso-
nalitas assumens ageret vices
plurium personalitatum: ergo

habentur necessaria, ut assu mēs
diceretur plures. Res est logi-
ca; hinc sicco pede hic transij;
addam tamen alia inferius.

PROPOSITIO OCTA VA.

*Fieri potest, ut Natura Intellectualis unita Diuina
Essentia, seu Persona, non fruatur ea, quamuis
illa Natura, quæ est unita Verbo, in ipso primo in-
stanti unionis habuerit perfectam fruitionem.*

56 **D**ocet prima pars, naturā
intellectualem, scilicet
Angelicam, & humanam unitā
Diuinæ Essentiæ eo modo (quo
n. 1. diximus, Diuinam Essen-
tiam sine Personis) posse esse ter-
minum istius unionis; posse ha-
bere integram unionem, & ta-
men de facto non frui, quamuis
sit Diuina Essentia obiectū Bea-
tificum. Ratio est: quia actus
primus præcedit actum secundū,
& prius est esse, quam operari:
unio facit esse, & in eo consistit
actus primus, fruitio est actus
secundus, & consistit in opera-
tione; Diuina potentia potest
impedire ne sit operatio, & actus
secundus, quamuis sit actus pri-
mus: quia potest destruere omne
posterius, conseruato priori:
ergo &c.

Sit alia ratio. Quæ ab actu li-
bero pendent, impediri, & pro-
hiberi possunt, quamuis natu-

raha supponantur; est autem
Diuina Essentia obiectum libe-
rum fruitionis, vnde fit, ut non
semper beatificet, quamuis sese
offerat in ratione obiecti; ac pro-
inde poterit à Deo permitti, at-
que etiā effici unio naturæ in-
tellectualis cum Essentia Diui-
na ita, ut virtute unionis natu-
ra assumpta habeat intimè præ-
sentem sibi Diuinam Essentiam,
quam tamen non concomitabi-
tur fruitio. Quidquid sit de pos-
sibili, fide certa credimus, ho-
minem à Verbo Diuino assum-
ptum, ipso instanti creationis;
& unionis habuisse perfectam
Diuinæ Essentiæ visionē, & frui-
tionem. Qua de re alibi.

57 *Contra nostram propositionem di-
ces: stante præsentia obiecti bea-
tifici mouente intellectum ad
actum videndi Deum, impossi-
bile est, voluntatem creatam
non frui ipso: quia naturaliter*

K 2 fer-

feritur in tale obiectū clarè propositum, nec habet impedimentum; ergo non potest non frui; sed ex vi vnionis hypostaticæ, obiectum beatificum secundum quod huiusmodi præsentatur intellectui perfectissimè, & intimè, & per consequens mouet ad actum videndi fortius, quàm intellectus Beatorum, quibus nō præsentatur ita intimè cum eis constituens vnum suppositum, ergo, &c. *Confirmatur*. Impossibile est, obiectum beatificum esse præsens potentia, vt beatificum est, & non beare potentiam: sed ex vi vnionis est præsens potentia; ergo, &c. Antecedens patet à paritate de oculo; nam repugnat obiectum coloratum esse præsens oculo, & oculum non videre.

Respondetur, quod etiam stante visione in intellectu, non est absolute necessarium, voluntatē frui eo, sed potest non frui, & non velle obiectum visum: nam circa Deum clarè visum, gaudet voluntas libertate contradictionis, vt dixi de Actibus humanis, & habet Scotus in materia de fructione. *Adde*, quod stante Visione Dei, posset Deus denegare concursum ad actum fructuionis. *Legatur* Scotus quolibet 14. vbi docet Essentiam Diuinam non concurrere ad visionem beatificam, vt essentia est per modum naturæ, sed vt voluntas est libera immediatè.

58 Dices obiectum mouens po-

tentiam, semper seruat eundem mouendi modum ita, ut, si naturaliter moueat aliquam; naturaliter moueat omnem, sed essentia Diuina naturaliter mouet suum intellectum: ergo & nostrum. *Respondetur ex Scoto*; si obiectum moueat immediatè omnem Potentiam, maiorem esse veram; falsam verò, si vnā immediatè, alteram vero mediatè; vt contingit in casu nostro; essentia enim Diuina mouet intellectum suum immediatè, nostrum autem mediatè voluntate. *Contra*; quia, si Voluntas Diuina mouet nostrum intellectum immediatè, sola Voluntas videretur à Beato, & nō essentia. *Respondet Scotus cit. lit. AA.* Diuinam voluntatem propter identitatem, quam habet cū essentia, & propter suam infinitatem esse sufficientem, non solum, vt moueat ad sui visionē, sed etiam ad visionem essentia, sicut (inquit Doctor) propter suam infinitatem est principium sufficiens, vt Pater, & Filius communicet essentiam Spiritui sancto. *Videō* non adhuc quietari intellectum; nam dico, vel voluntas est primum mouēs, vel essentia, sed neutrum est: ergo si essentia, ergo naturaliter mouet, & non liberè; si voluntas, ergo aliquid recipit essentia à voluntate. *Respondetur*, quod voluntas est immediatum, & primum principium mouēs, nec essentia recipit aliquam perfectionem.

tionem à voluntate, quia quod recipit, est producere ad extra, quod nullam in Deo ponit imperfectionem, quia licet Deus nil produceret ad extra, tamen esset ita infinite perfectus, sicut modo producendo. *Dices*, si voluntas Divina propter identitatem cum essentia est sufficiens, ut moueat ad cognitionem es-

sentia, ergo Voluntas Angeli erit sufficiens ad cognitionem, essentia Angeli, cum qua identificatur. *Negatur paritas*: quia secundum Scotum Voluntas Divina est sufficiens non solum propter identitatem, sed etiam propter identitatem formalem, qua infinitate caret Angeli Voluntas.

DISPUTATIO TERTIA.

De Personalitate, seu subsistentia Creatâ.

I Ximus supra, mysterium Incarnationis consistere in eo, quod Christi Humanitas, propria, & creata subsistentia, denudata, selevata fuerit ad subsistendum Verbi Divini subsistentia. Ad pleniorē tantæ rei intelligentiam, placet declarare, quidnam sit id, in quo creata subsistentia consistit.

Antiquis Philosophis incognita fuit distinctio inter naturam substantialem, & subsistentiam, seu hypostasim, vel Personalitatem; nec nobis innotuit, nisi ex Mysterio Trinitatis, & Incarnationis; nimirum Natura Divina est in se natura substantialis, & singularis, sed non subsistens incommunicabiliter, nec suppositum, nec Persona; sicut nec Christi humanitas, prout præscindit à Verbo Divino: hinc sit, ut de subsistentia, seu hy-

postasi, quæ cum natura constituit suppositum, minimè liceat nobis aliter philosophari, quàm prout per fidem innotuit. *Quare primò suppono*, subsistentiam posse capi dupliciter. *Primo modo*, ut est concretum, & significat illud, quod per se subsistit. *Secundo modo*, ut est abstractum, & significat formalem modum, & rationem, à qua res habet, ut per se subsistat; quæ potest dici ratio per se subsistendi. *Hic agimus* de subsistentia, prout significat rationem formalem, seu rationem, à qua res habet, quod formaliter subsistat. *Moneo insuper* me locuturum de subsistentia, suppositalitate; & personalitate, ut sunt in rebus creatis. Item per *Naturam*, hic non intelligi naturam communem, quomodo à re singulari distinguitur. Unde per *ly Naturam*, in.

intellectam volo naturam singularem, & indiuiduam, veluti est natura Caroli, &c.

- 2 *Hinc peto, quomodo subsistentia distinguatur à Natura singulari Caroli. Dicam clarius: omnis homo in indiuiduo habet singularem, & indiuiduam naturam humanam, vel humanitatem; vnde Christus habet etiam humanitatem; & naturam singularem, sicut ceteri habent homines: Est tamen discrimin inter Christum, & homines reliquos: nam humanitati Christi non fuit data debita alijs hominibus personalitas; Hinc non, est in se Persona: quia aliàs in Christo esset duæ Personæ, quod*

damnat Catholica fides; at Humanæ Naturæ, qualis est in Carolo, vel Chrysantho, nil deest eorum, quæ ad rationem personæ, vel suppositi pertinent: sunt enim Carolus, & Chrysanthus Personæ.

Ergo nunc quaeritur, quid desit humanitati Christi, quominus sit Persona; & in oppositum, quid habeant ceteri homines, per quod sint personæ; hoc enim, quod his datum, & Christo negatum est, erit; quod ultra naturam humanam requiritur ad rationem personæ, siue quod personalitas addit humanitati. Ut ad petitionem igitur respondeatur; sit

PROPOSITIO PRIMA.

Humanitas, & Personalitas distinguuntur realiter.

- 3 **R**atio est: suppositalitas abesse potest à natura: ergo, distinguitur ab illa. Antecedens patet exéplo humanitatis Christi, cuius humanitas fuit denudata propria subsistentia. Si enim Christi humanitas propriam haberet subsistentiam, iam esset persona; ergo tunc Christus foret duplex persona, quod damnant Theologi cuncti: ergo certo certius est; humanitatem distinguere realiter à personalitate, & non esse identificatam. Quæ

enim talia sunt à parte rei, nequeunt diuelli: quippè separatio proportionatur distinctioni, & quæ realiter separari valent, reali secernuntur distinctione. Non ergo amplectendus *Durandus in primo dist. 34. qu. 1.* aiens: Naturam creatam, & eius suppositalitatem sola ratione secerni ex modo concipiendi in abstracto, & in concreto, adeò ut istæ propositiones verificari possent: *Homo est humanitas, & contra.*

PROPOSITIO SECVNDA.

Non ſolum Humanitas diſtinguitur realiter à propria ſubſtentia, ſed etiam Angelica Natura realiter ſecernitur à propria ſubſtentia.

4 **I**Ta patet: quia ſicut humanitas fuit aſſumpta ad perſonalitatem Verbi; ita potuiſſet Deus Angelicam aſſumere naturam, ut ſacra aſtruit ſcriptura ad Hebraeos 12. *Nunquam Angelos apprehendit; ſed ſemen Abraham apprehendit:* ergo potuit naturam Angelicā aſſumere: alioquin nō commenderetur ex hoc miſericordia Dei erga ſemen Abraham. *Vide* argumentum hoc nō habere locum apud docentes, nullam ſolidam inueniri repugnantiam, quin vna, & eadem numero Angelica natura poſſet ope ſuperna ſubſiſtere ſimul ſubſtentia Verbi, & propria. Vndè in caſu aſſumptionis Angelicæ naturæ reſtaret duplex perſonalitas: nec exemplū ex humanitate aſſumpta, quæ caret propria perſonalitate, concludit, quòd eadem, ſua propria ſpoliata, reſtaret Angelica natura, caſu quo aſſumeretur. *Ratio eſt:* quia de Chriſto ita rē de facto ſe habere, docet fides. Quid autem quando de abſoluta Dei potentia agitur? nil determinauit fides. *Placato animo*

do totum diſcurſum. *Hinc noto,* me eſſe locutum conſequenter ad noſtra principia, iuxta quæ per nullam potentiam valet vna Natura duplici totali ſubſiſtere ſubſtentia.

5 *Petes primò. vtrum de facto inter omnem creatam Naturam, & eiusdem ſubſtentiam cadat realis diſtinctio.*

Pater Arriga diſp. 4. met. ſeſſ. 13. ſubſeſſione 1. partem tuctur aſſirmantem, ea ductus ratione; quòd Homo cūcūcā excedat perfectione: Vndè, ſi non obſtante hominis maiori perfectione, ipſius ſubſtentia diſtinguitur realiter ab illo; concludendum dicit idem de omnibus imperfectioribus homine.

Debile credo hoc fundamentum; nām in multorum ſententia materia prima propriam habet ſubſtentiam, quam tamen minimè concedunt formæ, licet ſit perfectior materia: ergo ſimiliter concederent; aliquod imperfectius idēficare ſibi ſubſtentiam, eſtò illam identificet ram non habeat homo. *Sit altera ratio:* forma ſubſtantialis quæ-

quæcumque est perfectior materia; hoc tamen non obstante, materia nequit dicere depēdētiā ad subiectum, ex cuius potentia educatur; cū tamen talem depēdētiā minimē abhorreat forma materialis. *Adde*, quòd, quamvis homo in cæteris de ipso dictis, censendus sit perfectior cunctis corporalibus; tamen non foret improbabile; hominem excedi à cæteris, vel ab aliquibus ex ea parte, qua sibi identificarent propriam substantiam. *Habes ergò infirmitatem discursus Patris Arriagæ. Vbi nihilominus placet pars affirmativa*, quia pro illa pugnat cōmunis Philolophorum, & Theologorum consensus.

- 6 *Petes secundò. Posset nē de potentia Dei absoluta dari aliqua natura creata indistincta realiter à sua substantia, vel personalitate?* Eminentissimus Lugo de Incarnatione disp. 12. sessione 2. num. 21. partem tuetur negativam, illamquē itā suadet; quia realis distinctio inter naturam, & substantiam, non convenit naturæ corporeæ, quia corporea est: quippè aliàs iam de facto natura carens corporeitate, minimē haberet illam distinctionem; nec etiam convenit naturæ spirituali, qua spiritualis est: quia tunc natura corporea identificatam sibi haberet propriam substantiam: ergò adæquata, & fundamentalis ratio distinctionis naturæ à personalitate petenda est à conceptu

creaturæ in se. *Ex quo fit*, quòd creatura, quæcumque illa sit, sē, per debeat distingui realiter à propria substantia. Corroborat suum discursum ex eo: quod non videtur possibilis alius gradus substantiæ perfectior, supra gradum substantiæ intellectuales, in quo sunt Angeli.

- 7 *Solidum nō credo discursum istū:* dicerem quippè, rationem distinctionis inter naturam, & propriam substantiam, nequaquam esse attendendam ex ratione corporeitatis in se, vel spiritualitatis in se, vt doctè demonstrat Lugo; sed dicerem provenire ex ratione creaturæ talis, vel talis, ex ratione, qua dicunt Philosophi, inhærentiam actualem non esse de essentia accidentis in se, sed talis accidentis; nam si inhærentia actualis esset de essentia accidentis in se: cū, quod essentialiter convenit superiori, conveniat & etiam inferiori; deberet accidens quodcumque illud sit, siue absolutum, siue respectivum includere essentialiter inhærentiam actualem; cū tamen oppositū doceat fides Catholica, volens, accidentia in Eucharistia Sacramēto minimē habere actualem inhærentiam: inhærentia ergò actualis solis respectivis accidentibus est essentialiter debita. *Itā in re nostra.*

- 8 *Responderem*, quòd distinctio personalitatis, vel substantiæ non habeatur ex conceptu creaturæ in se, vel ex conceptu corporei

poritatis in se, vel spiritualitatis in se; sed tantum ex rationalis, vel talis creaturæ. Quo fit, ut aliqua creatura lecernatur realiter à propria subsistentia, & alia posset dari habens sibi realiter identificatam propriam subsistentiam. *Ad id* de maiori perfectione gradus intellectui, &c. iam dixi, maiorem, vel minorem perfectionem non cōcludere realem distinctionem, vel realem identitatem. *Addo*, me non esse certum, utrum dari possit, nec nē gradus intellectuius perfectior eo, in quo de facto sūt Angeli. Dic, quod si quis assereret, supremum gradum intellectuius nobilissimi Angeli, qui de facto datur, habere sibi identificatam subsistentiam propriā, difficiliter convinceretur falsitate: diceret quippè ex Angelis, aliquos habere subsistentiam à se distinctam, & de istis intelligendum assertum illud [ad Hebræos: *Nunquam Angelos apprehendit*. Verum cum hoc statet, aliquos Angelos superiores apprehendi minimè posse: quippè identificatam habeāt propriam subsistentiam.

9 *Suarez in metaphysica disp. 34. sessione 3. probat repugnantiam creaturæ ad sibi identificandam propriam subsistentiam. Primò*: quia nulla est creatura creabilis, quæ non sit assumptibilis à Verbo: ergo omnis creatura creabilis potest denudari propria subsistentia, & consequen-

ter dicenda ab illa distincta. *Debilo indico* hoc fundamentum. *Primò*: quia non desunt docentes, eandem numero naturam, ope suprema subsistere valere, subsistentia propria, & simul aliena: ergo dato antecedente, nil haberet Suarez pro suo discurfu: quippè natura assumpta à Deo, eo in casu subsisteret subsistentia sibi non propria, & etiam propria realiter ipsi identificata. *Addo*, quod ille talis negaret, omnem creaturā creabilem esse in potentia obedientiæ, li ad Deum quantum ad assumi ad subsistentiam extrinsec am; foret tamen sub imperio Dei, quantum ad conservari, vel destrui.

10 *Probat secundò Suarez*: quia, etsi de facto assumi non sit de conceptu creaturæ, tamen possibilitas, seu non repugnantia ad assumi, est ipsi intrinseca; vnde sequitur, quod nullo in casu valeat aliqua creatura identificatam habere propriam subsistentiam. *Minoris roboris est mihi hoc argumentum*: diceret quippè aduersarius, falsum esse antecedens, licet sit verum de aliquibus creaturis; non tamen foret cōcedendum de creaturis possibilibus, quæ, cum identificarent sibi propriam subsistentiam, certè illa orbari minimè valerent, & cōsequenter nec assumi ad extrinsecam subsistentiam.

Ad Petitionē igitur in se dico breviter, quod, dū de Divina agitur

L

om-

omnipotentia; nil est dicendum impossibile, nisi oppositum habeatur ex fide, vel ab aliquo graui inconuenienti, vel tandem, ad sic in contrarium communis Theologorum consensus; at si des hoc non docet; repugnantia

non demonstratur: communis consensus Doctorum non adest ergo non est, vnde cogamur dicere, repugnare creaturam possibilem, quæ propriam sibi realiter habeat identificatam substantiam.

PROPOSITIO TERTIA.

Personalitas, vel substantia non addit supra naturam singularem aliquod positium, sed duplicem negationem dumtaxat, actualis videlicet, & apuditudinalis dependentia.

11 **I**N doctrina Scoti circa præsentem difficultatem, non est Scotistis vna incidendi via, quibusdam auctumantibus, Doctorem lubilem fuisse Problematicum; ita Lychetus in tertio dist. 1. q. 1. Rada tertia parte controuersia 1. articulo 1. Pistigianus in 3. dist. 1. q. 1. art. 10. 11. & 12. Alijs putantibus, Scotum docere, substantiam tantum addere supra naturam, duplicem negationem. Ita Fauentinus in 3. dist. 1. q. 1. disp. 2. Menrissi in metaphysica lib. 3. q. 4. fundantur in eo, quod Scotus soluit rationes adductas à seipso pro sententia docente, substantiam esse quid positium; non tamen soluit rationes probantes in fauorem duplicis negationis. Fauet illis Auctoribus, quod Scotus in 3. dist. 5. q. 2. ait, fuisse q. 1. improbatam

sententiam collocantem personalitatem in positio; fauet etiam, quolib. 19. art. 3. Bene consideratis partibus, per me sit liberum vtramque opinionem tenere.

12 *Pro parte docente, personalitatem non consistere in aliquo positio; hæc accipe. Primò: omnia saluantur beneficio duarum negationum, vt constabit ex solutione argumentorum, quæ proponuntur in fauorem entitatis positivæ: ergo sufficiunt illæ duæ negationes. Secundò, posita duplici negatione in natura, habetur integra ratio personæ: ergo omne aliud est superfluum. Antedens ostenditur ex definitione personæ, quam tradit Ricardus: personæ est intellectualis natura incommunicabilis existentia: sed posita illa duplici negatione in natura, hæc foret intellectualis*

lequalis naturæ incommunica-
bilis existentia: ergo haberetur
ratio personæ. Cætera, quæ fa-
ciunt pro ista propositione, da-
bo in discursu præsentis propo-
sitionis, & subsequæntis.

- 13 *Que pugnant contra nostram*,
istam propositionem; accipe.
Primò. Persona dicit duplicem
incommunicabilitatem *ut quo*,
& *ut quod*; sed incommunica-
bilis, *ut quod* per *Scotum* in 2.
ubique, & in hoc 3. *dist. 1. art. 3. q. 1.*
est per aliquod positium, scili-
cèt per hæceitatem: ergo perso-
na non dicit puram, & dupli-
cem negationem. *Respondetur*,
quòd persona pro materiali di-
cit naturam iam individuum,
& per consequens incommuni-
cabilem, *ut quod*: sed pro forma,
li dicit incommunicabilitatem,
ut quo, quæ consistit in duplici
negatione actualis, & aptitudi-
nalis dependentiæ; quare licèt
pro materiali, & præsuppositi-
uè dicat aliquod positium, nò
tamen formaliter. *Aduerte*, quòd
diuersæ sunt istæ incommuni-
cabilitates, *ut quo*, & *ut quod*; &
licèt incommunicabilitas, *ut quo*
præsupponat incommunicabili-
tatem, *ut quod*, non tamen è cò-
tra: potest enim natura indivi-
dua incommunicabilis, *ut quod*,
adhuc *ut quo* communicari, &
dependere de facto, ut à Verbo
dependet. Si verò sit incommu-
nicabilis, *ut quo* per duplicem
negationem; oportet, quòd etià
sit incommunicabile, *ut quod*, sub

diuersis tamen formalitatibus,
licèt vna ab altera abstrahat.

- 14 *Secundò*: in illo instanti, in quo
natura Diuina est prior perso-
nalitate, siuè propria, siuè alie-
na; in illo inquam priori habet
illam duplicem negationem: si-
quidem nec de facto dependet,
nec est apta dependere ab alie-
nis suppositis: ergò in illo tunc
erit personata, & ità Verbum,
assumens illam iam singularem,
assumet illam iam personatam,
quod est falsum.

Respondetur, quòd in illo tunc
nec habet negationem duplicis
dependentiæ, nec ipsam depen-
dentiam, sed abstrahit ab utro-
que: nec valet argumentum à
negatione alterius, à quo abstra-
hit, ad affirmationem oppositi
alterius, à quo etiam abstrahit:
quia, prout abstrahens, nec neg-
gat vnum affirmando aliud; sed
negat vtrumque præcisiuè, &
abstrahitiuè, ut patet in quolibet
prædicato superiori respectu
differètiarum: sic animal in pri-
mo signo, nec dicit rationalita-
tem, nec irrationalitatem.

Dices contra: assumptio natu-
ræ à Verbo fuit realis, & non in
signo præcisionis: ergò assump-
sit illam, non ut abstrahentem:
ergò quasi contractam: sed tunc
esset personata: ergò &c. *Re-
spondetur*, quòd assumpsit natu-
ram in eo statu, & instanti reali,
quo habuisset contractionem ad
personalitatem propriam, si nò
fuisset impedita.

15 *Tertiò*: in doctrina Scoti natura dicit inclinationem ad propriam personalitatem: ergò propria personalitas minimè consistit in duplici negatione. Consequentia patet: inclinatio est ad perfectionem: negatio, cum sit nihil, minimè est perfectio: ergò, si inclinatio est ad propriam personalitatem, hæc minimè consistit in duplici negatione. *Respondetur*, naturam dici inclinatum ad propriam personalitatem, non tanquam ad perfectum, sed quia natura talis est, quòd, nisi impediretur ab extrinseco, statim haberet suam duplicem negationem.

16 *Quartò*. Persona in Diuinis non constituitur per duplicem negationem, sed per aliquod positium: ergò à pari idem dicendum de persona creata. Facit ad hoc, quòd persona creata est quædam participatio increate personæ. Secundum, quia Diuina Natura habet propriam subsistentiam absolutam, & nihilominus debet eius personalitas esse quid positium: ergò multò magis natura creata debet reddi personata per aliquod positium.

Concesso, quòd in Diuinis personalitas sit quid positium, nego id etiàm dicendum in creatis. *Primò*: quia non est philosophandum à natura Diuina ad creatam: alias dicerem ego, quòd, cum Natura Diuina, sit connaturaliter communicabilistibus

personis sibi realiter identificatis; ita etiàm natura creata. *Itè* perfectiones absolutæ naturæ Diuinæ sunt substantiæ, vel si non sunt substantiæ formaliter, tamen formaliter nec sunt accidentia, sed præscindunt ab utroque; cum tamen in creatis sint formaliter accidentia: ergò nõ tenet paritas. *Item* singularitas in Diuinis non solum est quid positium, sed etiàm ingreditur conceptum quidditatum Diuinæ Naturæ, in creatis verò minimè. *Adde*, quòd in Sententia Henrici singularitas est quid negatiuum: ergò non valet argumentum à Diuinis ad creatam.

17 *Ad argumentum in se*, concedo, personalitatem Diuinam consistere in positio: quia per illam ponitur repugnantia ad communicari; at natura humana per subsistentiam non recipit repugnantiam intrinsecam ad communicari; remanet quippè in potentia obedienciali ad Deum. *Monco tamen*, non dici in potentia obedienciali ad Deum, quasi diuinitus possit simul communicari pluribus; sed dicitur talis, pro quanto Deus loco subsistentiæ debitiæ naturæ, valet collocare propriam subsistentiam, vel aliam creatam. *Ad illud* de participatione; *Respondeo*, personalitatem creatam minimè participare adæquatam conceptum subsistentiæ Diuinæ; quippè non conceptum repugnantis;

18 *Quintò*. Ex nostra positione sequeretur, naturam Diuinam præscindentem à personis esse suppositum, seu personam. Sequela patet ex eo, quod illa natura pro eo signo nõ dependeat à persona, nequẽ ex postulat talem dependentiam: ergò, si ad constitutionẽ personæ sufficiens est duplex illa negatio, sit palã, quòd natura Diuina esset persona. *Concesso*, Naturam Diuinã habere illam duplicem negationem, nego tamen esse personam: quippè persona debet esse incommunicabilis, & natura Diuina est communicabilis. *Observandum* ergò, conceptum personæ dicere negationem dependentiæ, & comunicabilitatis actualis, & aptitudinalis: hanc non habet Essentia Diuina: ergò essentia non est Persona.

19 *Sextò*. Scotus vult, suppositum creatum posse formaliter sustentare naturam creatam: ergò personalitas minimè consistere potest in negatione. *Urget difficultatem*. Natura terminans dependentiam alterius naturæ, vel terminaretur aliquo positiuo, vel negatiuo? *Si primum* dicas, iam das, sustententiam esse quid positiuum; *Si secundum* asseras. *Contrà*: quia negatio nequit esse terminus dependentiæ realis. *Respondeo*, ad aures multorum Scotistarum, Scotum velle, naturam personatam posse sustentare alteram naturam creatam, si asseratur,

conceptum subsistentiæ stare in aliquo positiuo; non verò, si in negatione. *Secundò dico*, nec etiam argumentum vegere tenentes, personalitatem stare in duplici negatione. Ratio est: quia personalitas, nec terminaret dependentiam, nec foret ratio formalis terminandi illam. *Mens ergò Scoti* est, quòd persona, quæ pro materiali dicit entitatem positiuam, seu naturam singularem, & pro formali duplicem negationem, valeat terminare dependentiam alterius naturæ: vnde illa duplex negatio non se habet, vt terminus ad quem; quipmò natura sub illa duplici negatione est terminus ad quem; personalitas ergò se habet vt conditio, sine qua non.

20 *Septimò*. Omnis realis, & vera compositio entis per se debet consistere membris realibus, & positiuis: at secundum Philosophos datur vera, & realis compositio metaphysica ex natura singulari, & eius suppositualitate, seu subsistentia, tanquam entis per se: igitur subsistentia in se est quid positiuum. *Respondetur*, suppositum creatum esse vnum ens per se, si accipiat pro materiali, scilicet quatenus est substantia completa, indiuidualiter existens; at, si formaliter, scilicet pro constituto ex natura singulari, & personalitate, accipiat, est ens per accidens.

Hinc

86 Disputatio III. De Personalitate,

Hinc monco, minimè putandum in ista sententia, personam constitui per duplicem negationem, quasi verò negatio sit illius constitutiva ratio, ut rationalitas dicitur constitutiva Hominis: Iquippè persona est aliquid reale positivum, & substantiale, negatio verò non ita; ea ratione, quæ est commune dictum: *ex non substantia, non fit substantia*; cum, res constituentes unam speciem, debeant ad idem spectare genus. *Puto ergò*; duplicem negationem dici constitutivam persona: quia sit conditio quædam, sine qua natura minimè foret persona,

- 21 *Hinc infero primò*, personam formaliter, & principaliter importare naturam singularem, & connotare illam duplicem negationem. *Secundò reduco*, naturam singularem, & personam nequaquam differre quantum ad rationem formalem, sed tantum in connotato: quia natura non connotat negationem, quæ connotat persona; ita *S Scotus in 3. dist. 1. qu. 2. in solutione primi argumenti*.

Sit aliud documentum ex nostro Lycheto. Quando natura suppositatur in proprio supposito, tunc in ista sententia de duplici negatione, natura nec actu, nec aptitudine ad illud dependet taliter, quòd ratio suppositi sit aliquid terminans huiusmodi dependentiam: cum enim sit non ens, minimè valebit dependen-

tiam entis realis terminare. Undè est improprie dictum: *Natura dependet ad proprium suppositum*. Facit ergò istum sensum: cum natura habet in se istam duplicem negationem, tunc dicitur suppositum, &c. quandò verò natura cõparatur ad aliud suppositum, tunc verè dependet ad illud: nam terminatur ad personam, vel suppositum, quod includit aliquod positivum, & ita natura humana actu dependet à Verbo Divino.

- 22 *Ostend.* Diffiniuit Ecclesia contra Nestorium, naturam humanam in Christo minimè retinere propriam subsistentiam: sed, si subsistentia naturæ humanæ tantum diceret negationem unionis ad aliud suppositum, necessaria non esset talis diffinitio: quia ex apprehensione terminorum constaret, naturam humanam Verbo unitam non retinere negationem unionis ad Verbum: ergò concludendum, personalitatis conceptum haud consistere in negatione.

Vt solvamus. Monéo primò Concilia, & Patres diffiniuisse, humanitatem, non verò personam humanam assumptam fuisse à Verbo. *Suppono secundò*, nec Patres, nec Concilia determinasse, an suppositivitas, vel Personalitas importaret formaliter entitatem positivam, vel duplicem negationem, has enim metaphysicas concertationes non intenderunt derimere. *Pono ter-*

tiò,

riò, quod quando in ista sententia saluatur, humanitatem esse assumptam, non verò personalitatem ita, quod in Christo non duplex, sed vna dumtaxat reperiatur subsistentia; tunc saluamus omnia; quæ intenduntur à Patribus. *Dico* ergò, quòd Verbum Diuinum assumpsit humanitatem eo in signo, in quo nondum habebatur in ea duplex illa negatio constitutiva personalitatis: ergò iam patet, Verbum nò personalitatem, sed humanitatem assumpsisse: ergò in Christo minime est creata, sed sola increata subsistentia.

- 23 *Quando inferunt* deinde aduersarij, ex nostra positione deduci, Conciliorum diffinitiones esse ridiculas: cum, si personalitas creata consistat in illa duplici negatione communicabilitatis, foret illudere, diffiniendo, naturam communicatam non esse personam, sicut si quis diffiniret, hominem sedentem, in sensu composito non currere, aut stantem non sedere.

Respondeo, Patres non esse illo modo argumentatos contra Hæreticos; quia cum illi dicerent, humanitatem esse unitam Verbo, & vterius vellent, talè humanitatem habere propriam personalitatem; haud dubiè existimabant Hæretici, personali-

tatem, non in duplici negatione, sed in positio collocanda; nec est absurdum diffinire, personalitatem, quæ consistit in duplici negatione, esse corruptam, vel impeditam per personalitatem Verbi: nam in Philosophia conceditur ista locutio: *destruitur priuatio in materia, adueniente forma*: ergò in Theologia nequaquam erit inepta ista propositio; *destruitur negatio communicabilitatis actualis per positiuam Naturam ad increatum suppositum coniunctionem*.

- 24 *Addo*, quod si personalitas consisteret in negatione communicationis, facillimo negotio potuissent Patres confundere Hæreticos authumantes, humanitatem assumptam habere propriam creatam personalitatem; potuissent enim ita arguere: Quod est alteri communicatū, non habet negationem communicationis, & quod non habet negationem communicationis, non gaudet propria personalitate: at natura humana est unita Verbo: ergò non habet negationem communicationis; ergò nec habet propriam personalitatem; subinfero: at Patres nò ita sunt argumentati, & hoc quia Hæretici non admittebant personalitatem consistere in negatione, ergo, &c.

PROPOSITIO QVARTA.

Personalitas, seu subsistentia consistit in aliquo positiuo.

25 **V**eritatem huius propositionis astruunt rationes pugnantes sententiam doctentem, personalitatem consistere in negatione. Noster Pater *Fauent. in 3. sententiarum*, Pater *Martinus Meurisse 3. lib. sue met. cit. n. 11.* cū alijs Scotistis toti sunt ad impugnandam sententiam collocantem personalitatem in positiuo. Illorum motiua sunt, quæ sequuntur.

Primum: tota natura humana cum omnibus suis proprietatibus, & perfectionibus fuit assumpta à Verbo Diuino, vt inter alios docet *Damascenus lib. 3. de fide. c. 6.* alijs enim Christus esset homo minùs perfectus cæteris hominibus; quippè careret entitate illa positiua, quam cæteri habent homines: sed natura humana nō fuit assumpta à Verbo Diuino cum propria sua personalitate, vt docet fides contra Nestorium: Christus tamen est omnium hominum perfectissimus; igitur personalitas creata non dicit aliquod reale, & positiuum.

26 *Sic ista ratio:* positiuū id, quod in homine est causa peccati, maxime debuit curari per Christū,

ac proinde ab eo assumi: quia id solūmodò est curatum, quod est assumptum: at peccata personalitati attribuantur (cū actiones sint suppositorum): ergo personalitas, si esset entitas positiua, debuisset assumi.

Respondetur, fuisse assumptam naturam humanam cū his omnibus, quæ sunt realiter illa humanitas; hinc, cū personalitas sit realiter distincta ab humanitate, vt probatum est n. 3. illa minimè fuit assumpta. *Damascenus* non pugnat contra nos: nam ipse ait, *Verbum assumpsisse quiddid Deus plantauit in natura,* non autem dixit *in persona.*

27 *Dñm infers,* sequi Christum esse hominem minùs perfectum alijs: cū careat illa entitate positiua, in qua collocandā, diximus, personalitatem. *Respondet,* personalitatem non esse perfectionem hominis, qua homo est. *Addo,* perfectionem subsistentiæ consistere in facere naturam subsistentem, seu ponere naturam in statu connaturaliter requisito, vt valeat operari; at totum hoc dat humanitati assumptæ subsistentia Verbi: ergo nulla sequitur imperfectio

in

in humanitate assumpta.

Dum dicis, debuisse assumi, & curari, quod in homine est causa peccati. *Respondco*, id esse verum de eo, quod est causa in genere causæ efficientis, vel elicentis ipsum peccatum propriè loquendo; huiusmodi sunt voluntas, & aliz potentiz, non autem suppositalitas, quæ tantum est conditio quædam requisita in agente ad cõnaturaliter operandum. *Dum dicis*, inde sequi, dari in humanitate aliquod non curatum; & maledictum; conteste *Damascono lib. 3. c. 6.* quod est inassumptibile, est etiam incurabile. *Respondco primò*, personalitatem in se non esse vitiatam: quia id tantum est vitiatum, quod est capax culpæ, sicut illud est sanatum, quod est capax medicinæ. Hinc, cum dicamus, personalitatem inassumptibilem, volumus, illam in se nec esse capacem culpæ, nec medicinæ.

18 *Secundum*: persona dicitur ens per se: at ex eo, quod non est in alio, seu quia dicit negationem dependentiæ actualis, & aptitudinalis, non est in alio: ergo est ens per se: ergo habita illa duplici negatione, habetur cõceptus integer subsistentiæ. *Item* si Deus miraculosè impediret resultantiam talis positiui in natura, & camquè conservaret sine omni positiuo superaddito, talis humanitas sub illa duplici negatione cõmunicatiõis actualis, & aptitudinalis, posset exer-

cere suas operationes: ergo foret suppositum; cum actiones sint suppositorum: ergo sine vlla necessitate ponitur aliquod positium vltra illam duplicem negationem.

Respondetur, quod esse per se, scilicet dupliciter, scilicet negativè, & positivè; illud habet esse per se positivè, quod possidet formam, per quam ei tribuitur nõ solum non esse in alio, sed etiam esse per se positivè. Rem enucleo: si Deus impediret resultantiam similitudinis inter duo alba, hæc dicerentur similia fundamentaliter, pro quanto haberent albedinem; non tamen censeretur similia formaliter: quippe ad hoc requiritur relatio similitudinis. Ad rem nostram: natura sine omni personalitate diceretur per se negativè, non per se positivè; cum in se non haberet formam positiuam, cuius effectus formalis est dare esse per se positivè. *Ad illud*, quod natura sine personalitate conservata, valeret exercere suas operationes; dico id esse verum, & hoc: quia personalitas non est principium operationum, sed tantum conditio connaturaliter requisita; actiones enim dicuntur suppositorum, hoc in sensu, scilicet, quod substantiæ postulant naturaliter prius perfici in ordine ad se, quam in ordine ad aliud; at Deus posset supplere illam conditionem sine qua non: igitur.

M

PRO-

PROPOSITIO QUINTA.

Si personalitas creata esset quid positiuum, probabilius est, personam creatam posse assumere naturam alienam.

29 **P** Robatur: quia ad determinandam dependentiam naturæ assumptæ, sufficit terminus positiuus indepēdens in illo genere: sed in hypotesi data personalitas esset positiua, & indepēdens in genere substantiæ, & actus vltimus: ergo in tali genere posset terminare depēdentiam alterius naturæ. Facit ad rem nostram, quod nulla potest assignari repugnantia. *Primò*: non quia suppositum alienum est: quia de facto sustentatur humanitas Christi ab alieno supposito. *Nonsecundò*, quia natura assumpta foret diuersæ rationis à propria; verbi gratia, natura humana à supposito Angelico: etenim magis distant ab inuicem natura Diuina, & humana; cum tamen de facto vniatur in eodem supposito. *Nec tertio*, imperfectio suppositi creati potest id impedire: nam terminare dependentiam alterius hoc modo, non oritur ex perfectione terminantis, cum ipsi suppositum Verbi, quod de facto terminat alienam naturam, non dicat perfectionem.

30 *Quæ nostram impugnât propositionem*: accipe. *Primò*. Terminare plures naturas, & per consequens infinitas, arguit infinitatem in supposito: sed nullum suppositum creatum potest esse infinitum: ergo nullum suppositum creatum potest terminare dependentiam alterius naturæ. *Ex supposita doctrina faciliter occurrimus argumento*. Notauimus quippè, quod Diuinis personis nullo modo cōpetat posse terminare dependentiam ex eo, quod infinitæ sunt; sed ex eo, quod essent indepēdentes dependentia opposita naturæ.

Secundò Durandus iedā dicit contra nos. Nulla virtus creata potest generales modos essendi naturam creaturæ consequentes immutare, & inuertere: sed per se existere, & in alio existere sūt generales modi essendi creaturarum: ergo non potest fieri, vt natura, cui cōpetit per se existere, sit in alieno supposito creato.

Respondetur primò, hoc argumento tantum probari, per virtutem

tutem creatam non posse fieri unionem naturę ad suppositum creatum, quod nos libentissimę concedimus. *Secundō dico*, quod in argumento committitur fallacia equiuocationis: nā per se existere, stat dupliciter, vel ut distinguitur contra inherere; & hic est modus intrinsecus substantię, qui nunquā ab ea separatur, estō quod sit in alieno supposito; Alio modo per se existere, significat incommuniabiliter existere, & hic non est modus intrinsecus substantię; quare non immutantur generales modi essendi per nostram propositionem.

- 31 *Tertio*. Dependētia naturę creatę ad alienum suppositum est supernaturalis; sed subsistentia quęcumque creata est naturalis: ergō non potest dependentiam alterius naturę terminare. Patet consequentia: quia dependentia supernaturalis non potest ā subsistentia naturali terminari. *Respondetur ex Scoto in prima prologi*, quod loquendo de dependentia naturę creatę, in quantum comparatur ad agens, est supernaturalis; cū ā nullo agente naturali valeat effectiue terminari per unionem ad alienum suppositum; si autem loquamur de hac eadem dependentia, ut ad terminum comparatur; cū hic sit naturalis, etiā dependentia erit naturalis. Ita *Scotus in simili in prima prologi littera L.*

Quarto. Ex eo accidens nequit suoistencare naturam substantialem: quia eam non continet eminenter, nec virtualiter: sed vnum suppositum non continet eminēter perfectionem alterius suppositi: ergo, &c. *Respondet*, argumentum esse ā non causa, tamquam ā causa: ratio enim, cur accidens non potest subsistere substantiam, est: quia non est independens: non ex eo quod non continet eminenter: at suppositum vnum creatum est independens dependentia opposita naturę: ergo, &c.

- 32 *Quinto*. Terminus dependentię debet esse simpliciter independens: sed personalitas creata non est simpliciter independens: ergō nequit terminare dependentiam alterius naturę, siue non valet alienam assumere naturam. *Maiores patet*, quia ideo verbum Diuinum terminat dependentiam naturę humanę: quia est simpliciter independens. Minor probatur, quia personalitas creata aduenit proprię naturę per modum actus ita, ut nequeat ab ipsa separari; nisi per destructionē ipsius subsistentię: ergō magis dependet subsistentia ā natura, quā ē conuerso: quia natura potest conseruari sine ipsa in alieno saltem supposito.

- 33 *Nisi mecum me fallat iudiciū*, obiectio videtur implicatoria: nam, si terminus dependentię debeat esse independens simpli-

citer, & personalitas creata sit terminus dependentiæ naturæ, saltem propriæ; quomodo poterit dependere à natura propria per modum actus eius? *Hinc nego maiorem* cum sua probatione: quippè suppositum, quod est independentens tantum in suo genere, & non in omni genere, terminat dependentiam accidentium, à quibus tamen dependet in alio genere: quia per ipsam conservatur, & operatur.

Ad rem nostram. Personalitas creata licet in genere actus dependeat à natura propria; potest tamen in genere termini ultimi terminare dependentiam eius; & in hoc eodem genere valet terminare extrinsecè sine sui mutatione, aut communicatione intrinseca dependentiam naturæ alienæ, quamvis propriæ naturæ det subsistere per modum actus intrinseci, sicut personalitas Verbi constituit personam Divinam per modum actus, quod det naturæ humanæ esse personam per modum termini solum; & sic personalitas Verbi, licet ut inseparabilis constituat personam cum natura propria, non ita cum natura humana; sic personalitas creata, etsi constituat personam cum natura propria, ut inseparabilis ab ipsa, non debet ita constituere cum natura aliena. *Hinc habes solutionem* ad minorem, cuiusque probationem.

34 *Sextò.* Id, cuius esse formale

est incommunicabilitas, *ut quod* & *ut quod* ita, ut dicat formaliter duplicem negationem communicationis actualis, & aptitudinalis, nequit esse alteri ratio essendi formaliter; sed suppositum, vel persona creata est huiusmodi: ergo non potest esse ratio essendi suppositaliter extrinsecè naturæ terminando illam: idem enim esset actus, & ratio, qua illa supplicaretur.

Ex hoc argumento credo, deduci nostram propositionem: quia de ratione personæ est negatio duplex communicationis, non utrumque, sed communicationis, quæ conuertatur cum dependentia, & ita persona est independentens utroque modo, actualiter scilicet, & aptitudinaliter, non verò communicationis terminantis dependentiam, quæ propriè non est communicatio; aliàs nec suppositum Divinum potuisset ita communicari terminatiue; cum tamen æquè, & melius sit independentens, & incommunicabile; imò ipsa ratio personalitatis secundum illos, per quos est politiva, debet esse actus informans, & communicans se, & licet secundum alios non politivè informet, tamen, est ratio, qua natura est suppositata formaliter. *Paret ergò solutio* ad argumentum.

35 *Septimò.* Personalitas creata est modus suæ naturæ: sed modus ita adequatur rei, cuius est modus, ut non possit aliam modum

dicare, seu alteri communicari: ergo personalitas creata nequit personare alienam naturā. Minor probatur exemplo fessio- nis verbi gratia, & actualis in- hærentię.

Concedimus minorem de modis accidentalibus, quales sunt ad- ducti in probationem Minoris. Negamus tamen de substantia- libus, qualis est subsistentia. *Disparitas est*, quod modus ac- cidentalis debet modificare, intrinsecē inhærendo, & ratio- nabiliter dubitatur: idem acci- dens an valeat duobus simul in- hærere subiectis, nē fortē oppri- mamur graui illo argumento

de dependentia vnus totaliter à duobus. Ad rem nostram; sub- sistentia, eum sit modus substan- tialis, non dependet à natura, sed potiùs natura dependet ab illa in esse subsistentiæ, ac pro- inde tunc terminaret intrinsecē propriam naturam, & extrinse- cē alienam, vt videre est in Ver- bo Diuino terminante extrinse- cē humanitatem. Fauet nostræ responsioni instantia puncti cē- trnalis terminātis simul multas lineas. Fauet & etiā instantia puncti continbatiui terminantis simul vtramque partem, quam- uis non vltimatē.

PROPOSITIO SEXTA.

Humanitas comparata ad subsistentiam propriam, dicit propensionem ad illam.

36 **M**Oneo, humanitatem Christi posse considera- ri dupliciter. *Primò* secundum se, prout abstracta à personali- tate Diuina. *Secundò*, vt actū est coniuncta. Difficultas præ- sens est de humanitate, prout de facto est in Christo. Docet nos *Scotus in 4 dist. 49. q. 10. 5. Re- spondeo, &c. ad 1. qu. & in 4 dist. 43 5. Ad illa ergò, & 5. ad aliud*, duplicem dari appetitum; vnū elicitedum, aliū innatum, seu naturalem. *Prior est*, quo ani- ma post cognitionem alicuius

boni, fertur in illud; iste, si se- quatur cognitionem intellectus, vocatur appetitus intellecti- uus, siue rationalis, & est actus volū- tatis; Si verò sequatur cogniti- onem sensus, appellabitur appe- titus sensibilis, siue animatus & est appetitus sensitiuus. Si com- paretur ad bonum præsens, ap- pellatur appetitus cōplacencia, seu fruitionis; si in ordine ad obiectum absens; dicitur deside- rium, de cuius ratione est, vt bonum, quod appetitur, mini- mē possideatur: quippè, si pos- side-

fideliter, iam non desiderium illius, sed complacentia; vel fruitio eiusdem est. *Posterior*, id est Innatus, vel naturalis appetitus, est naturalis inclinatio, seu propensio rei in suam perfectionem: Appetitus innatus non est quid realiter aliud ab ipsa natura. Ita *Scotus loco citato d. 49 q. 10. A.* ubi ita legit: *Naturalem, solum dico potentiam voluntatis absolutè, sed non aliquid superadditum voluntati.*

Tandem monco, præsentem difficultatem non agitari de appetitu innato, quatenus ille consideratur secundum actum gaudij, & delectationis: quia hic actus est tantum de re, ut præsentem, & possessi; ac humanitas Christi non habet suam propriam; & creatam subsistentiam, ergo non potest habere innatum appetitum per modum delectationis, & gaudij de propria creatura subsistentia. Hinc difficultas restringitur ad appetitum innatum, quatenus appetitus ille consideratur secundum actum desiderij. Breuiter igitur inquirat nostra propositio; an humanitas Christi, ut hypostatice unita Verbo Divino, appetat naturali, & innato appetitu per modum desiderij propriam, & creatam subsistentiam.

37 *Probatur* ergo nostra propositio. *Primo*; quia dicere talem propensionem, non est nota imperfectionis, sed perfectionis; hinc Theologi illam concedunt in Divina voluntate in-

ordine ad proprias perfectiones; non quod illas appetat Divina voluntas appetitu desiderij: cum in nullo signo, in quo voluntati sunt debite tales perfectiones, reperiatur Divina voluntas sine illis; cum ergo humanitas perticiatur à propria subsistentia, & ista præcontineatur in virtute humanitatis, non debemus negare humanitati talem appetitum.

Secundo, ut habet *Scotus quolib. 19. §. Tertia etiam negatio non sufficit, &c.* Humanitas assumpta est eiusdem rationis cum nostra: cum ergo nostra habeat appetitum ad propriam subsistentiam, idem est dicendum de Humanitate assumpta. *Tertio* in nostra schola. appetitus naturalis non est aliud ab ipsa humanitate: ergo, cum in Verbo remaneat realiter humanitas, ita etiam appetitus. *Monco*, me non negare omnem distinctionem appetitus ab humanitate; nego distinctionem realem, sed concedo formalem. Appetitus etenim radicitur in humanitate: ergo aliquo modo distinctus ab humanitate. Item, appetitus est relatio transcendentalis: cum non possit concipi sine ordine ad aliud: humanitas est ad se: ergo humanitas aliquo pacto distinguitur ab appetitu.

38 *Sit altera ratio* pro nostra propositione. Natura humana dicit inclinationem ad elendum per se: non tamen ad subsistendum

dum in alio. *Hinc nota*, quòd appetitus ille, qui remanet in natura ad propriam ſuſſistentiam, non eſt ad ſuſſistendũ in ratione ſuſſistendi, ſed in ratione perſonalitatis propriæ, & abſolutæ, prout poteſt ab illa natura provenire. *Dices*, naturã humanam habere ſuſſistentiam Verbi, in qua eminenter, & perfectiori modo continetur propria, & ita non dicere appetitũ ad propriam. *Contrã*. (quidquid ſit, nũm perſonalitates Divinæ dicant perfectionem.) Natura humana non inclinatur ad proprium ſuppoſitum ſecundũ eſſe illius eminentiale, ſed ſecundũ eſſe formale: ſed natura ſuſſistens ſuſſistentia Verbi, caret propria ſuſſiſtẽtia ſecundũ eſſe formale: ergò dicit propoſitionem ad illud ſecundũ eſſe formale. *Dices*, quòd ſi natura, vt ſuſſiſtit ſuſſistentia Verbi, appeteret proprium ſuppoſitum, appeteret etiã dimitti à Divino Verbo: nãm proprium ſuppoſitum non eſt compatibile cũ ſuppoſito divino. *Reſpondetur*, naturam nunquam appetere dimitti à Divino Verbo: etenim, nulla datur inclinatio naturalis ad deſtructionem alicuius perfectionis. Nec argumentum aliquid probat: nãm materia unita annũt alias formas appetit, quippè ſunt illius perfectiones, quæ tamen ſunt incompatibiles cum anima rationali. *Ad rem noſtram*, appetitus in natura hu-

mana non eſt inordinatus ad propriam ſuſſistentiam: quia licet ſuppleatur à Divino Verbo quoad terminabilitatem, & dependentiam naturæ, non tamẽ ſuppletur quoad illud, quod naturaliter appetit, ſcilicet eſſe per ſe; & independenter ab alio.

39 *Replicabis* fortiter contra noſtram propoſitionem: ſi illa foret vera, natura ſub ſuſſistentia Verbi ſtare violenter. Probatũr, quia per ſuſſistentiam Verbi auferetur propria perfectio naturaliter debita naturæ humanæ, & impeditur, nè propriam obtineat ſuſſistentiam; ad quam natura retinet aptitudinẽ etiã ſtante ſuſſistentia Verbi. *Uterius* ſuſſistentia Verbi non ſupplet id, quod propria præſtaret perſonalitas. Tũm quia à propria ſuſſistentia minimẽ dependet natura, ſed ab aliena: Ad propriam natura vnitur immediate, ad divinam media vnione hypſtatica; cum propria ſuſſistentia facit vnum per ſe, cum ſuſſistentia Verbi, vnum per accidens: ſub propria ſuſſistentia dicit natura negationẽ dependentiæ actualis, & aptitudinalis; ſub ſuſſistentia Verbi dicit natura actualem dependentiam ad illam, & aptitudinalem ad propriam: ergò ſuſſistentia Verbi directè præſtat oppoſitum illius, quod propria præſtaret ſuſſistentia: ergò euidenter ſequitur violentia in natura, cũ fiat ſub ſuſſistentia Verbi.

Reſ-

Responderem, quod quamquam quoad multa inuerso ordine se habeant subsistentia propria humana, & subsistentia Diuina, tamen quantum ad effectum principalem à natura ipsa, & ab agente intentum, quod est facere illam subsistere, ipsam personalizari &c., conueniunt: quia ab utraque subsisten-

tia distinctiue haberetur effectus ille: nec natura in hoc resistit, nec remurmurat, & consequenter ibi nulla violentia. Cetera sunt veluti minus principalia, præsupposita, vel aduentitia, in quibus differunt, seu opponuntur; quæ tamen parum attenduntur, & parum faciunt ad rem nostram.

PROPOSITIO SEPTIMA:

Petes. Vtrum Humanitas sit in potentia naturali, vel violenta, vel neutra ad unionem hypostaticam.

40 **M**Oneo, æquiuocum esse hoc nomen, *naturale*, ac proinde non vno, quinimò pluribus modis dicitur, teste *Scoto in 4. dist. 43. qu. 4. 5. intelligendum est. Primò* accipitur, ut contra distinguitur contra violentum; quo in sensu naturale vocitatur non per ordinem ad efficiens, sed per respectum ad subiectum, in quo recipitur forma: hinc, si in subiecto datur propensio, inclinatioque naturalis ad formam, ea forma appellabitur naturalis; si in subiecto habeatur renitentia, & pugna contra formam, tunc forma erit dicenda violenta; si verò in subiecto non reperiatur inclinatio, nec renitentia contra formam, tunc neutra censabitur: ut superficies respectu albedinis, vel alterius coloris, vel lignum ad statuum Cæsaris,

vel Caroli. *Quod naturale* sumptum pro contradistincto à violento, benè partitum sit, docet id, quod non potest intelligi ali-quod passum comparatum ad formam, quin sit respectu eiusdem in potentia naturali, vel violenta, vel neutra. Ità *Scotus qu. 1. prologi. Potestiam* illam obedientialem, quam obseruant Theologi in creatura respectu Dei, non est præsentis speculationis: quippè, teste *Scoto 9. met. 4. 12.* illa sumitur per comparisonem ad agens, non ad formam, scilicet, quod creatura ad Dei potentiam comparata, talis est, ut de illa possit facere Deus, quidquid ei placuerit, velit, nolique creatura.

41 *Secundò capitur naturale*, ut opponitur contra liberam: *Naturale sic captum*, dicit illud principium,

cipium; quod ex se est determinatum ad vnum modum agendi, nec potest in contradictoria, etsi valeat producere disparata, quinimò etiam opposita contraria: *verbi gratia*, Sol, etsi non habeat potentiam de se liberam ad agere, & non agere, valet tamen producere serpentem, ranam &c. Ita intelligendus *Auerroes 12. met. Commento 44.* dicens: *Ab vno, in quantum vno, non procedere immediate nisi vnum;* est sensus, quòd non producit agens naturale, nisi vno modo agendi; sic intelligitur illud aliud principium: *Natura est determinata ad vnum*, scilicet ad vnum modum producendi, non ad vnicū productum. Agens liberum oppositum agenti naturali id dicimus, quod habet in potestate, sua actionem, & modum agendi, & seipsum determinat ad agendum. De hoc agente libero *Scotus in 1. dist. 39. q. 1. §. quantum ad primum, &c. l. E.* docet, voluntatem creatam esse liberā ad oppositos actus contrarios, & contradictorios; & opposita obiecta, in quæ potest tendere per huiusmodi actus; vnde voluntas potest velle, & nolle, velle, & non velle, &c.

42 *Tertiò sumitur naturale, vt cōtradistinctum à supernaturali*, si passum comparatur non ad formam, sed ad agens, à quo patitur; tunc dicitur naturaliter recipere, si ab agente creato disponitur, & inducitur forma:

dicetur supernaturaliter recipere, si recipit ab agente increato sine dispositione naturali, & beneficio agentis creati. Hinc fieri potest, vt eadem potentia receptiua ad diuersa comparata, dicatur violenta, naturalis, & supernaturalis: aqua enim recipiens calorem, dicitur violenta, vt comparatur ad calorem; si comparatur ad ignem, à quo recipit, dicitur naturalis, quia ignis est agens naturale; si recipiat à Deo supernaturaliter agente, dicitur vt comparata ad Deum, recipere supernaturaliter.

43 *Rationem naturalitatis, vel violentiæ oppositæ, non desumi per respectum ad agens, ea docet ratio: quòd, cessante actione agentis, & remanente forma in materia, adhuc forma dicitur violenta, vel naturalis (non curo modò de neutralitate) nam frigiditas in igne diceretur violenta, & caliditas in aqua; caliditas verò in igne diceretur naturalis, sicut frigiditas in aqua. Sit altera ratio.* Circūscripto agente per intellectum, si forma, quæ recipitur in passò, est iuxta inclinationem ipsius, passum naturaliter recipit formā; at verò si forma recipiatur contra inclinationem, abiq; dubio, circumscripto quocumque alio, passum recipiet illam, renitendo, & violenter: ergò ratio violentiæ, & naturalis ei oppositi, præcisè sumitur ex habitudine

N passi

passi ad formam.

Nec dicas, Aristotilem 3. ethicorum cap. 3. docere, violentum esse, cuius principium est extra, passio non conferente vim; quibus in verbis annui videtur, rationem violenti non solum desumi per comparationem passi ad formam; sed etiam ad agens. Respondemus, quod in descriptione violenti tantum ponitur agens, ut quid extrinsecum, & non tanquam per se constitutiva ratio violenti: nam tantum constituitur per illam particulam: passio non conferente vim; id est inclinationem.

- 44 *Hac supposita doctrina, difficile non erit intelligere dari potentiam neutram distinctam à naturali, & violenta. Tamen breviter rem ita suadeo: dari potentiam naturalem, & violentam, negabit nemo: hoc enim patet in aqua, quæ respectu frigiditatis dicit potentiam naturalem; at verò respectu caloris dicit potentiam violentam. Dari potentiam neutram, patet respectu formarum artificialium; in lapide verbi gratia adest potentia ad formas artificiales, & talis potentia non est violenta; non est potentia naturalis: quia forma non est naturalis, ad quam passum non inclinatur naturaliter: sed ad formam Caroli verbi gratia lapis de se non inclinatur, sicut nec ad alia opposita: ergo tantum dicit potentiam neutram; ergo talis datur.*

Breviter sit alia ratio: in Angelo est potentia passiva ad essendum in loco: illa non est naturalis, nec violenta: ergo neutra. Urgetur ratio: Angelus potest esse in loco: ergo habet potentiam passivam ad essendum in loco: hæc non est violenta, ut de se patet: rursus non est naturalis: quia si Angelus esset naturaliter in loco, aliquod corpus haberet naturaliter aptitudinem ad ipsum conferuandum: cum naturalis inclinatio ad locum, non sit, nisi ut res melius sub eo conservetur: at nequit dici, quod aliquod corpus habeat naturalem aptitudinem ad conferuandum Angelum: ergo. Adde: si potentia Angeli ad essendum, in loco, esset naturalis; cum talis potentia sit limitata, naturaliter peteret esse in determinato loco, ac proinde in loco opposito esset violenter, ut contingit in alijs entibus limitatis.

- 45 *Nec valet dicere, argumentum currere, si Angelus inclinaretur ad determinatum locum; at verò cum non inclinetur ad indeterminatum locum, non valet: patet in materia prima, quæ naturaliter quiescit sub quacumque forma: quia in quacumque indeterminate tendit. Contra: quia, cum locus naturaliter sit coterminatus locati, necessario petit habere similes qualitates, quas habet locatum, ut illud conservare possit; cum igitur, ut de se patet, in omni loco non sint similes*

miles

miles qualitates illius, prout in locato particulari inueniuntur, manifestè sequitur, locatum dicere propensionem ad locum determinatum. Friuola ergò solutio data ad nostrum argumentum. *Ad exemplum* de materia prima dico, quòd ex sui natura nullam qualitatem sibi determinat, quinimò omnibus, quas secum adducunt formæ, lætatur & gaudet.

46 *Ad nostrum* ergò pñctum principale reuertentes: nullus est, qui neget, humanitatem, saltem potentia obedientiali, respicere Verbum: nãm hoc negato, sequeretur, naturam humanam violenter esse assumptam à Verbo, & violenter in eo esse, quod affirmaret nemo. Difficultas verò est, *an præter istam potentiam obedientialem sit reperire potentiam naturalem, vel inclinationem naturalem in natura humana ad Verbum Diuinum.* Lychetus noster hic affirmat; cuius etiam opinionis est Caietanus in 3. par. quæst. 4. art. 2. dubium hoc pertractans, qui quātumuis aliquas rationes adducat ad probandum, naturam humanam non habere inclinationem naturalem ad proprium suppositum; simpliciter tamen hoc asserere, dicit esse falsum, hac motus ratione: quod natura humana assumpta à Verbo potest considerari, vel secundum se, vt non est vnita Verbo, & hoc modo habet naturalem inclinationem ad proprium suppositum,

vt aliæ naturæ: Nãm constat, vnamquamque naturam personari propria personalitate, depra ea, quæ est Christi, iat ex 2. phy. sicorum, vnumquodque, sicut naturaliter agitur, ita aptum, natum est agere. Alio modo consideratur, vt est vnita Verbo, & sic non inclinatur ad propriam personalitatem habendam: quia potentia naturalis ad aliquod, si perficiatur per aliquod perfectius sic, quod contineat, quidquid est in illo, ad quod naturaliter inclinatur, non inclinatur amplius in illud: quia iam satiat. tus est appetitus naturalis ex perfectiori continente illud, ad quod inclinabatur, & ita euenit naturæ, vt vnita Verbo. Vnde asserit, quòd dicere: personam Diuinam impediri naturam humanam à propria personalitate, est verum: nam comparatur natura secundum se ad Verbum Diuinum: falsum autem est dicere: personam Diuinam impediri naturam humanam à propria personalitate: quia comparatur natura vt vnita ad Verbum.

Lychetus verò alia via sustinet suam sententiam dicens, quòd natura quælibet siue consideretur vt vnita, siue vt non vnita, habet inclinationem ad suppositum Diuinum, & proprium, sicut materia, siue consideretur vt vnita formæ, siue vt non vnita, habet inclinationem ad ipsam, & ad aliam. Legatur Lychetus. *Confirmari* potest sententia

tia Lycheti ex Scoto in 1. prologi, vbi habet, naturam humanam, dicere inclinationem ad actus supernaturales: subiugo minorem: sed

suppositum Diuinum est res supernaturalis: ergo ad suppositum Diuinum dicitur naturalem inclinationem.

PROPOSITIO OCTAVA.

His non obstantibus, mihi dicendum cum Scoto, humanitatem tantum ad suppositum proprium naturaliter inclinari.

47 **P**robatur primò: quia aliter incarnatio esset naturalis ex parte naturæ assumptæ: quippè esset ad naturalem terminum. Secundò inclinatio in subiecto expostulat, quòd ex parte ipsius formæ sic inclinatio ad subiectum, quæ tamen inclinatio non datur in vnione hypostatica respectu naturæ humanæ: nam si in ipsa natura humana daretur talis inclinatio, deberet dari etiam in termino, qui vnitur, nempe in Verbo; at in Verbo non datur talis inclinatio ad humanitatem: nam potest intelligi Verbum sine ordine ad humanitatem: ergo.

Difficultatis contra nostram doctrinā. Ex Scoto vnumquodque perfectibile naturaliter appetit suam perfectionem: at nemo negabit, naturam humanam maximè perfici, & honorari, seu cōdecorari per vnionem hypostaticam: ergo ad vnionem hypostaticam est propensio natura,

Vt radicale hoc solvatur argumentum; moneo, quòd quando dicitur: vnumquodque receptiuum naturaliter inclinatur in suam perfectionem, &c. ibi *ly suam*, nō sumitur per informationem: quia sic calor in aqua est perfectio sua. Rursus non sumitur, *ly suam*, per naturalem decorem, vt de se patet; nec denique sumitur *ly suam*, quia est perfectio illius: nam vnio hypostatica, & formæ naturales sunt perfectiones subiectorum, & tamen non sunt perfectiones illorum, quoad inclinationem. Sumitur igitur *ly suam*, per correspondentiam naturalem formæ receptibilis terminatæ ad suum proprium receptiuum.

48 *Itaque*, quando perfectio aliqua talis est, quod natura sua inclinatur ad perficiendum aliquod perfectibile, illud perfectibile, seu receptiuum correspondens illi formæ, naturaliter inclinatur ad recipiendam formam illam.

illam. *Me declaro.* Voluntas creata naturaliter respicitur à fruitione Beatifica, quæ talis est naturæ, vt ex se, & sua natura petat voluntatem creatam, tanquã determinatũ receptiuum, & ita volũtas creata naturaliter inclinatur ad recipiendã fruitionem Beatificã; idem est de intellectu respectũ visionis Beatificæ. Res declaratur: formæ supernaturales *verbi gratia* visio, dilectio, charitas, &c. habent suas quidditates, & naturas, quarũ ratione dicunt inclinationem naturalem, seu petunt subiecta, ad quæ ordinantur, & sine quibus intelligi non possunt. Visio enim intelligi non potest absque vidẽte, & dicit ordinem ad vidẽtem. Similiter gratia dicit ordinem ad reddendum hominem gratum: ergo ex natura sua inclinatur, seu petunt videntem, diligentem, &c., tamquam perfectibilia propria, & subiecta receptiua: ergo in ipsis debet correspondere inclinatio similiter naturalis ad talem visionem, dilectionem, &c. *Ad argumentum:* hypostasis Verbi non est propria forma humanitatis, nec dicit inclinationem, seu propensionem ad illam: vnde in humanitate non est inclinatio naturalis ad illam, quamuis perficiatur per illam.

19 *Replicabis.* Vnio hypostatica cu natura quẽdam creata respiciens humanitatem, vt subiectũ perfectibile, ex quo educitur, vel

in quo saltem recipitur, sifiat per creationem: ergo in humanitate per correspondentiam debet esse inclinatio naturalis ad illam, etiam si non sit ad ipsam Verbi hypostasim, seu subsistentiam. *Respondetur*, quod eò ipso, quod subsistentia Verbi non est propria perfectio humanitatis, nec in humanitate correspondet inclinatio. Itaque nec vnio hypostatica potest esse perfectio propria: nam quidditas, & natura illius sumitur ab extremis saltem manifestatiue: vnde si in extremis non est correspondentia naturalis, ita neque extremũ cum illa vnione potest habere correspondentiam. *Nec obstat*, quod sit natura creata dicens ordinem ad subiectum; nam dicit ordinem ad illud vt perfectibile per illam; sicut dicunt formæ neutrales receptæ in subiecto. *Hinc concludo*, quod in humanitate est tantũ potentia, neutra ad hypostasim Verbi, & vnionem illius.

Nec ratio Lycheti, & Caietani adducta nu. 46. valet; nam non est par ratio de materia comparata ad formas, & de natura comparata ad personalitatem; nam forma quilibet in particulari non est terminus totalis appetitus, & ideo ad aliam inclinatur; at verò personalitas est totalis terminus naturæ; quare si ad proprium naturaliter inclinatur, ad personam Diuinam naturaliter non potest inclinari.

Ad

Ad confirmationem ex Scoto dico, ipsum esse locutum de illis actibus, qui conveniunt naturæ intellectuali, quæ intellectualis est, ut habitus infusus, visio beatifica,

fruitio, &c.; at verò suppositum Diuinum non convenit homini, quæ intellectualis est, cum etiam bruta possent assumi iuxta superius dicta nu. 28. disp. 2.

D V B I U M I N C I D E N S.

Petes. An detur potentia obedientialis passiva in natura humana respectu personalitatis Diuinæ.

Causant hanc dubitationem verba *Dottoris subtilis* in 19. quæst. quolibetali art. 3. ubi ait: *quæcumque natura est simpliciter in potentia obedientiali ad dependendum ad personam Diuinam.* Idem habet in 3. dist. 1. di-

cens, quod natura humana erat in potentia obedientiali ad unionem hypostaticam. Quid nobis hac in parte iudicatur verum, docebunt, quæ subsequuntur propositiones.

PROPOSITIO PRIMA.

Non datur potentia obedientialis passiva.

30 **V**eritatem istam docet *Scotus* quæst. 1. prologi, & alibi, ubi docet, intellectum per potentiam naturalem recipere lumen gloriæ, ceteraque accidentia supernaturalia, ex quo negat potentiam obedientialem passivam. Probatur hac ratione: quæcumque potentia obedientialis est instrumentum Dei; sed nulla potentia passiva potest esse instrumentum Dei: ergo nullalis datur: minor probatur: nam instrumentum sequitur idē

genus cauſandi cum causa principali, cuius est instrumentum: sed causa principalis, præcipue supernaturalis, & Diuina semper est in genere efficientis, nec potest esse in genere formæ, aut materiæ: ergo instrumentum erit similiter in genere efficientis. Quod etiam potest colligi ex ipsa definitione communiter tradita de potentia obedientiali: est enim virtus quædam, quæ creatura aptari dicitur, ut obediat suo Creatori in his, quæ superant naturam

ram illius, si non implicat contradictionem: virtus enim à Creatore adiuta ad suam operationem manifestè sonat efficientiam: quandoquidem in alio genere causæ nequeat adiuuare: ergo, &c.

- 51 *Sit altera ratio.* Si aliqua potentia passiva esset instrumētum ad aliquam formam supernaturalem suscipiendam, talis potentia deberet esse instrumētum alicuius causæ principalis, cui principaliter tribuenda erat talis receptio: sed implicat, quòd Deus principaliter aliquod recipiat (quinimò nullo modo potest recipere): ergo implicat dari potentiam obedientialem passivam, quæ sit instrumentum receptivum Dei, ac per consequens instrumentum tantum est in genere efficientis.

Confirmatur: nam superflua est eleuatio ad id, quod est imperfectio: sed recipere est pati, & imperfectio (etsi quod recipitur, sit perfectio): ergo ad recipiendum nulla datur eleuatio, aut potentia passiva supernaturalis.

Sit altera ratio. Potentia naturalis est, quoties quis utitur posse, vel non posse aliquod per naturam facere secundum *D. Augustinum lib. de decem Casib. cap. 12.* ergo potentia naturalis est etiā, qua quis potest aliquid per naturam suscipere: sed homo potest per naturam suscipere unionem hypostaticam: ergo illa potentia susceptiua erit illi

naturalis. Minor probatur: quippe si natura non posset suscipere formam supernaturalem, nisi primò foret constituta in esse supernaturali, iam daretur processus in infinitum: nam ante formam supernaturalem suscipiendam deberet præmitti altera forma supernaturalis in suscipiente: ergo deueniendū esset ad naturam, quæ primò vt naturalis valeat recipere formam supernaturalem.

- 52 *Dices.* Datur potentia actiua supernaturalis obedientialis: ergo datur potentia passiva obedientialis. Probatur consequentia: sicut potentia actiua nō potest producere actus supernaturales sine adiutorio supernaturali, ita potentia passiva non potest recipere actus, vel formas supernaturales sine adiutorio supernaturali: sed ista est potentia passiva obedientialis: ergo minimè neganda venit potentia passiva obedientialis.

Respondetur, concessio antecedente, negando consequentiam, & ad probationem negatur *ly sicut.* Ratio disparitatis est; quia potentia actiua potest adiuuari à Deo ad efficiendum; potentia verò passiva minimè: etenim hoc dicit implicationem, quam ostendunt nostræ rationes supra adductæ.

- 53 *Dices.* Tamen si potentia passiva nequeat adiuuari ad recipiendas formas supernaturales, nihilominus necesse est ponere in

ea aliquod supernaturale, vt proportionetur cum forma recipiēda : sed hæc erit potentia obediēcialis passiua: ergo iure merito est admittenda potentia obediēcialis passiua. Probatur maior ex communi axiomate Philosophorum docentium, quod quidquid recipitur, admodum recipientis, recipitur: ergo si recipitur forma supernaturalis; debet recipi à potentia supernaturali, quæ erit potentia obediēcialis passiua.

Negatur maior; & ad probationem dato antecedente, negatur consequentia; nam illud axioma tantum docet, quod recipiens habeat capacitatem recipiendi formam aduenientem, & proportionetur cum illa in ratione receptibilis; & recipientis; & sic forma supernaturalis recipitur naturaliter in potentia naturali. Ecce quomodo recipitur ad modum recipientis, unde non petit axioma, quod recipiens, & receptum proportionentur in suis entitatibus taliter, quod, si forma est supernaturalis, potentia sit supernaturalis: nam habitus supernaturales recipiuntur in potentijs naturalibus. Et maxime aduertendū, quod ponentes potentiam obediēcialem passiuam, ideo illā exigunt, vt per illam reddatur subiectum capax. Quo fit, quod si datur capacitas naturalis ex parte potentie, ista naturaliter poterit recipere formas, quid-

quid formæ in sua entitate sint supernaturales.

54 *Fateor*, omnes creaturas sentire imperium Creatoris, ideo sunt in potentia obediēciali ad omne id, quod de illis velit facere Deus, dummodò repugnātiā non dicat, non tamen talis est potentia passiua obediēcialis. Est enim potentia obediēcialis quædam potentia dicta similitudinariē, non propria locutione, sed transumptiua; quia nomen, *obediētia*, propriē significat non resistentiam voluntatis, quæ alterius voluntati resistere potest. A simili cera dicitur obediens, quia non resistit duro agenti in ea; & lutum in manu Figuli dicitur obediens eodem modo; ita in proposito, potentia obediēcialis est potētia actiua non resistens actioni Diuinæ. Obediētia quippè veriùs dicitur de agente, quàm de patiente. Seruus implens mandata Domini sui; propriē dicitur obediens. Sagitta perueniens ad Scopum, ad quem à Sagittario directā fuit, metaphoricē dicitur obediens. Molle autem cedens duro, dicitur obediens, sed metaphoricē, minùs tamen, & minùs propriē, quàm sagitta. Et si quereres, quæ potentia contradistinguitur potētiæ obediēciali? Dicam, quod est potentia imperialis; hæc autem siuē propriē, siue transumptiue sumatur, est potētia actiua; ideo conuenientiùs huic respon-

pondet potentia obedientialis actiua, qua quis actiue obedit, quam potentia obedientialis passiua.

55 *Potentia passiuua naturalis*, non metaphoricè dicitur, sed propriè; & vltra subiectum, importat quamdam propensionem seu inclinationem, seu quèdam appetitum ad perfectionem, susceptibilem, quæ propensio, inclinatio, vel appetitus non, est negatio, sed quædam conditio positiua ordinata ad perfectionem: potest tamen dici, quòd appetitus includat vnum positium, & alterum negatiuum; quia secundum *D. Bonauenturam* duo faciunt appetitum, scilicet conuenientia, & indigentia, illa, ut patet, est quid positium, hæc est quid priuatiuum. Id verò, quod est conueniens rei à prima eius institutione, & conuenit omnibus indiuiduis eiusdem speciei; certè illi dicendum naturale, & inclinatio ad tale conueniens, meretur nomè inclinationis naturalis. *Et quis non diceret*, potentiam ad videndum esse naturalem oculo? Hinc *D. Augustinus de fide ad Petrum* duo considerans in homine, id scilicet, quod ei competit, ut ens tale à Deo factum, & ut ordinatum,

ad talem finem; ait: *& ideo quippe nature à Deo factæ proficere possunt, quia esse ceperunt; ideo deficere, quia ex nihilo factæ sunt; ad defectum eas conditio ducit originis; ad profectum verò prouocit operatio Creatoris.*

56 *Ex quibus colligitur*, quòd illud debeat dici finis naturalis, ad quod à Deo ordinatur homo. Melius tamen dicam, finè esse supernaturalem, appetitum verò ad talem finem esse naturalem; & penès hoc alia est hæc quaestio ab ea, quam edidi alias sub hoc titulo. *Dens est finis nò naturalis creaturae intellectualis, in puris naturalibus accepta; non modò quoad consequutionem, sed etiam quoad inclinationem, &c.* Argumenta, quæ ibi proposui, ad hoc tantum adduxi, ut ostenderem claram visionem de Deo esse finem supernaturalem. Ad duplicem namque perfectionem homo est ordinatus à Deo, *prima* est omnis perfectio, quam viribus naturæ, & generali ipsu fluxu Dei potest acquirere. *Secunda* est omnis perfectio, ad quam obtinendam indiget speciali influxu, & speciali adiutorio, & hæc dicitur perfectio supernaturalis.

PROPOSITIO SECVNDA:

Ad perfectiones supernaturales habet homo naturales inclinationes,

57 **D**iscordant inter se Theologi hac in parte. Prima enim sententia est aliquorū dicentium, quod ad perfectiones miraculose inductas, quæ tamē alio modo naturaliter acquiri possent, in homine sit potentia susceptiva naturalis, & naturalis inclinatio; ut puta, si quis ægrotus à natura sanari nō posset, & per miraculum sanaretur, potentia ad sanitatem diceretur naturalis. Sic quando Salomon petijt à Domino cor docile, & sapientiam, inclinatio ad petendum illam, erat ei naturalis, assecutio tamen Sapientiæ fuit illi supernaturalis,

Secunda sententia est quorūdam asserentium, quod homo potest considerari dupliciter, ut homo tantum in puris naturalibus, vel ut ordinatus ad vitam æternam consequendam per virtutes Theologicas, fidem, spem, & charitatem; & ut sic accipitur, est aliquid plus, quàm homo; & vocari potest homo Theologus; & iste in quantum Theologus potest dici habere potentiam naturalem ad perfectiones supernaturales; homo verò in puris naturalibus: quia est tantum ho-

mo, est in potentia obedientiali ad illas perfectiones.

58 *Hæc distinctio videtur mihi superflua: quis enim hominum creatus, ut tantum sit? nunquid aliquis ordinatus est tantum, ut numerum efficiat? nunquid aliqua hominum massa deputata est à Deo ad dicendum, iuxta illud vulgatum, Nos numerus sumus, & fruges consumere nati? Scio rationale n. creaturam factam esse, ut summum bonum intelligeret, intelligendo amaret, amando possideret, & possidendo frueretur, & ut dixit quidam incertus author, cuius dictum insertum legitur, ut fragmentum apud D. Augustinum de Creatore primi hominis tract. 21. Sicut Deus, qui hominem ad similitudinem suam creavit, charitas est, bonus est, iustus est, pater, & mitis est, mundus, & misericors est, & alia virtutum insignia, quæ de eo leguntur; ita homo creatus est, ut haberet charitatem, ut bonus esset, iustus, pater, ac mitis, mundus, ac misericors foret, &c.)* Minus igitur homo posset dici Theologus, & si non actū, potentia tamen: cum quilibet sic creatus ad Beatitudinem supernaturalem,

&

& quia sic ordinatus est, ideo naturaliter propendit ad ipsam. Neque dubium esse potest (vt ait *Eminentiss. Bellarminus in suis Commentarijs de Romano Pontifice lib. 1. cap. 2.*) quin propensio naturæ ad authorem naturæ, Deum, referenda sit.

59 *Uterius.* Vnde quæso desūpta est illa denominatio, homo Theologus? homo Dei reperitur Deuteronomij 33. *Oratio hominis Dei, & 4. Regum 1. n. 10. Si homo Dei sum ego, descendat ignis de Cælo super te, &c.* Hæc autem denominatio, homo Theol. inuenta est ad delucidandas aliquas difficultates; verum magis videtur eas obscurare. Quidquid sit tamē, hoc nihil est ad tollendum dubium. Quæro enim; an omnis homo sit ordinatus ad consequendam Beatitudinē per virtutes Theologicas, vel non? *Si sic;* omnis ergo est Theologus, & naturaliter propendit ad Beatitudinem. *Si non,* quæro de illo, qui est ordinatus, an propendat ad ipsam ordinationem, vel nē? *Si sic;* ergo naturalis propensio est ad aliquid merè supernaturale. *Si non;* ergo acceptio personarū apud Deum, qui hunc ordinat, illum autem non ordinat ad vitam, & si perit, culpa Dei perit, quod non est dicendum.

60 *Tertia sententia est,* quod potentia susceptiua, & c. sit capacitas quædam sinē resistentia, vt dictum est in declaratione potētiz obedientialis in propositione

ne antecedenti. Ad istam sententiam reducuntur illi, qui tenent dari potētiam neutram ad actus supernaturales.

Quarta sententia est Scoti in 4. dist. 49. quæst. 9. & 10. & in prima Prologi, & alibi pluries adherentis, potentiam ad beatitudinem in particulari etiam esse naturalem, imò appetitum illum, qui est sola propensio sinē actu elicitō voluntatis, vel alterius potentiz, dicit, summè, & necessariò inclinare potentiam naturalem passiuam ad suscipiendam beatitudinem supernaturalem in particulari. Ad sententiam Scoti reducitur sententia *Durandi in 4. dist. 49. q. 8. & sententia Soti qu. 2. artic. 1. & lib. 1. de natura, & gratia cap. 4.* Et quod maius est, communior sententia Scholasticorū Theologorū. Quare valdè miror, quod *Ludonicus Molina in suis disputationibus supra 1. parte D. Thoma quæst. 12. artic. 1. disp. 2. discordet à Scoto,* & dicat hæc formalia verba in principio disputationis eiusdē, nempe: *Communior Scholasticorum asserit esse in nobis appetitum naturalem ad beatitudinem in particulari, &c.* Hæc Molina. Hinc dico, si hæc positio communior est: ergo probabilior: ergo tutior: ergo in hac positione dicere non possunt: *Scotus contra omnes, & omnes contra Scotum.* His præhabitis.

61 *Ad probandam modò nostram propositionem valet id, quod*

D. Augustinus 13. de Trinitate cap. 1. notat de illo Mimo, qui dixit se velle prædicare omnibus existentibus in theatro, quid cuperent, & dixit, quod omnes cupiebant emere vili, & vendere caro; inquit *Augustinus*, bene dixisset; omnes cupitis esse beatos: ego ita subsumo: sed nec *D. Augustinus* bene corrigisset illum, si locutus foret de volitione actuali; quia (ut ait *Scotus* in 1. dist. prima, qu. 4.) non omnes cogitabant de Beatitudine: ergo *D. Augustinus* voluit intelligi de appetitu naturali inseparabili à nobis, quo dicimur habitualiter vel-
le.

Eidem nostra propositioni fauet Augustinus de prædestinatione Sanctorum cap. 5. ubi ait, posse habere fidem, natura est hominum; habere autem gratiam, est fidelium; & lib. 4. contra Iulianum cap. 3. inquit: nec enim omnes homines naturali instinctu immortales. & Beati esse velimus, nisi esse possimus; in quibus verbis manifestè loquitur de Beatitudine supernaturali; sicut quando lib. 13. de Trinitate cap. 8. dicit, ad appetendam Beatitudinem, naturam compellere, &c. Cum igitur in prædictis locis dicat instinctu naturali, dato à Deo Creatore, homines appetere beatitudinem, manifestè loquitur de appetitu innato, & nõ elicto: nam appetitus innatus confertur à Creatore, dum condidit naturas rerum.

62 Et si dicatur, Augustinum lo-

qui de appetitu elicto confectus to ad cognitionem fidei. *Dico* primò hoc esse falsum: nam loquitur de appetitu, ad quem compellit natura data à Creatore; natura autem ut licet, est ipsa entitas rei, ergo, &c. *Secundò* dico, etiam si loquatur de appetitu elicto, tradere nostram sententiam: quia ideo, supposita cognitione, natura compellit ad eliciendum talem appetitum: quia ipsa natura est propensa, & inclinata ad illum finem naturalem, alias non compelleret; ideo enim lapis impellit ad motum deorsum, quia est inclinatus; ad motum autem sursum non mouetur, quia deest inclinatio naturalis.

Quando Augustinus dicit, in homine esse capacitatem ad fidem, ibi per capacitatem non intelligit non repugnantiam, seu potentiã obedientialem; quia hæc, ut diximus nu. 50. non datur respectu formæ recipiendæ; intelligendus igitur est de capacitate, pro potentia, seu inclinatione naturali ad fidem.

63 Accedat ratio. Potentia susceptiva ad aliquam perfectionem, convenientius dicitur naturalis, quàm obedientialis; alis est potentia susceptiva perfectionum supernaturalium. ergo dicitur convenientius naturalis, quàm obedientialis. *Urgetur ratio.* Potentia naturalis est, quoties quis vitur posse, vel non posse aliquid per naturam facere, secundum

dum *D. Augustinum lib. de decem Categorijs cap. 12.* Ergo potentia naturalis est etiam, qua quis potest aliquid per naturam suscipere: sed homo potest per naturam suscipere aliquam perfectionem supernaturalem, nempe primam: ergo illa potentia susceptiva erit illi naturalis. Prima consequentia probatur per eundem *Augustinum ibidem*: nam, exemplificando, qui dicuntur naturaliter imbecilles, & qui naturaliter salubres, ait: *eodem modo namque, & in his potentia naturalis aduertitur, que eos facit, vel languoribus crebrius esse subiectos, vel retinere perennem sospitatem.* Tunc arguo sic. Hi dicuntur salubres, qui faciles sunt ad retinendam sospitatem naturaliter: ergo & naturaliter dicuntur perfecti, qui naturaliter sunt faciles ad retinendum perfectiones supernaturales; & quis est, qui accepta gratia a Deo, non possit eam faciliter retinere? Non dico, quod quis facile possit assequi gratiam, sed quod acceptam facile potest retinere. Quare facile? Quia natura propendit ad bonum, & ad conservandum habitum.

64 *Secunda ratio.* Omnis potentia receptiva in ordine ad formam, vel est naturalis, vel violenta, vel neutra, ut patet ex dictis in antecedentibus propositionibus: sed potentia volitiva, est receptiva volitionis, seu fruitionis supernaturalis, & idem

est de intellectu respectu visionis: ergo vel est naturalis, vel violenta, vel neutra; sed non est violenta, ut de se patet (alias Beati violenter essent sub Beatitudine,) neque est neutra, quia hanc potentiam non admittunt aduersarii, & rursus fruitio Beata est maxima perfectio, & propria perfectio voluntatis: ergo non se habet neutraliter respectu illius. Notanter dixi, *est propria perfectio*, propter ea, quae diximus supra de visione hypostatica: ergo dicendum est, quod sit in potentia naturali respectu ad illam. *Vergetur ratio ex Scoto.* Vnumquodque perfectibile naturaliter appetit suam perfectionem: sed homo est perfectibilis per Beatitudinem, tanquam per suam perfectionem: ergo naturaliter appetit, & inclinatur ad illam.

65 *Respondet Molina in 1. parte scti Thomae qu. 12. art. 1. disp. 2.* maiorem esse intelligendam de perfectione naturali.

Contra obijcio, beatitudinem, esse perfectionem naturalem hominis, si comparatur forma ad subiectum. Hoc probatur: non est enim in potentia neutra ad Beatitudinem, nec in potentia violenta, cum sit illi maxime consentanea, & perfectissima illius: ergo est natura nostra in potentia naturali ad illam. *Secundo.* In supremam hanc beatitudinem naturaliter fertur: igitur aequè respicit natura nostra beatitudinem.

nem naturalem, ac supernaturalem. Probatur antecedens; quia ex Philosopho 1. *Ethicorum* bonum est, quod omnia naturaliter appetunt; ergo quò magis bonum, magis appetitur; supernaturalis beatitudo est maximū bonum hominis; ergo hæc maximè naturaliter appetitur.

Confirmatur hoc idem ex Sancto Augustino 13. de *Trinitate* capite 3. ubi inquit; *bonum non posse nos non velle*: sed id non potest intelligi de appetitu elicito; est enim voluntas libera etiam circa bonum libertate contradictionis, licet non libertate contrarietatis, quòd alijs verbis dicitur esse liberam circa bonum quoad exercitium actus, non quoad specificationem; & teste Sancto Augustino 1. *retractionum* cap. 9. & 22. *nihil est tam in potestate voluntatis, quam ipsa voluntas, quod non intelligitur, nisi quantum ad actum elicito*. Videte *Scotum* in 1. *dist. 1. quest. 4. contra primum articulum*: ergo si non possumus non velle bonum, ac beatitudinem, non est, nisi propter inclinationem naturalem, quam ad eam tendimus. *Arguo etiam contra eundem*: ex eo vnumquodque fertur naturaliter in suam perfectionem, quia perfectio eius est: ergo ubi saluatur ratio maioris perfectionis naturalis in appetente; maximè etiam saluatur ratio perfectionis in beatitudine, quam expectamus: ergo ad eam maximè naturaliter ferimur.

66 *Tertia ratio*: finis ultimus naturalis cuiuscumque rei, est, quo obtento, res illa quiescit, ut patet de lapide quiescente in centro, ad quod naturaliter fertur; (de ista re videatur *Scotus* in 1. *dist. 1. quest. 5.*) sed inclinatio appetendi voluntatis nostræ in solo Deo, clarè viso, quiescit; nam si cætera obtineat, dempto Deo, adhuc plus desiderat, ut experientia testatur, & ex primo, & secundo capite Ecclesiastes satis constat: ergò inclinatio appetendi respicit Deum, ut finem; igitur est finis noster naturalis quoad inclinationem.

Confirmatur hoc per Sanctum Augustinum cap. 1. *fecisti nos Domine ad te, & inquietum est cor nostrum, donec perveniamus ad te*: ergò conditi sumus tales, ut naturaliter inclinemur ad visionem Dei, quod ipsæmet verba Sancti Augustini indicant, dum dicit: *inquietum est cor nostrum, donec perveniamus ad te*. Nec est apta expositio dicentium, Augustinum loqui de actu elicito, quia de omnibus alijs hominibus intelligit hoc Sanctus Augustinus: at multi sunt, qui actum elicito Dei non habuerunt: ergò intelligit de appetitu naturali innato.

67 *Ad hanc tertiam rationem* respondet idem pariter *Molina* ubi supra, maiorem esse saltam: nam de ratione finis naturalis, non est, ut eo habito, quiescat appetitus:

titus: nam materia, forma recepta, non quiescit: aliam enim appetit; & visus similiter, viso pulchro visibili, adhuc aliud desiderat.

Contra obijcio. Imperfectionis in fine naturali alicuius substantiæ, ut eam non satiet, est hoc: quia non continet totam perfectionem eorum, ad quæ talis substantia tendit, sicut in eisdem exemplis ab eo allatis declaratur: nam cum materia respiciat adequatè formam in communi; forma vero particularis non contineat virtualiter, vel eminenter perfectiones cæterarum; hinc fit, ut non satiet una forma capacitatem materiæ, & id ipsum de visu dicendum est, de qua re *Scotus in 1. dist. 1. quæst. 1. lit. B.* at supremus noster finis continet perfectiones omnium desiderabilium; igitur eum maxime naturaliter appetimus. *Secundò:* finis habet rationem optimi: igitur, quanto melior, eò desiderabilior, & magis naturaliter: Ergo Deus optimus maxime naturaliter appetitur.

68 *Tandem* unamquamque naturam consequitur sua connaturalis inclinatio, quæ talis est ad aliquod perfectum sibi conveniens: sed homo à cæteris differt animantibus: ergo habet inclinationem ad aliquod supremum sibi conveniens: huiusmodi est visio, & fructio Dei. *Nec inuat dicere,* esse inclinationem ad speculationem substantiarum ab-

stractarum, quem finem Philosophus cognovit. Nō inuat inquam hoc enim non est supremum bonum illi possibile. Vnde si ad bonum, quod melius est, eò magis naturaliter fertur; si ergo appetit naturaliter finem illum cognitum à Philosopho, quia ei quoddam bonum est: ergo naturaliter appetit finem hunc fide creditum, qui etiam ei bonum est.

Nec tamen oportet, ut Zumel in 1. Sancti Thomæ, quæst. 12. artic. 1. asserit, hoc naturale desiderium sequi cognitionem (quia inquit ipse) convenit homini, quia homo est: ergo quæ rationale est. *Nam* multa insunt homini per non animalitatem, tanquam per causam præcisam, & adequatam, nec tamen sequuntur cognitionem, sicut propriæ passionis conveniunt homini, quæ rationalis est: nam, & dormientibus, & amentibus illæ insunt. *Nec similiter valet,* cum dicit, hoc desiderium pertinere ad voluntatem, voluntatis autem obiectum est bonum propositum per intellectum: ergo sequitur cognitionem. *Dicimus enim,* desiderium, ut est actus elicited, esse solius voluntatis, quæ præsupponit cognitionem in tali actu; desiderium verò, ut est inclinatio alicuius substantiæ appetentis, nedum voluntati competit, sed etiam intellectui, ac alijs potentijs cognoscitivis: cuilibet enim cognitionis correspondet sua appetitiva, ut habet *Scotus in 3. dist.*

15. *quest. unica*; quare appetitus hic in potentia appetente non præsupponit cognitionem, quomodo, nec lapis cognoscit centrum, ad quod naturaliter fertur.

Nec ex hoc argumento ultimo, quo intentum probauimus, licet inferre, Angelum, tanquam specie differentem ab homine, habere inclinationem ad aliud obiectum specie distinctum; nam ex Sancto Augustino 3. de libero

arbitrio, Angelus, & anima sunt natura pares, quantum scilicet ad obiectum beatificum, à quo fatiantur ambæ istæ duæ naturæ. Itaque, cum conueniant in intellectualitate, appetitus hic naturalis conuenit Angelo, & homini, quatenus intellectuales sunt: est enim natura humana, inter intellectuales infima capax eiusdem obiecti, ac suprema intellectualis creatura. De qua re Scotus in 4. dist. 49. quest. 8.

PROPOSITIO TERTIA.

Soluuntur argumenta in contrarium.

69 **N**atura non inclinat, nec tribuit propensionem ad id, ad quod tota vis naturæ perducere non potest; sed natura non potest per se perducere hominem ad perfectiones supernaturales: ergo nec ad illas tribuit inclinationem, propensionem, vel appetitum: ergo non est in potentia naturali: rationi etenim consentaneum est, Deum dedisse rebus creatis propensiones commensuratas naturis ipsarum: ergo non contulit propensiones ad id, quod est supra ipsarum naturas, tales sunt actus supernaturales: ergo, &c. *Utere spondeamus*, possem concedere primam deductionem usque ad ultimam consequentiam; quia in maiori supponitur vnum fal-

sum, nempe quod natura tribuat homini propensionem; hanc enim tribuit ipse Deus, qui naturam condidit; & sicut statuit, naturam hominis debere esse, talem, ita statuit, ipsam debere habere talem propensionem: cum propensio sit ipsamet natura, & non aliquid realiter distinctum additum naturæ.

70 *Quidquid sit* tamen de supposito in maiori, negatur illa propositio maior; & instantia datur de immortalitate, quam ipsa bruta appetunt naturaliter, & homo similiter appetit naturaliter; nec tamen à natura adeptus est, unde possit ad eam perducì. Et bene Scotus in *quest. 1. prologi* ad illam propositionem: *omni potentie passivæ naturali, potentia acti-*

actiua naturalis correspondet, dicit, quodd non est necesse correspondere potentiam actiuam infra limites naturæ creatæ; sed sufficit, quodd infra latitudinem potentiæ actiuarum detur aliqua potentia.

Dico secundò, actus supernaturales esse commensuratos naturæ hominum quoad receptionem, quoad verò assecutionem, longè excedere facultatem eius; sufficit autem prima commensuratio, vel proportio, qualis est susceptiuus ad formam susceptam: Dico etiam, consentaneum esse rationi, vt Deus tribueret propensionem naturalem ad id, quodd est optimum, ac maximè perfectiũ naturæ nostræ, siue illud sit naturale, vt naturalis beatitudo cognita à Philosopho, siue sit supernaturalis, vt est ea beatitudo, quam expectamus.

- 71 *Secundum argumentum.* Propensio, & potentia actiua ad finem debēt sibi inuicem accommodari, & correspondere; & qualis est potentia, talis debet esse finis, & media; si potentia est naturalis, & finis debet esse naturalis, & non aliquid transcendens limites naturæ. *Vergetur ratio à Zumele cit. nu. 68.* finis, & media debēt esse eiusdem ordinis, aut proportionis; sed media necessaria ad vidēdũ Deum sunt supernaturalia: ergo visio Dei est finis supernaturalis, & non naturalis. *Confirmatur* etiā, finis, & adeptio finis non sunt

duo fines ex Philosopho 5. met. tex. 22. ergo, si Deus clarè visus, est finis noster naturalis, consecutio Dei clarè visi erit etiam naturalis, quodd est alienum à fide.

Respondetur ad primũ assumptum, ibi peti principium, vt patet ex instantia in response, ad primum argumentum. *Secundò*, si esset verum, ex ipso sequeretur, quodd, sicut finis non est obedientialis dicendus, sed supernaturalis, & media non sunt dicenda obedientialia, sed supernaturalia, sic potentia susceptiua hominis respectu supernaturalium deberet dici supernaturalis, non obedientialis. *Tertiò dico*, quodd magis sibi accommodantur potentia naturalis, & perfectio supernaturalis, quàm potentia obedientialis, & perfectio supernaturalis; quia potentia naturalis includit propensionem, quam potentia obedientialis excludit.

Quartò dico, quodd nulla forma intrinseca denominatione denominatur ordinis supernaturalis (de illis loquendo, ad quas est in potentia susceptiua) sed formaliter omnis est naturalis; dicitur tamen supernaturalis in ordine ad agens super-naturale, quando à solo talipotesse induci; nec est necesse, correspondentiā ponere inter agens, & passum, sicut inter actum, & potentiam, vt patet in intelligentiis, in quibus obiectum

materiale agit in animam immaterialem, & ibi maior est convenientia intellectus ad intellectum, quam intelligibilis ad eundem intellectum, &c. Potestas magis respicit actum, quem recipit, quam agens, à quo recipit.

72. *Ad Zumelem dico*, media comparata ad susceptivum, hoc est, ad animam suscipientem fidem, spem, & Charitatem, quæ sunt media, esse naturalia æquæ, ac finem; non minus enim naturaliter propendit anima ad hunc, quam ad illa; quantum verò ad consecutionem supernaturalis est finis, & etiam media; à Deo enim est collatio gratiæ, ac gloriæ. *Si autem arguat* adversarius ex naturali propensione ad finem debere esse media naturalia quo ad consecutionem, committitur fallacia arguendo à propensione naturali, quæ non dicit adiunitatem, ad consecutionem naturalem, quæ dicit principium actuum in natura.

Ad confirmationem dico, finem, & consecutionem finis non esse duos fines, sed esse duas res distinctas; neque enim Deus, & visio Dei passiva sunt idem, & tunc negamus consequentiam; non enim oportet, si Deus est finis noster naturalis quantum ad inclinationem, quod consecutio illius sit etiam naturalis; est enim arguere ab inclinatione ad activitatem, quod omnino negamus. Verè enim asserere-

bat *Scotus*, in 1. qu. Prologi, amplio-rem, & maiorem esse capacitatem, & inclinationem naturalem naturæ humanæ, quam sit eius activitas; nec derogat quidpiam humanæ naturæ, quia ad multo nobiliorem finem est ordinata, quam sit finis naturalis.

73. *Tertium argumentum*. Si naturale desiderium est in singulis hominibus ad beatitudinem in particulari: ergo pueri decedentes sine Baptismate patientur maximam pœnam: quippe carens eo, ad quod naturaliter est inclinatum, maximè affigitur, ut vult *Scotus* in 3. dist. 15. qu. unica lit. E.

Hoc argumentum, prolixam aliquam disputationem exigeret. Nàm scilicet pueri decedentes sine Baptismate pœnam aliquam nedam damni, sed etiam sensus patientur, non scilicet, quod igne torqueantur, sed quod aliquem animi cruciatum, ac pœnam sentiant? Id latè disputat Bellarminus in 3. tomo controversiarum lib. 6. de amissione gratiæ, & statu peccati cap. 6. ubi ex Patribus asserit, aliqualem dolorem sensuros pueros illos ex amissione Beatitudinis supremæ. *Scotus* tamen in 2. dist. 33. qu. unica, §. & si queratur, &c. hæc habet: Si queratur de cognitione Beatitudinis in particulari (abstractiva scilicet, non intuitiva) utrum illam habeant, vel de ea trahantur? Respondeo, sicut dictum fuit in prima quæst. primi; ista co-

gni-

gnitio non est possibilis homini, nisi supernaturaliter eleuetur (hoc est Deo reuelante infundatur,) vel igitur non dabitur illis illa cognitio supernaturalis in particulari, quia esset eis ad tristitiam, quā nō demeruerunt habere, sicut demeruit paganus, propter quod demeritum sibi cedit cognitio Beatitudinis in particulari ad penam grauissimam, ut scilicet tristetur desperans se posse ad istam peruenire, vel si istam cognitionem in particulari habuerint, non tristabuntur; quia erunt contenti de statu suo scientes Deum de se ita disposuisse, nec suo actu hoc aliquando demeruisse. Sed de hac re latius in materia de gratia.

74 *Quartum argumentum.* Si in homine esset potentia naturalis ad perfectiones supernaturales, nō minùs essent debite istæ, quā anima intellectuā est debita corpori debite organizato, nam natura postulat tunc animam, ipsamque infallibiliter assequitur: ergo sicut creatio animæ rationalis nō computatur inter opera gratiæ, sed naturæ, sic iustificatio, & beatificatio, & susceptio characteris essent computandæ inter opera naturæ.

Respondetur negando sequelā assumpti, quoniam ad perfectiones naturæ Deus determinauit se habere aliter, quā ad perfectiones gratiæ, & hoc est manifestum, nam ad perfectiones naturæ concurrat generali influ, & ordinario, non ita ad perfectiones gratiæ. *Item* ad con-

currendum ad perfectiones naturæ sufficit propensio, & carētia formæ habendæ; ad habendas verò perfectiones gratiæ requiritur bonus vsus auxiliij Diuini. Sequeretur etiam idem, si in homine esset sola potentia obedientialis, &c. Nam diceret quispiam, cum non resistam Diuinæ motioni, cur me non mouet ad perfectiones supernaturales, dando eas mihi? *Item* sicut Deus contingenter, & intallibiliter dat animam corpori organizato, ita contingenter, & infallibiliter dat perfectiones supernatureles propensio naturaliter, non propter propensionem, sed quia post illam reperiuntur in homine cætera requisita ad assecutionem talium perfectionum.

75 *Quintū argumentum.* Non ex principijs naturæ, sed ex ordine supernaturali sumus prædestinati ad vitam æternam; ergo ad illam naturaliter non inclinamur: patet consequentia, quia prædestinatio est gratia quædam.

Concesso antecedente, negatur consequentia; ordinari enim ad vitam æternam, dicit naturalem inclinationem ad finem, & hanc dicimus, inesse prædestinati, & non prædestinati; imò etiam remanere in damnatis; neque enim in damnatis natura intellectuālis destruitur, & inclinatio est realiter eadem cum natura. Si verò dicat ordinatio

hæc ad vitam æternam dispositionem Divinæ voluntatis, qua liberè, & efficaciter præordinat nos ad finem, & ad media ad finem; dico non esse ex principiis naturæ; neque enim eo ipso, quo aliqua creatura est rationalis, à Deo liberè, & efficaciter ordinatur ad finem supremum, *multi enim sunt vocati, & pauci electi Matth. 20. n. 16.* estque hæc prædestinatio gratuitum Dei beneficium, arguere autem à negatione huius præordinationis Divinæ ad negationem inclinationis naturalis ad eundem, est committere fallaciam à negatione inferioris ad negationem superioris. *Dico etiam secundò* prædestinationem non esse aliquam formam realem in prædestinato receptam: nam in prædestinato non ponit prædestinatio aliquid reale, sed tantum respectum rationis; quamvis effectus prædestinationis sit aliquid reale, ut gratia, & gloria, & ita ad has formas habet naturalem inclinationem, ad prædestinationem verò habet natura rationalis capacitatem.

76 *Sextum argumentum.* Si in homine esset propensio naturalis, sequeretur, quòd Angelus solo lumine naturali posset cognoscere suam Beatitudinem in particulari, & nostram etiam. Consequentia probatur: homo impeditur ad cognoscendum in particulari, in quo sit nostra Beatitudo, quia ipsa consistit in

clara Dei visione, & fruitione; ipse verò pro statu isto non potest videre Deum; quia naturalis visio est abstractiva, & exigit conversionem intellectus ad phantasmatum: ergo Angelus, qui non indiget conversione tali, naturaliter scire potest nostram Beatitudinem, &c.

Negata consequentia, vel sequela assumpti, ad probationem dico, quòd sola propensio non sufficit ad visionem Dei, nec sola actiuitas intellectus creati, sed visio est quidam effectus dependens ab intellectu creato, tãquã à causa effectiva partiali minus principali, & diminuta, quantumcumque sit separatus; ideo Angelus non potest scire naturaliter in quo consistat Beatitudo sua, vel nostra specialiter; imò nec ipsam propensionem specialiter scire potest; quia nec scire potest terminum huiusmodi propensionis.

77 *Septimùm argumentum:* visio beatifica, fruitio Dei, gratia, sanctificans, fides &c. sunt forme supernaturales quoad substantiam: ergo nequeunt naturaliter perficere potentias, in quibus recipiuntur. Antecedens supponitur à nobis ex dictis in tractatu de penitentia disputatione de conceptu supernaturalitatis. Consequentia probatur: quia forma perficit subiectum eo modo, quo ipsa est; sed in se est supernaturalis: ergo perficit supernaturaliter; nam perfectio

fectio

fectio formæ in ordine ad subiectum, nihil aliud est, quam communicatio, & exhibitio sui esse ad subiectum; cum autem nullum aliud esse habeat, quam supernaturale, illud solum communicabit subiecto; & consequenter illo eodem perficit.

Respondetur, quod, cum ratio perfectionis passivæ alicuius subiecti ex duplici capite sumatur, ex parte scilicet formæ perficiētis, & subiecti perfectibilis, eo modo dicitur forma perficere, & subiectum perfici, quo sub ratione talium ad invicem se respiciunt; vnde, cum perfectibile, ut tale, naturaliter respiciat formam perficientem iuxta inclinationem, & propensionem suam naturalem; forma etiam perficiens, quantumvis alterius sic ordinis, eo modo perficere dicitur subiectum, quo ipsum iuxta propriam inclinationem perfici petit; vnde, licet verum sit, quod prædictæ formæ sunt super naturales, & ut tales etiam exhibentes, & communicantes suum esse supernaturale subiecto, dicuntur tamen naturaliter perficere: quia perfectibile, quod perficiunt, naturaliter iuxta propriam inclinationem exposcit illas. *Nec mirum*, quod isti duo, quasi diversis effectus, ab eadem perveniant entitate formalis; cernimus enim plures formas sub diversis respectibus diversas induere rationes; & ita eadem forma, quæ in ratione entis in-

ducit ratione supernaturalitatis sub ratione reficientis indicat rationem naturalitatis: quia sub ista ratione respicitur, & petitur à subiecto perfectibili.

78 *Dices*: ergo nullum est discrimen inter formas supernaturales quoad substantiam, & illas, quæ naturales sunt simpliciter, vel solum sunt supernaturales quoad modum: cum omnes eodem modo à subiecto perfectibilis respiciantur, & iuxta naturalem inclinationem petantur, & ex consequenti naturaliter perficiant sua subiecta. Ex quo etiam sequeretur, quod sicut cæcus, accepta miraculose potentia videndi, dicitur naturaliter videre, quia in quantum animal habebat inclinationem, & capacitatem ad videndum, sic similiter Beatus, accepto lumine gloriæ, & habitu Charitatis, naturaliter diceretur videre Deum, & frui illo.

Respondetur, quod quamvis omnes prædictæ formæ tam naturales, quam supernaturales conveniant in hoc, quod est naturaliter perficere subiectum, quatenus sunt consentaneæ illius naturæ, & iuxta naturalem illius capacitatem, & inclinationem; differunt tamen secundum proprias entitates, quia aliæ sunt ordinis supernaturalis secundum proprias entitates; aliæ verò naturalis; ideoque istæ non solum sunt perfectiones naturaliter perficientes subiectum, quia
iuxta

iuxta naturalem inclinationem, ut aliz; sed etiam quia sibi connaturales, & ex naturæ iure debitz sunt, quo modo non sunt aliz.

- 79 *Hinc colligitur discrimen, quare cæcus, accepta miraculosè potentia videndi, dicatur naturaliter videre; Beatus verò, illustratus lumine gloriæ, & habitu Charitatis, non dicatur naturaliter videre Deum, & frui illo; quia scilicet ille videt media potētia, licet supernaturaliter restituta, omninò tamen naturali in sua entitate illi connaturali propriè, & naturaliter debita, & ad suos actus, solùm concurrētibus causis naturalibus, postquam semel supernaturaliter restituta est; Beatus verò, licet visio, & fructio Dei sint illi naturales, hoc est, iuxta naturalem inclinationem, & capacitatem, consentaneæquè eius naturæ; tamen, quia ex alia parte actus illi in entitate sua simpliciter supernaturales sunt, & ad eorum productionem concurrat Deus, ut agens supernaturale, & aliz causæ secundæ, scilicet lumen gloriæ, & habitus charitatis, neque connaturales propriè, & quasi ex iure naturæ debiti sint potentijs; & quia tandem visio, & fructio Dei, ut denominant Beatum videntem, & fruentem Deo, denomināt illum, ut assequentē suum finem, & ad illum referūt: quam assecutionem ut medium, sicut & finem assecutum, super-*

naturales omninò esse, dicimus: Hinc est, quòd sub ista consideratione nullo modò Beatus dicatur naturaliter videre, & frui illo; secus autem est de illis formis comparatis solùm in ordine ad potentias, quas naturaliter perficiunt; quia sub hac consideratione potest Beatus naturaliter videre Deum, hoc est media visione suæ inclinationi valde consentanea.

Si dicas, quòd habitus infusi, etiam postquam sunt infusi, non possunt dici connaturales; igitur nec ad illos est aptitudo naturalis: *Respondetur*: habitus infusi non possunt dici connaturales, hoc est, cōnaturaliter debiti; possunt tamen dici connaturales, quia attenta potentia naturali, & aptitudine circa illos, consentanei sunt ipsi naturæ. Et ratio est; quia, cum omne ens sit obiectum intellectus, & omne bonū obiectum voluntatis, & habitus perficiant potentiam non impediendo illam, sed perficiendo; & eleuando suum proprium esse, quod est intelligere, & velle, ideo longè aliter natura est in potentia ad istos, & illos actus.

- 80 *Ad pleniorē doctrinam moneo*, quòd in rebus naturaliter sunt appetitus naturales, qui non expletur per causas naturales, sed solùm per causam primam sine vlla alia secunda intermedia naturali; causa tamen prima explet huiusmodi appetitus dicitur etiam naturaliter agere, quia agit

agit per modum causæ naturalis statim ad dispositiones, quæ fiunt ab aliquo agente naturali; vel quia id agit, quod est debitum naturæ principiis; & hoc modo appetitus naturalis, qui inest corpori, ut uniatur animæ rationali, expletur per Deum, creatent animam rationalem; Deus autem creans, dicitur agere naturaliter, quia agit quod est debitum animæ rationalis principiis; & quia creat illam statim, ac dispositiones sunt in illo ab aliquo agente naturali.

- 81 *Monco etiam inesse quosdam appetitus naturales rebus, qui non solum expleantur per primam causam immediate agentem, sed etiam tales sunt, ut debeant expleri supernaturaliter; hoc est expleantur per aliquod superadditum ipsi naturæ productum à prima causa; huiusmodi est appetitus naturalis, qui inest animæ rationali separatæ à corpore: nam in anima sic separata inesse hanc naturalem inclinationem ad Corpus, aperte docent Theologi, & ratio naturalis demonstrat; quia anima separata est pars corporis, & forma naturalis illius; omnis autem forma naturaliter inclinatur ad suam materiam, & omnis pars naturaliter petit esse in toto: ergo in anima est appetitus innatus ad reunendum Corpori, qui appetitus explebitur per actionem à Deo miraculose factam; alias enim resurrectio minime esset*

opus supernaturale, sed naturale.

- 82 *Nec ex nostris dictis inferas, naturam defecisse in necessariis, ut argumentatur Philosophus. Respondetur enim, Aristotelem tantum locutum fuisse de his, quæ in natura sunt necessaria ad assecutionem sui finis naturalis: non enim cognovit esse in nobis aliquem finem supernaturaliter assequendum; ideoque non concedit, esse in nobis naturales appetitus, qui supernaturaliter sunt explendi; proptereaque ait, esse in rebus defectus quosdam naturales ipsis internos, qui perpetuo permansuri sunt in ipsis rebus, quarum sunt. Nec mirum est, quod Aristoteles dicat, si alia haberent progrediendi vim, haberent etiam instrumenta, quibus progredierentur; quia ibi loquitur de potentia organica, & de facultatibus naturalibus, quæ à natura condecoratæ sunt instrumentis naturalibus, quibus eliciant operationes; quia omnis potentia, quæ potentia est, propter actionem datur; secus verò est de inclinatione naturali, quam habemus in ordine ad illum ultimum finem. Si dicas, quorsum est talis appetitus; si per agens naturale expleri non potest? Respondetur satis esse, quod supernaturaliter expleatur.*

- 83 *Dices: Fingamus non expleri supernaturaliter, illa natura manebit ne imperfecta? Respondetur*

detur, ita esse, si supernaturaliter non expleretur; quia de ratione illius naturæ, ut talis est, est ille defectus, & imperfectio; ut si fingamus hominem esse conditum a Deo in puris naturalibus, certè erunt multi in homine defectus naturales, circa quos erit in homine naturalis quoddam inclinatio; & tamen nec homo ille tunc haberet satiatum suum appetitum.

Nec mirum est, (ut acutè aduertit Scolus qu. 1. Prologi §. Ad argumenta pro opinione Aristotelis, lit. 2.) quòd ad maiorem perfectionem sit capacitas aliqua in

natura, quàm eius causalitas; neque quòd potentia sit naturaliter ordinata ad objectum, ad quòd naturaliter non potest attingere, quinimò ex hac parte magis effulget naturæ humanæ celsitudo, quòd, cum nulla possit esse natura creata, quæ vlla sit proportionem ad assequendam felicitatem illam, quæ superat omnem sensum; nihilominus natura Angelica, & humana ad imaginem Dei conditæ, illud haberent pro fine ultimo, ubi natura nostra deficiebat. Quippè esset nobis Deus paratissimus subuenire, &c.

PROPOSITIO QUARTA.

Subsequuntur reliqua argumenta contra nostra asserta.

84 **P**rimum. Si in natura esset illa inclinatio, illa esset à Deo, ut authore naturæ ordinante naturam ad Deum: ergo Deus, ut author naturæ, cognosceret supernaturales formas; hoc autem est falsum, quia Deus, ut author naturæ, sicut tantum creat ea, quæ sunt ordinis naturæ, ita tantum cognoscit ea, quæ sunt illius ordinis.

Respondet, verum esse, quòd Deus, ut author naturæ, cognoscit, supernaturalem visionem, esse finem naturalem illius naturæ quoad inclinationem. Ad

probationem negamus, Deum, ut authorem naturæ tantum cognoscere, quæ sunt ordinis naturalis. *Nec hanc doctrinam* negare debent aduersarij; quippè, quàmvis ipsi dicant, non esse inclinationem in natura ad formas supernaturales; fatentur tamen in illis esse capacitatem: ergo Deus, ut author naturæ, creat illam cum tali capacitate: ergo Deus, ut author naturæ, cognoscit illam capacitatem; sed hoc nequit fieri absq; hoc, quòd cognoscat formas illas supernaturales, saltem quoad, an sit, & con-

confuſe . Ergo argumentum, eodem modo pugnat contra ipſos , & conſequenter fatendum eſt, quòd Deus, vt author naturæ, cognoſcat ordinem illum, ad formas ſupernaturales, quâuis, vt author gratiæ, cognoſcat illas eſſe nobis ſupernaturales quoad conſecutionem, & etiã cognoſcat quidditatem illarũ .

- 85 *Secundum argumentum* . Appetitus iſte innatus ex ſua intrinſeca ratione includit, quòd ſit realis quædam inclinatio orta ex principijs intrinſecis illius, datæ quæ à Deo authore naturæ, tamquam motus quidam, & innatus amor ad perfectionem : ſed talis ordinatio, & propenſio nõ datur à Deo authore naturæ in nobis in ordine ad Beatitudinẽ poſitam in clara Dei viſione: ergo non datur in nobis appetitus naturalis ad talem viſionẽ. Conſequentia eſt legitima ; maior certiffima: nam, cum talis appetitus nihil addat ſupra entitatẽ rei; ſed ſit ipſa res inclinata, & propenſa, ſequitur manifeſtẽ, quòd talis inclinatio ſit à Deo authore naturæ, ſicut ipſa entitas rei; & ſic communiter inclinatio talis appellatur pondus naturæ, & amor quidam illius. Minor probatur, quia inclinatio naturæ ad perfectionem, ita à Deo naturæ imprimitur, vt debitor ſit talis impreſſionis, ne natura maneat naturaliter imperfecta, quod tamen non eſt admittendum (cum Dei, & natu-

ræ opera ſint perfecta, & inde ſequitur, vt talis inclinatio vniuerſaliter frustrari nequeat, ſed Deus potuit non ordinare naturam rationalem ad ſui viſionẽ, & tamen tunc non maneret naturaliter imperfecta, cum ad naturalem illius perfectionem, ſatis eſſet ordinare illam ſolum ad beatitudinẽ naturalem; quia hæc ſola foret ſibi debita: ergo dicendum eſt, quòd Deus, vt author naturæ, impreſſit nobis talẽ inclinationem .

- 86 *Huius argumenti eſſet ſatis abundẽ reſponſum ex doctrina à nobis tradita in diſcurſu præcedenti* . Fatemur, maiorem propoſitionem eſſe veram, & admittitur à Scoto; negamus tamen minorem . Ad probationem dicimus, quòd Deus, vt author naturæ, non eſt debitor impreſſionis illius formæ, ſed tantum; vt author gratiæ, gratioſe dat, & hoc eſt ſatis, vt natura non dicatur imperfecta. In caſu, quod Deus non ordinaret naturam rationalem ad ſupernaturalia, non inde deduceretur, potentiã illam eſſe fruſtraneam; nam fruſtraneitas tantum datur in potentia, vel facultate . quæ nulla virtute poteſt reduci ad actum .

- 87 *Tertium argumentum* deſumitur ex authoritate Scoti, qui in 19 qu. quolibetali 9. de 3. articulo lit. X. dicit, quòd ad formas ſupernaturales non eſt propriè aptitudo, ob quam authoritatem noſter Pater *Herrera diſp. 1. q. 8. primi tomi*

negat in homine considerato in puris naturalibus esse aptitudinem ad Beatitudinem supremam. Nos tamē oppositum tenemus, quia *Scotus in qu. 1. Prologi, & in 4. dist. 49. qu. 10.* in quibus hanc rem ex instituto tractauit, suam mentem clarē nos docuit asserens, nos naturaliter inclinari ad actus supernaturales. Hinc non videtur rationabile propter illam locum ex *quolib. 19.* recedere à communi Scotistarū sententia, atque adeo ipsius Scoti, Quare.

- 88 Respondemus primò (relictis inutilibus responsis à Bargio adductis in 1. Prologi lit. F. Doctorem intelligere de illis, quæ sūt ordinis Diuini, & quæ non sūt media ad finem supremum. Primam partem huius responsionis pono ob formas, quas miraculosè Deus introduxit, vt cum visum, auditum, cæco, & surdo à natiuitate restituit, quæ formæ naturaliter sūt perfectiua subiectorū; & ad eas, quales, inclinantur subiecta: cum verò miraculoso modo habeantur, non sūt referendæ ad ordinem naturalem, sed ad Diuinum; ac proinde non inclinantur subiecta ad eas, vt sic habitas (nam ad miracula, vt sic non inclinamur;) sed tantum vt formæ sūt subiectorum perfectiue. Dixi etiam non inclinari subiecta ad eas formas supernaturales, quæ non sūt media ad finem, supremum, ob fidem, spem, &

Charitatem, quæ ordinatæ sūt ad cōsecutionem supremæ Beatitudinis; & ita inclinantur ad media æquē, ac finē; ratio enim mediorem sumenda est ex fine.

Ex quo diluitur vnum ex argumentis propositis ab aduersarijs dicentibus, non inclinari creaturam intellectualem ad habitus infusos, & per consequens neq; ad Beatitudinem; nam negamus antecedens, cum etiam Sanctus Augustinus 1. de prædestinatione SS. eorum cap. quinto dicat, habere fidem, spem, & Charitatem, gratia esse fidelium, posse autem habere, esse naturæ fidelium, hoc est naturalis inclinationis, teste Scoto, Quare redeuntēs ad rem nostram dicimus nō inclinari creaturam rationalem ad actus supernaturales, qui sūt ordinis Diuini, cuiusmodi est incarnatio, de qua ibi loquebatur Scotus, & nos dicemus in subsequentibus.

- 89 Secundò dico, nō inclinari creaturam intellectualem ad formas supernaturales non conuenientes ei, quæ intellectualis est; at habitus infusi, & Beatitudo cōueniunt ei, quæ intellectualis est; cum secundum nostra principia, etiam bruta, & inanimata possint assumi in vnitatem suppositi.

Postremò ex littera eiusdem Doctoris cit. quol. 19. elicio aliā responsionem; inquit enim, ad formas supernaturales, etsi sit potentia aliqua in susceptivo, non tamen propriè aptitudo: quia illa

non

non est propriè, nisi ad formam naturaliter perfectam. Hic oblectuo, quòd Scotus non videtur negare omnino aptitudinem ad formas supernaturales; sed dicit, non esse propriè, sicut ad formam naturalem; quia ad hanc ita se habet subiectum aptum, natum, vt etiam, vt plurimum habeat principium actiuium in se comparandi eandem formam, vt patet de lapide inclinato deorsum, & habente grauitatem. Ad formas verò supernaturales naturaliter propendit sine principio actiui.

90 *Si placet nota, esse latum discrimen inter simpliciter capacitatem, inclinationem, & aptitudinem; hæc dicit propensionem in subiecto apto, à quo negata forma, ad quam aptiuatur, est imperfectum, vt cæcus. Illa*

dicat quid positium, per quod propendit; sed sine forma non dicitur subiectum imperfectum in suo esse, vt materia prima, vel superficies sine coloribus: sed simplex capacitas dicit non repugnantiam, vt lignum ad statuum Mercurij, vel Iouis. Hinc quando dicit Scotus etiam in 3. distin. 1. qu. 1. sub lit. A. quod respectu actus supernaturalis non concomitatur aptitudo in natura, verum est. Applica si placet ad propositum.

Potest hic proponi argumentum probans, ex nostra propositione deduci, naturam humanam dicere naturalem inclinationem ad vnionem hypostaticam; sed huic argumento fuit à nobis satisfactum supra nu. 47. & sequentibus:



DISPUTATIO QVARTA.

De Christo Deo, & homine.

PROPOSITIO PRIMA.

In Christo verè, & vera est Diuinitas, Essentia videlicet, & Natura Diuina, estquè vnus Deus, non ex gratia, & adoptione, sed essentialiter, & naturaliter.

EX fide constat, tres esse in Diuinis Personas, quarum quælibet Deus est, eandem numero habens Essentiam Diuinā, quarum secunda per incarnationem factus est homo, Christus per vnionem hypostaticam, ita ut manserit integra, & salua hæc natura Diuina in Christo sinè sui mixtione, & conuersione. Vnde fit, vt Christus verè Deus sit, constans persona Diuina, quæ Deus est; neque ad hoc, vt Deus sit, necessaria est trium personarum incarnatio; nos enim vnica[m] fatemur incarnationem; quia terminus incarnationis nō est essentia Diuina, sed Persona; cui tamen Personæ essentialis est illa Diuinitas, quæ Personis tribus est communis. Admittimus, tres personas concurrissè ad incarnationem, quia Sanctissimæ

Trinitatis opera ad extra sunt indiuisa; sed cōcurrunt tres personæ effectiue dumtaxat, & casualiter, solaquè secunda concurrir terminatiue.

Hinc fides Catholica docet, Christum verè esse Deum; & id, quod est contra Ebionem hæreticum, qui primus Diuinitatem Christi ausus est negare, probamus ex sacra pagina: si primò nouerimus, aliquos in scripturis appellari Deos, vel ex adoptione eorum in filios Dei, qui propterea dicuntur, aut Dij, aut filij Dei, non quidem natura, sed adoptione, & gratia, vel ratione dignitatis, quo sensu dicitur Moyses Pharaonis Deus; vel ex falsa hominis imaginatione, vt gentium Idola, vel alio quocūque modo, Hi autem omnes non sunt verè Dij; est enim vnus

cus verus Deus, atque naturalis, qualem nos probamus esse Christum ex Matthæi 16. nu. 15. ubi D. Petrus à Christo interrogatus: *vos autem, quem me esse dicitis?* respondit: *tu es Christus filius Dei vivi*, quam confessione ita laudavit Christus, ut subiunxerit: *beatus es Symon Bar Iona; quia caro, & sanguis non revelavit tibi, sed Peter meus, qui in calis est.*

- 2 *Habemus apud Marcum c. 14. n. 61. aliud Christi testimonium. Interrogatus enim à Summo Pontifice: tu es Christus filius Dei benedicti? respondit: ego sum.* Ex his locis ita insurgo contra Hæreticos: vel ibi nomen filij Dei sumitur pro filio naturali, qui verè, & naturaliter Deus est, vel pro Deo, & filio Dei ex gratia, & adoptione. Secundū dici nō potest: neque enim Iudæi unquam conquesti fuissent, aut illum crucifixissent, si se filium Dei solum ex adoptione, & gratia fecisset; omnes enim Iudæi in hoc sensu se filios Dei affirmabant, de illis enim scriptum erat, *apud Psalmistam ps. 81. n. 6. ego dixi, Dii estis, & filij excelsi omnes*, non quidem natura, sed gratia: nec magna laus erat tribuēda Apostolo Petro, si hoc sensu Christum filium Dei prædicasset; imò hoc ipsum docet Antithesis, quæ

erat inter fidem Apostolorum de Christo, & aliorum. Nam alij putabāt Christum esse, aut Eliā, aut Ioannem Baptistam, aut unū ex Prophetis, qui omnes Dij, & filij erant adoptione, & gratia; fides autem Apostolorum excellentius quidpiam de Christo sentiebat, ac proinde dicendum est, Apostolum sensisse, Christū esse filium Dei naturalem, & Christum se ipsum dixisse hoc sensu filium Dei. Credunt hæretici, nō esse mentitum Christum, siue, cum de ipso loqueretur, siue, cū de illo alios loquentes testatur, verum affari: ergo neque ille est mentitus, nec alij, dum illum appellarunt filium Dei, ita ut notent naturalem Patri consubstantialem.

Obijciunt nobis Christum de se ipso loquentem Io: 14. num. 28. *Pater maior me est; est Pater est maior: ergo ipse est minor; quod si minor Patre: ergo nō est Deus.* Respondemus, hunc testem, aliosque eiusdem nature esse intelligendos de Christo homine: nā: cū sint in Christo duæ nature impermixtæ; quælibet retinet suas proprietates: est sanè Christus minor Patre, quatenus est homo, sed secundū alteram naturam equalis est Patri, prout se ipsum indicat Ioannis decimo n. 30. *Ego, & Pater unū sumus.*

PROPOSITIO SECUNDA.

Christus verè Homo est, humana constans natura eiusdem speciei cum nostra.

3 **D**iffiteri ausus est Hæreticus Cerdon, humanitatem Christi; quem plures alij secuti sunt Hæretici, quamvis eorum unusquisque propriam haberet hæresim, & diuersa sentirent de Homine Christo; in hoc tamen conveniebant, quod negarent, Christum esse hominem. Contra hos variè adhibendæ sunt propositiones. Hæc autem in communi probat, Christum esse hominem; sequens autem propositio ostendit, in Christo esse hominis partes, scilicet Corpus, Sanguinem, Animam, &c.

Humanitas Christi præcipuè innititur promissioni factæ Abrahæ Patriarchæ, & David Regi, quam promissionem, in Christo esse adimpletam, latè probant Apostoli, & Euangelistæ. Bis loquitur Deus Abrahæ, aitque, apud Genes. 22. n. 18. benedicentur in semine tuo omnes gentes terre; quæ verba applicat Christo D. Paulus ad Gal. 3. n. 16. Abrahæ dictæ sunt promissiones, & semini eius: non dicit, & seminibus, quasi in multis, sed quasi in vno, & semini tuo, qui est Christus: hæc D. Paulus.

4 *Hinc constat ex Abrahæ semine*

ortum Christum, quod autem ex semine hominis generatur, homo est. Dicitur autem Christus ex semine Abrahæ, quia conceptus, & natus est de sua Matre Virgine, quæ erat Abrahæ filia de stirpe, & semine Abrahæ. Notat D. Paulus, Christum esse filium David Rom. 1. n. 3. *de filio suo, qui factus est ei ex semine David secundum carnem.* His addit visitatam à Christo phrasim, qua se ferè semper filium Hominis vocat, qui enim filius hominis est, homo esse debet. Angelicū adhuc habemus pro vera humanitate Christi testimoniū, Lucæ 1. n. 31. *Ecce concipies, & paries filium: nam conceptio, & partus ex materno utero, hominem demonstrat.* Vnde, & Matthæus c. 1. n. 16. affirmat: *Io: seph virum Mariæ, de qua natus est Iesus, qui vocatur Christus.* Deinde totus vitæ Christi decursum, eum hominem facile ostendit; præcipuè cōmestio, quæ ad deperditæ naturæ restitutionem adhibetur. Hoc argumento omnes ferè Patres vtuntur, vt Christum verè conceptum ex subitâ materna, ac proinde verum fuisse hominem, ostendant. Ita

enim

enim argumentantur: si in conceptu ex partu nihil ex Matre traxit Christus, vel imaginarius dumtaxat homo fuerit: quorsum lacte nutritur, cum idem sit generationis principium, & conseruationis?

- 5 *Abutebantur olim Hæretici duobus præcipue locis, qui apud Paulum leguntur, ut probarent, Christum non fuisse hominem, verum. Primus est ad Philipp. 2. n. 7. In similitudinem hominum factus. & habitu inuentus, ut homo.*

Duplicem damus expositionem; quarum prima supponit, D. Paulum fuisse hæbreum, atque adeo phrasim hæbraicam seruasse, etsi Græcè scripserit; Hæbraica autem phrasis, simile appellat, quod est eiusdem naturæ. Vnde Gen. 2. n. 18. Non est bonum hominem esse solum; faciemus ei adiutorium simile sibi; & cap. 5. n. 3. Vixit Adam centum triginta annis, & genuit filium ad imaginem, & similitudinem suam. Certum namque est, tam mulierem esse eiusdem naturæ cum viro: eiusdemque substantiæ esse filium cum Patre, Ita Christus in similitudinem hominum factus est, scilicet homo fuit eiusdem substantiæ cum alijs hominibus. Eodem modo dicitur habitu inuentus, ut homo; quia humanitas habitus appellatur, seu vestimentum; vnde Apostolus alludere videtur ad ea, quæ antea scripsit Isaias cap. 63. n. 2. de Christo: quare rubrum est indumentum tuum? & n. 1. quis

est iste, qui ascendit de Edom tunicis vestibus de Bosra? His namque verbis interrogant Angeli Christum à suo passione reuertentem. Dicitur autem humanitas vestimentum Christi, quia eam induit Diuinum Verbum eo modo, quo homines dicuntur induere vestem, quam sustentant, quandiu iuduci manent. Si vero eundem habitum habet Christus, quem alij Homines, veram Humanitatem eum habere oportet.

- 6 *Sit secunda responsio. In Christo præter hominem erat etiam Deus, ita tamen, ut lateret in homine Deus, & extrinsecus nihil minus apparebat, quam Deus: alij vero homines nihil aliud sunt, quam homines; vnde qui oculis corporeis Christum conspiciebant, & nihil de eius Diuinitate nouerant, putabant hominem purum. Hoc exagitat Apostolus, monetque, Christum factum in similitudinem, apparuisse secundum extrinsecam tantum faciem eo modo, quo imaginem alicuius hominis dicimus similitudinem illius, quia nihil præferet, nisi id, quod oculus corporeus videt; ita dicitur, habitu inuentus ut homo, scilicet, in sua conuersatione habebatur, ut purus homo manducans, dormiens, &c; ut alij homines.*

- 7 *Secundus textus, quo abutebatur Hæretici est apud Corinth. primam c. 15. n. 47. vbi habetur: primus homo de terra terrenus: se-*

eundem homo de Cælo Cælestis. Primus homo Adam est, qui terrenus dicitur, quia ex terra comprehensus est; unde colligebant Hæretici, secundum hominem dici Cælestem, quod Cæleste haberet corpus, ac proinde verè homo non fuerit, sed apparenter: Catholici autem ex eo, quod dicitur absolutè homo, non minus, quàm Adam; concludunt, Christum fuisse verum hominẽ, sicut Adam fuit, dicensque Cæle-

stem; quia habet Diuinitatem, quæ dicitur Cælestis eo modo, quo Deus dicitur esse in Cælis, ita Christus dicitur ab Apostolo homo Cælestis, sicut nos appellamus Christum hominem Deũ, partim propter eius insolitam Conceptionem, Christus etiã dicitur Cælestis, quia proles sortitur denominationem dignioris, atque Pater Cælestis cõcurrit ad hanc generationem: ergo &c.

PROPOSITIO TERTIA.

Homo est Christus habens Corpus cum partibus suis, carne scilicet, ossibus, nervis, &c. nec non sanguinem. Animam quoque habet rationalem eiusdem naturæ, & speciei cum nostra.

8 **V**erum in Christo esse Corpus carneum, & osseum, euidenter ostendit Christus post Resurrectionem suam apud Lucam 24. n. 39. *Palpate, & videte, quoniam spiritus carnem, & ossa non habet, sicut me videtis habere; nec non, cum se palpabilem præbuit Sancto Thomæ, dum, iussit eum inferre manum in latus, & digitum in loca clauorum. In eodem surrexit Christus corpore, in quo crucifixus fuerat, & in utero materno conceptus; fuit autem verum corpus Christi*

carneum, & osseum, & palpabile post Resurrectionem: ergo in sua conceptione, vita, & morte, tale habuit Corpus. Idem docetur Ioannis 4. n. 2. prima Epistol. *Omnis Spiritus, qui confitetur Iesum Christum in carne venisse, ex Deo est: & omnis Spiritus, qui soluit Iesum, ex Deo non est.* Ponderanda sunt vltima verba, quibus docemur, impium esse, soluere Christum: ille autem soluit, qui de duabus Naturis in Christo existentibus; vnã quidẽm fatetur, alteram negat: unde eiusdem

dem periculi, & damnationis est, Christum diffiteri verum Deum, aut hominem verum; Hinc eodem capite nu. 15. legimus: *Quisquis confessus fuerit, quoniam Iesus est filius Dei, Deus in eo manet, &c.* Quasi diceretur Hic

verè Christianus est; qui confitetur Iesum Christum in carne venisse, & filium Dei esse. *Verū sanguinem* in Christo fuisse, testantur, quæ infra subsequuntur.

DISPUTATIO QUINTA.

De Sanguine Christi:

INexhaustum meritum Domini sanguinis thesaurum, unusquē, ac trini Numinis pietatem deprecatus; ut discussa cuiuslibet erroris caligine, solius Catholicæ Fidei veritas, fidelium omnium mentes collustrans, perennibus radijs effulgeat; nunc (sicut alias, & di-

ctis, & opere non rarò suum pro- testatus) me nec latum quidem punctum ab orthodoxæ veritatis via in scriptis, aut scribendis vllatenus aberrare velle protestor. Quapropter me, meaque omnia Sanctæ Romanæ Ecclesiæ pedibus, & correctioni libentissimè subijcio. Quæro igitur.

An Sanguis Christi fuerit diuinitati unitus?

Verum sanguinem in Christo fuisse, testatur sanguineus sudor, & cruciæ sanguinis in flagellatione, coronatione spinea, crucifixione, & lateris apertione. *Favet ratio*: quia corpus naturale non potest ab anima informari, si sit sine sanguine, siue sanguis informetur ab anima, siue non; ac proinde hac de re nullus datur locus dubitationi: at cum sanguis possit esse in corpore Christi, & Di-

uinitati non uniri, sicut lachrymæ, salivæ, sudor, & ros in Corpore Christi fuerunt, & tamen Diuinitati non fuerunt unita, ut inter cæteros docet Suarez, licet Scoto oppositum appareat verius, & nos dicemus infra. Hinc est maxima difficultas: *An sicut Corpus assumptum fuit à divino Verbo in unione hypostatica, & supposito, ita in eadem unione assumptus fuerit sanguis?*

R

Sunt

2 *Sunt*, qui absolutè negant.
Ita *Durandus* in 4. dist. 10. q. 1. n. 9.
Riccardus in 3. dist. 2. art. 2. qu. 1.
Gabriel lect. 13. in *Canone Missæ*,
Maitronus in 4. dist. 45. & sermone,
qui incipit: *memoriam fecit mirabilium suorum*, *Abulentiis paradoxo* 2. cap. 40. & 43. *Cardinalis sancti Petri ad vincula ex Seraphico ordine nostro*, qui postea summus Pontifex *Sixtus quartus* in tractatu de *Sanguine Christi*, & vocabatur *Frater Franciscus de Rouere Genensis de Sauona*.

Sunt & alij, qui distinctione hac

vtùtur: duplex, inquit, est in corpore sanguis: vnus materialis, impurus, & non perfectè decoctus; hicquè, cùm non sit de corporis, seu hominis integritate, non potuit assumi hypostaticè. Alter est decoctus purus, & formalis, pertinetquè ad hominis integritatem, estque propterea assumptus hypostaticè. Ita *Caietanus* in 3. part. qu. 5. art. 2. & in 1. parte qu. ult. art. 2. & 3. parte q. 54. art. 1. Veritatem docebunt, quæ subsequuntur propositiones.

PROPOSITIO PRIMA.

Probabile est, sanguinem non fuisse immediatè assumptum ad hypostasim Verbi.

ITa *Authores primæ sententiæ*. Videatur *Dermittus Thadeus* in *Nitela Franciscana* pag. 444. vbi discutiuntur Decreta, quæ contra hanc propositionem asseruntur:

3 *Probant aliqui* nostram propositionem: quia multæ partes sanguinis remanserunt in Cruce, spinis, &c. & hodie in multis locis seruatur, & colitur sanguis Christi, vt ex historijs, & traditione constat: ergo hæ partes nūquam fuerūt assumptæ: aliàs Verbum dimisisset, quod semel assumpsisset, contrà *Anselmum* testantem, quod Verbum semel

assumpsit, nūquam dimisit, &c.

Mihi; nisi meum me fallat iudicium, non videtur concludere præsens argumentatio: quippe multæ fuerunt partes dimissæ, & semel assumptæ: nec Christus iam in cælo debet habere alias partes sibi hypostaticè vnitas, quàm quæ illi beatitudinis statui congruunt; sicut nec debuit in via hoc, vel illo tempore determinato in decursu vitæ retinere vnionem villarum partiū; quàm illarum, quæ hoc, vel illo tempore pertinebant ad veritatem, & constitutionem eius naturæ; non autem aliarum.

part.

partium continua caloris naturalis actione fluentium : quia tunc non essent, nec futuræ amplius erant partes actuales eius humanitatis.

- 4 *Sit ergo hæc ratio.* Ad veritatem huius mysterij non requiritur, quòd sanguis sit immediatè assumptus, nec id requiripotest ex vilo alio capite : ergo nullo modo requiritur. Antecedens quoad secundà partem est manifestum, cum non possit ostendi ad quid aliud requirètur; quoad primam partem probatur quia ad veritatem huius mysterij sufficit, quòd humanitas, eiusquè partes essentielles, & integrales sint assumptæ : sed sanguis nec est ipsa humanitas, nec pars essentialis, aut integralis eius: ergo ad veritatem huius mysterij non requiritur eius assumptio. Probatur maior: quia posita tali sola assumptione, verè dicitur *Deus homo, & Homo Deus*, & idem est de alijs omnibus enunciationibus, quæ verè dicuntur ratione huius mysterij: ergo talis assumptio sola sufficit. Probatur minor ex communi opinionione Physicorum, & Medicorum, qui dicunt, sanguinem spectare ad naturam animalis solum, ut alimentum corporis: sed alimentum nec est pars rei alitæ, nec forma eius informatur: ergo sanguis non est pars naturæ humanæ, nec forma eius informatur. Minor patet: quia alimentum per mutationem sub-

stantialem, & conuersionem nutritivam convertitur in substantiam aliti, & transit à forma propria per corruptionem eius ad formam ipsius aliti: ergo antè non est pars aliti, nec sub forma aliti. Maior probatur ex Philosopho lib. 3. de partibus animalium cap. 5. ubi docet, sanguinem esse materiam corporis, hoc est, in potentia, quatenus est alimentum, ut in corpus mutetur. Et libro 2. de partibus animalium cap. 3. cum omnis, inquit, alimenti, omnisquè excrementi receptaculum aliquod habere necesse sit, venæquè quasi vasa sint sanguinis, patet, sanguinem esse animalibus sanguineis alimentum. Et lib. 3. de partibus animalium cap. 15. & 2 de Anima, dicit, sanguinem manere irriguum per venas, sicut aqua per sulcos derivata, fit alimentum oleribus, & herbis. Philosophum sequuntur Scotus in 3. dist. 2. q. 2. & D. Thomas p. p. q. ultima art. 1. ad 3. & 3. p. q. 31. art. 5. ad 1. ubi dicit, Verbum idem assumpsisse humanitatem non de carne Virginis, nè minueret illius naturam, auferens illud, quod actum erat pars humanitatis ipsius; sed de sanguine, qui nondum erat pars ipsius. Hos sequuntur multi alij, ut Alensis 2. p. q. 92. membro 7. D. Bonaventura in 4. art. 7. q. 1. ad 2. Riccardus dist. 4. part. 1. q. 2. Scotus dist. 10. q. 1. art. 2. Durandus, Gabriel, & alij plures.

- 5 *Sit secunda ratio pro nostra* propositione. Si sanguis esset pars naturæ humanæ, deberet

physicè vniri cum alijs partibus ad constituendum totum; cuius ratio in hoc consistit, quòd sit vnum ens per se, quod nequit esse, nisi ex partibus per se vnitis: sed sanguis non sic vnitur: ergo non est pars. Minor probatur ex *Philosopho 3. de historijs animalium cap. 13.* vbi docet, sanguinem esse dispersum per omnes partes corporis, & in omnibus, & singulis moueri: hoc autem non fieret, si cum partibus ipsis vniretur.

Nec valet, si dicas non vniri illis partibus, in quibus mouetur, sed cum alijs, vt corde, & iecore, à quibus originem habet. *Non valet* inquam: nam secundum *Philosophum* habet originem à corde, & tamen illi non vnitur, teste eodem *Philosopho 2. de partibus animalium cap. 3.* vbi ait, sanguinem non esse continuum carni; sed in corde, ac venis, quasi in vasīs contineri: fluidum enim non est vniuersale solido; sed sanguis est in continua fluxione, instat aquæ continuò fluentis, & currentis; ergo, sicut aqua fluēs non vnitur corpori solido, ita nec sanguis: ergo non est pars, cum non possit vniri alteri comparti ad componendum vnum tertium.

6 *Adde, quòd Lactantius in lib. de hominis opificio* (vt refert Cardinalis S. Petri in *sugraff.* de sanguine Christi) dicit, sanguinem se habere ad animam, sicut oleum ad lumen: sed oleum nullo modo

est actus pars luminis: ergo nec sanguis est pars rei animatæ; sed esset, si informaretur anima: ergo non informatur. *Adde etiam*, multos Patres, & Concilia dicere, Christum subsistere in tribus substantijs, nempe diuina, anima, & corpore, nullam prorsus mentionem facientes de sanguine, quod non fecissent, si existimassent, sanguinem fuisse assumptum eodem modo, quo corpus, & anima. *Confirmatur ex Symbulo Athanasij*, vbi dicitur: *Perfectus Deus, perfectus homo, ex anima rationali, & humana carne subsistens*, nil dicendo de sanguine.

Nec valet respondere, Patres ideò fecisse mentionem carnis, quia Hæretici veritatem carnis negabant: nam omnes hæretici, qui negabant Christo veram carnem, negabant etiam verum sanguinem, & tamen Patres non dicunt propterea, Christum subsistere in sanguine, sicut dicunt subsistere à carne.

Aduersarij dicunt, sanguinem fuisse vnitum, quia illo sumus redempti, & ad id sanguis non fuisset sufficiens, nisi foret infiniti valoris, quem valorem tantum potuit habere ob immediatam vniōem ad Verbum.

Contra. Talis infinitas potest haberi cum sola mediata vniōe: ergo &c. Antecedens probatur: Actus charitatis Christi, Obedientiæ, Patientiæ, &c. fuerunt infiniti meriti, & poterunt

acceptari à Patre Aeterno in pretium redemptionis nostræ, cum tamen nemo dicat, illos

actus fuisse immediatè vnitos Verbo: ergo vnio mediata ad Verbum factis est.

PROPOSITIO SECVNDA.

Multa, & graua argumenta, quæ facere videntur contra nostram propositionem, sunt, quæ sequuntur.

7 **P**rimò obijcitur nobis auctoritas desumpta ex *Apostolo ad Hebræos 2. nu. 14.* vbi habet: *Quia ergo pueri* (scilicet homines) *communicauerunt carni, & sanguini, & ipse* (scilicet Christus) *similiter participauit eisdem, vt per suam mortem, &c.* His verbis Paulus explicat hypostaticâ vnionem per assumptionem carnis, & sanguinis, volens ostendere, Christum esse eiusdem naturæ humanæ cum alijs hominibus: ergò, sicut caro immediatè vnita est Verbo, ita sanguis. *Confirmatur primò: caro, & sanguis ex modò relatis verbis Apostoli significantur, tamquàm terminus primarius eius, quod assumitur: ergo assumptio; seu vnio immediatè facta est à Deo.* Probatur sequela: quia immediata est assumptio respectu termini primarij eius, quod assumitur.

Confirmatur secundò. Secundū fidem humanitas est vnita Verbo immediatè: sed humanitas

tū in prædictis verbis Apostoli, tū in alijs locis scripturæ, Conciliorum, & Patrum significatur nomine carnis, & sanguinis: ergo iuxta phrasim Scripturæ, Conciliorum, & Patrum, idem est Verbum esse vnitum humanitati, ac carni, & sanguini, & consequenter immediatè facta est vnio carni, & sanguini, sicut immediatè facta est humanitati. Minor probatur: *Matthæi 16. n. 17.* habetur: *Caro, & sanguis non reuelauit tibi, hoc est homo.* *Ad Ephesios 6. nu. 12.* *Non est nobis colluctatio aduersus carnem, & sanguinem.* Concilium Ephesinum, vt explicet, Christum esse eiusdem naturæ nobiscum, *Canone 5. anathematizat eum, qui negat, Verbum incarnatum non communicasse, vt nos carni, & sanguini.* *Cyrellus in Anathematismo 5. in epist. 10. ipsius, &c. similiter,* vt ostendat, Verbum esse hominem æquè, ac nos, ait: *participem esse carnis, & sanguinis.* ergo ex sacris litteris, Concilijs, & Patribus

tribus certum est, eandem esse, rationem de humanitate, ac de carne, & sanguine, & consequenter ista ad terminum primum eius, quod assumitur, spectare?

- 8 *Longo huic discursui* nos, breuitati studendo, succinctè occurrimus; concedimus enim, Christū communicare nobiscū in carne, & sanguine; sed inde nil inferitur contra nos: quippè, sicut negamus, sanguinem nostrum esse partem naturæ nostræ, aut subsistere immediatè substantia totius compositi ex corpore, & anima, sed habere in corpore propriam substantiam, quam ex venis extractus, & in terra fusus, retinet; ita etiā dicimus, sanguinem Christi nō fuisse partem eius, nec subsistere immediatè substantia Verbi, quā immediatè subsistebat tota natura humana, sed habuisse in corpore Christi propriā suā substantiam, quā immediatè terminabatur, licet dicatur mediātè assumi, hoc est, mediante natura, in qua coninetur. & cuius est alimentum; & hæc assumptio immediata naturæ, quā mediātè assumitur quidquid est in natura, & consequenter sanguis, sufficit, ut dicatur sanguis Christi, Verbi diuini, & Dei. *Hinc ad Patres*, qui dicunt verbis expressis, *sanguinem effusum fuisse*.

- 9 *Respondetur* distinguendo: fuit assumptus mediātè, scilicet as-

sumptione ipsius naturæ, vel mediante natura ita, ut possit verè dici: Sanguis Christi est assumptus modo supradictio: concedo; & sic Verbum diuinum dicitur assumptū etiam accidentia, operationes naturæ, miseria, ac molestias nostras in sua carne; non quod hypostasis Verbi sit illis vnita immediatè, sed quia vnitur immediatè naturæ humanæ, cuius sunt illa accidentia, operationes, miseria, ac molestia. *Deinde* Sancti Patres frequentissimè dicunt, Christum communicasse nobis in sanguine, & sanguinem assumptū, ut ostendant in Christo veritatem carnis, quæ maximè probatur ex sanguine contra Hæreticos negantes, corpus humanum, fuisse assumptum, & admittentes tantum corpus phantasticū, vel æreum, vel ex elementis compactum, vel ex materia celesti.

- 10 *Secundò obijcitur*. Redemptio nostra tribuitur sanguini Christi, quo dicimur emundati, dealbati, & sanctificati; sed, non ob aliam rationem, nisi quia sanguis fuit infiniti valoris ob unionem immediatam cum Verbo, ergo fuit sic vnitus. *Confirmatur ex Clemente VI. in extranaganti*, quæ incipit: *Vnigenitus de penitentibus, & remissionibus, &c.* ubi agens de Christi copiosa redemptione, utitur his verbis: *Non enim corruptibilibus auro, & argento, sed sui ipsius Agni incontami-*

taminati, & immaculati pretioso sanguine nos redemit, quem in avacruis innocens, immolatus, non guttam sanguinis modicam (quæ tamen propter unionem ad Verbum pro redemptione humani generis suffecisset) sed velut quoddam profluvium noscitur effudisse, ergo &c.

Respondemus negando minorem, & consequentiam; nam siue valor sanguinis oblatus fuerit finitus, siue infinitus (de quo iam non curo) ad eum sufficiebat unio immediata humanitatis effundentis, & offerentis sanguinem cum Verbo diuino, qua mediante diceretur: *Sanguis Christi est oblatus*; nam valor moralis attenditur ex dignitate offerentis, & merentis, qui in proposito erat infinitus, & consequenter oblatio sanguinis poterat esse sufficientis valoris, etiam si sanguis ipse non esset unitus immediatè Verbo, sicut sudor, lacrimæ; & eleemosynæ Christi, si ab ipso offerrentur, essent sufficientis valoris, licet non fuerint hypostaticè Verbo unitæ.

- II *Ad confirmationē* Respondemus primò, verba illa: *quæ tamen propter unionem ad Verbum, &c.* posse ita intelligi; vt modica gutta sanguinis effusa propter unionem humanitatis innocentis immolatur, cuius ille sanguis erat, sufficeret pro redemptione totius generis humani propter dignitatem offerentis.

Respondemus secundò distinguē-

do illa verba: propter unionem mediatam, quam habet ad Verbum modo supra notato, concedo: propter unionem immediatam, nego: quia talem non habuit, nec requiritur in re oblata; nec si esset, sufficeret secundum plures Aduersarios, qui negant oblationem sanguinis in Missa esse infiniti valoris, quamvis secundum ipsos sit hypostaticè unitus Verbo ex defectu dignitatis infinitæ in persona offerente, nempe Sacerdote. *Nec concedent mihi*, oblationem, quæ Beata Virgo suum filium in templo obtulit, fuisse infiniti valoris, aut suffecisse ad nostram redemptionem, quia secundum illos valor moralis debet attendi ex dignitate offerentis, licet secundum nos sufficeret: si accederet acceptatio diuina, quæ complet rationem meriti, & satisfactoris.

Dices contra. Valor sanguinis est pretium: sed pretium non accipit valorem ab offerente: nam Rex in pretium posset dare alicui quattrinum; non tamen inde sequeretur, quattrinum esse supremi valoris, quia datum, vel oblatum à persona suprema; ergo illum valorem habuit sanguis ob immediatam unionem ad Verbum. *Respondeo*, valor meritorum apud Deum non fore desumendum ab ipsa entitate rei, sed à diuina acceptatione, quæ, supposito valore fundamē-
tali in opere, eleuat ipsum ad

DISPUTATIO QVARTA.

De Christo Deo, & homine.

PROPOSITIO PRIMA.

In Christo verè, & vera est Diuinitas, Essentia videlicet, & Natura Diuina, estquè vnus Deus, non ex gratia, & adoptione, sed essentialiter, & naturaliter.

EX fide constat, tres esse in Diuinis Personas, quarum quælibet Deus est, eamdem numero habens Essentiam Diuinā, quarum secunda per incarnationem factus est homo, Christus per vnionem hypostaticam, ita ut manserit integra, & salua hæc natura Diuina in Christo sinè sui mixtione, & conuersione. Vnde fit, vt Christus verè Deus sit, constans persona Diuina, quæ Deus est; neque ad hoc, vt Deus sit, necessaria est trium personarum incarnatio; nos enim vnicam fatemur incarnationem; quia terminus incarnationis nō est essentia Diuina, sed Persona; cui tamen Personæ essentialis est illa Diuinitas, quæ Personis tribus est communis. Admittimus, tres personas concurrisse ad incarnationem, quia Sanctissimæ

Trinitatis opera ad extra sunt indiuisa; sed cōcurrunt tres personæ effectiue dumtaxat, & casualiter, solaquæ secunda concurrat terminatiue.

Hinc fides Catholica docet, Christum verè esse Deum; & id, quod est contra Ebionem hæreticum, qui primus Diuinitatem Christi ausus est negare, probamus ex sacra pagina: si primò nouerimus, aliquos in scripturis appellari Deos, vel ex adoptione eorum in filios Dei, qui propterea dicuntur, aut Dij, aut filij Dei, non quidem natura, sed adoptione, & gratia, vel ratione dignitatis, quo sensu dicitur Moyses Pharaonis Deus; vel ex falsa hominis imaginatione, vt gentium Idola, vel alio quocūque modo, Hi autem omnes non sunt verè Dij; est enim vn-
cus

cus verus Deus, atque naturalis, qualem nos probamus esse Christum ex Matthæi 16. nu. 15. ubi D. Petrus à Christo interrogatus: *vos autem, quem me esse dicitis?* respondit: *tu es Christus filius Dei vivi*, quam confessione ita laudavit Christus, ut subiunxerit: *beatus es Symon Bar Iona; quia caro, & sanguis non revelavit tibi, sed Pater meus, qui in calis est.*

2. *Habemus apud Marcum c. 14. n. 61. aliud Christi testimonium. Interrogatus enim à Summo Pontifice: tu es Christus filius Dei benedicti? respondit: ego sum.* Ex his locis ita insurgo contra Hæreticos: vel ibi nomen filij Dei sumitur pro filio naturali, qui verè, & naturaliter Deus est, vel pro Deo, & filio Dei ex gratia, & adoptione. Secundū dici nō potest: neque enim Iudæi vnquam conquesti fuissent, aut illum crucifixissent, si se filium Dei solum ex adoptione, & gratia fecisset; omnes enim Iudæi in hoc sensu se filios Dei affirmabant, de illis enim scriptum erat, *apud Psalmistam ps. 81. n. 6. ego dixi, Dii estis, & filij excelsi omnes*, non quidem natura, sed gratia: nec magna laus erat tribuēda Apostolo Petro, si hoc sensu Christum filium Dei prædicasset; imō hoc ipsum docet Antithesis, quæ

erat inter fidem Apostolorum de Christo, & aliorum. Nam alij putabāt Christum esse, aut Eliā, aut Ioannem Baptistam, aut vnū ex Prophetis, qui omnes Dij, & filij erant adoptione, & gratia; fides autem Apostolorum excellentius quidpiam de Christo sentiebat, ac proinde dicendum est, Apostolum sensisse, Christū esse filium Dei naturalē, & Christum se ipsum dixisse hoc sensu filium Dei. Credunt hæretici, nō esse mentitum Christum, siue, cum de ipso loqueretur, siue, cū de illo alios loquentes testatur, verum affari: ergo neque ille est mentitus, nec alij, dum illum appellarunt filium Dei, ita ut notent naturalem Patri consubstantialē.

Obijciunt nobis Christum de se ipso loquentem Io: 14. num. 28. *Pater maior me est;* est Pater est maior: ergo ipse est minor; quod si minor Patre: ergo nō est Deus. *Respondemus*, hunc testem, aliosque eiusdem nature esse intelligendos de Christo hominem: nā: cum sint in Christo duæ nature impermixtæ; quælibet retinet suas proprietates: est sanē Christus minor Patre, quatenus est homo, sed secundū alteram naturam equalis est Patri, prout se ipsum indicat Ioannis decimo n. 30. *Ego, & Pater vnū sumus.*

PROPOSITIO SECVNDA.

Christus verè Homo est, humana constans natura eiusdem speciei cum nostra.

3 **D**iffiteri ausus est Hæreticus Cerdon, humanitatem Christi; quem plures alij secuti sunt Hæretici, quamvis eorum vnusquisque propriam haberet hæresim, & diuersa sentirent de Homine Christo; in hoc tamen conueniebant, quod negarent, Christum esse hominem. Contra hos variè adhibēde sunt propositiones. Hæc autem in communi probat, Christum esse hominem; sequens autem propositio ostendit, in Christo esse hominis partes, scilicet Corpus, Sanguinem, Animam, &c.

Humanitas Christi præcipuè innititur promissioni factæ Abraham Patriarchæ, & David Regi, quam promissionem, in Christo esse adimpletam, satis probant Apostoli, & Euangelistæ. Bis loquitur Deus Abraham, aitque, apud Genes. 22. n. 18. benedicentur in semine tuo omnes gentes terræ; quæ verba applicat Christo D. Paulus ad Gal. 3. n. 16. Abrahæ dictæ sunt promissiones, & semini eius: non dicite, & seminibus, quasi in multis, sed quasi in vno, & semini tuo, qui est Christus: hæc D. Paulus.

4 Hinc constat ex Abraham semine

ortum Christum, quod autem ex semine hominis generatur, homo est. Dicitur autem Christus ex semine Abraham, quia conceptus, & natus est de sua Matre Virgine, quæ erat Abraham filia de stirpe, & semine Abraham. Notat D. Paulus, Christum esse filium David Rom. 1. n. 3. *de filio suo, qui factus est ei ex semine David secundum carnem.* His addenda vñtatam à Christo phrasim, qua se ferè semper filium Hominis vocat, qui enim filius hominis est, homo esse debet. Angelicū adhuc habemus pro vera humanitate Christi testimoniū, Lucæ 1. n. 31. *Ecce concipies, & paries filium:* nam conceptio, & partus ex materno utero, hominem demonstrat. Vnde, & Mattheus c. 1. n. 16. affirmat: *Io: seph virum Mariæ, de qua natus est Iesus, qui vocatur Christus.* Deinde totus vitæ Christi decursum, eum hominem facile ostendit; præcipuè cōmestio, quæ ad deperditæ naturæ restitutionem adhibetur. Hoc argumento omnes ferè Patres vtuntur, vt Christum verè conceptum ex subititia materna, ac proinde verum fuisse hominem, ostendant. Ita

enim

enim argumentantur: si in conceptu ex partu nihil ex Matre traxit Christus, vel imaginarius dumtaxat homo fuerit: quorsum lacte nutritur, cum idem sit generationis principium, & conseruationis?

- 5 Abutebantur olim Hæretici duobus præcipuè locis, qui apud Paulum leguntur, vt probarent, Christum non fuisse hominem, verum. Primus est ad Philipp. 2. n. 7. *In similitudinem hominum factus, & habitu inuentus, vt homo.*

Duplicem damus expositionem; quarum prima supponit, D. Paulum fuisse hæbreum, atque adeo phrasim hæbraicam seruasse, etsi Græcè scripserit; Hæbraica autè phrasis, *simile appellat*, quod est eiusdem naturæ. Vnde Gen. 2. n. 18. *Non est bonum hominem esse solum; faciemus ei adiutorium simile sibi*; & cap. 5. n. 3. *Vixit Adam centum triginta annis, & genuit filium ad imaginem, & similitudinem suam*. Certum namquè est, tam mulierem esse eiusdem naturæ cum viro: eiusdemq; substantiæ esse filium cum Patre; Ita Christus in similitudinem hominum factus est, scilicet homo fuit eiusdem substantiæ cum alijs hominibus. Eodem modo dicitur *habitu inuentus, vt homo*; quia humanitas habitus appellatur, seu vestimentum; vnde Apostolus alludere videtur ad ea, quæ antea scripsit *Isaias cap. 63. n. 2. de Christo: quare rubrum est indumentum tuum* & n. 1. *quis*

est iste, qui ascendit de Edom tuis vestibus de Bosra? His namque verbis interrogant Angeli Christum à suo passione reuertentem. Dicitur autem humanitas vestimentum Christi, quia eam induit Diuinum Verbum eo modo, quo homines dicuntur induere vestem, quam sustentant, quandiu iuduti manent. Si verò eundem habitum habet Christus, quem alijs Homines, veram Humanitatè eum habere oportet.

- 6 *Sit secunda responsio.* In Christo præter hominè erat etiàm Deus, ita tamen, vt lateret in homine Deus, & extrinsecus nihil minùs apparebat, quàm Deus: alij verò homines nihil aliud sunt, quàm homines; vnde qui oculis corporeis Christum conspiciebant, & nihil de eius Diuinitate nouerant, putabant hominem purum. Hoc exagitat Apostolus, monetquè, Christum factum in similitudinem, apparuisse secundum extrinsecam tantum faciem eo modo, quo imaginem alicuius hominis dicimus similitudinem illius, quia nihil præferret, nisi id, quod oculus corporeus videt; ita dicitur, *habitu inuentus vt homo*, scilicet, in sua conuersione habebatur, vt purus homo manducans, dormiens, &c; vt alij homines.

- 7 *Secundus textus*, quo abutebatur Hæretici est apud Corinth. primam c. 15. n. 47. vbi habetur: *primus homo de terra terrenus: secundus*

CUN-

cundus homo de Cælo Cælestis. Primus homo Adam est, qui terrenus dicitur, quia ex terra [com]passus est; vnde colligebant Hæretici, secundum hominem dici Cælestem, quod Cæleste habuerit corpus, ac proinde verè homo non fuerit, sed apparenter: Catholici autem ex eo, quod dicitur absolutè homo, non minus, quàm Adam; concludunt, Christum fuisse verum hominè, sicut Adam fuit, dicens Cæle-

stem; quia habet Diuinitatem, quæ dicitur Cælestis eo modo, quo Deus dicitur esse in Cælis, ita Christus dicitur ab Apostolo homo Cælestis, sicut nos appellamus Christum hominem Deû, partim propter eius insolitam Conceptionem, Christus etiàm dicitur Cælestis, quia proles sortitur denominationem dignioris, atque Pater Cælestis cõcurrit ad hanc generationem: ergo &c.

PROPOSITIO TERTIA,

Homo est Christus habens Corpus cum partibus suis, carne scilicet, ossibus, nervis, &c. nec non sanguinem. Animam quoque habet rationalem eiusdem nature, & speciei cum nostra.

8 **V**erum in Christo esse Corpus carneum, & osseum, euidenter ostendit Christus post Resurrectionem suam apud *Lucam* 24. n. 39. *Palpate, & videte, quoniam spiritus carnem, & ossa non habet, sicut me videtis habere; nec non, cum se palpabilem præbuit Sancto Thomæ, dùm, iussit eum inferre manum in latus, & digitum in loca clauorum.* In eodem surrexit Christus corpore, in quo crucifixus fuerat, & in utero materno conceptus; fuit autem verum corpus Christi

carneum, & osseum, & palpabile post Resurrectionem: ergo in sua conceptione, vita, & morte, tale habuit Corpus. Idem docetur *Ioannis* 4. n. 2. *primæ Epistolæ.* *Omnis Spiritus, qui constituitur Iesum Christum in carne venisse, ex Deo est: & omnis Spiritus, qui soluit Iesum, ex Deo non est.* Ponderanda sunt vltima verba, quibus docemur, impium esse, soluere Christum: ille autem soluit, qui de duabus Naturis in Christo existentibus; vnã quidẽm fatetur, alteram negat: vnde eiusdem

dem periculi, & damnationis est, Christum diffiteri verum Deum, aut hominem verum; Hinc eodem capite nu. 15. legimus: *Quisquis confessus fuerit, quoniam Iesus est filius Dei, Deus in eo manet, &c.* quali diceret Hic

verè Christianus est, qui confitetur Iesum Christum in carne venisse, & filium Dei esse. *Verū sanguinem* in Christo fuisse, testantur, quæ infra subsequuntur.

DISPUTATIO QUINTA.

De Sanguine Christi:

INexhaustum meritum Domini sanguinis thesaurum, vniuscusque, ac trini Numinis pietatem deprecatus; ut disculsa cuiuslibet erroris caligine, solius Catholicæ Fidei veritas, fidelium omnium mentes collustrans, perennibus radijs effulgeat; nunc (sicut alias, & di-

ctis, & opere non raro sum protestatus) me nec latum quidem punctum ab orthodoxæ veritatis via in scriptis, aut scribendis ullatenus aberrare velle protestor. Quapropter me, meaque omnia Sanctæ Romanæ Ecclesiæ pedibus, & correctioni libentissimè subijcio. Quæro igitur,

An Sanguis Christi fuerit diuinitati vnitus?

VERUM sanguinem in Christo fuisse, testatur sanguineus sudor, & erusiones sanguinis in flagellatione, coronatione spinea, crucifixione, & lateris apertione. *Fauet ratio*: quia corpus naturale non potest ab anima informari, si sit sine sanguine, siue sanguis informetur ab anima, siue non; ac proinde hac de re nullus datur locus dubitationi: ac cum sanguis possit esse in corpore Christi, & Di-

uinitati non vniri, sicut lachrymæ, saliuæ, sudor, & ros in Corpore Christi fuerunt, & tamen Diuinitati non fuerunt vnita, ut inter ceteros docet Suarez, licet Scoto oppositum appareat verius, & nos dicemus infra. Hinc est maxima difficultas: *An sicut Corpus assumptum fuit à diuino Verbo in vniōe hypostatica, & supposito, ita in eadem vniōe assumptus fuerit sanguis?*

R

Sunt

2. *Sunt*, qui absolutè negant.
 Ita *Durandus in 4. dist. 10. q. 1. n. 9.*
Riccardus in 3. dist. 2. art. 2. qu. 1.
Gabriel lect. 13. in Canone Missæ.
Maitronus in 4. dist. 45. & sermone.
qui incipit: memoriam fecit mirabiliū suorum, Abulensis *paradoxo 2. cap. 40. & 43. Cardinalis sancti Petri ad vincula ex Seraphico ordine nostro.*
qui postea summus Pontifex Sixtus quartus in tractatu de Sanguine Christi, & vocabatur *Frater Franciscus de Rouere Genuens de Sauona.*
Sunt & alij, qui distinctione hac

vtūtur: duplex, inquit, est in corpore sanguis: vnus materialis, impurus, & non perfectè decoctus; hicquē, cū non sit de corporis, seu hominis integritate, non potuit assumi hypostaticè. Alter est decoctus purus, & formalis, pertinetquē ad hominis integritatem, estqu; propterea assumptus hypostaticè. Ita Caietanus in 3. part. qu. 5. art. 2. & in 1. parte qu. ult. art. 2. & 3. parte q. 54. art. 1. Veritatem docebunt, quæ subsequuntur propositiones.

PROPOSITIO PRIMA.

Probabile est, sanguinem non fuisse immediatè assumptum ad hypostasim Verbi.

- I**ta Authores primæ sententiæ.
 Videatur *Dermitius Thadæus in Nitela Franciscana pag. 444.* vbi discutiuntur Decreta, quæ contra hanc propositionem asseruntur:
 3. *Probant aliqui* nostram propositionem: quia multæ partes sanguinis remanserunt in Cruce, spinis, &c. & hodie in multis locis seruatur, & colitur sanguis Christi, vt ex historijs, & traditione constat: ergo hæ partes nūquam fuerūt assumptæ: aliàs Verbum dimisisset, quod semel assumpsit, contrā Anselmum testantem, quod Verbum semel

assumpsit, nūquā dimisit, &c.

Mibi; nisi meum me fallat iudicium, non videtur concludere præsens argumentatio: quippe multæ fuerunt partes dimissæ, & semel assumptæ: nec Christus iam in cælo debet habere alias partes sibi hypostaticè unitas, quā quæ illi beatitudinis statui congruunt; sicut nec debuit in via hoc, vel illo tempore determinatō in decursu vitæ retinere vnionem vllarum partium; quā illarum, quæ hoc, vel illo tempore pertinebant ad veritatem, & constitutionem eius naturæ; non autem aliarum.
 par-

partium continua caloris naturalis actione fluentium : quia tunc non essent, nec futuræ amplius erant partes actuales eius humanitatis.

- 4 *Sit ergo hæc ratio.* Ad veritatem huius mysterij non requiritur, quòd sanguis sit immediate assumptus, nec id requiripotest ex vlllo alio capite : ergo nullo modo requiritur. Antecedens quoad secundam partem est manifestum, cum non possit ostendi ad quid aliud requireretur; quoad primam partem probatur: quia ad veritatem huius mysterij sufficit, quòd humanitas, eiusque partes essentielles, & integrales sint assumptæ: sed sanguis nec est ipsa humanitas, nec pars essentialis, aut integralis eius: ergo ad veritatem huius mysterij non requiritur eius assumptio. Probatur maior: quia posita tali sola assumptione, verè dicitur *Deus homo*, & *Homo Deus*, & idem est de alijs omnibus enunciationibus, quæ verè dicuntur ratione huius mysterij: ergo talis assumptio sola sufficit. Probatur minor ex communi opinione Physicorum, & Medicorum, qui dicunt, sanguinem spectare ad naturam animalis solum, ut alimentum corporis: sed alimentum nec est pars rei aliter, nec forma eius informatur: ergo sanguis non est pars naturæ humanæ, nec forma eius informatur. Minor patet: quia alimentum per mutationem sub-

stantialem, & conuersionem nutritiuam conuertitur in substantiam aliti, & transiit à forma propria per corruptionem eius ad formam ipsius aliti: ergo antè non est pars aliti, nec sub forma aliti. Maior probatur ex *Philosopho lib. 3. de partibus animalium cap. 5.* vbi docet, sanguinem esse materiam corporis, hoc est, in potentia, quatenus est alimentum, ut in corpus mutetur. Et libro 2. de partibus animalium cap. 3. cum omnis, inquit, alimenti, omnisque excrementi receptaculum aliquod habere necesse sit, venæque quasi vasa sint sanguinis, patet, sanguinem esse animalibus sanguineis alimentum. Et lib. 3. de partibus animalium cap. 15. & 2 de Anima, dicit, sanguinem manere irriguum per venas, sicut aqua per sulcos derivata, sit alimentum oleribus, & herbis. Philosophum sequuntur Scotus in 3. dist. 2. q. 2. & D. Thomas p. p. q. vltima art. 1. ad 3. & 3. p. q. 31. art. 5. ad 1. vbi dicit, Verbum idcirco assumpsisse humanitatem non de carne Virginis, ne minueret illius naturam, auferens illud, quod actum erat pars humanitatis ipsius; sed de sanguine, qui nondum erat pars ipsius. Hos sequuntur multi alij, ut Alensis 2. p. q. 92. membro 7. D. Bonaventura in 4. art. 7. q. 1. ad 2. Riccardus dist. 4. art. 1. q. 2. Sotus dist. 10. q. 1. art. 2. Durandus, Gabriel, & alij plures.

- 5 *Sit secunda ratio pro nostra propositione.* Si sanguis effect pars naturæ humanæ, deberet

physicè vniri cum alijs partibus ad constituendum totum; cuius ratio in hoc consistit, quòd sit vnum ens per se, quod nequit esse, nisi ex partibus per se vnitatis: sed sanguis non sic vnitur: ergo non est pars. Minor probatur ex *Philosopho 3. de historijs animalium cap. 13.* vbi docet, sanguinem esse dispersum per omnes partes corporis, & in omnibus, & singulis moueri: hoc autem non fieret, si cum partibus ipsis vniretur.

Nec valet, si dicas non vniri illis partibus, in quibus mouetur, sed cum alijs, vt corde, & iecore, à quibus originem habet. *Non valet* inquam: nam secundum *Philosophum* habet originem à corde, & tamen illi non vnitur, teste eodem *Philosopho 2. de partibus animalium cap. 3.* vbi ait, sanguinem non esse continuum carni; sed in corde, ac venis, quasi in vas contineri: fluidum enim non est vniuersale solido; sed sanguis est in continua fluxione, instar aquæ continuò fluentis, & currentis; ergo, sicut aqua fluens non vnitur corpori solido, ita nec sanguis: ergo non est pars, cum non possit vniri alteri comparti ad componendum vnum certum.

- 6 *Adde*, quòd *Lactantius in lib. de hominis opificio* (vt refert *Cardinalis S. Petri in sq. tract. de sanguine Christi*) dicit, sanguinem se habere ad animam, sicut oleum ad lumen: sed oleum nullo modo

est actù pars luminis: ergo nec sanguis est pars rei animatæ; sed esset, si informaretur anima: ergo non informatur. *Adde etiam*, multos Patres, & Concilia dicere, Christum subsistere in tribus substantijs, nempe diuina, anima, & corpore, nullam prorsus mentionem facientes de sanguine, quod non fecissent, si existimassent, sanguinem fuisse assumptum eodem modo, quo corpus, & anima. *Confirmatur ex Symbulo Athanasij*, vbi dicitur: *Perfectus Deus, perfectus homo, ex anima rationali, & humana carne subsistens*, nil dicendo de sanguine.

Nec valet respondere, Patres ideò fecisse mentionem carnis, quia Hæretici veritatem carnis negabant: nam omnes hæretici, qui negabant Christo veram carnem, negabant etiam verum sanguinem, & tamen Patres non dicunt propterea, Christum subsistere in sanguine, sicut dicunt subsistere à carne.

Aduersarij dicunt, sanguinem fuisse vnitum, quia illo sumus redempti, & ad id sanguis non fuisset sufficiens, nisi foret infiniti valoris, quem valorem tantum potuit habere ob immediatam vniionem ad Verbum.

Contra. Talis infinitas potest haberi cum sola mediata vniione: ergo &c. Antecedens probatur: Actus charitatis Christi, Obedientiz, Patientiz, &c. fuerunt infiniti meriti, & poterunt

acceptari à Patre Aeterno in pretium redemptionis nostræ, cum tamen nemo dicat, illos

actus fuisse immediatè vnitos Verbo: ergo vnio mediata ad Verbum satis est.

PROPOSITIO SECVNDA.

Multa, & graua argumenta, qua facere videntur contra nostram propositionem, sunt, qua sequuntur.

7 **P**rimò obijcitur nobis auctoritas desumpta ex *Apostolo ad Hebræos 2. nu. 14.* vbi habet: *Quia ergo pueri (scilicet homines) communicauerunt carni, & sanguini, & ipse (scilicet Christus) similiter participauit eisdem, vt per suam mortem, &c.* His verbis Paulus explicat hypostaticâ vnionem per assumptionem carnis, & sanguinis, volens ostendere, Christum esse eiusdem naturæ humanæ cum alijs hominibus: ergò, sicut caro immediatè vnita est Verbo, ita sanguis. *Confirmatur primò: caro, & sanguis ex modò relatis verbis Apostoli significantur, tamquàm terminus primarius eius, quod assumitur: ergo assumptio; seu vnio immediatè facta est à Deo. Probatur sequela: quia immediata est assumptio respectu termini primarij eius, quod assumitur.*

Confirmatur secundò. Secundū fidem humanitas est vnita Verbo immediatè: sed humanitas

tū in prædictis verbis Apostoli, tū in alijs locis scripturæ, Conciliorum, & Patrum significatur nomine carnis, & sanguinis: ergo iuxta phrasim Scripturæ, Conciliorum, & Patrum, idem est Verbum esse vnitum humanitati, ac carni, & sanguini, & consequenter immediatè facta est vnio carni, & sanguini, sicut immediatè facta est humanitati. Minor probatur: *Matthæi 16. n. 17.* habetur: *Caro, & sanguis non reuelauit tibi, hoc est homo. Ad Ephesios 6. nu. 12.* *Non est nobis colluctatio aduersus carnem, & sanguinem.* Concilium Ephesinum, vt explicet, Christum esse eiusdem naturæ nobiscum, Canone *anathematizat eum, qui negat, Verbum incarnatum non communicasse, vt nos carni, & sanguini.* *Cyrillus in Anathematismo 5. in epist. 10. ipsius, &c. similiter,* vt ostendat, Verbum esse hominem æquè, ac nos, ait: *participens esse carnis, & sanguinis.* ergo ex sacris litteris, Concilijs, & Patribus

tribus certum est, eandem esse, rationem de humanitate, ac de carne, & sanguine, & consequenter ista ad terminum primum eius, quod assumitur, spectare?

- 8 *Longo huic discursui* nos, brevitati studendo, succinctè occurrimus; concedimus enim, Christū communicare nobiscū in carne, & sanguine; sed inde nil inferitur contra nos: quippè, sicut negamus, sanguinem nostrum esse partem naturæ nostræ, aut subsistere immediate subsistentia totius compositi ex corpore, & anima, sed habere in corpore propriam subsistentiam, quam ex venis extractus, & in terra fusus, retinet; ita etiā dicimus, sanguinem Christi nō fuisse partem eius, nec subsistere immediate subsistentia Verbi, quæ immediate subsistebat tota natura humana, sed habuisse in corpore Christi propriā suam subsistentiam, quæ immediate terminabatur, licet dicatur mediatè assumi, hoc est, mediantè natura, in qua continetur. & cuius est alimentum; & hinc assumptio immediata naturæ, quæ mediatè assumitur quidquid est in natura, & consequenter sanguis, sufficit, ut dicatur sanguis Christi, Verbi diuini, & Dei. *Hinc ad Patres*, qui dicunt verbis expressis, *sanguinem effusum fuisse*.

- 9 *Respondetur* distinguendo, fuit assumptus mediatè, scilicet as-

sumptione ipsius naturæ, vel mediantè natura ita, ut possit verè dici: Sanguis Christi est assumptus modo supradictio: concedo; & sic Verbum diuinum dicitur assumpsisse etiam accidentia, operationes naturæ, miseria, ac molestias nostras in sua carne; non quòd hypostasis Verbi sit illis vnita immediate, sed quia vnitur immediate naturæ humanæ, cuius sunt illa accidentia, operationes, miseria, ac molestia. *Deinde Sancti Patres* frequentissimè dicunt, Christum communicasse nobis in sanguine, & sanguinem assumpsisse, ut ostendant in Christo veritatem carnis, quæ maximè probatur ex sanguine contra Hæreticos negantes, corpus humanum fuisse assumptum, & admittentes tantum corpus phantasticū, vel æreum, vel ex elementis compactum, vel ex materia cælesti.

- 10 *Secundò obijcitur*. Redemptio nostra tribuitur sanguini Christi, quo dicimur emundari, de albari, & sanctificati; sed, non ob aliam rationem, nisi quia sanguis fuit infiniti valoris ob vniōē immediatam cum Verbo, ergo fuit sic vnitus. *Confirmatur ex Clemente VI. in extrauaganti*, quæ incipit: *Vnigenitus de penitentibus, & remissionibus*, & ubi agens de Christi copiosa redemptione, utitur his verbis: *Non enim corruptibilibus auro, & argento, sed sui ipsius Agni incontami-*

taminati, & immaculati pretioso sanguine nos redemit, quem in avariis crucis innocens, immolatus, non guttam sanguinis modicam (quæ tamen propter unionem ad Verbum pro redemptione humani generis suffeceret) sed velut quoddam profluvium noscitur effudisse, ergo &c.

Respondemus negando minorem, & consequentiam; nam siue valor sanguinis oblatus fuerit finitus, siue infinitus (de quo iam non curo) ad eum sufficiebat unio immediata humanitatis effluentis, & offerentis sanguinem cum Verbo divino, qua mediante diceretur: *Sanguis Christi est oblatus*; nam valor moralis attenditur ex dignitate offerentis, & merentis, qui in proposito erat infinitus, & consequenter oblatio sanguinis poterat esse sufficientis valoris, etiam si sanguis ipse non esset unitus immediatè Verbo, sicut sudor, lacrimæ; & eleemosynæ Christi, si ab ipso offerrentur, essent sufficientis valoris, licet non fuerint hypostatice Verbo unitæ.

- 11 *Ad confirmationem* Respondemus primò, verba illa: *quæ tamen propter unionem ad Verbum, &c.* posse ita intelligi; ut modica gutta sanguinis effusa propter unionem humanitatis innocentis immolatur, cuius ille sanguis erat, sufficeret pro redemptione totius generis humani propter dignitatem offerentis.

Respondemus secundò distinguē-

do illa verba: propter unionem mediatam, quam habet ad Verbum modo supra notato, concedo: propter unionem immediatam, nego; quia talem non habuit, nec requiritur in re oblata; nec si esset, sufficeret secundum plures Aduersarios, qui negant oblationem sanguinis in Missa esse infiniti valoris, quamvis secundum ipsos sit hypostatice unitus Verbo ex defectu dignitatis infinitæ in persona offerente, nempe Sacerdote. *Nec concedent mihi*, oblationem, quæ Beata Virgo suum filium in templo obtulit, fuisse infiniti valoris, aut suffecisse ad nostram redemptionem, quia secundum illos valor moralis debet attendi ex dignitate offerentis, licet secundum nos sufficeret si accederet acceptatio divina, quæ complet rationem meriti, & satisfactoris.

Dices contra. Valor sanguinis est pretium: sed pretium non accipit valorem ab offerente; nam Rex in pretium potest dare alicui quattrinum; non tamen inde sequeretur, quattrinum esse supremi valoris, quia datum, vel oblatum à persona suprema; ergo illum valorem habuit sanguis ob immediatam unionem ad Verbum. *Respondeo*, valor meritorum apud Deum non fore desumendum ab ipsa entitate rei, sed à divina acceptatione, quæ, supposito valore fundamē-
tali in opere, eleuat ipsum ad

valorem completum, & sufficientem! Sanguis ergo ille habet completum valorem ab acceptatione diuina. *Sed de hac re plenius in tractatu de merito Christi.*

12 *Tertiò.* Obijciunt nobis Adversarij duo duorum Summorum Pontificum decreta, *Clementis VI. vnum, Pij II. aliud*, quibus volunt, nostram sententiam damnari. *Clemens* enim suo Decreto mandauit Fratri Nicolao Rosselli Ordinis Prædicatorum Inquisitori in partibus Aragoniæ, & Cathalonix, vt propositionē, qua Barchinonæ publicè prædicabatur, quod in sanguine Christi sparso in Parascue non remāferat Diuinitas; nec sanguis ille erat deificatus, tamquā hæreticam, & erroneā faceret, publicè reuocari, & solemniter condemnari; sic refertur in *prima parte Directorij Inquisitorum q. 10. nu. 1. Syluester in Rosa aurea tractatu 3. q. 31.* testatur, se vidisse hoc decretum Brixie inter alia diplomata Pontificia Inquisitionis Brixientis. Idem *Syluester cap. 30.* refert nostram sententiam damnatā alio decreto Pij II. circa idem punctum. *Medina* dicit, editum fuisse aliud decretum *Pauli II.* de eadem re.

13 *Respondemus 1.* quòd etiam si illa decreta fuissent, solū probarent, sanguinem in triduo mortis habuisse vnionē ad Deitatem, & substantiam Verbi;

de hoc enim tunc erat controversia, vt iidem ipsi Authores referunt. *Respondemus 2.* numquā fuisse talia decreta; quod ita probamus. *Primò*, nam, si Clemēs sextus damnaſſet illam sententiam, vt hæreticam, non permitteretur, vt paulò post eadem sententia in dubium reuocaretur, & de ea fierent disputationes solemnes, quæ tamen non solū permixtæ, sed etiam iussu ipsius Summi Pontificis Pij secundi factæ sunt. *Secundò.* Dominicus de Dominicis, qui iussu Pij secundi de illa re disputauit, fatetur in libro de sanguine Christi art. 3. in fine ad vltimū argumentum, illud decretum non esse authenticum, nec de eo constare, atque adeò dicit, sententiam negātem, vnionem sanguinis Verbo, liberam esse ab omni hæresis periculo. *Tertiò Franciscus Colius lib. 2. de Sanguine Christi disp. 4. cap. 3.* dicit, se summā adhibuisse diligentiam, vt illud decretum Clementis Brixie inueniret; illius tamen nec vestigium apparuisse. *Quartò Fr. Franciscus de Putiere Cardinalis sancti Petri ad vincula, postea Sixtus quartus*, dicit illos processus Barchinonæ factos, esse suspectos, nec in illis apparere vllam litteram, aut determinationem Clementis Sexti, quòd tamen prædictus Nicolaus Rosselli postea sub eodem Clemente Cardinalis Sancti Sixti sine dubio quæsiuisset, & facili negotio obtinuisset.

tinuisset, si Pontifex pro eius, ac Fratrum Prædicatorum opinione determinasset.

- 14 *Quantum ad decretum Pij secundi* respondetur, fuisse solum simplex mandatum, quo cuidam Prælato commisit, ut Processum Barchinonæ factum circa hoc, reuideret; ut constat ex responsione eiusdem Pontificis ad Beatum Iacobum de Marchia, cui nostram sententiam prædicanti Brixia anno Domini 1462. die 18. Aprilis in Dominica Resurrectionis, opponebatur per quosdam Processus ille Barchinonensis, eiusque authenticatio à Pio secundo facta; de quo, cum Beatus Iacobus humiliter ad Summum Pontificem conquereretur, respondit Summus Pontifex, se dedisset solum mandatum cuidam Prælato, ut processum illum examinaret, non ut sententia ad veram authoritatem, aut fidem haberet, sed ut testimonium quoddam esset rei gestæ; & paulo post dicit: *nec enim fuit intentionis nostræ propter eam commissionem* (scilicet factam illi Prælato ad examinandum illum Processum) *confirmare, aut approbare sententiam ipsam, vel processum: cum enim pro parte Fratrum Prædicatorum nobis fuerit supplicatum, ut eos authenticari facere vellemus, negare non posuimus, quin causam committeremus. Non turbetur ergo cor tuum, nec formidet, sed sis animo quieto, &c.* Hæc, & alia verba huius responsionis habet,

ut refert Colius lib. 5. de Sanguine Christi disp. 4. cap. 3. Cardinalis S. Petri ad vincula, postea Summus Pontifex, cui non minus credendum, quam Siluestro, vel Medinæ. Vnde igitur habetur fundamentum damnandi nostram sententiam ex Pio secundo?

- 15 *Sed procedamus* paulisper, & videamus huius mandati executionem. Examinatus est tandè ille processus Barchinonensis, & inuentus sine vlla firmitate, aut robore, sine manu Notarij, sine decreto Pontificis damnante illas propositiones, solum prætendebatur in eo quoddam oraculum viæ vocis factum Cardinali Sanctæ Sabinæ Ordinis Prædicatorum. Sed hic non est stylus damnandi opinionem Classicam grauissimorum Doctorum: vnde nullius authoritatis habitus est dictus processus in Curia sub Pio Secundo, quando Pater Iacobus à Brixia Ordinis Prædicatorum Inquisitor Lōbardia ex authoritate præfati directorij vrgebat Beatum Iacobum de Marchia. Videant ergo *Aduersarij*, qui grauius alios ex leuibus his fundamentis censurât; An hoc decretum Pij Secundi potius noceat sententiæ ipsorum, quam faueat? Nam non solum constat, Pium Secundum nil contra nostram sententiam dixisse, sed etiam decretum, quod à Clemente Sexto editum prætenditur, esse supposititium, & fictum:

16 *Sed ut lis finiatur, & manifestè appareat, nullam ex his sententijs fuisse damnatam, propono sententiam diffinitiuam in hac controuersia datam ab ipso Pio Secundo per decretalem: Ineffabilem summi providentiam Patris, &c. datam Anconæ 1464. Kalendis Augusti anno sexto Pōtificatus eius, cuius hæc clausula est. Ve igitur in Ecclesia Dei orthodoxe fidei veritas præseruetur, & de cætero tollatur occasio in huiusmodi cōtrouersias incidendi, auctoritate Apostolica tenore præsentium statuimus, & ordinamus, quòd nulli Fratrum Prædicatorum liceat deinceps de supradicta dubitatione disputare, prædicare, vel publicè, aut priuatè, verbum facere, seu alijs suadere, quòd hæreticum, aut peccatum sit, tenere, vel credere, sanguinem ipsum sacratissimum (ut præmittitur) triduo passionis eiusdem Domini nostri Iesu Christi ab ipsa Diuinitate quomolibet fuisse, vel non fuisse diuisum, vel separatum; donec iuxta dubietatis huiusmodi decisione, quid tenendum sit, fuerit per nos, & per sedem Apostolicam diffinitum.*

Hoc decretum quod habetur inter decreta Pij Secūdi apud Cherubinum, certè non viderunt Aduersarij nostri; nam si vidissent, à censuris abstinuissent, cū id in eo præcipiatur. Ex eodem etiam decreto clarè cōstat, Clementem Sextum minimè damnaſſe sententiam negatē vnionem inter sanguinem, & Verbū in triduo mortis: nam si id fecisset, non prohiberet postea Pius Secundus, nè illa sententia, ut damnata, & hæretica, haberetur.

Id. quod refert Medina de decreto Pauli Secundi, est figmentum; quippè nulla reperitur memoria talis decreti; nec credibile est Paulum, cui Cardinalis Sancti Petri, vir tunc magnæ auctoritatis, librum de sanguine Christi dedicauit, tale decretum condidisse; et si id fecisset, & damnaſſet sententiam, quàm ille Cardinalis tam acerrimè defenderat, id non leuiter impediret, nè idem Cardinalis statim post eundem Paulum Pontifex Maximus crearetur.

ALIA ARGVMENTA.

17 **E**minentissimus Cardinalis de Lugo disp. 14. de Mysterio Incarnationis sect. 2. his, quæ subsequuntur, argumentis nostram impugnât sententiam.

Primò ita dicit. Qui assumit naturam, assumit omnes eius

partes: cū totum nihil aliud sit, quàm partes omnes simul sumptæ; ergo Verbum assumens immediatè, & verè naturam humanam, debuit assumere immediatè sanguinem, qui est pars naturæ humanæ, non enim assumptæ.

sumpsit naturā humanā inadæ-
quatē, sed totam adæquatē, iux-
ta illud *Damas. l. 3. Fidei Orthodo-
xe cap. 6. Omni humanę natura uni-
tam, dicimus. om. ē diuinitatis sub-
stantiam; & ponet: Totum enim
me totus assumpsit, & totus toti
unitus est.*

Debile certē nobis hoc argumen-
tum, qui defendimus totum rea-
liter distingui à partibus, & con-
sequenter falsa supponitur do-
ctrina. Moneo etiam, me non
dixisse, sanguinem nullo modo
fuisse assumptum à Verbo. Dif-
ficultas ergo est; An sanguis fue-
rit ita assumptus, vt non habue-
rit propriam substantiam, quē
admodum fuerunt assumpta
Corpus, & Anima? *Dico etiam*
falsum supponere, dum ait, san-
guinem esse partem hominis, vt
probatum est n. 4. & 5. & quan-
do Aristoteles dixit, sanguinem
esse partem animalis, locutus est
de parte in potentia, vt obserua-
uimus, probando nostram pro-
positionem n. 4.

18 *Idem Eminentissimus in suble-*
quentibus rationibus intendit, se
demonstrare, sanguinem esse
partem actualement humanę natu-
rę. Fundatur in doctrina Tri-
dentini sessione 13. De excellentia
SS. Eucharistia cap. 3. vbi defini-
tur, in Sacramento Eucharistie
esse quidē Corpus sub specie vini,
& sanguinem sub specie panis, ani-
maq; sub vtraque, vi naturalis il-
lius connexionis, et cōcomitatie, qua
partes Christi Dñi, qui iam ex mor-

tuis resurrexit, non amplius mori-
turus, inter se copulantur. In qui-
bus verbis notat hic Cardinalis;
quòd apertē dicitur *sanguis pars*
Christi Domini, imò ex eo, quòd
sit pars, probatur, quòd debe-
at poni nunc in Eucharistia sub
speciebus panis per concomitā-
tiam propter coniunctionē na-
turalem, quā partes habent
inter se, ratione cuius, vbi est
vna pars, nempe corpus, debet
esse altera, nempe sanguis: sicut
ē contra propter eandem ratio-
nem definitur, *Corpus esse sub spe-*
ciebus vini, quia vbi est sanguis,
debet esse altera compars, nem-
pe corpus: non potest ergo du-
bitari, quòd sanguis sit pars hu-
manitatis.

19 *Respondetur, ex illis verbis nil*
haberi, quod significet, sangui-
nem esse partem, aut ex quo hoc
colligatur; solū namquē dicitur,
corpus poni sub specie vi-
ni, & sanguinem sub specie pa-
nis, animamquē sub vtraque,
vi naturalis connexionis partiū
Christi Domini viuentis, & am-
plius non morituri, quod totū
verum est, absque eo quòd san-
guis sit pars Christi: nam ibi per
connexionem naturalem partiū
intelligitur tantū cōnexio natu-
ralis Animę, & Corporis Chri-
sti Domini, quę necessariō pe-
tit, saltem naturaliter loquen-
do (quod addo, quia aliqui sūt
opinati eandem formam sub
pluribus posse replicari mate-
rijs, & ē contra eandem mate-

riam sub pluribus formis) ut
vbi cumque sit corpus, conco-
mitetur ipsum anima, & è con-
tra, vbi cumque sit Anima, ibi
sit corpus, & quia corpus illud
informatur Animæ, non debet
esse aridum, aut siccum, quia
sic non haberet dispositionem
naturaliter requisitam ad con-
seruationem vitæ, eadem con-
nexio naturalis partium Christi
viuentis, corporis scilicet, &
Animæ, necessariò postulat, ut
vbi cumque sit corpus, ibi sit, &
eius sanguis, à quo habet cor-
pus esse humidum, & viuendum;
& è contra, vbi cumque est san-
guis illius corporis, ibi, natu-
raliter loquendo, sit & ipsum
corpus.

*Et certè, si Concilium in illo
loco ponit, sanguinem esse partem
naturæ humanæ Christi se habē-
tem ad Diuinitatem, sicut cor-
pus eius, & Anima se habent,
non deberet dicere, Diuinitatem
poni sub vtraque specie propter
admirabilem eius cum corpore,
& anima hypostaticam vnionē
(ut ibidem immediatè subiun-
git) potius quam propter vnio-
nem hypostaticam eius cū san-
guine: nam si sanguis esset pars
talis, sequeretur, quòd Diui-
nitas ratione vnionis cum ipso
poneretur sub vtraque specie,
tam benè, quàm ratione vnio-
nis eius cum corpore, & anima.
Vnde hæc clausula, quam præ-
termisit Lugo, videtur confir-
mare nostram conclusionem, si*

uè sanguis dicatur pars Christi;
siue non.

- 20 *Prosequitur idem Author pro-
bare, sanguinem esse partem hu-
manitatis ex eo, quod Christus
sit verè, & propriè Filius B. Vir-
ginis. Sit tale argumentum.* Ad
filiationem requiritur origo à
viuente principio coniuncto, sci-
licet, ut aliquid de substantia
generantis maneat in genito: sed
quod mansit de substantia Vir-
ginis in Christo est sanguis eius:
quia formatum est corpus ipsius
de sanguinibus Virginis: ergo,
vel sanguis Virginis erat de sub-
stantia eiusdem, vel Christus nō
est de substantia Mariæ, & ita
nec eius filius.

*Respondetur, negando seque-
lam: neque enim est difficultas
specialis de Beata Virgine, quæ
non est de alijs matribus, imò
etiam de Patribus: etenim Pa-
tres concurrunt ad generationē
mediante semine, quod non est
de substantia eorū, nec est om-
nino animatum; cum nec etiā
sanguis ipse sit animatus: Dico
ergo, quòd *ly principio coniuncto*
non debet sic intelligi, ut prin-
cipiū illud sit pars actualis sub-
stantiæ generantis, sed potentia-
lis tantum, sicut sanguis, & se-
men, quod transiret in substan-
tiam alicui, nisi à natura præser-
uaretur ad generationem.*

- 21 *Probat idem Eminentissimus
suum assumptum: quia, si sanguis
non esset pars humani corporis,
non apparet, cur in Christo re-*
sur-

furgente, & in alijs corporibus beatis debuerit, & debeat refurgere etiam sanguis cum carne beata; si enim sanguis sit solum ad nutriendas partes corporis, non deberet ad eum finem poni in corpore beato, in quo nutritionis opus omnino cessat; quare, sicut cibus non ponitur stomacho Beati, licet cibus, & chylus requiratur ad alimentum sanguinis; sic nec deberet poni sanguis, licet sit alimentum carnis. Neque etiam poni debet ad replendas venas, sicut nec ponitur in intestinis corporis Beati ad replendum illud corpus, quod in hac vita mortali replebatur. Nec denique debet poni, eo quod sanguis necessarius sit ad fouendas alias partes; nam aer etiam necessarius est in hac vita ad refrigerandum corpus, ad quod assidua respiratione trahitur; & tamen in Caelo non est ponendus aer ad eum effectum in corporibus Beatis: quippe propter impassibilitatem non patientur ab extrinseco agente contrario, neque indigebunt his fomentis, aut refrigeratiuis. Si ergo ponitur, & reparatur sanguis in corpore Beato, sicut de factis reditus fuit Christi corpori, ideo est, quia pertinet ad naturæ integritatem multo magis, quam pili, barba, & alia huiusmodi, quæ tamen corpori resurgenti restituuntur:

33 Respondemus, negando sequentiam maioris: sanguis enim est

necessarius non solum ad nutriendum corpus, sed etiam ad conseruationem vitæ, quæ nequit, naturaliter loquendo, conseruari in corpore omnino arido, & sicco, & quia locus naturalis ipsius ad conseruandum corpus humidum sunt ipsæ venæ, in ipsis poni debet. Deinde maxime conducit ad ornatum, & pulchritudinem corporis, quod sine sanguine appareret turpissimum absque viuido, & naturali colore. Si igitur capilli, & barba, quæ minus necessaria sunt ad ornatum hominis, resurgere debent, multo magis sanguis, qui ad hanc pulchritudinem magis conducit; & certum est Beatos, ac damnatos multa habituros post resurrectionem, quæ non erant partes integrales, aut essentielles ipsorum: nam ordo ipse naturalis, seu ordinata dispositio membrorum inter se non est pars naturæ, cum sit relatio; & tamen erit in Beatis.

Non est huius loci examinare illud, quod dicit Lugo de intestinis, aut de necessitate aeris in Beatitudine; si enim peterem ab ipso Eminentissimo: an intestina Beatorum in Caelo futura sint vacua? quod ipse *bis*, & *sextione 7.* admittere videtur; huius tamen necessitatem non capio; quia etiam non sic ibi cibi necessitas, posset tamen esse extrinsecum aliquod aliud opus ad seruandas partes ventris distensas, quod videtur necessarium ad

ad ornatum corporis humani. *Poteram etiam* ab eodem petere: an Beati loquantur corporaliter? non enim apparet vlla necessitas negandi ipsis talem facultatem: sed loquela corporalis non videtur fieri posse absque aere, vel aliquo corpore supplente locum aeris: igitur etiam si aer in Cœlo nō esset necessarius ad refrigerandum cor (de quo iam nō curo) posset esse necessarius ad alia munera.

23 *Sit aliud argumentum.* Si in triduo mortis Christi quis Apostolorum supra debitam materiam consecrationis calicis protulisset verba cōsecrationis: *Hic est calix sanguinis, &c.* certè virtute verborum vinum in sanguinem Christi fuisset conuersum. Iam peto: nūm sanguis ille foret adorandus adoratione Latræ, an non? *Secundum* dicinequit: foret quippè verè sacramentum, quale nunc. *Primum* si dicatur; infero: ergo ibi diuinitas ista non foret præsens propter vnionem ad corpus, quod suppono separatum à sanguine: ergo vnione immediata foret vnitus sanguis Verbo; cur & nō modò? *Item* si quis in nocte cœnz sanguinem cōsecrasset, haud dubiè sub eo sanguine foret diuinitas. Hoc posito: ponamus sanguinem illum fuisse conseruatum post eiusdem à corpore separationem, certè dubitabit nemo, diuinitatem esse vnitam sanguini, sicut & antea: subin-

fero; at post separationem sanguinis à corpore, minimè erat ibi diuinitas ratione corporis: ergo sanguis ipse immediata vnione ad Verbum gaudebat.

24 *Riccardus* vno verbo ab hoc se expedit discursu, notando, quòd in casu separationis sanguinis à corpore nulla foret debita sanguini adoratio. *Dicimus nos*, quòd, hypothesi data, sanguini illi esset debita adoratio, ob præcedentem vnionem mediatam ipsius ad Verbum. Huic respōsioni, puto, placato animo se subscribere *Caietanum, Siluestrum, & Aluarez*, quorum sententia est, in Ecclesijs quibuscūq; conseruari sanguinem Christi nutrimentalem, qui nullam vnquam cum Verbo habuit vnionem; & dicunt, illum adorari adoratione Latræ, propter antea habitum contactum; sicut Crux, clauis, &c. Nos eadem doctrina vtentes, & maiori cum fundamento poterimus difficultati occurrere, asserendo, sanguinem illum tunc adorandum ob vnionem, humanitate mediante, ad Verbum habitam.

Dicimus etiam, quòd fortè in triduo per nouam immediatam vnionem fuerit vnitum Verbum sanguini, ea ratione, qua multi ex schola Scoti sunt opinati, humanitate destructa, partes essentielles noua vnione fuisse immediatè vnitas Verbo. *In fauorem* nostræ doctrinæ sit notum, quā plurimos docere, sanguinem se-

para-

paratum à corpore, non amplius reassumptum, nec fuisse dimissum à Verbo divino. Hac stante observantia: peterem ab istis: nùm sanguis iste à Verbo Divino dimissus, sit adorandus adoratione Latræ, nec nẽ? Ecce ergo, quòd nihil difficultatis habet contra nos suprapositus discursus, quam difficultatem non patiantur nobis contrarii. Respondeant ergo illi pro ipsis, & pro nobis; nos tamen placato animo stamus, adhibita nostra prima solutione.

Aliud argumentum desumitur ex autoritate *Cajj Papæ* in decretali ad *Felicem*, ubi habet hæc formalia verba: *Si veras partes naturæ humane non assumpsit, quo*

sanguine sumus redempti? Sentit ergo Pontifex his verbis expressè, sanguinem pertinere ad veras partes naturæ humanæ, & consequenter cum velit, veras partes naturæ humanæ esse assumptas, quòd etiam sanguis sit assumptus.

Respondetur, Pontificem tantum velle, sanguinem esse assumptum. Vtrum verò sanguis assumptus sit mediatè, vel immediatè, non pertinebat ad intentum Pontificis, cui satis erat, ad assumptionem corporis esse assumptum sanguinem, quo corpus redederetur viuum, & non esset sicum, & aridum, quinimò haberet sanguinem, quo essemus redempti.

PROPOSITIO TERTIA;

Sanguis non fuit unitus hypostaticè Verbo in triduo mortis Christi.

23 **I**Tà docent, qui conveniunt nobiscum in prima propositione contra eos, qui contra illam arma sumunt. Ista nostra propositio illis redditur probata rationibus, quibus prima, & illis impugnata, quibus & ipsa prima.

Eminentissimus de Lugo disput. supra citata sect. 3. cõtra nostram insurgit propositionem auctoritatibus Sanctorum Patrum.

Sed nisi me mea fallat sententia, illi Patres potius sunt pro veritate nostræ propositionis, quàm pro eiusdem falsitate. Audiatur ergo *Damasceus* 3. sent. cap. 27. *Nullam partium nature deposuit, nec corpus. nec animam. licet lib. 3. Fidei cap. 27. Et quamquàm mortuus est, ut homo, & sancta eius anima ab incontaminato separata corpore, non tamen Divinitas ab utroque separata remansit, ab ani-*
ma,

ma, inquam, & corpore, nec sic una hypostasis in duas dissecta est hypostases: nam & homo, corpus, & anima secundum idem à principio in Verbi hypostasi habebat existentiam, & ipsis in morte ab inuicem separatis, unumquodque eorum mansit, unam Verbi habens hypostasim. Et paulò post: *Quare una Verbi hypostasis, & Verbi, & anima, & corporis fuit hypostasis, nunquam nec anima, nec corpus propriam habere hypostasim præter eam, quæ Verbi est hypostasis.* Vbi vides, inquit Lugo, à Damasceno reputari absurdum, quòd villo vnquam tempore pro Diuina hypostasi alia subsistentia, creata subrogata fuerit in ijs,

quibus Verbum Diuinum hypostaticè fuit vnitum.

Addit Bernardus lib. 5. de consideratione, vbi dicit de vnione hypostatica: *Nec morte interueniente ullatenus interimi hæc anima potuit, & sic carne, & anima ab inuicem separatis.* His, & alijs consimilibus Patrum auctoritatibus conatur Eminentissimus de Lugo, probare vnionem Verbi cum sanguine in triduo mortis. Sed nescio, vnde ex his Sanctorum dictis probetur opinio nobis contraria, cum potius oppositum deducatur: nam Patres nomine partium humanitatis enumerant animam, & corpus, & nunquam sanguinem.

PROPOSITIO QVARTA.

Alij tres humores, vt cholera, flegma, & melancholia non fuerunt immediatè vnitæ Verbo Diuino.

26 **H**Ac in propositione contrarios habemus Suarez disput. 15. sect. 7. Lugo supra sect. 8. Nobis tamen facillimo negotio restat probata propositio à paritate de sanguine: nam si sanguis non fuit immediatè assumptus, cur alij humores?

Obijciunt contra propositam propositionem Innocentium 1. apam, in quadam de celebratione Missarum dicentem, *quatuor humores esse de compositione*

corporis humani; & Damascenum 2. de fide cap. 12. dicentem, *animalium corpora constari ex quatuor humoribus*; & Augustinum epistola 146. dicentem, *naturam carnis quatuor humoribus temperari.*

Respondemus primò, Pontificem non dixisse illos humores esse de cõpositione, sed conuenire ad vegetationem corporis humani; ex hoc autem nostra sententia potius roboratur, quàm debet.

debilitetur: quia nulla pars rei animata conuenit, vt alimentū ad ipsū vegetandum. *Occurrimus secundū*, quod si diceret iunimus Pontifex esse de compositione, intelligendus foret de cōpositione tantū mediata, sicut dicimus, elementa esse de compositione mixti. *Hac eadē doctrina* sit satis Damasceno. *Ad Au-*

gustinum admittimus, humores esse temperamentum corporis viuentis: inde tamen non sequitur, quod sint eius partes, licet sequatur esse necessarias, & consequenter, quod debeant resurgere in Beatis, in quibus sine dubio erit debitum temperamētum corporis, eiusque partium.

PROPOSITIO. QUINTA.

*Verbum Diuinum non fuit immediatē unitum
unguibus, aut capillis.*

27 **O**ppositum docent *Sua-*
rez, & Lugo ubi supra. Nobis tamen probatur nostra propositio, quia nulla est necessitas talis immediatē vnionis: quippe non sunt partes nec integrales, nec essentielles naturæ, nec anima totius informantur, vt probatum suppono ex libris de Anima. Fauet etiam nobis Augustinus *tractatu* 50. in *Ioan-*
nem, dicens, *capillos superfluum* corporis *videri*.

Opponuntur nobis *Sanctus Ambrosius* lib. de *Incarnationis Domini* *Sacramento* cap. 6. *Sanctus Athanasius* epistola ad *Epiterbium*, quam refert *Diuus Epiphanius* *hare* 77. dicentes, *hereticos* ponentes naturam *Diuinam* esse eiusdem speciei cum carne *Christi*, consequenter debuisse asserere, *Verbum*

conuersum fuisse in carnem, capillos, in sanguinem, & ossa: ergo supponunt, inquit *Lugo*, quod hæc componat intrinsecē naturam.

28 *Respondetur*, Patres illos non intulisse ex sententia hereticorū, tãquā absurdū, quod Verbū cōuersū fuisset in capillos, ossa, &c. sed id totū retulisse, tãquā doctrinā hereticorū, qui id totū dicebant, vt patet ex *Ambrosio* loco citato: cum isti dicant, inquit, quia *Verbum* in carnem, capillos, sanguinem, & ossa conuersum est, & à natura propria mutatum est, datur illis locus, vt infirmitatem carnis ad infirmitatem *Diuinitatis*, quadam facta *Diuina* natura mixture detorqueant.

Quod si dicas ex eodem *Lugo*: *Barba, capilli, & vngues* ponantur in *Eucharistia*: ergo sunt

T par-

partes corporis. *Negamus consequentiam*; possunt enim poni in Eucharistia propter necessariam connexionem naturalem, quam habent cum corpore, licet non sint eius partes. Hac ratione ponitur ibi quantitas, ponuntur & qualitates corporis, quæ non sunt partes eius; hoc tamen discrimen interuenit, quod accidentia illa non habeant aliam subsistentiam, quam subsistentiam Verbi, quia non debetur illis alia subsistentia, quam illa, quæ est subiecti, in quo sunt; san-

guis verò, & alij humores, & capilli, & ungues habent proprias subsistentias, quibus immediate subsistunt.

Replicabis ex eodem. Si ungues, & capilli non essent partes, non deberent esse in Beatis, in quibus tamen esse, sacra testatur pagina apud Lucam 21. nu. 18. & capillus de capite vestro non peribit: ergo sunt partes. *Negamus sequelam antecedentis*, debent enim esse in illis ex eo, quod pertineat ad decorem, & ornatum corporis.

PROPOSITIO SEXTA.

Sententia docens, sanguinem Christi fuisse immediate unitum Verbo Diuino est valde probabilis.

29 **M**ultitudinem Theologorum pro probabilitate immediatae unionis sanguinis cum Verbo adducit Suarez sect. 6. & cum ipso Valentia disput. 2 in 3. partem, q. 5. puulto 1. In primis fauent huic probabilitati sacra pagina affirmantes absolute sanguinem Christi esse sanguinem Dei, non alia quidem ratione, quam quia à Deo est immediate assumptus. Audiatur Paulus *Act. Apostolorum* 20. nu. 28. *Attendite vobis, & uni-* uerso gregi, in quo posuit vos Deus regere Ecclesiam Dei quam acquisiuit sanguine suo. Eidem sangui-

ni propter eandem rationem tribuitur pretium salutis, & redemptionis; *Prima Petri* c. 1. n. 18. *Non corruptibilibus auro, vel argento redempti estis de tiana vestra conuersatione paterne traditionis, sed pretioso sanguine, quasi Agni immaculati Christi.* Hic ponderandum, quod si non esset assumptus Christi sanguis, nulla foret ratio prohibens, illum dici, & esse corruptibilem; imò magis corruptibilis erit auro, vel argento: nil enim citius corrumpitur, aut putrescit, quam sanguis extra venas, imò & in ipsis venis, etenim ex illius corruptio-

ne

ne omnes nascuntur febres, & morbi.

30 *His succedat ratio.* Sanguis quicumque ille sit, siue materialis, siue formalis, siue decoctus, siue incoctus ad integritatem hominis pertinet; sed Christus assumpsit, quidquid est de integritate naturæ humanæ: ergo sanguinem assumpsit. Maior probatur, supponendo primo, aliquid dici de integritate hominis, vel quod sit actualis pars; habeatque complementum suum, vel quia et si ens completum non sit, nec actualis pars, tamen tale est, ut sit in proxima dispositione ad hoc, ut sit pars actualis, estque tale, ut vivere non possit homo, & subsistere sine eo. Non est sanguis de hominis integritate primo modo; esse autem secundo modo docuit Poeta, cum scripsit: *Vitam cum sanguine fudit.*

Vergetur ratio. Incarnatio facta est ad hominis restorationem, & glorificationem, oportuitque

à Diuino Verbo assumi, quidquid in homine assumi poterat, dequæ sua erat integritas: ergo assumpsit sanguinem: quippè sanguis pertinet ad veritatem, naturæ humanæ, & sine illo non potest operari, conseruari, &c.

Nec argumenta à nobis adducta conuincunt; nam cum dicitur primo: sanguis non informatur: ergo non assumitur. *Nego sequelam;* nam ideo assumitur, quia pertinet ad naturæ conseruationem. *Cū dicitur secundo:* Non est pars animalis, sed alimentum eius: ergo non assumitur. *Dico,* quod sanguis, esse non sit pars corporis, quia in partes corporis debeat conuertere; est tamen pars humanæ naturæ: quia sine illo non potest conseruari. *Dic etiam,* quod, licet non sit pars habens ultimam actualitatem, scilicet sit in potentia ad hoc, ut sit alterius pars; est tamen pars, quæ potest in alteram partem conuertere.

PROPOSITIO SEPTIMA.

Sanguis separatus iterum coniungendus corpori, non fuit à Diuinitate separatus.

31 **N**obis aduersatur Maior. nus in 4. dist. 43. q. 1. qui dicit, *Beatum Iacobum à Marchia fuisse contrariæ opinionis.* Audiui tamen à viro quodam doctissi-

mo, mihi magistro; *Beatum Iacobum à Capistrano nostram doctissimæ sententiam.*

Veniat ergo fundamentalis ratio pro nostra propositione. Theologi

docent, carnem, aut animam in triduo à Verbo Diuino separatam non fuisse, eo ducti fundamento: quia nec nobis talis separatio profuisset, nec sine culpa debebant tales partes gratia vnionis priuari; at eadem ratio conuincit de sanguine: ergo, &c. quæ enim nobis utilitas fuisset talis separatio? quænam culpa præcellerat in Christo, ut sanguis ille à Verbo separaretur?

Adde, quòd ille sanguis fuit assumptus à Verbo, vt perpetuò maneret vnitus: ergo nunquam fuit separatus. Antecedens patet; nam ante mortem erat vnitus, & post resurrectionem similiter. Consequentia patet; quia sicut corpus, & anima nunquam dimissa, quia assumpta fuerunt; vt perpetuò manerent vnita: ergo sic similiter sanguis.

PROPOSITIO OCTAUA.

Si quæ pars sanguinis fuit à corpore separata, ita vt nunquam esset reuinienda, ea fuit à Diuinitate dimissa.

34 **C**ontrariū habemus Valentiam, qui fatetur, interris modò esse aliquam partem sanguinis Christi, & illam, esse Diuinitati vnitam. Propositioni tamen nostræ fauent duo illa luminaria grandia, nedum Seraphici ordinis, verum etiam totius Orbis, scilicet *Beatus Lacobus à Marchia*, & *subtilissimus Scotus in 3. dist. 16. q. 2. 5.* sed contra *Eccl. l. D.* vbi inquit, cum dicitur, quòd semel assumptum nunquam fuit dimissum, verum est de principalibus partibus corporis, quæ concurrunt ad perfectionem hominis, cuiusmodi sunt partes ethereogenæ, scilicet cor, caput, manus, & huiusmodi; & tamen aliquæ partes di-

missæ sunt, vt si incidit sibi ungues, vel rasit sibi capillos, & sic de partibus carnis, & alijs. Ex hoc loco Scoti duo colligo.

Primum nedum partes ethereogenas esse vnitas, sed etiam necessaria ad consentiendam corporis: quippè *Scotus* ait, dimissas esse partes minùs necessarias, scilicet ungues, & capillos. Si ergo dimittuntur: ergo erant vnitæ; quia quod non erat vnitum, non dimittitur.

Alterum, quòd colligo ex illo loco Scoti, est, quòd ea, quæ nūquam resumenda fuerunt, dimissa fuerunt; ex hoc enim arguit *Scotus*, ungues, & capillos sibi dimittos, quia non erant re-

resumendi: ergo, si qua pars sanguinis Christi non erat corpori reuinienda, vel quia in terris remansit, vel quia fuit corrupta, ea dimissa fuit à Verbo Diuino. Erit ergo sanguis ille adorandus propter præcedentem vnionem ad Verbum.

- 33 *Difficultates contra nostram istam propositionem.* Prima: illud, quod semel vnitum est Deo, non debet ab eo separari sine eius culpa; sed sanguis Christi semel fuit vnitus Deo ipso viuente, nec vnquam peccauit, sed semper immunis fuit ab omni culpa, iuxta quod dicit *Isaias. c. 52. n. 9. iniquitatem non fecerit, nec dolus fuerit in ore eius;* quæ verba de Christo sumuntur, prout *D. Petrus* exprimit, in prima Canonica cap. 2. nu. 21. cum dicit: *Christus passus est pro nobis. &c. relinqueus exemplum, ut sequamini vestigia eius, qui peccatum non fecit, nec inuentus est dolus in ore eius;* ergo, sicut in vita nunquam Deus fuit ab assumpto homine separatus; ita, nec in morte sine eius culpa debuit separari, neque quantum ad animam, neque quantum ad corpus, neque quantum ad sanguinem: cum sanguis sit quid pertineans ad entitatem corporis humani.

Confirmatur per auctoritatem D. Thomæ par. 3 q. 53. art. 2. vbi agens de carne Christi, quaerit; an fuerit à Diuinitate separata? & rei, respondendo a cit., quod illud, quod per gratiam Dei conceditur,

nunquam absque culpa reuocatur; vnde dicit *Apostolus ad Rom. 11. n. 29. sine penitentia enim sunt dona, &c. vocatio Dei;* multo autem maior est gratia vnionis, per quam Diuinitas vnita est carni Christi in persona, quam gratia adoptionis, qua aliqui sanctificatur; & magis permanens ex sui ratione: quia hæc gratia ordinatur ad vnionem personalem; gratia autem adoptionis nunquam perditur sine culpa, & ad quamdam vnionem affectualem ordinatur igitur, cum in Christo nullum fuerit peccatum, impossibile fuit, quod solueretur vnio Diuinitatis cum carne ipsius; & ideo, sicut apte mortem caro Christi vnita fuit secundum personam, & hypostasim Verbo Dei, ita remansit vnita post mortem, &c. De sanguine per identitatem rationis idem iudicium est faciendum.

- 34 *Secunda difficultas* sumitur ex dictis Augustini, & Magistri sententiarum *supra cit.* super illud *Psalmi 29. n. 10. Quis utilitas in sanguine meo, dum descendo in corruptionem, &c.* estque talis: quod non est vtile ad Redemptionem humani generis, non debuit esse, tum in corpore, tum in sanguine Christi: sed nulla utilitas sequebatur ex separatione ipsius corporis, vel sanguinis à Diuinitate: ergo non debuit separari. *Confirmatur* ex dictis *D. Bonaventuræ in 3. sententiarum dist. 21. Vbi ad illud quaesitum, an in mor-*

morte Christi Diuinitas à carne fuerit separata? respondet, quod nō: vnde Leo Papa dicit: tanta est vnio Dei, & hominis, vt nec supplicio possit dirimi, neque morte distingui, subdit Diuus Bonauentura: ratio huius est liberalitas ex parte assumentis: quia cum Deus dat aliquod bonum, non subtrahit illud sine culpa, & sic confirmat etiam supra dictum argumentum primum; & inde subdit pro alia ratione, dicens, quod per eam non sufficeret, cum Diuinitas ipsam penam sentire non possit. Vnde, cum caro vnita sit Diuinæ naturæ in vnitatis hypostasis Filij Dei, illa dicitur caro Verbi, sicut dicit Damascenus, cum dicit; si mortuus est, vt homo, & sancta illa anima ab eius corpore diuisa est, Diuinitas tamen inseparabilis ab vtroque permansit. Hæc Bonauentura. Ex cuius dictis, & Damasceni, cum dicunt, ab vtroque, scilicet anima, & corpore, bene potest includi etiam sanguis, qui pars corporis noscitur euidentius; quam animæ: quia ex tali separatione nulla utilitas sequeretur; sicut infertur ex dicto Psalmi: *Quæ utilitas in sanguine meo, dum descendo in corruptionem.*

- 35 Tertia difficultas colligitur ex dictis prædicti Diui Bonauenturæ citati quæst. 2. cum dicit pro secunda ratione, quare Diuinitas à carne non debuit separari. Secunda ratio est dignitas ex parte assumptibilis: sicut enim nunquam decuit, ipsam carnem

incinerari, vt dicit David psalmo 15. nu. 10. quoniam non derelinques animam meam in inferno; nec dabis Sanctum tuum videre corruptionem, sic nec à Verbo debuit separari, dicit Bonauentura, qui etiam in quæstione præcedenti, dum quærit, an in morte Christi anima fuerit à Diuinitate separata; respondendo, dicit, quod non; quia non decebat Deum, qui eam indissolubili vinculo coniunxerat; vnde sicut non decebat, virum relinquere uxorem, sic non debuit Verbum Dei ab anima separari, nec nobis expediebat: quia tunc non habuisset potentiam ad genus humanum captum, eripiendum, nec mediatoris officium ad reconciliandum; Hæc Bonauentura, qui etiam ad secundum argumentum respondendo dicit, quod est coniunctio naturalis, & supernaturalis. Quando ergo dicit, quod illa in morte diuiduntur, quæ in Natiuitate coniuncta sunt, hoc intelligit de vniōe naturalis; vniō autem Diuinitatis ad animam, non erat naturalis, sed supernaturalis: ergo, &c. Patet enim ex dictis, quod non minus est supernaturalis vniō Diuinitatis ad carnem, & sanguinem, quam ad animam; imò magis: quia maior est conuenientia spiritus Domini ad spiritum rationalem, qui creatus est ad imaginem, & similitudinem Dei: ergo, quod Deus coniunxit, homo non separat, dicit Deus apud Matthæum 19. nu. 7. loquens de viro, & uxore;

re; quantò magis ergo in tali matrimonio Iesu Christi coniuncto per eundem inter personam Diuinam, & humanam naturam?

- 36 Difficultas quarta colligitur ex dictis *D. Thomæ* in 3. sententiarum dist. 21. vbi tractat de morte Christi, & respondendo dicit, quod Corpus Christi in morte Christi non fuit separatum à Deitate; cuius ratio ex duobus potest accipi. Primò ex parte Dei, quicùm sit immutabilis, ei, quod sibi perfectè coniunctum est, immutabilitatem præstat, vt scilicet immutabilitas ei adhareat; *Tunc arguo sic*: sanguis Christi in corpore Christi perfectè coniunctus extitit immutabili Deo: ergo immutabilis Deus immutabilitatem præstitit prædicto sanguini, sicut animæ, & corpori, ita, vt immutabilitas Dei prædicto sanguini adhereret, sicut animæ, & corpori: ergo sicut immutabilitas Dei nunquàm fuit separata ab anima, & corpore, ita nec à sanguine effuso in pretium redemptionis humanæ.

Confirmatur per auctoritatem D. Gregorij in lib. moralium dicentis, quòd *Deus ubique totus est, & solus est perfectus, & immutabilis*: nam omne, quod mutatur (dicit ipse) desinit esse, quod fuit, & incipit esse, quod non fuit; & omne, quod modò sic, modò aliter est, iuxta non esse, est permanere; aut in statu suo, non potest, & aliquo modo ad non esse tendit, dum

ab eo, quod fuerat, semper ad aliud per momenta temporum, ducitur; *De esse verò est indissolubile*. Unde ad Moysen dicitur *Exod. 3. nu. 14* Ego sum, qui sum: hæc dices filijs Israel; qui est misit me ad vos. *Iacobus quoque Apostolus c. 1. n. 17.* ait: omne datum optimum, & omne donum perfectum desursum est descendens à Patre luminum, apud quem non est transmutatio, nec vicissitudinis obumbratio. *Beatus quoque Severinus, de Deo dicit: stabilisque manens, dat cuncta moveri.* Inde colligitur, quòd omnium rerum vicissitudo est, solus Deus vicissitudine caret: ergo stabilis, & incommutabilis Deus stabiliter, & incommutabiliter sibi naturam humanam vniuit, sed non sine sanguine: ergo nec sanguis in tempore mortis Christi ab eius Diuinitate fuit seiuñctus.

- 37 *Secundò (et est quinta difficultas)* ex parte ipsius assumpti, vt colligitur ex *B. Th. in 3. cu. sent.* Qui per mortem, quam etiam obedientia Patris sustinuit, non debuit suam dignitatem omittere, sed magis debuit clarificari. *Tunc arguo sic*: dignitas assumpti hominis non debuit per mortem minui, sed augeri: ergo sanguis tempore mortis Christi à Diuinitate non debuit separari, sed magis clarificari, sicut post resurrectionem factum est, vt prædixit Christus apud Ioannem 12. n. 27. cùm ait: nunc anima mea turbata est, & quid dicam? Pater saluifica me ex hac hora, & prop-
- terea

terea veni in horam hanc. Pater clarifica nomen tuum; venit ergo vox de Cælo, dicens: Et clarificaui, & iterum clarificabo: ecce, quod Diuinitas ad humanitatem loquitur respondendo, se clarificaturam eandem.

- 38 Confirmatur per auctoritatem D. Thomæ par. 3. q. 63. vbi tractat, utrum Corpus Christi resurrexerit integrum? Et arguendo primo, quod non; sic dicit: sunt enim de integritate corporis humani caro, & sanguis: quod Christus non videtur habuisse; dicitur enim prima Corinthiorum 15. Caro, & sanguis regnum Dei non possidebunt: Christus autem resurrexit in gloria Regni Dei: ergo videtur, quod non habuit carnem, & sanguinem. Præterea sanguis est vnus de quatuor humoribus: si ergo Christus habuit sanguinem, pari ratione habuit alios humores, ex quibus causatur corruptio in alijs corporibus animalium; sic ergo sequitur, quod Corpus Christi fuit corruptibile, quod est inconueniens: non ergo habuit carnem, & sanguinem. Præterea Corpus Christi, quod resurrexit, in Cælum ascendit: sed aliquid de sanguine eius in quibusdam Ecclesijs reservatur pro reliquijs, non ergo resurrexit Corpus Christi cum integritate omnium suarum partium. Sed contra est, quod Dominus Lucæ ultimo post resurrectionem dixit: palpete, & videte quia spiritus tuus carnem, & ossa non habet, sicut me videtis habere. Respondendo, dicendum est, quod (sicut supra dictum est) Corpus

Christi in resurrectione fuit eiusdem nature, sed aliter gloria, unde quidquid ad naturam corporis humani pertinet totum fuit in Corpore Christi resurgentis. Manifestum est autem, quod ad naturam corporis humani pertinent caro, sanguis, ossa, & alia huiusmodi & ideo omnia ista in Corpore Christi resurgentis fuerunt, & etiam integraliter absque diminutione, alioquin non fuisset perfecta resurrectio. si non fuisset integratum, quidquid per mortem acciderat. Hæc D. Thomas. Qui etiam subdit respondendo ad tertium argumētum, quod totus sanguis, qui de Corpore Christi fluxit, cum ad naturam humanam veritatem pertineat, in Christi Corpore resurrexit; etiam eadem ratio est de omnibus particulis ad veritatem, & integritatem humanæ naturæ pertinentibus. Sanguis autem ille, qui in quibusdam Ecclesijs pro reliquijs seruetur, non fluxit de latere Christi, sed miraculosè dicitur effluxisse de quadam imagine Christi percussâ.

- 39 Sexta difficultas colligitur ex dictis Scoti in 3. dist. 21. vbi tractat, utrum Corpus Christi fuisset putrefactum si resurrectio non fuisset accelerata? & concludens, quod, cum res naturales a fortiori virtute prohibentur, non possunt eâsequi suum effectum, ideo Corpus Christi nunquam fuisset putrefactum, prohibente Diuina virtute; & inf. à supra. l. C. dicit: quod duplex est processus

cessus naturā. Vnus, quo ab imperfecto proficit, & tendit in perfectū, & hæc est via generationis: alius, quo à perfecto deficit, & tendit in imperfectum. & hæc est via corruptionis. In primo processu patet, quod natura incipit à semine, & alterando deducitur in sanguinem. Sanguis ultra per alterationem in ossa, & carnem. & caro in organizationem, & figurationem convenientem animæ; si ergo Verbum vnisset sibi naturā, ita, quod natura habuisset cursum suum, ut primò vnisset sibi sanguinem, & mediante sanguine per successionem carnem, & mediate carne organizatam carnem. & si sic fecisset, non impediuiisset cursum naturæ successus, nisi per nouum miraculum aliud, quàm sit illud, quo primò vnisset sibi sanguinem; quia illo stante, potuit natura habere naturalem cursum suum. idèd, si cursus debuisset impediri, hoc necessariò fuisset nouo miraculo. Eodem modo oportet dicere de processu naturali defectiuo, s. à perfecto ad imperfectum: quoniam, non obstante primo miraculo, quo corpus fuit vnitum Verbo, fuisset corpus naturaliter putrefactum, nisi alio nouo miraculo fuisset præseruatum.

Et infra l. C. vers. si enim, dicit: quod antiquum miraculum semper conseruasset vnionem partium nature humane, scilicet animæ cum corpore, & si vnuquàm fuissent separata, sicut fuerunt, tunc oportet dicere, quod nouo miraculo fuit mortuus. Ex quo enim antiquo mira-

culo, si non superuenisset aliud, semper fuissent partes vnite inter se, sicut fuerunt in Verbo, sequitur quod, ex quo fuerunt separate, hoc fuit nouo miraculo. Et sic nouo miraculo fuit corpus præseruatum à putrefactione; & alia volitione secundum rationem voluit corpus vni Verbo, & alia voluit, corpus præseruari à resolutione, impediendo actiones causarum naturalium, & non ponitur aliud pro miraculo, nisi alia volitio secundum rationem aliam, & aliam respectu diuersorum obiectorum. Hæc Scotus.

Tale sit modò argumentum. Eodè miraculo, quo corpus Christi potuit præseruari à corruptione, potuit etiam præseruari, & sanguis; sed corpus Christi præseruatum est nouo miraculo; ergo & sanguis, qui ad corpus pertinet, nouo miraculo est seruatus. Antecedens patet per doctrinam Scoti. Consequens sequitur ex dictis eius: ergo, &c.

40 Septima difficultas resultat ex dictis eiusdem Scoti cit. qui subdit ibidem §. ad primum principales: Putrefactio enim nobis nihil valuisset, nec fuisset decens; imò causa erroris, & incredulitatis resurrectionis eius, si corpus fuisset putrefactum. Et sic ad illud Prophetæ psal. 15. n. 10. Non dabis sanctum tuum videre corruptionem, dicit ipse ibidem, quod verum est de facto: quia sicut per animam, & carnem voluit sibi corpus vni, quod fuit antiquum miraculum, ita voluit, quod illud corpus inanimatum

tum non putreficeret, etiam si resurrectio fuisset prolongata. Hæc Scotus. Ita arguit: putrefactio corporis Christi nihil nobis valuisset, nec fuisset decens, nec conueniens, nec expediens; imò causa erroris, & incredulitatis: ergo ad euitandum prædicta inconuenientia, cōfiteamur, sanguinem Christi, tempore mortis eius effusum, eodem modo fuisse præseruatum à corruptione, quomodo & corpus; sed corpus fuit præseruatum per vnionem Diuinitatis: ergo, & sanguis pari modo, & eodem miraculo.

- 41 *Octaua difficultas* colligitur ex dictis Scoti ubi supra §. ad primū, cum subdit, quod nisi in illo triduo fuisset incobatum nouum miraculum, bene fuisset aliqua inchoatio resolutionis corporis Christi, non obstantibus vnguentis. Nunc tale sit argumentum. Si, de quo minùs videtur inesse, inest; ergo multò fortius de quo magis, ut in 2. Topicorum; sed minùs videtur inesse ad corruptionem cor-

pus, vnguentis conditum, quàm sanguis sine vnguentis effusus, & Scotus præsupponit, quòd corpus Christi, non obstantibus vnguentis, incepisset resolui in illo triduo, si non interuenisset nouum miraculum; ergo multò magis debuit resolui sanguis, qui non fuit aliqua naturali, vel artificiali vnctione perfusus, quod est indecentissimum, & inconuenientissimum dicere; ergo ad euitandam tantam indecentiam, confiteamur, eodem modo, & miraculo, sanguinem fuisse seruatum, quo, vel quibus, & corpus.

Istis omnibus difficultatibus est occurrendum ex doctrina; quòd Theologi volunt cum D. Thoma, animam, & corpus remansisse vnita Verbo; quia nunquàm separanda à Christo; ergo nos possumus dicere, sanguinem diffusum à corpore Christi, qui tamen ampliùs corpori Christi non erat vniendus, fuisse à Verbo dimissum.



PROPOSITIO NONA.

Immediatè, & sine ullo medio quod Diuinum Verbum assumpsit totum hominem tam cathegorematicè, quàm syncathegorematicè.

42 **P**artitionem medij in medium quod, & in medium quo, iam cuncti docent Theologi. Mediū quod id dicitur, quod primò assumitur in se, & per assumptionem illius assumitur aliud; hac ratione dicimus, superficiem mediū quod inter parietem, & albedinem: quippè paries prius recipit in se superficiem, & mediātē ea albedinem. Medium quo est forma constitutiva particulariter illius naturæ, quæ assumitur; nam, sicut forma est ratio agendi illius naturæ, cuius est, licet ea non diceretur agere; ita eadem forma potest dici ratio assumendi, licet illa non primò assumatur. *Statuimus hanc propositionem*, ut videremus: *utrum* Diuinum Verbum assumens, & vniens sibi naturam humanam constantem varijs partibus, prius totum sumpsit, & per illud partes; *vel* an primò assumpserit vnā ex partibus, & per illam alias consequēter, & ex illis totum? Nam si aliquid in homine sumptum induit rationem causæ, aut efficiētis, aut sine qua nō assump-

tionis eorum, quæ postmodum, & consequenter vniuntur, ac proindē diceretur medium intrinsecum, seu substantiale: nam homo secundum se totum, sicut & secundum quamlibet sui partem substantia est, & totum est homini intrinsecum, sicut & partes.

Volumus autem eodem instanti temporis, quo absolutus fuit homo ille, qui à Diuino Verbo assumptus est, Diuinū Verbum, illum sibi vniuisse, ita, ut non prius tēpore fuerit homo, quàm homo, Deus, & Christus;

43 *Ratione Scoti* probaenus hanc propositionem, estquē talis. Si tempore prius formatus est homo ille, quā vnitus Verbo, nō erit Sanctissima Virgo Mater Dei: quia completa esset hominis illius generatio, & productus terminus, ad quem generationis, quo producto, cessat actio Matris, antequā esset homo Deus: sed ex fide Catholica Sanctissima Virgo est non solum Mater Christi, scilicet hominis, sed etiam Dei: ergo oportuit in eodem instanti temporis termi-

nari generationem hominis , & eiusdem cum Verbo vnionem.

Succedat aliud argumentū, & est huiusmodi. Illud fuit assumptū a Diuino Verbo vno, & eodem instanti temporis, quod, nisi vnitum esset, fieret persona, h. abens propriam subsistentiam:

sed totus homo cum omnibus suis partibus erat in proxima dispositione, vt personaretur; quando assumptus fuit, & sine illa assumptione futurus erat persona: ergo eodem instanti assumptus fuit totus homo, & suæ partes.

PROPOSITIO DECIMA.

In assumptione humanitatis secundum ordinem executionis nullum fuit medium quod, sed humanitas sine medio fuit assumpta.

44 **E**st communis Scotti, & suorum cum Durando, & Riccardo in 3. dist. 2. q. 2. contra Diuinum Thomam, & suos.

Propositionem nostram probamus ex eo, quod assumptio humanitatis non est eiusdem humanitatis productio, sed præ-existentis humanitatis eleuatio ad subsistendum subsistentia Verbi: ergo assumens non est necesse, quod incipiat assumere à partibus, sed à tota humanitate, quam intendit eleuare. Pulchrum sanè argumentum, & plausibile.

Secundò probatur à Scoto. Natura humana eodem ordine debuit personari à Diuino Verbo; quo esset personata à propria personalitate: sed immediatè tota natura personatur à propria personalitate; ergo, & à

personalitate Diuina. Maior est clara: quia persona Diuina suppleuit vicè personalitatis creatæ, atque ita in eodem instanti debuit personare naturam, quo personaretur propria personalitate. Minor probatur: quia natura humana, antequàm sit cōpleta, & singularis, non est capax personalitatis: ergo immediatè ipsa personatur, & non medianibus partibus.

45 *Eminentissimus Caietanus respondet ad hoc argumentum, licet satis obscure. Summa autem, consistit in negatione maioris; ad cuius probationem dicit, nō eodem ordine personasse Verbum naturam, quo personaretur per propriam personalitatem: quādoquidē, cū personalitas creata causetur à natura, cuius est personalitas, & omnis causa*

sal-

saltem ordine naturę debeat suū præcedere effectum, sequitur, quod personalitas creata non potest conuenire naturæ, nisi ea tota sit perfecta; hinc sequitur, naturam creatam immediatè perfici à propria personalitate: at verò, cūm personalitas Diuina sit altioris ordinis, nec cau- setur à natura, quam personare debet, sed ante ipsam præexistat, poterit Verbum Diuinum inchoare assumptionis ordinem; vnde voluerit, vel nimirum à partibus, vel à tota natura.

Responsio hæc parui valoris etiā iudicatur à Valentia puncto 2. nam ex ipsomet Caietano talis est ordo mediorum, si res fiat in instanti, qualis fuisset, si res fieret in tempore: ergo, sicut per agens naturale natura non personatur, nisi quando est singularis; ita talem ordinem seruauit Diuina persona in personando istam naturam; non ergo prius partes personauit, quàm totam naturam.

46 *Valentia aliter respondet; negat minorem, quod scilicet natura tota in se prius personetur, quàm partes. Quod si illi obijciatur, partes non esse personabiles, nisi ratione totius, & illud primò personatur, quod primò natum est personari. Respondet, quod personari dupliciter potest intelligi; vel quod ita assumitur, vt ipsum immediatè sit, atque fiat persona per personalitatem: vel quod est pertineus ad perso-*

nam, atque adeò quocumque modo à persona sustentetur. Primo modo verum esse, ait, totum esse primò aptum natum personari. Secundo verò modo partes sunt primò personabiles.

Argumentum in suo persisit robore: nā partes ideo sunt secundo modo personabiles, quia sunt aliquid naturæ primo modo personabilis, & ideo partes secundo modo personantur; quia totum primo modo personatur: ergo, cūm non sit personatio totius, non poterit esse personatio partium; & ita partes nullo modo in assumptione potuerūt præcedere totum.

47 *Tertio probatur.* Si Verbum Diuinum non primò assumpsit humanitatem, quàm partes, sequitur non primò fuisse hominem, quod est absurdum; nam hoc prædicatum, *homo*, tam primò dicitur de Christo, quàm de Petro. Sequela patet: quia assumens est primò assumptum: sed assumptum primò sunt partes, quæ non sunt homo: ergo, &c.

Huius argumenti primam sequelam negat Caietanus, & ad probationem dicit aliud esse, assumptibile totale, aliud partiale; & etiā aliam esse assumptionem totaliter terminatam; & aliā partialiter terminatam. Tota natura humana est assumptibile totale, & ab hac totaliter terminatur assumptio; partes verò sunt assumptibile partiale,

tiale, & ab illis partialiter terminatur assumptio. *Hinc* ad argumentum diceret, quod assumens est primò assumptum totale, non parziale.

Responsio friuola est: quippè in ficto radicem habet fundamentum, quod scilicet partes nò possint denominare totum; quod falsum est: cum in triduo nò fuerit totum, & tamen partes, estò quod essent assumptibile parziale, denominabant sufficienter assumens. *Vnde Valentia* simpliciter concedit, Verbum non fuisse primò hominem, docet què, hoc non esse inconueniens. *Nimis liberalis est hic Doctor.*

48 *Multa, & solida impugnant* hanc nostram propositionem maximè, quia non est vna Scotistarum opinio circa solutionem ad argumenta in contrarium: *An scilicet hæc in re vna tantum, vel multiplex sit vnio?* *Maironius* in 3. d. 1. q. 3. valdè liberalis, quatuor assignat vniones iuxta quatuor principalia fundamenta. Dicit ergo, *vnam vnionem factam esse in carne, secundam in anima, tertiam in toto, quartam in accidentibus.* *Bollolius autem* dist. 2. q. 3. art. 2. vniam tantum ponit vnionem, & hac sola dicit, *totam naturam primò dici assumptam, & consequenter partes.* Addit, quod in triduo ad destructionem totius humanitatis, fuit etiam destructa illa vnio, & causata fuerunt duæ vniones de nouo, vna in carne, alia in anima. *Obserua,*

quod in resurrectione humanitatis redierit prima vnio, & corruptæ fuerint illæ duæ vniones denouo causatæ.

49 *Tataretus* est opinatus, hanc esse opinionem Scoti, & videtur deduci ex primo articulo in 3. d. 2. q. 2. cit. 5. contra primum. & c. argumento ultimo contra *Varronem*, vbi expressè dicit, quod sola vnio ad totum finè vnionibus ad animam, & ad corpus sit factis. Idem etiam patet ex argumento primo ad oppositum. *Sic hoc scitum*, etiam quod secundum Scotum in reportatis pars non propriè personatur, nisi per accidens, quatenus scilicet est pars illius totius, quod assumitur; & *Lychetus* in 2. d. 15. q. 1. in corpore quaestionis, ait, quod partes totius sunt singularizatæ, & non est inconueniens, quod duo singularia partialia efficiant vnum singulare totale: nam homo habet singularitatem totalem, aliam à singularitate corporis, & animæ: at suppositum, cum sit incommunicabile, *ut quo, & ut quod* nequit esse pars alius, quia tunc esset communicabile saltem, *ut quo.* Itaque nulla pars compositi est per se suppositata, sed solum compositum perfectum, scilicet completum, dicitur suppositatum.

Ex quo deduco, quod licet in triduo Verbum esset vnitum, animæ, & corpori Christi, neutra tamen pars dicebatur suppositum. Idem dicit *Scotus* cit.

art. 1.

art. 1. §. *idē quantum. &c.* in fine
l. A. ait enim: *In eodē mōdō. natu-*
re. in quo materia pręcedit totū vel
forma. neutrum naturę est esse per-
sona; sed tunc primō. quando ex istis
vnitis est tota natura. tunc ipsa tota
est persona in se. si non impediatur
ab assumēte. Hęc Scotus. Varia
 Authorum nostrę scholę placi-
 ta in hac parte notaui, vt libe-
 rum sit cuiilibet Scotistę, vni, vel
 alteri se subscribere opinioni. *Vt*
quid sentio, dicam; si res verita-
 tis zelo examinaretur, credo,
 plūs esse de æquiuocatione, quā
 de veritate concertationem:

- 50 *Obijcitur contra nostram proposi-*
tionem ex D. Thoma art. 5. Qualis
 est ordo naturę in existentia ip-
 sa rerum assumptarum, talis est
 ordo earum in assumptione: sed
 in existentia prius natura sunt
 partes, quā totum: tū quia
 sunt causę totius; tū pariter
 quia possunt esse sinē toto, & nō
 ē conuersio: ergo partes prius
 assumptę sunt.

Respondemus, Deum non ser-
 uasse eūdē ordinem in assump-
 tione humanitatis, quem serua-
 uit in ipsius productione: ratio
 est, quia assumptio non fuit pro-
 ductio naturę sed illius eleuatio
 ad personalitatem Verbi. Ne-
 ganda ergo est maior proposi-
 tio: & hoc est, quod habet *Scotus*
in solutione secundi argumenti
principalis: quod aliud est ordo,
 cum aliqua comparantur inter
 se, & aliud, cum comparantur ad
 tertium.

- 51 *Replicat Caietanus.* Primum in
 resolutione est vltimum in com-
 positione, vel coniunctione ali-
 qua: sed totum primō fuit ab-
 solutum, & disunitum a Verbo
 in triduo, & partes remanserunt
 vnitę: ergo totum fuit vltimum
 in coniunctione, & partes prio-
 res: ergo totam mediantibus
 partibus fuit assumptum.

Respondemus, quod in triduo
 primo, & principaliter non in-
 tēdebatur dissolutio vnionis to-
 tius, sed destructio humanitatis.
 Vnde colligitur, tantū illo fa-
 cto, quod productio humanita-
 tis incipiebat a partibus, quę
 fuerant posteriores in resolutio-
 ne. Per accidens autem fuit,
 quod destrueretur vnio ad hu-
 manitatem, quia scilicet subie-
 ctū vnionis fuit destructum. *Ad*
argumentum ergo in forma res-
 pondetur: vltimum in resolutio-
 ne esse primum in compositione,
 & primum in resolutione,
 esse vltimum in coniunctione,
 verū esse de illo, cuius resolu-
 tio per se intenditur.

- 52 *Obijcitur secundō ex Caietano.*
 Quę sunt priora in intentione,
 sunt posteriora in executione:
 sed Verbum secundū intentio-
 nem primō assumpsit naturam
 humanam: ergo huius assump-
 tio in executione fuit vltima.
Respondeo, maiorem esse veram
 cum comparatur ad agens fini-
 tum, quod non potest primō
 producere terminum ab ipso in-
 tentum, sed debet progredi per
 media

media requisita; & agens infinitum, cui nihil refistit, non necessario seruat ordinem illum, sed immediatè potest attingere effectum intentum. *Hinc nos in fauorem nostræ propositionis ita dicebamus supra n. 44.* Assumptio non est productio humanæ

naturæ, sed præexistentis naturæ eleuatio ad subsistentiam Diuinam: ergo assumens non est necesse, quòd incipiat assumere à partibus, sed à sola humanitate, quam intendit eleuare ad subsistentiam Diuini Verbi;

PROPOSITIO VNDECIMA.

Admittendum est medium quo in assumptione, & vnione humanitatis cum Deo.

53 **P** Lana erit nobis via ad istā propositionem. Monco solum, quòd medium quo longè distat à medio quod, vt alias notauit: quia medium quo nullam notat prioritatem, nullamq; infert causalitatem, quāvis hæc duo in medio quod reperiuntur; notatquē solummodò rationem causæ sinè qua non, imò nec hanc notat; propterea fit, vt quamuis anima non sit medium quod in Incarnatione, sit tamen medium quo. Isto insensu intelligendi sunt omnes Patres, qui affirmant, primò assumptam fuisse animam, & per eam alias partes cum toto. Sufficiat asserre *Diui Augustini Sententiam epist. 3. ad Polutianum: Ipsa magnitudo diuine virtutis animam sibi rationalem, & per eandem corpus humanum, totumquē omnino hominem in melius mutan-*

dum coarctauit: si quidē, dūm ait, per eandem, significat quidē, animam esse medium quo in huiusmodi coarctatione, non autem medium quod.

54 *Si quis querat, quare anima Christi dicatur medium quo assumptionis, & vnionis naturæ humanæ cum Deo? Respondeo, id fieri, quia etsi quælibet res etiam inanimata sit capax, vt assumatur, à Diuino Verbo, tamen homo propter dignitatem animæ rationalis dicitur solus vnibilis cum Deo: ergo dignitas animæ rationalis hoc ei confert. Deinde: est anima rationalis fōs, & origo omnium operationum, quæ a Diuino Verbo assumptæ, possunt eleuari ad eam perfectionem, ad quā creatura summe perfecta Diuino Verbo coniuncta potest peruenire. Si anima rationalis propter suam dignita-*

gnitatem est medium quo in Incarnatione Dominica, dicendum quoque erit, partem nobiliorem eiusdem animæ, quam Theologi superiorē portionem appellāt, esse medium quo vnionis, & assumptionis aliarum, partium animæ, quas appellant inferiorem portionem: siquidem non minùs distat portio superior ab inferiori, quàm distet anima à corpore, dummodo ac-

cipiamus vtramque portionem pro varijs potentijs animæ, ita, vt portio superior complectatur intellectum, voluntatem, & memoriam, quæ sunt facultates nullum habentes cum corpore cōmercium nec in actu primo, nec secundo; sitque portio inferior colligatio aliarum facultatum potentix sentientis, vegetantis, &c:

PROPOSITIO DVODECIMA.

Sinè vlllo medio extrinseco assumpta est humanitas à Verbo.

55 **R**espondet hæc propositio difficultati illi, quæ quæritur: *Vtrum anima Christi assumpta, fuerit existens in puris naturalibus sinè vlllo dono supernaturali, vel fuerit anima illa, priusquàm vniretur, prædita cælesti aliqua gratia, quæ antecederet vnionem, disponderetque animam ad assumptionem?* Videatur Scotus in 3. dist. 2. q. 2. §. contra hoc arguo, &c. qui nostram probat propositionē hoc pari discursu. Prius oportuit animam illam, sicut & totum hominem esse in ultimo actu substantiali, quàm aliquod susciperet accidens superadditum naturæ: sed non habuit vltimum actum substantialem animæ, antequàm vniretur Verbo,

vt antea probatum est: ergo prius fuit vnita, quàm vllam haberet gratiam.

Nostræ propositionis veritatem colligunt Theologi ex Ioannis 1. *Vidimus gloriam eius, quasi vni- geniti à Patre plenum gratiæ, & veritatis.* Vbi de indutria Ioannes vocat Christum Vnigenitū, dicitque, gloriam eius esse gloriam Vnigeniti, priusquàm de plenitudine gratiæ illius loquatur. Vel ostendit, gratiam, eiusque plenitudinem collatam fuisse homini Christo, eò quod per incarnationem Verbi esset filius Dei. Videatur Doct̃r cit. qui multa, & pulchra dicit.

56 *Quæ contra nostram propositionem adduci possunt accipe. Primò:*

md. Si gratia non requireretur, ut medium congruum, hoc ideo foret, ut ait Scotus, quia habitus, & operatio præsupponunt suppositum: sed hoc esse falsum, probo dupliciter: *Primò*, quia secundum Scotum in 4. dist. 10. albedo separata à subiecto potest mouere potentiam visiuam. *Secundò* idem Scotus in 1. d. 2. vult, quod intellectus, & volitio diuina præintelligantur ipsis personis diuinis.

Respondetur negando falsitatem consequentis, obseruando, quod Scotus non intelligit absolute, omnem operationem prærequirere suppositum, nec quod supposita sit ratio operandi. Tantum docet, quod quando aliqua natura nata est in se suppositari, prius supponitur, quã operetur. *Ad aliam difficultatem* de intellectu, & volitione diuina dico, nullam esse paritatem; disparitas est, quia essentia diuina est in se perfecte existens, & subsistens, licet non communicanda.

57 *Replicabis*. Esse personale Verbi Dei est improporcionatum naturæ humanæ: ergo debet poni in natura humana aliquod, per quod reddatur proporcionata: hoc non potest esse, nisi gratia: ergo gratia debet præsupponi in natura ad istius assumptionem. Antecedens probatur: quia esse personale Verbi excedit facultatem naturæ creatæ: ergo natura creata minimè at-

tinget ad illud, nisi præuia gratia.

Respondetur, antecedens esse æquiuocum, multiplicemque habere sensum. Si intelligat, naturam creatam illius non esse vigoris, quod natia virtute attingere valeat ad esse personale Verbi, ut in ipso subsistat, verissimum est antecedens; sed tunc dico ad assumptum, quod illud per quod natura redditur proporcionata, minimè est gratia habitualis, sed solum beneficiū potentie obedientialis; nulla enim gratia creata potest facere, quod natura de se attingat ad personale Diuinum, sed supposita potentia obedientiali in humanitate, reliquum operatur diuinum brachium.

58 *Secundò*. Unio hypostatica dignitate excedit vnionem beatificam: sed unio beatifica (scilicet visio beatifica) non habetur, nisi interuentu, & medio lumine gloriæ: ergo & unio hypostatica sine gratia præmissa in natura, minimè habebitur.

Respondemus, (non curando pro nunc de maiestate inter vnā, & alteram vnionem) quod etiam si verum esset antecedens, vana est consequentia: quia ad vnionem beatificam est alia necessitas gratiæ, & luminis: quæ locum non habet in vnione hypostatica. Ratio huius est, quia ad beatificam visionem requiritur lumen, quo constituitur intellectus in esse

su-

supernaturali; & ex ipso intellectu, lumine, & obiecto habetur integra causa productiua visionis supernaturalis. At ad vnionem hypostaticam nullum præstat influxum humanitas, sed passivè se habet. *Quod si velis*, naturam fore disponendam per gratiam sibi inhaerentē ad vnionem hypostaticam; dicam ego, naturam debere etiam disponi

ad recipiendam illam gratiam, supernaturalem disponentem, & idem de altera forma disponente; quapropter haberetur processus in infinitum. Quieto ergo animo demus finē huic propositioni, & asseramus, naturam humanam immediatè recipere in se vnionem hypostaticā, nulla præexigita gratia in ipsa natura ad vnionem.

DISPUTATIO SEXTA.

De Immaculata Conceptione Deiparæ Virginis.

Abstinere non possunt Theologi à Tractatu de Virgine Deipara, cum de Dei partu, atq; Cōceptione instituta sit Disputatio. Vnde post disputationē de Assūptione naturę humanę à Verbo, agendū quoq; est de ea Virgine, in cuius utero facta est huiusmodi vnio, atq; assūptio. Arduam sanè, atq; obscuram, & maximè difficilem aggredimur materiam; ad cuius pleniorē explicationem, prius originalis peccati natura declaranda est, ut originalis maculę natura intellecta, facilius

intelligere valeamus: nūm tali peccato Beatisima Virgo fuerit ratione aliqua inquinata. Quare in hac disputatione sic pcedemus. Primò agemus de terrestri Paradiso. Secundò de facultate & dominio hominis in statu innocentiz. Tertiò de iustitia Originali. Quarto de peccato originali absolute. Et vltimò de ipsomet originali peccato in ordine ad Virginem immaculatā. Et quandoquidem constat ex Gen. 3 initium peccati à serpentis cepisse tentatione; hinc videndum est primò.

An fuerit verus Serpens, qui primos Parētes tētavit

PROPOSITIO PRIMA:

Aliquorum placita consutantur.

3 **I**osephus Indæus fuit opinatus, serpentem illum fuisse, verum, & naturalem; addens, quod tunc naturali facultate pollebat intelligendi, & volendi, & loquendi, & vti pedibus ad gradiendum sine veneno. *Accedit alius Doctor* asserens, ante peccatū Adami animalia fuisse mansueta, corditer viuientia, intelligentia, & loquentia sensatē. *Fabulam reputo* istam doctrinam: licet enim ille fuerit verus serpens; minimè tamen, dotatus erat facultate intelligendi, & loquendi; pugnant quippe hæc ex terminis: cum talis virtus sit immaterialis. Dicere autem, serpentem & intellectu, & pedibus fuisse à Deo priuatū propter fallaciam molitam. *Eug;* simile mihi videtur fabulis, & figmentis Poetarum.

3 *Efrem Syrus dicebat*, fuisse verum Serpentem, qui licet naturaliter loqui non poterat, petiuit hoc tamen Satan à Deo, ut ad tempus daret illi hanc facul-

tatem, ut loqueretur ad tentandam Euam. *Res mihi*, omnino aliena à veritate. *Cyrillus* affirmat non fuisse verum serpentē; sed speciem dumtaxat, & simulacrum serpētis, sub quo Dæmō alloquutus est mulieri. *Huic, discursui* nequeo votum dare. Si enim non fuisset verus Serpens, finita tentatione, Dæmon imaginem illam serpētis deposuisset, cum tamen Sacra Scriptura oppositum testetur.

4 *Eminentissimus Caietanus* assererat, nec verum, nec fictum fuisse illum Serpentem, sed intelligi pro Dæmone, qui; quia callidissimus, & insidiosus, serpens dicitur in Scriptura. Hinc concludit: quod totus ille processus, & tentatio non fuit externa, vel sensibilis; sed intimo tantum suasu, & suggestione facta est. *Caietani opinio* minimè mihi probari potest: quippe pervertit totam Paradisi, & Sacre Scripturæ historiam.

PRO

PROPOSITIO SECVNDA.

Vera sententia proponitur.

5 **V**erior sententia est, fuisse in ea tentatione verum, & naturalem Serpentem, in quem sese Diabolus insinuavit, & per eum, quasi per organum suum formavit humanas voces. & alloquens Eua, callida, & malitiosa tentatione eam decepit. Fauet nostræ opinioni, quod Moyses eum appellat simpliciter Serpentem; & genus pænæ, quo punitus fuit, ostendit, eum fuisse realem serpentem. Cur ergo confugiendum ad fictum Serpentem? Præter serpentem autem, fuisse ibi adhuc Dæmonem; ostendit humanus sermo, & ratiocinatio cum Eua, quod excedit vim, & facultatē Brutorū.

Si dicatur pro Caietano, scripturam Sacram uti vocabulis animalium ad significandum creaturas rationales, verbi gratia: *Ecce Agnus Dei: vicit leo de Tribu Iuda*, & in Apocalypsi, *Diabolus, Draco, & Serpens antiquus vocatur*. Respondemus, quod Sacre Scripturæ sensus, quando obscurus, vel dubius est, iuxta regulam Dni Augustini lib. 2. de doctrina Christi c. 36: & Scoti in 4. d. 10. q. 1. §. hic duo sunt, &c. colligendus est ex antecedentibus, vel subsequenter verbis, & tunc cognoscitur, quando verè, & quando figuratè loquitur,

Hic tota series Scripturæ est in sensu verò, & sic de serpente verò interpretanda est, &c.

6 **R**eplicabis. Verus sermo non potest serpenti conuenire; sed clarè patet, serpentem esse loquutum: ergo non fuit verus Serpens. Respondemus, quod minimè loquebatur Serpens, sed Diabolus, vel mouebat organa Serpentis, & refrangebatur aërem ad modum humanum formando conceptus: vel se solo mouebatur refrangendo aërem, & loquebatur Diabolus, & tunc Serpens nullatenus loquebatur, sed faciebat, quæ naturaliter sibi congrua sunt. Dices. Serpens est animal, sicut cetera; quomodo ergo potest sibi competere calliditas, & malitia? Infrā dicemus, quomodo sit callidior, nō quod supponat astutiā, quæ repugnat serpenti, sed illā, quæ opponitur prudentiæ, quæ potest Brutis cōpetere ex natura specifica.

Petes, an quando dicitur Gen.

3. n. 1. *Serpentē fuisse callidiorē Bestijs terræ, intelligatur de serpente, vel Diabolo?*

Eminētissimus Caietanus absolute putat debere dici de Diabolo, qui ritè comparatur Bestijs nam propter peccatum ad ordinem Bestiarum deiectus est.

PRO:

PROPOSITIO TERTIA.

Hic Caietani modus non est probandus.

7 **R**atio: quia Dæmon propter peccatum, minimè amittit sua naturalia dona; & ideo non est comparandus cum Bestijs: hinc dicit Augustinus, scripturam loqui de calliditate veri Serpentis, non tamen per se, quasi verò ex natura sua sit talis; sed quatenus erat instrumentum, & organum Diaboli ad fallendum Euam.

Verget contrà Tostatus. Si Serpens dicitur callidior bestijs terræ propter non suam calliditatem, sed Diaboli; aut igitur propter calliditatem, quæ erat in Diabolo, vel per eam, quam accepit à Diabolo? Nò primum: quia nihil dicitur tale propter aliquid, quod sibi non inest; nec enim potest dici callidior propter calliditatem, quæ non erat in eo. Non secundum: quia vel sibi dedit calliditatem suam, & hoc est impossibile, cum sit accedens spirituale: vel dedit calliditatem congruentem suæ naturæ sensibili; sed hæc non potest recipi, nisi mutata specifica natura; ac mutato temperamento, quod Diabolus non potest facere: ergo. *Respondemus prædicta scripturæ verba dicta esse de vero serpente.* Illum autem

appellauit astutiorē cæteris; non vt significaret per astutiam naturalem Serpentis deceptam fuisse Euam: sed vt ostenderet, Serpentem fuisse aptius instrumentum à Diabolo accipiendū: quia præcunctis animantibus astutior est ad nocendum propter naturalem inimicitiam, quæ est inter eum, & homines. Hinc, non temerè, nec sine magna ratione à Diuina prouidentia factum est, vt Diabolus ad decipiendum hominem, in Serpentem potius, quàm in aliquod aliud animal, insinuaret seipsum.

8 *Dices:* Multa alia animalia longè superant Serpentem naturali solertia, prudentia, & astutia, vt Canes, Lupi, Vulpes, &c. igitur aptiora instrumenta erant illa ad decipiendum. *Dicimus,* quòd duplex calliditatis, & prudentiæ genus respectu Serpentum excogitari potest. Vnum, quo vtuntur ad vitæ tutelam, ad prosequenda vtilia, & fugienda nocua. Alterum, quod adhibet ad insidiandum, & nocendum homini; quoad primum, ex multiplici capite patet Serpentum astutia. *Primum* est quoad incantationem: quia aures obturant,

Secun-

Secundum, quādo percutiuntur, in quantum custodiunt caput, vnde tota vita pendet. *Tertium*, quando bibunt, nē aquam inficiant, venena deponunt. *Quartum*, hyberno transacto tempore, veterem membranā expoliant. *Quoad secundum* satis patet Serpentis altitudo, qua utitur ad nocendum: sanē hominem Serpens occultē, callidē, atquē insidiosē mordet, & morfu quidem lethali. Idquē facit nō metu, non aliquo comodo, vel incomodo suo ductus: sed natura-

li hominis odio; & propensio-
mē ad ei nocendum, natura in-
stinctu, ut patet ex scripturis, Pa-
tribus, & Philosophis. Quamvis
igitur de alijs animalibus for-
tassis inueniantur aliqua non-
minūs Serpentibus altitudo, ad
occultē tamen lacedum homi-
nem sine vilo comodo suo; nul-
lum tamen Serpente insidiosius,
& callidius inuenitur. Rectē igitur
dictum est: *Serpens erat calli-
dior, &c.* Videatur *Diuus Bona-
uentura in 2. sent. dist. 25.*

DVBIVM PVLCHRVM.

Cur Eva non exhorruit Serpentis congressum?

9 **Q**uibusdam placuit cum
D. Bonauentura asserere,
Diabolū ad tentandā Euam
elegisse genus quoddam Serpen-
tis, virginem vultum efferens;
& quia naturale est suis simili-
bus gaudere, illius Serpentis cō-
gressu delectabatur potius Eva,
quā timeret. *Fabulosa* videtur
mihi res ista: non enim tale Ser-
pentis genus aliquādo legimus.
Basiliscus dicit, quōd tunc non
erat horribilis, sed mansuetus,
& mitis, erectus incedebat; sed
hæc sine fundamento dici, cre-
do. *Hinc dico*, quōd Serpens sem-
per fuit talis naturæ, & horribi-
lis. Sed non exhorruit Eva illius
aspectum, vel congressum; quia

ante peccatum in statu innocen-
tiæ omnia animalia erant ober-
dientia ad nutum; & sicut non
poterant malum inferre, sic nec
timorem, nec horrorem incur-
riebant.

10 *Petes: Quod genus Serpentis
fuerit?* Aliqui dixerunt, *Basilis-
cum*, qui est regulus: nam sicut
Dæmon Princeps inuasit Euam;
sic instrumento regali vsus est,
nempē Basilisco. *Alij* ē contra:
quia Basiliscus est adeo paruus,
vt credi non possit animal sic
paruum, deforme, & pestilens
Euā adijisse, dicunt fuisse *Scyta-
lem*, quod est animal formosum,
& pulchrum, tanta præfulgens
tergi varietate, vt squamarum
nito;

nitore , ac venustate aspicientes detineat . *Adde*, quòd Eua non obstupuit audiens secū loquentem, & disputantem Serpentem; non quia putabat, qui loquebatur secum fuisse solū Serpentem; sed quia existimabat per Serpentem, aliquem spiritum Angelicum loqui; & ideo non obstupuit, quia sciebat, Angelicos spiritus id posse facere, quia credebatur suæ utilitati benè consulere . Ita *Bonaventura*, & *Thomas* dicentes; quòd *mulier putavit Serpentem accepisse loquendi officium, non per naturam, sed aliqua supernaturali operatione.*

I *Res obscura*: nam hinc magis debebat timere Eua vidēdo bonum Angelum sub specie Serpentis alloqui, qui poterat sub specie hominis cōsultius loqui. *Putamus ergo*, propterea non obstupuisse, quia ignorabat, animalia carere facultate loquēdi; nouitas enim rerum, & inesperienza ipsius, & conditio muliebris, quæ minimè possedit omniscientiam rerum, poterant ignorantia Eux esse in causa; quia igitur existimauit Eua loquendi facultate præditum fuisse naturaliter Serpentem; non obstupuit ad eius loquutionem;

Dices, absurdum videri, quòd Eua in illo statu perfecta ignorauerit, an Serpens loqui potuisset cū in statu naturæ cor-

ruptæ cuilibet muliercula notum sit. *Dicit ad hoc Tostatus*, quòd nunc experientia rerum habita, omnes sciunt, Serpētem loqui non posse naturaliter; sed tunc nulla præcesserat experientia, nulla vigeat fama; nec erat incongruum in illo statu respectū mulieris, quæ ex sui conditione nō habet scientiam omnium rerum, sed quanta sufficit statui fœmineo.

12 *Replicabis*: status ille excluderet omnem imperfectionem, & omni malo vacabat animæ, & corporis: sed deceptio, & error, seu ignorantia est maximum malum animæ: ergo, &c.

Respondemus, duplicem esse ignorantiam; vnā puræ negationis, alterā prauæ dispositionis; ista repugnabat in statu Innocentiæ, sed non illa: nam pueri erant multarum rerum ignorantes: nullus autem poterat firmo assensu credere falsæ pro veris, vel è contra . Et hæc est ignorantia prauæ dispositionis. Eua igitur poterat habere ignorantiam puræ negationis, &c. *Dices*: Mulier firmo assensu credidit Serpenti: ergo habuit ignorantiam prauæ dispositionis. *Negatur antecedens*: quia fuit dubia, & suspensa, & solū ex promissione fuit inducta ad credendum.

DE PARADISO TERRESTRI.

13 **I**N Sacra Scriptura nomine *Paradisi*, significatur locus quidam amœnissimus, & ad oblectandum hominem incundissimus. Et interdum intelligitur de loco aliquo corporeo, & alio quando de loco quodam spirituali. Hinc est difficultas: *an Paradisus idem, de quo loquitur Moyses in Gen. capite secundo, sit locus aliquis corporeus; an vero spi-*

ritualis?

Philo, Origenes, & Ambrosius videntur sentire, Paradisum non esse quid corporeum, & neque in terra, sed in Cœlo Empyreo, ad quem raptus est Paulus. Per arbores Paradisi intelliguntur virtutes Angelicas; per flumina, aquas, quæ sunt supra firmamentum.

PROPOSITIO PRIMA:

Opinio ista longè abest à veritate.

14 **N**Obis fauet Magnus Patet Augustinus, & cum ipso *Scotus in 2. dist. 17. q. 2.* & certè ex Moysis locutione clarè habetur, Paradisum fuisse locum quemdam in terra, corporeum, & aspectabilem omni genere voluptatum, ac deliciarum abundantem: Verba enim Scripturæ, quando sub historico sensu possunt accipi secundum propriam, & visitatam significationem, non est recurrendum ad sensus mysticos; ex rebus autem ibi actis, putà introductio, & expulsio Adami, corrigitur eorum sententia, quæ dicit, Paradisum non fuisse determinatam aliquam regionem, aut certum quempiam

terræ locum, sed nomine Paradisi denotari uniuersam terram, quæ in primæua conditione, ac statu suo, ob eximeam bonitatem, amœnitatem, & fecunditatem, erat tota, quasi hortus quidam amœnissimus, & tantquam Paradisus, ut dicitur de loco, vbierat Sodomæ, & Gomoræ cap. 13. Genesis.

15 *Dicitur*, Aquæ diluuii, quinquaginta cubitis ascenderunt, aliquis quouis monti; & tamen ad Paradisum non attingerunt; ergo vel est Spiritualis, vel Aetereus, & non Terrestris. *Respondetur*, quod, si ille aquarum ascensus fuit miraculosus, & ad punitionem peccatorum ordinatus; ideo

I non

non acceſſerunt ad Paradifum, in quo non erat peccatum ali- quod puniendum. *Replicabis*: ille vocatur Paradifus voluptatis: ſed voluptas eſt in mente: ergo Paradifus eſt mentalis, ſeu

ſpiritualis. *Reſpondetur*; quòd dicitur Paradifus voluptatis eſſe ſcētine; prout eſt locus quidam delitioſus, noſtris ſenſibus exterioribus valdè delectabilis.

De Loco, & Situ Paradifi Terreſtris.

16 **H**Ac in re non eſt vna ſāctorum Patrum ſententia. *Aliqui* etenim dixerunt, Paradifum immēſo penè oceano diſtare à terra; hoc dixerunt, vt promptam haberent reſponſionem, cur hominibus foret inaceſſus, & uſque modò à nullo reperi- tus. *Alijs* placuit, Paradifum eſſe in loco altiffimo, & orbi lunari proximo; moti ſunt ad ita diſcurrendum propter tres cauſas. *Prima* ob ſalubritatem habitationis: Locus enim Cælo vicinus, eſt tràquilliffimus, tem-

peratiſſimus, & ad conſeruandā vitam maximè aptus: quia à nullo extrinſeco corruptiuo poteſt infici. *Secunda ratio*: vt tradere poſſint, quomodò Paradifus fuerit immunis ab illo exitio vniuerſalis Diluuij, quod operuit omnes montes. *Tertia ratio* erat, vt tradere poſſent, quomodò quatuor illa flumina irrigarent Terram noſtram: ſi enim propè Cælum non eſſent; non poſſent flumina illa ita fluere per totam Terram noſtram.

PROPOSITIO SECUNDA.

Due hæ opiniones non ſunt probabiles.

17 **E**T quidem omni ſtabili ſu- damento caret prima opinio: quandoquidem luce clarius eſt, non eſſe talis diſtācia inter terrā, & Paradifum, eò, vel maximè; q̃a Paradifus ponitur in Edom, quæ regio procul diſtat à Meſopotamia, vel Arabia. *Secunda opinio* pariter videtur

incredibilis: nam ille locus eſt inconuenientiſſimus habitatio- ni. Tum propter vicinitatem Solis, & Stellarum; tum propter elementum ignis. Item notat *Tolomeus*, quòd interuallum inter orbem Lunæ, & Terræ, eſt ſeptiès, ac deciès maius diametro Terræ: hoc eſt, ipſius Ter-

ra longitudine; quæ distantia comparata in ordine ad nostra milliaria, continet milliaria cētum millia, additis nouem millibus nongentis triginta septem: ergo si Paradisus culmine suo attingit cælum; necesse est,

ipsum habuisse pro basi, & fundamento vniuersam Terræ latitudinem, quod est ridiculum.

Tostatus ex Alexandro dicit, Paradisū esse in tertia aeris regione, ut dicatur excedere terminos huius nostri aeris caliginosi, & turbolenti.

PROPOSITIO TERTIA.

Improbabilis est itidem hac opinio.

18 **V**eritatem docent supra adductæ rationes. Illis adde. Nulla regio est ineptior habitationi, quàm tertia ob nimiam siccitatem, ingentem ardorem, vehementem agitationem, ad vertiginem Cælorum; spheræ; ignis, &c. Quod communiter dicitur de Montibus, Alpibus, Olympo, &c. Narratio fabulosa est; vel si vera est; patet esse ineptos habitationi propter aeris siccitatem. Dices. Si Paradisus non fuit in alto positus; tunc aquis diluuij perditus

esset: nam excessit quindecim cubitis altissimos montes. Respondet Scotus in 2. dist. 17. q. 2. si ista ratio, &c. l. B. illam inundationem fuisse miraculosam, ac proinde non debuisse destruere Paradisum, qui immunis mansit, sicut in Iordane, & in Mare rubro.

Seraphicus Bonauentura ait fuisse sub, vel non procul ab Aequinoctiali: nam ibi est summa temperies, ob equalitatem dierum, & noctium.

PROPOSITIO QVARTA.

Nec ista opinio est admittenda.

19 **I**ta Scotus cit. Probatur: quia illa regio ob vicinitatem Zonæ, &c. solis ardore, vehementer infestatur, & in hyeme est proximior ibi Sol, quàm

nobis in summa ætate: minus aptus est locus ille humanæ habitationi; licet ibi videatur, & inuenta sit habitatio, ut in Aethiopia, &c.

Y 2

Non.

Nonnullis placuit, Paradisum esse, vel fuisse in his regionibus, quas Tigris, & Euphrates præterlabuntur, non longè à Mesopotamia. *Scotus disertè ait*, Paradisum Terrestrem esse conuenientissimum locum humanæ habitationi, ex parte sua, nimis idoneum ad præseruandum à corruptione. Patet: quia debebat esse voluptuosus cum aere temperatissimo, dulci, & suauis; nec extremè calidus, nec frigidus; nec summè humidus, nec

siccus; quæ sunt qualitates primæ, quæ temperatæ faciunt optimum temperamentum; non potuit ergo esse sub æquinoctiali: imò ille locus adeò, conseruatius, & nutritius est, ut Scotus dixerit, Enoch, & Eliam, non miraculosè, sed naturaliter ibi viuere vsque in finem Mundi: si enim Adam, & Mathusalem extra Paradisum potuerunt tandiù viuere naturaliter; cur illi non in Paradiso?

De Quantitate, Latitudine, & Longitudine Paradisi.

20 **A**liquibus placuit asserere, esse magnum, & amplissimum locum: tùm ex parte fluij, qui eum irrigabat, quem maximum, & altissimum declarant quatuor flumina, quæ inde scaturiunt: tùm quia, si Adam non peccasset, debebat esse domicilium omnium hominum, illius status: ergo propter tantâ multitudinem, debebat esse amplissimus. *Tostatus* eum valdè

angustat, neque longitudinem, fuisse plus duodecim milliariû, & ambitum, triginta sex: quia non debebant ibi manere, nisi, qui nascebantur electi, qui sunt paucissimi: non enim erat locus Bestiarum ad sæcundâdam terram, quæ erat fertilissima. *Quidam Ioannes Anglicus* dicit, habere amplitudinem trium Insularum Angliæ, Siciliæ, & Sardinie.



PROPOSITIO QUINTA.

*Cum res sit omninò incerta; mihi credibile est,
Paradisum, non fuisse locum, ita paten-
tem, & spatiosum.*

21. **N**AM appellatur hortus in Sacra Scriptura, & collocatum dicitur in regione Edom ad plagam eius Orientalem, eiusque in medio fuisse lignum vitæ, & scientiæ boni, & mali; nec tam angustum, sicut censet Tostatus; sed esse tantæ capacitatis, quanta erat necessaria pro habitatione hominum, illius status, qui reuera fuissent multi, & certè longa vita vixissent. Sed non est credendum, semper omnes in illo Paradiso habituros, ut remanens amplitudo Terræ, remansisset inhabitabilis; frustra enim dedisset Deus hominibus dominium super uniuersam Terram, quam nunquam habitasset, vel perlustrasset; imò magnam imperfectionem afferret homini, qui scientiam rerum, & regionum totius mundi non habuisset.

22. Nota, quid dicendum sit, quare Paradisum tam magnificum

condidit Deus, qui non debebat esse humano vsui, nisi per breuissimum tempus? Varij varias excogitarunt rationes. Bona est hæc: quia Deus non gubernat, & disponit secundum præscientiā, sed secundum exigentiam naturæ, & status; & quia status Adæ erat perfectissimus, quando fuit sine peccato: ideo debebatur sibi locus correspondens secundum exigentiam, sic à Deo dispositus, & ordinatus, quantumvis ergo Deus præsciuerit, Adā peccaturum, & eo loco priuandum; voluit tamen per illud breuissimum tempus, quod illic permaneret; & raperetur hinc ad contemplandum, quod, si in terris erat aliquid corporeum, tam aspectabile, & tam iucundum; multò fortius in Cælis Paradisum esse iucundiorem, & pulchriorem. Hinc sunt duo dubia.

DVBIUM PRIMVM.

*Cur Paradisus iste nullo tempore ab aliquo
fuit inuentus?*

23 **A** Signant aliqui rationem: quia est extra nostram terram habitabilem, & ultra amplissimum, & mortalibus innaugibile Oceanum. *Alij dicunt*, esse inaccessum, propter eius altitudinem, utpotè, qui Lunarem orbem tangit. Res iucunda, nè dicam fabulosa. *Dicunt Alij*. Paradisum esse inaccessum, & inaccessibilem, tribus de causis. Primò, propter altissimos, & insuperabiles montes, qui illum circumdant. Secundò, propter interpositas solitudines, ferocissimas, & venenosas bestijs referatas. Tertiò, quia circumcirca, loca sunt quædam, exhalentia spiritum quemdam exitialem, non solum hominibus, sed superuolantibus auibus lethalem.

Chrysostomus dicit: ante Dilu-

uium, notam esse Paradisi viam, sed inaccessam propter illam, terribilem Cherubini custodiã; post verò Diluuium illa indicia, seu viã, aquis sunt deleta; hinc tota via restat occultata.

Sed in rei veritate credo, Paradisum Terrestrem, sua natura esse accessibilem: si enim sua natura inaccessibleis esset; ad quid arcere hominem, ab eius introitu, & adhibere sic munitam custodiam? Sed cur non, quæsitus, vel repertus? A quibus? Si ab infidelibus? nequaquam; quia omnia ista, dicunt esse fabulosa; quia Sacras Scripturas peruertunt; si à fidelibus? nec etiam: nam ex fide habent, tale iter esse hominibus interclusum, & Paradisi locum adiri non posse.

DVBIUM SECVNDVM.

An Paradisus Terrestris modo extet?

24 **B**enedictus Pererius ait, hoc nõ esse dogma fidei; sed de numero esse earum rerũ,

quæ in contrarias partes, salua fide Catholica, agitari, & tractari possũt. Existimat proinde, Pa-

Paradisum illum terrestrem generali diluuiò destructum, & hoc tempore nullum esse. Vt hoc probet, supponit, quod Paradisus terrestris erat circa Mesopotamiam, vel Armeniam. Primò ex nomine Edom. Secundò ex loco, vbi requieuit Arca super montes Armeniz. Tertio, ex Fluminibus, Tigris, & Euphratis. His suppositis, ita argumentatur. Terrestris Paradisus erat circa Armeniam, vel Mesopotamiam: sed in his locis, quæ, & fuere olim, hodieque sunt, non modò comperta; & nota; sed etiam à varijs gentibus culta, & habitata, nusquam inuenitur Paradisus; relinquitur ergo, nullum esse nunc paradisum, sed illum fuisse medio sublatum.

Fauet alia ratio. Tempore Diluuij, aqua quindecim cubitis excessit omnes montes: sed Paradisus erat in terra hac nostra habitabili: ergo à Diluuiò fuit dissipatus. Probat etiam auctoritate Ruperti, & Gregorij, solutque omnes auctoritates in contrarium; præcisè de Enoch, & Elia, de quibus dicit, non fuisse translatos in hunc Paradisum, sed in locum aliquem iucundum, atque amenum, quem ex vi vocabuli significat Paradisus. Probabile est de Enoch ante Diluuium fuisse ibi, & nè obrueretur ab aquis, postea potuisse Enoch sublatum in aeris ora, Diluuij aquas superiore, conservari à Deo, & ab illo exitio liberari.

PROPOSITIO SEXTA.

Hac sententia probabilis est, tamen quia Scotus supponit modò extare, & ibi Enoch, & Eliam non miraculosè, sed naturaliter viuere; mihi dicendum est oppositum.

25. **A**D rationem autem supradicti Authoris potest dici, quod non est notum, omnes illas regiones Armeniz, & Mesopotamiz cultas esse, & compertas; cum etià à longè videatur Arca; nec patet accessus propter aquas, & præcipitia;

quis scit, an inter media loca illa sit Paradisus? Imò duo alia flumina, Geon, & Ganges etiam ex Paradiso exeunt, & tamen non sunt in Armenia, vel Mesopotamia: quis scit, an nomina regionum mutata sint, & præter Armeniam, & Mesopotamiam.

ramiam, quæ nunc sunt, sint aliz huius nominis, nobis ignotæ? *Ad aliud de aquis iam dictum est n. 18. fuisse miraculum, ne inunda-
rent locum Paradisi: quia
ibi nihil erat purgandum. Ad
Gregorium, & Rupertum dicimus,*

opponendo Augustinum, Hieronymum, Ireneum, Iustinum, &c. *Dicimus etiam, quod Rupertus non negat, Paradisum extare: sed quod Enoch, & Elias sint ibi translati; & de hoc nos non curamus.*

De Facultate, & Dominio Hominis in statu Innocentia.

26 **M**Oneo, quod triplici modo potest agitari quæstio de hominis dominio in statu innocentia; scilicet respectu animalium, respectu hominum, & respectu sui.

Quantum ad primum dominium ex Sacra Scriptura satis est notum, illud habuisse: statim enim post hominis creationem, dixit ei Deus, ut præficeret piscibus maris; & volatilibus cæli. Valdè notandum est, quod primo loco posuit pisces, videlicet, quod isti omnium animalium minimè dociles, minimæque humani imperij capaces, & nostræ disciplinæ participes esse videntur; quod si eis præest homo, quanto magis cæteris animalibus dominari, credendum est. *Hinc non laudatur sententia Theodoretii asserentis, Cetos, & Balænas, pisces magnos, propter homines non esse factos; ac præindè ab hominis dominio prorsus immunes: nam causa, propter quâ dicitur homo præ-*

esse animantibus, est prudentia, & mentis ratio, quam non habet minùs respectu aliorum piscium, quàm Cetorum, & Balænarum; & quamvis hoc non posuerit expressè Moyses; implicite tamen intellexit; sicut implicite de cæteris bestiis terra locutus est. *Ec. Iacobi 3. nu. 7. expressè habetur: omnis natura
bestiarum, & volucrum, & serpentum, & cæterorum domantur, & domita sunt à natura humana.*

27 Scitum etiam suppono, quod duplex est dominium, seu potestas; una in actu primo, quæ vocatur ius dominij, & potestatis; alia in actu secundo, quæ vocatur executio, seu usus dominij. De iure dominij non est dubitandum, quia in statu innocentia non præfulserit homo ex mille locis Scripturæ: non enim alia ratione cunctos animantes; ad Adamum adduxit, pro impositione nominis; nisi quia exprimere volebat ius dominij, & potestatis, quod super eas sibi dede-

dederat; eo vel maximè, quia rectitudo ordinis naturalis, & ratio Divinæ Providentiæ id postulat: ut, quæ imperfectiora sunt, perfectioribus subijcian- tur, & inferiora per superiora regentur.

Hac potestas, seu ius dominij, etiam post peccatum remansit in homine; nam sibi debetur propter rationalis naturæ excellentiam, quam non perdidit homo propter peccatum, quod non destruit, nec destruere valet naturalia dona. Pater: quia post diluvium dixit Deus Gen. 9. 2. 2. Terror vester, & tremor sit super cuncta animalia terræ, &c. Accedit: quia, si per peccatum, hoc iure dominij expoliatus fuisset homo, non liceret animalia capere, occidere, & ad libitum facere, quod velit.

Tota difficultas est de usu, & executione huius potestatis, & imperij: & quidem ante peccatum, & in Beato illo statu plenissimus erat, & amplissimus huius dominationis usus, minimeque laboriosus, aut difficilis:

quia nec ex parte hominis vllum erat impedimentum, aut difficultas; nec vlla in animalibus repugnantia. *Pater: nam omnes Sancti Patres dicant in locum Genesis, ita subiecta fuisse animalia homini in illo statu, sicut pars sensitiva inferior intellectiux: sed tunc ratio plenissime dominabatur sensibus, & effectibus, ita, ut sine molestia, eos retraxisset à suo delectabili obiecto: ergo similiter animalia sub perfecto dominio sibi subdebantur. Signum huius dominij visum est quandoque in Sanctis, ut Daniel imperavit Leonibus, Eliseus Viris, Serephicus Pater Franciscus, & Antonius nocuit piscibus, aubus, &c. Verùm hoc interest inter statum hominis ante, & post peccatum, quod hæc animalium obedientia in illo statu fuisset perfecta, & ordinaria sine vlllo miraculo; post peccatum extraordinaria est ad breue, & particulare tempus, non sine miraculo, & respectu quorundam sanctorum virorum. Hinc est,*



DVBIUM PRIMVM.

Quomodo Animalia erant humani imperijcapacia in illo statu, & sibi obediebant, etiam ferocissima.

29 **R**atio dubij fundatur in eo, quod in illo statu non erant animalia ratione prædita, ut intelligerent, & quid imperasset homo, & quomodo indata eius exequerentur. Certè animalia erant, sicut modò substantialiter sunt in suo esse, siue ferocia, siue mansueta sint. Sed ex duplici capite provenire poterat huiusmodi animalium obedientia:

Primò ex solertia, sagacitate, industria, & prudentia humana, quam tunc habebat homo perfectissimam, & cognoscere poterat ingenia cuiuscumque animalis, & percaluisset omnes vires, & rationes, quibus animalia, etiam ferocissima, atque saevissima mitigari, domari, & sub potestate eius subijci possent. Et hac ratione homo in illo statu potuisset, imò, & de facto, perfectè imperasset cunctis animalibus.

30 *Hinc curiose* observandum est, quòd quatuor modis effici posset, ut animas, quantumvis saevum, & tumulentum, mansuefiat, & sub potestate, & dominio

hominis redigatur. *Primò* per arcanos quosdam modos, qui certis verbis, & carminibus constant, ut sunt incantationes, verbi gratia. *Secundò* per commutationem Regionis, & consueti visus variationem: si enim Leones in partes frigidas transferantur, & cibis mollioribus utantur, paulatim leonina ferocia remittitur. *Tertiò* per consuetudinem eorum, qui animalia ferocia curant, alunt, & benignè tractant. *Quartò* arte, industria, & consuetudine non solum parent hominibus: sed etià eorum verba, & nutus, & morem gerunt: quia in parte sensitiva potest habitus generari ex frequenti actuum exercitio.

31 *Secundò*, & ratio, qua possumus accipere hanc animalium promptam obedientiam in statu innocentia, tota sumitur, & pendet ex singulari quadam erga hominum in illo statu prouidentia, & cura, qua factum est, ut non solum ei non nocerent, quinimò obedientiam præstarent ad nutum. *Dixerunt aliqui*, huiusmodi singularem prouidentiam.

dentiam exerceri per Angelos, quorum ministerio fiebat, ut humano imperio cuncta animalia sine impedimento, difficultate, & repugnantia subessent. *Verius mihi videtur*, quod immediate animalia parebant, quia Deus speciali illo favore faciebat, ut animalia non apprehenderent, tamquam eorum inimicum, hominem, sed amicum, & benefa-

ctorem, ut modò est de Canè, &c. Cæterum, post Adæ peccatum, huiusmodi hominis imperium, quantum ad eius usum, & executionem, licet minimè sit totaliter extrinctum, tamen maiorem in partem diminutū, & angustiatum est: licet enim imperet aliquibus animalibus, tamen cum labore, & difficultate imperat.

DUBIUM SECVNDVM.

An in Innocentia statu Homo Homini imperasset?

PROPOSITIO VNICA.

In illo statu fuisset hominum quorundam in alios homines imperium.

32 **P**robatur. Nam cum homo naturaliter appetat societatem, gaudeatque de humano comite, & societate; & cum certum sit, tunc homines multiplicatos non in solitudine stetisse, sed congregatos, & consociatos; nec aliqua perturbatio, & confusio fuisset in tanta hominum multitudine; necesse erat aliquis ordo superiorum, & inferiorum, regentium, & rectorum, imperantium, & mandata exequentium; & sic consentaneum erat, ut illi præssent, & imperarent istis. Itē, in Ange-

lis adest huiusmodi ordo Hierarchy, ut alij inferiores, & alij superiores sint; hi mandantes, & illi exequentes; ergo similiter in statu innocentia inter homines, negari non potest, Patres in eo statu filijs debuisse imperare, & maritos vxoribus.

33 *Quæ contra nostram propositionem militant, ista sunt. Primò:* nam loquens Deus de hominis imperio, solum ad animalia restrinxit: ergo non debet dilatari, & extendi. *Accedit;* quia ea ratione homo cæteris animantibus imperat, quia rationalis, &

ad Dei imaginem factus est; sed hoc est æquale omnibus hominibus: ergo nulla ratio est; cur homo homini imperasset.

Item. Subijci aliorum imperio, & ex alieno iudicio, & voluntate pendere, cum sit contra liberam hominis inclinationem, non potest esse, quin sit inuoluntarium, violentum, acerbum, & odiosum; ac hoc procū fuisset ab eo felicissimo statu: ergo. *Tandem:* Seruitus nata videtur ex peccato: post enim peccatum Deus dixit Euz Gen. 3. n. 6. *sub viri potestate eris, & ipse dominabitur tui.*

34 *Ut solidius, & clariùs occurramus* propositis contra nostram propositionem. Moneo: quod duplex est dominium, dispartitum, & politicum; seu vnum seruile, & aliud ciuile. *Primum* est respectu Dominorum in seruos, & vtique est coactum, violentum, inuoluntarium, & acerbum. *Secundum* est Patrum in filios, & voluntarium, atque iucundum est; quia ad propriam utilitatem, & bonum, sponte electum, & assumptum est. *Primum* totum planè refertur ad bonum, & emolumentum dominantis: quapropter non potest non esse onerosum, & odiosum subditis: contra enim voluntatem, & inclinationem est, laborare, & non in suam, sed in alterius utilitatem cedere. *Secundum* imperium non refertur ad bonum dominantis, sed sub-

ditorum, & ad bonum publicum, & commune. In illo igitur statu vni præfuerunt alijs non præfectura seruili, sed ciuili, quæ nihil violenti, inuoluntarij, & acerbimixtum habuisset, eo modo, quo iusti dicuntur dominari apud Augustinum. Non enim iusti dominandi cupiditate imperant, sed officio consulendi; nec principandi superbia, sed prouidendi misericordia; hoc naturalis ordo præscribit; ita Deus hominem condidit.

35 *Nunc ad impugnationes.* Ad primam respondetur, scripturam non dixisse, *dominamini hominibus*, quia hoc non est vniuersale omnibus, sed aliquibus sapientibus, & prudentibus; sed respectu animalium erat homo vniuersalis imperator, eo quod Dei imago. *Eadem doctrina occurrat ad secundum.* Tale dominium non competit homini: quia homo est ad Dei imaginem; sed propter eius prudentiam, & excellentiam in gubernando. Cætera soluuntur, obseruata distinctione duplicis dominij præmixta.

Dices: cur ergo in poenam datum est mulieri esse subiectam viro, si stante innocentie statu, etiam subijceretur illi? *Respondetur,* quod tunc propter integritatem naturæ, talis subiectio fuisset sibi iucunda, & suauis: quia maritus non imperasset, nisi bona delectabilis, ad quæ exequenda naturaliter inclinabatur.

Mo-

Et Dominio Hominis in statu innocentia. 181

Modò est molesta, & onerosa: quia non semper mariti bona imperant; & si imperant, cum tristitia, & dolore fiunt propter resistentiam appetitus sensitivi, qui ad bona commoda inclinatur.

- 36 *De tertio dominio hominis respectu sui in statu innocentia*, multæ tractantur quæstiones; & præcipuè, an ita subderetur sibi appetitus sensitivus, ut absque difficultate, & tristitia potuisset illum retrahere à suo proprio delectabili, nè immoderatè condelectaretur? Et certè donum originalis iustitiæ, quo decoratus erat homo in illo statu, hoc habebat pro adæquato effectû, scilicet, internum bellum partis sensitivæ adversus rationalem, tranquillare, ita quòd non erat

sibi nec arduum, nec difficilè virtuosè vivere, & divinas leges implere: nam hæc iustitia faciebat, ut vires inferiores perfectè subderentur rationi, & per subiectionem ipsius rationis, Deo. *Probatur.* Nam in primo homine erat huiusmodi perfectè tranquillitas per illud supernaturale donum sibi exhibitum, quod reddebat Deû delectabiliorem quocûque obiecto sensibili creato; & sic partem superiorem, perfectè Deo subiciebat; sicut, & potentia inferior perfectè rationi subiciebatur per idem donum, nè immoderatè condelectaretur suo proprio delectabili, & retrahebatur sine tristitia; & hoc totû beneficio iustitiæ originalis. Et hæc de facultate, & dominio hominis, &c.

DE IUSTITIA ORIGINALI

PROPOSITIO PRIMA.

Protoparentes iustitia originali, ante eorum lapsum, condecorati fuerunt.

- 37 **I**ta Scotus in 2. dist. 32. q. unica, s. ad argumenta 4. quæstionis, ubi docet, quòd status innocentia minimè fuisset perfectus sine interuentu gratiæ sanctificantis, &c. *Favet ratio:* quia gratia sanctificans est radix me-

riti de condigno: per illam homo fit filius Dei adoptivus, particeps Divinæ naturæ, & habet ius ad æternam felicitatem; cum ergo omnia ista sint sanctificantis gratiæ effectus; irrationabiliter diceretur Protoparentes

rens eadem nudatus in innocentia statu. *Adde ex eodem Scotio in 2. dist. 29. in responsione ad quartum*, quod, etsi homo beneficio originalis iustitiæ coniungeretur Deo, minimè tamen illi vniebatur sub illa ratione, quæ erat ultimus finis supernaturalis, & per actum meritorium attingibilis; conueniebat ergo iustitia originalis illi bono, ut cõuenienti, & delectabili. Nè ergo coniunctione ad Deum finem supernaturalem, & per actum meritorium attingibilem, priuatur Protopareps; concluden-

dum, illum ante lapsum gratia sanctificante condecoratum fuisse.

Ultimam, & firmam probationem nostræ propositionis accipite ex *Tridentino sess. 5. de peccato, Canone 2. & 3. docente*: hominem, iustitiam, & sanctitatem, in qua constitutus fuerat, amissile per peccatum. Nominè iustitiæ ex cõmuni voto scribentium intelligitur iustitia originalis; & per sanctitatem, gratia sanctificans: ergo Tridentinum dat suum votum in fauorem nostræ propositionis.

PROPOSITIO SECVNDA.

Protoparentes creatos esse in gratia sanctificante, est valde probabile.

38 **S**COTUS loquens de Angelis in 2. dist. 5. q. 1. 5. ad inquirendum, &c. rem reliquit indecisam. Nostræ tamen propositioni subscribunt *Sanctus Thomas 1. p. q. 95. art. 1. Caietanus ibidem*, *Molina de opere sex dierum, disp. 23. conclusionem 8. Valentia 1. p. disp. 7. q. 3. puncto 2. Bellarminus tom. 3. lib. de gratia primi hominis cap. 3. Pererius tomo 1. in Genesim lib. 5. disp. de secunda excellentia status innocentia q. 1. fauet nobis magnus Pater Augustinus tom 3. in Encheridion cap. 104. ita docens: Deus primum hominem*

in ea salute, in qua conditus erat, custodire voluisset. Hic ponderandum, quod salus ista, de qua sermonem habet Augustinus, haud dubiè est sanctitas spiritalis, & consequenter gratia sanctificans.

Ratione probamus nostram propositionem ex perfectione operum diuinorum, Decebat enim sapientissimum artificem, qui in creatione hominis voluit, quasi summum, & Epilogum suorum operum, in lucem edere, non creare illum absque perfectione naturali, & supernaturali

turali propria huius status; unde, cum cætera forent valde bona, cōsentaneum erat, hominem ipsum non carere præcipua bonitate, scilicet, gratia, igitur.

39 *Sit altera probatio desumpta ex paritate de creatione Angelorum, quos in proprio Tractatu statui, creatos fuisse in gratia sanctificante: ergo idem dicendum de Protoparentibus; eò vel maximè, quòd argumenta, quæ adducuntur cōtrā nostram propositionem, pari passu currunt contra assertionem de creatione Angelorum in gratia.*

Pater Valentia conatur nostrā probare propositionem ex Tridentino sess. 5. & dicit: hæc esse verba Tridentini: Si quis non cōfiteatur, primū hominem Adam cū mandatum Dei in Paradiso fuisset transgressus, statim sanctitatē, & iustitiam, in qua creatus fuit, amisisse, &c. Anathema sit. Certè Pater Valentia non vidit Tridentinum: nam in Canone illo non habentur illa verba, in qua erratus fuit, quinimò ibi legitur, in qua constitutus fuerat, quæ verba solū significant, Adamum constitutum fuisse à Deo in gratia, antequam peccaret.

Alia ergo ratio pro nostra propositione accipi potest ex Sacra Scriptura Gen. 1. n. 26. ex illis verbis: Faciamus hominem ad imaginem, & similitudinem nostram. Origines enim, Sanctus Basilius, Sanctus Ambrosius, Sāctus Nilseus, Theodoretus, Rupertus,

Sanctus Thomas, Magister, & alij, quos Pererius refert lib. 4. ad prædicta verba, magnum dilectum notarunt inter imaginem, & similitudinem: nimirum, hominem dici factū ad imaginem Dei propter dona naturalia; ad similitudinem verò propter supernaturalia, scilicet, sanctitatem, & iustitiam. Sentiant ergo in prædicto loco Genesios haberi, primos parētes in sui creatione, sanctitatem, seu gratiam, accepisse.

40 *Quæ contra nostram pugnant propositionem, sunt ista. Primò: quia naturalia sunt priora supernaturalibus: ergo prius condidi debuit natura humana, & postea infundi gratia. Secundò: quia oportebat ab homine dilucidius cognosci, gratiam esse donum gratuitum, & non debitum; hoc autem non aliter melius dignosceret, quàm si prius naturam solam, deinde gratiam accepisset, ergo. Tertiò: quia magis distat natura à gratia, quàm hæc à gloria; sed homo prius accepit gratiā, quàm gloriā: ergo & prius habuit naturā, quàm gratiam. Quartò: quia decebat, primos Parentes non insigniri gratiā, nisi liberè se disponerent ad illius infusionem: ergo prius se disposuerant, nimirum in prima sui creatione; deinde verò gratiam acceperunt in tempore posteriori.*

41 *Ad omnia per ordinem respondemus. Ad primum, putamus, suffi-*

sufficere prioritatem naturæ inter naturam, & gratiam: hæc autem in eodem temporis puncto compatitur naturæ, & gratiæ simultatem, sicut in Angelis. *Ad secundum* dicimus, mentem Adami, & Euz fuisse in prima cōditione diuinitus illustratam, vt cognoscerent, gratiam non esse naturæ debitam, sed liberali dono infusam à Deo. *Ad tertium*, concessis maiori, & minori, negatur consequentia: quia gloria non conceditur in hac vita, sed reservatur in futuro; gratia verò nunc infundi debet,

vt sit principium merendi gloriam, & ideo gloria non conferitur simul cum gratia: hæc verò bene potest infundi, cum primò conditur natura, vt ab initio incipiat mereri finem, propter quem condita est; sicut Angeli meruerunt gloriam in ipso puncto creationis. *Ad quartum* breuiter dicimus, potuisse primos Parentes in eodem instanti, in quo gratiam receperunt, se disponere ad illius infusionem: quippè in vno instanti temporis admittunt Philosophi plura instantia naturæ.

PROPOSITIO TERTIA:

Iustitia originalis in primis Parentibus fuit donum supernaturale per modum qualitatis permanentis, additum Naturæ.

42 **S**upponit propositio ista, iustitiam originalem realiter distinguì à gratia sanctificante, vt docet *Scotus in 2. dist. 29. in responsione ad quartum*, notans, gratiam sanctificantem excessisse iustitiam originalem: quippè gratia sanctificans coniungebat finì; vt bono supernaturali, & per meritum attingendum supernaturaliter; non sic iustitia originalis, à qua solum præstabatur coniunctio illi bono, vt conuenienti, & delectabilis idem habet subtilis Doctor in 2. dist. 32. ad argumentum quartæ

questionis ponens, potuisse esse iustitiam originalem sine gratia sanctificante.

Fanet ratio: quia de facto sanctificans gratia minimè eam ponit in potentijs tranquillitatem, quæ in innocentie statu præstabatur ab originali iustitia. *Nec satisfaciunt Scotus* dicens, in statu innocentie, gratiam fuisse intentiorem; hinc eam præstasse tunc tranquillitatem in potentijs, quam de facto minimè ponit. *Contra:* quia gratia sanctificans, quantumcunque intensa, minimè eam de facto largitur tran-

tranquillitatem, quæ erat condecoratus status innocentie.

- 43 *Moneo item primò*, quòd actus supernaturalis sic dicitur, prout secernitur à naturali. Naturalis autem, *ut docet Scotus in 17. questionibetali articulo 1.* duplex est; alter, qui inde dicitur naturalis: quia est conformis inclinationi naturalis; & sic actus, quo mens diligit se, vel sibi commodum appetit, secundum Scotum, actus naturalis dicitur, in quantum, scilicet inclinationi naturali conformatur. Alter verò dicitur naturalis: quia voluntas, seu alia potentia cum communi, seu generali concursu Dei, producere potest: & hoc, siue actus talis conformetur, vel non conformetur inclinationi naturali. Et hoc modò sumitur actus naturalis, à quo actus supernaturalis secernitur, adeò ut, si actus naturalis, hoc modo sumptus, est, qui ab homine cum solo Dei generali concursu poni potest, actus supernaturalis è contra, de quo agimus, est ille, qui cum solo generali concursu, humanæ naturæ viribus, fieri non potest; & sic credere, sperare, ac poenitere, sicut oportet, ut nobis iustificacionis gratia cõferatur, actus dicitur supernaturalis, ut Sacri Concilium Tridentinum sess. 6. de Iustificatione, Canone 1. 2. 3. & ante ipsum Concilia Milevit. c. 5. Aph. c. 8. & c. vi. de consensu dist. 4. inf. can. 4. determinerunt: quia ad vitamque productionem vires

naturales minimè sufficiunt, quinimò speciale auxilium desideratur.

- 44 *Moneo secundò*, quòd aliquod dicitur supernaturale dupliciter; quoad substantiam scilicet, seu absolutam entitatem suam, & quoad modum. Illud dicitur supernaturale quoad substantiam, quod ratione suæ essentialis differentie in tali rerum ordine collocatur, ut ab illa virtute creata naturalibus viribus effici possit. Illud verò appellatur supernaturale quantum ad modum, quod, etsi quantum ad absolutam entitatem vires naturales non excedat; excedit tamen quantum ad aliquem modum, essentialis eius consequentem. *Quis autem sit ille modus?* In eo minimè ex Theologorum communis consensus. Aliquibus enim placet, consistere quoad fieri; quia scilicet sit modo supernaturali, seu ab alia causa, quam à naturali, seu non servato ordine naturalium causarum; sicut est oculus relictus cæco miraculosè, & homo resuscitatus. Alijs placet, consistere in facto esse; quia videlicet naturali entitati actus additur, modus quidam, qui non possit, nisi supernaturaliter fieri, ut est intensio quædam, vel ratio meriti ad consequendam vitam æternam.

- 45 *Moneo tertio*: aliquid dici supernaturale, quoad substantiam dupliciter. *Primò*: quia eius en-

ritas talis cōditionis est, vt nullo modo ad eius productionem virtus aliqua creata concurrere possit; & sic lumen gloriæ, habitus Fidei, Spei, & Charitatis, entia supernaturalia quoad substantiam dicuntur: hi enim habitus totaliter, & immediatē à Deo pendent ad eò, vt neque homo, neque Angelus simul cum Deo physicam eius productionem attingere possit. *Alio modo* aliquid dicitur naturale quoad substantiam; quia eius substantia vires naturales excedit nimis; non tamen hoc modo, vt nullam efficientiam, neque partialem, neque totalem, ad ipsum habere possint; sed solum: quia à viribus naturalibus præcisè effici non potest.

- 46 *Tandem moneo quartò*, quòd supernaturale posteriori modo dictum subdiuidi potest: etenim auxilium Diuinum necessarium esse, dicitur, ad hoc, vt producat eus substantia: quia illa secundum se specificè sumpta excedit secundum naturam suam vires naturales. Alio modo auxilium, dicitur, esse necessarium: quia, estò actus substantiæ secundum specificam rationem spectatæ, vires naturales non excedat, excedit tamen, si spectetur secundum particularem rationem in indiuiduo; & hoc potest esse propter maximam intensiōnem graduum, qui in ipsa reperiuntur. Priori modo quidam Recentiores existimant, actus di-

ci supernaturales quoad substantiam; posteriori verò modo, dicunt, appellari supernaturales quantum ad modum.

- 47 *Noto etiam*, iustitiam originalem esse donum: quippè à Deo gratiosè communicatur. *Nec dicas*, innocentiz statum de per se dicere tranquillitatem potentiarum; & consequenter, cum ea tranquillitas haberi nequeat sine originali iustitia, cōcludi debet; innocentiz statui fuisse debitam originalem iustitiam. *Respondemus enim*, iustitiam originalem fuisse debitam ex congruentia quadam, & moraliter; non verò expositulatam ab intrinseco conceptu naturæ. His declaratis, & suppositis.

- 48 *Probatur nostra propositio*. Illud est ens supernaturale quoad substantiam, quod naturæ, quæ natura est, minimè debetur: & ab ipsa naturaliter non exigitur; nec à natura potest produci; talis est iustitia originalis: ergo ita est dicenda supernaturalis quoad substantiam. Minor ex eo patet, quòd nullus ex Philosophis docuit, originalem iustitiam exigi à natura.

Dices; casu, quo Protoparens in innocentiz statu perseuerasset; nobis fuisset debita originalis iustitia: ergò saltem in ordine ad nos fuisset à natura exigitæ; & consequenter minimè collocata in linea supernaturalium. *Respondemus* notando, duplicem esse exigentiam. Vna-

suam

suam trahit originem à principiis intrinsicis naturæ respicientibus naturale complementum entis naturalis, stantis in sua sphaera. Altera datur exigentia fundata in moralitate, & ordinatione Diuina, nullo modo spectante ad seriem vniuersi, & ordinationem entium naturalium. Primam exigentiam agnoscunt Philosophi in corpore organico vltimatè disposito, respectu animæ rationalis: Deus enim debet ex communi prouidentia spectante ad seriem vniuersi, & ad complementum naturalium entium, corpori vltimatè disposito animam rationalem, vnde, quamquàm hæc à tota natura nequeat produci; minimè tamen eam dixeris supernaturalem quoad substantiam. Altera exigentia respicit seriem superiorem ad ordinem naturalem, & fundatur in quadam prouidentia Diuina, & morali, quam Deus sic ordinat. Ista ergo exigentia minimè fundatur in principiis physicis naturæ. *Rem declaramus* in productione supernaturali charitatis, qua de lege ordinaria indiget homo ad supernaturaliter merendum: *Concludimus*, iustitiam originalem dicendam supernaturalem: tum quia non expostulatur ex physicis principiis intrinsicis naturæ; nec tota natura ea est condecorata virtute naturali, qua valeat producere iustitiam originalem.

49 *Replicabis*. Originalis iustitia coniungebat vltimo fini in ordine naturali: ergo spectabat ad naturalem seriem vniuersi. *Respondemus*, iustitiam originalem fuisse homini datam, vt per illam res supernaturales redderetur dulciores, & delectabiliores rebus sensibilibus; quod munus, cum præstari nequeat à dono naturali, sed ab iustitiæ originalis beneficio; dicendum est, iustitiam originalem, suam sedem habere propriam in linea supernaturalium.

50 *Vt clarior* tantæ rei natura appareat; notandum est, quod naturale (æquioca vox cum sit) sub multiplici consideratione cadere potest; rem restringo ad subsequētes notatos modos. *Primo* ergo sumitur pro omni illo, quod est naturæ consentaneum, ad quod natura dicit propensionem, vel ad perfectionem sibi conuenientem; hinc habitus Fidei, Spei, & Charitatis, licet dona supernaturalia in se sint; tamen naturalia dici valent, quatenus natura habet ad eos habitus propensionem naturalem, tamquàm ad perfectionem sibi conuenientem. *Secundo* sumitur naturale pro principio contradistincto à principio gratuito, aut à forma eleuante hominem supra ordinem naturæ; & hac in acceptione naturale dici potest omne illud, quod non est principium actus gratuiti. Hoc in sensu docet

cet *Scotus in 2. dist. 3. quæst. 1.* Speciem impressam Diuinæ naturæ, Angelis, & primis Parentibus in eorum creatione infusam, naturalem perfectionem, censeri debere.

Tertiò sumitur pro quacumque forma in natiuitate tradita.

Quartò propriè sumitur pro quacumque parte naturæ, vel pro quacumque re à principiis naturalibus profluente, vel, vt clariùs dicam, sumitur in ista quarta acceptione pro illo, quod naturæ viribus attingi potest. *In presenti* in dubium non vocamus. *Vtrum* originalis iustitia, sit donum naturale in illis tribus prioribus acceptionibus? Nam esse naturale secundùm illas acceptiones, supponimus. Restrigitur ergo difficultas: an originalis iustitia sit aliquid naturale in ultimo sensu; hoc est: an sit aliquid à principiis naturalibus profluens; & ad illam detur dispositio physica, & naturalis in natura? *Fuit nostra propositio*, iustitiam originalem, minimè esse exulandam à linea supernaturalium: quippè natura tota non est in se satis ad illam producendam, nec ad illam datur in natura physica, & naturalis dispositio.

§1 *Dices contra* à nobis stabilita, primò. Si iustitia originalis esset in linea supernaturalium, inde sequeretur, & concupiscentiam carnis connumerandam inter proprietates naturales na-

turæ humanæ: hoc non est dicendum: ergo contra veritatem sumus, dùm putamus, originalem iustitiam, sedem habere in linea supernaturalium. *Firmatur ratio*: dona supernaturalia, inde dantur, vt per ea suppleatur defectus naturæ: sed iustitia originalis hac ratione non datur: ergo iustitia originalis non est supernaturalis. *Confirmatur discursus*: proprietas connaturalis naturæ est à Deo creata naturam: sed concupiscentia carnis aduersus spiritum, non fuit à Deo causata, ex testimonio *Ioannis in Epistola prima cap. 2. nu. 16.* asserente, concupiscentiam non esse ex Patre, sed ex mundo ortam: ergo concupiscentia minimè est proprietas connaturalis naturæ, & consequenter, iustitia originalis locum non habebit in linea supernaturalium.

§2 *Respondetur*, concupiscentiam carnis, esse conditionem naturæ humanæ secundùm partem inferioriorem, & sensitiuam. *Ad auctoritatem Apostoli dicimus*, eum esse locutum non de concupiscentia in actu primo, & quatenus est aptitudo, & potestas naturæ ad concupiscendum. Mens ergo sancti Apostoli est, quod concupiscentia in actu secundo, & quatenus actualiter oppositionem facit spiritui; appetendo bonum delectabile sensibile contra affectionem iustitiæ, minimè esse à Deo, sed à peccato; quod

quod totum concedimus. Concupiscentia igitur in actu primo considerata, & prout est aptitudo, & potestas naturæ ad concupiscendum, est conditio naturalis naturæ, & concreata à Deo simul cum naturâ: concupiscentia verò in actu secundo, & prout naturaliter pugnat aduersus spiritum, minimè est proprietas inseparabilis à naturâ, nec fit à Deo; sed à peccato: quia in pœnam peccati fuit ablata originalis iustitia, quæ erat obflaculum contrâ concupiscentiam, camquæ impediēbat, nè exiret in actum secundum, & actualiter pugnaret aduersus spiritum.

- 53 *Replicabis.* Nullus defectus est à Deo; sed concupiscentia, etiâ in actu primo, & quatenus est potestas appetitus ad concupiscendum, est defectus naturæ: ergo concupiscentia, etiam in actu primo, non est à Deo, & proinde ut sic non erit proprietas naturalis naturæ humanæ. Maior patet: quippè Deus naturam, quamlibet in sua specie perfectâ fecit, iuxta illud *Genesios c. 1. n. 31. vidit Deus cuncta, quæ fecerat, & erant valde bona.*

Respondetur distinguendo maiorem. Nullus defectus naturæ, nõ exigitur ab ipsa natura intrinsecè, & necessariò requisitus pro sua conditione, est à Deo, concedo; nullus defectus exigitur ab ipsa intrinsecè, & ab eadem necessariò requisitus pro sua conditione, est à Deo; nego.

Cum enim ex rebus creatis aliæ sint alijs imperfectiores, imperfectio illa, quæ sunt imperfectiores, est velut proprietas earum connaturaliter ab ipsis intrinsecè dimanans; cum autem Deus creauerit rem quamlibet iuxta suam naturam existentiam; & cum omnibus illis conditionibus, & proprietatibus, quas ex sua conditione petie ab intrinsecò: sequitur, Deum creasse defectum, aut imperfectionem existentiam ad ipsam naturam: quia esset sit aliquo modo defectus; est tamen consequens naturam pro sua conditione. Unde concupiscentia in actu primo, & prout est potestas naturæ ad concupiscendum, quamquàm aliquo modo sit defectus; tamen intrinsecè exigitur à natura humana secundum partem inferiorem, & sensitivâ: quoniam secundum hanc partem intrinsecè posse ferri in obiectum delectabile; & ideo fuit à Deo concreata cum ipsa natura.

Vel, si placet, dic: quod concupiscentia in actu primo non sit absolutè defectus, aut imperfectio, sed potius est perfectio naturæ humanæ quoad partem sensitivam: quia concupiscentia in actu primo, aliud nõ est, quàm aptitudo, aut potestas naturæ ad possidendum suum obiectum; hoc autem videtur potius perfectio, quàm imperfectio, aut defectus: ergo

- 54 *Replicabis.* Concupiscentia, est pœna peccati: ergo minimè est

est proprietas, aut naturalis cōditio naturæ humanæ. *Respondetur*, distinguendo antecedens. Concupiscentia in actu secundo, & actualiter pugnans contra spiritum, est pœna peccati; concedo antecedens; concupiscentia in actu primo; nego antecedens: concupiscentia namque, ut est facultas naturæ, aut aptitudo ad concupiscendum, per iustitiam originalem fuit impedita, nè exiret in actum secundum, seu nè actualiter se opponeret spiritui, sumeretque arma contra affectionem iustitiæ; cum igitur iustitia originalis fuerit ablata in pœnam peccati, sequitur, quod concupiscentia in actu secundo, seu quando actualiter pugnat contra spiritum, sit pœna peccati.

- 55 *Dices secundò*. Omne donum supernaturale constituit hominem extra ordinem naturalem, & eum ponit in quodam esse supernaturali, ut patet de gratia, Spe, Fide, & Charitate: sed iustitia originalis non constituit hominem supra ordinem naturæ: ergo non est in linea supernaturalium. *Concessa maiori*, negatur minor: nam licet iustitia originalis nō cōstituat hominem intra ordinem gratiæ gratum facientis; illud tamen constituit in esse quodam supernaturali, cum ipsa sit forma supernaturalis, sicut fides, verbi gratia: & quamvis seipsa, seclusa Charitate, nequeat constituere homi-

nem in ordine gratiæ gratum facientis; ipsum tamen constituit in quodam esse supernaturali.

- 56 *Replicabis*: omne bonum supernaturale est à Deo, ut authore gratiæ: sed iustitia originalis non fuit à Deo infusa, ut ab authore gratiæ: ergo iustitia originalis minimè est donum supernaturale. *Respondetur*, præmissa distinctione maioris: omne bonum supernaturale infunditur à Deo, ut authore gratiæ, strictè, vel largo modo sumpto; concedo maiorem; omne donum supernaturale, infunditur à Deo, ut authore gratiæ, stricto modo sumpto; nego.

Ad pleniorē intelligentiam. Notandum, quod sicut gratia dupliciter sumitur; primò strictè pro gratia gratum faciente; secundo pro quocumque effectu gratis dato. Ita author gratiæ potest sumi dupliciter. Primò pro authore gratiæ gratum facientis; in qua acceptione dicitur author gratiæ strictè. Secundò, largo modo pro authore gratiæ, hoc est effectus gratuitus. *Ad rem nostram*. Omne donum supernaturale infunditur à Deo, & authore gratiæ in aliqua ex notatis acceptionibus; non tamen est necessarium, quod omne donum supernaturale infundatur ab ipso specialiter, ut authore gratiæ gratum facientis. *Hinc habetur responsio ad argumentum*.

57 *Dices*

57 *Dices tertio.* Quod potest produci solis naturæ viribus, non habet locum in linea supernaturalium: sed iustitia originalis potest produci naturæ viribus: ergo ista procul abest à linea supernaturalium. Minor probatur; ponens tranquillitatem, & pacem inter potentias inferiores, & superiores, est iustitia originalis: at solis naturæ viribus est potens homo producere formam ponentem tranquillitatem inter illas potentias: ergo potest homo producere iustitiam originalem. *Declaratur ratio.* Homo condecoratus iustitia originali valet quamplurimos producere actus subiectionis potentiarum inferiorum ad potentiam superiorem: ergo ille habitus, tametsi à natura sit productus, inclinabit ad consimiles actus subiectionis, ac proinde præstabit effectus iustitiæ origi-

nalis. Res posset exemplificari in nonnullis Philosophis, de quibus legitur tales acquisivisse habitus virtuosos, ut omnino essent facilitati ad bene operandum moraliter, & paterentur difficultatem operando dissimuliter ad rectum dictamen.

Concedimus, per actus virtuosos acquiri habitum ad virtuosè operandum inclinantem; negamus tamen præstare effectum iustitiæ originalis: huius namque proprium est reddere spiritualia, & supernaturalia, dulciora, & delectabiliora sensibilibus, & conducere ad opus maxima cum suavitatem, & dulcedine operantis. Operans medio habitu acquisito, aliqualem etiam patitur difficultatem; hinc minimè collocandus in linea, in qua iustitia originalis. Ut res clarior appareat; sit

PROPOSITIO QVARTA.

Declaratur iustitia originalis effectus adequatus.

58 **M**Oneo, hominem constare ex duabus partibus diversæ rationis, quarum una sensitiva dicitur, altera rationalis. Vi primæ, est homo propensus in bonum sensibile, immoderatè, illud appetendo, etiam repugnante ratione. Vi partis rationalis, est propensus

homo ad bonum spirituale, & supernaturale; hinc grandis illa pugna inter sensum, & rationem, spiritum, & carnem. Undè Paulus decantabat c. 7. ad Romanos nu. 23. *Videa aliam legem in membris meis, repugnantem legi mentis meæ, & captivantem me in lege peccati.*

In

In fauorem rationalis potentia, benignè condecoratus fuit homo à Deo originali iustitia; cuius effectum adequatum, dicimus consistere in internum bellum, & pugnam partis sensitiuæ contra rationem prohibere; vt homini videatur facilis Diuinarum legum adimpletio; & vt Doctor subtilis loco supra citato declarat, hunc effectum præstat reddendo bonum spirituale volūtatī delectabilius quocumque bono sensibili conueniente appetitui; & consequenter auertendo appetitum sensitium ab inordinata tendentia in suum bonum sensibile, vt sit parti superiori (scilicet rationi) obediens: nam per hoc, quod voluntas firmiter adhæret bono spirituali, & in eo nimium delectatur, appetitus sensitius propter naturalem connexionem, quam habet cum ipsa, à suo bono sensibili auertitur.

- 59 *Res declaratur exemplo extasis, in qua: quia facultates spirituales totaliter adherent subiecto spirituali, & in eo plurimum delectantur, facultates corporeæ à suis operationibus suspenduntur propter naturalem con-*

nexionem, quam habent cum facultatibus spiritualibus. Ita in casu nostro. Si voluntas iustitia originali condecorata, firmiter bono spirituali adhæret, & in eo plurimum delectatur; appetitus sensitius ab inordinata tendentia in suum bonum sensibile auertetur ab illo, pacem quæ habebit cum appetitu rationali. *Talem esse effectum ab originali iustitia præstitum homini.*

Ista docebit ratio. Ille est effectus iustitiæ originalis, qui, posita originali iustitia, ponitur, & qui, ablata originali iustitia, auferitur: sed posita iustitia originali, ponitur extinctio pugnae, & belli interioris partis inferioris contra superiorem: quia, quandiu homo retineret originalem iustitiam, minimè sentiret talem pugnam; & ea ablata, statim insurgit pugna, & bellum inter partem superiorem, & inferiorem: ergo effectus de per se conueniens originali iustitiæ, est prohibere, & impedire pugnam, & bellum partis sensitiuæ contra potentiam rationalem. *Hac pro nunc; infra plenius res examinabitur.*



PROPOSITIO QVINTA.

In Innocentia statu homo ab intrinseco fuit mortalis

60 **I**Ta Scotus cū suis in 2. dist. 19. q. unica. Ad pleniorē tādificultatis intelligētiā; moneo: duplici ex causa provenire posse mortē; hāc vna intrinseca est, altera extrinseca. *Causa intrinseca* adhuc est duplex. *Vna positiva*, & dicit qualitates primas cōponētes temperamentū viuentis: nam, cū illæ, mutua actione, in se inuicem agant, vt calor naturalis in humidum radicale; & omne agens agendo repatiatur; & debilitetur, paulatim se se destruunt, & dissoluunt temperamentum, & proindē causant mortem. *Alia est causa intrinseca negatiua*; talis est subtractio alimenti necessarij: nam, cū ad conseruationem viuentis, necessarium sit per alimentum restaurare partes substantiæ deperditæ; subtractio illius causat mortem, & consequenter est causa intrinseca negatiua illius. *Causa autem extrinseca* est vel in temperies aeris, venenum, ferrum, baculus, aut aliud instrumentum, quo viuenti mors violenta infertur. Hoc supposito.

61 *Accedamus ad probationem nolræ propositionis.* Homo in statu innocentie habuit causam intrinsecam positiuam mortis,

& eam ab intrinseco potentem causare, nisi ab extrinseco impediretur: ergo fuit mortalis ab intrinseco. Antecedens probatur. Homo pro illo statu habuit temperamentum primarū qualitatum, quæ in viuentē sunt causa intrinseca mortis; sed illæ qualitates fuerant potentes inferre mortem, nisi ab extrinseco impedirentur: ergo in illo statu habuit homo causam intrinsecam positiuam mortis. Maior hæc patet: quia omne mixtum, cuiusmodi est corpus humanum, etiam in innocentie statu habuit temperamentum primarum qualitatum. Minor probatur. Primæ qualitates causant mortem, se se destruendo per mutuam actionem, & à se inuicem repatiendo: sed qualitates primæ ab intrinseco habent, quod possint in se inuicem agere, & sese destruere, etiam in statu innocentie: ergo in illo statu erant potentes causare mortem, nisi ab extrinseco impedirentur; fuit ergo homo ab intrinseco mortalis. *Vide n. 73.*

62 *Moneo tamen, quod licet homo in innocentie statu habuerit causā intrinsecam mortis, nempe primas qualitates, ab intrin-*

B b leco

feco potentes se se destruere, & proinde fuerit homo ab intrinseco mortalis, illæ tamen qualitates impediuntur ab extrinseco, nè se se destruerent, & sic homo ab extrinseco esset immortalis, & potentia, quam habebat ad moriendum, non reduceretur ad actum. Verè etenim in felicitissimo illo rerum statu, in quo primi cõditi sunt parentes, plena erat vitæ securitas: nullum interitûs, nullum exterius mortis obeundæ periculum:

63. *Sola erat peccati rimula, per quam nos ingrediremur: nec alias cauere iussit Dominus mortis insidias, quando novos Paradisi colonos instruxit, quã ut vnum à se impositum præceptum, obseruatu facile, custodirent, quando concessis in escam omnibus lignis pomiferis, solum eam tangi vetuit arborem scientiæ boni, & mali, ad cuius esum, mors præ foribus adesset, nec haberent, vnde dissoluendi corporis necessitatem euaderet. Ex omni (inquit) ligno Paradisi comede; de ligno autem scientiæ boni, & mali nè comedas; in quacumque enim die comederis ex eo, morte morieris; Gen. 2. ny. 16. & 17. sed quia serpenti decipiendi magis, quàm Domino comminanti crediderunt, tulerunt iustas inobedientiæ pœnas, sitim, famem, frigus, æstum, & sui corporis mortalitatem, quas tamen, nisi peccassent, nequaquam*

aliundè sentirent. Hinc solum, Apostolus, omnem Adami stirpem, mortem inuasisse testatur. *Per vnum (inquit) hominem, peccatum in hunc mundum intravit, & per peccatum mors, & ita in omnes homines mors pertrãsiit, in quo omnes peccauerunt, ita ad Rom. 5. n. 12.*

64. *Eandem doctrinam statuit Ecclesia contrà Pelagianos, qui hominem, mortalem creatum, docebant: astruentes, Adamum, etiam in statu innocentiae, inuitabiliter ex suæ naturæ conditione moriturum: assertionem, hanc, hæreticam esse docuit Cõcilium Meluitanum Canone 1. his verbis. Quicūque dicit, Adam primū hominem mortale factū, ita ut sine peccaret sine non peccaret, moreretur in corpore, hoc est de corpore exiret, non peccati merito, sed necessitate naturæ, anathema sit. Constans etiam est Sanctorum Patrum sententia, non gustaturum Adamum mortem, nisi prius gustaret, vnde periret. Hinc Cyrillus Alexandrinus lib. 1. in Ioannem, ait: Propter transgressionem primi hominis, corruptio genus nostrum inuasit. Augustinus lib. 1. de peccatorum remissione cap. 2. ita legit: Si non peccasset Adam, non erat expoliandus corpore, sed superueniendus immortalitate, & incorruptione, ut absorberetur mortalitæ à vita, id est ab animali in spirituale transiret. Tandem veritas probatur ex eo, quod necessitas moriendi, fuit homini imposita in*

in poenam peccati, ut patet ex illo ad Rom. 5. *Per peccatum, mors intravit in mundum.*

65. *Nostri propositio* impugnanda est ita. Homini in statu innocentiae conveniret intrinsecè non mori; ergo ab intrinseco esset immortalis. Probatur antecedens: quod naturaliter convenit alicui, competit eidem intrinsecè: sed homini in innocentiae statu conveniret naturaliter non mori; ergo ab intrinseco ei conveniret, & proinde ab intrinseco esset immortalis.

Respondetur distinguendo antecedens; quod convenit rei naturaliter, hoc est tanquam aliquid intrinsecè suae naturae inditum inseparabiliter, ei convenit intrinsecè; concedo maiorem; quod convenit rei naturaliter, hoc est regulariter, & iuxta ordinem ab auctore naturae in rebus positum, ei convenit intrinsecè; nego maiorem. Ad minorem dico, quod homini pro statu innocentiae conveniret non mori naturaliter, hoc est regulariter; & iuxta ordinem ab auctore naturae constitutum; non autem naturaliter, tanquam aliquid sibi intrinsecè debitum.

66. *Hinc habes*, quod aliquid potest esse naturale alicui. *Primo*, quod sic ipsius naturae, tanquam aliquid inseparabiliter debitum, quomodo passiones, seu proprietates se habent respectu cu-

iuseumque rei. *Secundo*, potest intelligi aliquid convenire rei naturaliter, nempe regulariter, & secundum aliquod decretum, aut institutum Auctoris naturae; unde quod convenit alicui naturaliter in primo sensu, est ipsi intrinsecum; secus verò, quando ei convenit naturaliter in secundo sensu. *Ad rem nostram*, Adamo in statu innocentiae non mori conveniebat naturaliter in secundo sensu: quia, Deus decrevit, ipsum, & omnes eius posteros à mortalitate, & corruptione reservare, dummodo in gratia originali, & statu innocentiae perseveraret; & ideo actu non mori, minimè erat ei intrinsecum.

67. *Quod fuerit* moralis ab extrinseco, cetera nos suadetur ita. Omne generabile est corruptibile; sed homo in statu innocentiae esset generabilis, sicut de facto in statu naturae lapsae est generabilis: ergo esset corruptibilis, & mortalis, & consequetur, &c. *Respondetur* distinguendo maiorem: quod est generabile, est corruptibile ab intrinseco, vel ab extrinseco; concedo maiorem; quod est generabile, est corruptibile necessario ab extrinseco, nego maiorem; homo autem in statu innocentiae, sicut esset generabilis, sic & ab intrinseco esset verè corruptibilis, & mortalis, & actu corrumpetur, nisi ab extrinseco cõservaretur.

PROPOSITIO SEXTA:

In nostris primis Parentibus immortalitas, & impassibilitas non prouenirent ab actuali dono diffuso per totum corpus humanum.

68 **O**ppositum docet Molina disp. 28. de operibus sex dierum, conclusionem 3. & 4. Probat veritas nostræ propositionis. In statu innocentie homo exerceret actus facultatis nutrientis: ergo non poterat habere qualitatem corpori inhaerentem, à qua proueniret immortalitas, & impassibilitas. Antecedens negabit nemo; quia in eo statu comederet: cum ad eum finem creauerit Deus arborum fructus, ipsa Sacra Scriptura testante Gen. 2. nu. 9. & posterius eius non aliter, quam per nutritionem auerentur, & debitam magnitudinem attingerent. Cōsequētia probatur: quia dum homo nutritur, sicut partes alimentum convertuntur in substantiam aliti, & acquiruntur; ita partes præexistentes paulatim alterantur ab ipso cibo, & nativo calore, & deperduntur. Quod adeo verum est, ut post annorum numerum deperdi soleat magna, imò secundum alios, tota quātitas primigenie substantiæ. Ex hoc autem planè deducitur, non fuisse in corpore

primorū Parentum corpoream qualitatem, qua immortale, & impassibile redderetur: nam, partes, quibus inhaerebat, alterabantur; ac proinde patiebantur, & paulatim deperdebantur, ac vitam amittebant; non ergo habebat qualitatem, quæ morti, & passibilitati obstarēt.

69 *Nostram propositionem sic impugnant primò.* Homo in statu innocentie vel fieret immortalis per aliquam qualitatem eius corpori inhaerentem, vel fieret immortalis immediatè ab ipso Deo: hoc vltimum minimè dicendum: ergo fieret immortalis per aliquam qualitatem à Deo corpori impressam. Minor probatur. Illud, quod non fit miraculosè, sed regulariter, & iuxta ordinem ab auctore naturæ rebus propositum, non solet fieri à Deo immediatè, & per se ipsum, sed per causas secundas: sed hominem fieri immortalem in statu innocentie, non esset miraculosum, sed regulariter, & iuxta ordinem ab auctore naturæ in rebus pro illo statum propositum: ergo non conseruaretur

tur

tur à Deo immortalis per seipsum, sed per aliquam qualitatem eius corpori inhaerentem.

Respondetur concedendo maiorem, & negando minorem: hominem enim fieri immortalem in statu innocentie, esset miraculosum: quia hoc fieret per impeditionem actionum, causarum secundarum naturalium ultimatè dispositarum; & per suspensionem Divini còkursus cum ipsis; hoc autem non impedit, quòd conservatio hominis à mortalitate, esset iuxta ordinem à Deo pro illo statu constitutum; etenim ille ordo non erat factus iuxta exigèntiam intrinsecam hominis; cum sit intrinsecè mortalis: quinimò foret supra exigèntiam ipsius nature.

- 70 *Secundò.* Deus redderet hominem immortalem in statu innocentie, impediendo mutuam actionem primarum qualitatum, nè agendo in se invicem, temperamentum eius destruerent; sed hoc non impediret, nisi per aliquod donum homini concessum: ergo, homo non fieret immortalis per assistentiam Dei immediatè, sed per aliquam qualitatem, aut animam, aut corpori inhaerentem. Probatùr minor: sensualitas, & appetitus sensitiui in statu innocentie nõ compescerentur, nè motum elicerent contrà rationem, nisi per donum iustitiæ originalis, quæ est qualitas inhaerens: ergo simili-

liter pro illo statu, Deus non impediret primas qualitates, nè una in aliam ageret, & se se mutuo destruerent, nisi per aliquod donum, quæ sit qualitas inhaerens animæ, aut corpori.

- 71 *Respondetur*, concessa prima, maiore, negando minorem. Ad probationem, negatur paritas. Ratio est: quia facultates sensitiuæ, in quibus insurgunt appetitus sensitiui, sunt potentie vitales, ex se obediabiles rationi, & potentes ex natura sua elicere plures actus ei conformes; & per consequens ex illis actibus frequentatis, generare habitum, quo reddantur faciles, & promptæ in obediendo rationi: sicut igitur facultates sensitiuæ ex natura sua valent in se generate habitum, reddentem eas, rationi obediennes; sic similiter potuit Deus, ipsis in statu innocentie tribuere aliquod donum, quod sit habitus, aut qualitas, eas retrahens ab ordinatis motibus contra rationem; ac verò in homine non potest esse aliqua qualitas valens compescere mutuam actionem primarum qualitatum: si quidem nec in corpore, nec in anima huiusmodi qualitas convenienter potest inesse. *Legatur Scotus in 4. dist. 29. sub lit. B.*

- 72 *Tertiò.* Deus Beatos, & etiam condemnatos reddit immortales per aliquod donum ipsis datum, quod non potest esse aliud, quàm aliqua qualitas, aut habitus

bitus ipsis inherens: ergo similiter in statu innocentie homines essent immortales per aliquam qualitatem, ipsis inheren-

tem. *Negatur antecedens.* Consultatur Scotus in materia de Beatitudine.

PROPOSITIO SEPTIMA.

In statu Innocentie Homo fuisset redditus immortalis per assistentiam Dei denegantis suum concursum causis secundis corruptivis.

72 **P**robatur: quia difficile est explicare, quomodo illa virtus supernaturalis animę, aut qualitas inherens corpori valeat impedire actiones agētium naturalium causantium corruptionem, ut corpus possit ab illa præservari; facile autem est intelligere quomodo per solam assistentiam Dei, hoc possit præ-

stari: nam, cum agentia naturalia nequeant agere sine concursu Dei; per solam negationem sui concursus, potens est impedire actiones causarum secundarum corruptentium; sicut impediuit, ne ignis Babylonicus combureret pueros: ergo ita in casu nostro.

PROPOSITIO OCTAVA.

In Innocentie statu, fructus ligni vitę non fuisset sufficiens ad præservandum hominem per totam aternitatem.

73 **F**ateor, quod homo in innocentie statu per fructum ligni vitę diu viveret, ob leuem actionem illius in calorem naturalem, & passionem caloris ab ipso; ille tamen fructus, non sic omnino præservaret homi-

nem a corruptione, & mortalitate, quin tandem debilitaretur calor naturalis, & humidum radicale consumaretur, & denique homo moreretur. Ita habet notiter Scotus in 2. dist. 19. q. unica.

Probatur: si solus fructus ligni vitę

vitz esset sufficiens ad præservandum hominem in illo statu; immortalitas esset ipsi naturalis: sed hoc est falsum: ergo lignum vitæ minimè esset de se sufficiens ad reddendum hominem immortalem. Maior probatur. Illud, quod homo acquirit proprijs viribus naturalibus, & per causas naturales, est sibi naturale, sed si lignum vitæ hominem perservaret immortalem, immortalitatem acquireret proprijs viribus naturalibus, & per medium naturæ, nempe per conversionem illius fructus in suam substantiam, virtute facultatis naturalis nutritivæ: ergo si lignum vitæ ex natura sua conservaret hominem immortalem, illa immortalitas esset ipsi naturalis. Huius rei repugnantiam probo ex auctoritate *Divi Augustini lib. 6. supra Gen. ad literam cap. 25.* dicentis: *Homo mortalis erat, conditione corporis animalis; immortalis, beneficio Conditoris.* Favet nobis, quod à Summis Pontificibus, *Pio Quinto, & Gregorio XIII.* damnatur illa propositio: *Immortalis est vi naturalis conditionis, & non beneficio gratiæ; ergo immortalitas in statu innocentie non esset homini naturalis, sed beneficio gratiæ; & per consequens lignum vitæ minimè esset de se sufficiens ad dandam perpetuam immortalitatem.*

74 *Molina disp. 26.* est opinatus, lignum vitæ habuisse vim quam-

dam naturalem confortantem temperamentum, & restaurantem integrè quidquid virium, deperdebat virtus nutritiva, & calor eius naturalis per reactionem nutriimenti in ipsam, & etiam restaurandi perfectè quidquid humidi radicalis esset à calore naturali consumatum. Hunc dicendi modum amplexus est *Suarez lib. 3. cap. 15.* asserens, quod naturaliter cibus illè, nempe fructus ligni vitæ, aptus erat se se convertere in corpus humanum, ad ipsum protegendum effectivè per novas qualitates connaturales temperamentum corporis ad pristinum statum renocandum.

75 *Ex quo isti Authores videntur fateri, quod immortalitas in statu innocentie esset homini naturalis, & ad auctoritates, à nobis in contrarium adductas, nihil aliud dicerent, quam immortalitatem esse homini naturalem, potest dupliciter intelligi. Primò, quod sic passio eius connaturalis, seu aliquid, eius naturam inseparabiliter consequens absque aliquo medio extrinseco ordinato à Deo ad comparandam ipsam isto modo immortalitas se habet in Angelis, & in anima rationali: quia absque medio aliquo extrinseco; ab ipsis exequendo, immortales conservarentur. Secundò potest intelligi, immortalitatem esse ipsi naturalem, nempe: quia est aliquid regulariter comparandum*

nam per medium naturale proprijs viribus exequendum, & per sumptionem cibi, suas vires, continuò restaurandas: *Hac stante animadvertentia.*

Responderent ad auctoritatem Augustini, & Summorum Pontificum, eos solùm velle, quòd immortalitas non est conditio naturalis hominis in primo sensu, non autem quòd non sit ipsi naturalis in secundo sensu; quādo etiam asserunt esse beneficiū

gratiæ, non intendere; quòd homo fiat immortalis per aliquod donum supernaturale, siuè qualitatatis, siuè solius assistentiæ Divinæ; sed idèò dicunt esse beneficium gratiæ Conditoris; quia, cū homo fuerit ab intrinseco mortalis, & ei non fuerit debita ab intrinseco immortalitas, gratuitè factū est, quòd Deus ipsi prouiderit lignum vitæ; ad ipsum conservandum, immortalem.

PROPOSITIO NONA.

Hic Molina, & Suárez philosophandi modus non est approbandus.

76 **P** Robatur, quia ex eo, quod Deus gratuitò prouideret hominem ligno vitæ ad ipsum conservandum immortalem in statu innocentie; non potest dici, quòd immortalitas foret beneficium Dei, negando simul, esse ipsi naturale; sed in horum opinione, viuere immortaliter, fuisset beneficium Conditoris, & beneficium gratiæ: siquidem *D. Augustinus* expressè asserit, *fuisse beneficium Conditoris, & asserendo, mortalitatem fuisse homini naturalem*, negat tacitè, immortalitatem fuisse eius conditionem naturalem: nam, cū mortalitas, & immortalitas sint contrariæ, non possunt esse con-

ditiones naturales respectu eiusdem; & Summi Pontifices negant expressè, imò cōdemnant propositionem asserentem, fuisse homini naturalem, & docent, fuisse beneficium gratiæ; ergo non intendebant loco citato asserere, immortalitatem, fuisse homini naturalem, & fuisse beneficium gratiæ, sicut ab illis authoribus explicatur; quinimò fuisse absolutè beneficium gratiæ, nempe specialem Dei assistentiam. Maior patet: nam, licet hominem esse immortalem in illo statu, esset beneficiū Dei ex illa parte, qua Deus ipsi gratuitò, & liberaliter prætaret lignum vitæ, ad ipsum conser-

uand-

uandum immortalem; esset tamen ipsi ex alia parte naturale; nempe ex hoc, quod illam immortalitatem acquireret per proprias vires naturales, conuertendo fructum illius ligni in suam substantiam; ergo ex hoc, quod Deus daret homini in statu innocentie gratuitò, & liberaliter fructum ligni vitæ ad ipsum conseruandum immortalem; non posset dici, quod immortaliter vivere, esset beneficium Dei.

77 *Sit secunda ratio pro nostra veritate.* Homo in statu innocentie ageret in fructum ligni vitæ, sicut in quodlibet aliud alimentum, illumque conuerteret in suam substantiam: sed agendo in lignum, & conuertendo illud in substantiam, ab ipso pateretur, & virtus nutritiua, & calor naturalis paulatim debilitaretur, & homo tandem

aliquando consumaretur: ergo in statu innocentie homo non esset perpetuus per solum lignum vitæ.

Caletanus occurrit nostro argumento, obseruando; duplicem assignari causam impediētem debilitationem virtutis nutritiue in statu innocentie repatiendo ab alimento conuerso in substantiam. *Primò obseruat*: in anima fuisse vim quandam naturalem impediētem ne facultas nutritiua, aut calor naturalis debilitaretur per reactionem alimenti. *Secundò ait*, in ipso ligno vitæ fuisse quandam virtutem naturalem potentem per longum tempus hominem conseruare. *Tandem concludit*, hominem, per illas duas causas ad inuicem copulatas, fieri immortalem.

PROPOSITIO DECIMA.

Hic dicendi modus repugnat.

78 **P**robatur. Virtus quæcunque, in anima existens, non posset impedire debilitationem facultatis nutritiue, & caloris naturalis, nec consumptionem humidi radicalis per calorem, nisi effectiue: quia non est imaginabile, quomodo posset illud præstare: cum qualitas spiritalis (cuiusmodi esset illa virtus,

si in anima esset admittenda) non sit formaliter contraria qualitatibus corporeis, quæ sunt causa corruptionis hominis, nec eis valeat resistere; sed non posset illas impedire effectiue: ergo, &c. Minor probatur: non posset illud effectiue præstare, nisi producendo in homine aliquam qualitatem corpoream,

Cc

resist-

resistentem actionibus causarum corruptentium, & per consequens, referuantem temperamentum; sed nulla res spiritalis, qualis esset illa virtus, potest aliquid materiale, & corporeum producere: ergo non posset effectivè hominem in statu innocentiae referuare à corruptione hominum, nec impedire actionem qualitatum contrariarum debilitantium facultatem nutritivam.

- 79 Deinde dato, quòd in anima pro illo statu daretur huiusmodi virtus; nil deducitur contra nos; inde enim non sequitur, quòd homo per solum lignum vitæ in statu innocentiae conferuaretur immortalis; cum per il-

lam virtutem esset immortalis; & similiter, licet admitteretur, fuisse in ligno vitæ virtutem, potentem cōservare hominem; non tamen sequitur, quòd per ipsum solum perpetuò duraret absque corruptione.

Durandus, & Gabriel sunt opinati, lignum vitæ habuisse virtutem confortantem, & restaurantem integrè vim nutritivam, & quidquid detrimenti patiebatur natura per reactionem contrariorum; ita quod fructus ligni vitæ, certis temporibus sumptus, non solum præstaret, ut homo diutius viveret, sed etiam validiorem in perpetuum vitam haberet.

PROPOSITIO VNDECIMA.

Claudicat & ista doctrina.

- 80 **P**robatur, ut posset restaurare vires, quas natura humana perderet, convertendo cibum in suam substantiam, eamque posset reddere validiorem in perpetuum; deberet esse perfectior, & excellentior ipsa natura, quam restauraret; sed fructus ligni vitæ non est perfectior natura humana; cum sit non vivens, & natura sit vivens: ergo non haberet talem virtutem. *Sit altera ratio:* fructus ligni vitæ quotiès sumeretur, aliquā-

tulum debilitaret vires facultatis nutritivæ: quia facultas nutritiva convertendo illum in suam substantiam, ab eo repararetur, sicut à quolibet alio alimento converso; ergo illius vires integrè non restauraret; ac proinde, quantumvis homo in statu innocentiae sumeret fructum ligni vitæ, paulatim debilitaretur, & tandem moreretur, nisi aliundè fuisset præventus.

- 81 *Concludo tandem*, quòd homo in statu innocentiae esset passibilis.

lis; Ratio est: quia omne illud, in quo aliquid corrumpitur, est passibile: at in homine pro statu innocentiae corrumpentur aliqua partes substantiales; siquidem indigeret cibis, qui viventi non sunt necessarij, nisi ad restaurandum partes substantiae deperditas: ergo homo in statu innocentiae esset passibilis.

*Nostram conclusionem impug-
nare videtur id, quod legitur
apud Genesios 3. nu. 22. Ne forte
mittat manum suam, & sumat
etiam de ligno vitae, & comedat, &
vivat in aeternum.* Quibus verbis

ostenditur, Deum voluisse Adamum à Paradiso expellere, ne forte comederet de ligno vitae, & viveret in aeternum: ergo supponit Deus, quod per solum lignum vitae fieret immortalis. *Negatur consequentia:* quia consuetudo est sacrae Scripturae, diuturna vocare aeterna. Unde loco citato *ly ne vivat in aeternum*, significat idem, ac si diceretur, ne vivat diu, aut longo tempore; non ergo significat, ne vivat perpetuo, & infinito tempore, quomodo loquitur nostra propositio.

DE PECCATO ORIGINALI.

O Riginale peccatum, id dicunt Theologi, quod ab origine nostra, id est à primo nostrae naturae Parente, tamquam hereditarium quoddam malum, ad nos derivatum est; ita ut propterea appelletur etiam pecca-

tum naturae, & culpa radicalis, quae non derivatur ad posterios, tamquam quid ex proprio ipsorum actuali peccato relatum, sed ex primi Parentis peccato descendens. Huius peccati existentiam inquirimus.

PROPOSITIO PRIMA.

De Fide est, dari peccatum originale.

82 **N** Egant Heretici nostram propositionem; illi tamen Theologi cuncti proprium praestant affirmativum votum. Loca praecipua Sacrae Paginae, quibus utuntur Theo-

logi ad hanc veritatem stabilendam, isto ordine propono. Primò *Iob 14. nu. 4.* dicitur: *Quis potest facere mundum de immundo conceptum semine, nonne tu, qui solus es?* Psalmo 19. n. 3. *Omnes*

C c 2 decli-

declinauerunt simul. Psalmo 50. n. 17. *In iniquitatibus conceptus sū, & in peccatis concepit me mater mea; in hebreo legitur: in iniquitate, & peccato. Olex 6. n. 7. Ipsi, sicut Adam, transgressi sunt pactum, ibi prauaricati sunt in me.* Ioann. 1. num. 29. *Ecce qui tollit peccatum mundi: in græco legitur; qui tollit illud peccatum mundi.* Secunda Corinthiorum c. 5. nu. 14. *Si vnus pro omnibus mortuus est: ergo omnes mortui sūt, & pro omnibus mortuus est Christus.* Prima Corinthiorum 15. n. 22. *Sicut in Adam omnes moriuntur; ita & in Christo, omnes viuificabuntur.* Romanorum 3. n. 23. *omnes peccauerunt, & egent gloria Dei.* Romanorum 5. nu. 12. *Per vnum hominem peccatum in hunc mundum intrauit*

83 *Rationibus illa veritas demonstratur. Primò: quia Christus est vniuersalis omnium Redemp-*

tor; ergo & paruulorum, in quibus solum inest peccatum originale. *Secundò: quia Baptismus omnibus est necessarius in remissionem peccati: ergo & paruulis in remissionem sui peccati.* Antecedens patet ex primario, & præcipuo effectu Baptismi iuxta traditionem Ecclesiæ baptizantis pueros, & iuxta Ioānem 3. n. 5. *Nisi quis renatus fuerit ex aqua, & Spiritu sancto, &c.* Tertiò: quia pœna mortis, similiter morbus, & multiplex ærūna à cōceptione orta, hominem affligens, clamat, esse originale peccatum: nam Sapientiæ primo n. 13. dicitur: *Deus mortem non fecit: ad Romanos 5. & 6. Per peccatum mors, & stipendium peccati, mors: ergo peccatum originale, fide Diuina man festum est.* Supposita ergo veritate nostre primæ propositionis.

Q V Æ R I M V S.

Quid sit Peccatum Originale.

QUOT Capita, tot sententiarum fuerunt circa originalis Culpe negotium. Nos libentius amplectimur solidiorū Theologorum, & præsertim Scoti nostri sententiam. Scotus ergo in 2. dist. 32. q. unica sub l. B. vers. sic ad propositum, &c. Anselmi: vestigijs inhaerens, inquit,

quòd originale peccatum est formaliter carentia instituta originalis debita, & non qualitercumque debita sed debita: quia accepta in primo Parente, & in ipso amissa. Melius intelligemus radicaliter sententiam Scoti, notata subsequenti propositione.

PRO:

PROPOSITIO SECVNDA.

Germana Scoti sententia de macula originali.

84 **C**oncinnè, & subtiliter Scotus in 2. dist. 32. q. vni. ca, tria inuenit in originali peccato. *Primum.* Cōcupiscentiam, seu prinitatem voluntatis humanæ ad immoderatè condelectandum suo proprio appetibili. *Secundum,* debitum habendi iusticiam originalem. *Tertium,* carentiam eiusdem iustitiæ. *Primum,* & secundum se habent vt materiale; *tertium,* vt formale. Audiamus Scotum: *Respondeo* (inquit subtiliter B.) concupiscentia potest accipi, vel prout est actus, vel habitus, vel prinitas in appetitu sensitino, & nullum istorum est formaliter peccatum; quia non est peccatum in parte sensitua. Vel potest accipi, prout est prinitas in appetitu rationali, idest in voluntate ad concupiscendum delectabilia immoderatè, quæ nata est condelectari appetitui sensitino, cui coniungitur; & hoc modo concupiscentia est materiale peccati originalis, quia per carentiam, iustitiæ originalis, quæ erat, sicut frænium, cohibens ipsam ab immoderata delectatione, ipsa non positiuè, sed per priuationem fit prona ad concupiscendum immoderatè delectabilia. Hæc Scotus quoad primum. Quoad secundum verò sic lo-

quitur loc. cit. §. ad argumenta; vers. ad tertium, &c. dico, quod ad istud peccatum concurrunt duo, carentia iustitiæ, scilicet, vt formale; & debitum habendi eam, vt materiale; sicut in alijs priuationibus concurrat priuatio, & aptitudo ad habitum. Quoad tertium, §. quo ad primum. vers. sic ad propositum, &c. ita dicit: Peccatum originale est formaliter carentia iustitiæ originalis debite, & non qualitercumque debite, sed debite, quia accepta ex primo Parente, & in ipso amissa.

85 *Ex his,* meridiana luce limpidius cognoscitur, quid reuera importet originale peccatū, & qua lege possit etiam adæquatè describi; licet enim carentia iustitiæ, quod est formale in peccato originis, nec insit debito habendi, nec prinitati liberæ facultatis, inest tamen eidem potentia volitua, quam connotat; vnde cadit voluntas in descriptione originalis, vt additum, ea ratione nimirum, quæ cadit oculus in definitione coecitatis. *Ceterum* difficile videtur, ex præmissis deducere, quod nempe originalis macula sit peccatum, & offensa formaliter, & vnicuique proprium, vt Patres,

ties, & Concilia passim testantur contra eos, qui dicebant, originis labem esse solummodo reatum pœnæ primi hominis peccato sequenter iustitiæ, vel naturæ defectum.

- 86 *Primo igitur sciendum est; homines, recenter natos, verè denominari peccatores propter peccatum originis, non eo modo, quo ab actuali denominantur homines peccatores, sed ea lege dumtaxat, qua dicuntur homines peccatores, actu peccaminoso transactio. Author est Scotus in præcitato loco lit. D. vbi habet. Propter solutionem argumentorum est intelligendum, quòd dupliciter potest esse iustitia debita. Vno modo, quia in se accepta, & actione accipientis amissa. Alio modo, quia accepta in alio, & actione alterius amissa. Primo modo, peccatum actuale est iniustitia, & carentia iustitiæ. Secundo modo, originale: vnde magis comparatur peccato, quasi quiescenti in anima post actum transeuntem, quàm comparatur peccato actuali, quod elicitur ab ipsa voluntate peccante. Hæc Scotus, qui licet in 4. dist. 14. q. 1. sub H. videatur asserere, hominem, transactio actu peccati, formaliter denominari peccatorem ab obligatione ad pœnam; hoc tamen intelligi debet concomitanter: quia primario dicitur talis ab ordine, quem dicit ad peccauisse, seu à peccato ipso physice transactio, moraliter tamen præsentem; ita colligunt*

Meliores Scotistæ non solum ex eodem Scoti loco, vbi docet, reatum illū dicere simul rationem offensæ, maculæ, & iniuriæ, sed clariùs ex inducto loco secundum, & ex 21. dist. 4. q. 1. sub E, & F. vbi iuxta sanctorum placitum, latum discrimen apponit inter remissionem culpæ, & solutionem pœnæ. Id ipsum colligitur ea dist. 16. q. 1. sub H.

- 87 *Sicut ergo actualis peccator dicitur talis, transactio actu peccaminoso, ab ordine ad peccauisse, seu à peccato moraliter præsentem, physice verò destructo: sic etiam homines, recenter nati, peccatores denominantur à transgressione Adam, transactio realiter, moraliter verò in Diuina imputatione præsentem; quæ ideo originalis, non autem actualis nuncupatur: quia nullus actualiter præter Adam, sed quicumque virtualiter peccauit in Adamo, qui de mente Concilij Tridentini sess. 6. cap. 7. & sessione 5. decreto de peccato originali: sua inobedientia, sibi, & eius propagini perdidit acceptam in seipso iusticiam. Dato siquidem eo fundamento, quòd Adam, videlicet, non solum naturale, humanæ propaginis, quia in eo cõtinebatur causaliter, sed morale insuper extitit caput posterorum suorum, atque hinc, quòd voluntates eorum virtualiter in Adamo, vt in morali capite, clausæ, ac in vnâ eius voluntatem, velut confluens, & con-*
spi-

spirantes simul, specialiter compromissa fuerint; euentiffimè tunc apparebit, quòd Adamo, tanquam fideiuflore cadente, posterì quoque, velut pupilli, ceciderunt cum ipfo; ficut è còtra, fi fletiffet Adam, fletiffent & ipfi: expreffum enim pactum cum illo Deus inierat, non fibi foli, fed cunctis ab eo naturaliter descendentibus originalem exhibiturum iustitiam, fi preceptis obediens, custodiffet illam, quo factum fuit, vt non tantum ex eo, quod Adam pro fe, & pro tota natura, quæ tunc exiftebat in ipfo, fed infuper ex eo, quod Adam iustitiam accipiente formaliter, & virtualiter accipientibus illam in ipfo fingulis ab eo descendentibus, verum, propriumque omnes, & finguli còtraxerint debitum habendi eiufdem iustitiæ donum; virtualiter inquam, ea ratione dumtaxat, vt primo Parenti formaliter, (ideft consequenter, seu consequente voluntate) accipiente iustitiam, finguli posterì singulas iustitias, eadem datione, à Deo libenter oblatas, virtualiter, ideft antecedenter, seu antecedente voluntate, feipfis in ipso receperint.

- 88 *Sicut tandem* Adamo, originali iustitia per inobedientiam denudato, omnes filij postmodum proprio vniuscuiusque concurrente debito, eadem iustitia spoliati nascuntur, ac transgressores, seu peccatores. Proinde bre-

uiter, sed disertis verbis Scotus imple rem dilucidat in memorato 2. d. 32. sub C. *Ex istis dictis videtur còcludi, debitum in paruulis propter hoc, quod Adam accepit iustitiam pro se, & pro tota natura quæ tunc erat in eo; & idèd iustè Deus exigit à tota natura in quocumque est, illam iustitiam, quam dedit naturæ: ita quod secundum Anselmum cap. 7. Adam peccato personali nudatiæ naturam iustitiæ debita, & nudata natura à tali iustitiæ debita, in quocumque facit naturam nudat, facit, & talem debitoricem.*

- 89 *Contra hoc* obijcitur; quia hæc natura numero, quæ est in propagato, non fuit in Adam, licèt ibi fuerit natura eiusdem speciei: ergo illa natura non accepit aliquam iustitiam: ergo non est debitor. *Respondeo* non faciendo mentionem de hac natura, & hac persona, quòd iste debitor est iustitiæ: quia iustitiā accepit formaliter Adam, & ipse in eo. Et hoc probatur ita: omne donum est debitum, quod datur ab ipso Deo voluntate antecedente, ideft quantum est ex se, seu ex parte Dei, sine speciali gratia, & merito, licèt non voluntate consequente; sed Adam, accipiente iustitiam filio eius, data est iustitia voluntate antecedenti, ideft, quantum erat ex parte Dei, quia sine speciali dono confereretur filio, nisi adesset impedimentum; ergo ex illa collatione facta Patri, filius est debitor iustitiæ sic data.

90 Quare Doctor patrum infra sic ait. Ad hoc, quod donum sit debitum, sufficit datio voluntate antecedente, siue virtualiter dare, licet non in se formaliter: ergo ad hoc, quod voluntas sit debitor, sufficit similis datio facta illi voluntati: sed quando facta est datio voluntati Adæ, facta est tali modo, quod quasi eadem datione, quantum erat ex se, dabatur similiter omni voluntati cuiuscunque filij, si non poneretur obex: ergo ex tali datione fit voluntas cuiuscunque filij debitor; licet ergo

non sit omnino simile de operibus meritorijs datis virtualiter in gratia, ut in proposito; est tamen simile quantum ad propositum; quia utrobique est præcisè datio ex parte dantis, scilicet voluntate antecedente, & non consequente, & ipsa est ita ratio voluntati, ut sit debitor, sicut donum, ut sit debitum. Haec sentit Scotus, Cuius aurea dicta, si bene considerentur; dilucidè patet, ex accepta in ipso amissa iustitia, omnes descendentes ab Adam, debitores fuisse.

PROPOSITIO TERTIA.

Explicatur ad quod genus pertineat, quonè modo, & quando contrahatur à posteris.

91 **O** Riginale peccatum igitur, licet origine vnum sit, non imitatione, ut Pelagius dicebat, sed propagatione transfusum in posteros, adeò tamen unicuique proprium est, ut nescio, qua ratione cum Catholica veritate cohaereat opinio asserentium, originalem noxam, nil aliud esse, quam primi Parentis actuale peccatum, quod nec in paruulis multiplicatur, nec quisquam ex Adamo descendens, ut sibi propriam culpam abscribit, quali verò tot sint originales sordes, quot sint homines ex Adamo nascentes; hac siquidem data assertionem,

conuincitur, eam nec iota quidem differre ab opinione Pelagij, qui contra omnem communem Ecclesiae sensum, vnicum, non proprium unicuique, sed commune duntaxat comminiscetur, originis fore peccatum. Hoc ergo crimen nec propriae omissionis, nec commissionis est, auersum tamen à Deo solummodò virtualiter, si vltimus finis accipiatur præcisè: quia, si ut legislator accipiatur, formaliter quidem auertit, & Theologicae malitiæ rationem. Ex hac auersione sortitur, quod necessario sit cuiuspiam præcepti transgressio; nec aliud effingi po-

potest, nisi præceptum de conservando oblatum, acceptumque originalis iustitiæ donum; quod mandatum, quamquam formaliter neutrius tabulæ claudatur limitibus, tamen faciliè ad primum primæ tabulæ valet revocari præceptum.

92 *Contrahitur deinde huiusmodi peccatum mediante carne; non quidem, quòd caro sit maculata, & maculam in animas, recenter infusas, transfundat, sed media carne maculatur anima, tamquam iustramento, quatenus in eius semine est virtus activa producendi filium Adæ, qui est debitor acceptæ, & amissæ iustitiæ. Ita Scotus in 2. d. 32. cit. 5. ad argumenta tertiæ questionis, &c. etenim ex carne producta mediante seminali propagatione fit corpus, ex quo simul cum anima, tamquam ex duplici adequato principio fit homo, qui filius naturalis est Adæ, & idè debitor originalis iustitiæ, ex cuius carentia propter Adami demeritum, iniustus est. Placeat, parvas Scoti reliquias, ex eodem loco desumptas, auscultare: anima (inquit sub E) contrahit, mediante carne non ita, quod caro, quasi per qualitatem quamdam causatam in ea, causet istud peccatum originale; sed ex eo, quod caro concupiscibiliter seminatur, & ex ipsa formatur corpus organicum, cui infunditur anima constituens personam, qua est filius Adæ; ista ergo persona, quia natu-*

ralis filius Adæ, idè debitor est iustitiæ originalis datæ à Deo ipso Adæ pro omnibus filijs; & caret eadem ergo habet peccatum originale. Contrahitur igitur istud peccatum in carne, in quantum est naturalis ratio, & ex hoc debet iustitiam, qua per peccatum Adæ caret. Huculque Scotus, & rectè.

93 *Quando demum contrahitur à posteris? Ex dictis est deductum facile; si enim Adamus non solum naturale, sed morale simul humanæ fuit propaginis caput, ea ratione videlicet, ut ipso accipiente, nos etiam acciperemus, & ipso amittente, nos etiã acceptam iustitiã amiserimus; vnde posteros peccasse in Adã, nil aliud sit, quàm amisisse iustitiam in ipso, & amisisse iustitiam in ipso, nil aliud sit ad aures Scoti, quàm intuitu demeriti primi Parentis, acceptam perdidisse iustitiam; tunc primò debitorum existunt homines recenter nati, ac proindè peccatores, cum primò sint homines. In pũcto igitur animationis, propter Adami demeritum, maculam originalem contrahunt, atque peccatores existunt.*

Ceterum, licet post Baptismum in nobis remaneat pronitas in malum cum debito habendi iustitiam originalem, imò verò carentiam eiusdem originalis iustitiæ; non tamen inferendum est, remanere in nobis culpam originalem: quia non solum conucllitur in ratione

D d offen-

offensa, quam dicit per respectum ad peccatum Adami; sed etiam ut dicit carentiam originalis iustitiæ; non per collationem habitus oppositi, qui est ipsamet originalis iustitia, sed per infusionem doni, non æquivalentis solummodo, sed longè superexcedentis, quæ est gratia

habitualis, unica, & sola formalis causa iustificationis humanæ. Ita docuit Scotus sub, I, loco sæpe memorato §. ad argumentum quæstionis 4. ubi subtiliter hac de re discurrit. *Hac notata doctrina*; ex illa prosequor propositiones.

PROPOSITIO QVARTA.

Peccatum Originale non est aliqua morbida qualitas.

94 **D**E hac re iam patet ex superioribus notatis. *Legitur Scotus in 2. dist. 32. §. ad primum dicitur, &c.*

Ut intelligatur propositio nostra; moneo: quòd docentes, maculam originalem collocandam in morbida qualitate, ita discurrunt. *Primo* enim dicunt, corpus Adæ post peccatum fuisse infectum aliqua morbida qualitate, seu contagione. *Secundo*, hanc qualitatem non solum fuisse in carne, sed etiam in semine Adæ. *Tertio*, hinc fieri, ut omnes posterì, qui ex Adami semine nascuntur, contrahant eandem qualitatem in carne. *Quarto*, ex hac qualitate carnis, derivari similem qualitatem in animam, idque fieri in puncto conceptionis, quando anima carni coniungitur. *Quinto*, utraque qualitatem, tam illam, quæ in anima reperitur, quam, quæ

in corpore est, posse vocari concupiscentiam. *Sextò*, solam posteriorem, quæ in anima sedem habet, esse peccatum originale. Exemplo res declaratur: si quis daret pulchrum pomum, alicui, qui manus haberet fætidæ; tunc pomum redderetur immundum ob immundiciam manuum. Ad rem nostram; anima in se pulcherrima est, corpus autem est immundum, & ita quando anima unitur corpori, efficitur immunda: quia corpus quamdam immundiciam causat in anima; quæ immundicia causata à corpore, est qualitas quædam morbida, & in hac putant nostri aduersarii, consistere peccatum originale.

95 *Impugnatur tamen hic dicendi modus. Primo*: quia falsum assumitur, dum dicitur, in corpore esse quamdam morbidam qualitatem, à qua causetur qualitas

litas foetida in anima. Ratio est: quia non apparet tantum dominium voluntatis supra corpus, ut illud possit physice alterare per morbidam qualitatem. *Secundò* ponunt isti Doctores qualitatem in corpore, ut insurgat rebellio appetitus sensitivi contra rationem: at propter istam rationem minimè est ponenda talis qualitas in corpore: ergo, &c. Minor probatur. In statu puræ naturæ non foret in corpore talis qualitas: (rebellio tamen contra rationem esset in corpore) ergo sine necessitate ponitur talis qualitas. *Tertiò*, gratis concessa ea qualitate in corpore, talis qualitas non posset producere qualitatem in anima: quippè qualitas in anima esset spiritualis, & consequenter non posset esse, tanquam à causa totali, à re corporea. *Item*, vel Deus esset author, & causa illius qualitatis, vel non? Si primum dicas, iam Deus esset author peccati, quod damnat *Tridentinum sess. 6.* Si secundum dicas, iam daretur aliquod ens reale, non habens esse à Deo, quod concedit nullus. *Item*, ista morbida qualitas appellata concupiscentia, vel tollitur per Baptismum, vel non tollitur? si non tollitur: ergo peccatum originale maneret post Baptismum,

quod dicit nemo; si tollitur, iam in homine post baptismum non esset concupiscentia contra D. Paulum *Ad Romanos c. 7. nu. 23.* cantantem. *Video aliam legem in membris meis, repugnantem legi mentis meæ, &c.* & D. Iacobum *c. 1.* suæ epistolæ catholicæ docentem: *unumquemque tentari à concupiscentia sua, &c.*

96 *Impugnant aduersarij nostram propositionem ex varijs auctoritatibus Sanctorum, & præcipuè ex Augustino lib. 5. contra Iulianum, dicentem: animam in corpore vitari, tanquam in vase vitato. Respondemus, Augustinum tantum velle, animam tunc incurrere originale maculam, quando corpori vnitur; non ergo determinat ibi Sanctus Doctor, quænam sit ratio formalis maculæ originalis? Hinc omnes auctoritates D. Augustini exponendæ sunt eo in sensu, quo à Scoto exponuntur in 2. dist. 32. §. ad primum tertiæ questionis, docens mentem Augustini esse, quod anima ex carne maculetur occasionaliter, vel instrumentaliter, in quantum forma carnis ex semine Adæ propagatæ constituit naturalem finem eius, qui debitor est originalis iustitiæ. Consulantur à nobis dicta, explicando mentem Scoti prop. 2.*

PROPOSITIO QUINTA.

Originalis labes non est formaliter ipsa concupiscentia.

97 **P** Robatur: quia illud totum, quod rationem habet peccati, hoc in Baptismo aufertur ex doctrina *Tridentini sessionis* 5. & deducitur ex illo Romanorum 8. *Nihil damnationis est ijs, qui sunt in Christo Iesu.* Item Ioannis primo dicitur: *Sanguis Christi emundat nos ab omni peccato*: sed post Baptismum in nobis manet inclinatio, seu concupiscentia ad malū ex illo ad Rom. 7. ergo concupiscentia, cum post peccatum maneat, minimē erit ipsum peccatum originale. *Lutherani* toto conatu ex varijs auctoritatibus nostram impugnant propositionem; sed quia apud Theologos cunctos, & proponuntur, & solvantur, ideo sileo. Noto tamen cum *Tridentino sess.*

5. concupiscentiam dici peccatum, quia est effectus eius, & ad peccatum inclinatur. Vnde *Augustinus primo de nuptijs* 23. observat, aliquando effectum nuncupari nomine, quo vocatur sua causa, & sic locutionem expectatam, bonam linguam appellamus, & scripturam pulchram dicimus bonam manum, accipiendo scilicet effectum pro causa; hac etiam ratione dicitur de Christo, factum esse pro nobis peccatum, non quod Christus in se sit peccatum; est ergo sensus; Christus passus est poenam peccati. Ita in proposito. Concupiscentia dicitur peccatum originale, non quod verē sit peccatum originale, sed quia est effectus peccati originalis.

PROPOSITIO SEXTA:

Macula originalis non consistit formaliter in Reatu, seu in ordinatione ad poenas.

98 **P** Robatur: malum poenae supponit culpam: ergo si

parvuli digni sunt poena, iam in ipsis supponitur culpa, seu peccatum;

catum; ac proinde non constituuntur peccatores ab ordinatione, seu à reatu ad pœnam. Antecedens patet: nam ordinatio, seu dignitas ad prœmium præsupponit bonitatem; ergo relatio ad pœnam supponit malitiam, seu peccatum; ergo peccatum minimè consistit in ordinatione ad pœnam. *Item* peccatum originale est verè, & propriè peccatum; sed reatus consequitur ad peccatum: ergo reatus non est peccatum originale. Minor patet: nam ideò homo est ordinatus ad pœnam, quia est in peccato: ergo peccatum supponitur ad ordinationem. *Item* ordinatio ad pœnam est effectus Dei: ergo ordinatio talis, vel reatus nequit esse peccatum. *Item* ordinatio ad pœnam est bona, peccatum autem minimè: ergo, &c. *Item* ordinatio ad pœnam placet Deo; peccatum non placet Deo: ergo &c.

99. *Nostram propositionem ex varijs capitibus impugnant aduersarij. Primo ex autoritate Scoti, qui in 4. dist. 14. §. dico er-*

go, &c. docet, quod transactio actus peccati, nil remanet in peccatore, nisi quædam relatio, seu dignitas ad pœnam; vnde si secundum Scotum homo dicitur habitualiter peccator ab ordinatione ad pœnam; etiam poterit homo dici originaliter peccator ab ordinatione ad pœnam. *Respondemus pro nunc*, quòd licèt ita legat Scotus; hoc tamen debet intelligi concomitanter; quia primariò homo dicitur peccator ab ordine, quem habuit ad peccauisse. Vel clariùs, homo dicitur peccator ab ipso peccato, physice transactò; moraliter tamen perseverante. Sic habet Scotus in 4. dist. 21. q. 1. sub, E, & F, vbi iuxta Sanctorum placita, latum discrimen ponit inter remissionem culpæ, & pœnæ; aliud ergo secundum Scotum, pœna, seu reatus; & aliud culpa, seu peccatum. Quæ adducuntur contra nos ex D. Augustino, exponantur expositione, qua exposuimus Scotum.



PROPOSITIO SEPTIMA.

Ratio formalis maculae originalis non consistit in ipso peccato individuali, & actuali Adæ extrinsecè denominante peccatores, omnes ab ipso descendentes.

100 **P** Robatur primò: quia Arauicanum Secūdū Canone 2. ait: *Si quis dixerit, Adam inquinatum per inobedientia peccatum, mortem, & pœnas corporis tantum in omne genus humanum transfudisse, non autem & peccatum, quod mors est anima, anathema sit: cum contradicat Apostolus ad Roman. c. 5. dicens: Per unum hominem peccatum in hunc mundum intrauit: ergo Adā verè transfundit peccatum, & nō solam peccati pœnam. Idem ait Tridentinū eisdem ferè verbis sess. 5. de peccato originali. Canone 2.*

Deindè secundò: quia ita diffinit esse, Tridentinum loc. cit. can. 3. *Si quis hoc Adæ peccatum, quod origine unum est & propagatione, non imitatione transfusum omnibus, inest unicuique proprium. &c.* ergo peccatum Adæ, omnibus transfusum est, & unusquisque habet illud propriū, ac proindè est omninò extrinsecum, & extrinsecè denominans. Tertio, quia Tridentinum Canone 4. diffinit, paruulos contrahere ex

Adamo aliquid, quod lauacro necesse sit expiari: ergo contrahunt peccatum, & eius maculam.

101 **Quartò**: quia Tridentinum Canone 5. ait: *Si quis per gratiam Christi, qua in Baptismate confertur, asserit non tolli totum id, quod veram, & propriam habet rationē peccati, &c. anathemata sit: ergo verè contrahitur ratio vera, & propria peccati, & non sola denominatio extrinsecæ à peccato primi parentis. Ibidem diffinitur: per Baptismum non tantum radi, aut non imputari peccatum; sed tolli, &c.* Quintò: quia Apostolus ad Romanos 5. nu. 12. ait, non tantum omnes in Adam peccasse, sed etiam peccatum intrasse in hūc mundum; intrare autem peccatum, non est extrinsecè denominari à peccato, sed in se continere formaliter peccatum. Sextò, Baptismus est in remissionem peccatorum: ergo in pueris sunt intima peccata, & maculae lauandæ. Septimò: quia gratia Christi transfunditur transfusionē

sione intrinseca, & non sola denominatione extrinseca: ergo similiter culpa Adami: quia Paulus loco supraposito comparat peccatum Adami cum

gratia Christi; ideo rectè Ioannes epist. 1. c. 1. n. 10. si dixerimus, quoniam peccatum non habemus, mendacem facimus eum, &c.

PROPOSITIO OCTAVA.

Peccatum originale non est illud individuum peccatum, quo Adam actualiter peccauit, ut transfusum ratione originis in filios, eosque constituens intrinsecè peccatores.

ITa communis sententia ferè omnium Doctorum, qui si aliquando aiunt, peccatum Adæ esse nobis originale, tantum designat, esse nobis originale actiue, idest originem, ex qua nostra originalia peccata emanarunt.

102. *Probatur primò:* quia peccatum actuale Adæ, per penitentiam Adæ fuit sublatum, & penitus destructum: ergo illud non manet integrum in filiis; res enim esset mira, & absque necessitate idem peccatum, si in vno subiecto destrueretur, & in alio illud permaneret. *Secundò:* quia effectus peccati originalis, vt concupiscentia, & mors, in diuersis numero hominibus, est numero diuersus; ergo & ipsum peccatum est diuersum. *Tertio:* quia peccatum est priuatio rectitudinis debita: ergo in

multis subiectis, est multiplex numero: quia priuatio multiplicatur iuxta multiplicationem subiectorum, vt patet in cæcitate, surditate, & alijs; hinc patet, quòd peccatum originale filiorum Adæ de facto non sit illud singulare peccatum Adæ, sed esse multiplex iuxta multiplicationem filiorum.

103. *Varij Doctores citantur contra nostram propositionem, quos non signo: quia credo, illos esse locutos eo in sensu, quo eos declarauimus in initio huius propositionis. Varia certè argumenta proponuntur contra nostram propositionem. Ea nos notabimus, ijsque pro viribus satisfacimus.*

Ad probandum ergo peccatum originis esse ipsam inobedientiam eius vetiti cibi, quæ in Adam fuit peccatum actuale, esse

esse in nobis originale, probant sequentibus argumentis. *Primò*: quia ex *Romanorum* 5. n. 12. dicitur: *in quo* (scilicet in Adamo) omnes peccaverunt, & nu. 19. per inobedientiam unius hominis peccatores constituti sunt multi, &c. Ex *Oseæ* 6. n. 7. *Ipsi sicut Adam, transgressi sunt pactum meum: ibi prauaricati sunt, &c.* ergo illud ipsum peccatum Adæ, est nostrum; respectu Adæ actuale, & respectu nostri originale. *Respondetur*, omnes in Adam peccasse, vel ratione debiti contrahendi peccatum diuersum; vel ex eo, quod in Adam, ut in fonte venenato cuncti biberunt, & ita perierunt.

104 *Secundò arguunt contra nos.* Ioannis primo; peccatum Adami dicitur in textu Græco peccatum mundi; & ad Romanos 5: dicitur, intrasse in hunc mundum: ergo non est opus adducere nouum, & distinctum peccatum. *Respondetur*, peccatum Adæ dici peccatum mundi virtute tantum; ex eo quod fuit causa peccatorum mundi; similiter intravit per peccata ab ipso deriuata.

Tertiò. Voluntas Adami erat moraliter nostra: ergo similiter actus voluntatis ipsius erat noster, atque adeò, & peccatum originale, per hoc enim vnum mors intrat in mundum; intrat autem per illum esum vetitum

ex Gen. 2. *In quacumque die comedis, morte morieris. Respondetur*, peccatum Adæ virtualiter tantum, & originaliter esse nostrum peccatum originale, non verò formaliter, & actum est peccatum illud originale, quo ego actum, & formaliter sum peccator.

105 *Quartò.* Peccatum Adæ fuit transmissum in posteros: ergo transmisit Adam illud peccatum, quod in se habuit; sed non habuit aliud, quam actuale: ergo illudmet erat originale, & actuale. *Respondetur*, Adam habuisse originale peccatum, tamquam primam originem transmittentem in posteros peccatum originale, tamquam effectum actualis inobedientiæ contra Deum.

Quintò. Præceptum de non comedendo, propositum fuit Adamo, ut homini, & Capiti morali omnium: vnde dixit Eua, sibi fuisse impositum illud præceptum: ergo violatio illius fuit Adami, etiam ut hominis, & capitis continentis omnes; atque adeò fuit peccatum originale. *Respondetur*, præceptum illud abstinendi ab arbore vetita, propositum fuisse Adamo, ut Capiti, quo violante, reliqui fierent violatores violatione deriuata ex Adami violatione. *Sextò.* Fauet *Isaias* 64. nu. 6. *Cecidimus quasi folium vniuersi.* Respondemus, sicut fuit prius.

PROPOSITIO NONA.

Peccatum originale formaliter non est priuatio gratiæ, vel ullius doni habitualis.

106 **P** Robatur primò : quia peccatum personale, seu actuale mortale; formaliter essentialiter non est priuatio gratiæ, & iustitiæ habitualis: ergo nec peccatum originale erit priuatio gratiæ, & iustitiæ originalis habitualis. Antecedens patet: quia priuatio gratiæ, & iustitiæ est effectus peccati, supponens peccatum, vt causam, nam, vt sit peccatum, non exigitur priuatio gratiæ; cum in puro statu naturæ, nulla existente gratia, posset esse peccatum; nempe violatio legis, & priuatio rectitudinis, quæ consistit in eo, quod est non peccasse, aut legem non violasse, aut nihil perpetrasse contrà rectam rationem.

Sit tale argumentum. Peccatum originale essentialiter esse posset in statu naturæ puræ, tantum ordinatæ ad finem naturalem: ergo essentialiter non est priuatio gratiæ, & iustitiæ originalis. Antecedens patet: quia in tali statu posset Deus constituere hominem Caput morale totius posteritatis, & ei præcipere, nè comederet de ligno, aliàs

ipsum peccatum, & in ipso, posteritatem peccaturam peccato gula opposito rectæ rationi, & legi Diuinæ. *Sit hoc argumentum;* eo in casu peccatum originale non fuisset priuatio iustitiæ originalis habitualis: quia hæc non esset debita, vt supponitur: ergo de facto ratio formalis peccati originalis minimè est priuatio iustitiæ originalis habitualis. Consequentia probatur, quia essentia rerum sunt immutabiles; qua ratione, si de essentia hominis est rationalitas, in quacumque statu debet esse rationalis: quippè quæ posunt adeste, & abesse ab aliquare, non sunt de essentia illius rei.

107 *Sit altera ratio.* Priuatio gratiæ, & iustitiæ originalis est pœna peccati originalis: ergo non est culpa, seu ratio ipsius peccati originalis. *Vrgetur ratio.* Priuatio gratiæ, & iustitiæ originalis propriè est à Deo; Deus enim propter peccatum Adæ, illum, & posteros priuat gratia, & iustitia originali: ergo ista priuatio tantum est pœna, & effectus peccati, non tamen ipsum pec-

Ec ca.

catum formaliter.

Responderi potest; priuationem gratiæ hanc posse dupliciter considerari; *uno modo*, ut est à Deo puniente Adamum, & posteros eius propter inobedientiam, & sic esse solū pœnā, & à Deo proficisci. *Altero modo*, ut est ab homine, scilicet ab Adamo, qui nomine suo, & totius posteritatis voluit gratiæ, & donorum priuationem; cum tamen non velle debuisset, & sic habere rationem peccati originalis, & nō à Deo. *Friuola solutio*: ex illa enim sequeretur, nullam esse pœnam propter culpas à Deo inflictam, quæ non posset dici, & esse peccatum. Si enim mors, ægritudo, & dedecus considerentur, ut volita à peccatore, quatenus voluit peccatū, propter quod à Deo infliguntur, non minus dici poterunt habere rationem peccati, quàm priuatio gratiæ, seu iustitiæ originalis, cum eadem ratio sit; hoc autem esse alienum à communi sensu, negabit nemo; ergo.

108. *Adde*, quod Adamus, & posterii in ipso contenti, non aliter voluerunt priuationem iustitiæ originalis habitualis, quàm volendo transgredi diuinum præceptum; nec enim fuit illis lex specialis imposita conseruandi iustitiæ, sed seruandi cetera mandata: ergo in voluntate transgrediendi legem, nō autem in priuatione iustitiæ habitualis est ratio peccati; illa enim vo-

luntas fuit à nobis, & contra Dei voluntatem. *Concludo*, quod peccatum originale non sit ipsa formalis gratiæ, & iustitiæ originalis priuatio, sed quid prius, ad quod sequitur talis priuatio. Imò posset inueniri peccatum originale, quod non haberet consequentem istam priuationem actualem; ut si Deus nec Adamo, nec filijs eius gratiam contulisset, & tamen obligasset eum; & filios in ipso ad abstinēdum à cibo vetitorum: tunc enim per comestionem prohibitam, fieret Adam transgressor, & similiter in ipso eius filij, qui contraherent originale peccatum, absque vlla gratiæ priuatione.

109. *Multa videntur* esse contra nostram conclusionem, & præcipue Scotus in terminis pugnat contra nos in 2. dist. 32. §. quo ad primum, &c. ubi ita legit: *peccatum originale est formaliter carentia iustitiæ originalis debite. & non qualitercumque debite. sed debita, quia accepta in primo parente, & in ipso amissa.* In fauorem huius sententiæ Scotus adducit *D. Anselmum lib. 4. de conceptu virginali cap. 27.*

110. *His tamen non obstantibus*, dico, nostram propositionem recte ad mentem nostri subtilissimi Scoti. Primò; quia Scotus in 4. dist. 14. q. 1. impugnat sententiā asserentem, peccatum habituale consistere in quadam relatione extrinsecus adueniente; & sic argumentatur: illa relatio esset

effectus Dei: ergo in illa relatione non potest consistere peccatum. Consequentiam probat Scotus. A termino actionis Divinæ homo non potest dici peccator: ergo, cum illa relatio extrinsecus adueniens sit terminus actionis Divinæ, nequit anima ab illa dici peccatrix. *Nunc sit tale nostrum argumentum.* Priuatio originalis iustitiæ habitualis est effectus Dei: ergo ad aures Scoti, anima non potest dici peccatrix à priuatione iustitiæ habitualis. Consequentiam probabo: quia ad aures Scoti, anima non potest dici peccatrix ab ea re, quæ est terminus actionis Divinæ, sicut est iustitia originalis ex doctrina tradita in 2. dist. 19.

II 1. Secundò, Scotus in 2. dist. 32. §. ad argumenta quæstionum lit. I. explicans illud tertio Ethicorū de cæco nato, &c. expresse vocat priuationem originalis iustitiæ, pœnam increpabilem: ergo si pœna, iam non est culpa; patet discursus, quia secundum Scotum in 4. dist. 21. q. 1. sub F, est latum discrimen inter remissionem culpæ, & pœnæ; aliud ergo est culpa, & aliud pœna. Tertio, Scotus in 2. dist. 32. explicans, quomodo possit vitari peccatū; habet, quod etiam pueri in se vitare non potuerint peccatum, tamen potuerunt vitare peccatum in illo, per quem contraxerunt peccatum. Ex hac doctrina patet, quod pueri peccarunt cum Adamo, & sic in multorum

sententia, peccatū Adæ est peccatum puerorum. Hoc stante; sic argumentor. Peccatum; quod nos in generatione contraximus in probabili sententia aliquorū Scotistarum, est peccatum Adæ sed secundum omnes peccatum Adæ non est priuatio originalis iustitiæ habitualis: ergo nostrum originale peccatum non est priuatio iustitiæ originalis. Minor patet; nam idè Adam priuatus fuit originali iustitia, quia peccauit: ergo priuatio originalis iustitiæ est pœna peccati. Argumentum hoc valeat; quantum potest. Adde secundum Scotum in 2. dist. 37. & in 4. dist. 14. q. 1. quod peccatum non est priuatio gratiæ, imò hæc sequitur ad peccatum, ut illius effectus. Sic dicendum de iustitia originali.

II 2. Ad Scotum ergò dicimus, ipsum esse locutum in sensu causali, scilicet voluisse, priuationem iustitiæ originalis esse effectum peccati; appellauit ergo Scotus pœnam peccati, peccatum, sequens exemplum Scripturæ, quæ vocat Christum, peccatum, dicendo: *Christus factus est pro nobis peccatum*; non quod Christus factus sit peccatum; sed sensus est: Christus factus est pro nobis pœna peccati; ut dictum est n. 97. Patet ergo ad Scotum.

Extraneæ etiam insurgunt contra nos. Primò: quia peccatum originale est mors animæ, ex Arausicano 2. cap. 2. & Tridentino sess. 5, ergo est priuatio gra-

tia, & iustitiæ originalis: quia sola ista priuatio est mors auferens vitam animæ. *Respondetur* negando absolutè, peccatum originale esse formaliter mortem animæ: nam mors animæ scilicèt priuatio habituum supernaturalium est effectus, seu pœna subsecuta ad peccatum.

- 113 *Secundò*. Iustitia originalis erat quædam gratia; & reëtitudo, eratque debita inesse Adamo, & posteris eius: ergo priuatio talis reëtitudinis est originale peccatum: habet enim omnia requisita ad rationem peccati; est namque malum, & naturæ rationali oppositum, & quodammodò voluntarium. *Respondetur* negandò, priuationem iustitiæ originalis habere formaliter omnia requisita ad culpam, & ad rationem formalem peccati; est enim malum naturæ rationalis, non primum, sed secundarium, & effectus mali primarij, & per se, videlicèt peccati.

- 114 *Tertiò*. Priuatio iustitiæ, &

sanctitatis originalis, non est pœna peccati: ergo est ipsum peccatum originale. Antecedens patet: nam priuatio iustitiæ originalis facit puerum dignum pœna, nempe priuatione gloriæ, quæ est summa pœna; vna autem pœna non reddit hominem dignum alia pœna. *Negatur*, priuationem hanc non esse pœnam, connexam tamen cum alia pœna priuationis gloriæ. *Quartò*. Primarius effectus Baptismi instituti ad delendum peccatum originale, est gratia regenerationis: nam *sess. 5. Tridentini Canonè 4.* dicitur, paruulos baptizari, vt in ipsis, regeneratione mundetur, quod generatione contraxerunt: ergo priuatio talis gratiæ est peccatum originale. *Conceditur*, primum effectum Baptismi esse gratiam regenerationis, idest gratiam expulsiuam omnis peccati contracti per generationem, quod erat caula, & radix priuationis gratiæ; non verò ipsamet priuatio gratiæ.



PROPOSITIO DECIMA.

Peccatum originale in posteris, est peccatum eiusdem rationis, & speciei cum peccato habituali, quod manserat in primo Parente ex actu praterito peccati.

115 **P**robatur primò. Quia originale peccatum est peccatum habituale, seu per modum habitus, & non per modum actus, cum contrahatur absque ulla actus proprii existentia actuali: ergo erit per simile ei peccato, quod remansit in Adam post actum peccati; non enim per simile secundum essentiam, adulterio, nec periurio, nec homicidio habituali: ergo erit per simile intemperantiae, qua Adā dicebatur peccator habitualiter post intemperatam comestionem, & ante retractationem illius. *Secundò*: quia, Adam peccante, omnis posteritas peccauit; sed non peccauit peccato Adami actuali: ergo peccauit peccato Adami habituali, contrahendo rationem generationis. *Tertiò* idem colligitur ex Paulo Rom. 5. nu. 14. illis verbis: *Regnavit mors ab Adam usque ad Moysen, etiam in eos, qui non peccauerunt in similitudine prauaricationis Adæ*: ergo tantum qui peccant in similitudinem prauaricationis Adæ, id est peccato ha-

bente similitudinem cum peccato Adæ; similitudo autem est inter ea, quæ sunt eiusdem essentiae, & speciei. Hinc fit ut peccatum habituale Adami, & peccatum originale filiorum eius, solum numero intra eandem, speciem distinguantur, additis aliquibus differentiis accidentalibus.

116 *Prima est*, ut peccatum habituale Adami, tunc fuit remissum, cum remissum fuit actuale per actum propriæ poenitentiae, non verò originale filij, & ideo post actam poenitentiam Adami, & remissum eius peccatum actuale, posteritas nascitur in peccato originali. *Secunda est*, ut habituale peccatum Adami ortum fuerit ex actu proprio ipsius Adami; at nostrum originale, peccatum ortum est ex actu alieno, nempe ex actu proprio ipsius Adami, qui physice noster non erat, quare actus peccati Adami fuit origo prima, ex qua non tantum pullulauit peccatum habituale Adami, sed etiam peccatum originale totius posteritatis.

tis humanæ, posita generatione, tamquam conditione requilita. Fit etiam, ut peccatum originale in omnibus posteris sit æquale in grauitate, & deformitate, quia causa, ex qua capit ortum, est idem actus peccati, licet ex naturali cuiuscumque complexionem, & cōstitutionem, vnus fortior maior, & vehementior. rem propensionem ad peccandum, quam alius, non aliter, ac si vterque esset constitutus in

statu puræ naturæ. Propensio enim ista non est formaliter originale peccatū; sed quidē effectus eius.

De modo autem, quo peccatū originis fluat à primo Parente in filios est difficultas: an ut trāsunderetur à primo Parente in liberos, intercesserit pactum Dei. Aliqui ex recentioribus negāt huiusmodi pactū inter Deū, & Adam, cōtendūtque, illud esse fabulam, inter quos est *Sorus lib. 1. de natura, & gratia, cap. 20.*

PROPOSITIO VNDECIMA.

Inter Deum, & Adam intercessit pactum, quo data est gratia, & iustitia Adamo pro se, & pro liberis, ea conditione, ut ipso non peccante, frueretur ipse, & filij tali dono; ipso vero peccante, spoliarentur illo, tamquam transgressores pacti.

117 **P** Robatur ex illo *Gen. 2. n. 17. de ligno scientiæ boni, & mali ne comedas; in quacumque enim die comederis ex eo, morte morieris*: sed ista pœna se extendit ab Adamo ad posterorū: ergo similiter præceptum, & pactum: *Genesis 17. nu. 14. pactum meum irritum fecit; quod Diuus Augustinus 2. de nuptijs, & concupiscentia refert ad pactum Dei cum Adam. Osea 6. n. 7. ipsi. sicut Adam, transgressi sunt pactum, &c. Ecclesiastici 15. nu. 15. hoc pactum clarè expreſsum est. Adie-*

cit mandata, & præcepta sua; si uolueris mandata seruare, conseruabunt te, &c. ergo ex scriptura, manifestum est pactum Dei cū Adam, & eius posteritate in Adam, ut in Capite morali exiſtente. Ratio hoc adhuc ostendit: quia peccatum Adæ nocuit liberis, & non aliud, nisi peccatum comestionis: ergo erat pactum, & ordinatio Diuina ratione cuius, illud peccatum erat nobis nociturum; aliàs quoduis aliud peccatum Adæ, imò, & cuiusuis alterius nobis noceret.

118 *Hinc*

118 *Hinc fit primò, vt nequeat negari pactum expressum inter Deum, & Adamum, vt patet ex illis verbis: in quacumque die comederis ex eo, morte morieris. Fit secundò, vt pactum inter Deum, & Adamum pro posteritate, aliqua ratione celebratum saltem implicite, non possit negari: quia pactum pro Adamo non potest negari: ergo nec aliquod pactum pro posteritate potest negari: quia minus est necessarium pactum pro Adamo, quam pro posteritate; nam qui peccat absque ullo alio pacto, & ordinatione,*

est dignus spoliatione donorum supernaturalium pro se, non verò pro posteritate; atque adeò magis necessarium, vel congruū erat hoc pactum pro posteritate.

Vásquez disp. 133. cap. 1. ait, hoc pactum expressum pro posteritate non ita constare, & fore necessarium non esse, sed sufficere voluntatem, & constitutionem Dei, qua decerneret priuare posteritatem gratia, Adamo peccante. Sed contra hunc Authorem sit.

PROPOSITIO DUODECIMA.

Hoc pactum expressum fuit pro posteritate.

119 **P**robatur, quia Adam se cognoscebat per reuelationem, tamquam Caput, non solum naturale, sed etiam morale totius posteritatis, vt est communis sententia: ergo cognoscebat se esse obligatum ad agendas partes, non tantum suas, sed etiam totius posteritatis, in obseruando præcepto imposito sibi, vt Capiti: ergo eo ipso relucebat ordinatio Diuina, & pactum expressum. Deinde: quia Deus pepigit alia pacta mi-

noris momenti, vt pactum cum Noe de non amplius mittendo diluuium *Gen 9. n. 11.* & cum Abraham de Circumcisione *Gen. 17. n. 10.* cum Isaac, & populo Iudeorum, de danda terra: ergo multo magis pepigit expressum pactum dando iustitiam originalem Adamo, & pro se, & pro sua posteritate deriuandam, præcepto obseruato; negandam verò, præcepto violato.

D V B I V M.

An tale pactum fuerit necessarium simpliciter ad derivandam iustitiam, aut culpam in posteros.

Affirmabit quis ex eo, quod peccatum non deductum in pactū aliquo mo-

do, nec à Patre, nec à Matre, non deriuatur in filios; ergo ut deriuetur, opus est pacto.

PROPOSITIO TERTIADECIMA.

De Potentia absoluta, sine tali pacto potuisset derivari.

120 **P**robatur, quia sufficit ordinatio Divina, ut Deus propter peccatum Patris, aut etiam Matris puniat posteros, eosque sibi reputet inimicos, & auersos à suo precepto, ac proinde peccatores, sicut etiam sine pacto potuisset propter actū Christi, nos reputare iustos, & filios; hoc tamen non ita expe-

dit Divinae pietati: durum enim esset, ut filius cuiusvis patris, aut qui contraheret originales culpas, atque ita dicendum absolute, congruum esse Divinae pietati, & Misericordiae, ut nunquam permittat, peccatum derivari à Parentibus in liberos, nisi illud, quod deductum fuit in Patrem.

Petes. Quodnam peccatum sit transfusum.

121 **R**atio dubitandi est; quia in Adam fuerunt plura, peccata, verbi gratia, intemperantia, seu gula, inobedientia;

superbia, timor, & inordinatus amor in Coniugem; nec videtur maior ratio transfusionis unius, quam alterius.

PROPOSITIO QVARTADECIMA.

*Peccatum transfusum est inobedientia comedendi
de arbore prohibita.*

Probatur ex illo ad Romanos 5. nu. 19. per inobedientiam unius hominis peccatores constituti sunt cuncti; & Gen. 2. In quacumque die comederis ex eo,

morte morieris, &c. scilicet; tu, & tu tecum; Unde Tridentinum citatum diffinit, hoc peccatum notis nocuisse.

*Petes. Vtrum alia peccata primi Parentis, vel peccata
aliorum traducantur in filios?*

PROPOSITIO QVINTADECIMA.

Pars negativa quoad utramque partem est verior.

122 Probatur. Ratio est: quia tantum respectu Adæ, & præcepti conservandi iustitiam, fuit facta institutio de iustitia in posteros transfundenda, vel de eius privatione, non observando præceptum. Quod alia peccata Adæ non fuissent translata, colligitur ex Tridentino sess. 5. decreto de originali, ubi ait, originale esse unum: at plura essent originalia, si alia peccata Adæ transfererentur; ergo, &c. Quod verò aliorum Parentum peccata non transfunderentur; patet: quia nullum legimus de hac

transfusione Patrum. Legatur Scotus in 2. dist. 32.

Secundam partem tenet Scotus ibidem 9. ad argumenta tertiæ questionis. Videtur tamen contra D. Thomam de malo q. 5. art. 4. ad octavum; ubi ait: Adamo perseverante, si aliquis ex posteris eius peccasset, quod posteris haberent originale. Dices contra: si filius Adæ peccaret, amitteret iustitiam originalem; ergo transfunderet naturam privatam ea. Respondetur negando consequentiam: quia secluso Dei pacto, tale peccatum foret personale tantum.

FF tum.

tum. Dices secundò: si Adam post habitam penitentiam, peccasset, perdidisset gratiam posteris:

ergo, &c. Negatur antecedens: quia pactum tantum fuisset de primo peccato.

D V B I V M.

Virum filij geniti ante peccatum Adæ, contraxissent peccatum, si Adam postea peccasset?

PROPOSITIO SEXTADECIMA.

Pars negativa est verior.

123 **P**robatur. Adam solùm accepit iusticiam transfundendam cum natura: ergo peccata commissa ab Adamo post transfusam naturam, non nocerent posteris. Secundò videtur contra Dei bonitatem, ho-

mines iam genitos fieri peccatores, sine villo actu suo. Fateor, rationes non multùm virgere; fundantur tamen in authoritatibus Patrum docentium: peccatum transfundendum in seminis propagatione.

Petes. Vtrum, Adamo peccante, & non Eva, vel è contra, posterij nascerentur peccatores.

PROPOSITIO DECIMASEPTIMA.

Solo Adamo peccante, posterij fierent peccatores; Eva sola peccante, non contraheretur originale.

124 **P**rima pars huius propositionis est Alensis 2. p. qu. 105. membro 3. art. 1. Probatur: quia scriptura, & Patres docent,

nos in Adam peccasse, & in eo mortuos esse: Romanorum 5. dicitur: per unum hominem peccatum intrasse, & statim dicitur,

citur, illum vnum esse Adam.
Dices, quod nomen Adam in
 hebræa lingua est cōmune tam
 viro, quam mulieri, iuxta id
 Gen. 5. n. 2. *Masculum, & femi-*
nam creauit eos, & vocauit nomen
eorum, Adam, &c. Respondetur,
 tātū illa verba; per vnum, &c.
 in Græco, & Latino sunt ma-
 sculini generis, & ab omnibus
 Patribus, de Adamo, non de
 Eva intelliguntur; exceptis Cō-

mentarijs tributis Ambrosio, &
 Hieronymo, qui aliter ex-
 licāt. Fauet nobis Tridentinum sess. 5.
 Canone 2. & 4.

Secundam partem docet cō-
 munis consensus. Vndē, quæ vi-
 dentur probare, Euam partiali-
 ter nos infecisse, debent intelli-
 gi de occasione, quam dedit
 Adamo, peccandi. Fateor
 tamen, nil eile omninō certum.

Petes. Vtrum, si Adam perseuerasset, filij nascerentur
impeccabiles, seu confirmati in gratia.

PROPOSITIO DECIMAOCTAUA.

Pars negativa est verior.

125 **V**ideatur Scotus in 2. dist.
 20. q. 1. Ratio est, quia
 non nascerentur filij melioris
 conditionis, quā ipsi primi
 Parentes. Anselmus *Lib. Cur*
Deus homo, cap. 18. videtur op-
 positum dicere. Scotus autem
 cit. 9. *ad primum, &c.* piē in-
 terpretatur opinionem Ansel-
 mi, notans, illum velle dicere,
 filios tūc impeccabiles: quia filij
 fuissent tūc mirabiliter adiuti,

nē peccassent, tū ob iniusticiā ori-
 ginalē, tū ob sollicitā doctrinā
 Parentum. Scotus putat, quod si
 filij superassent primam tenta-
 tionem, quod essent confirmati
 in gratia, sicut & ipse Adam,
 quando primam superasset ten-
 tationem. His ergo de peccato
 originali in se dictis. *De ipso mo-
 dō in ordine ad Beatam Virginem*
Mariam, est

GRAVE DVBIUM.

An Beata Virgo Maria fuerit concepta in peccato Originali.

126 **I**lla præuaticatio, quæ totum Adamum actualiter, virtualiter verò totam eius progeniem secundum corpus, & animam in deterius commutauit, pueris recenter natis, eatenus propagatione transfunditur, quatenus nullus prorsus ab Adâ naturaliter nascens, eam subterfugere possit, quominus volens, nolens, ab intrinseco cadat in retiaculo eius. Hoc tamen non obstat, duplici via potest Deus personam aliquam ab eodem contagio liberare; præseruando scilicet, vel sanctificando. Primus modus simpliciter vetat originale peccatum. Secundus autem tantummodò secundum quid. Primus modus antecedit infusionem, itaut in eo instati, in quo debebat maculari natura, præseruata dicatur, & sanctificata simul; vel per infusum originalis iustitiæ donum, vel per habitum gratiæ iustificantis. Secundus modus infusionem prosequitur, itaut maculata in utero matris natura ab originis labe in vno puncto, statim in puncto subsequenti per accessum habitualis iustitiæ, sanctificatio

eiusdem personæ, recenter conceptæ, sequatur. Priori modo, etsi ante tempora Scoti, nullus prorsus Doctor extiterit, qui determinatè docuerit, personam aliquam sanctificatam fuisse; & loquendo de Virgine eo siquidem salis grano, lentè festinantes incedebant authores, ut huiusmodi circa negotium viderentur mutuli.

Illo tamen in mundum adueniente Doctore, quem Deipara Virgo in sui tutelâ emandarat è Cœlis in terram, totus ferè mundus post eum iuit, Virginem ab originali labe, declamando immunem.

127 Vnde nos cum Scoto, & maiori parte Ecclesiæ, defendendâ suscipimus illam sententiam, quæ Beatissimam Virginem Mariam, docet, nullum contraxisse peccatum originale; sed præseruatam, & præuentam fuisse ipso momento Conceptionis, & primo instati sui esse, ut immaculatè conciperetur. Ita Phœnix illa Theologorum defendit, veritatis lima, Supremus Trinitatis Cancellarius, Dei digitus, formidabile Hæreticorum fulmen, Cœle.

Cœlestium arcanorū Aerarius, Divinæ mentis interpres, nitidissimum Sacræ Theologiæ speculum, Scotici exercitus moderator, arbor vitæ, puteus æterni fontis, noster Pater Frater Ioannes Scotus; Doctor verè subtilis, & ex hoc capite inter alia, laude dignissimus.

Scotus ergo noster in 3. dist. 3. q. 1. §. ad questionem, &c. cum dixisset, potuisse Beatam Mariam præservari ab originali peccato, vel immediate post instans, in quo illud contraxisset, ab eo mundari, vel denique, non immediate, sed post aliquod debitum; hæc subdit: *quid autem horum trium factum sit, Deus novit. Si auctoritati Ecclesiæ, vel auctoritati Sacræ Scripturæ non repugnet, videtur probabile, quod excellentius est, tribuere Mariæ. Quod autem Scotus existimaverit, excellentius fuisse præservari ab originali, & id non repugnare Sacræ Scripturæ, vel Ecclesiæ, patet; tùm quia postea, respondet ad omnia argumenta contra Immaculatam Conceptionem; tùm etiam quia in dist. 18. q. unica, §. hoc viso. &c. lit. G, Beata (inquit) Virgo Mater Dei, nunquam fuit inimica actualiter ratione peccati actualis, nec ratione originalis.*

128 *Ex primis Scoti verbis, quidam parùm in doctrina Scoti versati, ausi sunt dicere, Scotum non assertivè defendisse hanc sententiam. Certè, si isti modù*

Scoti in proponendis suis opinionibus aduertissent, talia non dixissent. Quando enim Scotus aliquam proponit sententiam, modestè, & religionis gratia, ita loquitur. *Videtur dicendum; probabile existimatur, &c.* Huncquè modum hæc in re graui, peculiariter observavit Religiosis splendor Subtilissimus Scotus. Tamen infra dist. 18. q. unica, §. hoc viso, &c. lit. G. assertivè loquitur, ita scribendo: *est ibi (scilicet in gloriâ) etiam Beata Maria Mater Dei, quæ nunquam fuit inimica actualiter ratione peccati actualis, nec ratione originalis; fuisse tamen, nisi fuisset præservata. Hæc Scotus.*

Mirum sanè est, quãto cõsensu Scriptores Scoto posteriores, imò, & Theologiæ Profecti res aliq; viri periti hanc Scoti sèctiã secuti sũt; sed qui potest enumerare arenas maris. Legat, qui volet, innumeros auctores apud Ludovicum Coccium lib. 3. de Depara, articulo 1. Salmeron in caput 5. epistolæ ad Roman. disp. 42. Suarez, tom. 2. in tertiam partem disp. 3. sess. 5. ex religiosissima, & doctissima familia Patrum Dominicanorum non desunt clarissima lumina, quæ veritatem Immaculatæ Conceptionis illustrent, & libenti animo amplectantur. Videatur Pater Frater Petrus Spinel della Portaza nostri Patris Sancti Dominici filius, qui innumera scripta, & auctores ex Dominicana familia adducit,

cit, & p̄cipuē septuaginta Sacre Theologiæ Magistros. Quare Parisijs sancitum est, nullum Doctoratus gradum in Theologorum schola assequi posse, nisi fureiurando, verbis fidem dederit, aut promiserit, pro sententia de Immaculata Virginis Cōceptione se cōstanter statuturum; atque promissis mansurum semper, & vbique.

- 129 *Ut autem omni claritate procedamus in hac grauissima materia, moneo, quod de Immaculata Virginis conceptione, nihil certi diffinit Ecclesia; nullusquē Textus est in Sacra Pagina, qui eam demonstratiuē suadeat; aliās enim Scoti sententia iam foret de fide. Nil determinatum esse ab Ecclesia, coniuncit, quod Sixtus Pontifex Maximus in extrauaganti; Graue nimis. de reliquijs, & veneratione Sanctorum, &c. dilertē docet, affirmantes, aut negantes Immaculatam Conceptionem Virginis, hæreticos dici, non debere; imo sententiam Excommunicationis, ipso facto incurrendam, in eos profert, qui ausi fuerint hæreticos appellare, qui alterutram sententiam defenderint. Certē Concilium Tridentinum sess. 5. non longē à fine, videbatur, determinasse Immaculatam Conceptionem Virginis, sed suam mentem aperit, cūm dicit, se inno-*

uare prædictum Sixti Quarti decretum, ac propterea non maioris ponderis sunt verba Concilij, quā illis permittatur à Sixti decreto. Disputat itaque Theologi sinē hæresis periculo in vtramque partem de Immaculata Cōceptione Virginis.

- 130 Ad clariorem penetrationem veritatis excogitavi sex instantia naturæ in eodem instanti temporis Conceptionis Virginis reperiri. In primo instāci, vltimatē organizatum fuit Corpus Virginis. In secundo fuit anima illius creata. In tertio, Corpori vnita. In quarto resultauit natura humana, scilicet tertia entitas; & adhuc non erat peccatrix, nec sancta: quia esse naturale tam ad gratiam, quā ad culpam per modum subiecti ad accidentalem formam, vel priuationem comparatur; & idcō prius etiam natura. In quinto signo, intelligitur Virgo prius esse filia Adæ, quā intelligatur, acū esse in statu gratiæ, vel peccati: quia hic ordo naturę solūm est ordo causę, quo intelligitur hæc proles ab hoc naturali principio physicē manasse priusquā intelligatur aliud illi superaddi. In sexto, hæc filia Adæ, nisi à Deo fuisset præseruata peculiari priuilegio, peccatum originale contraxisset. Circa quod est quæstio.

AN DE FACTO INCVRRERIT.

Nos, Beatam Virginem Mariam, Immaculatam, predicamus, & asserimus, nunquam contraxisse originalem maculam, sed præservatam, & præuentam fuisse ipso momento Conceptionis, & primo instanti, ut immaculatè conciperetur.

131 **A**D veritatem hanc nostram firmandam, prodeant in primis, quæ in antiqua lege præcesserunt figuræ, quæ aliquid in lege gratiæ, & Euangelio futurum prænunciabant. De illis enim scribit Apostolus *prima Corinthiorum 10. n. 11. omnia contingebant eis in figura.* Nunc ita: fuit Adam figura Christi, & Eva Mariæ; *prima Corinthiorum 15. n. 47. Primus Adam de terra terrenus; secundus Adam de Cælo, Cælestis.* Euam fuisse Virginis figuram, identitas nominis notat; nam utraque Mater viuientium dicitur; Eva quidem temporaliter, & corporaliter viuientium; Maria verò, (spiritualis, & vite gratiæ viuientium). Vnde sicut Adami creatio, & formatio sine ullo peccato fuit, & indè figurabat Christum sine peccato concipiendum; sic formatio Euz immaculata, præsertim Virginis Conceptionem Immaculatam. Imò immaculata Adami formatio, quatenus ex immacula-

ta terra, scilicet nondum maledicta, sed à Deo benedicta formatum fuit Corpus illius, figurabat Christum nasciturum ex Virgine, benedictionibus plena, & præseruata ab omni maledictione peccati. Huius ultimi argumenti author est *D. Andreas Apostolus*, ut in eius vita referunt Presbyteri Achaïæ; ita enim referunt, Apostolum fuisse locutum; sicut ex immaculata terra primus homo formatus est, ita ex immaculata Virgine formatus est Christus.

132 *Succedat altera probatio. Gen. 2. n. 15. Inimicitias ponam inter te, & mulierem, & semen tuum, & semen illius.* De Eva hæc dicta esse, non dubitamus; non tamen implenda in ipsa, sicut neque id, quod de suo semine in filio dicitur, in eius filio adimpletum est. In hac prophetia est Eva typus Mariæ, sicut semen illius, Christus est. Hoc supposito, notandum est, dictum esse à Deo, inter Virginem, & Dæmonem fore

fore inimicitias, scilicet omnes inimicitias, & quamlibet inimicitia speciem, secundum illam logicam regulam, quæ docet, *indefinitas propositiones*, qualis est illa, *æquivalere universali*; & notandum, inimicitiam inter naturam humanam, & diabolicam consistere in carentia peccati; nam tot contrahimus amicitias cum Dæmone, quot peccata committimus, & quot caremus vitijs, tot habemus inimicitias cum eo. Jam quærendum est, quænam sit illa creatura purè humana, quæ haberet omnes inimicitias cum Serpente? Et cum nulla sit, quæ non contraxerit peccatum originale; hinc liquidò constat oportere necessariò, Virginem non contraxisse peccatum originale; ut ab eo præservata, sicut à quocumque mortali, & veniali, omnes inimicitias cum Serpente habeat.

133 *Hoc in loco tolerare non possum eorum sententiam, qui nihil aliud putant significare, quam fore, ut Serpens homini serpens pedibus hominum conteratur; nam hoc iam dixerat Deus Serpenti illis verbis; super pectus tuum gradieris, Deinde aliquid minus significari, docent illa verba: inimicitias ponam inter te, & mulierem; nam hoc patum referre ad naturalem horrorem, quo Serpentes solemus avertari, inepitissimum est; cum ad multo magis in alijs bestijs cernatur,*

Accedit, quod maxima pars veterum Theologorum hæc non de Serpente ipso, sed de Dæmone, qui deceperat feminam, interpretantur, ut Irenæus lib. 4. cap. 78. Hieronymus in questionibus hebraicis; Leo sermone 2. de Natali Domini; Euthérius, & Rupertus in eum locum; quare necessariò aliquid propheticum significatur, quod non ad totam naturam, sed ad singularem aliquam feminam pertineat, quod non obscurè significat hebraicus articulus, qui ad Evam refertur non potest, cum de futuro dicat Deus: inimicitias ponam, &c.

134 *Certe mihi persuadeo, verum sensum, ac germanum huius loci esse, quem ponit author epistolæ de viro perfecto, quæ falsò tribuitur Hieronymo, & habetur in tomo 4. ubi scribit: ponam inimicitias inter te, ac mulierem, non certe, pono, dicit: ne ad Evam hoc pertinere videretur. Verbum promissionis est, quod transmittitur ad futura; ponam, inquit, inimicitias inter te, & mulierem; illam inquam, mulierem, quæ Salvatorem parturiat, non quæ generet fratricidium; ponam, inquit, inimicitias inter te, & mulierem, scilicet suscitabo mulierem, quæ repudiata sacralitate credendi, &c. Quem sensum probat etiam Serapion apud Lipomanum, Genesis 3. Clarum (inquit) est pronuntiatum de Christo, quem sine semine peperit intemerata Virgo.*

Eandem fuisse multorum sententiam.

rentiam, docet *Eucherius*, eamdem probat *Rupertus*; dicit igitur: fore inimicitias inter Beata[m] Virginem, ac Serpentem, & inter semen Virginis, & semen Serpentis, ac forte dicit, ut Virgo, vel eius semen conterat Serpentis caput, & *Serpens* calcaneo ipsius insidiatur. Duas igitur inimicitias dicit, alteram inter Serpentem, ac Virginem, alteram inter semen Serpentis, & semen Virginis. Prima illa inimicitia, si peculiaris debet esse in Virgine, necessesse est, ut sit ratione peccati originalis, à quo, quoniam videbat eam liberam Diabolus, maximo odio eam prosequebatur: nam si hoc vnum tollas, cum omnibus hominibus exercet Diabolus inimicitias. Quod si ad Virginem referendum sit, ipsa conteret Caput tuum, & tu insidiaberis calcaneo eius (quamquam intelligam, aliter ab alijs explicari, non dubito tamen, hanc etiam interpretationem posse admitti, ut dicamus, Caput Serpentis esse originale) consequenter, &c.

- 135 *Secundus locus* in fauorem nostræ propositionis sit ille Gen. 1. n. 3. quando dixit Deus, fiat lux, & facta est lux, & vidit Deus lucem, quod esset bona. Lux illa, Beata[m] Virginem significabat; nam cum dixisset n. 2. tenebras esse super faciem abyssi, quibus significabatur peccatum, quo vniuersum genus hominum in abyssum destinabatur, statim

dixit, fiat lux, quia, ut ait Paulus 2. ad Corinthios c. 4. nu. 6. dixit de tenebris lucem splendescere, de massa illa videlicet corrupta, hanc purissimam Virginem elegit. Et est nonnulli ex antiquis interpretentur hunc locum de natura Angelica; tamen melius interpretamur nos de Beata Virgine, quæ de tenebris vocatur in admirabile lumen Dei. Quare *Petrus Damianus* sermone 3. de Natiuitate Virginis, bellam mundi, & *Laurentius Iustinianus* sermone de Natiuitate Mariæ, lucē mundi nominauit. Dicitur autē meritō lux: quia, ut lux à corpore lucido ita pēdet, ut ab eo accipiat, quidquid est; sic Beata Virgo à Christo, tanquam à iustitiæ Sole, omnia recipit. Illa lux dicitur diuisa à tenebris, & tenebræ quidem noctis nomine vocatæ, lux verō appellata est dies; est enim hæc Virgo verus dies, nescia illius noctis, de qua dictum est apud *Iob* c. 3. m. 3. maledicta nox, in qua dictum est, conceptus est homo: nox enim illa concepta est in nocte peccati, nec nullam habuit mixturem tenebrarum.

- 136 *Tertius locus* in fauorem nostræ propositionis desumitur ex eodem primo capite nu. 16. Fecit Deus duo luminaria magna; luminare maius, ut præfset diei; luminare minus, ut præfset nocti. Paulus ad Philippenses 2. n. 15. vocat fideles, & sanctos, luminaria, inter quos, inquit, lucetis,

G g sicut

sicut luminaria in mundo. Luminare maius est Virgo, diciturque pateresse dici propter summam gratiae splendorem; alij sancti sunt luminare minus, lucentque in nocte. Si cōferantur cum peccatoribus, ipsi sunt, quasi stellae in nocte; B. Virgo est sicut sol, & ideo dicitur electa, sicut sol; sicut enim ex nobilissima materia Sol formatus est, ita Virgo est electa, quasi pars nobilissima Adz, & incredibili gratia splendore ornata.

- 137 *Quartus locus desumitur ex Gen. 7. n. 18. porro Arca ferebatur super aquas; quemadmodum enim nihil, praeter eam, aquas diluuii euasit, ita sola Maria à peccato originali, sola fuit immunis, & ut illa Arca omnes rimas penitus oclusas habebat, ut ab aquis penetrari non posset, ita Beata Virgo Diuini Spiritus gratia plenè stipata, nunquam ullam peccato rimam apertam habuit.*

Quintus locus desumitur ex illo Gen. 47. n. 26. ex eo tempore usque in presentem diem in uniuersa terra Aegypti, regibus quinta pars soluitur, & factum est, quasi in legem, absque terra Sacerdotali; quae libera ab hac conditione fuit, &c. quod si Terra Sacerdotalis libera erat à tributo soluendo: quid de Beata Virgine existimare debemus, quae est plusquam Sacer-

dotalis terra, quae magnū illum Sacerdotem, ac Pontificem peperit, qui mundum uniuersum suo sanguine lauit; an non debuit à tributo, Diabolo persoluendo, liberari?

- 138 *Arca fœderis ex incorruptibili ligno intus, & extra deaurata, significabat Immaculatam Conceptionem Virginis: cum in utraque sedem suam habuerit Altissimus. Fabricatio Templi Salomonis, in qua nullus auditus est mallei sonus, aut cuiuscumque alterius strepitus, throni Salomonis structura ex ebore purissimo, notant, Virginem concipiendam sine ullo originalis peccati strepitu, & hanc Conceptionem non esse minis puram à peccato, quam sit eboris albedo ab omni impuritate. Tandem Esther c. 15. nu. 13. Non enim pro te, sed pro omnibus haec lex constituta est; non debuit ergo Virgo subire legem peccati; & sicut 3 regum 6 nihil erat in templo, quod non tegetetur auro, sic omnia in Beata Virgine erant auro gratiae vestita. Et sicut Iudith 14. n. 16. Vna mulier hebraea confusione fecit in omni domo Regis Nabuchodonosor, &c. nunc hoc de Virgine dici debet: illa enim una est, quae in primo puncto, seu Conceptionis, libera euasit à peccato.*

*Ecclesia Catholica auctoritas in fauorem nostræ
propositionis.*

139 **S**ancta Mater Ecclesia, quamuis non dicat, de fide esse Immaculatam Virginis Conceptionem; tamen in illam partem ita propendit, vt totis viribus eam persuadere studeat, vt videre est in Extrauaganti: *Cū præexcellsa, &c.* de reliquijs, & veneratione Sanctorum, &c. vbi Sixtus Quartus non solum probat officiū de Immaculata Cōceptione Virginis, sed ad illud recitandum, & vt illi adsint fideles, dūm solemniter in Choro recitatur, inuitat per largitionem earundem indulgētiarum, quas *Vrbani Quartus*, alijque Pontifices Maximi, ijs, qui nocturno, diurnoque tempore officio Sanctissimi Corporis Christi, illiusque festo, & per octauas interfunt. Idem Summus Pontifex vidēs ex hac prima Extrauaganti, fideles sibi persuasisse, mentem Summi Pontificis fuisse decernere pro atticulo fidei Immaculatam Cōceptionem Virginis, coactus fuit mentem suā aperire in Extrauaganti: *Grane nimis*, eodem titulo, vbi quamuis doceat, vtramque sententiam esse liberam, nihil tamen innouauit de his, quæ statuerat in præcedente Extrauaganti.

140 Iam probo nostram propo-

sitionem. Ecclesia celebrat diem festum Conceptionis, non sanctificationis, vt apparet ex duplici decreto Sixti Quartis; patet ex officio inlicito, Ecclesiam celebrare sanctitatem Conceptionis; dicit enim; *Deus, qui per Immaculatam Virginis Conceptionem, &c.*

Respondent aliqui, illam orationem fuisse ab aliquo priuato temere concinnatam, & per imprudentiam in librum Ecclesiasticum irreplisse. *Responsio* nimis temeraria: dicit enim Sixtus Quartus, cū iubet celebrari festum Conceptionis, eius officium emanasse à Sede Apostolica; in eo autem officio erat huiusmodi oratio. Nec quemquā mouere debet, quod fuerit huiusmodi officium, & ea oratio à *Pio Quinto* sublata: ille enim in prælatione Breviarij proficitur, se voluisse remouere, quæ essent, vel aliena, vel incerta, cū pristinam orandi, psallendique rationem reuocare maximè cuperet; tantūm verò abest, vt aliquid determinauerit cōtrā Virginis Conceptionem; petimus enim primò in oratione: *vt Conceptionis pacis tribuat incrementum*; quæro autem, quid significet Verbum *tribuat*. Certe nil

G g 2 aliud,

aliud, nisi quod virtute Conceptionis habeamus pacis incrementum: ergo Conceptio fuit omnino immaculata: nam si non erat libera à peccato; quomodo virtute Conceptionis inpetraremus pacem.

41 *Item in antiphona ad Magnificat in primis Vesperis, legimus, Conceptionem dignissimam recolamus; at quomodo Conceptio dignissima, si in peccato? Item in primo responso: Conceptionem Beatae Mariae Virginis cum gaudio celebremus; at quale gaudium; si conceptio fuit maculata? In secundo responso dicitur: Cum iucunditate, Conceptionem deuotissime celebremus; quomodo cum iucunditate Conceptionem deuotissime celebraremus; si Conceptio fuit in peccato originali? Item, in sexto dicitur: Conceptionem nuntiasse gaudium vniuerso mundo, quod repetitur in antiphona ad Magnificat in secunda Vesperis; sed quale gaudium, in vniuerso mundo, si Conceptio fuisse maculata, & peccaminosa?*

Galatinus in lib. 7. de Arcanis cap. 5. affirmat, ante mille annos celebrari in Ecclesia Graeca festum Conceptionis; in Ecclesia verò Latina, saltem ante quingentos annos, & plus celebrari solet ab Ecclesijs particularibus festum Immaculatae Conceptionis; nam Sanctus Bernardus in epistola ad Canonicos Lugdunenses

reprehendit illos, quod huiusmodi festum nondum ab Ecclesia vniuersali approbatum celebrarent; Bernardus autem floruit anno 1130. & obiit anno 1153. vt testatur Bellarminus in *Tractatu de Scriptoribus Ecclesiasticis*; vunc autem sumus in anno 1663. Idem etiam constat ex *Sancto Anselmo*, qui floruit ante Bernardum scilicet anno 1081. & veneratus est hoc festum Conceptionis, vt infra patebit. Ante omnes Sixtus Quartus hoc festum celebrari fecit in vniuersa Ecclesia Latina ex *Extravaganti: Cum praexcelsa, &c.* quae edita est anno 1466. vbi fideles omnes hortatur ad huiusmodi celebritatem; quam extrauagantem, *Concilium Tridentinum* sessione 5. innouauit simul cum altera eiusdem Pontificis, quae incipit: *Grave nimis, &c.* ait enim, *observandas esse Constitutiones salicis recordationis Sixti Papae Quarti, sub paenis in eis Constitutionibus contentis, quas innouat.*

142 *Vincențius de Bandelis, & Casanovus ordinis Praedicatorum* distinguit duplicem Conceptionem Beatae Mariae; vnam carnalem, quando scilicet seminis in utero comprehensio facta est, & deinde formatum corpus, atque anima rationali informatum; alteram spirituales quando nimirum sanctificata est, & incepit viuere Deo vita gratiae. Affirmat ergo non celebrari ab Ecclesia

Elesia priorē Conceptionem; quia fuit in peccato, sed solum posteriorem.

Responsio nullo modo mihi probabilis; quinimō dico, ab Ecclesia celebrari festum Conceptionis, quatenus significat Dei Genitricem, præservatam fuisse ab originali peccato, quod ceteri homines incurrimus in conceptione carnali. *Sit tale argumentum.* Illud affirmat Sixtus Quartus, celebrari ab Ecclesia Romana, quod nonnulli Prædicatores, quorum ibi meminit, reprehendebant, & condemnabant; sed illi Prædicatores pugnant contra Immaculatam Conceptionem Beatæ Mariæ à peccato originali: ergo festum Conceptionis, auctoritate Sixti Quarti celebratum erat de Immaculata Conceptione Beatæ Mariæ à peccato originali. *Rem declaro.* Nec illi Concionatores, nec alius Catholicorum reprehendit, ac damnavit Cōceptionem spiritualem, seu sanctificationem, præsertim à tempore Sixti Quarti, & multis retrò seculis, in quibus iam erat certissimum, Dei Genitricem fuisse in utero Matris suæ sanctificationem. *Rem magis declaro:* prædicti Concionatores damnabāt, quod alij eodem tempore constanter affirmabant; hoc autem solum erat præservatio ab originali; & hæc fuit occasio dissidij inter ipsos.

143 Audiamus Extranagentem.

Sandē, cum Sancta Romana Ecclesia de Intemerata, semperq; Virginis Mariæ Cōceptione publice scilicet solemniter celebraret, & speciale, ac proprium super hoc officium ordinaverit (nonnulli, ut accepimus) diuersorum ordinum Prædicatores in suis sermonibus ad populum, publice per diuersas Ciuitates, & Terras, affirmare hætenus non erubuerunt omnes illos, qui tenent, aut asserunt, eandem gloriosissimam, & Immaculatam Dei Genitricem, absque originalis peccati macula fuisse conceptam, mortaliter peccare, vel esse hæreticos, eiusdem Immaculate Conceptionis officium celebrantes. Confirmatur; quia nemo dixit, esse hæreticos illos, qui celebrant officium Conceptionis spiritualis, seu sanctificationis Beatæ Mariæ; sed Pontifex in prædicta extranagenti refert, prædictos Concionatores affirmauisse, esse hæreticos illos, qui celebrant officium Immaculate Conceptionis: ergo clare fit, quod officium, & festum Conceptionis, de quo ibi loquitur Sixtus Quartus, non est solum Cōceptionis spiritualis, sed immunitatis, & præseruationis à peccato originali.

144 *Accedat altera probatio.* Festum Conceptionis celebratur ab Ecclesia in eo sensu, in quo Concilium Tridentinum declarat celebrari, sed Concilium Tridentinum declarat celebrari, quatenus significat immunitatem, & præseruationem à culpa ori-

ori-

originali: ergo hoc in sensu celebratur ab Ecclesia. Minor, in qua est difficultas, probatur: quia in sessione quinta postquam egerat de peccato originali, & transfusione eius in posteris Adami, ita legit: *Declarat Sancta Synodus, non esse sue intentionis comprehendere in hoc decreto, ubi de peccato originali agitur, Beatam, & Immaculatam Virginem Mariam Dei Genitricem, sed observandas esse Constitutiones salicis recordationis Sixti Quarti, sub pœnis in eis Constitutionibus contentis, quas innovat.* Patet ergo, sermonem esse de peccato originali: nam alioquin ineptè fieret mentio de illis, quando Synodus affirmat, non esse sue intentionis, comprehendere Beatam Mariam in decreto, ubi agitur de peccato originali.

- 145 *Dices*, hanc Extravagantem non esse insertam Corpori iuris, quoad illa verba; de Spirituali Conceptione, seu sanctificatione. *Contrà*, quia non potest prudenter ei hæc negari. Primò, quia sic legitur in libro Monumentorum Ordinis Sancti Francisci, qui antiquitate, & fidelitate commendatur. *Adde*, quòd *Emanuel Rodriguez in suo Bullario* refert prædictam Constitutionem Sixti Quarti inter multas alias Bullas; nemo autem rationabiliter dicit, viro tam docto, & Religioso non deberi fidem: alioquin, nec ceteræ Bullæ, quas refert, authenticæ cen-

sebuntur: ergo. *Adde*, quòd *Ioannes Baptista Confedius Protonotarius Apostolicus* in libro qui inscribitur: *Collectio Privilegorum Sacrorum Ordinum*, & dedicatus est Clementi Octavo, refert eandem Constitutionem cum eadem clausula, quare vel neganda est fides omnibus privilegijs, in eo libro contentis, quod nemo prudens dicet; vel habenda est fides huic Constitutioni, prout ab illo refertur.

- 146 *Dices*, prædictam extravagantem, quæ habetur in Monumentis Ordinum, editam fuisse, anno Domini 1481. alteram vero, quæ inserta est Corpori iuris, editam anno 1483. mense Septembris: vnde, cum in hac posteriori non habeatur illa clausula spectans ad Conceptionem Spiritualem, videtur, priorem fuisse iam correptam, seu revocatam. *Respondetur*, id nullatenus dici posse: quia in hac posteriori, nulla fit mentio prioris, nec aliquid asseritur priori contrarium; sola autem omisso aliorum verborum, non est correctio, vel revocatio, ut patet ex stylo Constitutionum Apostolicarum. *Dices*, Cur ergo in posteriori Constitutione prædicta clausula non fuit posita? *Respondetur*, id fortasse esse factum: quia necessarium non erat poni; cum ex dictis constet, evidens esse in Constitutione Sixti, quæ inserta est Corpori iuris, aditui celebritatem Conceptionis,

nis, non spiritualis tantum, sed corporalis etiam, & immunitatis ab originali.

- 147 *Succedat hoc fundamentale argumentum.* Quidquid publico, & solemni ritu celebrat Ecclesia Catholica, non potest esse falsum: sed Ecclesia Catholica publico, & solemni ritu celebrat Beatam Mariam fuisse preservatam à peccato originali: ergo Beatam Mariam fuisse preservatam à peccato originali, est dicendum. Maior probatur. Primo auctoritate Sanctorum Patrum, qui testantur, Beatam Mariam, quando nata est, fuisse Sanctam: quia Ecclesia celebrat publico, & solemni ritu Natiuitatem Sanctam illius, & Ecclesia in huiusmodi rebus, decipi non potest; vnde Sanctus I delphonus in libro contra disputantes de perpetua Virginitate Sanctæ Mariæ, qui habetur tomo 9. Bibliothecæ novæ, probat, B. Virginem fuisse sanctificatam in utero: quia Ecclesia celebrat Natiuitatem illius. Sanctus Bernardus Epistola 175. inquit: fuit procul dubio, & Mater Domini, ante Sancta, quam nata, nec fallitur omnino Ecclesia Sancta, sanctum reputans ipsius Natiuitatis diem, & omni anno cum exultatione terre votiva celebratione suscipiens. Et Sanctus Thomas 3. par. q. 27. articulo 1. in argumento, sed contra, &c. inquit: Ecclesia celebrat Natiuitatem Beatæ Mariæ Virginis; non autem celebratur festum in Ecclesia, nisi pro aliquo Sancto: ergo

Beata Virgo in sua Natiuitate fuit Sancta.

- 148 *Ex istis Sanctorum dictis, talem desumo argumentationem:* nullo die festum celebrat Ecclesia vniuersalis, nisi quia aliquid sanctum accidit in eo: ergo cum in die Conceptionis, festum celebrat vniuersalis Ecclesia, credendum omnino est, aliquid sanctum in eo accidisse: hoc autem non potest esse aliud, quam, quod Beata Maria, cum concepta est, fuerit decorata dono Cælestis gratiæ, quæ culpam originalem non compatitur. Rem declaro: multum derogat auctoritati vniuersalis Ecclesiæ celebrare aliquid falsum: ergo cum vniuersalis Ecclesia celebrat festum, Immaculatæ Conceptionis, faciendum, Virginem Matrem fuisse in primo puncto suæ Conceptionis Immaculatam.

Accedit, quod indignum est, Indulgentias concedere in honorem alicuius falsitatis; sed Summus Pontifex concessit Indulgentias in honorem immunitatis Beatæ Mariæ à peccato originali: ergo Immaculata Conceptio minime est falsa. Discursus patet: quippe non foret digna dispensatio thesauri Ecclesiæ pro adoranda falsitate. Concessio Indulgentiarum clara est: quia Sixtus Quartus in Extranaganti: Cum præexcella, &c. concedit recitantibus officium Immaculatæ Conceptionis, aut qui interfuerit, eadem Indul-

240 Disputatio VI De Peccato Originali

Indulgentias, quas in festo Corporis Christi concesserat Urbanus Quartus, Martini Quintus, & alij Pontifices Romani.

Vide nu. 174. vsque ad nu. 180. inclusivè, ubi alios SS. Patres, & Summos Pontifices adduco.

Authoritas pro Immaculata Conceptione ex Concilijs Generalibus.

149 **H**abemus Basilienſe Concilium, cuius decreta, eſſe omnia vim non habeant, ſed tantum ea, quæ ſunt à Martino Quinto probata, tamen magnæ debent eſſe apud nos auctoritatis. *ſeſſione* igitur 36. decernit, *Virginem eſſe conceptam ſine peccato*. Ex Concilio Epheſino, quod fuit ſecundum Generale, habetur *tomo 6. & 7. Sancta Deipara Maria, impolluta, & pura ille Virginitatis Theſaurus*. Vbi, cum abſolutè Deiparam appellet impollutam, & puram, innuit, immunitatem fuiſſe ab originali peccato. Sextum Concilium Generale, Conſtantinopoli celebratum, in *aſſione* 12. approbat gratiſſimam Epistolam Sophronij Patriarchæ, quæ lecta fuerat in aſſione undecima, ubi inter alia habetur: *Maria liberata eſt ab omni contagio; ſive (ut alij legunt) ab omni labe Corporis, & anime*. Iſta verba certè immunitatem ab originali peccato, ſatis ſignificant.

150 *Fauet* Concilium Tridentinum, dum in *ſeſſione* 5. cum ex profeſſo egreſſe de peccato ori-

ginali, & de eius ab Adamo ad poſteros generali transfuſione, hæc ſubdit: *Declarat tamen hæc ipſa Sancta Synodus, non eſſe ſue intentionis comprehendere in hoc decreto, ubi de peccato originali agitur, Beatam, & Immaculatam Virginem Mariam, Dei Genitricem, ſed obſervandas eſſe Conſtitutiones ſanctiſſimæ recordationis Sixti Papa Quarti*. Hic nonnulla ſunt nobis ponderanda: Primum: quia, cum hoc Concilium à Spiritu ſancto gubernetur, diligenter expendiſſet teſtimonia ſcripturæ, & Patrum, in quibus aſſeritur, peccatum originale derivari ad poſteros Adami, nihil in eis reperit, quod convincat fateri, ad Virginem quoque fuiſſe derivatum. Senſit ergo Concilium, omnia explicari poſſe, ac proinde non eſſe, cur authores oppoſitæ ſententiæ (quamvis pauci) dicant, omnium, aut ferè omnium Patrum doctrinam fuiſſe, Beatam Virginem Mariam in peccato originali conceptam eſſe. Si enim Patres ita ſenſiſſent, id certè perpexiſſet Sancta Synodus congregata in Spiritu ſan-

sancto; & si perspexisset, conformaretur illis, sicut in alijs decretis conformatur. *Nota*, quod nunquam non approbantur à Sacris Concilijs, quæ à communi sententia Patrum approbantur.

- 151 *Respondebit aliquis*: Concilium ideo dixisse, non esse sue intentionis comprehendere Beatam Mariam in hoc decreto: quia si intentionem haberet comprehendendi, eo ipso decerneret, Beatam Virginem non esse conceptam in originali; & consequenter foret veritas diffinita. Quare dum dixit: *Non esse sue intentionis*, proinde est, ac si dixisset, nolle se eam partem diffinire, sed relinquere sub dubio, sicut antea erat; quod certe nihil firmitudinis dedit sententiæ assertorium, Beatam Mariam ab originali præservatam.

Debilis solutio. Nam Concilium eo ipso, quod non habuerit intentionem comprehendendi Beatam Mariam in Generali decreto de transfusione originalis, nec etiam habuit intentionem comprehendendi eam in testimonij Sacre Scripturæ, & Patrum, quæ generalem hanc transfusionem testantur. At illi, qui modo docent, Virginem incurrisse peccatum originale, intendunt, eam comprehendendi in generalibus scripturæ, & Patrum testimonijs, ac proinde diversam, imò contrariam intentionem habent. *Errant*, dum opi-

nantur, nihil firmitudinis à Concilio datum sententiæ affirmanti Virginis immunitatem; fauet enim multum: dum denuo expendens testimonia Scripturæ, & Patrum, adhuc fatetur, nihil se inuenisse, quod cogat credere, Virginem incurrisse peccatum.

Nota etiam, quod dum Sacrum Concilium innouat Constitutiones Sixti Quarti, hortatur consequenter fideles ad Cōceptionem Immaculatam celebrandam, & denuo statuit, quod Sixtus præceperat: quare sicut certum est, Sixtum Quartum, magis fauisse sententiæ de immunitate Mariæ, quàm oppositæ parti (ut dubitabit nemo) ita certum videri debet, multo magis fauisse Tridentinum. Si quis ex alijs capitibus probationes desideret, multas habebit apud Scriptores defendentes Virginis Matris Immaculatam Conceptionem. Legantur.

- 152 *His accedant rationes*, quæ, cum plures esse possint, duas pondero. Prima desumitur ex indignitate peccati originalis incompatibilis cum dignitate Matris Dei, & hominis Christi. Secunda ex titulo, seu Epitheto præcipuo Christi, nempe Redemptoris, seu mediatoris.

Prima igitur ratio supponit, nihil esse magis peccato præfertim mortali: quia letum, & mancipium facit hominem Sathanæ, excludit à summo Cœ-

lo, & includit in infimo loco: est autem originalis culpa mortale peccatum: cum priuet gratia, & cœlesti gloria, & proinde indignitatem habet connexam, qualem habet quodcunque mortale peccatum. Viceversa in puris creaturis nihil dignius Maternitate Dei, scilicet, quam esse Matrem Dei, & hominis illius, qui Diuino Verbo hypostaticè vnitus est; qui virtute vnionis adeptus est dignitatem, atque puritatem; vnde appellatur *Deus homo, agnus immaculatus, Pontifex innocens, & impolutus*. Ex his præsuppositis deducitur, Matrem Dei, & hominis Christi non potuisse contrahere peccatum originale; quis enim sibi persuadebit, summam vilitatem, & indignitatem peccati originalis in ea esse Virgine, quæ ab æterno destinata erat in Matrem Dei, quo titulo nihil est honorificentius, atque dignius; impunitas peccati originalis esse non poterat in ea Virgine, quæ futura erat Mater Agni immaculati.

- 153 *Secunda ratio præsupponit*, Christum mediatorem esse Dei, & hominum, qui vniuersam humanam naturam à morte peccati proprio sanguine redemerit. Iudè ita argumentatur *Scotus in 3. disp. 3. q. 1.* Si Christus est Redemptor, & Mediator, & alios non redemerit redemptione potissima, & optima; saltem circa aliquem debuit habere

optimum actum redemptionis, qui in hoc consistit, vt aliquis præseruetur à seruitute, scilicet à peccato. Si autem aliquis debet redimi redemptione præseruatua, haud dubie prærogatiua talis debetur Matri suæ; ergo redemit eam, non liberando eam à peccato originali iam contracto, sed contrahendo. Optimum redemptionis modum non esse Christo negandum, res per se clamat. Optimum autem redemptionis modum in præseruatione à peccato originali esse positum, suadetur in primis relatione facta ad Deum, cui redemptus per redemptionem conciliatur: nam ille Redemptor, qui impedit, nè Deus offendatur, rem magis gratam facit Deo, quam si eum, qui iam in peccatum inciderat, reducat ad Deum.

- 154 *Idem probatur* relatione facta ad malum, à quo Redemptor liberat: est autem peccatum originale summum malum, & qui impedit, nè tale malum adueniat, multo melius facit, quàm si malum tollat, cum aduenerit. *Idem probatur* ex obligatione, qua tenetur is, qui per præseruationem redimitur. Vt enim in adultis melius est non peccasse, quam per penitentiam à peccato commisso resiliire; ita in paruulis excellentius est, præseruari à peccato originali, quam ab eo liberari, postquam contractum est. Hinc colligimus, Christi.

Christum non esse propriè Redemptorem, si non habuerit optimum modum redimendi; & cum impium sit hoc de Christo sentire; verum est, illum esse

Redemptorem Virginis, sicut & bonorū Angelorum per præservationem à peccato originali, & quocumque alio.

PROPOSITIO DECIMANONA.

Proponuntur, & solvuntur argumenta in contrariam.

155 **Q**ui tollunt à Virgine debitum habendi iustitiæ originalis donum, eo quod Virgo, ut naturale solum, non autem ut morale Caput agnovit Adamum, in cuius pacto, quod secum Deus inierat de exhibenda originali iustitia, clausa non fuit, imò fuit exclusa per antequertens decretum, quod Deus ipse ante calum Adami pro Virgine servanda, sanciverat; facile docent, eam originalem non contraxisse labem. Nulla siquidem fingi potest originalis macula, ubi nulla carentia reperitur iustitiæ originalis, & ubi nulum est debitum habendi eiusdem iustitiæ donum.

Qui tandem oppositum docent; scilicet, purissimam Christi Domini Mariam habuisse debitum habendi huiusmodi originalis iustitiæ donum; quia naturalis Adam propago, verius, & sincerius eam liberant à præfata originis labe: nam in puncto

Conceptionis, quando inimica, & iniusta propter carentiam originalis iustitiæ debebat esse formaliter, formaliter in actu iusta, & consequenter amica, fuit Sanctissima Virgo, vel per exhibitionem soli gratiæ sanctificantis, quæ longè nobilior, altiorque erat originis iustitiæ forma, infusionem originalis iustitiæ concomitante simul habitu charitatis, & gratiæ. Hæc dixi, quia dubius est Scotus, an Beatissima Virgo, imò verò Christus ipse habuerit reuera originalis iustitiæ donum? Quod, & ego libenter affirmo: nam si tantam tranquillitatem uterque in potentijs habuit, ut sine ulla tristitia à proprio delectabili, illas cum gaudio traxerit, quod per habitum sanctificantem præstare non potuisset; signum non leve est, obtinuisse utrumque originalis iustitiæ donum.

156 *Ceterum multum videtur difficile ex sententia Scoti deduce*

H h 2 re,

re, qua ratione purissima Virgo præseruata fuerit dependenter à Christo, cuiusque senserit redemptionis effectum. Nam in 3. d. 19. q. unica, §. in ista questione, &c. assignans ordinem Redēptionis humanæ in mente Diuina, docet, quod Deus in quarto signo præuidit prædestinatos, & reprobos casuros in Adam, & in quinto signo præordinauit remedium; ergo Beatissima Virgo peccatum originale contraxit, si Deus eam simul cum alijs uiderit casuram in Adam, vel si non præuidit, non apparet, quomodo ad sui præseruationem, Passionis Dominicæ senserit ipsa remedium in quinto signo præscriptum.

Quidam Doctissimus Magister dicebat, quod Christus non solum per opera pœnalia, sed per conuenientes etiam, & delectabiles actus meruit absque dubio, quo sit, ut permittens, & præuidens Deus in quinto signo, cunctos casuros in Adam, Virginem tunc à communi casu præseruare decreuerit Christi Domini meritorum intuitu; non eorum, quæ per prædictos actus cumulaturos fuisset, sed eorum duntaxat, quorū valore ad gloriā, ad gratiā, & Maternitatem Diuinam antecederet ad omnem præuisionem peccati ordinauerat, & elegerat ipsam, quæque futura fuissent in statu innocentie, si retisset Adamus, & quæ tandem eadem prorsus

numero in hac lachrymarum valle Christus exercuit. Vnde lucidè fit, Marianam præseruationem esse dependentem à Christo.

157 *Fateor meam tarditatem, non enim adhuc percipere possum, quomodo ea difficultas, quæ omnes prædestinatos perstringit, ad Virginis præseruationem tantummodo torqueatur. Cōmunis animi concessio testis apud Scotistas, quod sanctorum prædestinatio, quæ massam perditionis præcedit, ut rectè monuit Scotus, ubi supra, & in primo d. 41. q. unica sub A. non dependet à meritis Christi præuicis, quæ post Prædestinationem in remediū, & medicinam à Deo propter Adam, & totius posteritatis peccatum præordinata fuerunt. Tantum ergo abest, ut contra Virginem solam, Scoticū istud assertum quispiam arripere possit. Longè probabiliter igitur possumus respondere, quod sanctorum prædestinatio tam ad gloriā, quam ad gratiam, nullatenus pendet à Christi Domini passione, quæ: quia ut medicina contra lapsum, à Deo præordinata fuerat, necessariò casum ab eadem prædestinatione debebat supponere, ut Scotus ipse disertè cōcludit in loco citato tertij sententiarum.*

Quo fit, ut nullus electus in actu signato, quantum ad Prædestinationem à Christo dependeat; secus verò in actu exerci-

to: nunquàm enim gloria, vel gratia consummata alicui exhibita fuisset, vel offensa remissa, nisi Christi Domini passio, ut meritoria causa concurreret. Profuit etiam quantum ad collationem primæ gratiæ, quantum ad gratiam penitentialem, & quantum ad ianuæ apertionem; sicut enim nunquàm remotum fuisset obstaculum pro Cælorum ingressu, nisi Christus Dominus reuera passus fuisset, sic etiam nulli de facto prima, vel pœnitentialis gratia, à qua incipit iustificationis exordium, foret, nisi intuitu Dominicæ passionis exhibitæ, vel præiustæ.

158 Non possum non proponere oculis Lectorum explicitum Scoti exemplum, quantum ad quinque, quæ specialiter Christi Domini passio humano generi meruit. Exordiamur à primo: habet namque Doctor in 3. d. 19. §. in ista questione, &c. hæc sequentia verba: *In quinto præordinavit, siue præiudicavit de remedio, quomodo redimerentur per passionem filii, ita quod Christus in carne, sicut & omnes electi prius prævidebantur, & prædestinabantur ad gratiam, & gloriam, quam prævideretur passio Christi, ut medicina contra lapsum; sicut Medicus prius vult sanitatem hominis, quam ordinat de medicina ad sanandum. Sicut autem prius prædestinantur electi, quam passio Christi prævideatur, ut remedium, contra lapsum eorum;*

ita tota Trinitas prius præordinavit prædestinatos, & electos ad gratiam, & gloriam finalem, quantum ad efficaciam, quam præviderit Christi passionem, tanquam medicinam acceptandam pro electis cadentibus in Adam, prius prædestinatis ad gloriam finalem; & sicut Verbum præiudicavit passionem, Patri offerendam pro prædestinatis, & electis, & sic eam efficaciter obtulit in effectu, ita tota Trinitas pro eis passionem efficaciter accepit, & pro nullis alijs fuit efficaciter oblata, nec ab æterno acceptata, & ideo tantum meruit eis primam gratiam ordinantem ad gloriam consummatam; hoc quantum ad efficaciam meriti. Hæc tamen Scotus. Cuius verbis bene pensatis, latius pater, electos non pendere à Christi Domini passione quantum ad prædestinationem primariam in actu signato, sed solum in actu exercito, quod nimirum nullus unquam ad consummatam gloriam perveniret, nisi per causam meritoriam, seu per Christi Domini passionem à Deo, tanquam remedium contra lapsum, ordinatam.

159 Secundum, quod nempe Dominica Passio exhibitæ, vel præiustæ, causa meritoria fuerit remissionis offensa, docet Scotus ibidem sub E, dicens, quod omnes Patres prius natura erant prædestinati, quam Passio Christi esset præiustæ. Voluit enim Deus prius omnes electos habere gratiam, & gloriam, quam præiudicavit eos

causa-

246 Disputatio VI. De Peccato Originali

cafuros, & prius lapsuros, quàm præordinauerit medicinam contra lapsum; & ideo passio, ut præuisa post præuisionem lapsus, potuit esse ratio remittendi offensam, & conferendi gratiam reconciliantem, non autem potuit esse ratio prædestinationis.

Tertium ponit Scotus sub l. C. dicens. Sed quid, & quibus meruit? Dico, quod Christus meruit omnibus, qui primam gratiam accipiunt, collationem illius; ita quod ibi non cooperatur voluntas nostra nisi in adultis baptizatis, ubi requiritur aliqua bona dispositio voluntatis, & hoc fuit potissimum in merito suo, quod meruit non coniunctos coniungi. Quartum scribit ibidem. Sed quantum (inquit) ad gratiam penitentialem, post lapsum in mortale actuale, licet meritum Christi sit principale in merendo, & totalis causa de condigno, tamen requiritur ibi aliquid à parte recipientis gratiam, & contritio, & compunctio de peccato de congruo. Quintum explicat in eodem loco. Similiter dico, quod Christus meruit nobis, ut totalis causa aperitionem Ianue Paradisi, ut omnibus in gratiam decedentibus aperiretur, nec ad remotionem huius obstaculi intrandi, cooperamur ei, siue illud obstaculum fuit originale peccatum, siue actuale.

160 His prolixius, sed necessario productis, clarissime apparet, quod præter quartum, cuius non indiguit Virgo, in omnibus præmissis fauoribus, aequalis fuit

cæteris electis, vel prædestinatis, sicut, & consequenter æquabilis in pendendo à Christi Domini passione. Vnum est tantum, & peculiare, in quo Beatissima Virgo à cæteris discriminatur electis, quod videlicet in eo puncto, seu in quarto signo, in quo vidit Deus cafuros in Adā, vidit etiam cafuram Mariam; non autem sic, Deo ordinante, de facto cecidit, sicut eodem Deo permittente, de facto ceciderunt omnes electi; igitur eo modo debebat sibi remedium applicari, quomodo erat eius infirmitas; at verò Mariæ infirmitas, vel casus non fuit in actu, sed in potentia solum: ergo remedium contra lapsum debuit esse potentiale solummodo. Unde demum fit, ut Christi Domini passio, verè remedium, & medicina potentialis fuit Mariæ casus in potentia solum, seu præseruatiua, ut aiunt, non autem subleuatiua, non quia cecidit, sed quia cafura fuisset, nisi à Deo præseruante intuitu Domini Passionis fuisset prærecepta. Pendet igitur Beatissima Virgo à Christi Domini passione specialius, & nobilius, quàm alij prædestinati, quia ratio fuit, & causa, ipsam præseruandi à labe, in quam naturaliter cafura fuisset.

Hunc dicendi modum post Scotum in 3. dist. 3. q. 1. præclarè docuit Cardinalis Cusanus lib. 8. nec indiget (inquit) libera-

toræ

tore à servitute, in qua nunquam fuit: Præliberatore enim Virgo Sancta habuit, ceteri liberatorem, & postliberatorem.

161. Primum igitur argumentum desumitur ex varijs locis Sancti Pauli, in quibus soli Christo tribuitur eximia sanctitas, nulli concessa creatura. Hinc Lucæ 1. nu. 35. *Quod nascetur ex te sanctum, vocabitur filius, &c.* natiuitas autem hæc, conceptio Christi est, vt interpretatur ipsemet Angelus, dum Iosepho apud Matt. 1. nu. 20, ita loquitur: *quod in ea natum est, de Spiritu sancto est*, vbi Christus dicitur natus; cum adhuc in materno esset utero; & prima Petri 1. n. 19. *Quasi agni immaculati Christi, & incontaminati*. Hinc ita argumentantur. Privilegium soli Christo concessum, non debet extendi ad Matrem: sed Immaculata Conceptio soli Christo conceditur; ergo non debet tribui Virgini.

Ad maiorem respondetur, illam esse distinguendam; vel de privilegio secundum se sumpto, vel secundum modum habendi huiusmodi privilegium; estque maior neganda, & falsa primo modo, quamvis, vt vera concedatur secundo modo. Distinctio huius veritas patet ex eo, quod Christus omnia, quæ ei sunt à Patre tradita, aut omnibus, aut multis fidelibus concesserit. Christus est lux, hoc ipsum dedit Apostolis Matt. 5. nu.

15. *Vos estis lux mundi*: Christus est Ecclesiæ petra, hoc ipsum, concessit Petro, Matt. 16. nu. 18. *Tu es Petrus, & super hanc petram, &c.* & sic de reliquis. Gaudent certe isti privilegio lucis, & petræ; sed non eo modo, quo Christus; nam ista duo sunt in Christo eminentialiter, in alijs autem ministerialiter. Ad minorem respondemus absolute loquendo, Immaculatam Conceptionem non soli tribui Christo, sed dumtaxat secundum modum, qui modus in hoc consistit, vt Christus liber fuerit non solum ab actuali macula originalis peccati, sed etiam à debito contrahendi eam, & liber fuit à peccato vi suæ conceptionis, quæ non fuit per rationem seminalem; Deipara autem Virgo in valde probabili sententia liberata fuit à debito, nec ex vi suæ conceptionis immunis fuit à peccato originali, cum ex semine originem traxerit. Hinc colligitur falsitas conclusionis; dicimusque, quod quemadmodum Deus dicitur solus Sanctus, & tamen non excluduntur alij à sanctitate, nisi secundum modum habendi eam, ita quamvis Christus diceretur solus Sanctus, & solus in conceptione immaculatus, non tamen excludi deberet Virgo Sanctissima, quia alio modo habet suam sanctitatem.

162. Secundum argumentum desumitur ex illis locis, in quibus dicitur,

citur, omnes in Adamo peccasse: Romanorum 5. u. 12. *Per unū hominem peccatum in hunc mundū intravit. & per peccatum mors, & ita in omnes homines mors pertransiit, in quo omnes peccaverunt.* Unde ita argumentantur. Omnes in Adamo peccaverunt, scilicet contraxerunt peccatum originale: ergo etiam Virgo in Adam peccavit, & contraxit peccatum originale.

Multiplex est huius argumenti solutio. Prima, secundum Spiritus sancti mentem, qui hæc verba Apostolo dictant, non includitur in illa Sanctissima Virgo, ut ipsemet Spiritus sanctus docet, per Ecclesiam interpretem, ut videre est in *Concilio Tridentino sess. 5.* ubi monet Sancta Synodus, dictante Spiritu sancto, in huiusmodi verbis non includi Sanctissimam Virginem: & certe, si in illis verbis includeretur Virgo, teneremur ex fide credere, eam esse in peccato conceptam, sicut ex fide credimus, omnes alios homines in peccato concipi; sed ipsi Aduersarii concedunt non esse de fide: ergo hæc verba non sunt de Virgine intelligenda.

163 *Secunda responsio est,* quod in illis verbis includitur Virgo quantum ad debitum contrahendi peccatum, sed non quantum ad actuale culpam: & quamvis debitum non sit verè peccatum, tamen eodem sensu dicitur peccatum, quo ab Apo-

stolo concupiscentia dicitur peccatum, non quod verè sit peccatum, sed quia ducit ad peccatum, nisi prohibeat superueniens gratiasita debitum, quamquam reuera peccatum non sit, quia non habet formalem rationem peccati, tamen peccatum dici potest, quia est immediata dispositio ad peccatum, quod succederet, nisi superueniente gratia, prohiberetur. Ita in Adamo peccavit Maria contrahendo debitum, sed in Adamo non peccavit contrahendo peccatum originale, quia præuenit ei à superueniente gratia.

Tertia solutio est, excludi ab illa propositione vniuersali, & Christum, & Mariam: Christum quidem, quia nec purus homo, nec secundum consuetam generationem conceptus; Mariam per præseruationem factam. Nō est nouum in sacra Pagina, propositiones vniuersales, non semper vniuersaliter esse intelligendas, ut vim dicitur, omnis homo mendax, &c. ut describeretur vniuersus Orbis, &c.

164 *Quarta solutio erit,* Supponendo, Adamum propria peccasse voluntate, & peccatum suum fuisse illi personale, hoc verò peccatum, nobis esse commune, propter quod eramus omnes in illius voluntate; non quidem actū, & formaliter, sed virtualiter, & moraliter, & peccatum nostrum non consistere simpliciter in illo actu voluntatis,

ris, quo peccauerit Adam, aut in existentia morali, secundum quam in eo eramus; sed oportet, nos postmodum aliquando fore, & existere realiter; quod posterius, si non fuerit id, quod prius est, non habet rationem peccati. Unde, cum non solum futuri aliquando homines, sed etiam possibiles, scilicet, qui nascerentur, si Deus vellet, in Adami voluntate tunc essent; (non enim homines possibiles in Adamo peccauerunt, sed soli aliquando futuri) qui tamen non dicuntur peccauisse, quatenus aliquando futuri erant; sed quia mittebantur esse in peccato originali; at non est permissa Virgo cadere in peccatum originale, ergo non peccauit in primo Parente. Verum, quia erat in Adami voluntate, tanquam in peccati radice, potest abusuè & improprie dici peccauisse in Adamo, ita tamen, ut nunquam habuerit peccatum originale formaliter.

165 *Tertium argumentum desumitur ex illis locis, in quibus dicitur Christus Redemptor omnium. Prima ad Timotheum 2. n. 6. Dedit redemptionem semetipsum pro omnibus, &c. Et prima Ioannis 2. n. 2. Ipse est propitiatio pro peccatis nostris, non pro nostris autem tantum, sed etiam pro totius mundi. Quare ita arguunt. Christus est Redemptor Virginis, non minus, quam aliorum: sed Redemptio supponit in re-*

dempto peccatum originale: ergo fuit Virgo in peccato. *Concedenda est maior; imò addimus, nobiliori quoddam modo Christum redemisse matrem suam, quam reliquos, & magis fuit illa redempta, quam reliqui. Distinguenda tamen est minor: nam redemptio supponit in redempto peccatum, aut actum existens, & iam contractum; aut non existens, sed contrahendum. Ad conclusionem respondemus, Virginem habuisse peccatum, non contractum, & existens, sed contrahendum: hinc dicimus, illam redemptam non per liberationem à culpa, sed per preservationem ab illa; quomodo cecinit David Psal. 85. nu. 13. Eruiisti animam meam ex inferno inferiori. Certum est, David nunquam illò descendisse: eductus ergo est preservatiue: quia cecidisset, nisi preservatus fuisset.*

166 *Quartum argumentum. Virgo in primo instanti suæ naturæ fuit filia Adæ, & sine iustitia originali, aut alia æquivalente gratia: cum debito habendi maculam originale: sed in hoc consistit peccatum originale: ergo in primo instanti naturæ sui esse Virgo fuit iniusta, & in peccato originali. Corroboratur maior: quia oportet prius rem esse, quam habere preservantem illam gratiam, quæ ipsam possit à peccato liberare.*

Duplicem damus ad hoc argu-
 II men-

mentum solutionem. Prima: ad maiorem respondemus, illam prioritatem non esse sumendam secundum ordinem durationis, quasi oportuerit in aliquo instanti, Virginem esse, & non habere gratiam; sed hæc prioritas est magis secundum nostrum modum concipiendi, qui sequitur ordinem longè diuersum ab ordine durationis, quomodo dicitur materia esse prior formæ, & subiectum prius accidente; non quòd in aliquo instanti præcesserit materia formam, aut subiectum accidens. Hac distinctione vtuntur Theologi in materia de Creatione mundi, dum disputant *utrum mundus potuerit esse ab eterno?* Nam si affirmatiuam tenentibus partem obijciatur, prius oportet rem non esse, quàm esse: ergo mundus debuit prius habere non esse, quàm esse, & ita non potuit esse ab æterno. Respondent distinguendo antecedens, & illud dicunt esse verum de prioritare secundum ordinem naturæ, falsum autem de prioritare durationis. Ita in præsentiarum dicimus, Virginem in primo instanti sui esse, prius fuisse, quàm habuisse, ita vt hæc prioritas nullum importet durationem, nec momentaneam, quidem, sed dumtaxat secundum ordinem naturæ, quem etiã seruant inter se Genus, Species, & indiuiduum. Ad minorem respondemus, in hoc solo non consistere peccatum originale; re-

quiritur vltra, vt carentia iustitiæ insit animæ secundum prioritatem durationis; & hinc fallitas nascitur Conclusionis,

167 *Secunda solutio*: sumatur etiã illud instans secundum durationem temporis. Respondemus ad maiorem, Virginem in illo instanti priori non minùs esse, capacem peccati, quàm gratiæ; cùm nec capax sit peccati, quod antecedit actualem culpam originale: siquidem in illo primo instanti habet anima tantum esse, & nihil aliud habet in se. Hinc dicitur esse in puris naturalibus, hoc est, nihil habens boni, aut mali moralis; imò nihil aduentitium suæ naturæ; ac proinde Virgo Maria in illo instanti non fuit iusta, aut iniusta; deficit quæ illa maior ex defectu sufficientis enumerationis; datur enim inter peccatum, & iusticiam status medius, dictus in puris naturalibus.

168 *Quintum argumentum*. Beata Virgo baptizata est baptismo Christi Domini: ergo contraxit peccatum originale; imò Beatam Virginem Mariam obligatam fuisse præcepto Baptismi, de quo Ioannes 3. n. 3. *Nisi quis renatus fuerit, &c.* docet Vasquez cum alijs Authoribus. Consequentia probatur: quia persona non habens peccatum originale, non est capax Sacramenti Baptismi, cuius institutio fuit ad delendum originale. Vnde *Concilium Tridentinum sessione 5, can-*

damnans illos, qui negarēt par-
tulos ex Adam trahere origi-
nale peccatum, quod per Bap-
tismum necesse sit expiari ad
consequendam vitam æternam,
ait: *Vnde fit consequens, ut in eis
forma Baptismatis in remissione
peccatorum non vera, sed falsa in-
telligatur, &c.* Sentit ergo Con-
cilium non posse verum Baptis-
mum suscipi ab eo, qui non ha-
bet peccatum originale.

- 169 *Virgetur argumentum ex D.
Augustino tomo 7. lib. 1. de pec-
catorum meritis cap. 18. ubi agens
de Baptismo infantum: Si nulla
(inquit) originalis peccati agri-
tudine sauciati sunt, quomodo ad Me-
dicum salutis æternæ, suorum cur-
rentium pro timore portantur, &
non eis in Ecclesia dicitur: auferte
hinc innocentes istos; non est opus
sanus medicus, sed male habentibus;
non venit Christus vocare iustos, sed
peccatores; nunquam dictum est,
nunquam dicitur, nunquam omni-
nò dicitur in Ecclesia Christi tale
documentum. Hæc Augustinus.
Ecce quomodo Sanctus Pater
ex eo, quod debeant baptizari
infantes, colligit contra hæreti-
cos originale peccatum, & ali-
ter negat, eos fore baptizandos.
Confirmatur: quia forma Baptis-
mi est: Ego te baptizo, &c. sed
verbum baptizo significat spiri-
talem ablutionem: ergo si Bea-
ta Virgo non habuisset peccatū
originale, non potuisset baptiza-
ri. Patet consequentia, quia non
est capax ablutionis persona,*

qua nullam maculam cōtraxit:
Cum ergo Beata Maria nullam
maculam peccati actualis ha-
buerit; si ab originali quoque
allatur immunis, nihil manebit,
supra quod cadat Baptismatis
ablutio.

- 170 *Concesso antecedenti, negatur
consequentia; ad probationem
dico, institutionem Baptismi es-
se ad delendum peccatum origi-
nale in lege gratiæ; sed non
esse solum illū effectū illius. Cō-
fert enim gratiam sanctifican-
tem, imprimit characterem, ,
constituit hominem visibiliber
intrā Ecclesiam, cuius Ianua est
hoc Sacramentum, disponit quē
ad cetera recipiendā. Propter
hos fines, & ad huiusmodi effe-
ctus consequendos, potuit Bea-
ta Maria recipere Baptismum, ,
etsi peccatum originale non cō-
traxerit, nec illi fuerit subiecta,
proprie loquendo. Et quidem
ex eo, quod Beata Virgo non
contraxerit originale, non bene
infertur, eam non fuisse baptiza-
tam: quippe certum est, multos,
cum ad Baptismum accesserūt,
iam fuisse antea consecutos re-
missionem culpæ originalis; nam
in exordio nascentis Ecclesiæ,
omnes, qui ex Iudaismo con-
uertebantur, Baptismum susci-
piebant, ut conitat ex Actibus
Apostolorum; & tamen illi in
Circumcisione iam obtinuerūt
remissionem originalis: ergo
Beata Virgo recte potuit bap-
tizari, quantumvis non habue-*

rit originale, quod in Baptismo tolleretur.

- 171 *Replicabis.* Illos, qui in exordio Ecclesie baptizabantur, fuisse quidem consecutos remissionem culpæ originalis ante Baptismum in Circumcisione, aut aliquo alio modo, tamen id factum esse in Voto Baptismi, quem postea susceperunt; sicut nunc, si infidelis adultus ante realem susceptionem Baptismi eliceret actum contritionis, consequeretur quidem remissionem originalis, sed tamen in Voto Baptismi, quem propterea tenetur postea recipere; at Beata Virgo, si peccatum originale non habuisset, nunquam potuisset consequi remissionem illius in Voto Baptismi, & ideo nunquam baptizari.

Contrà, quia antequàm præceptum Baptismi obligaret, non erat Baptisma medium necessarium ad consequendam remissionem peccati originalis: cum omnino certum sit, nihil esse magis obligatorium, quàm quod exequi tenemur, tanquàm medium, sine quo non obtinebitur iustificatio, & æterna salus. *Hinc patet,* Baptismum minime fuisse necessarium necessitate mediæ ad remissionem peccati originalis, antequàm daretur præceptum illius, imò antequàm institueretur: ergo qui ante institutionem, vel præceptum Baptismi consequuti sunt in antiqua lege remissionem culpæ

originalis, non illam obtinuerunt in Voto Baptismi. Consequentia est clara: quia, ut constat ex communi consensu Doctorum, tunc dicitur, conferri gratiam, vel remissionem peccati in Voto alicuius Sacramenti, quando illud est medium per se institutum ad illum effectum; sed quando in lege veteri conferebatur gratia, & remittebatur peccatum originale, nòdum erat Baptismus institutus ad eum effectum: ergo gratia, & remissio originalis peccati non conferebantur in Voto Baptismi. *Tandem concludimus* remissionem peccati originalis, non ita esse effectum Baptismi, ut necessarium sit habuisse prius peccatum originale, ut notauimus supra.

- 172 *Sed quid dicemus* ad testimonia Tridentini, & Augustini? Fateor, bonâ esse difficultatem, sed facilliter soluitur. Supponit enim, & merito quidem, formam Baptismi significare ablutionem spiritualein à peccatis, sub illo externo Ritu ablutionis corporalis, nò quia semper eam ablutionem conferat absolute, sed quia ex se, & sua institutione potest illam conferre, si necessaria sit. Si autem in infatibus nullum peccatum originale existeret, non esset institutus Baptismus ad eam ablutionem conferendam, foret enim institutio superflua, utpotè carens fine suo, & propterea rectè infert

Tri-

Tridentinum fore falsam formam Baptismi, ex eo quod generaliter loquendo non existeret in infantibus peccatum originale; quia eo ipso ea verba: *Ego te baptizo*, non significarent ablutionem spiritualem, quæ in eo consistit, quod detur gratia ordinata ad tollendum originale, si illud sit, ut communiter esse supponebatur. At verò posito, quod in originali, & absolute infantes, & alij habeant peccatum originale, vel illud habuerint, vera est absolute forma Baptismi significans illis cōferri in hoc Sacramēto gratiam, qua tolleretur hoc peccatum, si illud adhuc haberent, licet in multis in exordio Ecclesiæ non fuerit Baptismus sortitus hunc effectū, quia iam virtute alterius medij remissum erat. Et eodem modo, quamquā Beata Virgo originale non contraxerit, vera fuit forma Baptismi, quam suscepit; nam sensus illorum verborum: *Ego te baptizo*, fuit confere tibi gratiam, quæ potens esset auferre maculam originalis, sicut auferret ab alijs, licet, quia tu præservata fuisti, non sit hæc ablutio necessaria, &c.

173 *Sextum argumentum.* Beata Virgo mortua fuit corporaliter; sed huiusmodi mors est effectus originalis peccati; ergo Virgo Mater contraxit originale peccatum. *Concessa maiore, ne-*

gatur minor: quia mors adhuc est debitum naturæ, & maxime quia Deus noluit suspendere concursus primarum qualitatum ad invicem inter se pugnantium; & factum fuit hoc ex speciali Dei providentia, ut scilicet mater esset filio similis, qui ærumnas pati, & mortem subire dignatus est. Pulchrum est documentum D. Bernardi: *non decebat sub capite spinoso, membra esse delicata.*

Replicabis, quod ex scriptura, & Patribus habetur, per peccatum subintrasse mortem in mundum: ergo si Virgo mortua est, Virgo contraxit peccatum. *Brevi negotio* ab hac liberamur difficultate, si dicamus, Virginem Matrem minimè fuisse sub hac lege comprehensam. *Vel, si placet*, dicatur secundo, quod adductæ autoritates intelligendæ sunt de morte spinosa, seu pœnosa, qualis in Virgine Matre nequaquam fuit. Dicimus ergo Virginem Matrem solū mortuam fuisse, ut sic solveret naturæ debitum. Quæcumque ex his responsionibus detur, dicunt Doctores, per illas sufficientissime restare solutum propositum argumētum. *Ad abundantiorē* huius rei Doctrinam, & pleniorē intelligentiam huius veritatis, placeat tandem

Sanctorum Patrum placita adducere.

174 **A**Ntequàm ultimam imponamus manum huic assertioni, volo admonitos Lectores, quòd licet cum fundamento ab Aduersarijs adducatur D. Thomas pro sententia nobis aduersa; tamen Angelicus Doctor non fuit firmus assertor opinionis nobis còtrariæ: quippe alibi docet nostram sententiam. Vndè in primo sententiarum dist. 46. art. 13. ad tertium, & opusculo 8. tomo 18. in initio, ita scribit: *Ipsa enim purissima fuit quantum ad culpam; quia nec originale, nec mortale, nec veniale peccatum incurrit.* Sanctus Dominicus Sacri Prædicatorum Ordinis Patriarcha nostræ adhuc fuit sententiæ: etenim de Sacramento Eucharistiæ (ut ait Galatinus) ait: *Sicut primus Adam fuit ex terra immaculata formatus, ita deicit in secundo Adam fieri.* D. Bonaventura etiam in 3. dist. 1. q. 1. ait: *Non audeo reprehendere Sanctam Conceptionem, quia ut quidam dicunt, hac solemnitas celebrari cepit, non humana inuentione, sed Diuina reuelatione.* Salmeron in disp. 51. in fine, in hunc modum scribit: *Beatus Bonaventura propter mortem retractauit sententiam, ut dicitur, & idem fecit Alexander Alexiss.*

De D. Augustino est dubitatio,

quid senserit. Aliqui enim contendunt, esse asseueratorem peccati originalis in Maria; ait enim *de perfectione Iustitiæ cap. 11. Aliud est esse sine peccato, quod de solo in hac vita Vnigenito dictum est, aliud sine quærela.* Et lib. 4. còtra duas Epistolas Pelagianorum cap. 4. agens de morte sine culpa, ait: *quòd de vno solo Mediatore Dei, & hominum, homine Christo Iesu, Catholica fides nouit, qui pro nobis mortem, hoc est peccati pœnam, sine peccato subire dignatus est.* Et lib. 1. de peccatorum meritis, & remissione cap. 29. de Domino ait: *solus sine peccato natus est.* Et lib. 2. cap. 28. *solus ergo ille etiam homo factus est manens Deus, peccatum nullum habuit unquàm.* De mente tamen Augustini probat Salmeron ad Rom. 5. disp. 51. Augustinum nil contrà Immaculatam Virginis Còceptionem concepissee. Agebat contrà Pelagianos negantes originale, & ideò docet, omnes, excepto Christo, nasci in peccato originali.

175 *Quare dico, D. Augustinum, Sacram Virginem mundam ab originali asseruisse illis aureis verbis lib. de Natura, & gratia contrà Pelagianos cap. 36. excepta itaque Sancta Virgine Maria, de qua propter honorem Domini, nullam*

lam prorsus; cum de peccatis agitur, habere volo questionem. Inde enim scimus quod ei plura gratia collatum fuerit, ad vincendum omni ex parte peccatum, quæ concipere, ac parere meruit eum, quem constat, nullum habuisse peccatum. Ita Augustinus, quem loqui non tantum de actuali peccato, sed etiam de originali, monstrant Caterinus opusculo de Immaculata Conceptione p. 1. cap. 5. Suarez tomo 2. in 3. p. disp. 3. sess. 5. Vasquez tomo 2. in tertiâ partem disp. 117. cap. 3. quia propter honorem Domini, ejus Mater, etiam à peccato originis est dicenda immunis, & inde tantam habuit gratiam, ut peccatum ex omni parte vinceret, & inde meruit, concipere, & parere Christum. Et quidem scimus, ait Augustinus, ut denotet (ut aduertit Salmeron) hunc debere esse sensum communem Catholicorum. Eadem Augustini sententia constat ex lib. 5. contra Iulianum cap. 15. Alij Doctores Ecclesiæ fauent etiam nostræ opinioni.

176 *Divus Ambrosius* quoque, dum de Beata Maria ad nostrum propositum loquitur, inquit, *hæc est virga, in qua nec nodus originalis nec cortex venialis culpa fuit.*

Vincenſius de Bandelis in suo Tractatu parte 2. ad undecimam rationem, multa dicit, ut hoc Ambrosianum testimonium infirmet. In primis dubitat, an ista sint verba Ambrosij? Et dubitat,

quia in operibus illius non inveniuntur. Secundo idem Bandellus dicit, se legisse illa verba apud vnum Doctorem, & esse ista: *Hæc est Virga Iesse, quæ licet in Conceptione originalis peccati amaritudinem contraxerit, rore postmodum Divine gratiæ superueniente, fructum suavissimum protulit, quia sua dulcedine inebriavit.* Tertio respondet, sensum illorum verborum esse, post sanctificationem, seu ablationem ipsius peccati originalis, nullum fuisse in Beata Maria peccatum mortale actuale, quod quidem appellari potest nodus culpæ originalis, sicut nec fuit peccatum veniale, quod cortex potest nuncupari. Quarto respondet, nomine nodi originalis appellari actualem concupiscentiam, & nomine Corticis, significari fomitem peccati; Virgo autem nunquam actualem concupiscentiam habuit; fomitem verò post Incarnationem filij, Deus abstulit ab ea.

177 *Frivola responsio.* Prima errat: nam est testimonium illud modò non reperiatur inter opera Sancti Ambrosij, tamen credi debet, vel perijisse Tractatum, unde desumptum est tale testimonium: nam ipse lib. 2. in Lucam testatur, se scripsisse Commentarios super Isaiam, qui tamen modò non extant. Quod autem credendum omnino sit, hæc verba esse Sancti Ambrosij. Probatur primò: quia in Breuiario

256 Disputatio VI. De Peccato Originali

miario Romano edito Lugduni anno 1544. cum privilegio summi Pontificis, & Regis Galliarum, in 3. lectione off. ij. Conceptionis assertur hoc testimonium, tanquam à Sæcto Ambrosio prolatum. *Accedit*, quod nos Franciscani in officio approbato à Pio Quinto asserimus idem testimonium in Antiphonis secundarum Vesperarum: ergo, cum ex Breuarijs soleat desumi argumentum pro veritate, verisimile est, alicubi in Sancti Ambrosij scriptis hoc testimonium haberi. *Ad secundam responsionem* facile occurrimus, negando lectionem ipsius; cum nostra reperitur in Breuiario. *Tertia responsio* non facit ad rem: nam non facerent illa verba legitimum sensum, nisi significarent, in Beata Virgine non fuisse culpam originalem. Cur enim peccatum mortale actuale appellabitur nodus peccati originalis? *Quarta* denique responsio restat expulsa ex dictis: impropria quippe foret locutio Ambrosij, si concupiscentiam appellaret nodum peccati originalis: nodus enim est proprius Virgæ, non autem peccati. *Cetera*, quæ desiderantur de D. Ambrosio, legantur apud Doctores.

178 Audiamus iam alterum Doctorem, Sanctum Hieronymum. In Breuiario Hispalensi in festo Conceptionis, lectione 1. secundæ diei, legitur ex D. Hieronymo: *quidquid in Maria gestum est,*

totum puritas, totum veritas, totum gratia fuit, &c.

Bandellus explicat de præferuatione à solo peccato actuali. Errat tamen: nam si originale contraxisset, non quidquid in ea gestum est, fuisset gratia, & puritas: verè enim culpa originalis impuritas est, & multò magis contraria gratiæ, quàm peccatum veniale. Deindè in sermone eiusdem Sancti Patris, qui recitatur apud nos in secundo nocturno, approbato pro nobis, & monialibus in honorem Immaculatæ Cœceptionis à Pio Quinto vigesima quinta Maii anno 1569. hæc verba habentur: *Non immeritò venire de Libano iubetur; quia Libanus candidatio interpretatur; erat enim candida (supple Maria) multis meritorum virtutibus, & dealbata nunc candidior, &c. & idè Immaculata, quia in nullo corrupta, &c.* Nunc dico. Si originale contraxisset, in aliquo corrupta esset, nimirum in culpa, quæ spiritalis animæ corruptio est, & principium totius corruptionis.

179 *Accedat iam Sanctus Gregorius.* Hic in caput primum sui libri primi in libros Regum, declarans illud Isaia 2. nu. 2. *Erit in novissimis diebus preparatus mons domus Domini in vertice montium.* Eggregias Beatæ Mariæ laudes scribens dicit, eam hoc monte significari: *Mons quippe* (inquit) *in vertice montium fuit, quia altitudo Mariæ supra omnes Sanctos resul-*

refulfit. Et paulò superius inquit: an non mons sublimis Maria, quæ, ut ad Conceptionem Aeterni Verbi pertingeret, meritum verticem supra omnes Angelorum Cebros, usque ad solium Deitatis erexit. His in verbis non parùm fauet Sanctus Doctor Immaculatæ Mariæ Conceptioni. *Primò*, quia de Sancto Ioanne Baptista nonnulli Authores affirmant, nec venialiter quidem peccasse. Vndè, ut Maria in hoc genere super illum resulet, præservari debuit etiam ab originali. *Secundò*, quia Angelos puritate excessit. Vndè, cum illi nullum habuerint peccatum, & creati sint in gratia, ita dicendum de Virgine Maria. *Tertio*, quia ad solium Deitatis erexisse merita, significare videtur æqualitatem ad Christum Dominum habuisse, non absolutam, & in omnibus, sed in eo, quod, sicut Christus Dominus nullum peccatū habuit, ita nec Sanctissima eius Mater, quamvis ille per naturam, ista per gratiam, seu ex privilegio. Si vellemus notare Patres nostræ fauentes propositio, ni, non sufficeret Charta, legantur ergo apud scribentes de hac materia.

180 Summos Pontifices valdè inclinare ad nostram propositionem, patet de Sixto Quarto, de quo supra n. 139. mentionem fecimus. Adde Iulium Secundū, qui in institutione, & approbatione ordinis religiosarum Monialium

Immaculatæ Conceptionis, in capite quarto suæ Regulæ, sic habet: pallium sit Hyacinthini coloris propter mysticam significationem, quia scilicet Gloriosa Virginis anima à creatione sua, tota Sancta fuit, Cælestis, & singularis æterni Regis Thalamus. Videatur noster Aretinus in 3. dist. 3. Cum ergo Pontifex Religionem approbaverit, cuius Regula profitetur, caruisse Virginem originali, verè videtur, Summum Pontificem esse pro Immaculata Cōceptione Virginis Matris. Leo Decimus concessit Indulgentiam plenariam dicentibus, vel audientibus Missam Conceptionis, & ibi orantibus, & pro Ecclesia vniuersali. Sic habetur in Compendio Minorum, Sic etiā refertur in compendio privilegiorum, & gratiarum Societatis Iesu; Verbo Indulgentia. Pius Papa Quintus viux vocis oraculo concessit nobis speciale officiū Conceptionis, in quo asseritur, Beatam Mariam fuisse immunem, & illud approbavit; nec solum recitatur à nobis in die Conceptionis, sed etiam in singulis sabbatis, non impeditis officio nouem lectionum. Certe id totum indicat peculiaris Summorum Pontificum premissio in nostram propositionem; & maximè Alexandri Septimi nunc regnantis (cui longa numerare tempora vitæ, plusquam Nestor, Deus concedat) qui ad hoc in Bulla Typis data

258 Disputatio VI. De Peccato Originali

anno 1661. die 11. mensis Decembris innouat Constitutiones, & Decreta in fauorem nostræ sententiæ edita, scilicet quod anima Beatæ Mariæ Virginis in primo instanti suæ creationis, & in corpore infusionis à peccato originali, præueniente Spiritus sancti gratia, præseruata fuit. Et quod ipse Summus Pontifex pro nostra sit sententia; haud tantum ex Decretorum innouatione colligendum est, verum & ex penis, quas ipso facto absque ulla alia declaratione vult, aliter sentientes incurrere; & ex librorum prohibitionem, &c. Legatur prædicta Bulla, quæ satis quidem Immaculatæ Conceptioni Virginis fauentibus adest.

181 *Concludo ergo, Beatam Mariam in primo instanti suæ for-*

mationis verè non incurrisse, maculam originalem; quinimo dono innocentia fuisse tunc cōdecorata. Innocentiam duobus modis sumi, suppono; vna quippe est negatiua, altera positiua, Innocentia negatiua est immunitas à peccato, & nil ampliùs dicit; hinc, si Deus hominem, crearet in puris naturalibus absque villo dono gratiæ, diceretur habere innocentiam negatiuam. Positiuam innocentiam, illam appello, quæ vltra immunitatem à peccato, importat gratiā inharētem, qua formaliter quis dicitur iustus, innocens, & amicus Dei. Et hac vltima innocentia cōdecorata fuit anima Beatæ Virginis à primo puncto sui esse. Pro complemento totius difficultatis restat examinanda hæc alia

D I F F I C V L T A S.

Vtrum Beata Maria in Adamo peccauerit, & incurreret debitum contrahendi peccatum originale.

182 **M**oneo primò, idem esse peccare in Adamo, atque habere debitum, & necessitatem contrahendi peccatum ex Adam: quia peccare in Adam tantum est, posteritatem Adamiratione peccati ipsius, fieri debitorum, & adstrictam ad cō-

trahendum peccatum originis. Peccatum enim in Adam, non est re ipsa, contrahere in se ipso proprium peccatum: nam si Deus, postquam Petrus peccauit in Adam, statuisset dare illi gratiam in instanti Conceptionis, illumque præuenire, & liberare

rare à lapsu in peccatum originale; tunc Petrus peccasset in Adam, & tamen in se nō contraxisset peccatum: ergo peccare in Adam, idem est, atque habere debitum peccandi ex Adam derivandi inenitabiliter, nisi adsit præventio. *Noto secundò*: ut quis peccet in Adam, non sufficit contineri in ipso, tanquā in capite naturalitè quia sic omnis filius esset peccans in suo Patre, in quo tanquā in principio naturali continetur; sed requiruntur duo. Primum, ut eius voluntas sit constituta in voluntate Adami: peccatum enim debet esse voluntarium; unde, sicut nemo potest peccare in se, nisi voluntate existente in se; ita nemo potest peccare in Adam, nisi voluntate existente virtualiter in Adam. Secundum requisitum est, ut lex imposta Adæ se extendat ad illum, qui dicitur peccare in Adā: nam *ubi non est lex, nec prævaricatio*; ad Romanos 4. n. 15. His stantibus.

183 *Doctores omnes*, qui affirmarunt, Beatam Dei Genitricem conceptam fuisse in peccato originali, & consequenter, & potiori iure asseruerunt, eam in Adamo peccavisse, & ex vi suæ Conceptionis obnoxiam fuisse peccato, seu quod idem est, incurrisse debitum eam culpam contrahendi. *Ex Authoribus autem*, qui asserunt nobilitatem, Dei Genitricem fuisse à originali præservatam, non pauci dicunt,

eam nihilominus, in Adamo peccasse, & obnoxiam fuisse originali ex vi suæ Conceptionis. De Scoto dicam inferius n. 187. *Gerson Alphabeto* 15. *litera Q. reveritate decima. Corduba lib. 1. questionum* q. 44. *conclusionem* 5. *Belarminus* tomo 3. lib. 4. *de amissione gratiæ* cap. 16. *in principio, Suarez* 3. p. tomo 2. disp. 3. q. 2. *Vasquez* ibidem disp. 15. *Ghisleus in caput primum Cantica versu* 6. fol. 109. *columna* 2. *Cornelius Cornelij in illud Rom. 5. in quo omnes peccaverunt, Valentia*, & cum ipso multi alij docent, Beatam Mariam conceptam fuisse sub lege, & pacto inito à Deo cum Adamo de conservanda iustitia originali; & consequenter contineri debuisse sub pacto de eadem iustitia amittenda; ita ut si Adamus perderet, Virgo etiam amitteret, & consequenter peccaret.

184 *Ego tamen dico*: esse maximè probabilem sententiam docentem, Dei Genitricem non peccasse in Adamo; seu quod idem est, non incurrisse debitum contrahendi culpam originalem, absolute loquendo; ut n. 194. & sequentiis clarè ostendam. Sunt pro ista sententia, qui subsequuntur Doctores. Primò Nicolaus de Cusa Episcopus Brixienis, & postea Cardinalis creatus à Nicolao Quinto lib. 8. *exercitationum*, quæ habentur in tomo 2. operum illius, declarans illud Canticæ 2. n. 2. *Sicut lilium interspinas, &c. per.*

spicuo' nostram sententiam docet his verbis: non indiguit *Virgo liberatore*, qui ipsam absolueret à sententia in Adam, & posteros eius, ex voluptate carnis lata, cui nunquam subiaceret: nec indiguit liberatore à servitute, in qua nunquam fuit; praeliberatorem enim *Virgo Sancta* habuit, cateri liberatorem; sola electa *Dei Mater* hoc habet, quòd in initio essendi sub nequitia maligni deficere nequiiuit.

Secundò *Ambrosius Caterinus* in opusculo de Conceptione parte 1. cap. 1. §. priusquam verò, &c. & §. sequenti, clarissimè idem docuit. Audiantur ipsius verba: Nos gratiam, & merita filij eius *Iesu Christi* perspicientes contra asserimus; ita ut liberam illam (scilicet *Virginem Beatissimam*) ac liberatam ab ea lege omninò constituamus, dico liberam, quia Dominus non constituit Matrem sub illa lege; dico liberatam, quia nec includeretur, fauor fuit, prerogativa fuit, privilegium fuit.

385 Tertiò *Salmeron* in Caput quintum epistolae ad Rom. disp. 49. videtur idem sentire: nam pagina 117. columna 1. inquit: voluit *Christus Mariam* ab omni lege excipere, ne villo unquam tempore esset peccato subdita, & pagina 619. columna 2. inquit: non simpliciter fateamur *Mariam* fuisse peccato obnoxiam, sed ex se, & suapte natura: quasi diceret, foret *Virgo obnoxia* peccato, si Deus sua gratia illam à communi lege non excepisset. Quartò eandem doctri-

nam dilertè amplectuntur, *Frä. ciscus Turrianus* in Epistolae ad Iacobum Amutum, & noster *Angles* in floribus secundi sententiarum disp. 31. q. 1. de contractione peccati originalis appendice 6. Quintò *Canisius* lib. 5. de Deipara cap. 27. §. ad Thomam, refert ex Alberto Magno hæc verba: Hanc Sanctissimam *Virginem* solam à communi illa regula excipi: omnes in Adam peccaverunt. Sextò *Iustinianus* super Caput secundum prioris ad Thimoteum num. 6. ait esse valdè probabile, *Mariam* non peccasse in Adam, licet in cap. 11. ad Hebraeos pagina 631. dicat, obnoxiam fuisse culpe originali. Septimò *Cosmas Magalianus* in Caput secundum prioris ad Thimoteum sessione 6. annotatione 6. §. addo, &c. mihi videvi, ait, esse probabilem.

186 Octavò *Gregorius de Valentia* tomo 4. disp. 2. q. 1. p. 2. in solutione tertie obiectionis, non omninò improbat modum loquendi *Caterini*; & tomo 2. disp. 6. qu. 11. puncto 2. ad primum, putat probabile, & pium, *Virginem Mariam* exceptam fuisse à lege communi.

Nondò, *Basilius Ponce* variarum disput. parte 1. relectione 3. inquit: non improbabiler affirmari posse, *Beatam Virginem* etiam à debito contrahendi originalem culpam, fuisse immunem. Et quamvis ipse eam doctrinam non lequatur, subdit hæc verba; non video, qui prædictam *Virginis* immunitatem à debi-

debito contrahendi defenderet, cur adeo senera censura dignus sit, qualli rigidi quidam Censores Complutenses illam notabant.

Decimo. Salas prima 2. tomo 2. qu. 82. trañ. 13. disp. 11. sessione 5.

quaestione 11. nulla nota notat asserentes; Beatam Virginem non fuisse obnoxiam originali, refertque Doctores, qui eodem modo loquuntur.

Examinatur, quid senserit Scotus de debito Sanctissima Virginis.

187 **N**onnulla est apud Theologos dissentio, quid senserit Scotus in hac re. Quidam etiam ex Nostratibus sunt opinati, subtilissimum Scotum connumerandum inter Doctores admittentes in Virgine Matre contrahendi debitum, esse maculam non contraxerit. Aliorum opinio fuit, subtilissimum Scotum mansisse dubium. Alij altius volitantes notant, Scotum aliud sensisse implicite, & in affectu, aliud explicitè, & in voce, & notant illius prudentiam in non explicasse suam sententiã quoad rationem de debito, eo quod tempestate illa ferè omnes urgebant pro actuali contradi-
ne maculæ.

Ut verum fatear, video mihi dicendum, Scotum subtilissimum satis explicitè, & clarè negasse debitum Sanctissimæ Virginis, & protulisse ore, quod habebat in voto, & tenebat in Corde. Quod si aliquando manifestè debitum Virgini tribuit, intelligendus est, non equidem

de proximo, seu morali, sed potius de physico, & remoto; legatur Salazar cap. 24. §. 17. num. 205. Scotum esse pro sententia negante debitum proximum, & moralem Virgini Matri, colligo ex his, quæ apud ipsum leguntur in 3. dist. 3. q. 1. §. si autem, &c. vers. per istud patet, &c. ubi sic legitur: Per istud patet ad rationes factas pro prima opinione, quia Maria maxime indignisset Christo, ut Redemptore; ipsa enim contraxisset originale peccatum ex ratione propagationis communis; nisi fuisset prænata per gratiam Mediatoris, & sicut alij indigne-
runt Christo; ut per eius meritum remitteretur eis peccatum, iam contractum: ita illa magis indignuit Mediatore præueniente peccatum, nè esset ab ipsa aliquando contrahendum, & nè ipsa contraheret. Hæc Doctor subtilissimus:

188 Volo vos rogatos ad observanda illa verba: Nè esset ab ipsa aliquando contrahendum, & nè ipsa contraheret: non enim aliud significare videntur, quam quod
per

262 Disputatio VI. De Peccato Originali

per gratiam meritōrum Christi, non solum Virgo fuit immunis ab actuali peccato, ne illud contraheret; verum etiam a necessitate, & debito contrahendi illud; alias ad quid tot verba Scotus multiplicaret. Tum quia in rigore hoc sonat, scilicet, ne esset peccatum contrahendum, quod est dicere, non habuisse debitum. Adde, quod Scotus paulo superius loco supra citato sub lit. D. volens insinuare modum glossandi auctoritates omnes in contrarium ad suam sententiam de preservatione a peccato originali, ita ait: *Et ita exponende sunt auctoritates, quod omnes naturaliter propagati ab Adam, sunt peccatores, hoc est ex modo, quo habent naturam ab Adam; habent, unde careant iustitia debita, nisi eis aliunde conferatur.* Hæc Scotus. Intelliguntur ergo per Scotum quatum ad debitum remotum, & exigentiam propagationis omnes auctoritates adductæ; sed sic est, quod maxima ex parte auctoritas, quæ insinuat debitum contrahendi est illa Pauli ad Rom. 5. n. 13. omnes in Adam peccaverunt, & hæc ponitur principaliter a Scoto eodem modo in textu solvenda; ergo intentum eius reuera fuit, quod, & si in Virgine fuerit debitum remotum, seu physicum contrahendi peccatum originale ex vi propagationis, non tamen morale, seu proximum: cum fuerit præventa Virgo ex speciali pri-

nilegio vi meritōrum Christi prævisorum.

187. Ut securius, & fundarij hac in re procedamus, scitum. Lectoribus volo, quod Anno Domini 1615. Cum hæc controversia de debito Virginis ageretur, & fortianimo defenderetur a Patribus nostræ Seraphicæ Religionis; anno sequenti editum est decretum a Supremo Tribunali Sanctissimæ Inquisitionis, quod est Matriti, & ipsius meminerunt Aegidius lib. 2. q. 4. articulo 7. §. quarto, Perlinus in Apologia de Conceptione Virginis dist. 3. cap. 8. num. 16. Salazar capite 8. nup. 28. & tandem Pater Granado lib. de Conceptione Virginis disp. 3. cap. 22. sess. 2. nu. 18. Verba Decreti, quæ refert Granado, sunt hæc: *Cum Patres Ordinis Sancti Francisci, paucis ab hinc diebus Toleti assertiones prælo mandatas divulgassent, in quibus hæc propositio continebatur: Beata Virgo Maria non contraxit debitum originalis peccati; statim delata est prædicta doctrina ad Tribunal Sanctæ Inquisitionis, & fuit prohibitum, ne Minores eam defenderent; cuius rei occasione consulti sunt ex omni parte Theologi Compluti, Hispali, Cordube, Granate, & in Academia Oxonenfi, innumeri quæ in prædictis locis subscripserunt huic propositioni, tanquam vera, aut certe valde probabili, sed indigne quacumque, vel leuissima nota &c.* Atque Granado apud se habere subscriptiones omnes;

&

& ad supremum Tribunal Inquisitionum fidei, Matritum fuerit, delatæ, ibique diligenter eadem propositio discussa est, & post sufficientem discussionem, editum est Decretum à Supremo Tribunali, Præsidente Cardinali Toletano, tanquam Supremo Generali fidei Inquisitore, per quod declaratum fuit in favorem Fratrum Minorum, nihil esse, quod impediret, quominus prædicta Doctrina, Typis excussa, defenderetur: & iussit Tribunal, ut Toleti liberè prædicta Conclusio defendi posset, & de facto Toleti in die Sancti Idelfonsi accerrimi Propugnatoris puritatis Virginis, missus est à Supremo Tribunali Nuntius, qui decretum illius diligenter Toletum deferret. Idem testatur Perlinus, & alij supra citati.

190. *Hac omnia* ideo adnotavi cum Decreto huius Sanctissimæ Inquisitionis, ne quis deinceps audeat prædictam propositionem notare censuris, & notanda ad Inquisitores fidei referre. Unū Lectoribus desidero scitū, quod tantam vim habuit Decretum hoc Sanctissimæ Inquisitionis, ut ipsæmet Suarez statim retraxerint se à censura supra allata, confitendo opinionem nostram, satis esse probabilem, sic habet in prima 2. D. Thomæ disp. 9. sess. 4. n. 34. & 38. Dicatur ergo, Deiparam Virginem defendi posse absque vlla censura nota, cum immunitate à debito.

Noto etiam, quod postquam traditum fuit huiusmodi Supremæ Inquisitionis Decretum, statim Theologi quamplurimi perspicacius intueri ceperunt doctrinam Concilij Tridentini traditam, sess. 5. ubi latè de peccato originali fit sermo; & simul adverte- runt, quod à Sancta Synodo liberum omnibus relinquitur, defendi posse, Deiparam Virginem immunem, nedum ab ipso peccato originali, verum, & à debito contrahendi illud.

191. *Perpendantur* verba Concilij Tridentini; sic enim ibi legitur: *Declarat tamen hic ipsa Sancta Synodus, non esse sue intentionis comprehendere in hoc decreto, ubi de peccato originali agitur, Beatam, & Immaculatam Virginem Mariam Dei Genitricem*, sed in hoc decreto, Concilium Tridentinum Canone 2. tractat de debito: ergo Concilium non comprehendit Virginem in doctrina de debito. Probatur minor nam Canon sic habet: *Si quis. Ade prævaricationem sibi soli, & non eius propagationi asserit nocuisse, & acceptam à Deo Sanctitatem, & Iustitiam quæ perdidit, sibi soli, & non nobis, etiam eum perdidisse: hæc est prior pars Canonis; posterior, autem pars est ista, aut inquinatum, illum per inobedientiam peccatum, mortem, & penas Corporis tantum, in omne genus humanum transfudisse, non autem, & peccatum, quod mors est anime, anathema sit in priori parte nil aliud est, quam Adamum*

Jan.

sanctitatem perdidisse nobis, & debito ea carendi nos adstrinxisse; eo quod in posteriori parte statuit, peccatum esse transfusum: ergo quando Tridentinum asserit non esse suæ intentionis, Deiparam in decreto de originali peccato comprehendere, nec eam comprehendit in debito. Ita sunt interpretati Concilium *Salazar* cap. 4. nu. 7. afferens quoque eos, qui fuerunt Tridentini. Vnum grauissimum Theologum non relinquam, scilicet nostrum *Patrem Cornelium Mussum Episcopum Bitontinum*, qui adfuit in Tridentino, & strenuè pro hac veritate pugnavit; & eius tanta fuit auctoritas, ut huic vni Decretorum compilatio à toto Concilio fuerit demandata. Consulite eum ad *Rom. 5.*

193 *Pro defensione huius sententiae*, hic ordo prædestinationis debet præscribi, & poni primò secundum *Dofctorem subtilem in 3. dist. 7. q. 3. s. respondeo, &c. litera A. & dist. 19. q. unica, s. in ista questione, &c. litera A.* Deus voluit primò summam gloriam Christo. Secundò voluit summam gratiam, & dona alia supernaturalia, virtutes naturales, & supernaturales Christo. Tertiò voluit unionem Hypostaticam (in hoc signo fuit terminatus ordo intentionis Christi quoad substantiam consideratus). Quartò ordine executionis voluit Deus ab æterno primò unionem hy-

postaticam. Quintò voluit naturæ humanæ summam gratiam habitualement, & alios habitus, & actus supernaturales, & naturales. Sextò, & vltimò voluit summam gloriam Christo. (In hoc signo fuit terminata tota prædestinatio Christi, quantum ad substantiam considerati secundum ordinem intentionis, & executionis)

In septimo signo, quia iam præuidebantur à Deo merita Christi quoad substantiam; voluit intuitu illorum, & dependenter ab eis in genere causæ moralis summam gloriam Virgini ordine intentionis. In octauo voluit Dominæ nostræ summam gratiæ habitualement, & omnes alios habitus naturales, & supernaturales cum aliquibus actibus. In nono voluit Virgini nostræ munus Maternitatis. In decimo voluit illi purissimam Conceptionem. (In hoc signo compleuit Virginis prædestinationem ordine intentionis.) In undecimo signo, in quo incipit prædestinatio Virginis ordine executionis, voluit Deus Virgini primò purissimam Conceptionem. In duodecimo voluit, ut caro Christi iam quoad substantiam prædestinata, desumeretur ex purissimis sanguinibus Virginis, & quod esset Mater Dei. In tertiodecimo voluit illi summam gratiam, ut medium, immediate connexum cum summa gloria, ut hæreditate. Notanter dixi,

de hereditate, nam gloria, ut Corona, immediatius datur propter merita, quam propter gratiam habitualement; & ita Virgo nostra, & Christus pritis habuerunt habitualement gratiam, quam merita. Et sic recte disponentes predestinationem in diuersis signis; secundum diuersas considerationes, debent habitualement gratiam, & alios habitus collocare. In quartodecimo voluit summam gloriam Dei Genitrici. Et in hoc signo fuit terminatus ordo predestinationis Virginis.

193 *Prae*missis meritis Christi, ut Capitis omnium predestinatorum; & Virginis Matris eius: Deus in quintodecimo signo propter merita vtriusque, tanquam per causam meritoriam completam; voluit omnibus creaturis intellectualibus predestinandis, gloriam Angelis; & hominibus; circa reprobandos negatiue se habuit. In sextodecimo voluit habitualement gratiam, ut necessariò conexam cum gloria predestinatis; circa reprobos negatiue se habuit; & quia in signo

hoc voluerat gratiam, & iustitiam originale Adamo, ut Capiti morali totius generis humani. In signo decimoseptimo permisit peccatum Adami. In signo decimo octauo praeuidit illud in Adam, & contrahendū in posteros. In signo decimono nono praeuidit misericors Deus de remedio, & predestinauit Christum ad esse Redemptoris per Crucis mortem, ut per eam homines Deo reconciliarentur, & amici eius fierent. In signo vigesimo tandem voluit executionem Crucifixionis, & mortis, propter quam compensauit iniuriam Deo allatam, merendo Adamo, & posteris eius gratiam reconciliantem. *Moneo Lectores*, me hic nō notasse omnia signa, sed ea, quae ad intelligentiam nostrae sententiae requirebantur: siquidem inter signū decimum sextum, & decimum nonum, plura alia signa intercedunt. His ergo sancitis; pro conclusione nostra nu. 184. scilicet, quod B. Virgo non habuit debitum contrahendi peccatum originale.

Rationes proponuntur.

194 **P**robemus ergo primò, Virginem nostram esse predestinatam antecedenter ad Adamum, & consequenter ex eo, quod ille peccauit, ipsam

non incurrisse debitum proximum contrahendi peccatum originale. Sit prima probatio: Ecclesia in Conceptionis die decantat Virgini Matrici ea verba.

LI

Ec-

266 Disputatio VI. De Peccato Originali

Ecclesiastici 24. nu. 5. *Ego ex ore Altissimi prodii primogenita ante omnem creaturam, &c.* Quæ verba licet de Sapientia incarnata intelligantur; Virgini nostræ ab Ecclesia applicantur, in quibus clarè dicitur, Virginem esse prædestinatam ante omnem puram creaturam, quod declarat illud adiectivum *Primogenita*, quod non debet intelligi ordine executionis, ut patet: nam plures homines fuerunt extrâ causas, & intellectum ante Dominam nostram: intelligitur ergo ordine intentionis, & in prædestinatione, & electione Diuina. Itaque sicut D. Paulus appellat Christum primogenitum in multis, quia Caput, & primus omnium prædestinatorum scilicet; ita Ecclesia vocat Dominam nostram in die Cœceptionis primogenitam: quia ex puris creaturis ipsa primò prædestinata ex ore Altissimi, idest ex voluntate Dei procedit.

Rursus. Ecclesia in die Cœceptionis decantat Virgini ea verba Prouerbiorum 8. nu. 22. *Dominus possedit me in initio viarum suarum, antequàm quidquam faceret à principio, &c.* His in verbis haud obscurè insinuat, Virginem esse prædestinatam ante omnes puras creaturas: nam Virgo Maria non fuit possessa, idest producta à Deo ante omnes creaturas ordine executionis; ergo fuit possessa in initio viarum Domini ordine inten-

tionis, quando Deus creaturas ad gloriam prædestinauit. Idem insinuant illa verba ab Ecclesia ei decantata: *Ab initio, & ante sacula creata sum, &c.* quæ verba necessariò debent intelligi de prædestinatione ab æterno.

195 *Accedat probatio. Ex Scoto in 3. dist. 3. q. 1. 5. ad questionem in fine, &c.* Totum illud, quod est excellentius, & non repugnans authoritati Scripturæ, & Ecclesiæ, debet poni in Virgine Maria: sed Virginem esse prædestinatam ante primum parentem, & consequenter non habere debitum proximum contrahendi peccatum originale, est excellentius, & non repugnat authoritati Ecclesiæ, vel Scripturæ: ergo debet poni in Maria. Maior, & cōsequentia, præterquam quod sint Doctoris subtilis, affirmantur à D. Anselmo de *Conceptu virginali* c. 18. illis verbis nempe, *decens erat Virginem ea puritate nitere, qua maior sub Deo nequit intelligi.* Minorem probō: nam melius, & excellentius est in Virgine dependere à Christo solum in sua prædestinatione, quam depēdere à primo parente, tanquam à Capite morali, in quo habitualement gratiam suscepisset. Nostram propositionem non esse contra Scripturam, suadent à nobis adducta in probationem nostræ propositionis.

Secunda ratio ex eodem Scoto desumitur. Perfectissimus mediator debet habere perfectissimum

mum modum mediandi; sed Christus est perfectissimus mediator: ergo habuit perfectissimum modum mediandi: sed non haberet illum, si Virgo haberet debitum proximum contrahendi peccatum originale: ergo non habuit. Minor probatur. Primo per comparisonem ad Deum, cui reconciliat: nullus perfectissimè placat aliquem pro aliqua offensa, nisi taliter præueniat, quod nullo modo possit offendi: sed, si Virgo Maria haberet proximum debitum contrahendi peccatum originale, non taliter Christus inter Virginem, & Deum medietur; quod non posset Deus à Virgine offendi: ergo, &c. Videantur probationes nostræ propositionis. Adde, quia Deus exclusit Virginem Matrem ab alijs legibus generalibus, ut à lege re ipsa contrahendi peccatum, à lege concupiscentiæ fomitis, à lege parienti cum dolore, à lege corruptionis cadaueris: ergo, & à lege non peccandi in Adam: exceptio enim ab hac lege magis decet Dei Matrem. Unde Regina Elither dixit Asuerus cap. 15. nu. 13. *Non enim pro te, sed pro omnibus hæc lex constituta est.*

196 Item debitum contrahendi peccatum est malum aliquod in esse morali, & melius est carere tali debito, quam illud habere; per illud enim Deum non habet, sed ad rem, & personam sibi in

seruitutem peccati redigendam: ergo Christus Matrem à tali malo, & debito liberauit: decebat hoc etenim Dei filium, qui auctore Paulo ad Ephesios 5. nu. 25. *Dilexit Ecclesiam, & tradidit semetipsum pro ea, &c. ut exhiberet sibi gloriosam Ecclesiam non habentem maculam, neque rugam, aut aliquid huiusmodi, sed ut sit Sancta, & immaculata.* Fauet id. D. Anselmus cit. *Decuit Virginem ea puritate nitere, qua maior sub Deo nequit intelligi: sed sub Deo intelligitur puritas non tantum à peccato, sed etiam à debito proximo peccati: ergo ea puritate nitet Virgo per meritum ipsius Christi.* Et si 4. Regum 19. nu. 34. ait Dominus: *Protegam urbem hanc, & saluabo eam propter me, & propter Dauid seruum meum,* & erat sermo de Hierusalem; melius de Virgine dictum videtur *ly propter me*, quia est meus honor maximus, & propter Dauid, nempe propter filium Christi, quem vnice habuit, & propter eius merita protegam Urbem hanc, nempe Virginem, ad quam omnes confugimus, & eius opem imploramus, & cuius gloriam, & laudem optamus à cunctis toto affectu predicari.

197 Claudit nostrum discursum id, quod stabiluit Vlyrianus in lege Princeps. ff. de legibus. sic dicens: *Princeps legibus solutus est.* Augusta autem, licet legibus absoluta non est, Princeps tamen eadem illi privilegia tribuit, quæ. & ip.

Ll 2 f. ba.

fi habent, &c. quasi diceret (si intra Ecclesiam Catholicam loqueretur) Regina mudi, ac proinde Mater Dei Principis supremi, quamvis ex natura sua futura esset subiecta legi illi generali : *In quacumque die comederis, morte morieris*, ac proinde peccante Adamo, ipsa quoque esset peccatura ; nihilominus Christus Rex contulit illi ex privilegio, quod ipse habebat per naturam, ut nimirum ab illa lege libera esset. Vnde Rex Asuerus alloquens Regiam Esther, quæ

fuit typus Beatæ Mariæ in *capite 15. cit.* illam exceptam esse declaravit à communi lege, quam contra alios tulerat, dicens : *No, li timere : non morieris, non enim pro te, sed pro omnibus hæc lex constituta est.* Hoc certè maiori iure dictum esse Reginz Cælorum à Supremo Mundi Monarcha credi debet, nimirum legem mortis spiritualis pro omnibus in Adamo constitutam ; sed sub voce illa, *Omnibus*, nec contentam, nec significatam fuisse Dei Genitricem.

*Impugnationes nostræ propositionis afferuntur,
& profligantur.*

§ 98 **N**ostra propositio impugnatur auctoritatibus Sacræ Scripturæ : nam D. Paulus ad Rom. 5. nu. 12. ait : *Per unum hominem peccatum intravit in mundum, & per peccatum mors ; & ita in omnes homines mors pertransiit, in quo omnes peccaverunt* : ergo Virgo contraxit debitum contrahendi peccatum originale. Consequentia constat : nam si non haberet debitum proximum contrahendi originale, maculam ; quomodo mors spiritualis in eam pertransisset ? Consimilibus multis auctoritatibus impugnatur nostra propositio.

Ut respondeamus huic primæ impugnationi nu. 162. adhuc

propositæ moneo, tripliciter sumi peccatum. *Primò* sumitur pro peccato actuali contracto ; & hoc in sensu infantes regulariter nati, ante Baptismum sunt in peccato originali actualiter. *Secundò* sumitur peccatum, non pro peccato, quod inest, sed quod inesset ; & hoc modo non distinguitur à debito, & potentia proxima contrahendi illud ; & hoc in sensu dicunt aliqui, Christum redemisse Virginem, præservando illam, non à peccato, quod infuit, sed à peccato, quod infuisset, quando Dei gratia Virgo præventa non fuisset. *Tertiò* sumitur peccatum pro capacitate contrahendi illud ; & hoc in sensu possumus dicere.

dicere de Eva, quod habuit capacitatem contrahendi peccatum originale; quippe erat individuum naturę humanę à primo Parente descendens, per quod distinguitur ab Angelo, in quo nullo modo est capacitas contrahendi originale peccatum; siquidem neque individuum naturę humanę potest esse, neque potest ab Adamo tantquam à physico, & naturali Capite descendere.

- 199 *Quare observa*, valere consequentiam à primo modo ad secundum, à secundo ad tertium, non tamen è contra. Verbigratia, valet: Petrus contraxit peccatum originale: ergo habebat debitum proximum contrahendi illud: Virgo Maria habuit debitum proximum contrahendi: ergo, & capacitatem: nam non potest contrahi, si in subiecto non sit capacitas recipiendi, & contrahendi; verum non valet: habet capacitatem contrahendi originale peccatum: ergo habuit debitum proximum: sicuti est de Eva, & de quocumque alio individuo naturę humanę, si miraculosè produceretur. Nec etiam valet: habet debitum proximum contrahendi peccatum originale: ergo actu contrahit: nam multi concedunt in Domina nostra debitum proximum contrahendi originale peccatum, & defendunt, Virginem esse pręservatam, & non contraxisse actu originale pec-

catum. *Huius rei ratio est*: quia debitum aliquid addit supra capacitatem, & contractio actualis addit aliquid supra debitum.

- 200 *Nunc ad argumentum*. Distinguitur antecedens, si pro peccato, & morte intelligatur capacitas, & aptitudo contrahendi originale culpam, concedo antecedens; si intelligatur debitum tantum contrahendi culpam; & habendi eius contractionem actualem, & mortem, actualem spiritualem, & corporalem; nego antecedens, & consequentiam. Et quod bene negetur consequentia cum antecedente, constat: nam vt probabiliter sustinet *Scotus in 4. dist. 43 q. 5. litera L. ex D. Augustino, & Salaz prima 2. disp. 14.* non omnes homines moriuntur ante diem iudicij, vt videtur deduci ex autoritate D. Pauli ad Thessalonicenses 4. n. 16. *Mortui, qui in Christo sunt, resurgent primi; deinde nos, qui vivimus, simul rapiemur cum illis obviam Christo in aera, & sic semper cum Domino erimus*; isti ergo, qui non actu moriuntur, ex peccato originali solum contraxerunt capacitatem, vel debitum moriendi, non verò actualem mortem: ergo mors, quę per peccatum primi Parentis pertransiit in mundum, est vel actualis, vel debita, vel capacitas moriendi. Hinc constat, quod Domina nostra non fuit mortua corporaliter ex debito

270 *Disputatio VI. De Peccato Originali*

bito moriendi; aliàs contraxisset originale peccatum iuxta illa verba: *In quacumque hora comderis ex eo, morte morieris*, quod non est verum, nisi ex conditione, & capacitāte naturā.

201 Secunda impugnatio, quæ videtur Achilles Aduersariorū, fundatur in Redemptione Christi, qui dicitur Redemptor omnium. Quod argumentum, quia adductum est in n. 165. propterea hic denuò nō affero. Et quamquam ibi eliminatum, atque elisum sit; hic adhuc placet alijs illud elidere solutionibus.

Respondent igitur aliqui primò, quod licet Virgo non fuerit redempta redemptione, quæ dicitur curatiua: quia nunquam in captiuitate peccati, bene tamen redemptione præsueratiua ab ipso originali: nam fuit præsuerata, antequam incurreret in ipsum originale peccatum, & debitum, in quod ex vi propagationis debebat incurrere. *Respondent secundò alijs*, non esse necesse asserere, Virginem verè, & propriè dicendam esse redemptam ab originali, & ab actuali peccato. Primò, quia rigorosa redemptio ex Augustino in Psal. 70. & Sancto Zosimo Papa, & alijs, necessario præsupponit Captiuitatem in peccato, in qua nunquam fuit Virgo. Tum quia in tantum volunt Aduersarij, Virginem, fuisse redemptam, eo quod Paulus dixit: *Omnes in Adam peccauerunt*, &c. Sed ex Tridentino

excipitur Virgo ab hac lege, igitur & à lege redemptionis.

202 *Tertiò respondent alijs*, quòd estò Beata Virgo redempta non fuerit à peccato originali, vel à debito, nec præsueratiua, nec curatiua Redemptione: quia, antecedenter ad merita passionis Christi, iam erat exclusa Virgo à lege; proinde dicitur tantum redempta redemptione præsueratiua ab actuali peccato, quatenus præsuerauit eam Deus, nè in actuale peccatum caderet, dando illi tantam gratiam, quæ sua manutentia satis esset ad non peccandum: eo quod bene poterat Deus huiusmodi gratiam non tribuere. Sufficiens per hoc explicatur Redemptio iuxta illud Dauidis psal. 143. nu. 10. vbi Deo gratias agens, sic ait de seipso: *qui redemisti Dauid seruum tuum de gladio maligno*; vbi seipsum appellat redemptum, nō quòd fuerit sub gladio Saulis de facto, sed quia fuit præsueratus à Deo, nè in illum incideret: & hoc genus Redemptionis commendat Augustinus in psal. 143. exemplo Medici mouentis aliquem in hac verba: *Sic te traxi: sic quiescere: his ethis vttere*, &c. & addit Augustinus, quod amicus rectè adiunxit: *liberasti me ab agitudine, non in qua eram, sed in qua futurus eram*. Ecce igitur sufficiens redemptio ex sola præsuatione antecedente ad lapsum. *Responsio ista* valde mihi placet; tum quia

quia non totaliter excludimus Virginem à passione Christi: tum quia facile hoc modo possunt reconciliari autoritates in contrarium. Nihilominus

203 *Vt nostram tandem exhibeamus* responsonem, moneo, quòd sicuti n. 198. dicebamus, tripliciter sumi originale peccatum, scilicet pro actuali peccato, pro debito contrahendi illud, & tandem pro capacitate, &c. sic gratia viuificans, & reconcilians triplex est. *Prima* est gratia reconcilians à peccato, quod fuit, ut est gratia habitualis, in Baptismo infantibus modò infusa. *Secunda* est gratia reconcilians, non à peccato, quod inest, sed à peccato, quod inest; & hæc est gratia præseruans Virginem ab originali peccato in sententia, asserentium, Virginem benedictam debitum habuisse contrahendi originale peccatum. *Tertia* est gratia reconcilians à capacitate contrahendi originalem maculam; & hæc fuit Beatæ Virginis in primo instanti sui esse concessa. Vnde ad id, quod dici solet, *quod sicut in Adam omnes moriuntur, ita & in Christo omnes viuificabuntur*; dicendù est, quod sit verum, iuxta triplicem assignatum modum moriendi in Adam, & triplicem gratiam viuificandi in Christo. Hinc ad argumentum.

Respondemus: Christum Dominum dici omnium profectò Redemptorem, & adhuc Virgi-

nis; sed inde inferendum minime est, quod Beata Virgo contraxerit debitum contrahendi originalem sordem: quoniam, ut dicatur illius Redemptor, sufficit, Virgini inesse capacitatem habendi peccatum. Hac enim deinde capacitate per gratiam reconciliantem elisa, Virgo dicitur à Christo Domino redempta. Qui modus redimendi est melior ex attribuendis Christo, ut dictum est n. 153.

204 *Dices*, Beata Virgo fuit redempta à peccato actuali: ergo habuit debitum incurrendi in illud. *Negatur*, quia quamuis habuerit potentiam in illud, non tamen debitum, eo quod nemo necessitatur ad peccandù actualiter. *Dices iterum*. Beata Virgo non habuit debitum contrahendi originale peccatum? ergo nec habuit debitum contrahendi iustitiam originalem, si Adam non peccasset: sed hoc est absurdum: ergo, &c. *Negamus absurditatem*, quia si semel Virgo non fuit in lege, & pacto, consequenter nec maneret in contingentia ad vtrumlibet; estò gratia Beatæ Virginis fuerit nedum æquiualens iustitiæ originali Adami, verum etiam superexcedens.

Sunt, qui docent, Beatissimam Virginem, non solum in gratia, sed in gloria fuisse conceptam; ita videlicet, ut in eodem puncto Conceptionis intuitiue Diuinam essentiam aspexerit. Et asserunt, hanc partem esse defenden-

dendam in via Scoti: quia ad aures Scoti in 2. dist. 21. q. 1. sub P. Innocentiz status non ea fulgebatur perfectione, quin sibi compossibile fuisset peccatum veniale, quod tamen ex Tridentino Concilio sessione 6. Can. 23. longius omnino deflexit à Deipara Virgine: ergo necessario concipi de-

buit in alio perfectiori, quam fuisset innocentiz status; ergo necessario concipi debuit in gloria. *Studeant Lectores.* Mihi hæc opinio videtur probabilis.

Pro complemento Disputationis restant soluendæ, quæ subsequuntur difficultates.

DIFFICULTAS PRIMA.

An Virgo contraxerit pœnas peccati originalis.

209 **I**N hac difficultate, primò distinguo de effectibus peccati originalis; sunt enim in duplici differentia. Alij sunt, qui necessaria connexionē consequuntur peccatum; ita ut si peccatum non esset, illi minimè forent; ut damnatio æterna, carentia Diuinæ visionis, carentia, & expoliatio iustitiæ originalis. Alij sunt effectus consequentes peccatum, qui nihilominus essent in homine, sed absque peccato, si in puris naturalibus esset conditus; quia tamen illis subuentum erat per iustitiæ originalem; & illa fuit amissa per peccatum; hinc illi dicuntur effectus, vel pœnæ peccati. Hi autem potissimum sūt quatuor.

Primus est infectio, & obligatio carnis ante infusionem animæ, ex qua in anima redundabat macula peccati originalis. Secundus est concupiscentia carnis, seu fomes peccati, qui non est aliqua qualitas in sensualitate, ut falsò quidam dicunt, sed est ipsamet sensualitas habens potentiam proximam, seu procliuatatem ad obiecta, seu sensibilia contraria rectæ rationi; & quia talis procliuas solet esse incitamentum peccati; hinc dicitur fomes peccati. Tertius est clausura Regni Cœlestis. Quartus est mors corporalis, & quæ mortem consequuntur, nempe morbi, fames, sitis, &c. Quibus notatis, *quæro.*

Vtrum Virgo contraxerit fomitem?

206 **M**oneo primò, fomitem esse deordinationem appetitus sensitivi ex subtractione iustitiæ originalis, destituti, qua deordinatione caro concupiscit aduersus Spiritum; deordinationem dico habitualement, non actualement: nam hæc est peccatum; fomes verò non est peccatum, sed inclinatio ad peccatũ; & propter hoc ait D. Paulus ad Rom. 7. n. 20. *Si autẽ quod nolo, supple malum, illud facio, iam non ego operor illud, sed quod habitat in me, peccatum, &c.* Vbi fomitem appellat peccatum: quia ex Concilio Tridentino, à peccato est, & in peccatum tendit. Similiter dicitur carnis concupiscentia: quia, eo mediante, caro concupiscit aduersus spiritum. Appellatur etiam lex membrorum iuxta illud Pauli; *Videò aliam legem in membris meis, &c.* Et etiam appellatur Tyrannus, quia est causa tyrannidis carnis contra rectam rationem.

Moneo secundò, litem esse inter Doctores, an fomes descriptus possit omninò extingui; an tantum ligari? Durandus in 3. dist. 3. q. 3. ait, quòd fomes non potest totaliter extingui. Ratio eius est: quia naturalis inclinatio alicuius rei accepta secundum aptitudinem, & non secundum actũ, non potest ab illa separari; fo-

mes autem est naturalis inclinatio habitualis appetitus sensitivi: ergo, &c. Maior patet exemplis. Primò accidentis ad subiectum. Secundò humanitatis Christi ad propriam personalitatem. Tertiò lapidis ad locum deorsum; ratio autem horum est: quia naturalis inclinatio non separatur à re, cuius est naturalis inclinatio, itaut res remaneat. Notat Durandus, posse ligari, & impediri, quomodo etiam dicit interpretandos esse Sanctos dicentes, fomitem in aliquibus fuisse extingui.

207 *Tamen verior est contraria sententia, quòd fomes possit omninò extingui* (quod euenit Beata Virgini) per priuilegium aliquod Dei. Pro quo aduertendũ, quòd fomes nedum dicit inclinationem appetitus sensitivi ad obiectum delectabile, sed connotat, illam esse contra rectam rationem. Item fomes potest considerari radicaliter, & ex parte appetitus sensitivi, & hoc modo non est aliud realiter, quàm ipse appetitus. Secundò potest considerari formaliter ex parte actus, ad quem inclinatur. Sicut ex sancto Thoma, scientia, vel potest considerari secundum quod est quardam forma sine relatione, & tendentia ad ob-

M m Gum,

sum, & hoc modo distinguitur per subiectum, in quo est; vel potest considerari secundum quod est habitus cognoscitiuus, & hoc modo specificatur ab obiecto, circa quod est. Ita fomes potest attendi ex parte potentie sensitivæ, & ita non distinguitur ab hac realiter, nec dicit inclinationem exorbitantem rectæ rationi. Secundò potest attendi, quatenus inclinatur ad actus, qui tendunt in sensibile delectabile contra rationem, & in hoc completur ratio fomitis. *His suppositis*, dico, quod si fomes accipitur radicaliter, ita non potest à potentia separari, cum sit indistinctus realiter ab ea, & hoc tantum concludunt argumenta Durandi. Si autem fomes accipitur formaliter, hoc modo potest totaliter extinguì, & aboleri per privilegium, ita ut non maneat in illo habitualis propensio ad sensibile delectabile contra rationem, & hoc pacto verum est, quod dicimus, licet difficulter explicetur.

Monco tertio: formitem ligari, nil aliud esse, quam quod inclinatio appetitus sensitivi maneat sub omni sua ratione formalì, etiam in quantum inclinatur ad sensibile delectabile contra rationem, impedita: ne exeat in actum per aliquod exterius. Hoc autem fit tripliciter. Primò per usum liberi arbitrij, sicut aliquando ligatur ingentibus civiliter, & conformi-

ter ad usum recte rationis viventium. Secundò per gratiam in anima: sicut enim fomes est in sensualitate, & pertingit ad animam, quam aliquando commouet, & trahit ad se, ita gratia in anima existens prohiberet fomitem, ne exeat in actum; & hoc est ipsum ligari à gratia. Tertiò per Divinam assententiam extrinsecam, & specialissimum Dei Auxilium, & hæc est perfectior ligatura: nam quantumvis à gratia ligetur, non tamen omnino impeditur, ne exeat in actum, quod sit existentibus in gratia non confirmatis, in quibus aliquando fomes prævalet; ita ut inducat ad peccatum mortale. *His positis*.

208 Duplex est opinio de principali difficultate, quarum una mihi non videtur altera probabilior; quare per me sit licitum utramque sequi. Prima ergo opinio est *Sancti Thomæ* 3. p. q. 27. art. 3. *Alberti magni* in 3. dist. 3. art. 6. *D. Bonaventura* eadem dist. q. 1. art. 2. *Riccardi* eadem dist. art. 1. q. 3. & 4. quibus in parte assentitur *Durandus* loco citato; & communiter omnes Interpretes *Sancti Thomæ* cum ipsomet faterentur, quod in prima sanctificatione, quando scilicet Virgo fuit in utero Matris sanctificata, non habuit fomitem extinctum omnino, sed solum ligatum per maximam gratiam, & assententiam Divinam; ut verò in secunda sanctificatione, quando concepit

cepit Filium Dei, fuit ille fomes totaliter extinctus. *Primum fundamentum* huius opinionis est ex Sancto Thoma: nam, cum liberatio à peccato sit spiritualis, potuit fieri, ut in multis facta est, ante aduentum Christi per gratiam, solum per fidem Christi, at mūdicia, & integritas carnis non debuit fieri in aliquo quoadusque esset Christus realiter habens carnem mundam, & sine fomite, sicut ante immortalitatem carnis Christi resurgens, nullus fuit adeptus carnis immortalitatem: ergo, &c. *Secundò probatur* ex Sancto Bonaventura per illud *Luca 2.* ubi dicitur: *Spiritus sanctus superueniet in te, &c.* super quod dicunt Doctores, quod Spiritus sanctus sic veniens purgavit Virginem à peccato, quod non potest intelligi, nisi de extinctione fomitis: ergo prius non erat extinctus. Quod verò post Christi aduentum fuerit fomes extinctus, nulla est difficultas, nec controuersia inter Doctores.

- 209 Licet autem Sanctus Thomas, & Bonaventura sint in eo concordēs, quod in prima sanctificatione, in Virgine non fuerit fomes extinctus, sed in secunda; discrepant tamen de tempore: nam Sanctus Thomas ratione, quam attulimus ex ipso, tenet, quod fomes fuit extinctus in Virgine post Christi Conceptionem; Sanctus verò Bonaventura ait, quod prius fuit fo-

mitis extinctio, quam filij Conceptio. Ratio est: quia Virgo fuit liberata a fomite per aduentum Spiritus Sancti, iuxta illud: *Spiritus sanctus superueniet in te, &c.* Item: aliter Christus non esset conceptus ex carne totaliter munda, quod derogat Christi Conceptionem. *Ut verum fatear,* opinio Sancti Bonaventura videtur probabilior; & ad argumentum Sancti Thomae dici potest, quod integritas perfecta, qualis est in corporibus gloriosis, qua corpora impassibilia, & quæ datur in præmium, non debuit dari alicui, priusquam Christo, & ita Christus dicitur primitiæ dormientium; munditia verò imperfecta, & integritas imperfecta, qua quis à fomite liberatur, non est inconueniens, quod sit in aliquo priusquam in Christo; si enim Adam non peccasset, persistisset carnis mūdicia in hominibus ante Christi Incarnationem. *Adde,* quod mūdicia hæc non spectat ad statum præmij, sed meriti.

- 210 *Secunda opinio* principalis difficultatis est *Catarini in lib. 2. de Conceptione Virginis*, quod in prima sanctificatione, ac proinde in Conceptione fuit Virgini extinctus fomes; quam sententiam tenet Gerson. *Probatur.* Primò, ex D: Anselmo: *Decuit Virginem ea puritate nitere, &c.* sed maior puritas Virginis est, quod concipiatur sine fomite, quam cum fomite: ergo, &c. Secundo pro-

M m 2 batur.

batur. Caro Virginis nullum prouocabat ad malum (vt asserunt multi) ergo nec suam. Tertiò ; fomes fuit ligatus ex aduersarijs : ergo omninò extinctus . Patet sequela ; ideò enim dicitur extinctus post secundam sanctificationem : quia nūquam in actum exiuit : sed nec antea exiuit in actum : ergo , &c. *Adde*, quòd non rectè potest intelligi, quid sit huiusmodi ligatura sine extinctione.

Dices : si Virgo Maria genuisset alium filium à Christo ; ille contraheret peccatum originale : nam volo , quòd via ordinaria generetur : ergo Virgo conciperet cum libidine , & per consequens haberet fomitem . Patet sequela ex Sancto Augustino de nuptijs , & concupiscentijs , ubi ait : *Libido est , quæ peccatum originale transmittit in prolem . Respondetur* , Virginem in eo casu ge-

nerare filium in peccato originali ; non tamen esset in Virgine libido . Ad Augustinum dico , loquutum esse de facto , & potentia ordinaria ; nam cū constet , Virginem tantum esse præseruatam à fomite , & hanc non genuisse alium filium à Christo ; sequitur , quòd quicumque genitus est per ordinariam viam , est genitus cum libidine , & sic sequitur libido , &c. Sicut , si Adā non peccasset , & aliquis homo carens iustitia originali genuisset alium filium , hic haberet iustitiam originalem , etsi proximus Parens non haberet eam ; sed tantum remotus parens , scilicet Adam ; ergo similiter , si Virgo genuisset filium via ordinaria ; hic haberet peccatum , & fomitem , non ratione proximæ parentis , scilicet Virginis , sed ratione remoti parentis , scilicet Adami .



DIFFICULTAS SECUNDA.

*An Virgo incurrerit clausuram Regni Cælestis; vel
an si Beata Virgo mortua esset ante Christi mor-
tem, pateret sibi aditus Regni Cælestis?*

PROPOSITIO PRIMA.

*Si Virgo fuisset mortua ante Christum, minimè
ingrederetur Cælum.*

211 **P**robatur: quia nullus San-
ctus hoc affirmat. Secun-
dò est omnium Theologorum,
nempe Scoti in hoc loco, & in-
fra in *dist. 19. q. 1.* est Sancti Tho-
mæ 3. p. q. 27. art. 1. & in 3. *dist. 3. q. 2.*
& Gabrielis in 3. *dist. 3. q. 1.*
& Caterini *lib. 2. de Conceptione.*
Probatur ex Sâcto Paulo ad He-
bræos 10. n. 19 *Habêtes fiduciã in*
introitu Sanctorum in sanguinem
Christi: ergo usque ad effusionem
sanguinis nò erat introitus. Item
ex Sâcto Ioanne apud Euange-
lium 3. nu. 13. *Nemo ascendit in*
Cælum, nisi qui descendit de Cælo,
&c. Huius auctoritatis sêsus est
nemo priùs ascendit in Cælum,
&c. ergo, &c. Item Sanctus Pau-
lus ad Rom. 8. nu. 29. *Quos præ-*
sciuit, & prædestinavit conformes
feri imagini filij sui, ut sit primo-
genitus in multis fratribus, &c. er-
go, sicut Christus fuit primus in

prædestinatione; ita debuit esse
primus quoad affecutionem ef-
fectuum prædestinationis, inter
quos est ingressus Cæli; hinc
etiam dicitur: primogenitus
mortuorum.

Accedat ratio. Inconueniens
est, aliquem ingredi, & ascende-
re in locum aliquem sublimem;
& dignum, quin priùs ascendat
Caput; sed Christus habet rati-
onem Capitis, & omnes fide-
les habent rationem membro-
rum: ergo &c. Secundò. Omnes
Sancti Patres, quantumvis mun-
dati, & à peccato originali pur-
gati, non ingressi sunt Paradisum
ante Christum: ergo, cum
oppositum non colligatur de
Beata Virgine, nec ex Sanctis
Patribus: nemo debet illud asse-
rere. Collige hinc, quod si status
gratiæ perseverasset, & nihilomi-
nus secundum probabilem sen-

ten-

278 Disputatio VI. De Peccato Originali

tentiam, Christus incarcerationis fuisset; nullus prius ingrederetur, quam Christus in Cælum;

quia erat Caput Ecclesie. Impugnationes contra hanc propositionem. Vide n. 213. & 214.

PROPOSITIO SECUNDA.

Si Virgo fuisset mortua ante Christi Passionem; non vidisset Sanctissima Virgo Deum, ac proinde non fuisset pro tunc Beata.

212 **R**atio: quia præmiū prius debuit conferri Capiti, quam membris: sed Christus, qui erat Caput ante passionem, nondum erat consummatus in gloria: ergo, &c. Dices: Christus ante mortem erat Beatus: cum ab instanti Conceptionis fuerit Beatus: ergo propter illam non est negandum, Beatam Virginem vidisse Deum, & fruitam fuisse Divinam essentiam, si in decursu vite Christi mortua esset. Respondetur, gloriam illam Christi non fuisse habitam via ordinaria, sed

ex privilegio; unde ipse apud Lucam c. 24. nu. 26. *Dixit oportuit pati Christum, & ita intrare in gloriam suam*; scilicet ordinariam via habitam, & gloria illa Christi non erat perfecta, & consummata, quia non erat etiam corporis. Unde D. Paulus ad Hebræos 2. nu. 10. ait: *decebat eum, &c. qui multos filios in gloriam adduxerat, authorem salutis eorum per passionem consummare*: ergo per passionem fuit consummata: ergo si Beata Virgo, &c. Objectiones huius n. sequenti.

PROPOSITIO TERTIA.

Si Beata Virgo mortua fuisset in tempore, quod intercessit inter Ascensionem, & Passionem, potest dici, quod tunc Deum vidisset.

213 **P**robatur: quia ad Latronem dictum *eu: hodie mecum eris in Paradiso*: ergo vidit

Christum; multo magis ergo hoc debet dici de Beata Virgine.

Im-

Impugnant aliqui nostras duas antecedentes propositiones ex Sancto Bohaventura in 3. dist. 20. q. 3. si Christus fuisset solum pura creatura; moriens in gratia introisset Cælum: quia sibi non esset clausum, supposito, quod non habuisset peccatum originale: ergo, cum dictum sit, Virginem non habuisse peccatum originale; sequitur, &c. Respondetur, disparem esse rationem, de Christo, & Virgine: nam Christus non esset filius Adæ, & nullo modo neque ex debito, nec de facto peccatum contraheret; non sic Virgo: ergo, &c. Obijciunt secundò: si hoc negatur Virgini, est: quia gloria prius debet esse Capitis, quam membrorum, sed Christus ab instanti Conceptionis fuit Beatus: ergo, &c. Respondetur, illam gloriam Christi fuisse ex privilegio, & non fuisse consummatam. Instabis, Latro habuit gloriam ante introitum Christi in Paradisum, iuxta illa verba: Amen dico tibi, hodie mecum eris in Paradiso: ergo ante Christi mortem Latro fuit Beatus. Respondemus, illa verba debere intelligi ita, ut hodie intelligatur cum antecedentibus, & non cum consequentibus; & ita erit sensus: Ho-

dierno die dico tibi, quod mecum eris in Paradiso, quando erit tempus.

214 *Replicabis.* Christus fuit etiã Caput Angelorum: cum hi ab illo fuerint reparati; at Angeli prius fuerunt Beati, quam Christus: ergo, &c. *Respondeo,* Angelis non fuisse clausam ianuam Regni Cœlestis, cum clausa fuerit ob peccatum; quod nec de facto, nec ex debito contraxerunt Angeli; vnde nihil concludit argumentum. *Secundò dico,* negando, Christum fuisse Caput Angelorum quantum ad præmium: nam etsi hoc fateatur *D. Bernardus*; oppositum tamen tuentur grauissimi Doctores. *Replicabis.* Deus reddit præmiũ iuxta meritum; sed illi Patres, qui contraxerunt peccatum, & deinde ab eo fuerunt mundati, habuerunt Limbum: ergo Beata Virgo, quæ nunquam fuit in peccato, debuit habere Cælum. *Respondetur,* argui à non causa, tamquam à causa: non enim erat clausum Cælum propter peccatum præsens, vel præteritum, vel Beatæ Virginis: cum, nec Patres in Limbo, nec Beata Virgo illud haberent; sed erat Cælum clausum, quia nondum ibi intrauerat Caput.

DISPUTATIO SEPTIMA.

*De Maternitate Virginis Mariae.**An Beata Virgo sit Mater Dei, & Hominis.*

PROPOSITIO PRIMA.

Beata Virgo verè, & propriè est Mater Dei.

Probatur primò ex Sancto Ioanne Damasceno : ait enim : *Dei Genitricem , verè Sanctissimam Virginem predicamus .* Secundò probatur ; filius Dei processit ex Virgine , sicut vivens à vivente coniuncto in similitudinem naturæ ex vi processio- nis : ergo fuit verè Filius Virgi- nis , ac proindè hæc propositio est vera : *Virgo est Mater Dei*. Cõ- sequentia patet ex definitione generationis. Antecedens est ma- nifestum : ergo , &c.

Quidam Hæretici negarunt , Beatam Mariam esse Matrem : quia putaverunt , Christum non esse verum hominem , & proin- dè damnati sunt . Probatur tã- men nostra propositio alia ra- tione : proindè aliqua dicitur vi- lius Mater , quod ipsum concipiat , foueat , gignatquè ex sua substantia : sed de fide est , Bea- rã Virginem sic fecisse respectu Christi hominis : ergo est vera Mater illius hominis . Maior est

omnium Catholicorum , etiam Aethnicorum . Minor est aggregatio Articulorum fidei in sym- bolo , scripturis , & Concilijs , & aliter nequit probari : ergo , cùm conclusio sequatur ex vi formæ , non est hic reliquus ambigendi locus .

2 *Dices :* licèt hoc totum sit ve- rum ; tamen non probatur , quòd sit Mater Dei , vel Verbi Divini : quippè Verbum ab æterno fuit . *Contrà :* ideò aliqua mulier dicitur Mater alicuius personæ , quia generat verbi gratia hominem , in quo homine continetur per- sonalitas , seu negatio dependē- tiæ istius hominis ab alieno ali- quo supposito , quæ negatio non producit ab illo , sed seipsa , fuit ad naturæ existentiam : ergo cùm Beata Virgo genuerit naturam humanam Christi , ad cuius existentiam statim Verbū Divinum terminabat depēden- tiam eiusdem naturæ ; citò Ver- bum non producat a Beata Vir-

Virgine; tamen erit Mater Personæ Christi, & consequenter Verbi, atque adeo Dei.

Confirmatur: quia Christus, ut hæc Persona, est Filius Beatæ Virginis: ergo Beata Virgo est ipsius Mater similiter: sed Christus, ut hæc persona, est Deus, & homo: ergo Beata Virgo est Mater Dei, & hominis. Probat-ur antecedens: quia secundum Philosophum, actiones, & passion- es sunt suppositorum, idest de personis, & suppositis dicun- tur: ergo cum generare sit actio, & generari sit passio; Persona Beata Virginis dicetur genera- se actiue, & Persona Christi dic- tur generata passiuè ab ipsa Virgine: ergo ipsa erit vera Ma- ter istius personæ, & consequen- ter Dei, & ipsa Persona erit ve- rus filius eiusdem.

- 3 *Dices.* Nulla mulier est mater illius, quod est independent- er ab ipsa: sed Deus est semper in- depēdenter à Beata Maria: ergo Beata Maria non est Mater Dei. *Respondeo*, transacta maiori, di- stinguēdo minorē: purus Deus, concedo; Deus homo, nego; & similiter distinguo consequens; Dei puri, concedo; Dei hominis, nego. *Dices.* Quidquid nequit generare aliquid seorsim, non potest generare illud simul iun- ctum cum alio; ergo, cum Bea- ta Virgo nequeat Deum purum seorsim gignere, similiter eum simul cum homine vnitum ne- quit producere. *Respondeo*, distin-

guendo antecedens: nequit alte- rum producere simul cum, &c. itaut sit terminus formalis illius productionis; transeat; itaut sit aliquid, quod reperitur in ter- mino formalis; nego; & distinguo consequens: itaut Deus, vel Verbum Diuinum, vel Persona Diuina sit terminus formalis, vel totalis illius generationis, concedo; itaut Deus, vel Ver- bum, vel Persona Diuina non- confineatur in illo termino for- mali, vel totali, verbi gratia, in illo homino, qui generatur, ne- go.

- 4 *Sit exemplum:* homo nequit producere animam rationalem seorsim, tamen potest produce- re hominem conflatum ex ani- ma, & corpore: similiter, quam- uis Beata Virgo nequeat produ- cere Deum seorsim, potest tamen producere Deum, & ho- minem, ita quod generatio ip- sius terminetur formaliter ad hominem, qui tamen homo cō- cernit personam; ac proinde cō- flatum ex humanitate, & perso- nalitate, verè dicitur generari, verbi gratia, ipsa persona: ergo B. Virgo verè est Mater Dei, & hominis. *Cōfirmatur:* quia, ut di- catur, quod quis genuerit alterū, non requiritur, quod genuerit, quidquid sit in ipso, sed sufficit, verum esse, ipsum genuisse: ergo ut dicatur, quod Beata Virgo genuerit Christum, idest vnum, qui fuit Deus, & homo, non re- quiritur, quod genuerit forma-

N n

liter

liter quidquid sit in ipso; sed sufficit, quòd genuerit ipsum, in quo conseruatur Deus, & homo. Consequentia est clara. Antecedens ex fide inferitur: quia, vt dicatur, quòd Pater in diuinis genuerit filiù in diuinis, suf-

ficit, quod filiùm genuerit, scò filiationem, licet non genuerit essentiam Diuinam, vt fides docet: ergo, vt quid verè gignatur, non requiritur, vt quidquid sit in ipso, sit à tale generante genitum.

PROPOSITIO SECVNDA.

Ratio Maternitatis præstantiori modo saluatur in Maria, quàm in cæteris matribus.

5 **E**st omnium, sed diuerso modo incedunt. Thomistæ enim, qui tenent, quod Mater nò se habet actiue in generatione prolis, & quod semen Matris non sit necessarià materia, pro foetu formando, dicunt, Conclusionem esse veram, non quod Virgo aliquid præstiterit magis, quàm aliæ Matres; sed vt magis explicetur dignitas Virginis.

Sed in via nostra, sic eam probò. *Primò*. Virgo Maria subministravit omnem materiam in Conceptione filij sui; ita liz Matres non sic: quia semen Patris essetiam materia foetus: ergo, &c. *Secundò*. Virgo Maria præstantiori modo egit: ergo in ea saluatur præstantiori modo ratio maternitatis. Probatur antecedens: quia potentia actiua Virginis fuit reducta ad actum per agens Diuinum, & infinitum; at potentia actiua aliarum Ma-

trum reducitur per agens naturale: ergo, &c.

Impugnabis nostra dicta. Maternitas, & Virginitas sunt contraria: ergo non possunt verificari de Virgine: nam ex sententia Aristotelis 4 Met.tex. 9. & 27. *si contraria essent in eodem, etiam contradictoria essent simul de eodem vera*. Vt plenius, & integrè satisfaciamus propositæ difficultati, & reliquis adducibilibus contra nos.

6 *Moneo primò*, quòd licet Virginitas, & Maternitas naturaliter stare simul non possint; quia ex *Scoto in 4. dist. 1. q. 6*. Virginitas inuoluit integritatem in carne, & in mente, tamquam duplex materiale; illud vt remotum, & hoc vt proximum; & vnicum formale de nunquam cecidisse; Maternitas verò excludit vtrumque, nempe carnis, & mentis integritatem cum affirmatiua-

matione de recidisse in carnis delectationem; virtute tamen Divina, possunt optimè coherere: quia Deus potest saluare illam integritatem, & sua virtute sine vlla carnis delectatione, fecundare Virginem, salus sanguaculis Virginitatis: quo fit, ut Beata Virgo verè servauerit formatissimam rationem Virginitatis, & fuerit Mater, astrictè cōcurrente generationi Christi, sicut alix Matres; quamvis facta fuerit in instanti.

- 7 *Monco secundò*, quòd Beata Virgo, cùm sufficienter egerit ad formationem Corporis Christi, necessàriò debuit ministrare aliquid. *Aliqui dicunt*, quòd fuit sanguis purissimus, qui erat in venis Virginis, & asportatus ad locum generationis. *Contrà*, dicunt alij: talis sanguis eù ineptus generationi, nec oportuit, Deum in omnibus fecisse miracula; fuit ergo sanguis menstruus, qui est congruus generationi. Si dicatur, quòd talis sanguis imperfectus est, & expellitur à natura: distinguit *Suarez*, quòd talis sanguis, ut de eo generetur fœtus, vel ut est perfectissimus, perfectè decoctus, & purus, vel ut est propè tempus, ut expellatur, tendens ad corruptionem; & talis est imperfectus, & hic est sanguis menstruus imperfectus: Corpus Christi fuit formatum de primo.

- 8 Petes *Utrum possit asseri*, quòd fuerit formatus Christus ex semine?

Dico, quòd Scotus de hoc non loquitur. Tamen Pater Faber summet posse trahi Scotum ad hanc sententiam: quia ceteræ mulieres ministrant sanguinem, & semen, maxime sequendo viam Galeni, quem sequitur Scotus; nec per hoc fuit laesa Virginitas Mariæ: nam in conuersione sanguinis in semen, & in transmissione ad vas, in quo cōservatur, nulla est delectatio, & concupiscentia, quæ repugnet Virginitati: cùm talis conuersio, & transmissio sit naturalis, & necessaria; sed delectatio est in trāmissione illius seminis à vase, in quo cōservatur, ad locum, in quo fœtus generatur; & hic motus, seu transmissio non fuit in Virgine, & sic optimè saluatur Virginitas, & ministratio purinci leminis. Quando autem Patres communiter dicunt, Christi Corpus fuisse formatum ex purissimis sanguinibus; acceperunt denominationem à maiori, potiori, & certiori parte materiæ, quam ministravit Beata Virgo; & fuit sanguis; alia fuit semen. Vel certè dixerunt, quia omnes, qui concipiuntur ex semine, sunt cum delectatione, & concupiscentia, quæ omninò remouenda est à Virgine. Sanctissima; & ita caltius loqui volentes, dixerunt, Virginem ministrasse sanguinem.

- 9 *Monco etiam*, quòd si sustineatur, tres illos motus præcedentes organicam formam (nempe

N n 2 aspor-

asportationem materiz ad locū generationis, figuratiōē illius materiz, & cōdenſationē, ad quā in instanti inducta fuit forma corporis, & in eodem instanti temporis animatio, & vnio ad Verbum) factos fuisse in tempore, sed in minori, quam in ceteris matribus; non per hoc sequitur, esse ibi aliquod aliud suppositum: quia corpus illud asportatum, vel figuratum, vel condensatum, nunquā per aliquod instans fuit sub illo esse imperfecto in esse quieto; sed semper fuit in fieri, transeundo per illa media, quz pręrequiruntur ad generationē; nunquā ergo fuit suppositum, vel pręcessit suppositum aliquod creatum per omnes illas transformationes, seu alterationes, & corruptiones pręcedentes generationem totalem Corporis Christi.

- 10 *Sciendum etiam*, quod licet huiusmodi motus facti fuerint in paruo tempore, & non in instanti; non per hoc Scoti opinio fuit temeraria, vel erronea, vt censet Suarez, qui ex Concilijs, & Patribus deducit, Christi generationem fuisse factam simpliciter in instanti quoad omnes motus pręcedentes animationem, & vnionem ad Verbum. Verū est enim: sententiā, quę asserit, in instanti formatam fuisse Christi humanitatem, magis consentaneam esse dictis Sāctorū Patrum; & hinc Scotus as-

signat alium modum dicendi; scilicet, quod illi tres motus; nempe asportatio sanguinis ad locū aptum generationi, figuratio, cōdenſatio, & consequenter vltimę formę substantialis inductio, fuerunt facti in instanti. *Ratio*, quā assignat, est: quia illa media, quz sunt necessaria agenti naturali, & virtuti imperfectiori, non sunt necessaria superiori, & supernaturali. Licet ergo nequeat virtus imperfecta, & naturalis attingere illos tres motus in instanti; non per hoc negandum est virtuti infinitę.

- 11 *Dices*, quod saltem Congregatio sanguinum dispersorum, in venis, & asportatio ad locum conuenientem generationi, debuit esse in tempore, vt probat D. Thomas: quia necessariō interuenit ibi motus localis, qui non potest fieri in instanti. *Respondetur*, quod in Congregatione, & asportatione materiz ad locum generationis, requiritur motus localis respectū agentis naturalis; non enim repugnat, quod Deus moveat vnum corpus ab vno ad alium locum, nō pertransitis medijs in tempore; sufficit enim ordo naturę. Non est enim mirum, si Deus fecit, vt sanguines Virginis ex eo vbi, in quo per totum illud tempus pręcedens fuerunt; in vltimo instanti illius temporis essent in vtero, qui est locus aptus generationi, illos figurare, cōdenſare; & perfectę organizare, non tran-

transcendo per media naturalia.

12. *Sciendum etiam*, quòd non solum, si dicamus, illos tres motus factos fuisse in tempore; sed etiam in instanti: Beata Virgo actiue se gessit respectu formationis Corporis Christi: nulla enim est repugnantia, quòd agens creatum agere possit in instanti, sed non eo modo, quo dicebat *Suarez*, scilicet, quia Virgo ministravit materiam aptam generationi, & calorem, quodammodo fouit illam materiam conservando in ea naturalem virtutem; & sic usus est Deus facultate Virginis, tamquam instrumento per potentiam obediencialem actiuam, operans ad illam generationem; hoc negandum est in via Scoti: nam ministrando materiam non ageret ad formationem Christi: fouendo ageret dispositiue; & sic non esset verè Mater, nec potuit assumi, ut instrumentum, si simpliciter repugnet creaturæ agere in instanti.

13. *Dicendum ergo*, quod Beata Virgo verè agit actiue, tamquam causa minus principalis per propriam suam virtutem, ut alie matres, quæ operabatur in instanti ad terminum principalem auxquatum; eo quia virtute Diuina ablatum fuit impedimentum, quo impediabatur propter productionem illorum trium motuum, seu terminorum inadæquatorum, præcedentium gene-

rationem totalem: semel enim ablato illo impedimento virtute Diuina, quæ in instanti asportauerat illos sanguines ad locum, aptum, figurauerat, condensauerat, & c. cur non poterat uti naturali facultate ad cooperandum actiue alij virtuti, ad producendum corpus organicum, & inductionem animæ intellectiue, quæ omnia fiunt in instanti? Patet ergo, Beatam Virginem actiue cooperatam fuisse illi generationi totali.

14. *Dices ex Damasceno*: Spiritus sanctus dedit virtutem susceptiuam simul, & generatiuam Virgini: ergo nullam ex se habuit nec actiue, nec passiue. *Respondetur*, quòd habuit passiuam, proximam, non autem remotam, sicut, & actiuam: erat enim Virgo in potentia passiuam ad recipiendum Verbum remotè, & coagendum suæ formationi in utero remotè: sed Spiritus sanctus reduxit ad proximam. *Replacabis ex Anselmo* Christi Conceptio fuit miraculosa: ergo nullum agens naturale, nec principaliter, nec instrumentaliter potest ad illam agere: eo vel maxime, quia *Scotus in 2. dist. 18. in q. de rationibus feminalibus*. dicit, quod semen solum agit in elevatione præuia ad generationem; sed hic non fuit: quia instantanea: ergo, & c. *Respondetur*, fuisse miraculosam in modo, non autem in substantia: quia poterat Virgo, ut alie matres

trics

286 *Disput. VII. De Maternitate Virginis.*

tres generare : sed non hoc modo miraculoso, reducendo illam potentiam remotam ad actum instanti, non transcendo per illa media naturalia. *Ad Scotum respondetur* iuxta duplicem viam, quam tenet; vel quod virtus actiua seminis remaneat per omnes transmutationes naturales usque ad instantem generationis, & sic non solum agit ad alterationem praviam, sed ad ipsam generationem; vel si corrumpitur, tunc Mater agit per intimam presentiam, quam habet cum termino generationis: patet; quia si illa virtus ponatur extra uterum, non sequitur generatio.

15. *Dices.* Virginitas; & Maternitas opponuntur privatiue: ergo per nullam potentiam possunt esse simul. Antecedens patet: quia mulier non potest parere, & non amittere signaculum Virginitatis. *Respondetur*, quod non opponuntur, nec privatiue, nec contrarie, sed solum virtualiter: nam Virginitas negat, seu dicit privationem concursus causæ naturalis principalis, scilicet viri, cum integritate mentis, & corporis; illa de-

nunquam consensisse in actum venereum; & hac in immunitate à delectatione, quæ consistit in seminis resolutione, & integritate signaculi Virginei. *Replicabis.* Beata Virgo in partu, saltem amisit illud signaculum; quia non poterat expellere corpus ex utero sine fractione, &c. *Respondetur*, quod Virgo naturaliter expulit partum, sicut aliæ matres: sed quod non fregerit illud claustrum, fuit miraculosum per penetrationem corporum per dotem subtilitatis, quæ tunc redundavit in Corpore Christi. *Si dicatur* ex Damasceno: *Genetricem Christi, nequaquam dicimus Beatam Virginem.* *Respondetur*, quod loquebatur contra Hæreticos dicentes, Beatam Mariam non esse Matrem Dei. *Dices*, actiuum, & passiuum sunt mutua; nullus fuit Pater Christi: ergo nulla Mater, ut seruetur ordo actiuorum, & passiuorum. *Respondetur*, quod sufficit, ut inueniatur actiuum in tota natura; imò verò supponitur falsum: quia Mater est actiua, ut docent communiter cum Scoto eius discipuli.

DISPUTATIO OCTAVA.

De Incarnatione Christi in facto esse, scilicet de unitate, & simplicitate Christi.

PROPOSITIO PRIMA.

In Christo duplex est esse, tam essentia, quàm existentia, non tamen Christus est duo, sed unus; estquè in eo unicum esse subsistentia, seu Persona.

1 **D**E unitate suppositi, seu Personæ dictum est satis supra disputatione tertia; unica enim est in Christo subsistentia, cum humanitas illius non subsistat in se, sed in Diuinitate, priuaturquè propria subsistentia, vt subsistat aliena, scilicet Verbi Diuini. Hinc oritur non mediocris difficultas: *An videlicet quomodo in Christo est unicum esse subsistentia, ita sit etiam existentia.* Pugnant ad inuicem hæc in parte duæ graues sententiæ; Thomistarum vna, docens, naturam assumptam existere Verbi existentia.

Scotistæ cum Scoto in 3. dist. 6. propugnant, *Humanitatem in Verbo, propriam habere existentiam.*

Probat: Christus generatur

generatione reali, non phantastica, & Beatissima Virgo, vera, & realis Mater, fuit principium huius realis generationis: sed ex Philosophia generatio realis terminatur ad esse reale naturæ: ergo natura Christi de necessitate debet habere suum proprium esse. Vm argumenti explicasse Diuinum est esse increatum: ergo non potest attingi generatione creata: Mater ergo Christi nihil concursu materno principauit, si esse, quod ponitur in Christo, totum Diuinum est. *Sic ista ratio.* Christus habuit duplicem vitam, non vnâ, sed viuere ad aures Aristotelis est esse: ergo pro duplici vita Christus habebit esse humanum, & esse Diuinum: viuit quippè Christus, & humana vita: quia verè homo

homo est, & vita Diuina; quia verè etiam Deus est.

- 2 *Scoticum discursum* impugnât Recentiores na dicendo: Mater, quæcumque illa sit, neque attingit existentiam animæ; quia creatur; neque existentiam materiz, quæ est ingenerabilis, & tamen tales matres in generatione humana, verè matres sūt: non ergo valet argumentum, quod Beata Virgo non esset realis Mater, nisi suæ propriæ aſſuitati responderet esse de nouo. *Patet horum* sic arguentium, nullius roboris esse discursum: facilliterquè se liberabit Scotus respondens cum Scoto, non fore Matrem humanam, nisi suæ principiatio quoad Maternitatem terminaretur ad nouam totalitatem, quoad nouum esse; sentit quippè Scotus, ex partibus simul sumptis, & vnitis resultare tertiam entitatem à partibus realiter distinctam, & ad illam terminari actionem creatam.

- 3 *Adueniat altera ratio*. Natura humana, vt contradistincta à Verbo, est aliquid reale, & non nihil: ergo habet propriam existentiam distinctam ab existentia Verbi. *Dices*: esse aliquid, vt dicit ordinem ad existentiam Verbi, vel vt illam connotat. *Contra*: præcisa illa connotatione, vel illo ordine, adhuc natura humana est aliquid reale existens: ergo nulla responsio. *Profertur ratio*. Anima Christi prius

creatur, & vnitur corpori, quàm natura humana assumatur: sed hoc nequit esse, nisi anima, & corpus tunc haberent suam existentiam: ergo debent illam actū habere. *Confirmatur primò*. Tota natura humana posita extra suas causas, & secundum suum esse reale fuit assumpta: ergo habuit propriam suam existentiam creatam: aliàs Verbum assumeret in tempore suam existentiam increatam. *Confirmatur secundò*: Natura existens realiter refertur ad Verbum per vnionem hypostaticam: ergo habet existentiam distinctam ab existentia Verbi. Consequentia patet; quia aliàs idè referretur, cum fundamentum non haberet existentiam distinctam ab existentia Verbi.

- 4 *Alia ratio*. Angelus vidit intuitiue naturam humanam, & non vidit existentiam Verbi, vel ordinem ad existentiam Verbi: ergo cū cognitio intuitiua terminetur ad rem existentem, clarescit, quòd si visio Angelis fuit terminata ad naturam humanam, & non ad Verbum, nec ad connotationem ad Verbum, quòd natura humana erat existens propria existentia. *Dices*, Angelum vidisse naturam humanam, quæ actū est, licet non viderit naturam existentem. *Contra*. Angelus vidit, iuxta responsionem datam, naturam, quæ actū est; nunc peto, quid sit, naturam actū esse; non potest

est dici, quòd tantùm sit, naturam humanam habere sua prædicata essentialia : nam hoc pacto quælibet natura possibilis, actû esset : si verò dicatur, quòd actû sit ; quia est extra causas ; hoc cerre est ipsam existere, utpotè existentia est ea, per quam realiter aliquid est extra causas.

Dices, Angelum videre naturam humanam existere modo, quo videt ipsam subsistere; quatenus scilicet videt operationes, & accidentia, ex quibus venit in cognitionem, quòd ibi sit aliquod subsistens. *Contra* ; quia Angelus non eodem modo videt, naturam humanam existere, quo videt illam subsistere. Ratio est: quia cognitio naturæ humanæ est intuitiva, & ista de necessitate petit rem existētem, ad quam immediatè terminetur; at cognitio subsistentiæ naturæ humanæ, (si Angelus ex suis naturalibus potuit illam habere) est discursiva, & per illationem, pro quanto Angelus ex his, quæ videt, arguit ipsam naturam subsistere: ergo nulla responsio.

3 *Alia ratio*. Humanitas distinguitur à Verbo, tanquàm ens actû : nam humanitas assumpta plus distinguitur à Verbo, quàm distinguitur à seipsa ut possibili; at à seipsa ut possibili distinguitur, tanquàm ens in actû ab ente in potentia: ergo à Verbo de-

bet distinguì tanquàm ens in actû : subinfero: si humanitas existeret existentia Verbi, non distingueretur à Verbo, tanquàm ens actû ; ergo humanitas existit propria existentia. *Dices*, quòd immediatum, susceptivum existentiae est suppositum ; hinc, cum natura humana non habeat propriam subsistentiam, nec etiam gaudet propria existentia. *Contra*, prius est, rem existere, quam incommunicabiliter existere; at res habet existere ab existentia, & incommunicabiliter existere à subsistentia : ergo existentia supponitur ad subsistentiam.

6 *Altera sit ratio ad hanc rem*. Repugnat, rem subsistentem posse intelligi sine esse : ergo esse non potest suscipi in subsistentia. Antecedens patet ex eo, quòd subsistere dicit, incommunicabiliter existere. Consequentiam, probò: id, quod suscipit existentiam, vel præintelligitur in rerum natura, vel non ? Non potest dici secundum : quia, quod non est in rerum natura, est non ens, & non ens nequit esse susceptivum entis realis: ergo, &c. Quod verò subsistentia minimè intelligi valeat ante existentiam in rerum natura ; pater : quia existentia est extra silentiam, & existere, est existeret. *Vergetur ratio* : homini nequit competere esse animatum, nec prius homo est animatus, quàm ipse conue-

O q nias

niat anima: ergo substantia nō est illa, quam immediatē sequitur omnis existentia. *Altera ratio.* Personalitas supra naturam in probabili sententia ex disp. 3. proposit. 3. addit tantū duplicem negationem: ergo natura,

quæ caret propria substantia; solum caret duplici negatione, & non existentia, quæ est aliquid positivum; sed sic fuit natura humana in Christo: ergo, &c.

PROPOSITIO SECUNDA.

Nostram propositionem impugnant ista, quæ sequuntur.

7 **P**rimum. Existentia est proprietas personalis, primò, & per se conveniens personæ, deinde naturæ rationis personæ; sed proprietates personales non multiplicantur in Christo magis, quàm ipsa persona; ergo nec existentia. Maior probatur: persona, vel suppositum est quod primò, & per se generatur, & non natura per *Arist. 1. physicorum*: sed eius est existentia, cuius est generari, & fieri: ergo existentia est proprietas personalis. *Confirmatur.* Terminus generationis humanæ est persona existens in natura humana; sed Christus est terminus generationis ex Matre: ergo est persona existens in natura humana: sed Christus non est alia persona à persona Verbi existens in natura per esse, & existeret creatum: ergo per esse increatum.

Item sequerentur tria. Primum, quod Verbum Divinum existeret per existentiam creatam. Secundum, quod existentia creata esset perfectio personalis Verbi. Tertium, quod Beata Virgo non esset Mater Dei. Primum patet: quia Verbum ideò est homo, & vult per voluntatem creatam, quoniam humanitatem, & voluntatem creatam assumpsit: ergo si assumpsit existentiam creatam, existit per illam. Secundum patet: quia existentia sequitur personalitatem, ut eius perfectio, & actus ultimus: ergo existentia creata in Christo esset perfectio personalis Verbi. Tertium patet: nam secundum istam opinionem, terminus in generatione Christi est esse, existeret creatum, & non esse increatum filij Dei.

8 *Respondetur*, duplicem esse existentiam: alteram incommunicabilem, & hæc est proprietas per-

personalis, imò ipsa ratio personalitatis, quæ non multiplicatur in Christo, ut probat argumentum, alteram agnoscimus existentiam, quæ dicit rem esse extra causam, & hæc non est proprietas soliùs personæ, sed etiam naturæ humanæ in Christo distincta ab existentia increata Verbi, & multiplicatur ubique aliqua res de nouo est extra causam. Ad probationem maioris responderetur simul, & ad Confirmationem, quod terminus generationis temporalis in Christo primarius est natura humana singularis (Verbum enim non est capax generationis temporalis) bene verum est, quod natura singularis actû non generatur, nisi priùs subsistat, prout *ly generatur*, dicit terminum totalem; & ita natura singularis subsistens vel in se, vel in alio, est terminus adequatus. *Et si obijcies*: natura singularis actû non generatur; nisi priùs subsistat: sed per generationem habet existentiam: ergo non habet existere, nisi priùs subsistat. Respondetur, quod primarius terminus est natura, ut supra, adequatus verò, & vltimò denominatus, non est, nisi priùs subsistat; cum hoc tamen fiat, quod (licet in eodem instati temporis sit natura singularis existens, & subsistens, & hoc totum adequatè dicatur generari) in aliquo priori naturæ sit existens natura, & in posteriori subsi-

stens; vnde &c.

9 Quando in Confirmatione dicitur, quod Christus terminus adequatus generationis est existens in natura humana, & non existentia creata, sed increata; hoc est falsum, imò est argumentum Scoti, quod terminus per se generationis habet esse, acquisitum per generationem; Filius Dei verè generabatur ex Matre temporaliter, & illius generationis terminus est aliquid, in quantum habet esse existentie, non autem increatum: quia illud esse non fuit effectum per generationem temporalem: ergo aliud esse. *Ad inconuenientia*. Ad primum: Verbum exilire existentia creata, potest intelligi, vel ut Deus, & sic non; vel ut homo, & ita per existentiam creatam, in quantum homo Verbum existit: ideo enim Verbum est verè, & realiter homo, quia existit in humanitate, & sicut ab humanitate est verè homo, ita ab existentia humanitatis est verè existens existentia creata, nec hoc est inconueniens. Ad secundum negatur, quod existentia, qua res est extra causam, sit actus tantum personalitatis, sed est actus, vel modus essendi entis realis. Ad tertium responderetur, quod Beata Virgo est Mater Dei, quia persona generata est Diuina, sed non producta ab ea secundum naturam Diuinam, neque secundum esse Diuinum, sed humanum.

- 10 *Secunda ratio principalis contra nostram propositionem.* In sexta Synodo generali *actio* 1. in Confessione Patriarchæ Ierosolimitani habetur: *In Verbo Dei, non in se ipsa habet unam existentiam cum Verbo.* Item Damascenus lib. 3. *orthodoxæ fidei cap.* 22. dicit *humanitatem Christi existere per existentiam Verbi.* Item Leo Papa *epistola* 11. dicit, *humanitatem Christi ista assumptione fuisse creatam; & Fulgentius lib. de Incarnatione 3. cap.* dicit: ipsa acceptio carnis fuit conceptio virginalis, &c. ergo ante assumptionem non habuit existentiam propriam.

Potest responderi, duas primas authoritates loqui de existentia incommunicabili, non de illa, quæ tantum dicitur, rem esse extrinsecas. Ad duas ultimas, quæ contrarium affirmant, dicendum est, quod in eodem instanti temporis humanitas fuit producta, & assumpta. *Contrà:* pars de nouo adueniens toti habenti esse perfectum, & completum, non datei aliquod esse, sed potius est, & existit per existentiam totius; sed natura humana aduenit, quasi inserta ipsi supposito Diuino, iam præexistenti; ergo, &c. *Confirmatur,* accidens non dat aliquod esse subiecto: tunc enim tot forent esse in Petro, quot accidentia: at natura humana, quasi accidentaliter aduenit Personæ Diuinæ, iam existentij; ergo, &c. *Respon-*

detur, quod pars adueniens toti, communicat illi nouum esse conueniens ipsi parti, quod esse esse parziale; sic aliquis de nouo diceretur manatus, oculatus, &c. sic & natura adueniens, vel vnita Verbo communicat Christo suum esse nouum: nota tamen, quod non se habet, vt pars, quia tunc Verbum in Christo esset alia pars.

- 11 *Contrà;* vnus rei substantialis est tantum vnus esse, & existere: sed Christus est vna res substantialis: ergo, &c. *Confirmatur.* Primo: sicut se habet vna quantitas ad omnia, quæ sunt quanti; sic vna existentia ad omnia, quæ sunt vnus suppositi; sed vnica quantitate omnia eiusdem quæti sunt quanta; igitur vnica existentia existunt omnia, quæ sunt eiusdem suppositi: sed Christus, &c. ergo, &c. *Secundò,* sicut leuiter habet substantia ad substantiam, ita existentia ad existentiam, sed substantia Verbi supplet substantiam naturæ humanæ, & solum esse ibi vna substantia: ergo existentia Verbi sufficienter supplet existentiam naturæ humanæ, & ita non est ibi, nisi vna existentia. *Tertiò:* si Verbum existeret existentia naturæ, oporteret, quod natura humana esset forma Diuini suppositi, & ita Verbum esset aliquid potentiale, & natura quid actuale, & ita persona Christi esset composita.

- 12 *Respondetur,* quod vnus rei simplicis non habentis plures

naturas, vel essentias, saltem in creaturis, est vnum existere; at res nō ita se habet in Christo.

Ad primam confirmationem dicitur, quod quantitas est accidens realiter, & essentialiter distinctum ab eo, quod est quantum per ipsam; & ita sine sui multiplicatione possunt esse multa, quanta in subiecto quanto: sed existentia, cum sic realiter identificata, nec essentialiter distincta ab essentia, quotquot sunt essentia, & natura, tot sunt existentia. *Ad secundam* patet eadem responsione de identitate, quæ non est in subsistentia dicente, tantum duplicem negationem, quæ contingenter inest, & oppositum potest inesse, & per hoc suppleri: sed existentia non potest sic tolli à natura, ac per consequens nec suppleri, sicut nec propria sua singularitas. *Ad tertiam* patet, quod, si natura humana tribueret existere Verbo per informationem, tunc esset bene actus, & Verbum potentia: & ita Christus compositus, sed dat esse per unionem, quam Verbum terminat tantum, & per communicationem Idiomatum.

13 *Tertia ratio principalis.* Sicut accidentis esse, est inherere; ita substantia est per se existere: sed

inest in accidente est tantum; vnum: ergo vna existentia in vna substantia: Christus est vna substantia: ergo in Christo vna existentia. *Confirmatur.* Si in Christo sūt plura entia: ergo Christus est plura entia: quia ens, & esse sunt idē. Item illa plura esse, vel illa plures existentia, vel faciunt vnum per se, aut per accidens; non per se, vt patet discurrendo per modos per se; nec per accidens: quia neutrum est accidens, vel forma alterius.

Respondetur negando suppositum de inherentia actuali, & cedendo, sicut, & ita in Christo est tantum vna subsistentia, vel per se existentia incommunicabilis. *Ad Confirmationem* dico, quod non sequitur: sunt in Petro plures scientia: ergo plures scientes: oportet enim, quod etiam plurificetur, quod habet rationem materiae. *Ad aliam, &c.* Christus non est vnum per se, aliquo modorum Aristotelis; nec tamen est vnum per accidens per informationem; est tantum vnum unitate unionis, vnum inquam substantiale: & hæc unio secundum Damascenum tenet arcem unitatum in nobilitate, non quantum ad faciendum, aliquid vnum ex per se unitis.

DISPUTATIO NONA.

De Prædestinatione, & Filiatione Christi.

PROPOSITIO PRIMA.

Prædestinatio Christi in Filium Dei, præcesit prauisionem cuiuscumque peccati, etiam Adami: unde, Adamo non peccante, & natura humana manente in statu Innocentiæ, Christus incarnatus fuisset, non quidem ut Redemptor, & in carne passibili; sed ut Glorificator, & in carne impassibili.

C Elebris est Controuersia de veritate istius propositionis inter D. Thomam cum suis eam negantem, & Scotum cum suis eam propugnantem, in 3. dist. 7. q. 3. & in 3. dist. 19. & in 1. dist. 41. Nos eam probamus his argumentis.

Primum: legimus Prouerb orū 8. *Ab initio, & ante secula creata sum, antequam quidquam faceret à principio, &c.* Hæc verba, duplici naturæ Christi accommodari possunt: unde multi ea interpretantur de Diuinitate filij, eiusque æterna generatione; sed literalis magis apparet sensus, qui ea interpretatur de Christi Natiuitate, & generatione humana, cui soli propriè conuenit creatio; dicitur autem Christus,

vt homo, creatus ab æterno, nõ quidem secundum esse reale, sed secundum esse præuisionem, & præordinatum à Deo, vt sit sensus: quemadmodum in productione Diuinarum Personarum primò producta fuit persona Filij, quā Spiritus sancti, ita cum Deus præordinauit, & decreuit productionem suarum creaturarū, primus locus cōcessus est Christo filio Dei: sed in illa prima præuisione præuisionem non erat peccatum Adami, neque permissum: vt patet ex n. 193. dist. 6. ergo, & si Adam non peccasset, filius Dei erat incarnandus.

2 *Fauet huic argumento doctrina ea, quam habet Scotus in 3. dist. 19. q. unica, ubi docet, quod ordinatè volens, prius vult finem,*

&

& deindè, quæ sunt propinquiora fini, iuxta id, quæ sunt posteriora in executione, sunt priora in intentione: hinc Scotus in 3. dist. 7. q. 3. §. *secundum dubium*, &c. monet, in actione artificis, contrarium esse processum in, exequendo, ei, qui est in intendendo: nam Medicus ordinatè volens, priùs vult infirmo sanitatem, quæ est principale intentum, & postea vult medicinam, pillolas, &c. quæ sunt media ad sanitatem; & artifex in ædificatione Domi, ordine intentionis priùs vult habitationem, quàm ponere fundamenta, etsi in executione incipiat à fundamentis. Hoc stante primo argumento; ita dico: Incarnatio nõ solùm est perfectissimum opus Dei eorum, quæ sunt ad extra, sed magis conducit, quàm cætera omnia, ad gloriam ipsius Dei, quæ est finis primarius intentus à Deo in omnibus, quæ operatur ad extra: ergo post intentionem gloriæ ipsius Dei, primum omnium voluit Deus Incarnationem Christi.

3 *Sic Secundum argumentum.* Prædestinatio nostra in eo consistit, vt efficiamur conformes Christo secundum gratiam in hoc sæculo, & secundum gloriam in futuro, vt apertè legimus Rom. 8. nu. 29. *Nam, quos præsciuit, & prædestinavit conformes fieri imaginis filij sui, vt sit ipse primogenitus in multis fratribus, &c.* sed illud, cui cætera conformari debent,

illa debet præcedere; ergo Christi prædestinatio præcessit prædestinationem cuiuscunque intellectualis naturæ, & prædestinatio creaturæ antecessit præuisionem peccati: ergo Christi prædestinatio est ante præuisionem omnis peccati. *Urgeo difficultatem.* Prædestinatio Christi, vt deduxi ex illo Rom. 8. est causa prædestinationis primi parentis: ergo est causa gloriæ; quam habuit primus parens: sed gloria illa non solùm correspondet gratiæ, & meritis, quæ habuit post peccatum, sed etià gratiæ, & meritis, quæ habuit ante peccatum: ergo gratia, & merita, quæ habuit primus parens ante peccatum, data sunt illi intuitu Christi, ac per consequens prædestinatus fuit Christus ante visionem peccati primi parentis.

4 *Dices:* quòd postquam Adam peccauit, habuit actum penitentis ex meritis Christi futuri, qui quidem actus fuit quasi conditio necessaria, vt merita priora per peccatum mortificata, reuiuiscant, & ita fuit Christus causa prædestinationis, & glorificationis primi parentis. *Contrà.* Quando reuiuiscunt merita, nõ solùm correspondet gratia, & gloria iuxta mensuram contritionis, per quam reuiuiscunt; sed secundum totam latitudinem, priorum meritorum: ergo in primo parente correspondet aliquis gradus gloriæ meritis, quæ

ha-

habuit ante peccatum; ac per consequens gratia, & merita primi parentis ante peccatum, fuerunt ex intuitu Christi. *Fauet huic discursui*, quod merita mortuificata primi parentis per peccatum, dum reuiuiscunt per pœnitentiam; tunc pœnitentia se habet, veluti conditio finis qua non, non verò est ratio formalis, ex qua sumatur meritorum valor: ergo formalis ratio, propter quam illis correspondet gloria, non est pœnitentia, per quam reuiuiscunt, sed dignitas, & valor ipsorum, quem in sua prima collatione receperunt: ergo ut sic sunt prædestinationis effectus: ergo, &c.

Dices esse aliquem gradum gloriæ correspondentem illis meritis in primo parente, qui non sit ex meritis Christi. *Contrà*. Nam prædestinatio Christi est causa prædestinationis primi parentis: ergo est causa totius gloriæ, ad quam fuit prædestinatus primus parens. *Confirmatur*; quia alias minimè eene verum dicere, quod primus parens sit prædestinatus, vt eilet conforinis Christo. Obseruandum, quod prædestinati minimè dicuntur prædestinati conformes Christo ex illo tantum, quod sint similes illi in gloria: hac enim ratione sunt conformes Virgini, & B. Francisco: dicuntur ergo prædestinati conformes Christo; quia tota eorum prædestinatio est per Christum.

Fundatur hic discursus in doctrina D. Pauli 1 ad Corinth. 3. nu. 22. dicente: *Omnia vestra sunt, siue Paulus, siue Apollo siue Cephias, siue mundus. siue vita. &c. vos autem Christi, Christus autem Dei*. Ponderandum hic, quod Apostolus alloquens electos, dicit, omnia esse illorum, quia propter illos condita sūt; quippe ipsi sunt finis omnium, sicut Christus est finis prædestinatorum: ergo, cum colligant Theologi, quod omnia sunt condita propter prædestinatos ex eo, quod prædestinati omnium creatorum, sicut Christus est finis omnium prædestinatorum, dicendum, Deum prius voluisse Christum, deinde prædestinatū, sicut ex autoritate adducta, colligitur, Deum prius voluisse prædestinatos, deinde voluisse cætera creata.

6 *Fauet nobis Tridentinum sessione 6. cap. 7.* quatenus dicit, quod finis nostræ iustificationis est gloria Dei, & Christi: ergo si Christus est finis prædestinatorum, concluditur, quod, cum finis sit prior in intensione, Deus in intensione prius voluit Christum. *Dices*, Concilium minimè velle Christum esse nostrum finem, sed solum dicere gloriam Christi esse finem nostræ iustificationis. *Contrà*: eodem modo gloria Dei, & gloria Christi dicitur esse finis: sed sic est, quod gloria Dei, & ipse Deus est finis nostræ iustificationis: ergo finis.

similiter gloria Christi, & ipse Christus est finis noster. *Item*. Si gloria Christi est finis: ergo prius fuit intenta. *Item* si gloria Christi est prius intenta, quam nostra iustificatio: ergo ipse Christus etiam fuit prior ordine intentionis. Radices suas habet præsens discursus in eo, quod amor amicitie est prior amore concupiscentie, & gloria Christi sit amata amore concupiscentie; cum Christus sit amatus amore amicitie.

- 7 *Respondent* nonnulli, gloriam Christi esse finem, non intentum, sed resultantem ex nostra iustificatione. *Contrà*: eodem modo gloria Christi, & Gloria Dei dicitur finis: sed gloria Dei est finis intentus: ergo gloria Christi est finis intentus. *Item*, prudenter volens, qualis est Deus, prius vult finem, quam id, quod conducit ad finem: ergo cum per nostram iustificationem sit secuta magna gloria Christo, sicuti Deo, sequitur, quod Deus ordine intentionis prius voluerit gloriam suam, & Christi, quam nostram iustificationem. *Respondent alij*, quod gloria Christi sit finis impulsivus, sed non principale motivum ad nostram iustificationem. *Contrà*: quia finis impulsivus etiam aliquo modo procedit ex intentione.

- 8 *Sit tertium argumentum*. Adamo non peccante, futura erat Ecclesia, nedum triumphans in Cælo, sed etiam Deo deseruiens,

seu militans in terra: cum ea aliud non sit, quam Cætus, & Congregatio fidelium colentium Deum, & in statu innocentie erant futuri omnes Dei cultores: hæc autem Ecclesia, sine capite esse non poterat, cum sit ipsa corpus: sed Christus est caput Ecclesie, iuxta id ad Ephesios 1. nu. 22. *omnia subiecit sub pedibus eius, & ipsum dedit caput supra omnem Ecclesiam, quæ est corpus ipsius, & plenitudo eius, qui omnia in omnibus adimplet*: ergo aut monituosa, & sine capite futura erat Ecclesia, Adamo non peccante, aut Christus incarnatus fuisset, Adamo non peccante.

Quartum argumentum sit ex eisdem Apostoli verbis. Christus dicitur Caput Ecclesie, eo quod sit causa moralis totius gratie diffundendæ in membra corporis sui mystici, quod est Ecclesia: sed Christus est causa meritoria, quatenus homo est, & ex Philosophia, causa suum præcedit effectum: ergo incarnatio præcedit quæcumque gratiam, conferendam creaturæ, ac proinde ipsum statum innocentie, ita ut oportuerit primò Christum prædestinari, & ex intuitu, & merito illius dari gratiam, & gloriam tam Angelis, quam hominibus, antequam vllum præuideretur peccatum: nam supposita creatione, status gratie præcedit statum peccati. Non pugnant ista cum libera, & gratul-

tuita gratiæ collatione, cum gratia propterea dicatur gratuita, quia non pendet ex merito accipientis:

- 9 *Quintum argumentum* desumitur ex illo ad Colossenses 1. nu. 13. *Transiit in Regnum filij dilectionis sue, in quo habemus redemptionem, & remissionem peccatorum, qui est imago Dei inuisibilis, primogenitus omnis creatura.* Hæc verba duplicem explicant naturam Christi, qui est imago Dei inuisibilis, quatenus est Deus, & secundum naturam Diuinam: est autem primogenitus omnis creaturæ, quatenus homo, & secundum naturam humanam. Hæc primogenitura non solum est, quantum ad esse naturæ, sed quantum ad esse filij Dei prædestinati ad gratiam, & gloriam; vnde, sicut in mente Diuina primum locum sibi vendicat Christus quatenus homo, ita debet præcedere omnem præuisionem peccati; propterea Christus dicitur primogenitus mortuorum, non quia primus resurrexit à mortuis, iterum non moriturus, sed quia est causa exemplaris, & moralis omnium resurgentium; vnde eius resurrectio præcedere debuit in præuisione quancumque alterius resurrectionem. Simili modo Christus dicitur primogenitus creaturæ: quia ipse est primus, qui in mente Diuina fuit, cum Deus decreuit se aliquam creaturam effecturum, & aliquos

homines prædestinaturum. Illud autem decretum de creandis hominibus, & aliquibus saluandis præcessit præuisionem peccati; ex quo colligere licet, prædestinationem Christi, atque incarnationem futuram, Adamo non peccante.

- 10 *Sextum argumentum* desumitur ex illo, ad Hebræos 1. nu. 6. *Et cum iterum introducit primogenitum in Orbem terre, dicit; aduentum enim omnes Angeli Dei,* quæ verba sunt de Christo homine, intelligenda, bis introducendo in mundum. Hæc autem introductio duplex indicat nobis duplex decretum Diuinæ voluntatis circa Incarnationem filij sui. Prima introductio, seu primum decretum fuit tunc cum prædestinatus est Christus filius Dei, & decreta illius incarnatio titulo, & nomine Glorificatoris, & in carne impassibili. Secunda introductio, seu secundum decretum est, cum ordinatum fuit, filium Dei incarnandum titulo, & nomine Redemptoris, & in carne passibili. Quod in prima introductione, Angelis præceperetur adorare Christum, neque durum, nec laboriosum erat, licet insolitum, & difficile non est, Angelos adorare Christum à die Ascensionis in Cælum, & sessionis eius ad dexteram Patris, & in statu gloriæ: sed valde durum erat Angelis adorare Christum hominem passibilem, & sub nomine Redemptoris; cū

sanguine fuso fieri deberet redemptio; propterea notuit Apostolus etiam in secunda introductione, iussum fuisse Angelis, adorare Christum hominem passurum. Secunda introductio præsupponit peccatum Adam, & Adamo non peccante Christus non venisset, aut incarnatus fuisset in carne passibili, & titulo Redemptoris: ergo prima introductio debet præcedere peccatum, & Adamo non peccante, Christus venturus erat titulo, & nomine Glorificatoris.

- 11 *Septimum argumentum* sumitur ex ordine prædestinationis, comparatione facta Christi prædestinati cum cæteris prædestinatis hoc modo. In prædestinatione hominum præiussio ad gloriam antecedit præiussioem peccati, sicut, & gratia: quia finis est prius in intellectu, quam media ad finem: ergo à simili inter ipsos prædestinatos, cum sit vnus futurus, nempe Christus, qui est prædestinatus ad summam gloriam, debet seruari eadem processio, & prioritas ita, vt primus omnium prædestinetur Christus ad summam gloriam, & postmodum alij ad gloriam inferiorem, & inde sequitur, prædestinatum fuisse Christum, & decretum suæ Incarnationis factum antecederet ad quamcumque peccati præiussioem, & sic Adamo non peccante, Christus fuisset incarnatus.

- 12 *Octauum argumentum*. Id, quod

maius est, non pendet ab inferiori (talis eni in est ordo, quem in rebus creatis Deus constituit, quas diuidens in infimas, medias, & superiores; ita superioribus alias subiecit, vt sint superiores ab inferioribus independentes, nedum quantum ad esse, sed etiam quantum ad operationem) sed nihil est indignius peccato, quod cum nihil sit, in nullo ponitur ordine: Incarnatio autem Verbi Dei, & prædestinatio Christi, primum locum sibi vendicat inter ea, quæ à Deo facta sunt; cum includat duo, quæ humanum superant captum, nempe vniõem Dei, & hominis, & Beatitudinem illius hominis, longè præstantiorem Beatitudine cuiuscumque creature, eo quod, vt loquitur D. Paulus, sit Deus corporaliter in Christo, scilicet longè alio modo, quam sit in alijs creaturis, etiam in ratione obiecti Beatifici: ergo indecens est, imò implicat Incarnationem, & prædestinationem Christi dependere à peccato primi parentis; quod si ab eo non pendet, constat, eam futuram, Adamo non peccante.

- 13 *Nonum argumentum*. Si Adamo non peccante, Verbum Diuinum non erat incarnandum, Incarnatio esset per occasionem, & per accidens, & non ex dono gratuito, & ex interno amore Dei erga hominem extollendum per incarnationem, Verbi, yltra omnem creaturam;

sed consequens absurdum est, & derogans Diuinæ bonitati; & Excellentie hominis; ergo non debuit incarnatio fieri per occasionem peccati Adami, siue cuiuscumque alterius.

Iste omnes rationes nobis persuadent, Deum ante prævisionem cuiuscumque peccati decreuisse; hominē ad sui imaginem factum, extollendum esse supra omnem creaturam per communicationem Diuinitatis omni modo, quo communicari poterat, nempe conferendo illi summum gradum naturæ intellectuales, quantum ad esse naturæ, & summam gratiam, & summam gloriam, quæ tria requirunt unionem hypostaticam hominis, & Dei; vnde decreuit Altissimus, Verbum Diuinum, futurum aliquando hominem.

14 Si quis quærat: *Utrum ex illo decreto, homo ille Christus fuisset*

passibilis, vel impassibilis?

Respondemus, in illo decreto non includi alterum horum, sed includi dumtaxat verum corpus, & veram animam, verum, inquam, & realem hominem, talem, qualem exigebat status hominis ita, vt homine perinante in statu innocentie, Christus fuisset impassibilis non minus, quam ipse homo erat immortalis; homine autem peccante, venturus erat Christus in carne passibili, vt mederetur nostræ infirmitati, & tunc fieret passibilis, quando tota humana natura fuerat ex peccato facta mortalis; propterea opus non fuit nouo decreto, quo Christus fieret passibilis, nec vlla facta est mutatio in decreto Diuino, sicut nulla est in Deo mutatio, quamuis aliter post peccatum, Deus se gerat erga hominem, quam fuisset, illo non peccante.

PROPOSITIO SECVNDA.

D. Thoma sententia propugnatur.

15 **P**rimum argumentum. Christi venisse de facto propter nostram Redemptionem, negabit nemo. Christum potuisse venire ob solum motiuum nostræ Redemptionis, concedunt omnes; certum est etiam, nullam aliam causam ex scriptura, & Patribus haberi aduen-

tus Christi: ergo qui aiunt, motiuum principale aduentus Christi minimè fuisse nostram Redemptionem, arbitrariè loquuntur. Exemplo res declaratur. Cum Princeps testatur, se aliquid alicui dedisse ob determinatam causam, sine ratione assereret quispiam, Principem tale

lem fuisse motum ex alia causa: ergo cum ex Scripturæ, & Patrum testimonio habeatur, Christum venisse ob nostrâ Redemptionem à peccato, irrationabiliter loquuntur, qui dicunt, motiui principale aduentus Christi, nequaquam fuisse humani generis reparationem.

Vergetur iste discursus auctoritatibus Sanctorum Patrum. Primò, obuiam se præbet Cyrillus lib. 5. *Theauri* cap. 8. ita scribens: *Sciebat, mortales nos futuros propter peccatum, ac idè ex misericordia constituit ante secula, ut Verbum suum fieret homo.* Magnus Pater Augustinus sermone 8. de verbis Apostoli. dat suum votum, ita dicendo: *Si homo non peccasset filius hominis non venisset;* & sermone 9. ait: *Nulla causa fuit veniendi Christo Domino, nisi peccatores saluos facere.* Accedat Ambrosius, qui de Incarnatione Domini cap. 5. ita habet: *Nam quæ erat causa Incarnationis, nisi ut caro, quæ perierat, redimeretur?* ergo clarè constat, Patres esse pro D. Thoma, & eiusdem sententiam propugnare.

- 16 *Re tamen benè considerata, commune Sanctorum Patrum votum est pro Scotica sententia. In primis fauet Scoto Cyrillus; hic nâque lib. 5. Theauri cap. 8. ita scribit: Fundatur ante nos Christus, ut nos super ipsum coadificemur ante initium mundi in præscientia Dei, ut in ordine Divino benedictio antecederet maledictio-*

nem. Hinc observo, quòd ad aures Cyrilli, Christus ante nos fundatur, scilicet est prædestinatus: ergo cum nos simus prædestinati ante præuisionem peccatorum, ita dicendum de Christo. Favorabilem esse nostrę propositioni Augustinum, colligo ex lib. 5. de nuptiis, & concupiscentia cap. 21. ubi docet: *etiamsi peccatum non esset, fore nihilominus bona, inter quæ illud est, quod sit signum coniunctionis Christi cum Ecclesia.* Hac stante doctrina, ita argumentor: non foret Sacramentum, aut signum illius, nisi Christus venturus esset in carne: sed ista essent etiam, non stante peccato, secūdum Augustinum: ergo ad aures Augustini, decretum de Incarnatione quantum ad substantiam factum est ante præuisionem peccati.

- 17 *Ut tamen omnis equiuocatio in dictis Sanctorum Patrum, de medio tollatur. Monco, consuetudinem esse apud Sacram Scripturam, & Sanctos Patres, ut quando sunt plura motiua alicuius rei, quorum quodlibet est sufficiens; nunc vnum, nunc aliud exprimere, quandoquæ vtrumque. Patet 1. Reg. 16. ubi legitur, Samuelem habuisse duplicem finem veniendi ad Isai Bethlehemitem; primum, ut vngeret David in Regem, secūdarium, ut immolaret Domino; hunc secūdarium expressit Propheta senioribus Ciuitatis, ad Portam occurrentibus, & interrogan-*

rogantibus, an pacificus esset ingressus ipse; ait enim nu. 5. *pacificus, ad immolandum Domino veni, sacrificamini, & venite mecum, ut immolem, &c.* Primarium vero omnino tacuit propter timorem Saulis. *Ad Rom. 4.* dicitur Christus resurrexisse propter iustificationem nostram, quæ tamen non fuit primaria intentio, hæc enim erat exaltatio nominis ipsius Christi.

- 18 *Hinc est*, quod licet volita sit incarnatio primario, & efficaciter ante præsumptum peccatum, ad gloriam Dei manifestandam, & propter dignitatem ipsius Christi, ut in ipso omnes aliz creature conderentur, & ab eo omnem benedictionem spiritualem reciperent: quia tamen fuit etiam volita, supposita præsumptione peccati ob finem redemptionis, finis hic secundarius aliquando exprimitur in Scriptura sine primario, & è conuerso primarius sine secundo. Intentio igitur primaria, & finis, significatur locis à nobis ex Scriptura, & Patribus citatis; finis tamen secundarius, frequentius exprimitur: tum quod sit proximior executioni, & determinatio prioris intentionis, qua absoluta decernebatur, Verbum incarnari; determinat enim in executione modum carnis, scilicet, quod sit Caro passibilis, & in forma serui, qui in primo decreto non determinabatur, sed solum Caro absolute: cum euâ,

ut homini, qui affectu commodi maxime mouetur, continuo intimentur maxima illa beneficia, quibus Diuina dignatione, qua Deus in Redemptionem venire voluit, commoratus est. Iuxta hanc doctrinam intelligenda sunt loca Sacre Scripturæ, dum videntur opposita dicere.

- 19 *Si qui Patres dicunt*, Christum non venturum, nisi in Redemptionem peccati. *Respondetur* breuiter, intelligendos esse de carne passibili in humilitate, & forma serui, & quod non veniret ut Redemptor, & prout de facto incarnatus est. *Nec obstat*, quod simpliciter negat incarnationem aliter fieri, quia in hoc seruant consuetudinem Scripturæ, quæ simpliciter negat, quod diuersis modis fieri possit, ex eo præcisè, quod vnico, & determinato modo non fiat, ut patet Ioannis 7. nu. 8. *Vos ascendite ad Diem festum hunc, ego autem non ascendo, &c.* ubi Christus negat absolute, se ascensurum; quia non erat ascensurus palam, ut volebant Apostoli, sed secretò. Et Matthæi 15. n. 24. dicit Christus, se non esse missum, nisi ad oues, quæ perierant Domus Israel, ex eo, quod missus sit primo ad salutem populi Israelitici, licet sit etiam missus ad salutem gentium, iuxta illud Genesis 49. nu. 10. *Eti ipse erit expectatio Gentium*. Hoc ergo modo negant Patres, Christum venturum, si pecc-

peccatum non foret; quia non veniret, vt de facto in executione venit in Redemptionem peccati, & in carne passibili. Eodem modo respondetur ad illum hymnum Ecclesiæ de B. Virgine: *Peccatores non abhorres, sine quibus nunquam fores tanto digna filio*; est sensus, quod non esset digna tanto filio eo modo, quo est de facto, si non fuissent peccatores: quia non esset digna filio, qui non esset Redemptor, nisi propter peccatum.

- 20 *Dices*: quando Deus decreuit efficaci decreto Incarnationem, non potuit non determinare media ad talem finem necessaria: quippe intentio efficax finis dicit necessariam habitudinem ad media. Facit ad hoc, quod executio intentionis efficacis nequeat haberi sine medijs: ergo debent esse volita media: cum volens efficaciter finem, teneatur velle illa, sine quibus finis allecutio redditur impossibilis. Adde, quod, vt doctè Scotus in 2. dist. 6. q. 1. in responsione ad questionem: in hoc secernitur volitio efficax à volitione inefficaci, quod volitio inefficax sit volitio finis sine volitione mediorum, & volitio efficax dicit volitionem finis, & mediorum. Explicat Scotus in infirmo, qui vult sanitatem efficaciter; hic namque vult media ad sanitatem: at infirmus, qui vult sanitatem ineffaciter, minimè applicat media, scilicet potionem

amaram, pillolas, &c. *Dicimus*, quod, cum in bona Philosophia morali instruaumur, ordinatè volens, prius velle finem, quàm media, utpotè media, non sunt volita propter se, sed propter finem; ad volitionem finis efficacem, non dicimus necessarium, vt pro omni eo signo, in quo est volitus finis, sint volita media ad ipsum. Imò, hoc repugnare putamus: cum finis volitio sit causa volitionis mediorum, & causa omnis, saltem natura, est prior suo effectu. Ad volitionem ergo efficacem finis, putamus satis esse, vt media pro illo primo signo sint volita virtualiter. Dicimus, quod in volitione efficaci finis, obligatur sic volens, vt in subsequenti signo determinet de medijs ad finem consequendum necessarijs.

- 21 *Ad rem nostram dico*, Deum, primò voluisse Incarnationem quoad substantiam, nec tunc determinasse, an illa esset in carne passibili, vel impassibili; visa postea futuritione peccati, decrevit Incarnationem in carne passibili. Ad ampliorem doctrinam; quando finis intentus dependet ex natura rei quoad suam executionem à medijs, & circumstantijs, trahat antecedens; quando verò non dependet, quinimò est indifferens, vt ponatur per hoc, vel per aliud medium, cum his, vel alijs circumstantijs; nego antecedens; pro tunc minimè est necessaria de-

ter-

terminatio mediorum; licet igitur intentio efficax trahat secum finem necessarium, manet tamen indifferens ad hunc, vel illum modum executionis, ad electionem huius, vel illius medij determinatè, quando finis non exigit ex natura sua modum, aut medium determinatum; cum igitur Incarnatio nullam habeat in re connexionem cum peccato, quia tam bene sine eo, ac cum illo potuit esse, sicut potuit esse cum alijs circumstantijs; tam bene, ac cum illis, cum quibus peracta est de facto; voluntas efficax ipsius secundum se præcisè considerata, non dependet determinatè ab hoc, vel illo medio, ab his, vel illis circumstantijs, nempe, quod fieret in carne passibili, ex Virgine, operatione speciali Spiritus sancti, & non generatione humana, vel etiam creatione: quia oppositis modis fieri potuit.

- 22 *Replicabis*: si ex vi primi decreti Christus veniret in carnem, vel veniret in carne passibili, & hoc non: quia decretum de aduentu in carne passibili, supponit de facto peccatum; vel in carne impassibili, & hoc etià non: quia si impassibilitas includebatur in primo illo decreto Divino, nunquam stante decreto tali posset venire in carne passibili: ergo, si Adam non peccasset, nulla modo veniret. Consequentia patet: quippe non potuit venire, nisi in carne passibi-

li, vel impassibili, cum non detur medium. *Respondetur* distinguendo antecedens: veniret in carne passibili, vel impassibili, indeterminatè; concedo, determinatè, nego: quia primum decretum, quod fuit absolutum, ab omni conditione, nec passibilitatem, nec impassibilitatem determinatè includit. Ex vi igitur primi decreti, veniret in carne iuxta statum, quem haberet caro, casu quo, Adam confectus statum innocentie, & consequenter non esset passibilitas, aut morbus, quæ sunt pœna peccati: veniret enim ut primogenitus; & sic ut similis in statu naturæ illis, qui prædestinarentur conformes fieri imagini ipsius.

- 23 *Nec inde inferas*, quòd etiam si non esset ordinatus de facto in Redemptionem peccati, adhuc vi primi decreti veniret in carne passibili, ex eo quod hic sit status, quem de facto homo habet post peccatum; hoc enim non est verum. Ratio est, quòd hic status, quem de facto natura habet, non sit per se status ipsius, aut in quo Deus ipsam condidit: sed solum per accidens ipsi conveniens in pœnam peccati, & hoc respectu ad Adam tantum, & postereros eius, qui in eo constituti sunt. Cum igitur Christus non fuerit in eo constitutus, nec in eo peccare potuerit, veniret, ex vi primi decreti in illo statu carnis scilicet impassibili.

passibilis, quem in Adamo perdidit. De facto autem ex vi secundi decreti venit in carne passibili ex misericordia ad redimendum genus humanum, per suam mortem, & passionem. Sic cõmuniter soluitur præsens difficultas.

- 24 *Dicerem tamen*, quòd eatenus debeat dici, Christum necessariò venturum in carne, siue impassibili, siue passibili, ex vi primi decreti, quatenus primum decretum determinaret necessariò Deum ad habendum aliud decretum de executione, siue Adam peccasset, siue non, & cõsequenter, quòd sicut de facto Deus habuit decretum de executione Incarnationis in carne passibili, quia hoc vidit de facto esse magis conueniens, ita si Adam non peccasset, haberet aliud decretum de Incarnationis executione in carne impassibili, quia tunc hoc magis congruum videret.

Nostram doctrinam vsque modo traditam, possumus explicare ex doctrina communiter recepta in Tractatu de Prædestinatione. Cùm Theologico in loco legant apud Scripturam, & Patres, prædestinationem esse ante præuisionem meritorum, & aliquando dicatur esse cum ordine ad merita; inde Doctores notant, duplicem esse Prædestinationem, volentes, Prædestinationem ordine intentionis anteire præuisionem meritorum, in executione verò, rem aliter se habere. Nos huic discurfui inhaerentes, dicimus, duplex esse decretum de Incarnatione; vnum de Incarnatione secundum substantiam, alterum quoad modum; Patres ergo dicentes, Incarnationem factam in Redemptionem generis humani, intelligendi sunt de Incarnatione secundum executionem, vel prout de facto se habet.

PROPOSITIO TERTIA.

Duo alia argumenta enervantur.

- 25 **P**rimum argumentum. Si filius Dei fuisset incarnatus, si homo non peccasset; quæro, quare incarnatus fuisset; non propter exaltationem, & nobilitatem naturæ: quia tunc assumpsisset naturam Angelicam,

quæ est multò nobilior; non propter indigentiam: quia si homo non peccasset, nulla fuisset indigentia; imò quilibet homo fuisset perfectè beatus absque Incarnatione, & Beatitudo redundasset in vires inferiores;

Quia

quia, teste *D. Auguſt. epiſt. 38.* tantam virtutem dedit Deus animæ, vt eius perfectæ Beatitudo redundaret in vires inferiores.

Confirmatur, quia ſi fuiſſet incarnatus in hypoteſi, quòd homo nõ peccaſſet, hoc eſſet propter perfectionem vniuerſi (dicunt alij) ſed hæc ratio non valet; quippè pari ratione aſſumpſiſſet Deus naturam Angelicam, quæ non minùs pertinet ad perfectionem vniuerſi, quàm natura humana; quinimò magis: ergo, &c.

- 26 *Reſpondet noſter Pater Baſſolius*, quod ſi homo non peccaſſet, incarnatio fuiſſet propter indigentiam, vt perfectè poſſet hominem glorificare non ſolùm interius ſecùdum Potentias animæ, ſed etiam exterius ſecundum ſenſum aliquem, ſaltem nobiliorem, vt eſt viſus, ita ut homo, videndo Deum intellectualiter, glorificaretur interius, & videndo Deum ſenſibiliter, glorificaretur exterius. *Et quando dicis*, quod non: quia tanta eſſet gloria animæ, quod redundaret in vires inferiores, etiam ſi Deus non fuiſſet corporaliter viſus. *Reſpondet Baſſolius*, quòd difficile eſt videre modum redundantiæ talis; quia eſſi redundaviſſet, nunquàm tamen, cæteris paribus, fuiſſet ita perfectæ gloria corporis, ſi non videretur Deus corporaliter, ſicut modo conſideratur.

Poſſet dici contra iſtam do-

ctrinam; ex illa deduci, quòd ſicut viſus, ita guſtus, & potentia generatiua deberent corporaliter, & ſenſibiliter glorificari, quod eſt indecorum. *Sed ad hoc poſſet dici*, quòd ſecùs eſt de reliquis ſenſibus, quorum actus non ſunt ita nobiles, nec immateriales, ſicut viſus: ponunt enim aliquam indignitatem in actu, vel circa obiectum.

Reſpoderem ego ad argumentum, quòd veniſſet propter exaltationem naturæ, & propter perfectionem vniuerſi. Neque ſequitur propter hoc, quòd debuerit naturam Angelicam aſſumere; quia natura humana cum omni creatura aliquo modo communicat, & ita exaltando iſtam, omnes creaturæ exaltantur, & perſcitur vniuerſum magis, quàm per Angelum, qui nõ poteſt eſſe obiectum alicuius ſenſus, nec virium inferiorum; & ideò *D. Gregorius* ſuper illud: *prædicare Euangelium omni creatura*, ſcilicet homini, quidam vnitus Deo ſuo principio, eſt Deus, & ſic eſt circulus vniuerſi perfectus, in quo principium, & finis eſt omnis creatura, deificata in homine ipſo; non ita de Angelo.

- 27 *Aliud argumentum*. Si Incarnatio non debuit eſſe abſolutè volita propter peccatum, inde eſſet; quia non eſt rationabile, maius bonum, quæ eſt incarnatio, dependere a peccato. Hæc autem ratio nulla eſt; quia hypo-

hypostatica non est ita perfecta, ut excedat fruitionem: nam unio hypostatica non ponit in natura, nisi vnum respectum, qui est multò imperfectius ens, quàm formalis Beatitudo humana, quæ dicit vltimam perfectionem simpliciter, non autem ille respectus: ergo, &c.

Respondetur, quòd illa est bo-

na congruentia, vsq; Scotus: nam non benè sonat, tantum bonum esse occasionatum ex minori bono. *Quando dicit*, quòd unio est tantum respectus in natura: verum est entitativè, tamen id, quod ex hac unione sequitur (scilicet Christus Dominus) est melius, & maius bonum Vniuersi.

PROPOSITIO QVARTA.

Adducuntur alia probationes suadentes, quòd, Adamo non peccante, & natura humana manente in statu innocentia, Christus incarnatus fuisset, non quidem ut Redemptor, & in carne passibili, sed ut Glorificator, & in carne impassibili.

28 **P**robatur: Prædestinatio cuiuscumque prædestinati ad gloriam præcedit naturaliter præscientiam peccati; ergo multò magis hoc est verum de prædestinatione animæ Christi, qui prædestinabatur ad summam gloriam. Tunc sic; sed anima Christi non solum prædestinata fuit ad gloriam, sed etiam ad unionem Verbi: ergo talis unio, & incarnatio non est facta, aut volita dependenter à peccato, ac per consequens, etiam si Adamus non peccaret, veniret. Antecedens fateretur *D. Thomas prima par. q. 23. art. 5.* Consequentiæ probatur: quia nulla anima-

rum præter animam Christi prædestinata fuit ad summam gratiam, & gloriam: ergo, si cæteræ prædestinatæ sunt independentè à præscientia peccati, multò magis anima Christi; & dato casu, quòd eius prædestinatio non esset nobilior, sed æquè nobilis, adhuc fieret, sicut cæteræ, independentè à peccato.

29 *Caictanus*, ut huic occurrat argumentum allerit, quòd propositio illa, quàm Scotus assumit pro antecedente, est simpliciter falsa; scilicet prædestinatio cuiuscumque ad gloriam præcedit præscientiam peccati: quia Scotus videtur supponere, prædesti-

nationem anteire præscientiam omnium futurorum, quod quidem (asserit Caietanus) est falsum: nam prædestinatio, inquit, tantum præcedit præscientiam futurorum, quæ per ipsam prædestinationem futura sunt, non tamen illa futura, quæ per Diuinam prouidentiam sunt futura, ex quibus ipsa prædestinatio pèdet, & illis posterior. Ad cuius rei declarationem ponit tres ordines rerum. *Primus* est ordo rerum naturalium, in quo continentur res naturales cõstituentes vniuersum secundum ordinem naturalem, & etiam defectus consequentes ipsas res naturales, vt sunt monstra, & in animalibus ægrotudines, & in rationalibus ignorantia, & malum moris, quod est peccatum; peccata ergo hominum, quia proueniunt ex hominibus iuxta illud Osee 13. nu. 9. *'perditio tua ex te Israel est,* pertinent ad ordinem naturalem vniuersi. *Secundus* ordo est ordo gratiæ; & in hoc ponuntur omnia, quæ pertinent ad gratiam, & gloriam, & denique finis, & media ad finem. *Tertius* est ordo Dei, & creaturæ simul, & in hoc est vnio hypostatica Verbi ad carnem: quos quidem ordines, ait Caie-

tanus, ita se habere, vt secundus præsupponat primum, tertius autem primum, & secundum.

Hoc stante, asserit Caietanus, Deum ordinasse prius vniuersum secundum ordinem naturalem rerum, & quia secundum hunc ordinem res naturales nõ attingunt fruitionem Diuinam, addit ordinem gratiæ; & quoniam hic ordo non attingebat summam beatitudinem, ordinauit creaturam ad vniõnem personalem Verbi Dei. Vnde deducit Caietanus, antecedens] Scoti esse falsum; quia prædestinatio non præcedit præscientiam futurorum pertinentium ad ordinem naturæ, sed illam præsupponit; & consequenter, cum in illo ordine contineatur peccatum; falsum est simpliciter, quod prædestinatio præcedat præscientiam peccati, imò necessariò illam supponit, quia ordo gratiæ supponit ordinem naturæ; cum ergo peccatum Adæ fuerit graue peccatum, & peccatum hominis contineatur in illo ordine primo, sequitur peccatum præcessisse prædestinationem animæ Christi ad gloriam, & vniõnem hypostaticam.

PROPOSITIO QVINTA

Doctrina ista Caietani non est admittenda.

30 **I**Ta dicendum ad aures Scoti in 3. dist. 32. quæst. unica 5. tertiu patet &c. vbi Doctor subtilis notat: Deum prius voluisse se ipsum, & ita esse beatum. Secundò voluisse illa, quæ immediatè ordinantur ad ipsum, prædestinationem scilicet electorū. Tertiò voluisse illa, quæ necessaria sunt ad attingendum hunc finē, scilicet bona gratiæ. Quarto voluisse propter alios alia remota, puta hunc mundum sensibilem, vt seruiat eis, & sic verum est illud secundi physicorū: homo quodammodò est finis omnium sensibilium, scilicet quia propter ipsum volitum à Deo, quasi in secundo signo naturæ, sunt omnia sensibilia volita quasi in quarto signo. *Hac Scotus;* Ex quibus clarissimè patet, Deum ordine intentionis prius voluisse pertinentia ad ordinem gratiæ, quam pertinentia ad ordinem naturæ: Facit ad hoc propositū id Scoti in 2. dist. 20. docētis, quod in statu innocentie soli electi nati fuissent; si ergò in mente Diuina priora fuissent pertinentia ad ordinē naturæ, Deus sciret homines futuros, & peccatū Adæ, antequā haberetur prædestinatio, ac proinde peccatores nasceretur, etiā

non durante innocentia. Hinc Scotus in 3. dist. 7. quæst. 3. & dist. 19. constantissimè tenet, prædestinationem omnium electorum in præuisione Diuina quoad ordinem intētionis præcessisse cuiuscunque peccati, & peccatoris præuisionem.

31 *Pro Scoto* videtur esse D. Paulus prima Corinthiorum 3. nu. 22. vbi ita dicit prædestinatis: *omnia vestra sunt, siue Paulus, siue Apollo, siue mundus, siue vita &c, vos autem Christi, Christi autem Dei.* Hic ponderandum, quod Apostolus loquitur ad electos, & dicit, omnia esse illorum, quia propter illos condita sunt, notās omnia esse prædestinatorū eo modo, quo illi sunt Christi, & quo Christus est Dei, & est dicere, quod sicut Christus habet pro fine Deum, ita prædestinatorum finis est Christus, & omnium creatorum finis sunt prædestinati, scilicet omnia sunt creata propter electos, vt notat D. Augustinus lib. questionum Evangelicarum quæst. 12. in Sanctum Mattheum; Subinfero: at volitio finis est prior ijs, quæ sunt ad finem: ergò si omnia creata sunt volita propter vtilitatem prædestinatorum, & prædestinati sunt

sunt finis; deducitur, quod apud Deum sint voliti prædestinati priusquam ista sensibilia: ergo non est verum, quod pertinentia ad ordinem naturæ sint priora ijs, quæ sunt ad ordinem gratiæ. *Item*, quod moriatur prædestinatus in hoc puncto, est effectus causarum naturalium, quod verò moriatur in illo signo, in quo est in gratia, & quod non sit mortuus, quando erat in peccato, quod etiam non moreretur postquam erat peccaturus, effectus est prædestinationis, iuxta illud sapientiæ 4. n. 10. *raptus est, ne malitia mutaret intellectum eius.*

- 32 *Nunc sit tale argumentum.* Quod est volitum, ut medium ad prædestinationem, est posterius prædestinatione, cum semper verum sit, quod in ordinatè volente, volitio finis sit prior volitione mediòrũ: ergo, cum talis mors sit volita propter prædestinationem, erit volita post prædestinationem. Subinfero: at talis mors, ut vidimus, est effectus causarum naturalium; ergo quæ pertinent ad ordinem naturæ non sunt priora ijs, quæ pertinent ad ordinem gratiæ. *Item*. Peccata crucifigentium Christum non potuerunt prævideri futura, nisi primò fuisset volitus aduentus Christi: ergo aduentus Christi fuit volitus ante prævisionem peccatorum crucifigentium Christum: sed peccata illa ad aures Caietani pertinent ad ordinem naturæ: ergo

aliquod pertinens ad ordinem naturæ nõ est prius his, quæ pertinent ad ordinem gratiæ.

Dices pro Caietano. Volitio supernaturalium est volitio formarum accidentalium: ergo ad earum volitionem debet præsupponi volitum ipsum subiectum: ergo pertinencia ad ordinem naturæ sunt priora his, quæ pertinent ad ordinem gratiæ, & gloriæ. *Propter ratio.* Ex eo quod esse formæ accidentalis supponit subiectum, cui inhaeret: bene sequitur, quod volitio eiusdem formæ accidentalis debet supponere volitionem subiecti: ergo, cum volitio gloriæ, & gratiæ sit volitio formæ accidentalis, est dicendum, quod volitio naturæ sit prior volitione gratiæ, & gloriæ: ergo &c.

- 33 *Ut respondeamus noto*, quod naturale est in duplici differentia, ut ad præses facit; unũ est, quod est alteri volitum, aliud est subiectum, cui aliquod est volitum. Nunc dico, Deum prius velle illud naturale, quod est subiectum, cui res est volita: quippe, ut habet *Scotus in 2. dist. 6. qu. 2.* amor amicitie præsupponitur ad amorem concupiscentiæ: at volitio subiecti spectat ad amorẽ amicitie, & volitio supernaturalis, & naturalium, quæ sunt obiecta alteri volita, pertinent ad amorem concupiscentiæ: ergo volitio earumdem debet supponere volitionem subiecti. At loquendo de illis supernaturalibus, & naturalibus, quæ sunt alteri volita,

lita, & spectant ad amorem concupiscentiæ, dico, quod hæc sūt volita post volitionem subiecti. Hinc quia Conceptio Virginis fuit medium, per quod parabatur ad Conceptionem Christi, debuit Deus prius velle prædestinationem Christi, quàm voluerit Conceptionem Virginis. Volumus ergò, quod ea naturalia, quæ deseruiunt prædestinatis, & sunt media, per quæ paratur via ad executionem prædestinationis sint volita à Deo vi prædestinationis. *Et sic patet ad argumentum* Caietani, cuius discursus solum probat de subiecto, cui res est volita, nõ verò de re, quæ est alteri volita, vt mediũ, vel via ad prædestinationem.

34 *Replicabis probando*, quod natura nõ possit esse primò volita.

Quod est primum in intèctione; est vltimũ in executione; quippè vt vidimus supra, ordo intentionis etiam ex Scoto est cõtrarius ordini executionis: at in executione natura est prior, & gratia, & vnio hypostatica sunt posteriora: ergò in mente Diuina nõ sunt prius volita, quæ spectant ad ordinem naturæ, quàm quæ spectant ad ordinem vnionis hypostaticæ. *Dico, axioma* concludere in his, quæ se habet vt media, & finis; non verò quando vnum est subiectum, cui res est volita. Hinc, cum esse subiecti sit subiectum, cui, non valet discursus, imò oppositum est verum; etenim amor amicitie est prior amore concupiscentiæ, & amor subiecti pertinet ad amorẽ amicitie; ergò &c.

PROPOSITIO SEXTA.

Adducuntur aliæ rationes impugnantes Caietani doctrinam.

35 **I**N primis illi tres ordines, quos ex ipso Caietano retulimus num. 29. sunt contra doctrinam D. Thomæ: nam, admissa doctrina Caietani, scilicet, quod peccatum pertineat ad primum ordinem, & quod prædestinatio gratiæ hypostaticæ pendeat ex illo, & ad illud subsequatur; sequitur, quod

prædestinatio vltra Diuinam voluntatem habeat aliquam causam creatam, quod est contra D. Thomam, & eius discipulos 1. *parte quæ. 23. articulo 5.* vbi D. Thomas in principio corporis articuli asserit, prædestinationem Diuinam nullam habere causam, neq; ex parte actus volendi, & prædestinandi, neque ex parte prædestinatio-

natorum, sed solum habere pro ratione Diuinam voluntatē, ex qua effectus prædeterminationis habet principium, & in quam ut in finem tendit: sed Caietanus, & alij huius opinionis asserunt, quod peccatum Adæ præuisum fuit causa motiua Diuinæ voluntatis ad prædestinandam animā Christi ad gloriam, & vnionem: ergo euidenter sibi ipsis, & D. Thomæ opponitur: quandoquidem omnes cum Scoto asserunt, nullā dari causam prædeterminationis; ac per cōsequens insolutum manet argumentum Scoti:

36 *Nec sufficit respondere*, D. Thomam, & suos discipulos loco citato tantum intendere, nullam dari causam meritoriam prædeterminationis ex parte ipsius prædestinati, agendo de qualibet prædeterminatione sigillatim; ut si dicamus, ex parte Petri nullā dari causam prædeterminationis ipsius Petri meritoriam, cum hoc tamen stat, quod prædeterminationis ut sic, & in communi, detur aliqua causa motiua, quæ quidem erit peccatum. *Hæc nanque responsio* parui momenti est: nam, cū dicimus etiam in proposito illorum Doctorum, quod peccatū Adæ præuisum fuit causa prædeterminationis animæ Christi Domini; non intelligimus, neque aduersarij intelligere possunt, ipsū peccatum propriè, & per se sub ratione peccati fuisse causam incarnationis, sed intelligimus peccatum, ut reparabile, quod

idem est, ac dicere meritū Christi Domini futurum, quo illud peccatum tolleretur: ergo iam Redemptio Christi præuisa, quæ erat futura, esset causa prædeterminationis animæ Christi, & non formaliter peccatum. *Roboratur discursus*, Quia peccatū nedum, ut peccatum formaliter, est simpliciter malum, & inordinabile per se, ut omnes Scholastici fateatur, ut aliquem bonum finem: ergo non potest esse causa motiua voluntatis Diuinæ ad aliquod bonum efficiendum; ac per consequens peccatum, non ut peccatum, sed ut reparabile mouet voluntatem Diuinam: ergo formaliter loquendo, debet dicere, non quod peccatum, sed quod meritum, ortum ex occasione peccati Adæ, est causa motiua Diuinæ voluntatis ad prædeterminationem animæ Christi.

37 *Secundò* impugnatur prædicta solutio: nam, ut ait Caietanus, in illo primo ordine naturalium rerum ponuntur omnes res naturales, & similiter omnes defectus tam naturales, quam morales, ut sunt peccata: ergo in illo ordine non solum ponitur peccatum Adami, sed etiā anima Christi, sicut & ceteræ animæ naturales creatæ. *Tunc sic*; Ex ipso Caietano prius cognoscuntur in illo ordine entia positiua, quam defectus, priuationes, aut negationes: ergo prius cognoscitur anima Christi Domini, Adami, & aliorum hominum, quam

quàm cognoscat peccatum: sed anima Christi Domini, ut talis, nequit intelligi, nisi intelligatur unio ad ipsum Verbum, vel cum ordine ad talem unionem: ergo de primo ad ultimum prius intelligitur Christus, quàm intelligatur peccatum, ac per consequens etiam stando in illis ordinibus à Caietano assignatis, asserendum est, Christum Dominum fuisse prædestinatum independentè à peccato.

38 *Si quis respondeat cum Caietano, Christum nullatenus pertinere ad primum ordinem, sed ad tertium ordinem, in quo illum ponit Caietanus, ac per consequens nullam vim habere impugnationis. Cōtra est, nam cum anima Christi sit omnino ens naturale, sicut anima Petri, ponenda similiter est in eodem ordine naturali, in quo ponitur anima Petri: sed anima Christi, ut talis, nequit intelligi sine ordine ad Verbum: ergo prius*

debet intelligi Christus, quàm intelligatur peccatum, sic per consequens prædestinatus independentè à peccato.

Tandem impugnatur responsio Caietani ex Suarez 3. parte disp. 5. sect. prima, ubi asserit, illos tres ordines multa continere impossibilia: nam mors Petri verbi gratia pertinet ad primum ordinem, cum sit mors naturalis, & defectus naturæ; & tamen mors Petri non antecedit in cognitione Divina prædestinationem Petri ad gratiam, & gloriam, sed potius subsequitur: cum mors Petri sit effectus Prædestinationis illius; ergo præscientia gratiæ, & gloriæ Petri est ante præscientiam mortis illius: ergo iam est prior in intentione Divina ordo supernaturalis, quàm ordo naturæ, ac per consequens inuertuntur, & confunduntur ordines Caietani.

PROPOSITIO SEPTIMA.

Christus in primo signo volitus est à Deo abstrahens à passibili, & impassibili per decretum determinatum ad solam substantiam Incarnationis in se.

39 **P**robatur. Passibilitas, & impassibilitas sunt accidentia: ergo potuit Deus velle

substantiam Incarnationis abstrahendo ab utroque accidente, imò, cum accidentia sint ordine

Re **p**oste

posteriora substantia, & ab illa realiter distincta, voluntas Diuina ex natura sua, & ex ratione obiecti prius terminatur ad illud, quod est prius, quam ad illud, quod est posterius, ac per consequens prius terminatur ad substantiam Incarnationis, quam ad passibilitatem, & impassibilitatem, quæ consequuntur ad ipsam.

Dices, voluntatem Diuinam voluisse Christum eo modo, quo erat futurus extra causas: sed Christus necessario futurus erat extra causas passibilis, aut impassibilis: ergo voluntas Diuina non potuit terminari ad illum, nisi sub aliquo istorum accidentium, ac per consequens non fuit volitus abstrahens ab utroque. Minor probatur: nam inter contradictoria nullum datur medium: ergo Christus Dominus positus à parte rei necessario est passibilis, aut impassibilis.

Hoc argumentum fuit à nobis propositum, ipsique abundanter satisfactum. Ad ampliorem ergo doctrinam rursus occurro, negando maiorem: nam licet verum sit, Christum positum extra causas, necessario habuisse aliquod istorum accidentium, scilicet passibilitatem, aut impassibilitatem; adhuc tamen voluntas Diuina prius in aliquo signo potuit velle, illum esse extra causas quantum ad substantiam, quam velle quantum ad accidentia, imò hoc est necessarium secundum

ordinem naturæ; quia voluntas tendit in obiecta, sicut sibi proponitur ab intellectu, & sicut intellectus Diuinus potest cognoscere Christum secundum indiuiduam substantiam abstrahentem ab utroque accidente, & illud sic cognitum representare voluntati; sic voluntas potuit illud velle in tali abstractione; maxime cum passibilitas, aut impassibilitas nullo modo per se sint rationes volendi hoc mysterium, quod quidem habet in se totam bonitatem sufficientem ad mouendam, & terminandam voluntatem; postea verò in alio instanti, cognito peccato, trahitur eadem voluntas ad accidentia, quæ Christus habiturus est extra causas.

40 *Replicabis*. Voluntas necessario terminatur ad existentiam, sed existentia Christi necessario includit passibilitatem, aut impassibilitatem: ergo necessario dicendum est, quod decretum Diuine voluntatis fuit primo circa Christum cum aliquo modo, aut accidente istorum. Minor probatur, quia Christus non potest existere sine aliquo istorum accidentium. *Negatur maior*; quia voluntas Diuina etiam terminatur ad esse passibile, ut communiter sentitur omnes, & si loquamur de decretis Diuine voluntatis, quæ in se includunt futuritionem rerum, tanquam cause illarum, ut verum est; dico, quod illud decretum Incarnationis terminatum fuit ad existentiam

Chri-

Christi in individuo, abstrahendo ab illis modis, & patet; quia existentia rei imbibitur realiter cum distinctione formali in ipsa re, cuius est existentia; illi autem modi accidenti obiecto determinato, tanquam accidentia realiter distincta, quæ sunt omnino extra existentiam individui, quo modo potuit suo decreto velle futuritionem individui excludentis illa accidentia.

Res declaratur exemplo: nam bene potest Divina voluntas velle Petrum, abstrahendo ab hoc, vel illo colore, quæ sunt accidentia consecuta ad Petrum, positum in esse, & educuntur, tanquam de subiecto, de ipso Petro existente, quâquam simplicet, naturaliter loquendo, Petrum esse à parte rei, & non habere aliquem colorem; hoc tamen non est, quia existentia Petri pendeat à colore; sed quia color necessariò comitatur substantiam Petri existentem: ita similiter in Christo philosophandum est, quod scilicet prius fuerit volutus quoad existentiam individui, abstrahendo à passibili, vel impassibili, sed quia necessariò aliquid istorum accidentiū debet comitari substantiâ Christi positâ à parte rei in alio ligno rationis; potuit Deus vnū ex illis accidentibus, vel modis eligere, prout magis convenit in ordine ad finem, à Divina vo-

luntate intentum.

41 *Solum ergo ex dictis* in hac sententia tenetur dicere, voluntatem Divinam necessariò teneri, dato primo decreto Incarnationis, ad positionem quoad circumstantias; quia volens efficaciter ponere illum extra causas, tenetur velle aliquam circumstantiam necessariam ad positionem illius; non tamen, quod hoc fiat in primo ligno, cum sufficiat fieri in secundo ligno; ut verbi gratia Deus volens efficaciter ponere Petrum extra causas, necessariò tenetur velle ponere illum cum colore necessariò cōsequente ad substantiam illius; non tamen in primo ligno, sed in alio secundo: cum possit ponere illum nigrum, aut album; ita similiter volens Deus actū ponere Christū extra causas, tenetur in alio ligno velle modum passibilitatis, aut impassibilitatis: quod aperte constat in volitione efficaci circa finem, quæ ab intrinseco includit aliquod medium volitum in esse, quo consequatur finis; sed non in primo instanti volitionis finis; quia alia est electio inter plura media, ex quibus potuit eligere istud, vel illud; quia nullum in singulari ab intrinseco petit volitio finis, sed tantum aliquid indeterminatè, per quod consequatur finis.

PROPOSITIO OCTAVA.

*Christus venit passibilis principaliter ad originale,
quàm ad actualia peccata delenda.*

42 **N**Oto, quòd quamuis secundum *D. Bonaventuram* in 2. dist. 32 articulo 2. peccatum originale nostrum sit minimum omnium peccatorum mortaliù; attamen dicitur gravius peccato mortali actuali. *Primò*, quia originale inficit totam naturam, illamquè à Beatitude deturbat; actuale verò per se tantum personam evertit, & ideo illud; per se est gravius extensivè, & simpliciter maius malum, quia destruit bonum commune, quod est divinius particulari. *Secundò* dicitur maius, quia est veluti fons, & radix omnium actualium peccatorum, non solum quia avertit hominem à Deo; sed etiam quia privat illum originali iustitia, & inordinatum relinquit, suis effectibus subiectum, & privatum, quàm est ex merito talis peccati, omnibus auxilijs gratiæ necessarijs ad vitanda actualia peccata; & sic peccatum originale in sensu causali dicitur omnia peccata: quare gemens David, loquens de illo, dicebat: *ecce enim in iniquitatibus conceptus sum, & in peccatis concepit me mater*

mea. Psalmo 50. n. 7.

43 *Suppono etiam*, Christum venisse de facto, ut omnes homines redimeret quoad sufficientiam; & ad omnia peccata delenda tam originale, quàm actualia, siue præcesserint, siue subsequuta sint eius incarnationem, ut constat ex illo ad Timotheum 2. *tradidit semetipsum redemptionem pro multis*, ubi sermo est de hominibus tam præcedentibus, quàm subsequenter aduentum Christi, & de omnibus illorum peccatis, ut expressit idem Paulus ad Titum 2. n. 14. *qui dedit semetipsum pro nobis, ut nos redimeret ab omni iniquitate.* Et Ioannis epist. 1. c. 1. nu. 7. *Sanguis Christi filij eius emundat nos ab omni peccato.*

Item supponendum in doctrina Scoti, quòd siue sit peccatum originale, siue actuale mortale, vel veniale, venisset Christus ex vi præsentis decreti, quod Deus habuit circa eius aduentum: sed quod controuerti potest in sententia nostri Doctoris, est: *an in illo quinto signo, quando visis peccatis, prædestinauerit Christum passibilem, ut nos redimeret ab illis, an potius*

potius destinaverit illum ad delendum originale, quàm ad actualia delenda? Et supposito iam in ista sententia, quod ex vi præsentis decreti venisset, quæri potest: an in illo quinto signo, si non vidisset, nisi peccatū originale sinē actualibus, vel è contra, vel solūm vidisset vnum peccatum actuale mortale, vel solūm venialia, destinasset Christum ad satisfaciendum pro illis? In sententia autem D. Thomæ quæritur: an in illo primo decreto, quo prædestinavit Christum Redemptorem omnium peccatorum mundi, principalius propter originale, quàm propter actualia prædestinaverit eum? Hinc quod dicimus in propositione, in utraque sententia procedit.

- 44 *Probatur propositio*: quia illud peccatum prius, & principalius venit tollere Christus, quod inter omnia peccata magis indigebat reparatione: sed sic se habet originale: ergo, &c. Minor probatur: nam peccatum originale totam naturam humanam infecit; peccatum verò actuale solūm maculat personam committentem: ergo originale magis indigebat reparatione, ac per consequens principalius venit Christus ad illud reparandum. Fauet nobis D. Ioannes in illis verbis: *Ecce agnus Dei: ecce qui tollit peccatum mundi*.

Dices: peccata sumpta in plurali, semper in Scriptura intelliguntur actualia, quia originale

fuit vnum in Adami posteris transfusum: ergo Ioannes loco citato locutus est de actualibus, & non de originali. *Negatur antecedens*; quia etiam in Scriptura, quando de peccato originali fit sermo, solet poni in numero plurali, ac si essent plura secundum illud psalmi 50. nu. 7. *& in peccatis concepit me mater mea*; quod, cum nequeat intelligi de peccatis Matris, quæ forsitan erat in gratia, quando filius conceptus est, intelligendum de peccatis pueri concepti, quod tunc tantum est originale; dicitur tale in numero plurali, quia quamvis sit vnum, fuit causa multorum, & omnes infecit, dempta Virgine gloriosa.

- 45 *Dices Secundò*: non magis indiget reparatione peccatū originale, quàm actualia: ergo non magis venit Christus ad reparandum illud, quàm hæc. Probatur antecedens: nam si propter aliquam rationem originale magis indiget reparatione, est, quia infecit totā naturā: sed sic se habet etiam peccatum actuale: ergo, &c. Probatur minor; quia nullus homo, quem infecerit originale, est, qui non habuerit peccatum actuale: ergo tam comune est actuale peccatum, sicut originale. *Negatur antecedens*. Ad probationem distinguitur minor; si intendatur solūm, quod cum originali semper reperiuntur actualia, saltem in adul-

adultis, concedendum est; si autem intelligatur pro communitate, prout infecerat plures, negandum est: quia nullum peccatum actuale extenditur ad duas personas; originale verò transfunditur, in omnes filios Adæ, excepta Virgine gloriosa; & præterea peccatum originale

est radix, & quasi causa omnium actualium, quæ committuntur. *Dixi quasi causa*, nè intelligamus originale concurrere ad omnes actus peccaminosos (hoc enim implicat) sed quia reddit naturam deordinatam, & pronam ad malum.

PROPOSITIO NONA.

Si non esset originale, & commissæ forent à multis hominibus plura peccata actualia mortalia, adhuc Verbum Dei assumeret carnem ex vi decreti, quo de facto carnem assumpsit.

46 **P**robatur: quia licet magis præcipuum motuum fuerit originale, adhuc tamen actualia absolute efficiunt hominem inimicum Deo; & destruunt in eo gratiam: ergo, si hæc peccata plura essent, & in multis hominibus, absolute humana natura indigeret restauratione: ergo, cum in peccato originali præcipue mouerit Deum ad incarnandum necessitas remediij, & reconciliationis, ut constat ex Scriptura, & Patribus; hæc ipsa ratio moueret propter actualia mortalia, si plura essent, & in pleribus hominibus.

Petes: quomodo actualia esse possant sine peccato originali?

Respondetur, posse esse duplici modo. *Primo* si Adam crearetur à Deo, & non constitueretur Caput morale posterorū, in tali casu non esset originale in postereros transfusum; nihilominus ipsi poterant peccare transgrediendo præcepta Dei. *Secundò*, Si Adam in gratia originali perseverasset, & postea peccarent filij.

47 *Obijcies primò*: Si vnum, vel pauca peccata mortalia actualia perpetrata fuissent, deficiente originali, Deus non veniret ex vi eiusdem decreti passibilis ad redimendum peccatum: ergo, etiam si essent plura mortalia, & in multis hominibus, non veniret. Probatur consequentia;

nam

nam vnum peccatum mortale non minorem gravitatem intensionem habet, si est grauissimum, quam plura: ergo, sicut Deus veniret propter plura, ita propter pauca. *Concesso antecedente*, negatur consequentia; ad probationem do antecedens; & nego consequentia, & ratio est; quia reparatio totius nature, vel saltem maioris partis illius fuit sufficiens meritum decreti incarnationis Verbi Divini in carne passibili, quod quidem deficiebat, si pauca essent mortalia peccata, & in paucis hominibus, non tamen deficeret, si essent plura, & in pluribus.

- 48 *Obijcies secundò*, illud Pauli ad Gal. 2. 20. *dilexit me, & tradidit semetipsum pro me*, ex quibus verbis colligi videtur: ita venisse Christum propter omnes, ut veniret etiam propter singulos: ergo bene colligitur, quod si pauci homines haberent peccata mortalia, deficiente originali, adhuc Christus venisset. *Respondetur primò*, quod quavis Christus pro omnibus mortuus sit, & pro omnibus venerit, taliter mortuus est pro omnibus, ut mors illius singulis proficiat, ac si pro singulis mortuus esset: quia tanta est virtus in passione Christi, & tantus affectus charitatis illius erga singulos, ut eodem modo possit prodesse cuicumque, ac si pro illo solo esset mortuus, & hoc significant verba Pauli in argumento cita-

ta. *Secundò respondetur*, quod etiam si Christus mortuus sit pro omnibus, & pro omnibus venerit, debemus tamen singuli eandem animi gratitudinem habere erga ipsum, ac si pro vnoquoque nostrum sigillatim venisset, & hanc animi gratitudinem signant illa verba Pauli, quando dixit *dilexit me, &c.*

- 49 *Obijcies tertio*, & argumentum desumitur ex illa parabola Christi, quæ habetur Matthæi 28. unde videtur colligi, quod Christus Dominus veniret etiam pro vno tantum peccato mortali in vno peccatore reperto. Antecedens probatur: nam ibi se comparat Deus euigilantissimo Pastori, qui centum oves habebat, & vnam amisit, & relictis nonaginta novem in deserto, illam amisam summam sollicitudine quærit. *Respondetur*, parabolam illam varje interpretari à Sanctis Patribus, & Doctoribus. In primis per oves nonaginta novem intelligere solent Angelos sanctos, quibus quasi relictis in Cælo, venit Dominus ad querendum vnam, ovem, scilicet naturam humanam, sic Ambrosius, Hieronymus, & alij cum D. Thoma in prædictum locum Matthæi. Deinde noster Pater Stella in caput 15. Luca. ait, *oves nonaginta novem esse Scribas, & Phariseos, non quod iusti essent, sed quod se iustos reputarent, & à populo iusti crederentur; ait ergo Dominus mi-*

tum

rum non esse, si ipse, relictis illis, accedat ad peccatores, & Publicanos, qui sunt centesima onis deper-

ditæ; siquidem id proprium est boni Pastoris.

PROPOSITIO DECIMA.

Si solummodo essent peccata venialia, Christus non veniret ex vi præsentis Decreti, quo homines voluit redimere à peccato.

§0 **P** Robatur: nam peccata venialia sunt leues offensæ, neque propter illa rescinditur amicitia Divina, nec deperditur gratia: ergo Christus non veniret passibilis tantum propter illa, ac per consequens non ex vi præsentis Decreti. *Dices*, quamvis peccata venialia sint leues offensæ, adhuc purus homo nequit satisfacere pro illis ad æqualitatem: ergo Christus Dominus veniret propter illa

ex vi præsentis Decreti. *Respondetur* concedendo antecedens, & negando consequentiam: quia licet venialia habeant quandam infinitatem extrinsecam in malitia, sicut mortalia, tamen, cum non scindant amicitiam Divinam, neque constituent hominem inimicum Dei, & sub Demonis iugo, non censentur sufficiens motuum ad movendum Deum, ut veniret in carne passibili.

PROPOSITIO VNDECIMA.

In qua agitur de Filiatione Christi.

§1 **S** I de Divina agatur filiatione, est verè filius Dei: nam à Patre est naturaliter genitus, summè à Patre dilectus, & paternæ essentia, in qua sunt omnia bona, hæres naturalis. De natura humana tota est dubitatio. Pro solutione moneo,

quòd adoptio est gratuita assumptio ad hæreditatem personarum aliàs extranearum; ad quas tres, vel quatuor condiciones requiruntur.

Primo, quòd persona illa sit extranea, id est, de se non habens ius ad hæreditatem: nunquam enim,

enim, propriè loquendo, habens ius potest dici adoptiuus, cum de ratione adoptionis requiratur extraneitas. *Secundò*, vt acceptatio sit liberalis, & gratuita; nam si fieret titulo oneroso, vt emptionis, vel alterius contractus, non daretur ius filij, sed ius emptoris, vel alius simile. *Tertiò* requiritur consensus personæ, quæ adoptatur, si sit compos rationis; quia nemo subditur alteri, nisi volens, nisi fortè in penam, quæ non habet locum in adoptione. Vnde *quartò*, si non sit compos rationis, requiritur consensus, aut Principis, aut fratris, aut alterius, sub cuius potestate sit, vt latè docetur à Iurisconsultis in l. 1. & 2. §. de adopt. Adoptionem cōuenire multis; & illam in Deo erga homines, & Angelos esse, est certum. Vnde ab Apostolo ad Rom. octauo, ad Hebræos 4. ad Ephesios 1. & Iacob 4. & Ioannis 1. dicitur *voluntaria generatio, & nativitas*; quia per iustificacionem gratis acceptantur creaturæ ad beatitudinem. Dicitur *hereditas Dei*, non metaphoricè tantum; sed magis propriè, & perfectiùs talis, quàm adoptio humana; quia humana fit tantum per extrinsecam denominationem, nullam intrinsecam perfectionem, communicando filio adoptiuo, sed solum quoddam ius morale; at verò in hac adoptione intrinsecè perficiuntur filij Dei, & ideo spiritaliter regenerantur, & recipiunt participationem Diuinæ

naturæ, & per eam vocantur filij Dei. Quod verò in humana adoptione hereditas nō perueniat ad filium, nisi, cum Pater ab illa discedit per mortem, est ex imperfectione bonorum temporalium, quod nihil refert ad proprietatē adoptionis.

52. *Ex quibus* intelligitur primò solam creaturam intellectualem posse propriè adoptari in filium Dei, quia sola est capax illius hereditatis. Nec refert, quod interdum Deus dicatur Pater aliarum creaturarum, vt apud Iob 38. vel etiam peccatorum apud Isaiam cap. 3. & Malachiam. Illud enim est tantum metaphoricè, quatenus omnis creatura habet à Deo aliquod esse, & inde aliquod ius quasi connaturale ad donum, aliquod à Deo recipiendum, scilicet ad illud, quod est connaturale, & quasi debitum naturæ. Vnde hæc filiatio non adoptiua, sed purè metaphorica, quæ est per creationem, connaturalis est suo modo omni creaturæ, & nō pertinet ad adoptionem. *Secundò colligitur* ex dictis, omnem purè creaturam, siuè Angelicam, siuè humanam, siuè in lege veteri, siuè in noua, siuè prædestinatam, siuè reprobam, si iusta sit, & in gratia, pro eo tempore esse filiū Dei adoptiuum.

53. *Adoptionem* propriè reperi in Deo erga homines, & Angelos, quorum sanctificatio est per infusionem gratiæ habitualis; patet ex illo ad Rom. 8. vbi Paulus spi-

sf ritum

ritum iustificationis, seu sanctificationis vocat spiritum adoptionis filiorum Dei, ut etiam docet Tridentinum sessione 5. cap. 4. *Accedat ratio*. In sanctificatione per infusionem gratiæ reperiuntur conditiones ad adoptionem requisitæ; quippè assumit Deus Angelum, vel hominem ad participationem suæ hereditatis, id est beatitudinis; & ad ipsam congruo tempore obtinendam, verum largitur ius. *Item*. Respectu beatitudinis omnis creatura est extranea; etenim hereditas illa minimè est illi debita creationis iure. *Deinde*. Cum gratis iustificemur, assumptio gratiosa est. Nō deest assensus adoptati: quippè si est adultus, per proprium actum se ad iustificationem disponit; quod si infans est, pro eo est Sanctæ Ecclesiæ fides, & consensus, qui ipsiusmet infantis consensus interpretatur.

Nec facit contra hæc dicta, si dicatur: adoptionem expostulare extraneitatem talem. ut adoptandus minimè ab adoptante naturale recipiat esse, sed iustificatus esse naturale à supremo authore Deo recipit, ergo. *In præputum* enim nobis est responso dicens, assumptum non esse simpliciter necessarium, sed regulariter dumtaxat. Hinc ab Auo adoptari potest nepos in filium, quinimò & filius (aliàs exhereditatus) ab eodem Patre adoptari valet. Conceptus ergo extraneitatis adequatè saluatur in extraneitate iuris respectu

ad hereditatis. *Nec alicuius valoris* erit dicere, adoptionem esse excogitatum in solatium adoptantis ob carentiam legitimi filij, quæ carentia longè abest à Deo. *Nam subito* respondemus, maiorem esse veram regulariter, & per accidens, minimè per se: etenim in humanis ex legum cōcessione quis posset adoptare nō naturalem, et si naturalibus minimè sit orbatus (si se teneant ex parte filij naturalis rationes priuantes illū iure hereditario.) His notatis.

54 *Prima sententia dicit*, Christum, ut hominem, non esse filium Dei adoptiuum, sed naturalem. Ita Thomistæ cum Sancto Thoma 3. par. quest. 23. art. 4. *Suarez diff.* 49. *Vasq. diff.* 89. *Lorca diff.* 81. *membro* 4. *Petigianus in* 3. *diff.* 10. *quest.* 1. art. 3. *Faber diff.* 23. addens nomenclaturam 15. rem esse de fide, minus modeste tamen, cum oppositum, saltem probabiliter, defendat Scotus.

Secunda sententia opinatur, Christum reduplicatiue secundum humanitatem esse filium Dei adoptiuum. Ita *Durandus in* 3. *diff.* 4. *quest.* 1. *Lybeus*, *Tataretus*, *Rubiolus*, & alij Scotistæ probabilem reputant, *Riccardus diff.* 11. art. 2. *Rada* 3. p. *controuersia* 5. art. 2. *Illusterrimus P. Cavellus meus magister &c.* Tenet assertiue Scotus in Reportatis in 3. *diff.* 10. licet verū sit, quod in scēticijs problematicè loquatur: nam ait §. Respondeo, &c. *quod qui dicit, filiationem esse præ-*
cisè

cisè suppositi; & non secundam naturam (vt dicunt Sanctus Thomas, & Sanctus Bonaventura.) faciliter posset dicere, Christum non esse filium Dei adoptiuum, sed diuino fundari in natura filiatione, es-

set adoptiuus, & hoc docet Scotus: nam fundari in supposito, negat Scotus, vt probabitur in propria propositione huius disputationis.

PROPOSITIO DVODECIMA.

Sacra Concilia, & Sancti Patres nihil dixerunt de hac difficultate in sensu, quo proponitur à Scholasticis.

55 **P**robatur, notando historiã. Postquam subiugata fuit Hispania à Mauris, fuit quidam Felix Episcopus Vigelitanus, alius verò Elipandus Archiepiscopus Toletanus, natione Gallus, docentes Christum, quia homo est, non fuisse filium naturalē Dei, sed adoptiuum, & seruum. Condemnata est hæc sententia, cum suis authoribus. Primò eos confutauit Præbyter Asturicensis, & Hærius Episcopus Oxoniensis. Felix primùm damnatus est, vt hæreticus, in quodam Concilio; q̃ alij vocāt Batolense, alij Regiense, alij Rathisbonense, vt refert Sigibertus in Cronica ad annum 795. Baronius ad annum 794. (tortè fuerunt diuersa Concilia.) Missus dictus Felix ad Adrianum Pontificem, huius nominis Primum, hæresim abiurauit coram Altari Apostolorum. Sed iterum relapsus, dam-

natus est in Concilio Francofordiensi aggregato ex Episcopis Germaniæ, Galliæ, & Italiæ, præsidentibus Legatis Apostolicis. Occasionem dedit Epistola Elipandii ad Imperatorem Carolū Magnum, qua cum in suum errorem trahere studebat; agente itaque Imperatore, iussu Pontificis, actum est Concilium, cuius acta integrè non extant. Ex his Epistola Adriani libellus dictus sacrosyllabus editus à Paulino Archiepiscopo Aquilicensi, & approbatus in Concilio; epistola ipsius Concilij, & altera in lucem edita à Laurentio Surio post tot sæcula. Aseruerunt Felix, & Elipandus, Christum nō esse filium adoptiuū, quia Deus, sed quia homo, vt notat aliquis illius temporis author. Epistola Adriani, & Concilij, & confessio ipsa Elipandii, in sensu tamen Nestoriani, hanc adoptio-

nem, non Scholasticorum; astruebant.

- 56 *Probat*ur primò ex coniecturis: quia ex dogmate ipsorum sequutum est scandalum in Ecclesia: acta sunt Concilia aduersus eosdem, Ecclesia vniuersa reclamante, tanquam contra hereticos, quòd nusquam contigit factum còtra sensum Scholasticorù. *Add*e, quòd si Elipandus, & Felix locuti fuissent in sensu, in quo hac tempestate loquuntur Scholastici, qui dicunt, Christum secundum humanitatem esse filium adoptiuum, minimè dñati fuisset, sicut nec modò dñat Ecclesia prædictos Scholasticos.

Secundò probatur ex authoribus, qui factum referunt. Alquinus lib. 3. de Trinitate cap. 9. qui fuit illius temporis circa annum 783. habet hæc verba: *Christus cum Patre. & Spiritu Sāto unus est Deus, non nuncupatus, sicut Hispanica heresis impia temeritate affirmare præsumpsit asserens Dei filium in Diuina natura Deū esse verum, in humana nuncupatū; similiter. & in Diuina natura proprium filium Dei, & in humana adoptiuum diuidens vnā personā filij Dei in duas personas cum Nestorio &c.*

Respondet Vasquez non dici, diuidi Christum in duas personas, quasi id attulerit Elipandus, sed ex dictis eius inferebatur. *Contra:* illa verba narrationem continent dogmatis, nō discursum, aut illationem: ergò responsio

non facit ad mentem Alquinī. *Deinde* ex opinione Scholastico-rum, quam prætendit fuisse Elipandi, nil tale sequitur. *Accedit* Aurelianensis tūm viuens lib. 1. de cultu Imaginum, qui docet, hæresim Elipandi fuisse Nestorianam, vterque author habetur in Bibliotheca Patrum tom. 7. nouæ editionis. Idem docent Sigibertus, Antoninus 3. parte titulo 14. cap. 1. §. 6. Baronius tomo 9. ad annum 783. & 794. Mariana lib. 7. de rebus Hispaniæ c. 8. Ambrosius de moralibus lib. 3. historiæ Hispaniæ c. 26. Sanderibus lib. 7. de vñibus Monarchæ hæresi 731. Ferdensius in additis ad Castrum lib. 9. Paludanus in 3. dist. 10. & reliqui omnes, eum accusant de hæresi Nestorij.

- 57 *Sit altera probatio:* expendendo nōnulla verba Concilij Fræfordiensis. In Epistola enim ad Episcopos Hispaniæ versùs finē sic loquitur prædictis Elipando Archiepiscopo Tolerano, & Felici Episcopo Vrgelitano: *Nonne olim eadem vestra heresis in Nestorio ab vniuersali Ecclesia refutata, & damnata est? & in epistola Adriani ad medium sic dicitur prædictis Elipando; & Felici adoptiuum eum quasi purum hominem, & calamitati humane subiectum non pertinuistis venenosa sauce susurrare. Expendatur illud quasi purum hominem, quod est aperta hæresis Nestorij. Si quis de hac re plura desiderat, legantur alij authores, & præcipue noster Pater*

Pater Felix. Ex quibus suppono, prædictos Elipandum, & Felicem ante annum 783. palam docuisse, Christum, in quantum homo est, esse filium Dei, non naturalem, sed adoptivum; propter quam assertionem damnati sunt tanquam hæretici, primò in Concilio Ratisbonensi, secundò ab Adriano primo. Tertiò à Concilio congregato autoritate Adriani, in eo præsentibus eius Legatis, & ab ipso Adriano postea approbato, ex quibus constat, Elipandum, & Felicem in sensu Nestoriano asservisse, Christum esse filium Dei adoptivum. Patet ergò, damnatos esse illos Doctores asserventes in sensu Nestoriano, Christum esse filium Dei adoptivum, non autem in sensu Scholasticorum.

53 *Dices*, Si Elipandus docuisset Nestorianam hæresim, quomodo ausus esset scribere ad Imperatorem Carolū Magnū? *Respondetur*, id novū nō esse apud Hæreticos, ut in hæresim suā intrudant & principes. Est clarū exē. plū in Luthero, qui dānatas hæreses suscitavit, & publicè docuit cum subversione aliquorū Principum.

Dices secundò. Si hæresis Elipandi esset Nestoriana non appellaretur à Patribus nova. *Respondetur*, dici etiam antiquam, & venenosam, ut patet ex præmissis, novam verò, quia 500. annis, & ampliùs suscitata est post damnationem Nestorij. *Re-*

plicabis, si id esset verum, argumenta Patrum contra Elipandum contenderent, ut probaret unitatem suppositi in Christo, quam non probant, sed supposita unitate Christi, excludunt adoptionem. *Respondetur*, multa procedere directè contra Nestorium, & alia concludere, supposito sensu eius.

Dices; quod Patres respondentes argumentis Elipandi non demonstrant, ea non concludere distinctionem suppositorum, sed tantum non esse adoptivum.

Respondetur, argumenta nulla esse Elipandi in Concilio, sed autoritates quasdam. *Deinde*.

Patres impugnarunt hæresim sub his verbis, quibus hærebatur. Elipandus autem sub umbra adoptionis, & servitutis inducebat distinctionem suppositorū; ac proinde remouenda erat adoptio, & servitus, quam ipse ascribebat; & illud deinceps, quod ex illis inferebat, distinctionem scilicet suppositorum; unde in libro sacrosyllabo, clarè designatur docuisse plura supposita; non duo (inquit) filij, alius Dei, & alius hominis, sicut illi errando existimant, ut adoptivus sit hominis filius, & sine adoptione filius Dei.

Deinde reprehenditur in epistola Concilij, quòd dixerit, Beatam Virginem genuisse tantum filium adoptivum, non naturalem; nonne ideò, inquit, Nestorius damnatus est, quia Beata.

Beatam Mariam semper Virginem, non Dei, sed tantummodo hominis credidit esse Genitricem. Et quid aliud est dicere, eandem Virginem adoptivum tantum generasse, vel servum, nisi negare, eam Deum genuisse, &c. ? Concludamus ergo, Elipandum, & Felicem Nestorianos fuisse, nec discrimen aliquod in re posuisse inter naturam, &

personam diuidendo personas, sicut & naturas, quamvis vnam personam admittebant unitate dignitatis secundum participationem, ne verbis discreparent à sensu Catholico. Ex his constet intentum, & progressus Concilij Francfordiensis. *Accedamus ergo ad controuersiam scholasticam.*

PROPOSITIO TERTIADECIMA.

Omnēs sententiæ Catholicorum supra enumeratæ absque ulla erroris suspitione possunt defendi: quia aliās ab Ecclesia minimè tolerarentur; tamen præferenda est sententiā docens, Christum secundum quod homo est, esse filium Dei adoptivum.

59 **I**Ta dicendum in doctrina Scoti in Reportatis in 3. d. 10. licet verum sit, quod in sententijs problematicè loquatur. Probatur nostra sententiā ex Irenæo lib. 1. contra hæreses cap. 21. ubi ita legit: propter hoc enim Verbum Dei homo, qui filius Dei, filius hominis factus est. mixtus homo Verbo Dei: ut adoptionem percipiens, fiat filius Dei. Marianus Victorinus lib. contra candidum Ariannum tomo 4. Biblio. thecæ ita legit: Nos adoptione filij ille natura etiam, & adoptione quadam filius, & Christus. sed secundum carnem. Hilarius secun-

do de Trinitate, ita legit: Potestatis dignitas non amittitur, dum carnis humilitas adoptatur. Ista loca adeo sunt clara, ut Pater Lorca subscripserit, quod Patres dent votum nostræ sententiæ. Nec ad rem dicunt Vasquez, & Hurtado volentes, quod in Hilario minimè sit legendum, adoptatur, sed adoratur. Responsio nimis voluntaria est ista: nam si legatur (adoratur) nullus est sensus, ut legenti Hilarius, fiet palam. Ut ergo Hilarius non esse frustraneè locutum dicamus, legendum esse, adoptatur.

60 *Sit altera probatio.* Illa filiatio dicenda adoptiua, quæ omnibus gaudet conditionibus ad propriam conditionem requisitis; nempe quod sit gratuita assumptione ad hæreditatem: quod sit personæ extraneæ, & tandem quod interueniat cōsensus adoptantis, & adoptati: sed omnes istæ conditiones reperiuntur in natura assumpta: ergo iure merito est dicenda filiatio adoptiua. *Dices,* naturam illam non esse extraneam. *Contra,* nam adhuc supposita vnione, non habet ius ad hæreditatem: cum vnio (vt dicā dispa. 2. de sãctitate Christi n. 13.) nõ sit sãctitas: ergo natura illa est extranea. *Dices,* naturam illam saltem de congruo habere ius ratione vnionis hypostaticæ ad gratiam, vt clare docet Scotus. *Contra,* quia homini supernaturaliter contrito debetur etiam de congruo gratia, & tamen gratia constituit filium Dei adoptiuum: ergo etsi vnioni debeat de congruo gratia, hoc non impedit, quin Christus dicatur filius Dei adoptiuus. Fauer nostro discursui, quod Angeli sunt filij Dei adoptiui, & nihiominus de congruo eis erat debita gratia; cum in probabiliori sententia, ad il-

lam Angeli per actus bonos se disposuerint.

Dices, quod persona Verbi non est extranea respectu Dei. *Contra,* quia responsio ista valet de Christo secundum naturam Diuinam considerato, non tamen de illo considerato secundum humanitatem, cui personalitas Verbi est extrinseca, & accidentalis. *Dices,* nullum fuisse tempus, aut instans, in quo humanitas Christi habuerit negationem iuris ad hæreditatem, quippe nullum fuisse instans, aut tempus, in quo humanitas non fuit vnica Verbo Diuino; imò, & in quo non fuerit ornata gratia sanctificatrice. *Contra,* quia concessio toto discursu, nil habetur cōtra nos; nam tale ius erat in linea congruentiæ, & ius cōgruentiæ secum cōpatitur adoptionem, vt vidimus supra. *Adde,* sufficientem conditionem esse ad concludendam adoptionem, quod natura illius, qui adoptatur recipiat ius ad hæreditatem per voluntariam, & gratiosam assumptionem adoptantis. Quod totum habetur in casu nostro: cum natura in se nullam habeat necessariam connexionem cum vnione hypostatica.

PROPOSITIO QVARTADECIMA.

*Proponuntur argumenta in contrarium, & simul
alijs rationibus nostra Propositio fulcitur.*

61 **C**hristus vi vnionis acqui-
fuit ius ad hæredita-
tem, melius, quàm nos acquiri-
mus per gratiam: ergo etiam, vt
homo, est filius Dei naturalis.
Antecedens patet, quia ex vi
vnionis restat formaliter vnitus
filio Dei. Consequentia inde
redditur certa, quòd filius na-
turalis melius ius habet ad hæ-
reditatem paternam, quàm fi-
lius Dei adoptiuus. *Negatur* an-
tecedens, cuius veritas patebit
ex Disputatione cit. de Sacerdotio
Christi, vbi ostendemus, illum
minimè esse redditum sanctum
per vnionem hypostaticam. Ad-
de, per vnionem, humanitatem
assumptam dici filiam Dei so-
lùm per cõmunicationem idio-
matum, qua etiam filiatione di-
ceretur filia natura irrationalis,
si à Verbo (vt possibile est) ad
vnitatem suppositi assumeretur.
Adde, filiationem Christi dicen-
dam adoptiuam: quia vnio hy-
postatica de se non dat ius ad
omnia bona Dei. Hinc sit pro
nostra propositione.

62 *Altera ratio.* Ius per filiationem dat ius in omnia bona Patris; sed Pater, scilicet Deus possi-

det hæreditatem infinitam, in-
quam totam non potest habere
ius humanitas assumpta (quia
non est capax infinitæ Beatitu-
dinis) ergo vnio hypostatica
non cõstituit filium naturalem,
sed tantùm adoptiuum. *Confir-
matur*, quia est inauditum, quod
quis sit filius, & non sit capax
omnium bonorum, quorum Pa-
ter est actualis possessor.

Altera ratio. Potuit Pater
xternus allumere simul aliam
naturam humanam; & si fecisset;
ille homo non haberet ius in
bona illa Dei: ergo nec huma-
nitas assumpta de facto habet
tale ius. Consequentiam claram
reddit argumentum à paritate.
Antecedens probatur: quia si-
mul dari eiusdem rei duos Do-
minos in solidum ratio abhor-
ret: sed in aduersariorum do-
ctrina humanitas de facto as-
sumpta; iam esset Domina: er-
go illa alia minimè foret Domi-
na.

Altera ratio. Filiatio naturalis
est processio viuientis à viuente
in similitudinem naturæ: sed per
vnionem hypostaticam nõ pro-
ducitur humanitas Christi (de-
bet

bet enim præintelligi, ut subiectum) nec si produceretur, assimilaretur in natura Patri, aut Deo: ergo non habetur filiatio naturalis. *Altera ratio.* Ex opposito nostræ propositionis sequeretur, quod Spiritus sanctus esset Dei filius naturalis, consequens est falsum ex fide: ergo, &c. Ut consequentiam probem, utor ratione Aduersariorum: Spiritus sanctus habet ius in omnia bona Dei sine dubio, id quæ ex vi originis suæ, & de facto omnia participat, & si aliqua exceptio haberi potest contra ipsius productionem, est quod non sit naturalis, sed libera; à fortiori est contra humanitatem Christi, & vnionem hypostaticam, quæ per voluntatem Dei liberrimè producuntur: ergo, &c.

63 *Altera ratio.* Item sequeretur, Christum esse filium Spiritus sancti, quod reprobatur à Concilio Toletano 11. ita dicente: Christus Iesus nullo modo Spiritus sancti filius credi, vel intelligi potest. Imò sequeretur esse filium totius Trinitatis, & ita sui ipsius filium, quod nemo diceret. Sequela patet, quia filiatio illa Christi, quæcumque in Christo est, ad Deum, præter generationem æternam, æqualiter est ab ipso Verbo, siue dicatur illa filiatio esse vnio, siue gratia, siue quid aliud: sed expressè Concilium renuit admittere duos Patres Christi: ergo, &c. *Tandem.* Libe-

ra concessio ad hæreditatem, est adoptio: sed concessio vnionis fuit libera: ergo licet daremus, quod vnio det ius ad hæreditatem, tamen habens illam, adoptione accipit eam. *Vergetur ratio* ex opposito; quia filius naturalis non libera aliqua concessione accipit ius, sed naturaliter, sicut naturali actione accipit physicum esse: ergo, &c. *Item* alij Beati sunt adoptione filij: ergo posset Christus dici talis. Probo consequentiam: quia omnem hæreditatem, quam habent, habent iure congruentiæ, sicut Christus: nam habent visionem, & fruitionem creatam, & ius ad illam ex gratia habituali; sic similiter Christus; quippè, ut vidimus supra, non acquirit ius strictum in bona Dei extrinseca per vnionem suam, sed tantum per congruitatem: ergo dicendum est, Christum minimè esse filium Dei naturalem; erit ergo filius adoptiuus.

64 *Aliud argumentum* contra nostram propositionem. Oppositum illius habet Scotus in 3. d. 10. cit. resoluit enim cum Magistro in argumento contra, quod Christus nequaquàm filius adoptiuus sit, & satisfacit argumentis probantibus adoptionem Christi: ergo &c. *Respondet* Scotus cit. S. *Respondet* &c. problematicum esse, & in Reportatis attetque tenet esse filium adoptiuum, & S. ad argumenta, &c. *versiculo* Contra ista negatio &c.

probat, Christum esse adoptiuū, & huic argumento non responderet, quinimodò terminat discursum dicendo, *responsionem quare.*

Item obijcies Scotum in 3. dist. 2. quæst. 1. §. ad argumenta principalia sub lit. G. ubi ait: *nec conceditur quòd Christus sit filius Dei adoptivus. Respondemus* cum cæteris Scotistis, Scotum non esse locutum assertivè: eius namque verba sunt hæc: *Et quod ille idem filius hominis sit filius Dei per gratiam: fortè enim negaretur de eodem determinatè; imò nec conceditur, quòd Christus sit filius Dei adoptivus.* Dùm enim dicit fortè, determinatè non loquitur. *Secundò dico,* Christum non esse dicendum absolutè filium adoptivum, sed cum reduplicatione, videlicet secundùm quòd homo, & ita intelligendus Scotus. *Tandem* dicimus, quòd nō erat necessarium, concedere talem propositionem, ut argumento satisfaceret Scotus: nam sufficiebat, quòd alius homo esset filius Dei adoptivus, ut argumentum solveret. Adde Scotum in Reportatis num. 17. affirmare, quòd absolutè, & in rigore sermonis possit concedi, Christum esse filium adoptivum Dei, si

aliàs non timeatur periculum suspensionis hæreticorum. Audiantur verba Scoti: *Quia Sancti negarunt, Christum esse filium adoptivum Dei propter hæreticos, qui solùm dixerunt, eum esse filium adoptivum, & nullo modo naturalem: & idèd cum illis noluerunt Sancti communicare propter malum intellectum; idèd dixerunt absolute, quod non est filius adoptivus, sicut dicit Damascenus de B. Virgine contra hæreticum, quod ipsa non est Christocon, quia noluit communicare cum eo, qui dixit: quòd tantùm fuit filius Virginis secundùm naturam humanam, cum quo noluit communicare, idèd dixit, quòd fuit Theotocon. De virtute tamen vocis potest dici filius adoptivus Dei, sicut unus alius homo; quia priùs naturalis habuit naturam, quàm ordinaretur ad hereditatem, & sic fuit sufficienter extraneus. Hæc Scotus; &c. Patet ergo, Scotum nil habere contra nos.*

65 *Tertiò obijcies* ex Patre Lorca: adoptio, & filiatio non conveniunt naturæ, sed supposito: ergo, cum suppositum Divinum non possit esse filius adoptivus, dicendum, Christum minimè esse filium adoptivum. *Ut huic argumento satisfaciamus, sit*

PROPOSITIO QVINTADECIMA.

*Filiatio non est in Persona, tanquàm in subiecto,
sed in natura.*

Est in hac re opinio Sancti Thomæ, & Caietani, & omnium Thomistarum, quibus assentitur Sanctus Bonaventura in 3. dist. 8. quæst. 2. articulo 2. dicentes, filiationem esse in persona, tanquàm in subiecto, non in natura; in natura autem esse solum, tanquàm in fundamento. Oppositum habet Scotus in 3. dist. 8. §. contra istam positionem, &c. probans, non repugnare in vnica persona esse duplicem filiationem, si sit duplex natura, quod probat primò: vel repugnat filiationem multiplicari in vna persona ex eo quòd relatio, vel ex eo quòd talis relatio; neutrum est dicendum, ut patet ex textu Scoti: ergo, &c. Neque valet, quod ait Caietanus, & cum ipso asserunt alij, hanc repugnantiam non esse, ex eo quòd relatio, vel talis relatio est: sed propter defectum subiecti: est enim in Christo vna persona Diuina, quæ non est capax relationis temporalis, & relatio solum respicit personam, tanquàm subiectum. Hoc, inquam, non valet: nam supponit, filiationem esse personæ, tanquàm subiecti, quod esset probandum. 66 Secundò probatur opinio Scoti, Pater æternus habet duas re-

lationes originis supra vnum, fundamentum, scilicet essentiam Diuinam, quam per generationem communicat filio, & per inspirationem Spiritui sancto: ergo multò magis duæ filiationes, super duo fundamenta, idest supra duas generationes. Nec valet dicere, in Patre æterno esse duas relationes originis; quia specie distinguuntur; in Christo verò non posse esse duas filiationes, quia sunt eiusdem speciei, quæ non possunt multiplicari in eodem. Non inquam, hoc valet: nam etiam secundum ipsos filiatio æterna, & temporalis in Christo non est vniuocæ filiatio, quia ipsi tenent, quòd nihil vniuocæ potest dici de Deo, & nobis. Adde, quòd licet nos concedamus, æternam, & temporalem filiationem, esse vniuocæ filiationes, distinguuntur tamen specie, ut habet Scotus immediatè ante §. ad quæstionem ergo dico, &c.

67 Tertiò probatur, in Christo esse duplex operatio, estò quod sit vna persona: ergò est duplex filiatio. Antecedens patet; consequentia probatur: nam nõ magis filiatio respicit personam, quàm operatio, quæ secundum Aristotelem 1. Met. cap. 1. est sup-

T t 2 posi-

positi. *Negant paritatem*: nam filiatio (aut) respicit personā, tanquam subiectum immediatū; operatio verò non ita; sed mediante natura, aut potentia naturæ. *Sed hac responsio nil valet*: nam hucusque non ostendit Caietanum, quod filiatio non sit naturæ, tanquam subiecti, in quo sit. Item quod conuenit Christo ratione personæ Diuinæ, & in quantum persona Diuina est, non potest dici de Christo secundum naturam humanam: sed Christus dicitur, in quantum homo, filius Virginis: ergo ultra relationem realem personæ Diuinæ, quæ Christus dicitur ad Patrem, est alia secundum humanitatem ad Matrem. *Respondet Caietanus*, maiorem in sententiâ reduplicatiuo esse veram, sed non esse ad propositum, in sensu verò specificatiuo esse falsam: nam secundum quod homo, conuenit Christo esse filium Virginis; non relatione reali, sed rationis. Sed hoc fundamentū à nobis impugnatum est supra, & Scotus cit. in 5. *ad questionem ergo dico &c.* clarè probat, filiationem Christi ad matrem esse realem, vt n. 69. nos adhuc ex professo dicemus. *Urgo rationem* pro propositione, nostræ filiatio est habitudo producti naturaliter similis producenti in natura intellectuali, vel sensitua (huius definitionis partes manifestat sigillatim Scotus,) sed nihil est in hac definitione, quod non possit conueni-

re naturæ: ergo &c. Probatur minor: nam si quid foret, esset *ly producti*, sed hoc potest conuenire naturæ ex Sancto Damasceno lib. 3. cap. 7. ubi ait, *quod in Christo sunt due natiuitates quia due naturæ*. Et Diuus Augustinus lib. de fide ad Petrum cap. 3. ait, *quod Christus quia duplici constat natura, est bis natus*: ergo in natura potest esse habitudo producti, & ita potest esse subiectum filiationis.

68 *Dices ex D. Thoma*. Vbiunq; est forma, tanquam in subiecto, tribuit illi denominationem competentem; sed natura non dicitur filia, cum talis denominatio sit proprietas personæ: ergo subiectum filiationis non est natura. Maior probatur in his, in quibus minus apparet, vt potè in quantitate, quæ per albedinē, quam subiectat, dicitur alba, & in materia, quæ quia subiectū est mutationis, dicitur mutari. *Respondemus* primò negādo, naturam non posse dici filiam, licet in cōmuni vsu persona dicatur filia; quod necessariò debent fieri quicunque aiunt, per potentiam Dei posse fieri, vt Verbum dimittat naturam, quā a sūp- sit, ita ut impediatur personari in propria personalitate, & maxime verum est in ea opinione, quod persona dicat aliquod positium; in eo enim casu natura illa verè, & realiter referretur ad Matrem, & nulla alia relatione, quā filiationis ergo &c.

Secun-

Secundò respondeo negando, omnem formam denominare subiectum, in quo est (aliud enim est subiectum inhesionis, aliud denominationis) nam denominatio propriè est suppositi; vnde estò filiatio non denominet naturam, non inde colligitur, non

subiectari in natura. *Adde etiam*, quod argumentum pugnat contra ipsos, nam concedunt in natura humana fundari relationē ad Matrem: ergò secundum hanc, natura humana dicitur filia. *Ad pleniorē solutionem*, & intelligētiā huius propositionis sit.

PROPOSITIO SEXTADECIMA.

Dux sunt in Christo filiationes reales, & realiter ab invicem distinctæ, Divina scilicet ad Patrem Deum, & humana ad Matrem Virginem.

69 **N**ulla est inter Catholicos de dualitate filiationis Christi ambiguitas, quia dux sunt in illo nature, quarum quælibet suam habet generationem, & natiuitatem. Vnde Christus dicitur bis natus, & utrique natiuitati correspondet sua filiatio, quælibet autem generatio, natiuitas, & filiatio, peculiare habet proprietates, quæ alteri non conveniunt. Prima dici ut æterna, est quæ à Patre sine Matre; secunda est à Matre sine Patre. De prima legimus psalmo 2. n. 7 *hodie genuit e.* De secunda dicitur Matth. 1. n. 6 *de qua natus est Iesus qui vocatur Christus.* Adhuc conveniunt Theologi, ut admittant, unitatem suppositi in Christo non impedire dualitatē

natiuitatis, & filiationis illius: quia terminus formalis generationis, & filiationis, vel solum respicit naturam, vel singularem, & individuum, itaut personalitas non includatur in filiatione, ut colligimus ex definitione generationis, quæ est productio similis in eadem natura. Est tamen concertatio, *utrum istæ dux filiationes sint ambæ reales, & ab invicem realiter distinctæ?* Nam D. Thomas putat, solam filiationē æternam esse realem, humanam autem esse dumtaxat relationē rationis; cōtrariā tuctur sententiā Scotus in 3. d. 8. s. ad quæstionē ergo &c. quā probamus his; quæ sublequantur rationibus.

70 *Ista sit prima.* Illa relatio realis est, cuius extrema ambo sunt rea-

realia; indè namquè probamus inter Deum Patrem, & Deum filium esse duas reales relationes paternitatis, & filiationis; sed in filiatione humana Christi reperiuntur extrema realiter distincta, nempe natura humana, & Mater; ergo nihil obstat quominus humana filiatio sit realis, si realitatem Divinæ admittamus. *Secundò* si Christus non esset Deus, sed homo purus, nemo dubitaret de realitate suæ filiationis respectu Matris suæ: quia in illius generatione fecisset, exhibuissetquè omnia, quæ aliæ Matres solent, & Christus à Matre accepisset ea, quæ alij filij accipiunt: sed non obstante Divinitate Christi, in eius temporaligeneratione Mater Sanctissima eadem fecit, quæ fecisset, & ab ea accepit Christus, quæ accipisset: ergo inter ipsum, & suam Matrem resultat ex parte Matris maternitas, & ex parte Christi filiatio, quæ sunt duæ relationes reales. *Distinctio realis* inter utraq; filiationem, quæ supponit utriusque realitatem, hoc probatur argumento.

Distinctio realis inter ea concedi debet, quorum vnum potest esse sine alio, & inter quæ reperiuntur prædicata sibi inuicè opposita: sed æterna filiatio Christi fuit, non existente humana filiatione, imò esse poterat in perpetuum sine illa, imò una filiatio dicitur æterna, altera temporalis: ergo inter utramq;

est distinctio realis.

71 *Sit altera ratio.* Genetatio, quæ procedit à Patre Christus, non potest esse ipsa, quæ procedit à Matre: ergo neque filiatio, quæ respicit Patrem, potest esse illa, quæ refertur ad Matrem: patet consequentia, quia filiatio sequitur naturam generationis, & ubi est alia numero, aut specie generatio, est similiter alia filiatio; quia relatio dependet essentialiter à ratione fundandi, & variatur, variata ipsa: sed generatio est ratio fundandi filiationis, vel si dicatur ratio fundandi esse potentiam generatiuam, redit argumentum; quia sine dubio potentia generatiua in Deo, & in Virgine Matre distinguuntur plusquam specie: ergo.

Confirmatur, quia in eodem subiecto relatio æqualitatis distinguitur à relatione similitudinis, quia fundamentum vnius est quantitas, alterius non, sed qualitas, quæ est genere distincta: ergo & hic locum habet ratio Doctoris in littera; quia si Pater æternus assumpsisset carnem, non referretur relatione paternitatis ad Matrem: ergo nec modò Verbum relatione filiationis æternæ.

Alteræ ratio; si filiatio æterna esset ad Virginem, tunc referret Verbum non solum secundum humanam naturam, sed secundum Divinam, ut filium ad Virginem Matrem; hoc est absurdum: ergo &c. Sequela probatur, quia refer-

referret idem fundamentum, quod ante referebat: nam licet demum Thomistis, quod eadem relatio possit successiue respicere plures realiter terminos; implicat tamen eandem successiue referre plura fundamenta, quia

est possibile fieri variatio in termino extrinseco, non potest prorsus fieri in fundamento: ergo & hic ordo ad fundamentum est vniuersalis in quocunque accidente, sed magis specialis in relationibus, ut patet: ergo &c.

PROPOSITIO DECIMASEPTIMA.

Argumenta in contrarium eliminantur.

71 **P**rimum argumentum. De facto non dantur duæ formæ absolute in eodem subiecto, seu materia, quia dependent à materia: sed multo magis dependent relationes à subiecto: ergo non dantur plures relationes in eodem subiecto. *Respondetur*, quod ibi filiatio creata, habet naturam humanam pro subiecto inhaerentis, in quo non est filiatio Diuina; cæterum idem suppositum potest denominari ab vna filiatione; scilicet diuina formaliter ab altera, videlicet creata, vltimate denominatiue solum; & non est par ratio de forma absoluta respectu vnius subiecti inhaerentis.

Secundum argumentum. In Christo vnica subsistentia terminatur à natura Diuina, & natura humana: ergo vnica filiatione Christus respicit Patrem æternum, & Mariam Matrem. Probatur consequentia: quia illa relatione, qua terminatur natura

Diuina, Verbum constitutum, respicit suum principium productiuum: igitur eadem relatione, qua terminatur natura humana, Christus respicit suum principium productiuum, scilicet Matrem. Probatur consequentia: quia illa relatio est talis naturæ, quod constitutum referatur ad principium productiuum: ergo non solum constitutum per illam respicit Patrem æternum suum principium productiuum, sed etiam Christus eadem relatione constitutus respicit Matrem suum principium productiuum. *Ad hoc respondetur*, quod subsistentia constituit ad subsistendum, & quia in Diuinis subsistentia, filiatio, & personalitas sunt idem; ideo per illam Verbum dicitur filius respiciens Patrem suum principium productiuum; non autem quatenus eadem illa terminatur natura, Christus respicit Mariam: quia tunc solum dat subsistere, & non facit

facit filium, cum sint conceptus distincti in substantia illa secundum Scotum. Occurrit, quod filiationis temporalis, ut denominat (regulariter) petit suppositum constitutum, non vero filiationis æternæ; & ideo quia natura humana est alia generatione passiva genita, fundat novam relationem filiationis in Christo ad Matrem.

- 73 *Tertium argumentum.* Adequatum subiectum huius relationis est suppositum Christi, non natura humana; sed Christus est persona Divina, quæ non est capax relationis temporalis: ergo in Christo non potest esse filiationis temporalis. Maior probatur, quia illud est subiectum adequatum filiationis, quod est terminus adequatus natiuitatis, & generationis: Sed totus Christus est, qui generatur, & nascitur ex Maria Virgine: ergo totum illud, persona scilicet, & natura est subiectum filiationis, non ergo natura sola. *Vergetur ista ratio; Quia si filiationis esset naturæ, & non suppositi, sequeretur, quod si Verbum dimitteret naturam humanam, illa esset filius Virginis: consequens est falsum; quia Beata Virgo non genuit hominem purum. Consequentia est evidens, quia natura humana per se sumpta eadem omnino tunc esset, sicut modo. Confirmatur etiam: quia in Divinis relationibus filiationis nullo modo est in natura, neque illa denominat filium, sed solum est in*

persona, cum sit proprietas personalis: ergo in humanis erit proprietas non naturæ, sed personæ.

- 74 *Respondetur ad argumentum distinguendo maiorem, in qua est tota difficultas; suppositum Christi esse subiectum adequatum filiationis, ut ultimè denominatum à filiatione, est verum; quia etiam ceteræ relationes ut æqualitas, similitudo &c. denominant illud suppositum, quia insunt naturæ humanæ, eodem modo, quo prædicata, & proprietates creatæ insunt supposito Christi per communicationem idiomatum. Suppositum verò Christi esse immediatum subiectum inhesionis, & fundamentum absque natura, ita quod natura non sit medium inhesionis filiationis, sic est falsa maior: nec insunt aliæ relationes reales, quia non est capax, ut minor argumenti ait. Hinc patet ad probationem, quod totus Christus, qui est terminus generationis, est subiectum modo dicto; nec natura sola, nec personalitas sola sufficiunt, ut habeatur denominatio filij. Non abhorreo tamen etiam dicere (ut concessi supra,) quod natura in se, cum sit subiectum inhesionis, valeat dici filia, quinimo sic dicere, videtur conformius Scoto, ut patet ex eiusdem impugnatione, contra Bonaventuram docentem, filiationem esse suppositi. Nec valet exemplum de natura Divina, quæ nequit dici filia. Ratio*

est

est, quia fundamentum, saltem, remotū filiationis est genitū esse, quod reperitur in natura humana, non autem in natura Divina, quæ est ingenerabilis. Scito ergo, quod licet non cesset generatio, donec perfectum sit totum, & suppositalitas spectet ad complementum totius; non inde tamen sequitur, quod subiectum inhesionis filiationis sit totum suppositum, ut probauimus supra; tantum ergo sequitur, quod suppositum sit subiectum inhesionis. *Dices*, suppositum Divinum nullum accipere esse in tempore: ergo non poterit in tempore dici filius noua reali relatione ad Matrem. *Respondetur*, quod non accipit esse simpliciter, recipit tamen esse humanū. Sed verè quid dicendum de natura conseruata sine omni personalitate, foret nè dicenda filia? Elige &c.

Ad secundam confirmationē dico, quod si dimitteretur natura à Verbo, tunc non adesset completū subiectū inhesionis filiationis. Ratio huius est: quia debet compleri prius natura in ordine substantiali ultimo per personalitatem, ut sit subiectum denominationis accidentium, veluti est filiatio. Et licet appareat eadem natura singularis, quæ est fundamentum, & immediatum subiectum inhesionis filiationis, nõ tamen habet in exercitio denominationem illam, nisi sit completa. Hinc facillè soluitur inflā-

stantia; quod si dimissa natura à Verbo, assumeretur à Patre, æterno, Pater æternus non esset filius Virginis: quia suppositalitas Patris non esset ex vi generationis passiuæ illius naturæ; nec in eodem instanti, quo fuisset genita, sed ex noua assumptione.

75 *Quartum argumentum.* Filiatio constituit filium: ergo duæ filiationes constituunt duos filios: sed Christus nõ est duo filii: ergo nec habet duas filiationes. *Respondetur*, negando consequentiam: quia filius, cum sit concretum, non multiplicatur, nisi multiplicetur non solum formæ, sed etiā supposita; in proposito quamquam sint multæ formæ, scilicet filiationes, est tamen vnum suppositum tantum. Itaque ad formam argumenti dico, quod est fallacia cōsequētis à destructione antecedentis ad consequens. *Dices*: sicut singulare infert singulare, ita plurale plurale; si ergo vna filiatio infert vnum filiū, duæ filiationes inferunt duos filios.

Respondetur, discursum esse, verum, quando plurale est in diuersis suppositis; non autem est sic in proposito; quia cum dico duas filiationes in Christo, dico duas in eodem supposito. Idem dicit Scotus in primo dist. 12. ad solutionem argumentorum. *Dices*, ubi est duplex filiatio realiter distincta, ibi debet esse duplex effectus formæ realiter distinctus;

Vu cius;

tus; sed effectus formalis filiationis est constituere filium: ergo, si in Christo sunt duæ filiationes, Christus est duo filij. *Respondeo*, quod cum filius non dicat solum filiationem, sed etiã suppositum, ideò licet ex parte filiationum non repugnet constituere duos filios, repugnat tamen ex parte suppositi, quod vnicum tantum est; valeret quidem, si filiatio esset constitutiva adæquatè filij, ita quod filius præter filiationem non includeret suppositum. *Audini aliquos* respondere huic argum. èto, quod Christus est absolutè vnus filius, sed duplici iure; scilicet filiationis increatæ, & creatæ: nùm verò ista responsio satisfaciatur argumento, videant Doctores.

- 76 *Replicabis*, quod ex Scoto in 3. dist. 1. qu. 3. & expressius in primo dist. 12. qu. vnica circa hæc: si Verbum terminaret plures naturas humanas numero tantum distinctas, tunc esset plures homines: ergo, si in Christo sunt plures filiationes, erit dicendus plures filij. *Confirmatur*: nam, ideò Verbum diceretur plures homines, quia in eo plurificarentur plures humanitates cum vnitatem suppositi: ergo si in Christo multiplicantur filiationes, ille erit dicendus plures filij; etiam si in eo sit vnitatem suppositi. *Concesso*, quod assumitur de Verbo terminante plures humanitates, negatur, id sequi de Christo includente plures rela-

tiones. Ratio discriminis est; quod si albedines, vel reliquæ accidentia, etiam respectiua, ponantur à subiecto separata, nec erit vnus sciens, nec plures scientes, vel albi: sed tantum sunt formæ abstractæ; quare si omnes formæ accidentales ponantur simul in eodem subiecto, ab omnibus illis denominatur vnum album, &c. Aliter autem contingit in humanitatibus separatis à supposito, dummodò sint contractæ per indiuiduationem, quæ absolutè sunt plures homines (Deus enim non tantum assumpsit humanitatem, sed hominem iuxta illud: *tu ad liberandum suscepturus hominem*); quare cum illa indiuidua post assumptionem non identificarentur realiter inter se, semper manerent plures homines. *Rem declaro*. Si plura indiuidua naturæ humanæ conseruarentur à Deo per possibile, vel impossibile, absque omni subsistentia, essent plures homines: nam post terminationem, adhuc remanent plura indiuidua naturæ humanæ numero tantum distincta; nec ex eo quod adueniunt in vno supposito, tollitur distinctio realis numerica, quam habent inter se: ergo licet verum sit, quod esset eadem persona, forent tamen plures homines.

- 77 *Quintum argumentum*. Quando duo principia concurrunt ad aliquod, & vnum est liberum; effectus productus non est naturalis:

ralis: sed Spiritus sanctus, & Virgo cōcurrunt ad generationem Christi, & Spiritus sanctus est agens liberum: ergo illa generatio Christi non est naturalis, consequenter nec filiatio: quia filiatio per Scotum est habitudo producti naturaliter similis in natura producenti. Maior patet per Scotum de Essentia Divina speculo voluntario concurrente cum voluntate Angelī, quando produciunt vinonem, quæ non est Verbum: quia ab aliquo voluntario. *Nec valet dicere*, quod quando liberum supplet aliquid naturale, tunc effectus est naturalis, quia in casu de Essentia non currit; tunc enim supplet

naturale, sed non naturaliter, quod requiritur in filiatione, quæ est habitudo producti naturaliter similis in natura producenti. *Respondetur*, quod et si Spiritus sanctus sit productus similis in natura producenti; quia tamen producitur per voluntatem, & non naturaliter, ideo dicitur datus, & non natus. *Possit dici*, quod ex hoc Christus non est filius Spiritus sancti, sed Mariæ (licet etiam voluntarie præbuerit consensum); hoc tamen est extrinsecum, tūm maxime, quia filius distincta relatione respicit Patrem, & Matrem, *Ex hac doctrina sit.*

PROPOSITIO DECIMAOCTAVA:

Duo accidentia solum numero distincta possunt esse in eodem subiecto.

78 **E**st in hac re opinio Sancti Thomæ 3. parte, quæst. 3. articulo 4. & Caietani ibidem, & Thomistarum aliorum, ut potest Capreoli in primo dist. 7. quæst. 2. Hervæi quolibet 3. qu. 9 & in 3. dist. 8. q. 1. & ibidem Paludani qu. 2. & Soncine 7. Met. qu. 4. ubi pro hac opinione plures rationes adducit; hoc etiam asserit Sanctus Thomas lectione 12. super quintum Met. cap. 10. Illi omnes asserunt repugnare, quod duo

accidentia eiusdem speciei sint in eodem subiecto.

Altera opinio est Scoti in 3. dist. 8. quam explico duplici propositione; pro Scoto videntur omnino Antonius Andreas 5. Met. qu. 8. per totam, & Trombetta ibidem quæst. 7.

Probo ergo, quod duo accidentia solum numero distincta possunt esse in eodem subiecto. Primo in ijs, in quibus est ordo cum unitate prioris, potest itare

V u 2 plu-

pluralitas posterioris, si illud posterius non per se, & adæquate conueniat priori: sed sic se habet accidens ad subiectum: ergo, &c. Maiorem probat Scotus à simili de vnitae causæ, & pluralitate effectuum eiusdem speciei. Nec obstat, quod effectus non inhærent causæ; nam inhærentia est de per accidens, & non de per se, & per consequens impertinens ad propositum. *Secundò probatur.* Plures species sensibiles possunt esse in eadē phantasia, quæ sint eiusdē speciei, & sint in eadem parte organi: ergo, &c. Quod possint esse plures; patet: alioquin amissa vna vnius imaginabilis, non posset quis imaginari aliud imaginabile. Quod sint eiusdem speciei, etiam probatur: nam sunt obiectorum eiusdem speciei. Quod autem sint in eadem parte organi, etiam patet: nam organum non potest in tot partes minimas diuidi, quæ per se, & separatim possint informari tot speciebus imaginabilibus: ergo, &c.

- 79 *Sit altera probatio:* Duo lumina impermixta possunt esse in eadem parte aeris: ergo, &c. Antecedens probatur primò; quia alioquin sequeretur, quod non posset dari aliqua intensio, quod est contra documenta Prospective, *Secundò;* quia si pluribus corporibus luminosis plura corpora opaca opponantur, causant plures, & distinctas vni-

bras: ergo vnumquodque eorum, distinctum lumen causat. *Tertiò,* quia est commune axioma; lumen maius offuscare minus; hoc autem non esset, nisi maius, & minus essent in eodem subiecto.

Nec valet, cum ad primum, Scoti dicit Caietanus, distinguendo maiorem, quod scilicet, si loquatur de accidente in communi, verum est, quod per accidens respicit subiectum; & sic duo accidentia distincta specie possunt esse, & sunt in eodem subiecto; si autem loquatur de hoc accidente singulari, tunc est falsum, cum hoc accidens per se respiciat subiectum, cum hæc albedo, verbi gratia, à subiecto habeat, quod sit singularis, in quantum talis, ac per subiectum definitur; respicit etiam subiectum adæquate, cum hæc albedo non possit in alio subiecto esse.

Non, inquam, hæc valent: nam inintelligibile videtur, quod albedo in communi non respiciat per se subiectum, & particularis sic; præcipue cum eius indiuiduatio non sit à subiecto, ut supponit Caietanus, quod si in definitione accidentis ingrediatur subiectum, hoc est non ex eo, quod habitudo ad subiectum sit de essentia accidentis, sed, ut explicat Scotus in 4. dist. 12. qu. 3. dubio 2. quia esse talium formarum non explicatur explanatione quietatiua intellectus, nisi adda,

addatur, in quo subiecto sit. Falsum etiam est, quod assumit, quod hoc accidens adæquatè respiciat subiectum; nec ad hoc probandum sufficit dicere, quod hoc accidens non possit esse in alio subiecto, sed debet addi, quod nec hoc subiectum possit suscipere aliam albedinem.

- 80 *Nec valet*, cum ad secundum argumentum dicit primò: species illas imaginabiles posse saluari quasi in puncto, & per consequens quantumcumque multiplicentur, nunquam erunt in eadem parte. *Secundò* dicit, illas species non esse eiusdem speciei; concedit in esse naturali, negat in esse representatiuo, quia diuersimodè representantur: cum vnumquodque habeat distinctionem figuram, & situm; & sic est causatiuum specierum diuersarum rationum. *Quod confirmat*, cum vnius obiecti numero species in diuersis potentijs differant numero: ergo species obiectorum numero distinctorum differunt plusquam numero, & ita specie. *Tertiò* dicit, quod duo obiecta eiusdem speciei nõ causant duas species, sed vnã intensiorem, quàm si esset tantum vnus, quia vtrumque obiectum sufficienter representatur.

- 81 *Non, inquam*, hæc valent. *Prima non*, cum oppositum pateat ad sensum; non enim potest ita multiplicari diuisio phantasiæ in partes minimas, & in oculo.

dicunt, posse multiplicari species eiusdem speciei. *Nec secunda*, cui maxime innititur Caietanus, valet: nam species tam intelligibilis, quam sensibilis, est naturalis imago, & similitudo obiecti in existentia à parte rei, & obiectorum solum numero differentium, solum numero differunt species; quod si in esse representatiuo aliter represententur obiecta, illa alietas est tantum accidentalis, vtpotè secundum figuram, & situm, quæ sicut non poterat facere distinctionem specificam in esse reali, ita nec in esse imaginato. *Addo*, quod obiectorum distinctorum specie sunt species distinctæ tantum specie: ergo numero distinctorum sunt species tantum numero distinctæ. *Ad confirmationem dico*, quod si loquatur de maiori distinctione accidentali, verum est: nam sicut illa obiecta solum differunt accidentaliter, ita species solum accidentaliter differunt; si de distinctione essentiali, negandum est. *Nec tertia solutio valet*. Primò, quia est contra doctrinam Sancti Thomæ, ponunt enim in illa solutione, quod intentio formæ fiat per maiorem additionem noui gradus, & non per maiorem radicationem in subiecto, vt vult Sanctus Thomas. *Secundò*, quia in doctrina Sancti Thomæ, forma non intenditur per additionem alterius, quæ est eiusdem perfectionis, & gradus: vnde lumen in

in aere non fit intensus, si cau-
setur à duobus corporibus lu-
minosis æqualis virtutis, ac si ab
vno solo causaretur: ergo si,
ecies præexistens in phantasia nõ
intenditur ex acquisitione alte-
rius in eadem parte.

- 82 *Nec valet*, cum ad tertium
communiter omnes Thomistæ
putent, necessariò duo lumina
in eodem medio facere vnum;
asserentes, hoc sufficienter colli-
gi ex *D. Thoma in 2. dist. 13. arti-
culo 3. ad secundum*. Ad primam
probarionem negat Ferrariensis
sequelam: nam, ait, intensiorem
radiorum non esse intelligen-
dam ad modum duorum cor-
porum sese in puncto tangen-
tium, quasi radij distincti sese in
aliquo puncto tangant, sed quia
diuersi radij à diuersis corpori-
bus luminosis prouenientibus
in aliquo puncto vnum lumen
efficiunt intensius, quàm si ab
vno corpore luminoso causaretur.
Ad secundam probationem di-
cit primò; illam vmbra non
esse priuationem luminis distin-
cti ab alio lumine, sed esse potiùs
remissionem primi luminis in-
tensioris in esse remissio. Cum
secundò dicunt, quòd non est
priuatio diuersi luminis, sed
eiusdem. Si dicas, quomodò nõ
aufertur totum lumen? Respon-
dent, vnius luminis esse vnicam
priuationem perfectam, & tota-
lem: possunt tamen esse plures
imperfecte priuationes vnius lu-
minis, quarum vnaquæque, lu-

men per aliquam sui partem re-
moueat. *Ad tertiam probationem*
respondent ex doctrina Sancti
Thomæ 3. part. qn. 5. articulo 4. *ad*
secundũ. & quolib. 9. articulo primo
ad secundum, quòd illa proposi-
tio intelligitur de lumine se te-
nente ex parte corporis illumi-
nandi, corpus enim luminosius,
impedit, quominùs lumen cor-
poris minus luminosi distinctè
videri possit; non intelligitur
autem de corpore illuminato,
quali sint duo lumina distincta,
quorum vnum offuscet aliud.

- 83 *Sed hæc falsa sunt*: nictur enim
hoc fundamento, quòd duo lu-
mina eiusdem speciei non sint
impermixta in eodem medio;
constat enim ex Prospectiua, ra-
dium directum, & reflexum esse
duos, & tamen sunt in eodem
medio; & similiter, quòd radij
vitibilium impermixti mediũ
illustrent, quæ non possunt sal-
uari, nili dicamus, duo lumina
posse esse in eodem medio. *Item*.
Lumen in fieri, & conseruari de-
pendet à causa: ergo ad eius di-
stinctionem sufficit distincta
causa, estò quod sit vnum me-
dium. *Maneat ergo opinio Scoti*,
quòd plura accidentia tantum
numero distincta possunt esse in
eodem subiecto: nam in subie-
cto est potentia ad accidens in
communi, & plures potentia ad
hoc, & illud accidens in parti-
culari.

- 84 *Dices*, quòd ex Arist. omnis
distinctio, aut est per formam,
aut

aut per materiam; non ergo possunt esse simul in eodem subiecto, quod est accidentium materia; alioquin non erunt duo, sed vnum, cum non habeant, unde distinguantur. *Respondemus cum Scoto in 2. dist. 3. quæst. 5. Et in quolibetis qu. 2.* quod materia apud Aristotelem sumitur dupliciter, sicut & forma. Primum pro altera parte compositi. Secundum accipitur forma pro quidditate, & essentia rei; & materia pro principio contrahente istam

quidditatem, & essentiam, quodvis illud fuerit. Aristoteles in alio loco non accipit materiam, aut formam primo modo, sed secundo modo. Unde sensus est, quod distinctio, aut est specifica, & ita per formam, aut numerica, & ita per materiam, scilicet per principium indiuiduationis, quod in accidentibus non est subiectum, sed habent ex se, cum ex se sint existentia ex Scoto.

PROPOSITIO DECIMANONA.

De facto nunquam in eodem subiecto interueniunt simul duo accidentia solum numero differentia, qua sunt realia, & acquirantur per motum.

85 **D**ixi realia propter accidentia intentionalia, ut sunt species. Dixi, *qua acquiruntur per motum*, propter duo lumina, quæ de facto in eodem subiecto reperiuntur. Rationem pro nostra propositione assignat Scotus: quia agens naturale intendit formam præexistentem

in aliquo subiecto imperfectam perficere, atque ita non inducit formam, quæ sit distincta, & inpermixta cum præistente, sed inducit nouum gradum eiusdem speciei, qui vnatur cum forma præistente, & sic intendatur, & perficiatur.

DISPUTATIO DECIMA.

De Adoratione Christi.

1 **A**doratio, si nomen spectes, idem est, quod veneratio, cultus, seu reuerentia, quæ alicui exhibetur, cumque multos gradus suscipiat, in varias diuiditur species analogicas: est enim alia adoratio ciuilibis, politica, vrbana, moralis, qua homo hominem veneratur, de qua *Arist.* dicit *Honor est in honorante, & non in honorato*, sic accipitur in locis sacræ scripturæ, vbi legimus, vel Angelos, vel homines adoratos esse, utpote *Genesis* 23. vbi dicitur, quod Iacob sexies adorauit fratrem suum Esau; & *cap.* 43. fratres Ioseph ipsum adorauerunt. *Indith.* 10. *Indith* adorauit *Holofernem* sedentem &c. & 3. *Regum* 1. *Bersabæa*, & *Nathan* adorauerunt Regem *Dauid*; & alibi sæpe, ut *Genesis* 19. Vnde *S. Augustinus* q. 61. in *Genesis*, obseruauit, idcirco non esse dictum in *Deuteronomio* 6. *Dominum Deum tuum solum adorabis*, sicut est dictum, *soli seruias* (per *Latriam* scilicet, vel religionem) quoniam, ait: *Adoratio etiam hominibus inuenitur tributa*, ut quando *Abraham* adorauit populum *Terræ*, *Genesis* 23. *Secundo modo* accipitur pro honore, vel cultu sacro, qui fit

Angelis, & Sanctis, ut patet etiam in supradictis scripturæ locis. *Tertio*, magis strictè pro honore, & cultu; quo solus Deus honoratur, in quo sensu habentur ea scripturæ loca, in quibus dicitur, nullam creaturam esse adorandam, ut in *Deuteronomio* 6. n. 13. *Dominum Deum tuum adorabis, & illi soli seruias*; quem locum *Dominus Marthei* 4. adduxit contra tentationem illam *Sathanæ*: *Hec omnia tibi dabo si cadens adoraueris me*, & *Danielis* 3. n. 18 *Notum sit tibi Rex quia Deos tuos non colimus, & statuam auream, quam crexistis, non adoramus.*

2 *Adoratio*, consuevit diuidi in *Latriam*, & *Duliam*, qua diuisione vtitur *Sanctus Augustinus* lib. 8. de *Ciuit.* cap. 27. & lib. 10. cap. 1. & 3. & *secunda synodus Nicæna* in fine septimæ actionis in epistola *Tharasis*, & vniuersæ Synodi ad Imperatores. Vtrumque vocabulum apud nos seruitutē significat, ut videre est apud *D. Augustinum* 10. de *Ciuit.* cap. 1. quod latius *Ludouicus Vines* super eundem locum. Sed, quia soli Deo seruiendum est supremo modo, per *Anthonomasiam* *Latria* significat cultum soli Deo exhibendum, & per oppositum

nam Idolatria significat seruitutem Idolorum. Dulia etiam significat seruitutem, quæ aliquando accipitur, ut sit genus ad omnem speciem adorationis, & sic accipitur in glosa super Psalmum: *Dominus Deus meus in te speravi* &c. ubi ait glosa. *Dominus omnium propter potentiam, cui debetur Dulia: Deus omnium propter creationem, cui debetur Latria.* Sed cōmuniter accipitur pro cultu, qui alicui debetur propter excellentiam creatam in eo reperi- tam: Vnde inter Latriam, & Duliam propriissimè, & strictè sup- tas hæc est differentia; quia La- tria est cultus, qui alicui exhi- betur propter excellentiam in- creatam; sed Dulia est cultus exhibitus propter excellentiam creatam. *Rursus*, Dulia sic dicta diuiditur in *Hyperduliam*, & *Perduliam*, Hyperdulia enim signi- ficat honorem exhibitum propter singularem dignitatem crea- turæ, ut honor debitus Virgini; at verò Perdulia, appropriando nomen commune rei speciali, si- gnificat reuerentiam, quæ alicui exhibetur propter dignitatem, quæ in alijs etiam reperitur, & talis est honor, qui communiter sanctis exhibetur.

3 *Harum qualibet adorationum species, quadruplici constat actio- ne; quarum prima est in mente, & stat in apprehensione eximæ, & singularis excellentiæ. Secun- da in voluntate, qua erga huius- modi excellentiam benè affici-*

tur homo. Tertia est iudicium intellectus, quo iudicat esse ho- nestum, & rationabile testifica- re reuerenter hæc submissionem internam, seu exhibere aliquod signum illius extimationis de excellentia personæ adorandæ, & illius voluntati submittendi. Quarta denique, est ipsa nota submissionis, quæcumque illa sit, & externa reuerentia, quæ vel sit proprio corpore, vel ex- ternis officijs. Prima actio non est adoratio; quia Dæmones co- gnoscunt Deum super omnia fore amandum, & adorandum, cum tamen nec adorent, nec ament; est benè actus illæ neces- sarius ad adorationem: quippe voluntas minimè se submittit alicui, nisi prius illius excellen- tiam agnoscat, iuxta id: *Nil vo- litum, quin præcognitum*, & illud Poetæ: *Ignoti nulla cupido*. Illi er- go supra enumerati actus sunt necessarij ad adorationem. Est necessarius actus intellectus, ut per illum cognoscamus, Deum esse summum bonum, & totius naturæ principium. Est neces- sarius actus voluntatis, quia per illū nosmetipsos volumus Deo subij- cere. Quartus tandè actus est ne- cessarius, quia per illum expri- mimus nostram prostrationem, quod maximè fit per missæ sacri- ficiū, in quo populus Chri- stianus, cum per Sacerdotem of- fert sacrificiū, quod soli Deo debetur, suam exprimit internā adorationem.

X x

Ado.

4 *Adoratio Dulis*, supra adorationem politicam, & vrbanam, seu ciuilem gradum aliquem perfectionis addit. *Adoratio Hyperdulis* aliquem gradum perfectionis addit super adorationem Dulis. *Adoratio Latrie* summum gradum perfectionis attingit, soli debetur Deo; & diuiditur in *Externam*, *Internam*, & *completam*. *Interna* est summa depresso, humiliatio, & quasi sui ip-

sius annihilatio respectu prepotentis Dei, quem in summo perfectionis gradu agnoscimus, & confitemur, vnde nobis omne bonum adueniat. *Externa* est actus quidam corporis, quo extrinsecè, & signo visibili protestamur id, quod de Deo, & nobis mente concipimus. *Completa* est combinatio, seu coniunctio interna, externaq; adorationis.

PROPOSITIO PRIMA.

Demonstratur: An Latria sit virtus, & qualis virtus?

5 **N**omen virtutis est ambiguous. Aliquando sumitur pro vi, & efficacia ad operandum; sic robur corporis dicitur eius virtus, & virtus Evangelij, Crucis Christi, verbi Dei ad persuadendum, virtus appellatur à Diuo Paulo ad Romanos 1. & 1. ad Corinthios &c. Ex hac significatione reliquæ omnes dimanarunt, hinc est, vt etiã significet potentias ipsas operationes, vt virtus oculi &c. præsertim si ex se determinatæ sint ad vnum: quia ex se sine vlla re addita facis sunt ad operandum. Aliquando sumitur pro effectu ipsius potentiz, præsertim si sit insignis; sic *Marci* 6. miracula, quæ sunt effectus Diuinæ poten-

tiz, virtutes dicuntur. Ab eadẽ etiam significatione est deducti, vt virtus significet dispositionem quandam, quæ potentia iuuatur ad eliciendum actum. Solet etiã virtus id dici, vnde moraliter boni nominamur, cumque id sit solum per habitus morales, idcirco habitus intellectiui hoc modo virtutes non sunt. Deniq; (quæ propriè est huius loci significatio) virtus sumitur pro perfectione quadam superaddita potetie rationali, vt rectè operetur; vnde in oppositum, vitium accipitur pro habitu eo, per quẽ rationalis potentia disponitur, & incitatur ad peius operandum; Atque hoc vult etiam definitio illa celebris ex *D. Augustino* lib. 2.

lib. 2. de libero arbitrio cap. 18. *Virtus est bona qualitas mentis, quæ rectè vivitur*. Tandem propria Etymologia virtutis est, *ut virtus à viro dicatur*; tùm quatenus hæc vox ætatem, tùm quatenus sexum significat; nam virtus viris, & non pueris convenit, & rursus viris potius convenit, quàm feminis.

- 6 *Virtutis varias legimus apud Arist. diffinitiones* 2. Ethicorum cap. 6. dicitur *habitus, ex quo & bonus homo efficitur, & bonè opus suum reddit*. Hoc autem, quomodo hæc consequenter explicat; nimirum, si passiones, actusquæ suos homo laudabili mediocritate temperet, quæ defectum simul, & excessum excitat. Hæc diffinitio communior est: nam virtuti naturali æquè ac morali congruit. *Virtus equi* (inquit Aristoteles) *& ipsum equum probum efficit, & ad cursum idoneum facit*.

Rursus 2. Eth. cap. 6. ita dicitur *Virtus est habitus electivus in mediocritate consistens, prout vir sapiens determinaverit*. Dicitur *habitus*, quia de virtute, hîc loquimur, quatenus principiū quoddam rectè operandi, permanens, & fixum significat, vnde probi denominamur; tamen si agamus nihil. Iterum dicitur, *habitus*, quia cum duo sint in nobis, vnde prodire nostri actus valeant, scilicet facultas, & habitus, virtus non est facultas: ergo habitus. Quod facultas minime sit, patet, quia

hæc nobis inest à natura; secundò, quia secundum illam, nec boni, nec mali dicimur: restat ergo, quòd sit habitus.

- 7 *Secundò dicitur, electivus*, quia est circa media, quæ nos ad finem ultimum conducunt, & ad illa liberè eligenda nos inclinat: ideo virtuti non imputatur, quod ex naturæ necessitate, vel aliqua actione proficiscitur. Dicitur in *mediocritate consistens*, ut explicetur materia, circa quam virtus moralis versatur; nempe circa medium inter extrema, ut fortitudo inter audaciam, & timorè. Dicitur, *prout sapiens determinaverit*, quia medium virtutis non est arithmeticum, sed quòd dicatur secundum regulas prudentiæ; sicut enim in quolibet continuo datur plus, minus, & æquale, quod est medium; ita in moribus datur plus, & minus, hoc est, exuperantia, & defectus, in quibus vitia sunt, & insuper mediocritas, in qua virtus versatur. Medium rationis est id, quod neq. redundat, nec deficit, quòd congruit rectæ rationi; iudicioq; prudentiæ; vnde medium rationis id dicendum, quod penitentis omnibus circumstantiis personæ, ætatis, indolis, temporis, loci &c. congruit rectæ rationi.

Aristoteles 7. Phys. ex. 17. dicit, virtutem esse *dispositionem præstantissimam ad opus*, quæ diffinitio etiam propriè non sit virtutis, de quibus in præsentis; eis tamen accomodari potest, ut sit sensus:

Virtus est dispositio præstantissimi subiecti in suo genere, quod est natura rationalis ad optimam operationem, quæ est operatio ipsa virtutis, quæ optima est in natura rationali.

- 8 *Scholastici ex varijs Sancti Augustini dictis hanc colligunt virtutis diffinitionem: Virtus est bona qualitas mentis, quæ rectè vivitur, quæ nullus malè vitetur, & quæ Deus in nobis, sine nobis operatur. Dicitur, qualitas bona (& fortè melius diceretur habitus) ut significetur genus proximum virtutum: ly bona non significat bonum transcendens, sed bonum rationis, quoniã virtutibus homo disponitur, ut secundum rectam rationem operetur, quod non fit, nisi ab aliqua bona qualitate mentis. Nomine mentis indicatur subiectũ, quod, vel est ipsa mens, in qua est prudentia, vel id, quod participat mentem: ut sunt aliæ omnes potentie, in quibus virtutes reperiuntur; quoniam cum prudentia sit regula omnium virtutum, nihil poterit esse subiectum virtutum, nisi pendeat à prudentia, & aliqua ratione participet mentem, quæ rectè vivitur, hoc est, exercentur operationes, quæ sunt vitæ, quæ rectitudo operationum, consistit in conformitate ad legem, & rectam rationem. Dicitur, quæ rectè vivitur; ubi vita non sumitur pro substantia, sed pro operatione. Dicitur, quæ*

nemo malè vitetur; nam et si virtutis actus queat vitiari, non tamen virtus est principium vicij, sed potentia, in qua virtus reperitur. Dicitur, infundendi in nobis sine nobis, ut sciamus, causam esse Deum &c. Ita fortè solis cõvenit Theologicis virtutibus.

- 9 *Ex diffis suppono, omnem virtutis habitualis qualitatem peti debere ex actibus. Unde primò debet omnis virtus esse libera, scilicet ex electione fluere: idèò notat optimè Plato in Cratyllo, vitium omne instar tenacis cuiusdam vinculi constringere scilicet potentias animæ, easquæ impedire, ne liberè, & expedite ad proprios, & cõsetaneos actus progrediantur, eo autem impedimento liberari per virtutem.*

Secundò debet esse rationalis, scilicet conformis rectæ rationi: idèò virtutem uniuersam in eo posuit Plato, ut ipsi rationi, idèst primæ, & purissimæ omnium rationabilium actionũ regulæ consentiat, & obtemperet.

Tribus modis potest humana operatio rectæ rationi esse conformis. Primò aptitudine. Secundò habitu. Tertiò actũ. Actio cõformis rectæ rationi aptitudine est ea, quæ ex se apta est diciari à recta ratione, tamen ab eo fit, qui caret prudentia; ut si amens inopinatè id ageret, quod editũ ab homine sano laudaretur. Habitu dicitur actio cõformis, quæ sine vlla intentione procedit ab

co,

eo, qui habet habitum prudentiæ, nihil tamen influentem, nec vllatenus dirigentem, vt si vir, alioquin prudens, actionem honestam solo naturali impetu, non ductu rationis eliceret. Actû cõformis est, quam ratio actû dicat eliciendam.

- 10 *Tertiò*. Virtus est stabilis, ac constans; nam possunt actiones, alioquin honestæ, ab homine, peruerso interdum fieri; sed quia non proueniunt ex habitu virtutis, idè nec constanter ille, nec perseveranter similes elicit. Hinc secundum Gulielmum Parisiensem *Virtus dicitur, quasi viri status*, & certè à viro derivatur (vt iam supra notauimus) quòd verè viros, scilicet viriles, fortes, & cõstantes homines facit. Istæ sunt virtutis proprietates. Alios plures habet ingenuæ nobilitatis titulos; vt quòd sit per se honesta, iucunda, salutifera, utilis homini ad suam beatitudinem obtinendam &c.

Suppono etiam, Virtutem partitam esse in *Intellectualem*, & *Appetitiuam*. Prima est quidam habitus inclinans ad rectè intelligendum, & hoc non vno tantum modo: nam vel est habitus regulatiuus operationum volutatis, qui inclinat ad rectè agendum, & hac in acceptione dicitur *Prudentia*, vel est regulatiuus operationum intellectus, pro quò dat principia diffiniendi, diuidendi &c. quibus in omni sciètiâ tenetur se conformare intel-

lectus, & ita dicitur *Logica*. Secundò accipitur Virtus pro habitu determinante potètiã ad actum laude dignum, & ad laudabilem eius vltim; virtus hoc modo capta est virtus *Appetitiua* sistens in voluntate.

- 11 *Præter Theologicas virtutes*, admittendas fore alias morales, est commune votum Doctorum, & præcipuè illas quatuor, quæ Cardinales dicuntur, scilicet *Iustitia, Prudentia, Fortitudo, & Temperantia*. Non sufficere Theologicas virtutes ad vniuersalem hominis directionem, ex eo cõstat, quòd non solum deficere homo possit in his, quæ ad eum spectant, sed etiã in proprijs actibus, atq; in illis, quæ proximum respiciunt. Hinc fit, vt quemadmodum madata primæ tabulæ, quæ hominem regulant ad Deum, necessaria fuere pro moderanda humana conuersatione, ita præter Theologicas virtutes, quæ hominem perficiunt in his, quæ Dei sunt, necessariae sunt Morales virtutes, quibus perficitur homo tam respectu sui, quàm respectu proximi. Quamuis ferè innumeræ sint virtutes morales, illæ tamen reducuntur ad quatuor, qui numerus ex eo probatur sufficere, quòd homini, si cõsideretur respectu alterius, sufficiat *Iustitia*, qua vnicuique, quod suum est, tribuit, aut secundum *Iustitiam* punitiuam, aut permissiuam, aut commutatiuam, aut distributiua. Si verò cõsideret.

sideretur respectu sui, cum tria tantum habeat regulanda, seu moderanda, scilicet voluntatem, appetitum concupiscibilem, & appetitum irascibilem; sufficit ad moderandam voluntatem, Prudentia, ad retinendam concupiscentiam Temperantia, ad roborandum appetitum irascibilem Fortitudo. *Idem suadebit hec ratio.* Quatuor sunt, quibus precipue indigemus: succurrere miseris, hoc praestat Iustitia: cauere ab insidijs, hoc facit Prudentia; abstinere ab immundis delectationibus, quod facit Temperantia; expellere nocentes, quod praestat Fortitudo. Hinc istae quatuor virtutes dicuntur Cardinales, non quod a Cardinalibus Eminentissimis nomen acceperint (sunt enim illis antiquiores) sed a ianuarum cardinibus, unde translata est metaphora, ut quemadmodum quatuor Caeli puncta praecipua ab Astrologis metaphoricè cardines Caeli appellantur, ita reliquarum virtutum cardines sint istae quatuor, & in istis circumferatur, & roteatur vniuersa hominis vita.

- 12 *Ad Virtutem Theologicam* quatuor sunt necessaria (quantum licet ex Scoto colligere in 3. d. 26. & ex S. Thoma prima secundae q. 62. art. 2.) *Primum*, quod illum esse, solum constet ex Deo reuelante, & non ex lumine naturae, quomodo esse Fidem, Spem, Charitatem, constat per Diuinam reuelationem, *Secundum*, quod

Virtus Theologica habeat Deum pro regula suorum actuum, & Virtus Moralis habeat pro regula Prudentiam; Fides enim pro regula habet Deum reuelantem, & Spes, & Charitas similiter pro regula habent Fidem, ac proinde Deum ipsum: quia cum Fides sit de Deo obiectiue, proinde qui vititur Fide, tanquam regula, vititur Deo. *Tertium*, quod habeat Deum pro obiecto: aliae enim Virtutes Morales habent pro obiecto res creatas, in quibus regendis, & moderandis versantur.

Dices. Theologia nostra habet Deum pro obiecto, etiam sub ratione Deitatis, ut docet *Scotus in prologo libri 1. sent.* & tamen non est virtus Theologica; alioquin essent quatuor virtutes Theologicae: ergo habere Deum pro obiecto, non est proprium virtutum Theologicarum.

- 13 *Respondeo*, cum Caietano secunda secundae q. 17. art. 5. quod de Theologia possumus ratiocinari dupliciter, aut ut est in nobis viatoribus, aut prout est in Beatis. Si primo modo, propter duo non est virtus. *Primum*, quia actus proprius Fidei est assentire, & sic Fides tantum perficit intellectum nostrum respectu actus assentiendi; at Theologia perficit intellectum respectu actus sciendi, qui duo importat, assensum scilicet, & euidenciam; actus ergo assentiendi redditur perfectus per Fidem; Fides enim facit

facit intellectum firmiter, & certissime assentire reuelatis à Deo, & cum Virtus sit dispositio perfecti ad optimum; ideo Fides est virtus; ac actus sciendi non redditur perfectus ex scientia Theologiæ, quia Theologia in nobis non facit euidentiam, & sic non est virtus, cum non sit dispositio perfecti ad optimum. *Secundum*, propter quod non est virtus Theologia, prouenit, quia non est circa Deum immediatè; cum per manuactiones, & velligia creaturarum Theologia aliquid de Deo concludat, iuxta illud *Pauli* ad Ro. 1. n. 20. *Inuisibilia Dei per ea, quæ facta sunt, à creatura mundi intellectus conspiciuntur, sempiterna quoque eius virtus, & Diuinitas, &c.* At verò Fides immediatè tendit in Deum: præstat enim assensum reuelatis à Deo tantum, quia Deus reuelauit. Si verò sit sermo de Theologia, prout est in Beatis; cum in intellectu eorum faciat euidentiam eorum, quæ vident, probabiliter dici potest, quòd sit virtus Theologica. *Quòd si dicas*: ergo sūt quatuor virtutes Theologiæ. *Respondetur*, concedendo; & cum à Sancto Paulo, & alijs tres tantum dicuntur virtutes Theologiæ; sermonem faciunt de illis, quæ conueniunt statui viatorum. Restat ergo virtutem Theologicam expostulare Deum pro suo obiecto immediatè.

Moralis virtus illa dicitur, quæ

non versatur circa Deum, tantquam obiectum materiale, & formale; quinimò illius finis intrinsecus minimè est Deus, sed aliquid creatum; nam licet aliquādo, vt ipsa moralis virtus sit meritoria, eam deceat suos in Deum actus referre; hoc tamen est à Charitate, cuius munus est morales virtutes ad Deum ordinare, quò sit, vt Deus, non finis intrinsecus moralis virtutis; sed extrinsecus sit.

14 *Ultra has virtutes Theologicas, & morales, grauiusimorum Doctorum sententia est, dandas fore virtutes medias, quæ aliqualem rationem Theologiæ, & moralis virtutis participant: Istæ sunt, quæ in aliquo conueniunt cum virtutibus Theologicis, & in alio cum moralibus; de istis participant hoc, quod est habere obiectum materiale, & formale quid creatum; de Theologicis participant hoc, quod est habere finem intrinsecum, Deum. Differunt tamen à virtutibus Theologicis, quia non habent Deum, vt obiectum materiale, & formale, quod est de ratione virtutis Theologiæ, sed solum habent Deum finem intrinsecum suorum actuum. A virtutibus moralibus distinguuntur, quia non habent finem intrinsecum quid creatum, quod est de ratione virtutis moralis, sed solum habent obiectum materiale quid creatum, finem verò intrinsecum Deum. Virtutes*

mora-

morales in duplici sunt differētia; alix enim ad ipsum habentem illas referuntur, illiquē soli vtilēs sunt, vt Temperantia, & Fortitudo: alix autem ad alios

ordinantur, & non solum ad illas habentem: huiusmodi est iustitia. His stantibus tales pono propositiones.

PROPOSITIO SECVNDA.

Latria, accipiendo Latriam probabilitu ex actibus internis, & externis generato, est virtus moralis, & specialis, & collocatur inter partes iustitiæ potentialis.

ITa habet *Scotus* dist. 9. in 1. art. Vide *Sanctum Thomā* secunda secundæ qu. 81. & eius expositores ibi.

15 *Quod Latria sit virtus, probosic: omnis actus procedens ab electione, & cadens super debitam materiam cum debitis circumstantiis est actus virtutis: sed actus Latriæ sunt huiusmodi: ergo Latria est virtus. Maior est Aristotelis 2. Eth. & patet ex dictis supra de virtutibus. Minor probatur: actus enim Latriæ procedit ab electione, quæ quis eligit exhibere Deo aliquem cultum: cadit etiam supra debitam materiam, siue exhibendo sacrificia, siue genuflexiones, siue orationes vocales: potest etiam hic actus habere debitas circumstantias finis, loci, & temporis: ergo Latria est virtus. Secundo. Leges, & præcepta*

non dantur, nisi de actibus virtutum (nam, teste Aristotele 2. Eth. finis Legislatoris est inducere homines ad virtutem); sed de Latria est præceptum, vt habet *Scotus* in 2. art. & patet Deut. 6. Matthæi 4. ergo est virtus. Tertiò. Arguo discursu Marfilij: virtus est bona qualitas mentis; qua rectè viuatur, & qua nemo malè vitur; sed talis est Latria: ergo Latria est virtus. Maior est definitio virtutis, vt vidimus supra, & colligitur ex Aristotele 2. Eth. vbi ait, quod virtus habentem perficit, & eius opus bonum reddit: Minor est clara: ergo, &c.

16 *Sit aliud argumentum. Ex Aristotele 2. Eth. cap. 5. & 6. Virtus est habitus electiuus in mediocritate consistens; ita est Latria; nam ponit medium inter superfluum, & diminutum in-*
ser-

feratijis, quæ Deo exhibentur: ergo iure merito Latria sub catalogo virtutum continetur. Hanc ultimam nostram argumentationem impugnare possumus, ita dicendo. Nullus potest Deum superflue colere, ut patet Ecclesiastici 43. 11. 32. *Glorificantes Dominum quantumcumque; potueritis, supernalebis adhuc & admirabilis magnificentia eius: benedicentes Dominum, exaltate illum quantum potestis, maior enim est omni laude, &c.* ergo Latria non potest medium constituere inter superfluum, & diminutum. *Respondet*, quod medium inter aliqua potest dupliciter constitui; aut absolute, & simpliciter ex parte rei, & tale non requiritur ad virtutem; aut in ordine ad nos, & ad rectam rationem, & ad capacitatem habentis virtutem, tale requiritur ad virtutem. Hinc licet in cultu Dei non possit esse superfluum ex parte Dei, sicut ostenditur allata auctoritate; potest tamen esse superfluum in ordine ad nos, utpotè si quis exhiberet Deo excessivum ieiunium, aut immoderatas vigiliis, quæ saluti essent nociuæ; quapropter dixit *Sanctus Paulus* Rom. 12. *Rationabile sit obsequium vestrum*. Restat ergo, Latriam, dicendam fore virtutem.

- 17 *Latriam esse virtutem specialem*, probatur. Latria habet specialem materiam, circa quam versatur, & distinctam à materiis aliarum virtutum: ergo est vir-

tus specialis. Antecedens patet; quia Latria versatur circa honores diuinos, circa quos nulla alia virtus negotiatur: ergo Latria est specialis virtus. *Secundò*, de Latria est speciale præceptum: ergo est specialis virtus.

Obijcies nobis D. Augustinum in Enchyridion cap. 14. & lib. 19. cap. 22. & 23. dicentem, Deum à nobis coli virtutibus, scilicet Fide, Spe, & Charitate: ergo Latria non est specialis virtus ab alijs distincta. *Respondemus*, actus cuiuscumque virtutis esse duplices; alius est enim actus elicitus, alius imperatus. Elicitus dicitur is, qui immediate efficitur à tali virtute, sicut Fidei actus elicitus est credere, & Charitatis amare. Actus imperatus est, qui non immediate efficitur à tali virtute, ut martirium, quod non est actus elicitus Fortitudinis, sed est actus imperatus Charitatis. Ita in proposito actus Fidei, Spei, & Charitatis possunt fieri in Dei cultum: sed tunc non sunt actus elicitus, sed actus imperati; sed Latria habet hos actus, tamquam imperatos, per quos est specialis virtus.

- 18 *Latriam esse virtutem moralem* probatur. Suppono tamen prius (ut iam notavi supra) differentiam inter virtutem moralem, & Theologicam: illa quippe respicit quidem Deum, tamquam finem, non tamen, tamquam obiectum. Theologica verò respicit Deum, tamquam obiectum: Fi-

Y y des

des credit Deum; Spes sperat Deum, &c. hoc supposito, sic arguo. Latria non habet Deum, pro obiecto immediato, sed potius cultum, qui Deo exhibetur: ergo non est virtus Theologica. *Secundò*. Latria est virtus de dictamine rectæ rationis; recta enim ratio dicitur, quòd Deo est feruiendum, & obiectum eius est moraliter bonum (scilicet cultus in Deum) ergo & ipsa virtus moralis.

Dices. Actus Latriæ non sunt de dictamine rationis naturalis: ergo non est virtus moralis. Patet antecedens: nam ceremonias, sacrificia, & alia Deo offerre, quæ sunt actus Latriæ, non sunt de dictamine rationis, sed lege Diuina nobis præcepta: ergo, &c.

Respondeo, quòd de dictamine rectæ rationis est, quòd homo aliqua in communi faciat ad reuerentiam Diuinam, & aliqua exhibeat in recognitionem seruitutis Deo exhibita, & hoc pertinet ad virtutem Latriæ. At verò determinare illa, quæ debemus Deo exhibere, & in quo tempore, non est de dictamine rationis naturalis, sed de institutione iuris Diuini, vel humani, quibus determinatis, Latria videtur eis pro materia.

19. *Latriam esse partem potentialem iustitiæ*, sic ostendo. Omnis virtus moralis, quæ ordinat hominem ad alium sub ratione debiti, spectat ad iustitiã: talis est La-

tria: ergo Latria est pars potentialis iustitiæ. Maior est certa; nam omnis virtus moralis, præter iustitiã, ordinat hominem ad se; & si liberalitas ordinat hominem ad alium, non ordinat sub ratione debiti. Minor etiam patet; nam Latria ordinat nos ad Deum sub ratione debiti: ergo, &c.

20. *Dixi in conclusione*, Latriam esse partem potentialem iustitiæ, non subiectiuam; nam iustitiæ aliz sunt partes subiectiuz, & tales sunt species iustitiæ, quæ directe sub ipsa continentur, & perfectam iustitiæ rationem sortiuntur, vt sunt iustitia distributiuã, & commutatiuã. Aliz sunt partes potentiales, quæ sub iustitiã directe non continentur, eo quòd non habent perfectam rationem iustitiæ: nam, cum tria importentur in ratione iustitiæ. *Primum*, quòd sit virtus ad alterum. *Secundum*, quòd ordinet ad alterum sub ratione debiti. *Tertium*, quòd reddat æquale. Hinc virtus, quæ aliquam istarum conditionum non habet, dicitur pars potentialis iustitiæ. Vnde, quia liberalitas non ordinat hominem ad alterum sub ratione debiti, ideo dicitur pars potentialis eius. Similiter Latria propter defectum tertij, licet hoc sit accidentale in Latria, non ex defectu iuxta rationis formalis, ipsa enim sufficiens est ex parte sua ad inclinandos homines ad cõdignos cultus Deo exhibendos; sed

sed defectus est ex parte materiz; nihil enim est in nobis, quod sit condignum infinitæ Dei Maiestati; atque hinc Latria nõ servat æqualitatem; & Aristoteles dixit 5. Eth. quòd *Dys, Parenti.*

bus, atque Magistris non possumus reddere æquale. Et Ecclesiast. 43. r. 32. *Benedicentes Dominũ, exaltate illum, quantum potestis; maior enim omni laude.*

PROPOSITIO TERTIA.

Latria inter omnes virtutes morales est præstantior.

21 **I**Ta Ricc. in 3. d. 9. q. 5. *Probatur primò*, quia hæc virtus primo præcepto Decalogi commendatur: ergo est inter omnes virtutes prima. *Secundò*. Latria immediatius contingit Deum, quàm quælibet alia virtus moralis; versatur enim circa cultus Deo exhibendos: & ex *S. Augustino 10. de Civit. cap. 18.* Summum bonum est Deo coherere: ergo iure merito Latria inter omnes virtutes morales præstantiorem locum obtinet.

Dices. Humilitas videtur superior Latria; de ipsa namque ait Christus Matthæi 14. *Discite à me, quia mitis sum, & humilis corde.* Et Luca 14. dicitur: *Omnis, qui se humiliat, exaltabitur.* Respondeo cum Riccar. loco cit. Humilitatem esse maximam in statu incipientium in vita Christiana, absolutè tamen, & in statu proficientium Latria est maxima.

22 *Replicabis, Aristotelem 5. Eth. cap. 3. docere, iustitiam esse om-*

nium virtutum præstantissimam. *Respondetur primò*, Aristotelem loqui de iustitia in vniuersali, ut complectitur omnes virtutes, & dirigit operationes aliarum virtutum ad commune bonum, nõ tamen de iustitia in particulari. Quòd, si de particulari iustitia fiat sermo. *Dico secundò*, quòd comparata ad alias virtutes, quæ ad proximum ordinant, est præstantissima, cum hoc tamen fiat, quòd Latria, quæ ordinat Deum, sit ipsa præstantior, & simul cum hoc habet, quòd sit pars iustitiæ.

Dices etiam contra nos, Aristotelem 4. Eth. de magnanimitate dicere, eam omnium virtutum esse ornamentum: ergo Latria non est omnibus præstantior. Respondeo. Aristotelem esse locutum de magnanimitate non per se, sed coniuncta cum alijs virtutibus, quibus utitur; si verò per se consideretur, non est præstantior Latria.

PARAGRAPHVS PRIMVS.

An Deus sit adorandus, & qua adoratione?

PROPOSITIO PRIMA.

Est præceptum homini datum de adorando Deo, à cuius obligatione eximi potest nemo.

23 **P**receptum esse homini de adorando Deo, docent nos sacræ Paginæ nō solum implicitè in primo Decalogi præcepto: *Nō habebis Deos alienos coram me*; in quo includitur affirmatiuum præceptum de colendo Deo: nam propterea rejiciuntur falsi Dei, ut soli vero Deo reddatur adoratio: sed etiam explicitè. Deut. 6. & ex renouatione Christi Matth. 4. *Dominum Deum tuum adorabis, & illi soli seruias*. In isto præcepto notanda est coniunctio adorationis, & seruitutis, quæ propterea coniunguntur, ut denotetur vera adoratio; seruire enim multo magis est, quàm adorare; nam colimus, & adoramus etiam alienos, quibus non subiicimur ad seruiendum: seruit autem nemo, nisi Domino suo; seruus enim dicitur, qui sic subiicitur alienæ voluntati, ut obedientem, & obsequentem esse oporteat. Hinc præcipitur adoratio cum

seruitute exhibenda: quia sumus nos, & nostra Dei iure creationis, iure naturæ, iure adoptionis, titulo meri Dominij, titulo possessionis antiquæ, titulo emptionis, titulo insuper plusquam iustæ commutationis: commutauit enim Vnigeniti sui mortem pro vita nostra.

24 *Dari præceptum adorationis Dei suadet Scotus in 3. d. 9. §. de secundo articulo, dicens: Rationabile enim est, creaturam intellectualem obligari ad aliquando recognoscendum, & reuerendum summum Dominum suum.* Præceptum adorationis est affirmatiuum, quatenus præceptum est, obligat, sed quatenus affirmatiuum, nō obligat pro semper, obligat nihilominus ad semper, id est, non obligamur ad incessanter, & semper pro omni tempore eliciendum actum adorationis; tamen obligamur pro omni momento ad non faciendum contra præceptum adorationis, id est, ad non

faciendam aliquam irreuerentiam Deo.

- 25 *Hic queritur* : quo tempore teneatur homo obedire huic præcepto? *Scotus* in 3. d. 9. §. de secundo art. dicit, quòd tempore legis moſaycæ obligabat die ſabbati iuxta id : *Sabbatum ſanctifica*. In rebus dubijs, de quibus nihil apertè habet ſacra Pagina, audire debemus Eccleſiã Matrem, quæ, cùm didicerit à Spiritu ſancto, ſanctificandum ſabbati diem, & illis diebus colendum Deum, in quibus peculiare beneficium hominis conſeſſum conſtat : ſtatuit diebus Dominicis, & alijs diebus feſtiuis teneri fideles ad adimpletionem mandati de adorãdo Deũ: unde, & his diebus præcipiuntur intereſſe ſacrificio Miſſæ, in quo ſolus Deus adoratur.

Dices : ergo ſi quis per totam vitam impediretur ab audiendo ſacro, v.g. ſi ſemper inſirmus, ille nunquã teneretur ad adorandum Deum. *Concederem ego*. *Dices*, eſſe contra *Scotum* dicen-

tem, eſſe neceſſarium aliquem actum æquiualem. *Reſpondeo*, *Scotum* loqui de neceſſitate congruentiæ tantum. Ita Ouandus, Angles; vide Cauellum in ſcholio ad §. de ſecundo.

- 26 *Petes* : quæ ſit ratio, ob quam Deo exhibeatur Latria? *Scotus* hic lit. F. duas refert opiniones probabiles. *Prima*, quòd Latria debetur Deo propter bonitatem nobis communicatam tam per creationem, quàm per redemptionem; ita quòd ſi per impoſſibile eſſent duo dii, quorum vnus crearet nos, alter minimè: ille eſſet adorandus Latria, hic autem non; hoc eſt, quòd alijs verbis ſolet dici, ſcilicet ratione ſummi dominij deberi Deo Latriam, eò quod per creationem eſt Dominus omnium creaturarum. *Secundã opinio* aſſerit, quòd Deo debetur Latria ratione ſuæ intrinſecæ bonitatis, ita ut ſi per impoſſibile non crearet nos, foret etiam tali cultu adorandus; *Veritatem accipe* à ſubſequentibus.



PROPOSITIO VNICA.

Deus, ut supremus Dominus, ut suprema, & prima causa, ac principium rerum omnium, ut Artifex infinita sapientia, & potentia, ut est infinitum bonum, à quo nos omnia bona speramus, ut est supremus benefactor, grandia in nos quotidie beneficia referens, & secundum plures alias supremas perfectiones, quas in se includit, adorandus est adoratione Latriæ.

37. **P**ropositio ista est cōmunis, & omnes ferè eius partikulæ ex *Damasceno oratione 3. de Imaginibus* desumptæ sunt. Ratio autem est: quia Deus cum omnibus istis rationibus consideratus, infinita est dicatus excellentia, cui nihil deest, ut sit obiectum motuum, & terminatum cultus Latriæ.

Dices. Beneficia nobis collata clauduntur sub ente finito: ergo excellentia Benefactoris minimè satis erit ad Latriæ adorationem terminandam: cum hæc propter solam infinitam excellentiam debeat. *Oppones* etiam nobis *Augustinum qu. 34. in Exodum* (ut refert *S. Thomas hic qu. 25.*) docentem, Deo, ut Deo, deberi Latriam, ut autem Domino Duliam: ergo titulo domini minimè correspondet ado-

ratio Latriæ, sed Duliz. *Adest etiam ratio contra nos:* quod sit titulus specialis; ex quo sequitur, quod titulo etiam benefactoris non responderet, nisi Dulia: cum sit titulus temporalis.

Respondetur, negando consequentiam, pro quo aduerte, quod quando Deum adoramus propter beneficiū aliquod, v. g. creationis, nos non habere ipsum beneficium, nisi tãquam motuum, quo excitamur ad cultū Dei, qui ex se independenter à beneficijs exhibitis nobis gaudet excellentia infinita, cultu Latriæ digna. hoc etiam modo possumus adorare Deum, quia ipsum offendimus, non quod per ordinem ad nostra peccata sit desumenda Divina excellentia, sicut nec etiā, quod nostrorum peccatorum intuitus sit ratio motiua proxi-

ma

ma adorationis, sed quòd mouent nos, quasi remotè, vt in aliquam satisfactionem adoremus illum, quem offendimus, & sic remotè tantùm concurrunt, & eodem modo concurrunt beneficia, mouendo nos, vt in gratiarum actionem adoremus nostrum Benefactorem, huius tamen excellentia, Patriæ digna, supponitur.

- 28 *Ad Augustinum* dico, ipsum intelligendum esse non de *Dulia* specifica, quæ tribuitur sanctis, & quæ dicit imperfectionem, & limitationem, sed de *Dulia* communiter sumpta, prout dicit solam perfectionem positiuam, scilicet cultum exhibitum à seruis Domino ratione dominij, qui cultus potest exhiberi Deo, vt Dominus est, & hunc cultum, docet *Augustinus*, in hoc à Patria distingui, quòd Patria habeat pro termino Maiestatem, & excellentiam Diuinam; *Dulia* verò solum dominium: quæ differentia sumi potest ex Etymologia nominum: quippè ad aures Græcæ linguæ peritorum *Dulia* suam habet originem à verbo Græco, *Daluo*, quòd est seruire, vnde ad dominium referri videtur; Patria verò ab alio verbo Græco, quòd refertur, & explicat infinitæ Maiestati Dei reuerentiam debitam.

Dices. Patria, cum contineatur sub Iustitia, debet Deo exhiberi ratione debiti: sed nos sumus Deo debitores ratione redemp-

tionis, & creationis, per quæ Deus suam nobis bonitatem communicauit: ergo, his ablatis rationibus, cum nos non obligemur Deo, non erit tali adoratione adorandus.

Respondeo, esse duplex debitum, debitum commodi, quo quis alicui est adstrictus propter commodum ab illo reportatum, & est debitum iusti, quo quis alicui est subiectus propter excellentiam, quæ est in illo; hac ratione sapientes habent dominium super barbaros, & feros omnes; & hoc pacto nos debemus Deo reuerentiam, & cultum propter summam bonitatem, qua in infinitum nos exuperat, quòd est debitum iusti, licet non commodi.

- 29 *Petes.* An proprietatibus personalibus; quibus Personæ Diuinæ constituentur, considerando illas præcisas ab essentia, debeatur Patria. *Vt detur.* quòd non: quia, formaliter loquendo, non sunt Deus, ne: bonum aliquod infinitum. Nihilominus

Dicendum est, quòd proprietatibus personalibus, quibus Personæ Diuinæ constituentur, debetur adoratio Patriæ. Probaturs autoritate Ecclesiæ in præfatione Trinitatis, ubi dicitur, *Vt in confessione vere sempiternæq; Deitatis, & in personis proprietates, & in essentia vnitas, & in maiestate adoretur equalitas &c.* Accedat argumentum. Humanitas Christi, licet sit quid creatum, & realiter distinctum à Diuinitate; nihilominus, quia con-

coniuncta est ibi hypostaticè,
adoratur Latria: ergo multò ma-
gis personales proprietates, quæ

non sunt creaturæ; nec realiter
distinguantur ab essentia Divina.

PARAGRAPHVS SECVNDVS.

*An Christi humanitas adoranda sit, & qua
adoratione?*

30 **V**niuersa docet Theolo-
gia, Deum solum esse
adorandum adoratione Latriæ
primariò, directè, & per se, qui
modus nulli alteri concedi de-
bet. Modus iste peculiaris in hoc
consistit, quòd in Deo solo re-
periantur materiale, & formale
adorationis, scilicet Deum esse
id, quod est, & id quo est adoran-
dum. Materiale, seu quod adora-
tionis in Deo, est Deus ipse, for-
male, & quo adorationis in Deo,
est infinitudo suæ potentiz, boni-
tatis, atq; maiestatis. Si quid ex-
tra Deum adoretur, potest qui-
dem esse materiale; & quod adora-
tionis, sed tamen non habet
quo, seu formale adorationis, sed
à Deo mutuatur. Res patebit ex-
emplis in adoratione Ciuili. Rex
solus in suo Regno, est materia-
le, & formale, & ut quod, & ut
quo suæ venerationis; veneratur
Rex primariò, & per se, & dire-
ctè: Regia purpura, diadema,
sceptrum sunt in honore, & eis
deferitur Regia adoratio, & ta-
men non habent quo, seu forma-

lem rationem adorationis, quā-
tum est ex se, sed eam mutuan-
tur ex Regia dignitate. Simi-
li modo in adoratione Latriæ
adoramus solum Deum, ut quod
& ut quo, ut materiale, & forma-
le. Christum fore adorandum,
Catholicus negabit nemo; ita
docente sacra Pagina, hinc in
Apocalypsi 14. Agnus, qui perso-
nam Christi repræsentabat, ado-
ratur. *Ad Philipp.* 2. In nomine
Iesu omne genuflectatur. *Psalmo*
96. *Et adorent eum omnes Angeli*
Dei; qui locus de Christo comu-
niter interpretatur. *Matthæi* 2.
Magi adorauerunt Christum.
Matth. 28. Maria Magdalena ado-
rauit Christum, & *Genesis* 37. di-
citur, Iosephus somniat, quòd
manipulus eius erat erectus, &
adorabatur ab alijs manipulis
fratrum suorum; similiter Sol, &
Luna, & undecim stellæ adora-
bant eum. Ista somnia *D. Am-
brosius* in libro de Iosepho Pa-
triarcha dicit, completa fuisse
in Christo, qui fuit à discipulis,
& à Ioseph, & Maria adoratus.

Tan-

Tandem est determinatio *Concilij Tridentini sess. 13. cap. 5. vbi pluribus locis sacrę Scripturę probat, Christum in Sacramęto Eucharistię esse adorandum.*

- 3¹ *Tota difficultas est, de Christi humanitate, quę potest dupliciter considerari. Vno modo, inquantum est coniuncta Diuinitati; alio inodo per se absolute sumpta, & a Diuinitate separata, non abstractione diuina, sed solum præcisiua,*

Gabriel in 3. d. 9. q. 1. art. 2. cœlus. 3. asserit, humanitatē Christi, etiā inquantum coniuncta est Diuinę personę, non esse adorandam. Latria propria, sed largę, & improprie dicta; Vnde imaginatur, nescio, quam distinctionem Latrię in propriam, & impropriā: illam putat esse adorationē, quę Deo debetur ratione excellentię increatę; hanc verò esse adora-

tionē, quę exhibetur alijs a Deo; quia coniunctionē habet cū illo; hac adoratione, dicit, esse adorandam Christi humanitatem. Probat suam sententiam. Primò, quia humanitas Christi est pura creatura: ergo non debetur sibi adoratio Latrię proprię, quę soli Creatori est exhibenda. Secundo. Humanitas Christi est ratio, propter quam Christo solum debetur Hyperdulia; ergo ipsa non est adoranda Latria.

Quid nobis verius videatur, docebunt, quę subsequuntur propositiones. Sed prius notandum, quod in Christo est duplex ratio adorationis: quod patet, quoniam in Christo est duplex natura, & vtraque habet peculiarem rationem adorationis: quippè vnaquęq; sua propria est ditata excellentia, ergo &c. Sit igitur.

PROPOSITIO PRIMA.

Christus vnica solum adoratione est adorandus.

- 3² **P**resentem propositionem intelligo non de vnitatę xqualitatis, scilicet, quòd vna specie adorationis, videlicet, Latria, & Dulia sit adorandus. Lo. quor ergo de vnitatę numerica.

Propositionem probò 1. ex determinatione Concilij Ephesini Can. 8. vbi dicitur: Si quis audeat dicere, assumptum hominem non coadorandum Dei Verbo, & non potius

vnica adoratione honorificat Emā nuelcm, secundum quod factum est caro Verbum, Anathema sit. Item in 5. Synodo generali (quę est secunda Constantij &c.) can. 9. dicitur: Si quis non vna adoratione Deum Verbum Incarnatum cum propria ipsius carne adorat, sicut ab initio Dei Ecclesia traditū est, anathema sit.

Probat propositionem nostrā D. Z z Tho.

Thomas 3.p.q.25. art.1. Adoratio terminatur ad naturam humanam personatā : sed in Christo est tantum una persona: ergo unica sola adoratio: numerica adorandus est Christus.

Sit altera ratio. Quando aliquem oramus, vel adoramus, semper damus illi id, quod honorificentissimum est, & id, quod pretiosissimum esse cognoscimus: sed in Christo prestantissimum est esse Deum ratione Divinæ personæ: ergo unica adoratione Patriæ debet adorari. *Accedit*, quod si duabus adorationibus adoraretur, redderetur facilis via coincidendi cum Nestorio dicente, Christo deberi ratione duarum personarum duas adorationes.

- 33 *Summa huius propositionis est*, quam assignat Gregorius de Valentia in 1. disp. 1. q. 24. puncto 1. Nam Christi humanitas licet adoretur Patria, non tamen eo modo, quo eius Verbum, vel Divinitas: quippe his debetur Patria per se, illi verò tantum, per aliud, nam genus honoris ei tribuitur per se, cui per se convenit excellentia significata per illum honorem, siue habeat eam excellentiam, tanquam quod, scilicet, tanquam personam, siue tanquam quod, quia est causa habendi illam, quo modo se habet Divinitas, & suppositum Verbi; per aliud verò illa res adoratur, in qua tantum secundum aliquem peculiarem modum, vel

habitudinem est, & esse cogitatur res altera ita excellens, cui per se debebatur ille honor; & hoc modo se habet humanitas Christi: nam verbum Divinum singulari quodam modo, & habitudine est in natura illa propter hypostaticam unionem. Hoc nulla idolatria est, cum Idolatria sit genus honoris; quod per se debetur Deo, & per se tribuitur creaturæ. Quod nos non dicimus; & hoc tantum concludit argumentum Gabrielis n. 31. suprapositum.

- 34 *Humanitatem Christi hoc modo adorandam esse asserunt Sæcæ Patres*, utpotè Damascenus lib. 4. cap. 3. & Cassiodorus super illud Psalmi: *Adorate scabellum pedum eius &c.* & ante ipsum Augustinus super eundem Psalmum, & serm. 58. de verbis Domini in fine, ubi hanc difficultatem explicat his verbis. *Replicabunt (scilicet Ariani) & dicent: quid quod carnem eius, quam creaturam esse non negat, simul cum Divinitate adoras, atque ei non minus; quam Divinitati deseruis? Ego (subdit) Dominæ: eam carnem, imò perfectam Christi humanitatem, ideo adoro; quod à Divinitate suscepta, atque Deitati unita est, ut non ad alium, atque alium, sed unum, eundemque Deum, & hominem Dei filium confiteor.* Denique si hominem separaveris à Deo, (ut Photinus, & Paulus Sammosathenus) illi ego nunquam credo, aut seruijo; veluti si quis nostrum, aut purpuram, aut

aut diadema Regale iacens inueniat, nunquid ea conabitur adorare? Cum verò ea Rex fuerit indutus, periculum mortis incurrit, si ea simul cum Rege, quis adorare contempserit. Ita & in Christo Domino humanitatem nō solam, aut nudam, sed Diuinitati suæ vnitam, vnū Dei nūm, Deum verum, & hominem verum, qui adorare cōtempserit, æternæ mortis pœnā patietur.

- 35 *Petes.* An Christus adoretur vnica tantū adoratione propter vsum, & consuetudinem Ecclesiæ, quæ hoc factō cauet ab hæresi Nestorij, sed aliās sit duplici adoratione adorandus, puta Latria ratione Diuinitatis, & hyperdulia ratione humanitatis; an potius absolutè, & simpliciter solū vna illi exhiberi possit adoratio?

Respondeo. Aliqui sunt, quibus placet, quòd absolutè, & simpliciter, & non solū propter auctoritatem Ecclesiæ, vna sola adoratio sit Christo exhibenda. Horum fundamentum est; quia, I cēt in Christo sit duplex ratio adorationis; tamen cum solū sit vna persona subsistēs, & adoratio debeat terminari ad subsistens; propterea est, quòd adoratio Hyperdulix, quæ debetur Christo ratione humanitatis, suspenditur, & solū Latria Christus adoratur.

- 36 *Alijs verò, vtpotè Caietano, Va-*

*lentix, & alijs vsum est probabile, quòd solū ex vso Ecclesiæ hoc sit; aliter humanitas, & Diuinitas simpliciter, & absolutè duabus adorationibus possunt adorari, cum hac distinctione per se, & per accidēs. Humanitas enim per se potest adorari Hyperdulia, & per accidens Latria ratione Diuinitatis. Similiter Diuinitas per se potest adorari Latria, & per aliud Hyperdulia, scilicet ratione humanitatis. Sed hoc non licet ob auctoritatem, & vsum contrarium Ecclesiæ ad euitandum errorem Nestorij. Ista opinio mihi magis placet, eamq; confirmo ex mente *Diui Ambrosij* latissimè explicatam à *Thoma Valdensi* in lib. de Sacramentis cap. 25. ait enim in lib. 13. cap. 11. super illud Psalmi: *Et adorent eum omnes Angeli eius. Adorent autem non solū Diuinitatem eius, sed scabellum pedum eius, quod iam sanctum est. Aut si negent, quòd in Christo etiam Incarnationis mysteria adoranda sint, in quibus vestigia Diuinitatis expressa, & vias quasdam Verbi celestis aduertimus, negant, quòd Apostoli adorabant eum in carnis gloria resurgentem, scilicet carnem resurgentem in gloria &c.* Argumentum oppositæ sententiæ nobis non nocet: quippè nos vestigia Scoti sequentes, dicimus, non solū adorari subsistens, verū etiam exillens, qualis est natura humana.*

PROPOSITIO SECVNDA:

Christi Humanitas adoranda est adoratione Latria.

37 **O**Mnium Catholicorum commune est votum, hac in propositione. Clarè enim habetur apud *Damascentum lib. 3. cap. 8.* & *Augustinum de verbis Domini sermone 58.* *Hieronymum, & Cassiodorum* super illud Psalmi: *Adorate scabellum pedum eius, & Ambrosium in libro de dispensatione Verbi Incarnati.* Videatur *magister* in hac distinctione.

Propositio nostra probatur: Primò ex communi vñ Ecclesiæ, quæ Christi corpus, & sanguinè contentum in Eucharistia adorât Latria; vt patet ex illis verbis, quæ à suscipientibus Sacramentum dicuntur: *Domine non sum dignus &c.* Confirmatur. Nam in orationibus Ecclesia non dicit ad Christum: *ora pro me*, sed *miserere nobis*. Secundo probatur. Adorare humanitatem Verbo coniunctam, est adorare Verbû in carne: sed Verbum debet adorari Latria: ergo & humanitas.

Ad pleniorẽ intelligentiam duo obseruo ex D. Thoma & alijs; Primum, quòd in eo, quod adoratur, cõsideranda sunt duo, quod scilicet, & quo. Quod est illud, cui honor exhibetur, & hoc dicitur per se primò, & simpliciter adorari. Quo est causa, seu ra-

tio, cur alicui honor exhibetur; & hæc non propriè, & absolutè adoratur, sed cum tali determinatione, & conditione diminuentè, neque enim propriè Iustitia, & Sapientia honoratur, sed tantum abusuè, & impropriè. Secundum est, quòd id, quod adoratur, vt terminus, scilicet quod est duplex; aliud est quod principaliter, & per se ipsum, adoratur; aliud, quod non sic, sed per aliud in ipso, vt vestis, & manus, & pes alicuius, et talis est humanitas.

Accedat aliud argumentum pro nostra propositione: Ex *Trid. sess. 13. cap. 5. can. 6.* habetur, Eucharistiæ Sacramentum propter præsentiam ad Diuinitatè adorandum esse Latria: sed Deitas est magis præsens humanitati Christi ob vnionem hypostaticam: ergo humanitas est adoranda Latria.

38 *Dices contra nos.* Patres in hac re explicanda vtuntur exemplo Purpuræ Regis: at Purpura Regis tantum per accidens adoratur: ergo et humanitas. Dicimus; exemplum non in toto quadrare; nam purpura per accidens vnitur Regi, humanitas verò per se vnitur supposito, in quo subsi-

subsistit. Patres ergo argumentantur à minori ad maius, estq; sensus illorum, quòd quemadmodum purpura ob connexionem ad Regē ea, qua Rex, adoratur adoratione; à fortiori humanitas supposito Verbi vnita ea, qua Verbum, adorari debet adoratione.

Replicabis. Latria soli Deo debetur: sed Christus, inquantum homo, reduplicatiue non est Deus: ergo humanitati minimè est debita Latria. *Debilis est hic discursus,* & de facili retorquibilis in aduersarios. *Sit ergo hoc argumentum.* Telle Tridentino cit. Eucharistiae Sacramentum adoratur Latria, & tamen est quid creatum, cum consistat in speciebus consecratis: ergo &c. *Respondemus ergo ad argumentum,* humanitatem inde Latria adorandam esse, quia hypostatice est vnita Verbo, vt longo sermone iteratis vicibus obseruauimus.

- 39 *Replicabis.* Licet humanitas sit vnita Verbo, non tamen eo amore amatur, quo Deus: ergo à paritate, etsi humanitas sit vnita Verbo, non adoratur adoratione, qua Verbum. Antecedens probatur ex eo: quia, charitas virtus Theologica cum sit, habere nequit pro obiecto creatum, aliquod, quale est humanitas. *Antecedente negato,* dicimus, amari humanitatem eo amore, quo amatur Deus; rectè ergo adoratur adoratione Latriæ, sicut

Verbum: Nec vigorem aliquè habet contra nos id, quod assumitur de virtutis Theologicæ obiecto: quippè aimus, Theologicarum virtutum conceptum, incolumem remanere, si illarum primum obiectum sit aliquod increatum, etsi adiunctum habeat, & sit vnitum quid creatum: *Adde,* propositionem illam, in qua dicitur, Latriam esse debitam soli Deo, admittere distinctionem; si faciat istum sensum: Sola excellentia Diuina est ratio formalis motiua adorationis Latriæ, concedimus illam; si dicat, adorationem terminari non posse ad aliquod Deo vnitum, illam negamus.

Replicabis. Multa vniuntur Regi, quæ nullo modo adorantur, v. g. ignorantia, peccatum, &c. ergo non benè concludimus adorationem humanitatis, ob istius ad-verbum vniōem. *Frivola argumentatio;* quia ignorantia, peccatum, &c. Regis excellentiam minimè participant, humanitas autem ita.

- 40 *Sit aliud argumentum.* Angelus adorans, vel adorat eadem adoratione, qua adorabat Deum, ante Incarnationem, vel diuersa: non eadem: etenim eadem stante adoratione, & idem adoratum stare necesse est; non diuersa, quia tunc humanitas, non ea, qua Deus, adoraretur adoratione.

Respondetur, esse eundem actum in specie, scilicet procedentem

ab

ab eodem motiuo formali, nimirum ab excellentia Dei, est tamen alius, & distinctus materialiter. Si placet dic, quòd est idem formaliter, scilicet ab eo-

dem motiuo formali, extensus tamen de nouo ad nouum materiale, videlicet ad humanitatem de nouo unitam.

PROPOSITIO TERTIA.

Humanitas considerata sinè Deitate cum sola sua summa gratia, & gloria creata Hyperdulia adoratione adoranda est.

Propositionis veritas inde sit clara: quia humanitas Christi habet summum gradum gratiæ, & gloriæ, quæ omnia sufficiunt ad adorationem Hyperduliæ. Reliqua petantur à Scoto hic: *Scitum tamen volo,*

quòd si humanitas cogitatione separaretur à Verbo, non foret adoranda Latria: quippè in ea tunc non foret excellentia increata, & suprema, cui necessarii comes est Latria.

PARAGRAPHVS TERTIVS.

An Sancti, & Beata Virgo adorandi sint, & qua adoratione?

IAm supra notauimus quatuor adorationis species. Prima soli Deo debita est, & hanc Patres, & Ecclesia vocant Latriam. Secunda est ciuilibus debita mortalibus, ut Principibus, viris doctis, parentibus, &c. Tertia appellatur Hyperdulia. Quarta tandem dicitur Dulia.

Fuit hæresis Caluini, qui om-

nem cultum Sanctis dicebat esse negandum: Fuit in hac parte deterior *Vuicleph*, qui ut refert *Thomas Vualdensis* in libro de Sacramentalibus titulo 13. cap. 108. non omnem honorem Sanctis auferebat, sed aiebat, illos qualitercumque esse adorandos, negabat tamen illos maximos honores, quos Ecclesia præstat Sanctis,

Ats, esse licitos. *Calvinus* suam probabat sententiam ex illo *Timothei 1. Soli Deo honor, & gloria. Lucæ 1. Gloria in excelsis Deo. Matthæi 4. Dominum Deum tuum adorabis, & illi soli servies.* Addebat ille, quod si Catholici ex adductis auctoritatibus dicant, solum colligi, negandam Sanctis Latriam, quæ soli Deo est propria; urgebat ipse *Calvinus* ex *D. Paulo ad Galathas 4. nu. 8. Tunc quidem ignorantes Deum ipsi,*

qui natura non sunt Dii, serviebatis, &c. Ex quo loco (dicebat *Calvinus*) damnatur servitus Duliz, ut patet ex textu Græco: ergo nec Duliam licet alijs exhibere. Sed ad hæc *Calvini* fiet satis *nn. 48.*

Nostra opinio est, Angelis, Sanctis, & Virgini matri deberi cultum Divino minorem, sed maiorem civili, & purè humano. Hinc do subsequentes propositiones.

PROPOSITIO PRIMA.

Sancti, & præcipuè Beata Virgo Mater, sunt à nobis adorandi, & colendi; verum non Latria.

43 **F**undatur primæ partis huius nostræ propositionis veritas in Concilijs, in quibus de fide determinatur. Vide in Concilio Lateranensi sub Innocentio 3. In Concilio Constantiensi contra *Vuicleph. In Concilio Trid. sess. 25. Secundò* probatur ex Sanctis Patribus, *Augustino* in ser. Petri, & Pauli in illa verba Christi. *Qui vos audit, me audit, & qui vos spernit, me spernit. Damasc. lib. 3. cap. 7. ubi ait, honorandos esse Sanctos, & amicos Christi, & hæredes, & filios Dei, ut ait Ioannes. Dedit eis potestatem filios Dei fieri. Tertio* probatur ratione. Quos Deus honorat, nos etiam debemus hono-

rare: sed sic sunt Sancti: ergo, &c. minor patet ex 1. *Regum 2. Qui honorificaverit me, honorificabo eum, qui autem contemnunt me, erunt ignobiles. Plalmo: Nimis honorati sunt amici tui Deus. Matthæi 19. Vos qui reliquistis omnia, & secuti estis me, centuplum accipietis, & vitam æternam possidebitis. Lucæ 22. Ego dispono vobis Regnum. Et inferius: Si quis mihi ministraverit, honorificabit eum Pater meus &c. igitur.*

44 *Secunda pars facillimo negotio probatur. Primò, quia pars creaturæ non adorantur Latria. Secundò, quia si humanitas Christi à Verbo separaretur, non esset adoranda Latria, ut supra demon-*

monstravi nu. 41. Et eam docet
S. Augustinus sermone 56. de Ver-
bis Domini, ita dicens: Si bonita-
tem separaveris à Deo, illi nūquā

servio (intellige Latria): ergo à
fortiori nec Sanctus vllus, nec
Virgo Mater adoranda est La-
tria.

PROPOSITIO SECVNDA.

*Beata Virgo non adoratur Latria propter periculum,
quia, cum sit intellectuālis natura, posset quis exi-
stimare, quòd talis adoratio sibi daretur propter
seipsam, tamen absolute, & simpliciter est adora-
bilis Latria.*

45 **E**t contra Victorium, &
aliquos Recentiores; fa-
uet tamen nobis Valentia 3. p.
disp. 1. qu. 24. puncto 3. Probatur
primò, quia humanitas Christi
adorabilis est Latria propter cō-
iunctionē cum Verbo: ergo à si-
mili adorabilis Beata Virgo
propter arctissimam coniunctio-
nem cum filio: cum illud corpus
fuerit desumptum ex Virgine.
Secundò. Crux, in qua Christus
pependit, est adoranda Latria
non solum ratione representa-
tionis, sed ratione contactus:
ergo à fortiori Beata Virgo, quæ
arctius, & intimius tetigit Chri-
stum ipsum lactando, exterius,
& interius nutriendo. Tertiò.
Imago Christi adoratur Latria,
quia repræsentat Christum: sed
Beata Virgo etiam est talis: ergo
&c. Quartò non minor honor
debetur Matri, quā Filio: Chri-

sto Filio debetur Latria: ergo
etiam Virgini Matri.

46 *Nostram secundam rationem im-
pugnant. Aiunt enim, quòd licet
Virgo Mater tetigerit Christum;
tamen ex illo contactu resulta-
vit in Virgine quædam virtutis
excellentiā; quæ est virtus crea-
ta, & cum sit creata, non potest
esse ratio adorationis Latriæ. In
Cruce verò non remansit aliqua
virtus creata ex contactu ad
Christum, quia eius non erat ca-
pax, sed solum remansit relatio
ad Christum tangentem, & idcirco
ei debetur Latria.*

*Sed hoc non valet; nam si in
Cruce ex contactu remansit re-
latio, vt possit adorari Latria;
cur in Virgine non etiam remā-
sit ex contactu talis relatio, vt
etiam possit adorari Latria? Se-
cundò, si Deus impediret, nè re-
sultaret in Virgine illa virtutis
excel-*

excellentiâ; remanet in illa ex contactu talis relatio ad Christum, quæ est ratio, cur Cruci debeat Latria: ergo, &c. Adde, quod gratis, & sine funda-

mento dicitur, aliquam virtutem excellentiæ per modum habitus relictam esse in Virgine ex contactu.

PROPOSITIO TERTIA.

Beata Virgo Maria adoranda est Hyperdulia, minore tamen ea, quæ debetur humanitati Christi separata.

47 **P**rima pars est clara. Nam singulari privilegio maternitatis Dei omnes antecellit puras creaturas, & omnibus Sanctis gratia supereminet: ergo aliqua speciali adoratione adoranda, adeoque hyperdulia. Se-

cunda pars etiam patet ob maiorem dignitatem excellentiæ humanitatis Christi; cui sine mensura data sunt gratiæ; vnde maior honor illi debetur, ac Virgini Beatæ.

PROPOSITIO QUARTA.

Omnes Sancti sunt adorandi Dulia.

48 **N**ulla vrget ratio difficultandi contra hanc propositionem, cuius veritas sufficientissime restat probata ex superius dictis. Hinc, ut occurramus argumentis Caluini n. 42. Ad primum Sancti Pauli obijciendus est alius locus eiusdem Pauli ad Rom. 1. nu. 10. ubi ait: *Gloria, & honor, & pax omni operanti bonum, Iudeo primum, & Græco.* Hinc colligitur, quod in

loco allegato à Caluino loquebatur Paulus de cultu Latriæ. Adde, quod honor exhibitus Sanctis Deo non derogat; nam in Sanctis Deus colitur. Vnde Gregorius Nazianzenus oratione in laudem Athanasij: *Virtutem laudo (ait) virtutem autem laudans, Deum laudo; Dei namque donum est virtus: à quo omne datum optimum.* &c. Epiphanius hæresi 36, *Qui bonorat Dominum.*

A a a bono-

honorat etiam sanctum; qui verò ignominia afficit Sanctum, ignominia afficit Dominum. Basilii ser. in 40. Martyres: *Honos erga bonos consensuos collatus, benevolentia significationem apud communem*

Dominum habet. Ad locum ex Matchxi 4. Respondetur cum S. Augustino, quòd ibi solùm dicitur; Deo esse seruendum cultu Latriæ, non tamen dicitur, solùm Deum esse adorandum.

PARAGRAPHVS QVARTVS.

An liceat Sanctos apparentes adorare, & qua adoratione?

49 **S**ANCTUS Paulus 2. ad Corinth. 11. hanc dedit nobis rationem difficultandi; ait enim, quòd aliquando Angelus Sathanz transfiguratur se in Angelum lucis. Hinc queritur: an indiscriminatim liceat Sanctos apparentes reuereri adoratione eis debita: puta Christum Latria; Virginem Hyperdulia; Sanctos Dulia? *Videtur, quòd sic: etenim si non vigeret, indè foret, quia còtingeret ab aliquo exhi-*

beri pium, & Diuinum cultum Dæmoni; at hoc non sequitur, cùm ille non adoretur, vt Dæmon, quia existimatur Deus, vel alius Sanctus. Confirmatur; quia intentio sic adorantis non terminatur ad Dæmonem sic transfiguratum, sed ad Christum, vel alium Sanctum. Quid nobis verius appareat, dux, quæ subsequuntur propositiones, docebunt.

PROPOSITIO PRIMA.

Non licet Sanctos apparentes, vel Christum absolute, & sine conditione appositâ adorare.

50 **I**CO ergo esse peccatum Idolatriæ Dæmonem, apparentem sic adorare absolute, & sine conditione. Ita *Alli-*

siodorensis, & Adrianus quodlibeto 4. & Turrecremata de Consecratione dist. 2. cap. Nos autem, & 6. Imò Adrianus ait, quòd si quis habet
rec

ret ignorantiam inuincibilem, quòd ille Sanctus apparens sit Dæmon, peccaret adorando illum absolute, *quia illa ignorantia (ut verbis eius utar) licet sit, inuincibilis, quoad dissolutionem, est tamen vincibilis quoad euersionem.* Sensus est, quod quauis homo non possit ignorantiam illam vincere per dissolutionem, deueniendo ad cognitionem veritatis, & eam discernendo à falsitate apparente, tamen sine dissolutione potest euadere peccatum, adorando sub conditione; & hinc grauiter peccat, qui aliter facit.

51 *Dices*, Hostiam non consecratam, quam Sacerdos proponit, tanquam consecratam, licet sine conditione, & absolute adorare: ergo & Dæmonem apparentem sub specie Christi, cum par sit vtriusque ratio. *Adrianus Tarrecremata*, & cum ipsis nonnulli alteri sunt opinati, eam hostiam non consecratam; fore sub conditione adorandam; licet in hoc sit discrimen, quòd ad adorationem hostiæ sufficit habitualis conditio, in apparitionibus verò requiritur actualis. Discriminis rationem dant,

& est: quia cum apparitio hæc sit insolita, non debet quis, nisi cum maturitate, & præuia rationatione præbere consensum; at adoratio hostiæ, frequens cum sit, non requirit conditionem actualem. *Dicerem ego*, hostiam exhibitam, ac licet consecrata, minime fore sub conditione adorandam; inò credentes credulitate humana, consecratam esse hostiam, eam absolute adorare debere, & qui conditionem aliquo pacto apponeret, contra Ecclesiæ morem faceret; nam per ignorantiam inuincibilem excusaretur ab Idolatria, & Ecclesia sulciperet in se errorem illum: cum ipsa præbeat hostiam illam, tanquam consecratam; unde non esset error formalis, sed materialis, & hoc factò Ecclesia cauet, ne fideles dubitent de reali præsentia Christi in Eucharistia. Dispar autem est ratio de Sanctis apparentibus, nullum enim est periculum, eos sub conditione adorare: cum ex Sacra Scriptura moniti simus, ut in his apparitionibus simus cauti: nec Ecclesia illos proponit nobis adorandos: nec constat infallibiliter, illos esse Sanctos;

PROPOSITIO SECVNDA.

Non sufficit conditio habitualis ad adorandum Sanctum apparentem; nec virtualis, sed requiritur omnino actualis.

52 **E**st sensus, quòd adorans dicere tenetur animo, & ore: *Si tu es Christus, ego te adoro; si non es Christus, non te adoro.* Nō sufficere conditionem habitua-lem, nec virtualem probat: nam in rebus insolitis, & in periculis aequalibus actualis cautio est exhibenda; dicitur enim *Sapientia 19. Qui cito credit, levis est corde.* Requirit aequalitatem, docet nos exemplum Virginis Matris, quæ in apparitione Angeli actualiter

cogitabat, qualis esset ista salutatio. Difficiliter enim Dæmonis argutiz deprehenduntur. *Iob 41. de Dæmone dicitur: Quis reuelabit faciem vestimenti eius?* Scilicet, quis poterit reuelare faciem Dæmonis velatam, nisi solus Deus? Hinc sit nobis documentum, his in occasionibus orandum, & consulendū Deum iuxta illud *Iacobi 1. n. 5. Si quis indiget sapientia, postulet à Deo, qui dat omnibus affluenter.*

PARAGRAPHVS QVINTVS.

An Reliquiæ Sanctorum debeant adorari, & qua adoratione?

53 **R**eliquiarum nomine nō solum intelligimus corpora, vel partes corporum Sanctorum, sed etiam vestes, & alia similia, quibus ipsi specialiter vti sunt. *Hæretici* negant, illas adorandas esse, & è contra *Catholicos* putant, & credunt, Reliquias esse adorandas, & debita

veneratione seruandas: & est articulus Fidei millies diffinitus, & habetur ex traditione Apostolorum, & ex pluribus Concilijs, & nouissimè ex *Tridentino sess. 25. præcipuè Añ. 8. n. 2. Curauerunt Stephanum viri timorati, &c.* Idem patet de sudarijs Pauli, &c.

Acce-

Accedat ratio : Corpora Sanctorum templa fuerunt Sanctarum animarum; & debent habere consortium cum illis in beatitudine, in qua erunt in perpetuo honore: ergo digna erunt veneratione. *Item*. Reliquiæ ossium, vestium, &c. maiorem habent coniunctionem cum Sanctis ipsis, quam imagines cum imaginatis: sed Imaginibus debetur honor, & adoratio, vt n. 62. dicemus: ergo & istis.

Sit altera ratio. Retentio Reliquiarum excitat deuotionem, & amorem ad Sanctos, quorum sunt: ergo digna sunt veneratione.

54 *Petes de qualitate, & modo adorationis*. Memento triplicem esse speciem adorationis, Latræ, Hyperdulæ, & Dulæ, vt supra sæpius obseruauimus. Adorationem ita describere licet: *est actus, quo honoramus aliquem, nosmet illi submittendo, tanquam superiori, & excellentiori*. Vnde colligere fiat licitum, adorationem esse actum voluntatis pertinentem ad iustitiam, quæ est virtus moralis, licet præsuppositiue sit etiam actus intellectus; nam habito per intellectum iudicio practico, aliquem esse veneratione dignum; statim conformatur voluntas (si est recta) ad præstandum honorem debitum, & sic facit actum iustitiæ moralis, & reddit unicuique, quod suum est.

Memento etiam, quod in actu

adorationis duplex est obiectum, proximum, & remotum, seu obiectum quod, & obiectum cui. Obiectum proximum, seu quod est cultus, & honor, qui alteri exhibetur. Obiectum remotum, siue cui est persona, cui talis honor, & cultus exhibetur: & hoc obiectum triplex est; vel est Deus, qui habet excellentiam increatam, & huic debetur Latræ; vel est creatura, quæ habet aliquam sanctitatis, & gloriæ excellentiam, & huic debetur Dulæ; vel tandem illa creatura habet sanctitatem, & gloriam excellentem aliquo singulari, & peculiari modo, & huic debetur Hyperdulæ, sicut Beatæ virginis.

55 *Actus adorationis duplex est: interior, & exterior*. Hic ad hoc, vt sit verus, & non fictus semper supponit illum saltem virtualiter, & est quoddam signum externum, quo illum actum interio-rem protestatur, & significat, vt genus flexiones, &c. Actus interior, quo reputat aliquis bonum illius, quem mente colit, & adorat, esse excellens, & superius propria bonitate; vnde redditur bene meritis interna, & externa adoratione. *Adoratio duplex est: Absoluta, & respectiua*: illa est, qua aliquis adorat aliquem propter se, siue propter intrinsecam excellentiam. Adoratio respectiua est, qua quis adorat aliquid propter aliud, siue propter excellentiam, quæ est in aliqua persona, ad quam ta-

lis

lis res habeat habitudinem, vel coniunctionem. Prima adoratio competit tantum rebus intellectualibus, quia sola res intellectualis est capax honoris, & excellentie, quæ sit maior, & superior adorante. Secunda adoratio potest etiam competere rebus inanimis, & carentibus intellectu, ut sunt imagines, & reliquæ Sanctorum, &c. nam talis honor non sistit in illa re irrationali, sed ulterius tendit in rem rationalem, cuius gratia talis honor exhibetur rebus illis inanimis.

- 56 *Ad propositum* redeundo sit questio, quæ species adorationis debeat Reliquiis sacris? Aliqui dixerunt, non debere adorari illa adoratione, qua adoratur Sanctus, nempe Dulia, sed minori: sicut enim imago Christi non debet adorari Latría, sed Hyperdulia, & imago Virginis Dulia; sic Reliquiæ, vel imagines Sanctorum, non Dulia, sed adoratione quadã minori, quæ vocatur Dulia non vniocè, sed analogicè, siue adoratione venerationaria. *Aliorum fuit opinio*, eadem adoratione, qua sancti adorantur, adorari debere Reliquias, sicut eadem adoratione, qua Christus, vel Virgo adoratur, debeat eorû imagines adorari. Fundamentum est, quia motus ad imaginem, seu ad Reliquias est idem motus, qui ad Sanctos ipsos: ergo si adoratio est eadem Reliquiarum, quæ

Sanctorum, eadem adoratione adorandus est Sanctus, ac eius Reliquiæ.

- 57 *Moneo*, nos posse Reliquias adorare duobus modis. *Uno modo* simul cum Sanctis, quorum sunt, per modum vnius, ita quod terminus totalis adorationis sit hoc totum aggregatum ex Reliquiis, & Sancto ipso; sicut dicimus de Christo, & sua humanitate; & sic nulli dubium, est eadem adoratione adorari Sanctos, ac ipsorum Reliquias. *Alio modo* possumus adorare Reliquias solum, sistendo ibi, seu præciindendo ab illo Sancto, cuius quandoque fuerunt; ita ut terminus adorationis sint ipsæ Reliquiæ, & tunc dicendum est adorari posse, & debere tales Reliquias, sed quadã inferiori adoratione, & minori ea, quæ debetur ipsis Sanctis; & huc tendunt omnes rationes factæ. *Probatur etiam*, quia scilicet adoratione quadã respectiva adorantur vestes sacre, calices, &c. ex Synodo 7. *actione* 2.5. in ordine ad Deum, ad cuius cultus destinantur: ergo multo fortius respectiva, & absoluta adoratione possunt Reliquiæ adorari, quatenus partes fuerunt quandoque illorum Sanctorum, quorum respectu adorantur.

Si dicatur, Christum comparasse Phariseos sepulchris dealbatis, quæ interius plena sunt ossibus mortuorum; ex quo colligi.

igitur, ossa mortuorū immunda esse, & consequenter non esse veneratione digna. *Respondemus*, quòd Christus insinuare voluit, hypocrisim illorum; & ossa similitum indigna esse veneratione: quia impura, & immunda; non autem ossa sancta.

- 58 *Dices*, Concilium Elibertinū prohibuisse ad sepulcra Martyrum ceras accendi: ergò eorum ossa indigna sunt veneratione. *Respondemus* 1. dubitari: an hoc Concilium fuerit Canonicum: quia Prouinciale 19. Episcoporum duntaxat. *Dico* vterius, fuisse illam prohibitionem circa imagines ad abolendam Idolatriam quippè adorabant imagines &c. sine vlllo ordine ad prototypum. *Dic* etiam, quòd tunc repertæ erant variz Gentilium superstitiones, & ritus immodesti, & nē viderentur communicare cum illis, æstimauerunt melius pro tunc, non accendi cereos ad sepulcra martyrum, nē sequeretur aliqua species Idolatriæ.

Dices: in Reliquijs, seu cadaueribus Sanctorum, vel sit resolutio vsque ad materiam primam, vel cum materia remanent accidentia; sed hæc indigna sunt veneratione: ergo &c.

Respondemus, quòd secundum *Scotum*, remanet forma cadaueris, seu corporeitatis cum suis accidentibus, quæ omnia fuerūt illius Sancti partes. Sed si nihil appareat in illis Reliquijs, quòd non fuerit quandoq; Sanctus, tunc,

cessante hoc, cessat esse Reliquia illius Sancti, & cessat adoratio.

Si dicatur de alijs Reliquijs, vt sunt patibula Martyrum, vel Crucis ipsius. Qui aliquē amat, non debet amare patibulum, in quo passus est, sed magis odio habere: ergo non debemus venerari illa. *Respondemus*, quòd non veneramur patibula, quatenus penam inflixerunt, & mortem, sed quatenus à Sancto sanctificata sunt, & eis attulit gloriam, & honorem, & exaltationem, sicut carus habetur gladius apud filium, quo occisus est pater, nunquam malefactor, sed innocens.

- 59 *Dices*, quòd hæc adorantur præcisè propter contactum: sed contactus non est causa adorationis: ergo &c. *Respondemus*, quòd contactus pius ratione alicuius circumstantiæ, propter quam res tangens est veneranda, est sufficiens ad adorationem, sed non alius quicumq; contactus. *Tandem concludere*, quòd cultus sacrarum Reliquiarum religiosus est, & ad pietatem pertinens.

Petes. Quomodò adoranda sunt Sanctorum Reliquia? absolute nē, an sub conditione?

Respondemus, quòd de cultu publico Reliquiarum nō est dubitandum, quin possit fieri absolute sub nomine illius sancti, qui colitur: nam supposita publica authoritate, & approbatione, authentica, non est maior certitudo

titudo requirenda; eò vel maxime quia in ratione formali adorandi nullus est error, licet possit esse pro materiali, & tunc nulla erit culpa, cum bono ritu, & prudenti modo procedamus. Si autem priuatus sit cultus, sufficit priuatum testimonium, aut alia coniectura probabilis, qua sufficienter iudicetur, Reli-

quias esse talis Sancti, & sic etiã absolute possunt adorari.

Dices. Reliqui quandoque sunt incertæ: ergo sub conditione adorandæ. *Respondetur*, quòd quãdo sunt incertæ, debent adorari absolute, vt Reliqui si tales sunt; si tamen sunt dubiæ, abstinendum est à cultu.

PARAGRAPHVS SEXTVS.

An Imagines debeant adorari?

60 **Q**Uæ in superiori dicta sunt de adoratione Reliquiarum, inferuiunt his, quæ in presenti Paragrapho de cultu Imaginum dicenda sunt. *Observo tamẽ primò*, quòd omne, quod colitur, & honoratur, potest honorari per se, vel per accidens: propter se, vel propter aliud; propriè, vel impropriè. Per se honoratur suppositum, in quo inest ratio honoris, & reuerentiz. Per accidens id, quòd est coniunctum rei, quæ per se adoratur; nec est ratio adorationis; itaq; persona honoratur per se, vt quæ; dignitas honoratur, vt quæ; reliqua honoratur per accidens. *Sciendum etiam*, quòd aliquid potest honorari propter se, vel propter aliud. Illud propter se honoratur, quod habet in se rationem venerationis non aliunde pendentem, & hoc mo-

do solùm natura rationalis est venerabilis; propter aliud honoratur id, quod habet quidem in se causam honoris, sed illa causa pendet tota ab alia: hoc modo signa rerum sacrarum sunt venerabilia, quia habent in se relationem similitudinis, siue representationem rei sacræ, ac proinde quandam excellentiã, sed illa tota pendet à re sacræ. 61 *Tertiò obseruandum*: quòd aliquid potest honorari propriè, vel impropriè. Id propriè dicitur honorari, quod verè ratione sui ipsius honoratur. Impropriè dicitur honorari, quod honoratur loco alterius. *Sit exempli*: Legatus Pontificis aliquando honoratur vt Legatus, & tunc ipse propriè honoratur, licet propter alium honoretur: aliquando honoratur loco Regis, honore proprio Regis, & tunc improp-

inproprie honoratur: proprie verò res in ipsa tunc honoratur. *His stantibus, occurrit disputandum primò. An Imagines aliquo genere cultus possint rite, & rectè prosequi?*

Damasceus proponit opinionem *Christianotegorum*, idest, christianorum accusatorum, qui dicebant, Imaginibus deberi il-

lum eundem honorem, qui Deo debetur. Sed hæc hæresis refellitur communiter illis omnibus scripturæ testimonijs, quæ prohibent, nè cultum Deo proprium tribuamus creaturæ. *Alia hæresis* illi contraria est eorum, qui nullum omnino honorem Imaginibus Christi, & Sanctorum deferri volunt. Sic nostra

PROPOSITIO VNICA.

Imagines Christi, Hominis Iesu, & Sanctorum honorandæ sũt; ea tamen lege, vt sicut Tridentinũ dicit, in imaginibus non collocetur fiducia, nec ab eis aliquid petatur, nec in eis inesse credatur ulla Diuinitas, sed solum honorentur propter eos, quos nobis representant.

62 **P**robatur 1. ex sacra scriptura *Exodi 25.* de Cherubinis propitiatorijs, & ex illo *Numeri 21.* de serpente æneo: imagines Cherubin adorabantur ab illis, qui arcam adorabant (vt dicit Hieronymus,) & serpens æneus nõ poterat non adorari: cum in loco sublimi à Deo positus fuisset, & salutem in se aspicientibus afferret. Ita *Augustinus lib. 3. de Trin. cap. 10.* Vnde fit, quòd si licuit honorare imagines Cherubim, & Angelorũ: ergo & Sanctorum; si Imaginem Christi in forma serpentis, cur

non in forma hominis? Item ex *Psalmo: Adorate scabellum pedum eius &c.* & *Matthai 5.* *Nolite iurare per Cælum; quia thronus Dei est &c.* Hæc testimonia docent, honorandas esse creaturas religiose propter solam relationem ad Deum: sed similem relationem habent imagines: ergo possunt honorari. Ita concludunt sacra Concilia generalia. Ita Patres, vt videre est in *Belarmino lib. 2. cap. 12.* Patet etiam ex miraculis imaginum, quæ ideo facta sunt, vt probarent, & ostenderent imaginum cultum;

B b b nam

nām cur quæso ignis consumpsit imaginem Iuliani, nisi, vt vindicaret iniuriam factā imagini Christi? cur Christi imago à Iudeis confossa sanguinem effudit, nisi, vt ostenderet, se honorare id, quod Iudæi contumelia afficiebant.

- 63 *Accedat argumētum ex ratione.* Homo dignus est veneratione, quia imago Dei est: ergo imagines Christi, & Sanctorum sunt dignæ veneratione: quod enim imagini conuenit, quia imago est, omni imagini conuenit. Antecedens est Cyrilli, & Augustini, patet à simili de imaginibus Regum, quæ dignæ sunt ciuili honore. *Sit argumentum à simili.* Imagines sunt capaces contumeliæ: ergo & honoris. Antecedens negabit nemo, vt patet experientia quotidiana, qua videmus etiam tradi igni imagines virorum pessimorum. *Dices:* In sacra Pagina seuerè interdicti cultum simulacrorum: *Exodi 20. Deuth. 4. &c.* Respondemus in his, & conlimilibus locis reprehendi Idolatriam, id est, cultum imaginum, quæ habentur pro Dijs, vel per quas coluntur, tanquam Dijs, qui verè non sunt, sed Idola. *Replicabis cōtra:* Iudæi adorabant Deum verum in simulacris, sicut in vitulo &c. & tamen à Deo reprehenduntur, quia pati non potest Deus suum cultum communicari imaginibus. *Facilis responsio;* Nam nec Iudæi, nec Gentiles, in Idolis suis ado-

rabant verum Deum, sed falsum aliud Numen, & in hoc reprehenduntur.

- 64 *Dices.* Concilia Constantino- politana definisse, imagines abolendas esse; Imò præcindunt Acta octauæ Synodi Francofordien- sis, quæ censuerat, retinendas esse imagines. Respondemus, illa Concilia fuisse illegitima, quia non adfuit Romanus Pontifex, nec per se, nec per legatos, vt dicunt historiz. *Dic etiam,* abstulisse vsu Imaginum, quia videbant errare populos circa adorationem, dando Imaginibus cultum, qui Deo debebatur.

Impugnabis, quòd Carolus Magnus quatuor scripsit libros contra Imagines. Respondemus enim Bellarmino, tales libros non esse Caroli: sed gratis concessio ita esse; quid vnus laicus, & miles contra Synodum generalem, & communem sensum Ecclesiæ?

- 65 *Sit aliud argumentum ex Caluino.* Ex adoratione Imaginum paulatim sequitur error, & superstitio, quia magis adoratur vna, quàm alia. Respondemus, quòd ex adoratione Imaginum, qui puro corde adorant in fide Ecclesiæ, nulla sequitur superstitio, vel error: & quia vna magis; quàm alia frequētur, est, quia complacet sibi Deus per vnā facere miracula, & non per aliā; vel quia pictæ, aut sculptæ tales imagines à viris sanctis, vt Luca, Nicodemus &c. vel quia

quia aliquæ imagines magis excitant ad pietatem, & deuotionem; quando enim Fideles ad imagines precaturi accedunt, non eunt, vt imagines inuocent, sed vt memoriam eius, quem orare volunt, illa Imago in mentem adducat.

66 *Contra.* Imagines sunt res inanimæ: ergo non sunt capaces honoris. *Item* non sunt sanctæ ratione materiæ ligni, vel coloris: ergo coli non debent. *Item* homo est imago Dei, & tamen non solet adorari; quanto minus imagines, ligna, lapides &c. quæ sunt opera manuum hominum? *Item* Christus mortuus est non pro imaginibus: ergo non sunt adorandæ. *Item* si imagines necessariò sunt colendæ, soli diuites saluarentur; quia illi soli tales emere possunt. *Item* Chri-

stus non dixit: Qui imagines recipit, sed qui vos recipit, me recipit: ergo honor imaginis non est admittendus.

Ratiuncule istæ friuolæ sunt. Hinc ad primam dico, imagines non esse capaces honoris per se, & propter se absolutè, sed relatiuè ad prototypum. *Ad secundam dico*, imagines non esse sanctas ratione materiæ, sed propter representationem rei sanctæ, & ex Ecclesiæ institutione. *Ad tertiam dico*, quòd homo est capax adorationis, vt est imago Dei; sed ab Ecclesia non proponitur adorandus propter periculum, ne confundatur adoratio, & propter se adoretur: cum sit per se capax honoris. Hac doctrina fit satis reliquis rationibus. Hinc breuitati studendo, silco.

DISPUTATIO VNDECIMA.

De Peccato.

An conueniat Christo, & utrùm de potentia Dei absoluta?

IN creatura rationali defectus maximus est peccatum, quo infectam legimus tertiam Angelorum partem, nec non vniuersam naturæ humanæ massam ex primi Parentis delicto, cui vnusquisque hominum propria superaddit, nisi peculia-

ri priuilegio tantā recipiat gratiā, vt ab omni reſeruetur labe.

Est Christus homo: hinc dubitabit aliquis. *An ipse aliquando peccauerit, vel ſaltem potuerit peccare;* Cui dubitationi reſpondemus per ſubſequentes propoſitiones.

Bbb 2 PRO:

PROPOSITIO PRIMA.

Christus non contraxit originale peccatum, imò nec contrahere potuit.

Veritas huius propositionis pendet, partim ex lege, quam sancivit Deus, solos naturales filios Adæ paterni criminis fore reos: qui videlicet naturali generatione, & utriusque sexus mixtione ortum habent; partim ex eo, quod Christus non sit naturalis filius Adæ, cum supernaturali via Spiritus Sancti

operatione cōceptus fuerit; vnde nec debitum peccati contrahere potuit, nec vlla gratia indiguit, quæ ab illo arceret originale peccatum. Vnde, si quis immediatè à Deo crearetur homo, vel aliundè esse traheret; ita ut ex virili semine non generaretur, immunis omninò foret ab originali peccato.

PROPOSITIO SECUNDA.

Nunquam peccavit Christus cogitatione, verbo, aut opere.

Excludimus à Christo non solum lethale peccatum, quod gratia, & gloria priuat, sed etiam veniale, quod gratiam minuit, & retardat à gloria. Hanc Christi innocentiam, & à peccato immunitatē inculcant maximè sacræ Scripturæ verba Ioannis 8. *Quis ex vobis arguet me de peccato?* Ioannis 14. *Veni Princeps mundi huius, & in me non habet quidquam.*

Ex primo textu colligimus, Iudæos conatos fuisse, impingere Christo quædam peccata, quæ

tamen probare non poterant; quantumvis astuti, & malitiosi essent. *Secundus textus* monet, Christum fuisse liberum non solum à peccato mortali, & veniali, sed etiam ab omni eo, quod etli propriè peccatum non sit; aliqua tamen oritur suspicio latere in eo, nescio quid redolens factorem peccati. *Necessaria* fuit in Christo huiusmodi impeccantia: non solum ob rationes adductas; sed etiam, quia peccatū venerat Christus destruere: & ut esset apud Deum Patrem Mediator

diator noster, & vt Diuinam placaret iram ex peccato nostro conceptam. Hanc verò placationem non solum non promerere, sed peccatum omnino impedire poterat.

- 3 *Reperiuntur in sacra Pagina* aliqui textus, ex quibus perversi quidam Hæretici præsumunt colligere, Christum aliquando peccasse. Primus habetur Psalmus 21. *Longè à salute mea verba delictorum meorum;* quæ verba non solum dicta sunt à Davide in persona Christi, sed etiam ab ipso Christo in Cruce pendente; si veri sunt antiquiores Patres affirmantes, Christum in Cruce totum hunc Psalmum decantasse: quia continet omnia suæ passionis mysteria.

Respondemus, ea verba duplicem pati interpretationem, quarum quilibet liberat Christum à peccato; vel enim Christus ea protulit in persona propria, vel aliena: *si in propria*; ea quæ appellat peccata sua non sunt ipsius, quasi ea commiserit, sed nostra sunt; quæ tamen appellat sua: quia ad satisfaciendum pro illis venerat, quasi essent ab ipso perpetrata: eo modo, quo nos cum alterius debiti solutionem facturi sumus, dicimur nostra soluere debita. Hoc sensu dixit D. Paulus de Christo: *eum, qui peccatum non fecit, peccatum pro nobis factus est*, id est, satisfactio pro peccatis. *Si in alieni persona* Christus hæc verba protulit, no-

stra sunt peccata, non sua; quæ tamen sua appellat, quia caput sibi vendicat totius corporis, & singulorum membrorum languores, & morbos. Est autem Christus Ecclesiæ caput, nos autem membra corporis eius, quod est Ecclesiæ; Ita tamen tribuuntur nostra delicta Christo, eaq; appellat sua, vt non liceat nobis dicere, Christum peccare; cum peccamus, vel Christum peccare in membris suis, cum fidelis quispiam peccat; quamvis verè dicamus, Christum pati, vel in membris suis persecutionem sustinere, cum fidelis aliqua patitur. Ratio disparitatis est, quòd pati nullam dicat malitiam, moralem, quam tamen peccatū includit.

- 4 *Alius textus habetur Matthæi 24. Pater si possibile est, transeat à me calix iste; verumtamen nō mea, sed tua voluntas fiat.* Quæ verba impiè Caluinus putat, indicare peccatum à Christo commissū: cum in prima orationis parte tentauerit mutare ordinationē de morte imminente. Vnde impiè addit Caluinus, *persequentia verba Christum se emendasse.*

Christum liberamus ab huiusmodi blasphemia, si dixerimus, eam non fuisse mentem Christi, quam falsò ei imponit Caluinus: Siquidem Christus nolebat immutare ordinem à Patre præstitutum, cum sæpe sæpius dicat, se propterea venisse, vt Patris impleret voluntatem. Fuit ergo sim-

simpliciter illa oratio affectus voluntatis naturaliter respuentis mortem secundum affectionem commodi, & acceptantis secundum affectionem iustitiæ,

qui duo actus volitionis, & no-
litionis in voluntate necessario
requiruntur, ut opus satisfactorium sit.

PROPOSITIO TERTIA.

Fuit in Christo potentia peccandi, non tamen peccare potuit de potentia ordinaria, licet potuerit de potentia absoluta.

PROPOSITIO QUARTA.

Proponuntur nonnulla ad intelligentiam nostræ propositionis.

5 **N**ulla est repugnantia, dum dicimus, in Christo fuisse, & esse adhuc peccandi potentiam. Hæc enim potentia nihil aliud est, quam ipsa voluntas creata, quam in Christo homine agnoscimus, non secus, ac in alijs hominibus, atq; Angelis. Duas agnoscimus in Christo voluntates, Divinam, & humanam. Absit, ut dicamus, voluntatem Divinam, atque increatam esse in potentia ad peccandum: nam etsi illa sit arbitrio prædita libero, non tamen ut deficere in malam partem possit. Voluntas creata, quia est formaliter libera libertate, quæ di-

cit in perfectionem, & indifferen-
tiam ad malum, sicut ad bonum,
est formaliter peccandi poten-
tia; unde omnis, ac sola creatu-
ra, quæ voluntatem habet, atq;
liberum arbitrium, peccat, aut
peccare potest. Hæc cum vera
sint, & Christus, ut homo ha-
buerit creatam voluntatem eius-
dem speciei, & naturæ nobiscum,
constat, in Christo esse peccandi
potentiam. Nec in hac re lædi-
tur aliquo pacto Christi digni-
tas; nam hæc peccandi potentia
absolute nullam sonat imperfe-
ctionem, nisi tantum respectu
ad Deum, cuius libertas est no-
biliores nostra, quatenus illa non
vergit.

vergit ad peccatum, tendit autem nostra. Imò oportuit, Christi voluntatem humanam habere ea omnia, quæ naturaliter creatam consequuntur voluntatem; nè putaretur diuersæ speciei à nobis.

Non pugnant cum his ea; quæ subijcimus in propositione, nèpè Christum non potuisse peccare de potentia ordinaria, quia ad peccandum, siue vt creatura peccare possit, non solum requiritur potentia peccandi, quam descripsimus, sed ultra requiritur imbecillitas in voluntate, quæ careat debito auxilio, vt à malo recedat. Hæc autem imbecillitas est in alijs hominibus, atque Angelis, & nullum eis debetur auxilium, vt omne superent peccatum; quòd tamen auxilium, Christo homini aliquo modo de congruo debebatur ab instanti suæ conceptionis, eiquè datum est.

6 *Secundò notandum, non disputari à Theologis veritatem nostræ propositionis, spectato Christo, siue eius humanitate, vt instructa est ijs donis gratiæ, quæ defacto sunt ei data à primo instanti conceptionis, nam cum vnum eorum sit beatitudo, & hæc illum, in quo est, necessariò confirmet in bono; consequens est, vt saltem ratione beatitudinis, Christi humanitas facta fuerit impeccabilis. Disputatur ergo de humanitate illa considerata, vt retinere quidem hypostaticam cum*

verbo Diuino vnionem, sed non habente beatitudinem, nec gratiam habitualement, quas supponimus absolute potuisse illi non tribui.

Tertiò. Dum querimus: An illa humanitas de potentia absoluta peccare potuerit? Non facimus hunc sensum, quasi putemus, Deum posse præbere aliquem influxum ad actum peccati, quæ peccatum est: aut eius causâ esse; sed quia in præsentî difficultate ita consideranda est Christi humanitas, vt vnita Verbo, vt accepto hoc dono vnionis, nullum aliud habeat, quod Deus absolute potuerit non tribuere. Querimus ergo: Vtrum, si natura assumpta daretur cum sola vnione, verè redderetur impeccabilis?

7 *Quartò noto, quòd nostra cōtrouersia potest agitari in sensu diuiso, & in sensu composito. Sciendum ergo, duplicem sensum diuisum hic intelligi posse. Primus est, quo intelligitur, natura assumpta potuisse peccare ante eius assumptionem, vel post separationem ab vnione, si Deus voluisset, sicut velle poterat. In hoc sensu nulla est difficultas, quin natura humana Christi sic per Diuinam potentiam existens peccare potuisset. Alius sensus diuisus est, quo intelligitur, natura iam vnita potuisse peccare; ita tamen, vt ea peccante, cessaret eius vnio ad Verbum, sicut definit esse gratiæ, peccante anima mortaliter. Per sensum autem compositum intelligimus: quando*

quando, non obstante, quòd natura peccaret, adhuc perseveraret eius unio ad Verbum.

- 8 In his duobus sensibus sustinemus propositionem cum Scoto in 3. d. 2. q. 1. & dist. 12. q. 1. Gabriele eadem dist. q. unica art. 2. & dist. 1. q. 2. art. 2. Durando dist. 12. q. 2. Oppositum docent Recentiores, quorum aliqui, ut Vasquez disp. 61. cap. 3. asserunt, nostram sententiam aliqua nota dignam esse. Alij, ut Suarez disput. 33. sect. 2. dicunt, esse temerariam, & speciem impietatis redolere.

At hi Authores satis temerariè, & sine solido ullo fundamento classicos Magistros tam graui afficiunt censura; sed nè eodem nos crimine alij condemnent, a censuris absteineamus.

Non praterendum, tamen doctissimum Petri de Lorca primarij Complutensis iudicium contra Recentiores ita pessimè loquentes de doctrina subtilissimi Scoti. Audiantur verba huius Reuerendissimi, & dignissimi, ac doctissimi Generalis. Recentiores adeo absurdum existimant humanitatem Christi peccare potuisse, ut censeant priorem sententiam non solum falsam, sed etiam aliqua nota dignam, propter indecentiam, quam præsefert peccatum in Christo admittere, quod pias aures offendit, & communem Sanctorum Patrum sen-

tentiam, qui ita peccatum à Deo excludunt, ut etiam peccandi potentiam excludant. Sub numero 11. ita habet Lorca. Verumtamen frustra omnes iste auctoritates adducuntur; quoniam Patres solum considerarunt id, quod nunc competit Deo, prout Incarnatio facta est, & quod fuit decens, & consentaneum secundum legem ordinariam, quo pacto Authores primæ sententiæ non negant, Christum esse impeccabilem, quia natura assumpta cum donis, quæ propter assumptionem sibi collocata sunt, & quæ lege ordinaria sibi debebantur, peccare non potuit. Et id affirmant expressè Authores illi, & solum disputant questionem Metaphysicam, ex hypothesi, quòd natura humana nuda, & in puris naturalibus assumeretur, ut potuit assumi per potentiam Dei absolutam; de quo Patres nihil cogitarunt, nec vel leuiter verbo indicarunt.

Quare illa sententia nulla censura digna est, quoniam neque Patres contra eam aliquid dicunt, neque pias aures offendit, admittere potentiam alicuius peccati in Christo, si aures sicut sunt pie, sint doctæ (ut Gabriel aduertit) quæ, scilicet, sciunt discernere, quomodo, & in quo sensu concedatur possibilitas peccati in Christo. Huc usque Spientissimus vir Cisterciensis Ordinis Generalis.

PROPOSITIO QUINTA.

*Proponuntur quidam modi impugnandi nostram
sententiam.*

9 **C**ardinalis de Lugo probat oppositum nostræ assertionis ratione desumpta ex sanctitate Christi. Ita ergo philosophatur *disp. 26. sect. 2. nu. 19.* Infinita sanctitas est impossibilis cum peccato : at per unionem hypostaticam humanitati Christi fuit communicata infinita sanctitas, scilicet Divina natura: ergo ei peccatum repugnat. *Urgetur ratio* : sanctitas substantialis nō potest nō sanctificare humanitatem formaliter: ergo nequit in tali natura habere locum peccatum.

Alij ita proponunt argumentum. Id, quod infinitè Sanctum est, non potest contrahere, aut secum ferre labem peccati; cū sanctitudini nihil ita repugnet, sicut peccatum; proindequē sanctitati infinitæ quoduis peccatum aduersatur.

Confirmant eorum discursum primò. Quia non potest Deus odio habere, quod infinitè amat; odio autem necessariò habet peccatum, & peccatorem; nec potest non infinitè amare naturam, cui suam subsistentiam tribuit, seu quæ cum ea concur-

rit in vnum suppositum : igitur in ea natura peccatum esse non potest, nec fieri potest, vt ipsa peccet, quamdiū ei Divina persona unita manet. *Secundò.* Quia dū natura aliqua peccat, vel perseverat in statu peccati, digna est summo dedecore, & ignominia, quā, planè impossibile est, convenire illi, quæ à Verbo assumpta est, cū ei, quā talis est, idem honor, & adoratio debeatur, ac ipsimet Verbo, nec fieri possit, vt vna, eademquē natura sit digna adoratione, & honore, qui Deo exhibetur, simulquē contemptu, & ignominia, tali præsertim, ac tanta, qualem, & quantam peccatores merentur.

10 *Tertiò.* Quia natura rationalis unita Verbo, præcisè ratione unionis, digna est gloria æterna, eamquē, si non habeat, de congruo meretur singulis, quas exercet, virtutis actionibus: igitur quamdiū unita est, non potest esse capax peccati, utpotè quod si mortale esset, necessariò redderetur digna damnatione, & perpetua beatitudinis carentia; cū tamen hæc dignitas

C c c

non

non videatur posse cum priuatione illa simul consistere: alioquin merita iustorum non mortificarentur per sequens peccatum mortale, sed ipsi antiquo suo opere bono adhuc digni essent gloria æterna, peccatis, quæ postea admittuntur, minimè obstantibus; aut si illorum meritorum valor hisce superuenientibus peccatis enervaretur, abolereturquæ, id nequaquam fieret ex rei natura, & ob repugnanti-

tiam inter meritum æternæ pœnæ, ac gloriæ, sed ex pura, & sola Dei voluntate; quod tamen fieri non posse, ex eo patet, quòd impossibile sit, eum, qui ceteroquin dignus esset aliquo præmio, carere, ac sibi acquisita, & quasi obligata dignitate, non dignum eodem ipso præmio fieri externa, eaque sola alterius voluntate.

PROPOSITIO SEXTA.

Non concludit hic dicendi modus.

11 **P**robatur primò: quia falsum assumit, dum dicit humanitatem fieri sanctam per Deitatem: Sed gratis hoc concessio, n.l. habetur contra nos: quinimò petit principium; nam quærimus: *Utrum gratis concessio, quòd humanitas Christi sit reddita sancta per humanitatem, vel per personalitatem Diuinam, possit peccare?* Et isti Doctores dicunt, non posse peccare, quia est sancta per Deitatem. Ecce ergo, quòd assignant conclusionem pro ratione. Debent ergo probare, quòd humanitas reddita Sancta per Deitatem non possit peccare. *Secundò*, cum hæc ratio nitatur in repugnantia physica sanctitatis cum peccato, non vrget, dum eam repugnantiam non ostendit, nec ostensibilis est. Ratio

est, quia ista repugnantia debet esse eiusdem generis: at sanctitas est in genere physico, & peccatum in genere moris: ergo non habent repugnantiam physicam.

Adde, quòd oppositio physica contraria petit ambo extrema positiua; at peccatum non est entitas positiua, sed priuatio quædam: ergo, &c. *Nec est oppositio relatiua*, quippè oppositio relatiua petit extrema relatiua: at, sanctitas, & peccatum non sunt extrema relatiua. *Item* non est oppositio priuatiua, quippè peccatum formaliter nò est priuatio sanctitatis, sed est priuatio rectitudinis debitæ. *Adde*, quòd contraria debent habere idem còmunè subiectum. *Adde*, quòd sufficienter saluaretur conceptus

tus infinitæ sanctitatis, dicendo, illam sanctitatem non exigere, ut quamlibet naturam, sed suam propriam reddat impeccabilem: sicut de conceptu summæ vitæ non est, ut quamlibet naturam, cui coniungitur, sed solam propriam reddat viventem, & immortalem. Unde sicut vita infinita, quæ naturam alienam reddat immortalem, non est omnium perfectissima, sed impossibilis, ita sanctitas, quæ naturam alienam reddat impeccabilem, iudicatur à nobis fictitia, & impossibilis.

Nota, quod, etsi sanctitas, & peccatum se excluderent ex natura rei, &c. tamen inde non sequeretur, quod natura assumpta non resisteret peccabilis in actu primo; nam etsi quis habeat gratiam, tamen potest peccare: ergo etiam humanitas reddita sancta per Deitatem, foret in actu primo potens peccare. *Ad plus* ergo inferretur ex allato discursu, quod humanitas peccans perderet subsistentiâ Diuinam; non tamen deducitur, quod humanitas assumpta peccare non posset, & non esset defectibilis.

- 12 *Dices*, repugnare per locum intrinsecum, quod humanitas assumpta deperdat vnionem ad Verbum: ergo simpliciter repugnat, humanitatem posse peccare. *Contra*, quia tantum de potentia ordinaria repugnat, non verò de potentia absoluta: ergo saltem de potentia absoluta

posset humanitas peccare, & peccans perderet vnionem, &c. *Dices*, quod sanctitas substantialis non potest non sanctificare humanitatem infinitè: ergo nequit in ea relinquere locum peccato. *Respō.* *detur* primò, antecedens esse falsum; supponit quippè humanitatem reddi sanctam per sanctitatem substantialem Dei. *Secundò*, concessio antecedenti, negatur consequentia: quippè sanctitas illa potest ratione impediementi reperti in natura, non redde illam naturam sanctam; nam sanctitas substantialis non sanctificaret naturam irrationalem; quia ea natura esset incapax sanctificationis: ergo quando in natura reperiretur peccatum, ea natura minimè reciperet denominationem sanctæ.

- 13 *Adde*, quod esse simul sanctum, & gratissimum, & esse peccatorem, & inuisum Deo, dignumque gloria, & æterna pœna, licet repugnet sub eodem titulo, vel per eandem formam; tamen non obstat per diuersas formas. Natura ergo illa, quatenus reciperet sanctitatem, foret Deo grata; quatenus verò subiaceret peccato, remaneret inimica; hoc autem optime fieri potest de potentia absoluta, esse non de ordinaria: sicut enim non omnino malum est cōtrarium omni bono, & ideo potest aliqua res aliquid simul boni, & mali habere; ita etiam potest propter diuersas rationes amari, & odio ha-

beri. *Exemplum* poni potest in homine, qui ratione filiationis dignus est paterna hereditate, & ratione culpæ contra patrem commissæ, indignus redditur eadem hereditate; sic in casu nostro: ille homo ratione sanctitatis substantialis esset Deo gratus, & dignus gloria; ratione tamen peccati commissi, foret indignus gloria, & iniustus Deo, quod quamquam in omni opinione verum sit, præcipue tamen in opinione nostri *Scoti*, & multorum Recentiorum assentientium, gratiam habitualementem, & peccatum in eodem subiecto compatible esse de potentia absoluta; quo in casu certè tale subiectum esset gratum, & iniustum Deo propter diuersas rationes.

14. *Adde*, quod ea ratio, qua aliqui Iuniores probant, voluntatem Diuinam impeccabilem; quia voluntas Diuina est essentialiter sancta, & sanctitas cum peccato pugnat, non concludit. *Primò*: quia probabile est, quod gratia, seu sanctitas non opponatur ex natura rei peccato, sed solum moraliter, quomobrem, *Scoto teste*, possunt esse simul in eadem voluntate. Vnde quantumuis voluntas Diuina sit essentialiter sancta, posset stare ad minus cum potentia ad peccandum: quippè non repugnat, quod actu sit vna forma in subiecto cum capacitate ad oppositum. *Tum etiam*, quia dato, quod

sanctitas, & peccabilitas opponantur ex natura rei, non implicat, duo contraria simul esse, in eodem subiecto in probabili opinione. Quòcirca si ex eo, quod Deus sit summè sanctus, non sequitur per locum intrinsecum, quod Deus sit impeccabilis; à fortiori nec etiam sequitur, quod humanitas, si redderetur sancta per sanctitatem Dei, fieret impeccabilis.

15. *Impeccabilitas ergo* Diuinæ voluntatis probatur ratione, qua *Scotus in 3. d. 12. qu. 1.* suadet, Christum Dominum impeccabilem esse, & in 4. d. 49. qu. 6. probat, Beatos esse impeccabiles: nam illa voluntas, quæ est coniuncta Deo secundum affectionem commodi, & iustitiæ, est ab intrinseco impeccabilis; sed voluntas Dei essentialiter, & ab intrinseco est coniuncta Deo secundum vtrumque affectum: ergo voluntas Diuina ab intrinseco est impeccabilis. *Vergetur ratio*: cum enim omne peccatum sit contra affectionem commodi, vel contra affectionem iustitiæ, & voluntas Diuina sit essentialiter beata, & consequenter coniuncta cum Deo secundum affectionem commodi, & iustitiæ: sequitur, quod voluntas Diuina sit intrinsece impeccabilis. *Fauet etiam* ratio desumpta ex natura peccati; nam in opinione omnium Theologorum peccatum est carentia rectitudinis debiti; at in voluntate Dei nul-

la potest dari reſtitutionis carentia, quæ eſt perfectio voluntatis ſimpliciter: ergo Dei voluntas abſintrinſeco eſt impeccabilis.

- 16 *Nec valet, ſi dicat:* hac ratione ſolùm ſuaderi, nullum eſſe peccatum deſacto in Diuina voluntate, non verò non habuiſſe potentiam ad peccandum. *Hoc, inquam non valet:* nam in Diuina voluntate, vndeque perfecta, nequit dari potentia ad imperfectionem, ſeu ad carentiam perfectionis ſimpliciter: ſed, ſi in Diuina voluntate daretur ad peccandum potentia, eſſet Diuina voluntas in potentia ad carentiam reſtitutionis, & perconſequens perfectionis ſimpliciter: ergo hac ratione non ſolùm efficaciter ſuadetur, non fuiſſe deſacto peccatum in Chriſto, ſed concluditur per locum intrinſecum, peccatum repugnare Deo.

Concludo ergo, quòd ſi non cõcludatur impeccabilitas Dei ex eo, quòd Deus habet intrinſecè infinitam ſanctitatem; certè nec etiam poterit concludi, impeccabilitas humanitatis aſſumptæ ex eo, quòd habeat ſibi vnitam extrinſecè Diuinam ſanctitatem:

- 17 *Accipe aliud argumentum fundatum in Doctrina Vaſquez prima ſecundæ diſp. 207. vbi docet;* quòd peccatum nequeat expelli ab anima ſinè intrinſeca mutatione peccatoris. Sit tale argumentum. Sãctitas Diuina eſt extrinſeca naturæ aſſumptæ: ergo

ſi peccatum non potest expelli à natura, niſi per formam ſibi intrinſecam, ſequitur, quòd peccatum habituale poſſet ſtare cum ſanctitate illa diuina in natura aſſumpta: ergo ſi peccatum habituale potest eſſe in natura aſſumpta ſimul cum ſanctitate Dei; non eſt, cur dicamus, repugnare de potentia abſoluta, ſanctitatem eſſe in natura, & naturam peccare.

Ita propono argumentum. Poſſet Deus de potentia abſoluta, deſtruere nunc ſuppoſitum alicuius hominis exiſtentis in peccato mortali, & illam naturam peccato habituali infectã hypoſtaticè terminare: ergo nulla eſt oppoſitio inter peccatum, & vnionem hypoſtaticam, & perconſequens etiam ſi natura aſſumatur abſque peccato, poterit poſt aſſumptionem peccare de potentia Dei abſoluta, Conſequentia patet: quia nõ eſt maior oppoſitio, & repugnantia ſanctitatis Dei cum peccato actuali, quàm cum habituali; ſed cum habituali non repugnat: ergo nec cum actuali.

- 18 *Respondent aliqui cum Suarez,* concedendo antecedens, & negando conſequentiam: quia, quamquàm aſſumere naturam in peccato exiſtentem, poſſibile ſit; tamè nõ eſt ita indigñũ, ſicut eſſet aſſumere naturã, & poſtea permittere peccatũ in illa. *Secũdò* respondent, quòd caſus propoſitus repugnat: nam ſtatim ta-

lis

lis natura assumpta in peccato, maneret necessariò mundata, vel per vnionem, vel per sanctitatem iuxta varias sententias Doctorum.

Contra. Nam solutio ista non enervat vires argumenti: quippè licèt verum sit, quòd agendo de oppositione morali, magis indignum sit permittere in natura assumpta actionem peccaminosam: quàm assumere, & retinere naturam perdurantem in peccato; tamen agendo de oppositione physica, nullum est discrimen; nam siue peccatum sit aliquid positivum, siue aliquid privativum, nequit expelli physicè ab vnione (hæc enim operatiua non est). *Nec valet* etiam de sanctitate: quippè probavi supra, sanctitatem non opponi physicè formaliter peccato.

Illud aliud, quòd addit *Snarez*, (nimirum, quòd, si natura foret assumpta in peccato, necessariò

mūdaretur ab illo, vel per vnionem hypostaticam, vel per sanctitatem Diuinam secundum varias Doctorum sententias) dicitur absque sufficienti fundamento: quippè cum vnio hypostatica, & sanctitas Diuina non dicant oppositionem ex natura rei cū peccato, vt supra probavi; concluditur: quòd talis natura deberet mundari per extrinsecam condonationem, & remissionem peccati, quòd, cū liberum sit Deo, poterat saltem de potentia absoluta non facere, ac per consequens nō implicaret, illam naturam in peccato permanere. *Adde*, quòd difficillimè negaretur, naturam assumptam non posse peccare venialiter: nam si filius adoptiuus id potest naturaliter, & frequentissimè; cur is, qui per vnionem hypostaticam esset filius, nullo modo peccare posset venialiter?

Alius modus impugnandi nostram opinionem.

Nonnullis placuit, naturam assumptam reddi impeccabilem ex præciso conceptu vnionis hypostaticæ; vn-

dè inferunt repugnare per locū intrinsecum, quòd, stante vnione hypostatica in humanitate, eadem humanitas peccet.

PROPOSITIO SEPTIMA.

Hic dicendi modus aberrat à vera via.

19 **P**robatur primò. Humanitas in se finè dubio est defectibilis, & indigens ad euitandum peccatum, vt remoueat conditiones peccandi, illuminetur intellectus, & corroboretur affectus voluntatis: at vnio ista enumerata non præstat: ergo per vnionem humanitas non redditur impeccabilis. Minor probatur ex eo, quòd, perseuerante in humanitate vnione hypostatica, posset in illa durare ignorantia, & voluntas affecta; vt prius. *Virgo argumentum*; ex eo, quòd humanitas consideretur vnita Verbo, nullum inuenitur auxilium in voluntate eam conducens ad bonum amplectendum, & malum euitandum. *Adde*, quòd, stante vnione hypostatica, potuisset Deus, non dare aliquod auxilium in voluntate; quippè alia est voluntas vniendi, & altera dandi auxilium: ergo Deus posset concedere primum, denegato secundo.

Sit tale argumentum. Humanitas ante vnionem poterat peccare: ergo etiam post vnionem. Consequencia ex eo fit clara: quia voluntas nil plus auxilij haberet tunc, quàm antea. *Item.*

Seclusis his donis gratuitis, & perseuerante vnione hypostatica, ea humanitas non esset sapientior, & potentior: ergo remaneret peccabilis, vt primò. *Adde*, quòd ad euitandum peccatum, est opus cognitione intellectus, & aliquo affectu in voluntate remouente impedimenta, quæ conducunt ad peccandum; at vnio, vt talis, neutrum præstat: ergo, vt talis, non est expulsiua peccati.

20 *Item.* Vnio hypostatica, quæ talis, non habet physicam repugnantiam cum peccato; hoc sic probò: ea tantum habent physicam, & realem repugnantiam, quæ sunt formæ, vel quasi formæ sibi inuicem formaliter oppositæ; quatenus vna earum in suo formali conceptu negat aliam; vel quatenus vna aliam expellit ab eo subiecto, in quo recipitur, sicut calor, & frigus: Non ita se habent vnio, & peccatum: ergo &c. Minorem probò. In primis vnio nò est formaliter negatio peccati. *Tum quia* peccatum formaliter est carentia, seu priuatio rectitudinis debite; non ergo vnionis. *Tum quia* vnio, vt talis, dicit nudam coniunctionem humanitatis ad Verbum.

hū. *Tum quia* sic opposita habent idem subiectum : at subiectum peccati est voluntas, vnionis nō ita. *Tum quia* ita opposita spectant ad idem genus (cum opposita ea sint, quæ sub eodem genere maximè distant) at vnio est generis supernaturalis; peccatum non ita.

- 21 *Item* oppositio ex natura rei in doctrina philosophica est quadruplex. *Contraria, Relatiua, Cōtradiçtoria, & Priuatiua*: at nullo ex his modis vnio hypostatica aduersatur peccato ergo &c. *Non opponuntur contrariè*; nam oppositio talis ex postulat utrūq; extremum positium; & peccatum est priuatio, vt suppono. *Si dicas*, peccatum esse quid positium. *Contra est*: quia secundum omnes habituale peccatum cōsistit in priuatione: ergo ad minus vera est nostra sententia, si sermo sit de peccato habituali.

Non opponuntur relatiuè; nam talis oppositio exigit extrema relatiua: at vnio in doctrina Aduersariorum est inodus quidem absolutus, & in communi doctrina peccatum est priuatio, & non ens relatiuum. *Non opponuntur contradiçtoriè*: quippè oppositio contradiçtoria debet esse inter affirmationem, & negationem: at vnio, & peccatum non se habent, vt affirmatio, & negatio: etenim aliàs ad negationem vnus haberetur positio alterius: quod tamen nemo dicet, cum multi habentes gratiam, non possideant vnionem hypostaticam. *Nec etiam opponuntur priuatiuè* primò ob eādem rationem; secundò, quia opposita debent esse sub eodem genere: at vnio, & peccatum ita non se habent: quippè vnio est in genere physico, peccatum autem in genere moris: ergo &c.

Alter modus impugnandi nostram sententiam.

Quidam dicunt, repugnare peccatum in natura assumpta; quia aliàs Verbum

Diuinū peccaret, quippè actiōnes sunt suppositorum.

PROPOSITIO OCTAUA.

Hic modus dicendi non est verus.

- 22 **P**robatur primò. Quia suppositualitas non est principi-

pium actiūum, sed potius formale cōstitutiuum naturæ in ratione

tione suppositi; quia actiones non dicuntur esse suppositorum, eo quod constitutum ex natura, & hypostasi (prout de materiali importat naturam, & de formalis substantiam) eliciat influxum, sed quia prius est, ut natura subsistentetur, & terminetur intrinsicè per supposititalitatem, quàm quod extrinsecum habeat influxum. Denominatur tamen suppositum operans (licet actio non emanet ab hypostasi) quia antequàm natura influat in extrinsecum, elicit prius supposititalitatis formam, à qua completur, ut in se, & per se existat; sed personalitas Diuina gerit vices hypostasis creatæ, & personalitas creata non est principium ut quo causalitatis à substantia effluens in genere causæ efficientis: igitur nec personalitas Diuina, quæ supplet vices creatæ hypostasis.

23 *Tale sit argumentum.* Id facit in ratione suppositi personalitas Diuina in natura asumpta, quod faceret personalitas propria creata, sed personalitas creata tantum est ad esse, & non formaliter ad operari: ergo similiter personalitas Diuina. *Confirmatur*, Nam sicut propria personalitas non concurret formaliter ad operationes, sed tantum præsuppositiue, & ut conditio necessaria requisita, ut natura operetur; ita similiter personalitas Diuina formaliter non elicit operationes, sed tantum con-

currit, ut conditio necessaria. Quod subsistentia non sit ratio agendi, docet *Scotus*, ubicumque in sua doctrina. Videatur in 4. d. 3. in solutione ad secundum principale, &c. Probatur etiam ipsa doctrina; nam Deus formaliter non operatur per suas subsistentias: sed natura humana terminata fuit subsistentia relativa Diuini Verbi: ergo talis subsistentia non est ad operandum præcisè, & formaliter. *Adde*, quod si Deus assumeret naturam insensibilem lapidis v.g., non eliceret operationes per talem naturam; & nihilominus daret illi esse subsistentis: ergo subsistentia tantum concurret formaliter ad esse naturæ completum, & non ut principium operatiuum.

24 *Dices*, personalitatem, seu subsistentiam esse necessariam ad naturæ humanæ operationem: ergo subsistentia non solum datur ad constitutionem naturæ, verum etiam ut principium operatiuum. *Contrà*. Nam subsistentia non requiritur ad operationem formaliter, ita quod concurrat physicè, & formaliter, tanquam conprincipium; sed tantum requiritur, ut conditio naturaliter requisita: quia communiter loquendo, natura prius constituitur completa in se, & postea operatur: non ergo personalitas est principium elicitiuum actionis. *Hoc etiam ex eo liquet*, quod si Deus natu-

D d d ram

ram humanam diuinitus sine vltima subsistentia, nec propria, nec aliena conseruaret, eliceret operationes discursiuas eiusdem, prorsus speciei cum his, quas defecto producit, quando composita est formæ hypostasis: ergo supposita litas non est ratio, & forma agendi.

Nota, quod in sententia probabili subsistentia, seu ratio suppositi consistit in duplici negatione: ergo ratio personalitatis, seu subsistentiæ non est principium agendi.

- 25 *Vergetur ratio*. Si hypostasis, seu subsistentia foret ratio agendi, sequeretur, quod si natura humana subsisteret per subsistentiam imperfectiorem sua propria subsistentia; tunc actiones illæ forent imperfectiores, & debiliores, quod nemo dicet. *Item* etsi concederemus, actiones esse

suppositorum; tamen inde nil probaretur in fauorem sententiæ nobis contrariæ, sed esset petitio principij: etenim omnes concedimus, Verbo Diuino in se repugnare peccatum; tamen adhuc restat difficultas: vtrum etsi Verbo in se repugnet peccatum; tamen possit peccare ratione naturæ assumptæ; sicut etsi dicatur Verbum immortale, & impassibile; tamen ratione naturæ assumptæ dicitur mortale, & passibile. *Item*: etsi Verbum influeret ad actionem peccaminosam, adhuc Verbum non diceretur peccare. *Rem explio*. Licet Deus, vt causa prima, præstet concursu ad omnem actionem causarum secundarum, & cum illis concurret; non tamen peccatum tribuitur Deo, sed creaturis; ita in casu peccati tribueretur humanitati, non verò personalitati.

PROPOSITIO NONA.

Adducuntur alia rationes contra præcedentem modum Aduersariorum, & probatur, non sequi per locum intrinsecum, Verbum Dici peccans, etsi physice concurreret cum natura humana ad actionem peccaminosam.

- 26 **P**ro veritate moneo, alias esse denominationes physicas, vt denominatio mortalis, geniti ex matre, &c. quæ oriun-

tur à forma aliqua physica, vel à passionibus physicis humanitatis, & deriuantur in suppositum Diuinum independentem ab om-

omni ente morali, quia nil aliud requirunt, quam unionem physicam naturarum in eodem supposito; illa enim sola posita, fit communicatio in cōcreto, etiam si vna forma, vel vna natura nil aliam iuuer. Sic paries albus dicitur disgregare vitum, quamuis hoc conueniret ipsis accidentibus omnino separatis. *Alias esse denominationes morales*, vt denominatio merentis, satisfaciensis, & consimiles, quæ habentur à formis moralibus, & licet præsupponant actiones physicas humanitatis, in genere tamen moris habet aliquid ab ipsa persona Diuina. Vnde si nō habeatur influxus moralis suppositi, denominationes morales, non obstante vnione reali physica, impediri possunt. *Ita si quis præter suam intentionem, & contra voluntatem cadens alterum interficiat*, dicitur quidem physice occidere alterum, non tamen in genere moris, quia illud, quod in supposito humano potest concurrere in genere moris (nempe anima) non habet vllum influxum moralem in istum actum physicum.

27 *Ad communicationem igitur idiomatum in denominationibus moralibus boni, & mali, nō sufficit coniunctio naturarum in supposito, nisi natura, quæ denominatur talis, contrahat in se per influxum moralem bonitatem illam, vel malitiam; nec concursus physicus etiam spe-*

cialis Verbi (si talem haberet) sufficeret ad contrahendas has denominationes morales: etenim sicut concursus generalis, quem Deus præstat, vt causa prima, non facit eum causam, vel authorem peccati: quia non est concursus moralis, sed physicus subordinatus nostræ voluntati quoad exercitium; sic etiā concursus particularis subsistentiæ non faceret Verbum peccatorem: quia, prout à Verbo, non præstaretur in genere moris, sed vt physice accessorius ad actiones humanitatis, & subordinatus ipsi humanitati quoad exercitium.

Concursus autem specialis moralis, qui requiritur ex parte ipsius Verbi, in hoc cōsistit, quod Verbum velit actiones morales humanitatis sibi imputari, vt cēseatur operari ipsum Verbum per humanitatem, quam sibi propriam fecit. Discursus iste noster colligitur ex Sancto Cyrillo ad Valerianum, vbi inquit: Quia Verbum propria carnis perpeffiones; quasi proprias in se transfudit, sibi quæ vendicauit, eius mortem omnium vite præponderasse, asserimus.

28 *Ratio huius est. Quia cum Verbum sit realiter distinctum ab humanitate, & habeat voluntatem, quæ operari potest: actiones humanitatis nequeunt ipsi imputari, nisi per voluntatem, vel interpretatiuē, vel actualiter eas faciat suas. Ita motus nostri*

D d d 2 in-

inordinati non imputantur voluntati, quando eos non facit suos, interpretatiuè, vel actualiter consentiendo. Vnde si Verbum nollit actiones bonas humanitatis, tanquam à se factas, non essent maioris valoris, quam actiones alterius, qui cum gratia creata æquali cum gratia Christi operaretur. Nec dicere, tur Deus formaliter satisfacere per istas actiones; quia cum in genere moris non influeret suppositum per propriam voluntatem, actiones non denominarent ipsum, nec ipsi imputarentur in genere moris, non obstante communicatione physica idiomatum, qua diceretur Deus tum operari, pati, sentire, esurire, &c.

Ad propositum igitur hoc applicando. Concludo, quod in casu, quo natura assumpta peccaret, adhuc Deus non deberet dici peccare, nec peccator; quia non acceptaret, nec vellet actiones peccaminosas humanitatis, tanquam à se factas, aut sibi adscribi; & consequenter est illa actiones, ut sunt formæ physice denominaret ipsum: quia ad hoc sufficit physica unio; tamen ut sunt formæ morales, non darent ipsi ullam denominationem moralem: quia ad hanc habendam non sufficit unio sine influxu moralis illius, cui attribuitur illa denominatio moralis.

29 *Dices*, Verbum non posse non velle actiones humanitatis sibi vniri, tanquam suas: quia per

unionem facit naturam sibi propriam; ergo non potuit operari natura assumpta, nisi tanquam propria subdita Verbo: quæ autem sic operatur, debent necessarii imputari Verbo, tanquam ab eo facta; hinc enim sequitur; Verbum obligari ad rectam gubernationem naturæ assumptæ, sicut voluntas obligatur ad rectam gubernationem appetituum sensitiuorum residentium in eodem homine; sicut vir, pater, & Dominus tenentur ad gubernationem vxoris, filiorum, & seruorum: ergo sicut voluntas (& idem est de viro, patre, & Domino respectu vxoris, filiorum, & seruorum) tenetur dirigere, appetitus sensitiuos, & non permittere in eis aliquid inordinatum; & si permittat aliquid tale, hoc illi adscribi debet; sic similiter, &c.

Contra. Etsi per unionem natura sit Verbo propria; ex hoc tamen non nascitur ei vlla noua obligatio dirigendi operationes humanas: alias si assumeret naturam aquæ, vel ignis, obligaretur non permittere eas suffocare, vel comburere saltem innocentes, aut vllum aliud damnabile.

30 *Exempla adducta* nil faciunt ad propositum: quamuis enim Dominus, & pater in creatis teneantur impedire culpas seruorum suorum, aut filiorum; Deus tamen non tenetur impedire cul-

culpae seruorum suorum, aut filiorum: quia leges, & regulæ rectæ rationis, quæ obligant homines, non obligant Deum. Cur ergo Verbum nõ posset permittere, si ei placeret, lapsum humanitatis assumpsit? *Deinde.* Verbum ratione vnionis præcisè nõ habet aliquam nouam potestatem in actiones humanitatis, sicut homo, si vniretur hypostaticè cum natura Leonis, non posset magis cohibere Leonem, quàm si non esset vnitus: Pater autem, vir, & dominus habent potestatem in operationes filiorum, vxoris, & seruorum, & ratione eius habent obligationem eas gubernandi. Et si Verbum haberet talem potestatem, adhuc non obligaret ipsum, sicut obligat in creaturis, nam etiã dependentia filij à patre, vxoris à marito, & serui à domino fundat obligationem in creatis; & tamen talis, vel maior dependentia creaturarum à Deo non ponit in ipso obligationem eas dirigendi. Ideo etiam voluntas tenetur regere appetitum sensitiuum, & alias potentias inferiores, quia earum operationes essent ipsi voluntati malæ, & culpabiles propter periculum consentiendi; si enim nullum esset tale periculum, nulla fortè esset obligatio in voluntate cohibendi motus inordinatos appetitus secundùm plures Doctores, quos refert *Salas tom. 2. c. 6.*

31 *Et si voluntas teneatur cohibere*

re illos motus, etiã secinso omni periculo consentiendi, ideo esset, quia aliàs deficeret à regula rectæ rationis, non quod illi motus essent culpabiles ipsis potentijs inferioribus, quæ secundùm se præcisè considerata, sũt culpæ incapaces; sed quia recta gubernatio dicat, subditos non solum à culpa coercere, sed etiã earum actiones ita dirigere, vt ei inferuiant in ordine ad finem principalem totius. Vnde Dominus obligaretur impedire, si facile posset continuum otium, vel clamores serui amentis, quia licet illud otium seruo nõ esset tunc culpabile; tamen culpabile esset domino habere seruum otiosum, vel vociferantem, si facile vitare posset.

Sed ex nullo horum capitulum sequitur, Verbum esse necessariò obligatum ad gubernandas actiones naturæ assumptæ: Non ex primo, quia in actibus inordinatis humanitatis, nullũ oriretur in Verbo periculum cõsentiendi. Non ex secundo, nam multi ex Aduersarijs fateantur, potuisse de potetia absoluta reperiri in humanitate assumptam motus indeliberatos, & etiam inordinatos in appetitu, imò & in voluntate, si essent inculpabiles: ergo leges rectæ gubernationis, quæ obligant voluntatem erga appetitum, non arguunt in Verbo similem obligationem erga naturam assumptam.

32 *Replicabis, quod si natura assump-*

sumpta peccaret, Verbum secundum suam entitatem esset odibile: sed hoc est absurdum: ergo &c. maior patet; quia Deus odio habet totum peccatorem; licet enim solum peccatum sit ratio formalis illius odij, tamen reddit totum odibilem: sicut gratia reddit hominem totum, & secundum omnes suas partes amabilem.

Contra, Peccatum reddit totum hominem odibilem secundum omnes partes, quia alicui ex illis non repugnat odium; at in casu nostro Verbo Divino repugnat odium: quippe ratione suae intrinsecae, & infinitae sanctitudinis foret dignum amore in-

finito. *Exemplum* sit de natura humana unita hypostaticè (per possibile, vel impossibile) cum Angelo, & offendente Angelum, tunc Angelus posset odio habere hominem, non quidem complete, prout includit etiam suppositum; quia non haberet odio suam subsistentiam, sed solum naturam humanam. Ita Deus in illo casu posset amare Angelum bene operantem, & odio habere hominem peruersè agentem, vel peccantem; non tamen secundum omnes partes, quas includerent. Cur igitur non posset odio habere humanitatem Christi peccantem, & amare suppositum Christi omni amore dignum?

Alter modus dicendi.

Dicunt alij Impeccabilitatem Christi ex eo concludi, quod Verbum assumens humanitatem tenetur ex intrin-

seca sua bonitate, & rectitudine humanitatem regere, & gubernare.

PROPOSITIO DECIMA.

Hic dicendi modus distat à veritate.

33 **P**rimò, quia falsò supponitur ea obligatio in Verbo, ut patet ex dictis propositione antecedenti. Est enim res difficilis creditu: quod si verbum, assumpsisset, vel assumeret naturam equinam, teneretur impe-

dire illius calcitrationem, & si assumeret naturam ignis, non teneretur impedire eundem, ne combureret domum pauperis. Quando Angelus assumeret hypostaticè humanitatem, tunc Angelus ex præciso conceptu illius

lius assumptionis minimè teneretur impedire peccatum humanitatis: quinimò Angelo obseruante legem, posset humanitas transgredi legem, & ita humanitas esset in peccatis, & Angelus in gràtia.

Sit tale argumentum. Si homo vniretur per subtilitètiā fluuii, teneretur nè homo impedire fluuij inundationem in domos? certè non: ergò vnio hypostatica, quā talis, nõ concludit obligationem directionis in Verbo assumente. *Item.* Si verbum est impeccabile, est etiam impassibile: at ab attributo impassibilitatis non fuit Verbum necessitatum ad impediendam passionē in natura assumpta: ergò ab attributo impeccabilitatis non obligatur Verbum ad impediendum peccatum.

- 34 *Ad illud de obligatione directionis, quod solet adduci in parentibus respectu filiorum, in dominis respectu seruorum &c.* Dico, eo in loco habere veritatem; quia parentes, quā tales, habent auctoritatem, & superioritatem in filios, Domini in seruos, mariti in vxores; hinc ratione talis nouæ auctoritatis, & superioritatis tenentur impedire, nè labantur in peccata: at Verbum Diuinū ex præciso conceptu vnionis hypostaticę nullū ius nouum habet in naturam assumptam: ergo ex vi vnionis hypostaticę non teneretur ad dirigere dispositicē; impediendo, &

corrigeno humanitatem, nè peccet. *Item* dato gratis, quòd ex vnione hypostatica resulteret in Verbo aliquod nouum, ius in humanitatem; non inde sequitur, Verbum necessitari ad taliter regendam humanitatem, vt non permittat humanitatem peccare. Paritas parentum respectu filiorum, & dominorum respectu seruorum non facit ad propositum. Ratio est: quia illi non sunt supremi domini, & ita faciliter intendimus illos obligatos: at Deus est supremus dominus, qui cum, vt prima causa, non teneatur hominum impedire peccata dispositicē, non videtur necessitari ad impedienda peccata in humanitate assumpta. *Adde*, quòd cum Deus sciat de malis facere bona: quā ratione dixi in Tractatu de Prædestinatione, *permissio peccati esse effectū p̄destinationis*: ita dico, Deū permittete potuisse lapsum humanitatis, vt inde redderetur clarior humanitatis fragilitas, & debilitas. *Defectio autem* nunquam peccauit illa sanctissima humanitas; quia semper fuit beata: & beatitudo (saltem de communi lege) non admittit vmbra peccati.

- 35 *Nota*, quòd nulla coniunctio inducit obligationem regiminis, nisi illa, quæ subordinat vnum alteri: at per vnionem hypostaticam Verbum Diuinum non sibi subordinat humanitatem, seu nõ acquirit ius nouum supra

supra humanitatem: ergo &c. maior patet: etenim pater teneatur filios regere, & Dominus seruos, quia filij sunt sub potestate Patris, & serui sub potestate dominorum: hinc postquam filius est emancipatus, seu est sui iuris, aut amplius non est sub potestate Patris, Pater non teneatur regere filium &c. *Quid ratione assumptionis hypostaticæ Verbum non acquirat nouum ius, patet; quippe si Petrus assumeret ad propriam subsistentiam Leonem; non tamen Leo esset sub potestate Petri, nec ad libicum Petri essent impediti impetus Leonis &c. Itē Deus ex multis honestis finibus posset per-*

mittere peccatum talis humanitatis. *Primò* ad ostendendam naturæ assumptæ veritatē, & eiusdem voluntatis arbitrium. *Secundò* ad laudem diuinæ gratiæ, qua Deus deinde tolleretur peccatum. *Item* ad gloriam humanitatis, quæ cum potuerit transgredi, non est transgressa. *Item* Deus, cum sit supremus dominus, nullis tenetur legibus.

Dices, Deum non teneri lege sibi extrinseca, quia non habet superiorem, tamen teneretur determinatione facta à sua propria voluntate. *Contra*: quia hoc tantum valet defacto, non verò de possibili &c.

Alter modus Aduersariorum.

Dixerunt alij, naturam dicendam impeccabilem: quia vi unionis hypostaticæ illi

erat debita beatitudo, & cum ipsa nequit stare peccatum.

PROPOSITIO VNDECIMA.

Non est admittendus hic discursus.

36 **P**rimò, quia, vt doctè probat Scotus in 3. dist. 2. q. 2. S. ad questionem F. non includit contradictionem, humanitatem unitam verbo non frui.

Pro pleniori intelligentia notandum, quòd illud, quod est po-

sterius, ita se habet ad suū prius (si realiter distinguatur) vt prius absque contradictione possit esse sine suo posteriori, si inter ea aliundè non detur necessaria connexio; si verò detur, nequit esse prius sine posteriori. Hoc in tribus

tribus præcipue casibus declarari potest. *Primo* quando prius, & posterius realiter sunt idem, ut genus cum sua specie, & species cum suo indiuiduo. *Secundo*, quando prius, & posterius, etiam realiter distinguantur, sunt tamen correlatiua, quæ in ratione relatiuorum nequeunt ad inuicem separari, ut pater, & filius. *Tertio*, quando prius etiam si realiter distinguatur à posteriori, est tamen causa illius intrinseca necessariò requisita ad esse, & conseruari posterioris, & in ea includitur, tamquam pars. Hinc partes physicæ essentielles simul vnitæ, quamuis sint priores toto, non possunt esse sine illo simul vnitæ: his ergo casibus prius non potest esse sine suo posteriori propter necessariam connexionem vnus cum alio.

- 37 *Moneo secundò*, visionem essentialitè Diuinæ, & fruitionem eiusdem, quibus creatura rationalis beatificatur, esse duas operationes immanentes absolutas realiter distinctas; quatenus prima est in intellectu, secunda in voluntate: ergo cum intellectus sit prior in operando voluntati: ita visio est prior fruitione, cum discrimine tamen; nam actus harum potentiarum non solum dicunt ordinem prioritatis inter se, verum etiam distinctionis realis: quem ordinem non dicunt potentie inter se, cum formaliter tantum distinguantur. *Est ergo disputandum* pro veritate no-

stræ impugnationis contra ipsam vltimum modum dicendi aduersariorum: *Vtrum visio beatifica, aut fruitio talem connexionem habeant cum vnione hypostatitica, ut hac posita in aliqua natura, talis natura necessariò videat Diuinam essentiam, & illa fruatur.*

- 38 *Partem affirmantem tenet Henricus quolib. 5. q. 6. vbi consequenter affirmat*, naturam irrationalem incapacem visionis, & fruitionis non posse vniri hypostatice Verbo Diuino. Fauet *Picus Mirandulanus in sua Apologia q. 4.* nec desunt aliqui ex Recentioribus, qui cum illis sentiant; præcipue *Suarez tertia par. tom. 1. dispnt. 34.* nam licet alicubi teneat contra Henricum, Verbum Diuinum potuisse assumere naturam irrationalem, & consequenter vnionem hypostatitica non includere visionem beatificam; nihilominus loco citato tenet, de potentia Dei absoluta non posse fieri, quod natura rationalis vnita hypostatice Verbo Diuino peccet.

Consequenter ad hanc doctrinam fateri tenetur Suarez, implicare contradictionem, quod natura rationalis vnita sit Verbo, & non beatificetur per visionem, & fruitionem: quippe illud solum est negandum omnipotentie Dei, quod implicat contradictionem: ergo si contradictionem implicat, quod natura rationalis vnita Verbo peccet; etiam implicat, quod sic vnita,

E s c & non

& non fruatur. Consequentia est clara: quia natura, quæ non videt essentiam Diuinam, nec fruitur illa, eius intellectus, & voluntas nullatenus rapiuntur ab essentia, quam non videt: potest ergo se diuertere ad obiectum dissonū rationi, & peccare. Si ergo *Suarez* asserit, illi naturæ implicare peccatum etiam de potentia absoluta: tenetur consequenter asserere, implicationē esse, quod illa natura sit hypostaticē vnita, & quod nō habeat visionem, & fruitionem essentia Diuinæ. Concludo ergo, quod in *Suarez* opinione vnionē hypostaticam necessariō sequitur visio beatifica. Monco tamen, quod licet *Suarez* conueniat cū *Henrico* in hac opinione, tamen in modo defendendi differunt: ille namque vnionem hypostaticam nudē sumptam, & absque alio dono, asserit, esse sufficientem ad beatitudinē animæ; Ille verō non nudē accipit vnionem hypostaticam, sed simul cum alijs donis coniunctam; & dicit, ita coniunctam esse gratiam, & gloriam cum vnione hypostatica, vt implicet, talem vnionē poni in aliqua natura rationali sine eo, quod illā sequatur gratia, visio, & fructio Dei.

- 39 *Probat tamen veritas impugnationis primō ratione Scoti.* Eise personale, & hypostaticum cuiuscumq; naturæ creatæ præcedit operationes eiusdem naturæ: ergo fieri potest de poten-

tia Dei absoluta, quod aliqua natura habeat esse hypostaticū absque eo, quod operetur: sed natura beatificatur per operationem: ergo quantumuis personetur in Verbo, potest non beatificari. Antecedens est plannum; consequentia probatur: illud, quod est prius, potest esse sine posteriori realiter distincto, quādo nulla cōnexio necessaria datur inter illa: sed sic se habet suppositū Verbi Diuini respectū operationis beatificæ in naturæ rationali: ergo &c. Maior quoad primam partem nequit negari; quoad secundam verō necessariō concedenda est ab omnibus, qui asserūt, posse Verbum Diuinum hypostaticē terminare naturam irrationalem, quæ nullo modo beatificetur: ergo ea terminatio non habet intrinsecam, & essentialē cōnexionem cum visione, & fruitione beatifica.

- 40 *Dices ex Henrico*, quod licet in natura irrationali separabilis sit vnio hypostatica à beatifica, cuius incapax est: non tamen hoc fieri potest in natura rationali, quæ capax est: quia cum ista natura intellectum, & voluntatem habeat, implicat, esse illas potentias intrinsecē vnitas Verbo Diuino illis præseti; & quod tales potentie non immutentur per visionem, & fruitionem ipsius Verbi.

Contra; nam omnis actio Dei ad extra est omnino contingens & voluntaria: ergo quantumuis Deus.

Deus sit præsens intellectui, & voluntati humanæ, non immutabit istas potentias necessario per operationes beatitudinis, quas Deus suspendere potest in illa natura terminata, saltem de potentia absoluta.

Item. Nec intellectus videt obiectum beatificum, nec voluntas fruatur ipso ex proprijs viribus naturalibus: ergo si necessario debet videre tale obiectum, & frui; necesse est, quod ponatur in istis potentijs aliquid, per quod reddantur potentes ad videndum, & fruendum; at hoc non ponitur præcisè per unionem hypostaticam: ergo &c. Minor probatur: nam per talem unionem tantum terminatur dependentia humanitatis in ratione subsistentis ad esse subsistens: ergo ex vi præcisæ illius nihil ponitur, quo potentia necessitentur ad operationes beatificas.

41 *Dices.* Superfluum esse habitum supernaturalem ad immutandas potentias illius naturæ assumptæ per operationes beatificas; nam habitus ponitur propter duo: Primum, ut representet obiectum; Secundum, ut facilius potentiam ad operandum: at hæc duo sufficienter præstantur ex vi præcisæ unionis hypostaticæ: ergo &c. Minor probatur: nam ex vi præcisæ illius unionis, intimè præsens est Deus illis potentijs, & illæ sunt eleuatæ ad esse supernaturale: ergo ex vi talis unionis præstatur quicquid

requiritur ad fruitionem Dei.

Contra. In primis falsam doctrinam assumit in eo, quod dicit, habitum poni ad representandum obiectum; habitus namque se tenet ex parte potentia, species verò ex parte obiecti, hinc ista est similitudo representatiua obiecti, ille verò non. Quoad secundam partem etiam impugnatur; quia cum ex puris naturalibus nequeat creatura elicere actum meritorium, necesse est ponere in ea habitum charitatis, ad hoc, ut talem actum eliciat, & cum multo minus sit in potestate creaturæ fruitio, aut visio intuitiva Dei; quam charitas: non possunt elicere actus istos absque habitibus. Hoc valde receptum est apud omnes Theologos; qui quamvis ponant in potentijs habitus naturales ad facilius posse; supernaturales verò ponunt ad simpliciter posse: Cum tamè ex vi unionis hypostaticæ, præcisè habeat natura terminari, & personari; non tamen actualiter operari. Potest ergo Deus vnum ab altero separare.

Urgeo difficultatem. Si natura rationalis ex vi præcisæ unionis hypostaticæ videret intuitivè Deum, & ipso frueretur, defacto in Christo Domino haberet eandem vim; ergo superfluum esset addere aliquid aliud præter ipsam unionem ad videndum, & fruendum: at omnes Theologi ponunt in Christo Domino ha-

Ecc 2 bitus

bitus supernaturales ad hæc munera: ergo nullatenus haberi possunt ex vi præcisæ vnionis hypostaticæ.

- 42 *Dices*, quod est certum sit, ex vi præcisæ vnionis hypostaticæ naturam rationalem non frui Deo, & esse omnino necessariū, ad hoc ut fruatur, ut ei superaddantur dona, auxilia, & habitus, ut requisita; tamē eo ipso, quod Deus terminaret aliquam naturam rationalem, ita necessariō teneri in ea ponere prædictos habitus, & auxilia, ut implicet omnino contrarium facere. *Doxinam istam* iam impugnaui in antecedenti propositione.

Impugnatur etiam hoc fundamentum Suarez, & fundatur veritas nostræ propositionis ab inconuenienti: Nam ad hoc, ut illa natura, prout terminatur, ita esset impeccabilis, ut implicaret illi peccatum, & de potentia absoluta, non est necesse, quod Deus, supposita illa terminatione, necessitetur ad ponendos in ea habitus supernaturales, & denique ad concurrendum defacto ad actum visionis, & fruitionis: ergo ad euitandum illud inconueniens, superflue ponuntur tales habitus, & actus: ac per consequens, quamuis illi naturæ implicaret peccatum, adhuc poterat non frui essentia Diuina. Probatur antecedens: nam ad hoc, ut illa natura sit omnino impeccabilis, prout sic terminata, sufficit ponere in Deo neces-

sitatē non concurrendi cum ipsa ad operationes prauas, rationi, ac legi Diuinæ consonas: ergo, ut talis natura impeccabilis sit, superfluit ponere in ea prædictos habitus, & actus; ac per consequens, absolute loquendo, poterit Deus terminare naturam rationalem, sine eo quod fruatur ipso.

- 43 *Ex hac doctrina collige*, nō implicare de potentia absoluta, quod natura humana à Verbo Diuino assumpta videat intuitiue Diuinam essentiam, & non fruatur ipsa. Veritas huius corollarij sit clara eisdem rationibus, quibus supra; quia, cum visio antecedit fruitionem, & sit actus diuersæ potentie, nulla apparet ratio, quare tantam connexionem, & coexistenciam dicat, ut non possit à Deo separari. *Præterea*. Omnis actio Dei ad extra est absolute libera, & contingens: ergo posita actione, vel concursu, quem præstat ad causandam visionem beatificam, & ipsam conseruandā, potest Deus liberē non præstare concursum ad fruitionem. Antecedens patet; cōsequencia probatur: nam, cum isti effectus sint realiter distincti, & habeant in se ordinem posterioris, & prioris, poterit Deus liberē concurrere ad primum, non concurrendo ad secundum.

Restat ergo benè fundata nostra impugnatio contra istum ultimum modum probandi imp-

pli-

plicantiam intrinsecam ad peccandum in humanitate assumpta. Adde, quod etsi peccatum actuale repugnet cum actuali beatitudine, cum hac tamen non repugnat peccatum habituale.

probabile quippe est, peccatum habituale posse simul stare cum beatitudine. Sic docent multi grauissimi, & doctissimi Magistri.

DISPUTATIO DVODECIMA.

De Sanctitate Christi.

*Premittuntur nonnulla de Sanctitate in communi,
prout sub se comprehendit Sanctitatem Dei,
& Creaturarum.*

SANCTITAS in communi definitur à Dionysio cap. 12. de *Divinis nominibus*, hoc modo: Sanctitas est ab omni scelere libera, & omnino perfecta, & ex

omni parte immaculata puritas. Ita refert Pater Lertius de perfectionibus, moribusque Divinis lib. 8. cap. 1. nam. 3.

PROPOSITIO PRIMA.

*Sanctitas præcisè sumpta non consistit in sola
negatione peccati.*

PROBATUR: quia alias homines in pura natura creati fuissent Sancti. Accedat ratio. Esse sapientem dicit positivam perfectionem: ergo, & esse sanctum: nam si perfecta puritas ab omni errore, & defectu intellectuali importat ultra negationem aliquod positivum, idem

debet dici de perfecta puritate ab omni labe voluntatis. Hinc collige, quod si Deus per solam condonationem extrinsecam peccatorum iustificaret aliquem, talis minimè foret perfecte Sanctus, donec Deus illi conferret id positivum, quod est ipsa sanctitas in se.

PRO-

PROPOSITIO SECVNDA.

Posituum, quod dicit Sanctitas, consistit in physica, & positiua coniunctione cum Deo per affectum.

2 **D**eclaratur, Sicut impuritas nascitur ex contactu Inferiorum; vt cum facies, aut vestis luctu aspergitur, vel cum anima per affectum inhaeret appetitui sensitiuo; ita sanctitas, quæ est puritas, oritur ex contactu Superiorum, cum affectus ad sublimiora, & nobiliora assurgit. Discursus patet: nam vnum oppositum bene declaratur per aliud oppositum; vnde dico, puritatem, quæ præferet sanctitas collocandam esse in coniunctione cum Deo per affectum. *Item.* Puritas ab omni errore, vel defectu intellectus posita est in cognitione, & rectitudine intellectus circa supremum intelligibile: ergo puritas ab omni defectu voluntatis, vel peccato consistit in coniunctione, & adhesionem per affectum cum Deo honestissimo fine.

3 *[Monitis volo Lectores, quod cum rectitudo affectus circa Deum sit duplex, in actu primo vna, in actu secundo altera, ita duplex est sanctitas formalis; quædam in actu primo, & alia in actu secundo; Sanctitas formalis in actu secundo est in Deo actus amoris ipsius Dei, quo infinite amat seipsum, seu vnitur per affectum sibi ipsi; sanctitas in actu*

primo consistit in claritate, quam dari in Deo, demptis omnibus imperfectionibus, suppono ex infra dicendis. Nota, quod prædicata ista: *Esse gratum Deo, esse acceptabilem, habere ius ad æternam vitam, esse participem Diuinæ nature, esse filium Dei adoptiuum;* ista, inquam, prædicata non sunt de primo conceptu sanctitatis; quippè sanctitas in quantum talis solum habet ratificare affectum, seu facere, quod voluntas coniungatur per affectum nobilissimo, & honestissimo fini, qualis est Deus: ergo reliqua prædicata se habent per accedens ad sanctitatem vt sic. Seito etiam, quod hominem esse consortem Diuinæ naturæ, nil aliud est, quàm esse eleuatum ad quoddam esse supremum, ratione cuius habeat ius ad visionem claram Dei, & eiusdem fruitionem. Esse filium adoptiuum Dei, & hæredem gloriæ Dei, idem sonat, ac esse constitutum in quodam esse supremo, ratione cuius homo habeat ius ad æternam hereditatem, seu claram visionem Dei, & eiusdem fruitionem. Esse gratum, seu amicum Dei consistit in eo, quod homo sit eleuatus ad tantam dignitatem, vt aliquo

quo iure ei debeat ratione talis dignitatis, ut à Deo ametur, non qualicumque amore, sed

amore illo, qui est proprius iustorum, seu eorum, quibus sit voluta æterna felicitas.

PROPOSITIO TERTIA.

Sanctitas creata non consistit in aliqua relatione.

Non vocamus in litem relationes rationis; quippe sanctitas est aliquid reale. Difficultas ergo est de relationibus Divinis; *utrum ille secundum quod distinguuntur ab essentia Divina, sint sanctitates?*

4. Nostra propositio est, quòd: *Relationes Divinae præcisè sumptæ non sunt sanctitates.* Ita dicendum in doctrina Scoti, qui docet quolibet 5. relationes illas non dicere perfectionem. Hinc, cum sanctitas sit maxima perfectio, deducitur, relationes illas non esse sanctitates. Monitos volo Lectores, propositionem nostram etiã defendi debere à multis, qui nō sunt de Nostratibus, scilicet à docentibus, humanitatē assumptam à Verbo Divino reddi sanctam tantum per naturam Divinam, minimè verò per substantiam Verbi.

Accedat probatio. Sanctitas in communi, si politivè sumatur, consistit in rectitudine affectus circa Deum, seu in reali, & physica coniunctione cum honestissimo fine, qualis est Deus, ut vidimus, agendo de sanctitate in communi: at coniunctio talis

est quid absolutum: ergo conceptus sanctitatis non convenit relationibus Divinis, &c. *Item.* Mundities ab omni errore, & defectu intellectuali non potest competere relationibus (aliàs relatio foret formaliter sapientia): ergo similiter mundities, & puritas ab omni labe peccati nequit convenire relationibus. *Item.* Relatio Divina nō est forma sanctificationis ex eo, quòd sit relatio: nam aliàs relatio omnium, etiam creata, foret sanctitas; cum conceptus relationis in communi participetur à relationibus creatis etiam. *Nec est sanctitas ratione infinitatis.* *Primo*, quia in rei veritate relatio Divina non est infinita. *Secundò*, quia aliàs omne infinitum foret sanctitas: hinc, cum attributa sint infinita in virtute, seu in perfectione, cuncta attributa forent sanctitates.

5. *Argumenta.* Quæ pugnant contra nostram doctrinam accipe. *Primum.* Quod est purum, pulchrum, & mundum, congruumque obiectum dilectionis Dei, est sanctitas: talis est personalitas Divina: ergo Divina personalitas

tas est sanctitas.

Præ respondemus in eo, quod aliud sit esse sanctum, purum, &c. & aliud esse sanctitatem, & puritatem. *Clarius.* Aliud est esse formam sanctificantem; aliud esse sanctum; sicut aliud est esse album, ut quod, aliud esse albedinem, seu esse rationem quæ res est alba. *Ad punctum* dico, tantum sequi, quod personalitas sit sancta, pura, munda, &c. non tamen concluditur, esse sanctitatem, vel rationem, qua res dicitur sancta: nam sapientia Diuina est formaliter sancta, pura, munda, &c. non tamen est ratio, qua res dicitur sancta; aliæ cuncta de Deo dicta, forent in Deo formæ sanctificantes, quod dicit nemo.

Secunda responsio. Personalitas formaliter sumpta nec est sancta, nec non sancta, nec pura, nec non pura; sicut de illis, auferimus, nec infinitate, nec finitate formaliter esse condecoratas. *Tertia responsio.* Accidentale est sanctitati in se, quod constituat subiectum diligibile, & habens sus ad gloriam: etenim de per se dicit esse coniunctionem per affectum cum nobilissimo, & perfectissimo fine, cuiusmodi est Deus. *Quarta responsio.* Et si pertineret ad rationem sanctitatis reddere subiectum congruum, & aptum speciali dilectioni Diuinæ; tamen non sequitur, quod relatio sit sanctitas; quippe, etiam reddat subiectum diligibile a Deo;

non tamen ea dilectione speciali, quæ est propria iustorum, sed generali quadam ratione, quæ scilicet Deus diligit id, in quo apparet aliqua perfectio; hac ratione Deus amore prosequitur hominem post peccatum, in quantum in eo durant habitus fidei, & spei; hoc etiam passio diligit rationabiliter iuxta id: *nihil odisti eorum, quæ fecisti, &c. vidit Deus cuncta, quæ fecerat, & erant valde bona.* Tandem ad argumentum dico, inde deduci immensitatem, & aternitatem Dei fore sanctitates, unde Deus foret sanctus immensitate, iustitia, æternitate, &c.

6 *Secundum.* Filiatio Diuina, constituit filium Dei: ergo filiatio est sanctitas: nam esse naturalem filium Dei, & non esse sanctum, repugnat. *Concedimus,* Verbum Diuinum esse sanctum, negamus tamen esse sanctum filiatione; dicitur ergo Verbum sanctum, quia ex vi suæ processionis communicatur illi naturæ Diuinæ, communicantur cunctæ perfectiones Diuinæ, ac proinde illi communicatur sanctitas Dei, & ab ista Verbum appellatur sanctum.

Tertium. Tertia persona, in quantum talis, est Spiritus sanctus: ergo est quid sanctum: ergo constituitur per sanctitatem; at constituitur per spirationem passiuam: ergo talis relatio est sanctitas: ergo, &c. *Pro responsione,*

sione, primò retorqueo argumētum hoc modo. Sapientia genita est persona Verbi: ergo est sapiens: ergo constituitur formaliter per sapientiam; at constituitur per filiationem: ergo filiationis est formaliter sapiētia; quod dicit nemoquē sapientia sit conceptus absolutus, & filiationis sit forma relatiua. Hinc sicut Verbum dicitur sapientia, seu notitia genita, non quia ratio constitutiua ipsius sit sapientia, seu notitia, sed quia ex vi processio- nis communicatur Verbo notitia essentialis declaratiua totius intelligibilis; ita à pari tertia persona dicitur Spiritus sanctus, non quia eius cōstitutiuum personale sit sanctitas, sed quia, cum producat per voluntatem, communicatur illi personæ amor essentialis Dei, quem amorem, dicam infra in fine n. 9. esse sanctitatem Dei. *Alia argu-*

menta vide n. 27. vsque ad trigésimum inclusivē.

Ex his accipe, non esse possibilem relationem creatam, quæ de se sit sanctificatiua: quippè si id denegaretur relationibus Diuinis, irrationabiliter concederetur relationibus creatis. Moneo tamen, quòd, accedente Dei fauore extrinseco, posset relatio creata sanctificare aliquo modo: etenim posset Deus ad positionem talis relationis condonare peccata, amare illum hominem, vel illi gloriam attribue- re, &c. Memento tamen ex supradictis, quòd talis sanctitas non foret perfecta sanctitas; huius ratio est: quia deficeret interior renouatio per susceptionem formæ sanctificantis animam, seu facientem animam physicè; & realiter vniri per affectum nobilissimo fini.

PROPOSITIO QVARTA.

Singula attributa non sunt sanctitates, nec sanctificant Deum formaliter.

7 **P**robatur. Singula attributa non tribuunt Deo formaliter esse sapientem: ergo nec esse sanctum. Consequentia probatur: nam sicuti sapientia est puritas ab omni defectu intellectu; ita sanctitas est puritas

ab omni defectu voluntatis iuxta Dionysium, & communem doctrinam, & sicut purificare intellectum non pertinet ad singula attributa, ita neque emundare voluntatem: quis enim Deum incapacem erroris in intellectu

fff

&

& peccati in voluntate ex eo quod est æternus, immensus, subsistens, &c. dicitur *Item*. Sanctitas primò, & per se importat rectitudinem affectus; sed recti-

tudo affectus non competit formaliter sapientiæ, aut omnipotentis, verbi gratia: ergo singula attributa non sunt formaliter sanctitates.

PROPOSITIO QUINTA.

Datur in Deo speciale attributum Sanctitatis.

3 **M**Oneo istud speciale attributum immediate cadere, seu afficere, non essentiam Deitatis, sed potètiâ eius, & non omnes, nec aliam præter voluntatem Diuinam. Dari in Deo voluntatem distinctam ab essentia Diuina formaliter, & ab actuali operatione volitiua, docui in primo. Peculiare attributum sanctitatis Diuinæ non esse hanc formalitatem potètiæ volutatis mediam inter Essentiam, & actualem operationem volitiuam, suppono; quippe potètiâ voluntatis vt sic non est sanctitas; tum quia puritas ab omni peccato non importat formalitatem potètiæ, vt sic, sed potius perfectionem superuenientem, & afficientem potètiâ. Est modò difficultas, *quanam sit ista perfectio superueniens voluntati Diuinæ, à qua Deus dicitur formaliter sanctus?*

Suppono, in Deo dari perfectionem amoris charitatiui, sui, & creaturarum; in Deo esse perfectionem amoris Diuini nega-

bit nemo; in Deo reperiri propriissimè, & perfectissimè virtutem voluntatis, quæ est charitas (excludo tamen accidentalitatem, & reliquas imperfectiones) docet Scotus. Videatur Suarez tom. 2. met. disp. 30. sessione 16.

9 **A**duerte, virtutem charitatis in nobis accipi dupliciter. Primò, prout est actus primus. Secundò, prout est actuale exercitium. Rursus charitas in actu primo accipitur dupliciter. Primò, prout abstrahit ab imperfectione, & importat præcisè proximam quamdam perfectionem ad diligendum Deum propter se, & alia propter Deum. Ista acceptio aliena est ab omni umbrâ imperfectionis, dicitur quæ perfectionem simpliciter cadentem supra potètiâ voluntatis, & priorem omni actu dilectionis. Secundò charitas in actu primo accipitur pro ipsa determinata inclinatione per modum accidentis, qualitatis, & habitus, &c. igitur in Deo propriissimè datur charitas in actu primo ab-

stra-

strata ab omni imperfectione, accidentis, & prout est precise quidam perfectio simpliciter. Hoc in sensu cum Scoto tribuimus charitatem Deo. Probatur: nam si potentia, & operatio denudatur ab imperfectionibus, & sic attribuuntur Deo; cur non dicemus idem prorsus de habitu charitatis? *Supposito igitur*, quod in Deo est constituenda charitas tam in actu primo, quam in actu secundo; non erit difficile declarare, in quo consistat sanctitas formalis, quæ est speciale attributum Dei afficiens, & veluti cadens supra formalitatem potentie voluntatis Diuinæ. Hinc

Dico: quod hoc attributum est Charitas, & amor Dei, quo seipsum amat. Probatur: nam si sanctitas formalissima consistit in omnimoda puritate affectus, quæ positivè est adhesio, & coniunctio cum ultimo fine honesto, inferitur manifestè, quod amor ille, quo Deus amat se, sit formaliter sanctitas, cum sit firmissima adhesio, seu coniunctio cum ultimo fine diligibili. *Rursus*. Amor ille, cum sit attributum Dei, sequitur, quod speciale attributum Diuinæ sanctitatis positum sit in prædicto amore.

10 Insuper dico: quod hoc attributum speciale non est sola Charitas in actu primo, nec sola in actu secundo, sed utraque.

Probatur. in Deo datur verè charitas in actu primo, ut sup-

posui; ista etiam charitas est rectitudo voluntatis Diuinæ, & veluti vis adherendi, & coniungendi se cum ultimo fine honesto; & cum ea charitas sit infinita in suo genere, erit rectitudo, & vis ad hæc sua ultimo finis; erit ergo infinita sanctitas. Probatur: nam sanctitas ut sic consistit in ea rectitudine, & adhesionis, & coniunctione cum Deo. *Item*. Si sanctitas importat necessariò impeccantiam, seu expulsiōem culpæ; quæ alia forma melius tribuit Deo sanctitatem, quam ipsa rectitudo in actu primo, relegans, & procul expellens omnem impuritatem, peccati? Quod actus amoris, quo Deus diligit se, sit attributum sanctitatis. Probatur: quoniam huiusmodi actus est formalis rectitudo; & coniunctio cum ultimo fine, ex qua positiva ratione non minùs sequitur expulsiō omnis culpæ, quam ex simili ratione, positiva reperta in charitate, veluti habituali, quam etiam tribuimus Deo: ergo prædictus amor est sanctitas formalis Dei, non minùs, quam charitas. *Tota assertio* probatur ex D. Dionysio: sanctitas Dei formalis convenit amanti Diuino, quo Deus amat se, & iuxta doctrinam superpositam; & amor ille Diuinus est duplex; unus quasi qualitas habitualis, & alius quasi qualitas operatio, & non est maior ratio, cur sanctitas cadens supra voluntatem Dei sit amor ille.

positius, quàm ille, cum uterque sit rectitudo infinita, & coniunctio cum honestissimo fine. *Iste dux sanctitates tales sunt,*

quòd si per impossibile una separaretur ab alia; adhuc illa altera remanens constitueret Deum sanctum.

PROPOSITIO SEXTA:

Deitas, prout præscindit ab omni attributo, non est Sanctitas.

P Robatur. Sanctitas ad aures *D. Dionysij* est puritas, & mundities ab omni labe peccatis; sed Deitas, est omnino sanctissima, & purissima ab omni labe, non tamen est puritas, & mundities, *ut quo*, ergo non est forma sanctificatiua Dei. *Confirmatur*: nam etiam si Deitas sit purissima, & libera ab omni defectu intellectus, *ut quod*; ipsa tamen secundum se non est puritas, & mundities *ut quo* à tali defectu: ergo quavis Deitas sit purissima ab omni defectu voluntatis; tamen in se non est pu-

ritas *ut quo* à tali peccato. *Item*. Si sapientia, & puritas intellectus est coniunctio cum summo intelligibili, ita sanctitas est puritas, & coniunctio per affectum cum ultimo fine honesto: ergo sicut Deitas non est rectitudo, & coniunctio cum summo intelligibili; & ita non est puritas ab omni errore, & defectu intellectus; ita etiam, cum Deitas non sit formalis coniunctio, & adhuc per affectum cum honestissimo fine, concluditur, quòd Deitas in se non sit formaliter sanctitas sanctificans Deum.

PROPOSITIO SEPTIMA.

Si unio hypostatica esset in se sanctitas formalis, sanctificaret naturam creatam hypostaticè unitam in genere causæ formalis.

P Robatur. Forma unita subiecto proprio, neces-

sario tribuit illi effectum formalem positivum primum, quibus

lis est esse positivè sanctum, scilicet esse contrarium omni maculæ peccati. Vnde cum vnio sit forma intrinsecè afficiens, & realiter inherens naturæ humanæ unitæ, necessariò, & formaliter sanctificabit ex suppositione, quòd talis vnio sit vera, & formalis sanctitas in seipsa. *De falso autem*

- 13 Dicendum est: *Quòd vnio hypostatica non sanctificat formaliter naturam humanam assumptam.*

Probatur primò, quia talis vnio non est ex natura sua forma sanctificans, probatur hoc: non est ex natura sua expulsiua peccati: ergo nec sanctificatiua; consequètià pater; quia esse sanctum, ex communi voce, negat peccatum. Antecedens ita ostendo. Expulsiuum peccati debet ex natura rei habere repugnantiã cum peccato; talem repugnantiã non habet vnio cum peccato: ergo vnio non facit propriè, & intrinsecè sanctum. Minor probatur: ea tantum propriè habent physicam, & realem repugnantiã inter se, quæ sunt formæ, vel quasi formæ sibi inuicem oppositæ; quatenus scilicet vna earum in suo præciso, & adæquato cõceptu negat aliam, vel quatenus vna aliam expellit ab eodẽ subiecto, in quo recipitur; sicut calor, & frigus sese expellunt: at vnio hypostatica comparata ad peccatum ita non se habet: ergo, &c. Minor probatur primò quoad primum mo-

dum repugnantiz. Vnio hypostatica præcisè dicit solummodo nudam terminationem humanitatis in ratione subsistentis: at hoc formaliter non importat negationem peccati: ergo, &c. *Item*, quòd vnio non sit negatio peccati, sicut lux est negatio tenebrarum, patet: quia aliàs vbi non esset peccatum, foret vnio hypostatica, sicuti vbi non sunt tenebræ, adest lux: at multi sunt homines sine peccato, in quibus tamen minimè reperitur vnio hypostatica: ergo, &c. Vnionem, & peccatum non se expellere ab eodem subiecto, sicut calor, & frigus, suadetur ex eo, quòd vnio habet pro subiecto humanitatem, peccatum verò voluntatem, quæ duo in schola Thomistica realiter, in Scotica formaliter distinguuntur. *Item*. Opposita spectant ad idem genus: etenim opposita ea sunt, quæ sub eodem genere maximè distant: at vnio est generis supernaturalis; peccatum non ita, quinimò est generis moralis: ergo, &c.

- 14 *Probatur secundò*. Oppositio ex natura rei in doctrina Philosophi est quadruplex; contraria; relatiua, contradictoria, & priuatiua: at vnio nullo ex assignatis modis opponitur peccato: ergo, &c. Minor probatur. *Primò*, non opponitur contrariè, utpotè talis oppositio expostulat; vtrumque extremum esse positivum reale, & peccatum est pri-

natio. *Secundò*, non opponitur relatiuè: quia talis oppositio dicitur, extrema esse relatiua: ut vnio in Schola, quam impugnamus, est modus substantialis; in Schola autem Scoti, licet vnio sit relatio, tamen peccatum est priuatio, & non relatio: ergo peccatum, & vnio hypostatica non opponuntur relatiuè. *Tertiò*, non datur inter illa oppositio contradictoria; utpotè hæc est inter extrema, quorum vnum sit entitas positiua, & aliud negatio: ac vnio non est negatio, nec peccatum est negatio vnionis, sed est priuatio rectitudinis oppositæ, &c. *Quartò*, non opponuntur ista duo priuatiuè: etenim peccatum non est priuatio vnionis, sed rectitudinis debita in esse: ergo nulla datur oppositio inter vnionem, & peccatum: ergo vnio non est formaliter sanctitas.

- 15 *Probatnr tertiò*. Si vnio hypostatica redderet humanitatem sanctam ex propria ratione vnionis; sequeretur, Deum non posse velle destruere illam humanitatem, nisi primò destruere vnionem hypostaticam, quod tamen esse falsum, ex eo patet, quod nulla apparet repugnantia in eo, quod dicamus, Deum posse æquè primò destruere vnionem, & humanitatem. Sequelam ita probo. Si vnio hypostatica redderet hominem sanctum ex propria natura: ergo Deus necessariò diligeret huma-

nitatem, habentem illam vnionem; consequentiam concedunt aduersarij. Nunc ita argumentor. Nequit Deus velle destruere humanitatem, quam necessariò diligit (implicat, me absolute velle alicui simpliciter bene esse, & simul velle, cum non esse): ergo. si Deus necessariò amat humanitatem habentem vnionem, ea necessitate vult Deus illi humanitati bene esse: ergo non poterit velle non esse, quod tamen est falsum: utpotè Deus libere cõseruat humanitatem, & vnionem.

- 16 *Dices*, Deum posse de potentia absoluta eleuare vnionem hypostaticam ad sanctificandum: ergo verisimile est, Deum de facto ita fecisse. *Negatur*, quod assumitur; quia, cum in Christo sit gratia habitualis, ab ista sanctificabitur humanitas: nulla ergo est necessitas recurrendi ad eleuationem vnionis hypostaticæ. *Dices* ex Cardinali de Lugo, Christum sanctificari per gratiam habitualement, & etiam per vnionem, vel aliud Diuinũ; vnde Christus erit sanctus duplici sanctitate. *Contra*; quia nulla est necessitas illius duplicis sanctitatis.

Dices. Non potest intelligi vnio hypostatica in humanitate, quin humanitas reddatur sancta: ergo vnio hypostatica est forma sanctificans. Antecedens probatur statim ac intelligitur vnio in humanitate, statim

tim scimus, Deum illi communicasse aliquod infinitè gratum Deo: ergo signum est, humanitatem esse redditam sanctam per vnionem hypostaticam. *Negato antecedente*, ad probationem conceditur, quod ibi assumitur, negatur tamen consequentia: nam etiam Deus manenet in peccatore fidem, & spem, quæ sunt dona supernaturalia; cum tamen inde non sit licitum inferre: ergo Deus diligit peccatorem amore illo, qui dat ius ad vitam æternam, & facit filium Dei adoptiuum: Amor ergo ille est alterius rationis ab amore debito filijs adoptiuis Dei.

- 17 *Dices*. Gratia habitualis reddit hominem sanctum ex eo, quia est participatio Diuinæ naturæ: at vnio hypostatica plus accedit ad Diuinam naturam: ergo, &c. *Respondeo*, gratiam non sanctificare ex propria natura, sed tantum moraliter, scilicet ex ordinatione Diuina, quam Diuinam ordinationem non legimus de vnione hypostatica.

Dices, esse congruentiam, ex qua debemus colligere, Christum esse sanctificatum per vnionem, & consequenter vnionem esse eleuatam ad dignitatem formæ sanctificantis. Probatur hoc. Primo, quia Christus sanctificaretur à forma digniori. *Adde*, quod hoc facit ad maiorem honorem

Christi. *Respondeo*, nos habere congruentiam efficaciorē ad dicendum, quod vnio hypostatica minimè sit eleuata ad dignitatem formæ sanctificantis. Congruentia nostra est; quia homines, qui sunt membra Christi, fiunt sancti per gratiam habitualement: ergo cum congruū sit, caput influere membris influxum, quem in se habet; si homines sanctificātur per gratiam habitualement, idem est dicendum de Christo. Discursus fundatur in illo celebri dicto D. Ioannis apud Euangeliorum caput primum n. 16. *de plenitudine eius nos omnes accepimus*.

Tale sit argumentum. Quod accipitur de plenitudine alicuius fontis, debet esse eiusdem rationis quoad entitatem cum eo, quod replet fontem. Hinc aqua deriuans in riuium à fonte, est eiusdem rationis cum aqua fontis: at Christus est fons nostræ iustificationis; hinc ille dicitur *nostra iustificatio, nostra redemptio*. &c. ergo nostra iustificatio est eiusdem entitatis cum sanctitate Christi; subinfero: at nos sumus sancti, & iusti per gratiam habitualement: ergo idem dicendum de Christo. *De hoc, scilicet, quod vnio hypostatica non sanctificet naturā humanā assumptā*, vide n. 24. & sequentibus, ubi iterum probatur, &c.

PROPOSITIO OCTAVA.

*Si Deitas in se foret sanctitas respectu Dei, non posset
tamen reddere sanctam naturam creatam
assumptam.*

Prima pars probatur. Diuinitas nulla ratione potest esse forma sanctificans humanitatem: ergo humanitas hæc non potest sanctificari formaliter per Deitatem: nam tunc Diuinitas informaret animam; quod Diuinitatem posse facere, dicit nemo. *Vergetur difficultas:* nam si implicat, naturam humanam constitui formaliter Deum, aut Diuinam per Deitatem, repugnabit etiam, quod constituatur formaliter sapiens, omnipotens per sapientiam, omnipotentiam, &c. & à simili implicabit, eam constitui formaliter sanctam per Deitatem, aut per hoc aliud, aut per aliquod aliud, quod sit realiter Deus. *Sic tale argumentum.* Omnia attributa tantam simplicitatem, & identitatem habent inter se realiter, & cum natura Diuina, ut implicet, quod cui vnum verè, & realiter communicatur, non communicentur reliqua omnia; sicut implicaret, vnionem realem fieri in natura, & non in attributis, aut in vno attributo, & non in alio: ergo si humanitati com-

municatur, ut forma, Deitas, aut attributum sanctitatis, idem dicam de attributis sapientie, omnipotentie, &c. ac proinde natura creata erit formaliter sapiens, & omnipotens, sicut esset formaliter sancta. Idem etiam sequeretur, si daremus, vnum attributum posse realiter communicari sine altero: nam tunc, cur non diceretur natura creata sapiens, vel omnipotens, sicut modò conceditur sancta per communicationem specialis attributi sanctitatis?

19 Respondens, hunc modum sanctificationis, prout deriuatur in humanitatem à Deitatis forma, vel ab attributo speciali Diuinæ sanctitatis, esse effectum non physicum, sed moralem, & consistere in respectu quodam extrinseco. *Ita Vasquez 3. par. disp. 41. cap. 4. numero 24.* vnde, cum sanctificatio cautata in humanitate ex vi vnionis non sit physica, & realis, sed moralis dumtaxat, & extrinseca, sine inconuenienti potest tribui Diuinitati, vel attributo sanctitatis, tantquam formæ. *Lorca multis rationi-*

tionibus insurgit contra. *Primò*, quia sanctificatio moralis inaudita est Theologis, nec potest concipi, aut explicari. *Secundò*, videtur contraria Concilio Tridentino, & Patribus Ecclesie docentibus, sanctificationem consistere in interiori hominis renouatione. *Tertiò*, quoniam sanctificatio moralis, & extrinseca non potest non esse relatio rationis, vel determinatio extrinseca, ac proinde erit inferior ad sanctificationem, qua de lege communi sanctificantur homines, & consequenter sanctificatio Christi esset inferior ad nostram sanctificationem: sanctificamur enim nos per sanctificationem, quæ est forma realiter, & physice, & nobis inhærens intrinsece, & melius est esse sanctum per sanctitatem intrinsecam, & realem, quam per denominationem extrinsecam. *Tandem*, aliàs forma sanctificans humanitatem assumptam non esset Deitas, vel attributum Dei, sed potius relatio rationis, aut denominatio extrinseca. *Adde*, quòd si humanitas esset formaliter sancta moraliter, & extrinsece in sensu explicato ex vi unionis, sequeretur, idem posse dici de sapientia, omnipotentia, &c.

30 *Turrianus opusculo 6. disp. 10.* dicit: sensum illius propositionis, scilicet, *Divinitas moraliter sanctificat humanitatem per denominationem, aut respectum extrinsecum*, significare, quòd Divini-

tas non sit forma accidentalis; reuera tamen humanitas sanctificatur ex vi unionis, non à forma extrinseca, sed ex natura rei à realitate verè, realiter, & intrinsece vnita, licet non sit forma informans.

Ista doctrina mihi non probatur: nam quamvis concedatur in doctrina Scoti, quòd de potentia Dei absoluta possit homo iustificari sola denominatione morali proveniente ex extrinseca acceptione voluntatis Divine; nihilominus sanctitas illa isto in casu diceretur sanctitas imperfecta, quæ tantum consisteret in exclusione culpæ sine positiva puritate, & munditia, & contrarietate cum macula peccati. Nos autem putamus, Christum esse sanctum per positivam sanctitatem, & munditiam còtrariam maculæ peccati. *Sit tale argumentum*: Secundum Turrianum humanitas est verè, & intrinsece sancta per Deitatem taliter, quòd ipsa Deitas realiter vnita humanitati sit eius formalis sanctitas: ergo idem possemus dicere de denominatione reali sapientis, omnipotentis, æterni, &c. & consequenter sicut humanitas est intrinsece sancta à sanctitate sibi realiter vnita, erit etiam intrinsece æterna, sapiens, omnipotens, &c. ab æternitate, omnipotentia, sapientia, &c. quæ sunt realiter coniuncta.

21 *Dices*; humanitas verè deificatur;

G g

catur;

catur; sed deificatur à Deitate, tanquam à forma: ergo ab eadem formaliter sanctificatur. *Respondetur*; deificationem non esse sanctificationem formalem, si rigorosè loquamur. *Præterea*, si deificatio est sanctificatio, potius concedere debent, quòd humanitas deificetur ab vnione hypostatica, tanquam à forma, & à Deitate, tanquam à terminò. *Dices*. Anima nostra est iusta, quia habet sibi coniunctam sanctitatem; sicut paries dicitur albus, quia habet sibi inexistentem albedinem: ergo, cum anima Christi habeat sibi physicè

vnitam sanctitatem, ab illa sanctitate dicitur humanitas sancta. *Vrgo difficultatem*: Deus est sanctus per Deitatem; ergo, cum Deitas sit vnica humanitati, poterit humanitas dici sancta à Deitate. *Respondetur primò*, nos in propositione sexta iam probasse, Deitatem in se non esse, formaliter sanctitatem Dei. *Secundò*. Nè sanctitas Christi sit inferior ad sanctitatem nostram: debet esse aliquod intrinsecum; non enim potest comunicari illi sanctitas à Deitate; etiam si Deitas foret sanctitas.

PROPOSITIO NONA.

Si relatio personalis esset sanctitas formalis, non posset constituere formaliter sanctam, humanitatem.

31 **P**ROBATUR. Deitas, vel attributum sanctitatis non potest physicè, & realiter sanctificare humanitatem assumptam, ut concedit *Pater Lorca*, & probatum est superiori propositione: ergo, si relatio personalis foret in se sanctitas, per istam minimè sanctificaretur humanitas. Consequentia probatur: nam, sicut Deitas, aut attributum nò inhæret humanitati, neque vnjitur, tanquam forma; ita neque relatio. *Item*. Si relatio sine in-

formatione posset vniri humanitati, idem dicerem de Deitate, & quocumque altero attributo. *Addè*, quòd illa, quæ sunt realiter identificata, ita se habent inter se, quòd cui communicatur realiter vnum, communicatur etiam realiter aliud: ergo qua ratione vniretur relatio, eadem ratione vniretur Deitas, &c.

Dices, non valere paritatem de relatione personalitatis, & de Deitate, vel attributo sanctitatis:

tatis: nam personalitas vnitur realiter, & immediatè; Deitas verò, vel attributum solum vnitur mediatè. *Contra*: nam in opinione *Loræ*, & *Thomistarum* relatio, & Deitas sunt omnino idem realiter, & solum per intellectum nostrum distinguuntur: ergo mediatio Deitatis ad humanitatem, cui vnitur ipsa humanitas solum est per positam considerationem, & re ipsa non minus vnitur Deitas, quam relatio. *Secundò*; quantumuis Deitas se ipsa vnatur mediatè, tamen realiter est vnita humanæ naturæ; hoc autem sufficit ad sanctificandam hanc humanam naturam. Hoc sic probo

- 23 *Suppositum* Verbi in sententia *Loræ* potest sanctificare potentiam animæ, & mundare à peccato voluntatem, si antecederet ad assumptionem præfuisset peccatum in humanitate; & tamen suppositum vnitur voluntati tantum mediatè: ergo Diuinitas, vel attributum sanctitatis potest habere effectum formalem in humanitate, quamuis isti non vnatur immediatè; solum, quia intercedit realis vnio Diuinitatis, vel attributi ad humanitatem: dicendum igitur est idem prorsus, ac de Diuinitate respectu humanitatis, ac de personalitate respectu eiusdem. Hinc (meo iudicio) inter varios modos, quibus Authores nobis contrarij explicant sanctificationem humanitatis ex vi vnio-

nis ad Verbum, probabiliore est modus ille dicendi Recentiorum affirmantium, naturam vnitam naturæ Diuinæ sanctificari formaliter solo modo vnionis. *Ratio est*: quia Diuinitas, personalitas, attributum, vel persona Dei non possunt vniri per modum formæ intrinsecè humanitati assumptæ, secus autem relatio vnionis. Et sic probabilius est dicere, relationem istam esse sanctitatem humanitatis, quam Diuinitatem, vel aliud Diuinum.

- 24 *Vnionem de facto non sanctificare humanitatem assumptam*; probaui supra n. 13. & sequentibus varijs rationibus. *Illis adde*. Si natura creata esset formaliter sancta ex vi vnionis ad personam Diuinam, id esset ex eo, quod Deitas, personalitas, aut persona ipsa, attributum sanctitatis, aut vnio creata sanctificarent illam naturam: sed ista enumerata non sunt sanctitates formales, vt statui-mus in propositionibus antecedentibus; & quamuis essent sanctitates formales, non possent sanctificare, vt forma naturam creatam; & attributum, licet sic sanctitas formalis, repugnat, quod vnatur naturæ creatæ, tamen quàm forma, vt supra, &c. ergo, &c. *Adde*, quod sanctitas consistit secundum *Dionysium* in coniunctione per affectum cum vltimo fine summè diligibili: vnio autem non est coniunctio per affectum; sed solum facit, quod

natura humana subsistat per subsistentiam Verbi: ergo vnio hypostatica non esset sanctificans humanitatem.

- 25 *Dices.* Vnio hypostatica, etiã ratione sui, est donum excellentius, quã gratia habitualis: sed gratia habitualis sanctificat: ergo etiam vnio hypostatica est forma sanctificans. *Respondetur,* gratiam non habere facere sanctum ex eo, quod sit plus, minusve perfecta: nam in Scholasticis, gratia sanctificat ex Diuina ordinatione; vnde maior, vel minor perfectio non faciunt ad rem presentem. *Replicabis:* est multorum opinio, quod humanitas, vt præcisè includit vnionem hypostaticam, reddatur in se adorabilis propter sublimem excellentiam vnionis: ergo si vnio hypostatica potest recidere humanitatem adorabilem, valebit & etiam reddere illam sanctam. *Respondetur,* adorationem non probare efficaciter sanctitatem illam; quæ datius ad æternam felicitatem, & vt constitutiua filiorum adoptiuorum Dei: etenim Crux adoratur; nec tamen Crux est sancta sanctitate, illa, qua sunt sancti filij Dei adoptiui, sed solum dicitur sancta sanctitate extrinseca, illa scilicet, quæ facit subiectum dignum cultu, & honore.

- 26 *Dices.* Id nos sanctificat, per quod efficiamur consortes Diuinæ naturæ: at per vnionem hypostaticam humanitas efficitur

consors Diuinæ naturæ: ergo per vnionem hypostaticam humanitas sanctificatur. *Urgeo argumentum:* gratia sanctificat pro quanto est inexistens subiecto, illi affert fauorem Dei, & acceptionem in amicitia: sed vnio hypostatica affert realiter Deum ipsum, quod est plus: ergo vnio hypostatica sanctificat.

Pro responsione moneo, quod esse consortem Diuinæ naturæ facit duplicem sensum. Sumitur primò pro consortio, quo iusti per gratiam efficiuntur consortes Dei. *Secundò* sumitur pro posse recipere per communicationem idiomatum prædicatam Diuinæ naturæ. *Ad argumentum nunc dico,* quod per vnionem hypostaticam non efficitur humanitas particeps Diuinæ naturæ ea participatione, quæ est propria iustorum: Etiam posset Deus assumere naturam Luciferi, quo in casu natura illa diceretur filia Dei, non filiatione, quæ est propria iustorum (non enim illi foret debita Beatitudo): sed diceretur filia Dei, quia per communicationem idiomatum reciperet prædicatam naturam Diuinam. Hac doctrina sit satis ad argumentum.

- 27 *Dices.* saltem personalitas Verbi poterit sanctificare humanitatem: est enim sanctitas; & sanctitas ex *D. Dionysio lib. de Diuinis nominibus cap. 12.* ita definitur: *sanctitas est ab omni scelere libera, perfecta quæ, ac ex omni par-*

te incontaminata puritas: at nemo dicit, personalitatem Verbi non esse ab omni scelere liberam, & omni ex parte incontaminatam puritatem. *Huic argumento iam fuit à nobis responsum supra, ubi notabamus, quòd personalitas Verbi, secundum quod erat formaliter cōtradistincta ab omni alio prædicato Dei, nec erat incontaminata puritas, nec contaminata. Fundo istam respon- sionem in Scoto, qui in 1. dist. 2. quest. 7. loquens de spiratione actiua, ait: illam formaliter consideratam nec esse necesse esse, nec non necesse esse, sicut quolib. 5. asserit, personalitates formaliter considera- tas nec esse infinitas, nec finitas. Scoti mortuum inter reliqua vnum tale est, scilicet, quòd ne- queant dari tria infinita realiter distincta, quod tamen sequeretur, si personalitates forent infi- nitæ. Eodem discursu vtor & ego in casu præsentis: nequeunt dari tria infinita realiter distin- cta: ergo personalitas Verbi nō est formaliter sanctitas.*

28 *Explico argumentum: sanctitas dicit perfectionem, in Deo nulla finitas reperiri potest: ergo si personalitates in Diuinis sunt sanctæ, dicunt perfectionem non finitam: ergo cū personalitas Patris, personalitas Verbi, & personalitas Spiritus sancti dis- tinguantur realiter, darentur tria infinita realiter distincta. Hinc dico, quòd sicut persona- litas Verbi in nostra Schola, nec*

est finita, nec infinita, nec necesse esse, nec non necesse esse, sed contingens; ita personalitas Verbi formaliter cōsiderata nec est contaminata, nec inconta- minata, nec sancta, nec non san- cta, sed de se præscindit ab am- bobus, sicut de se præscindit à necesse esse, & ab esse contingent- ti, ab infinitate, & à finitate.

29 *Dices, quòd talia prædicata sunt contradictoria: ergo vnum eorum debet conuenire perso- nalitati. Respondeo, nullam hic dari contradictionem: nam talis expostulat capacitatem in sub- iecto; personalitas autem sicut in se non est capax formaliter finitudinis, nec infinitudinis, ita nec est in se formaliter capax contaminationis, vel inconta- minationis. Dices, Illud est san- ctum, quod ex se petit adoratio- nem Latræ; personalitas est ta- lis, vt patet in præfatione Missæ de Sanctissima Trinitate, in qua vniuersalis Ecclesia tribuit ad- orationem Latræ ipsis personali- tatibus, seu proprietatibus: er- go. Respondetur primò, persona- litates fortè adorari, propter rea- lem identitatem, quam habent in Diuina essentia. Secundò dico nō valere argumentum ab ad- oratione ad sanctitatem: nam, crux Christi est adoranda: Corpus Christi separatim in triduo ab anima, erat adorandum; ne- trum tamen ex istis erat sàctum ea sanctitate, quæ dat ius ad æternam felicitatem, & quæ cō- stituit*

stunt filios Dei; de qua procedit nostra difficultas.

- 30 *Replicabis.* Quidquid intrinsecè, & formaliter est Diuina entitas, illud est sanctitas: personalitas Diuina est Diuina entitas: ergo personalitas Diuina est sanctitas. *Pro responsione* videantur, quæ diximus n. 11. ubi demonstrauiamus, Deitatem non esse in se formaliter sanctitatem; vnde non valet arguere à conceptu Diuinæ entitatis in se ad sanctitatem in se. *Adde*, quod personalitates in se spectatæ nec sunt Deus, nec sunt non Deus: sunt ergo tantum personalitates personarum Diuinarum. Hinc formaliter consideratæ non debent dici Diuina entitas; sicut nec dicuntur finitæ, vel infinitæ; necesse esse, vel non necesse esse. *Nota curiosè*, quod, si personalitates forent realiter distinctæ à natura Diuina, non eleuentur ad esse Diuinum; quod ergo eleuentur

ad esse Diuinum, habent ob realem identitatem cum natura Diuina.

Replicabis: personalitas Verbi constituit hominem filium Dei: ergo est sanctitas: quippe forma constituens filium Dei non potest non esse sanctitas. *Respondetur*, duplicem esse filiationem Dei; vna est filiatio iustorum, quæ datius ad Beatitudinem; & de hac sanctitate loquitur nostra propositio; altera est, quæ dicitur facere filium pro quanto facit ratione communicationis idiomatum, talis natura recipit prædicationes Dei; hæc non est sanctitas, de qua discutamus: nam hæc posset esse in Dæmone: cum in sententia probabiliori Deus posset assumere naturam Dæmonis. Patet ergo, argumentum nullius esse valoris contra nostram propositionem.

PROPOSITIO DECIMA.

Humanitas Christi fuit sanctificata sanctitate substantiali per ipsam unionem hypostaticam, & substantiam Verbi.

- 31 **P** Robatur primò ex Patribus. Nazianzenus oratione 2. de Paschate. Perfectus autem

fuit (inquit) non modò propter Diuinitatem, qua nil est perfectius, sed etiam propter humanitatem Diuinam.

sanctitate delibutam; itemque affectam quoad id, quo peruncta est. Damascenus lib. 3. cap. 3. Ipse enim, inquit, seipsum unxit, ungens quidem ut Deus, unctus autem ut homo: nam ipse est hoc, & illud; siquidem est unctio humanitatis. Idem autem est, humanitatem esse delibutam, & unctam Deitate, ac esse sanctam substantialiter ipsa Deitate.

- 32 *Atcedat ratio.* Nil aliud est esse formaliter sanctum sanctitate substantiali, quam habere unionem substantialem ad ipsam sanctitatem insinitam Dei; sicut nil aliud est humanitatem subsistere substantialiter in Verbo, & esse deificatam, quam uniri substantialiter Verbo, & Deitati: ergo quandoquidem uniat sic sanctitati substantiali, erit humanitas sancta substantialiter.

Dices primò. Si unio substantialis redderet naturam substantialiter sanctam, hoc præstaret etiam naturæ irrationali, si talis assumeretur sed hoc videtur absurdum: quia sic natura irrationalis esset sancta. *Respondetur,* concedendo sequelam maioris; nec aliquid absurdi sequitur ex eo, quod natura irrationalis esset sancta substantialiter; imò de facto corpus fuit sic sanctum in triduo mortis, in quo tamen triduo non fuit natura rationalis. Nec hoc mirum videri debet: nam licet vasa sacra, calices, & aliæ res creatæ Deo con-

sacratæ dicuntur sanctæ propter coniunctionem, quam cum Deo habent; ita natura substantialiter unita Deo debet dici substantialiter sancta propter talem coniunctionem substantialem.

- 33 *Dices secundò:* Alia attributa uniuntur humanitati, ut intellectio, volitio, immensitas, omnipotentia, &c. quæ tamen non communicant illi effectum suum formalem: ergo ex eo quod sanctitas Divina uniat ipsi, non sequitur, quod sit sancta substantialiter. *Respondetur,* negando consequentiam: nam, ut dicatur sancta, sufficit talis unio, sicut sufficit, ut dicatur deificata, & subsistens; ut autem diceretur intelligens, aut volens intellectione, & volitione Divina, requireretur, ultra unionem hypostaticam, quod intellectio, & volitio Divina communicarentur intellectui, & voluntati animæ Christi alio speciali modo, quo mediante posset per illas formas intelligere, quod fieri nequit: si etiâ diceretur immensa, & omnipotens, deberet ipsa esse ubique, & posse facere quodcumque, quod non repugnat. *Confirmatur* hæc responsio: nam, quemadmodum coniunctio accidentaliter, & moralis Dei cum rebus creatis, etiam inanimatis, sufficit, ut tales res dicantur sanctæ, & sanctæ accidentaliter; ita unio substantialis Dei cum creatura potest sufficere, ut creatura

illa dicatur substantialiter
sancta, quamvis non sufficiat,

ut dicatur immensa; & omni-
potens.

PROPOSITIO VNDECIMA.

*Subsistentia Divina respectu naturæ humanæ
debet dici gratia.*

34 **H**anc subsistentiam inter
gratias enumerādam,
& verè dici debere gratiam, ip-
sius gratiæ definitio docet, quæ
aliud non est, quàm donum, seu
beneficium alteri concessum sine ul-
lo merito; quod autem maius be-
neficium, quod excellentius do-
num potest Deus conferre ho-
mini, quàm subsistentiam soli
Christo homini concessam? Hæc
gratia non est qualitas, aut ali-
quod aliud accidens, imò nec
res creata; propriè enim est ipse
Deus vnitus hypostaticè, & se-
substantialiter exhibens homini
Christo à se assumpto. Scimus
autem ex 4 sententiarum, esse quā-
dam gratiam substantialem, quæ

est ipse Deus, & Christus Salua-
tor noster. Hinc colligunt Theo-
logici, Eucharistiæ Sacramen-
tum alijs Sacramentis præcelle-
re; quòd Eucharistia possidet
substantialem gratiam, Chri-
stum videlicet Deum; alia verò
Sacramenta, accidentalem dum-
taxat; si substantialis est gratia
hæc, non potest esse inhærens,
cùm inhærentia sit accidenti so-
li propria; non est quoque infor-
mans, quia nulla est in Christo
compositio ex vi humanitatis
cum Diuinitate, quæ tamen
compositio esset necessariò ad-
mittenda, si hæc unio fieret per
informationem.



PROPOSITIO DVODECIMA.

*Habuit Christus gratiam iustificantem accidentalem
inherentem, & informantem, ex ipso primo in-
stanti suæ conceptionis, posterius tamen
natura, quàm facta sit unio.*

35 **S**I vera esset eorum sententia, qui putant, gratiam vnionis in Christo fuisse gratiã sanctificantem non solum efficiuẽ, sed etiam formaliter, nulla suppeteret ratio, qua roboramus, præter gratiam vnionis, esse in Christo aliam gratiam, gratum facientem, quæ esset accidens inherens animæ Christi; sed quia nobis non probatur illa sententia, cogimur locum dare huic gratiæ accidentali, quã propterea statuimus, vt habeat causam suum effectum; similes efficiuntur iusti Christo: sumus autem iusti, per gratiam inherenter: ergo nè claudicat similitudo nostra cum Christo, debet ille iustus esse iustitia, & gratia inherente, & informante. Illud indicant omnes textus Sacræ Paginæ, quibus docemur, de plenitudine gratiæ Christi nos omnes accipere. *Item.* Nos esse coheredes Christi, & Dei filios; imò si omnis perfectio supernaturalis, nullam inuoluens imperfectionem, est admittenda

in Christo, nè minus aliquid videatur habere, quàm nos; cum gratia inherens sit magna perfectio in anima, debuit anima Christi tali perfici accidentali gratia; pro primo enim instanti tẽporis, quo cõceptus est Christus, & vnitus cum Verbo Diuino, hanc gratiam accepit, eamque vsque ad mortem seruauit, seruaturque adhuc. Si non potuit causa esse sine suo effectu, eodem instanti temporis debuit esse unio, & gratia hæc accidentalis, nequẽ vlla ratio fingi, aut excogitari potest, qua huiusmodi gratia debuit differri in aliud tempus; imò, cum in ipso conceptionis puncto fuerit filius Dei, debuit ex tunc eam habere. De prioritate naturæ est aliqua controuersia: *an videlicet ordine natura prior fuerit unio, quàm gratia inherens; vel an præcesserit gratia vnionem?* Sed apud nos iam iudicata est res, prout supra ostendimus. Et quidem si rem oportet prius esse secundum omnem essendi modum, qui est

H h h com-

competit; antequàm aliquod suscipiat accidens, & Christus homo non subsistat, nisi per unionem, quia non subsistit in se,

sed in Verbo, non potuit Christus aduentitiam suscipere gratiam, priusquàm vniretur.

PROPOSITIO TERTIADECIMA.

Gratia Christi fuit eiusdem speciei cum gratia iustorum quoad Essentiam gratia, licet posset dici alterius quoad modum habendi.

36 **P**Robatur primò, quia nulla est ratio, cur gratiam Christi ponamus alterius speciei; nam Scripturæ, quæ gratiam fuisse in Christo significat, solummodò de ea loquuntur, quo modo loquuntur de gratia iustorum; neque constat nobis, aliquem effectum habuisse sic Christi gratiam, quem non possumus referre in gratiam eiusdem rationis cum nostra: ergo, &c. *Secundò* Apostolus Rom. 8. vult, gratiam iustorum cæterorum esse conformem alicui dono Christi, quod non congruè intelligeretur, si gratia huius non esset eiusdem speciei; ait enim nu. 30. *quos præsciuit, & prædestinavit conformes fieri imagini filij*

sui. Accedat ratio: nam Beatitudo, & cætera dona Christi fuerunt eiusdem speciei cum alijs aliorum iustorum: ergo & gratia.

Secunda pars conclusionis etiam patet: nam in Christo fuit illa gratia, tãquàm in subiecto adequato: nam fuit in illo secundum totam suam latitudinem propriæ speciei: sicut calor verbi gratia in igne, & humiditas in aqua; in cæteris autem iustis est, tanquàm in subiecto inadæquato, scilicet, non secundum totam latitudinem, ut calor non est secundum totam latitudinem in alio subiecto ab igne. *Ad pleniorẽ intelligentiam sit.*

PROPOSITIO QVARTADECIMA.

Gratia sanctificans est summa in Christo.

37 **T**heologi faciliter se huic veritati subscribunt, si de potentia ordinaria Dei sit sermo; non ita tamen si propositio intelligatur de potentia Dei absoluta: Noster Scotus plus deferens Christo, quam cæteris, audacter affirmat in 3. dist. 13. q. 4. §. quantum ad 2. questionem, ita dicens: *In commendando enim Christum malo excedere, quam deficere à laude sibi debita: si propter ignorantiam oporteat in alterum incidere. Quidquid alij sentiant, fatetur Scotus, Christi gratiam plures habuisse intensiōis gradus, atque adeò maiorem, & perfectiorem fuisse quamque gratia ulli alteri creaturæ concessa; fatetur etiam ibidem, tantam fuisse Christi gratiam, quantam Deus creare, aut efficere potest: Nos ergo libenter subscrībimus Scotō, & maxime liberales erga Christum, dicimus, Deum tantam gratiam habitualē dedisse Christo, quantam de potentia absoluta dare poterat; credibile enim est, Christo filio non denegasse omnem gratiam possibilem.*

38 *Accedant rationes.* Prima sit ex dignitate Christi, qui, cum esset vtriusque Ecclesiæ caput, indi-

gebat summa gratia, ut ex eius redundantia, & plenitudine unusquisque portionem suam sumeret. Altera sumitur ex fine gratiæ, quam Deus creaturæ propterea dat, ut suo Creatori copulari, & coniungi valeat; unio autem omnium nobilissima, & summa possibilis de potentia Dei absoluta, nempe unio hypostatica cum Verbo concessa est Christo: ergo debuit pari modo recipere gratiam summā possibilem de potentia Dei absoluta; ita tamen, ut nolimus, hanc gratiam deferuisse Christo, ut fieret capax unionis, essetque gratia dispositio ad unionem hypostaticam; cum hæc præcesserit gratiam, ac proinde non ad attingendā huiusmodi unionem, sed ad illam exornandam, & sanctificandam necessaria fuit gratia habitualis.

39 *Altera ratio* desumitur ex coniunctione, seu maiori approximatione Christi ad Deum; certum namque est, quò magis distat effectus à sua causa, eò remissiorem esse; quò autem propinquior, eò intensiorem, & perfectiorem: sed Deus est causa gratiæ, & Christus est proximior Deo; imò ita propè est, ut

H h h 2 pro-

propius accedere non possit: ergo summam gratiam accepit possibilem. *Notandum* tamen est, hanc Christi gratiam esse summam dumtaxat negativè, non autem positivè: nam, si esset summa positivè, non posset producere aliam gratiam æqualem huic, quod de Deo nullus affirmabit. Propter hanc summam gratiam, Christus solus verè, & propriè dicitur plenus gratia. Hoc quidem de alijs quibusdā dicitur, sed longè diuerso modo: nam alij sancti dicuntur gratia pleni ob unicam tantum rationem, quia videlicet tantam habent gratiam, quantam exi-

get eorum vocatio. Hinc D. Stephanus est gratia plenus; quia omnem gratiam habuit ad conatum requisitum ad intrepidè nuntiandum Christi nomen, & ad viriliter subeundum martirium. Virgo Mater dicitur gratia plena, & magis plena, quàm Stephanus censeretur debet, quia, vocata erat ad maiorem gradum perfectionis, nempe ad dignitatem Matris filij Dei, & ad sessionem à dextris filij sui; Christus ad maiora vocatus, debet maiorem habere gratiam, quam cum habuerit, debet dici gratia plenus.

PROPOSITIO QVINTADECIMA.

Gratia Christo concessa non fuit infinita.

40 **V**T plenius clarescat veritas nostre propositionis. *Moneo*, quòd infinitum communissimè sumptum est duplex; vnum extra genus; aliud in genere. Primum vocari etiam solet infinitum in entitate, ut potè quod intelligitur, & describitur per ens ipsum, primariò, & immediatè per infinitatem contrarium, cuiusmodi est solus Deus. Hinc obiter moneo, infinitum istud non bene explicari à Patre nostro Aretino per hoc scilicet, quòd secundum se, & quodlibet sui est inquitum: nam

si intelligantur, per ly quodlibet sui, partes realiter cõponentes Deum; erroneum, & impium imaginatur in Deo: si verò rationes formales Divinæ Essentiæ identificatæ, non sunt omnes inñuitæ, præsertim in via Scoti: nam relationes Divinæ non habent formaliter infinitatem ex principijs Doctoris *quolib. 5.* alix autem rationes attributales non faciunt infinitum extra genus, sed potiùs in genere, siue particulare, ut loquitur noster *Canonicus 3. physicorum quæst. 3.* nam eorum infinitas non immediatè affi-

afficit ipsum ens, sed aliquam rationem inferiorem ente, verbi gratia, bonitatem, sapientiam, iustitiam, &c. non enim dicitur simpliciter, quod bonitas Diuina sit infinitum ens, sed infinita bonitas, & sic philosophandum de cæteris attributis.

- 41 *Hinc patet explicatio secundi membri*, nempe, quod infinitum in genere sit illud, cuius infinitas non immediatè, & primariò contrahit ipsum ens cõmunissimè sumptum, sed aliquam rationem inferiorem ente, aut saltem ipsum ens secundariò, vt videre licet in exemplis positis. Hoc autem infinitum triplex est: nam quoddam est negatiuum, scilicet, quod non habet, nec aptum est habere terminum, siue quod non est aptum natum pertrāsiri, de quo loquitur explicatiuè Philosophus, cum dicit, quod punctus est infinitus negatiuè, sicut vox est inuisibilis. Aliud est infinitū priuatiuè, quod non habet terminum actualem, quem tamen potest habere; vt si Deus priuaret lineam punctis terminantibus, ipsa in tali casu esset infinita priuatiuè per carentiam scilicet actualem terminorum cum aptitudine terminandi derelicta. Tertio modo infinitum sumitur contrariè, scilicet positiuè, & hoc est duplex; vnum syncategorematicū, scilicet, quod partim est in actu, & partim in potentia; aliud categorematicum,

quod secundum omnes partes est in actu totaliter.

- 42 *Hinc obseruandum*, non bene Patrem nostrum Aretinum primaria diuisione diuississe in hæc membra, & sub categorematico comprehendisse infinitum extra genus: nam categorematicum, & syncategorematicum requirunt partes, vel diuissuè, vel collectiuè in actu; infinitum autem extra genus non est capax partium, vt patet in Deo, in quo reperitur omnimoda simplicitas naturæ excludens omnem partialitatem; syncategorematicum verò, quod noster Canonicus vocat quantitatiuū, scilicet, vel quantum formaliter; vel participatiuè, ab ipso ponitur tripliciter. Primum sumitur extensiuè, quod declarat ex suppositione, quod Deus faceret lineam extensam infinite. Secundum intensiuè, quod etiam declarat ex suppositione, quod faceret albedinem habentem infinitas perfectiones. Tertium distinctiuè, seu distributiue, quod Recentiores vocant infinitum discretè, seu in multitudine numerica, vt contingeret, si Deus faceret sub aliqua specie infinitam indiuiduorum multitudinem.

- 43 *Moneo secundò*, quod definitio infiniti tradita secundum propriam mentem à Philosopho 3. physicorum textu 53. *infinitum est, cuius quantitatem accipientibus semper restat aliquid accipere*; da-

tur de isto infinito syncategorematico, seu in potentia: modò accipitur hic illa quantitas non præcisè pro quantitate molis, sed etiam pro quâritate virtutis diuisibili in partes actuales, & potentiales, aut certè pro quantitate abstrahente à formali, & participatiuâ: nam, vt ferè communiter intelligunt Interpretes, loquitur hic Philosophus de infinito successiuo, cuius scilicet partes non existunt omnes simul, sed partim in potentia, partim in actu. Nullam verò à Philosopho traditam esse definitionem infiniti categorematici; probo ex eo, quòd Philosophus illud putauerit esse impossibile, ac proindè nec ipsum esse definibile, nec aliquid abstrahens ab illo, & syncategorematico: nam enti vero, & possibili nihil est per se vnum commune eum ente impossibile; ac per consequens nec definitio aliqua poterit illis conuenire.

44 Imò ipse Philosophus, vt notat Albertinus, reiecit definitionem antiquorum, quæ videtur applicari infinito categorematico, scilicet: *infinitum est, cuius nihil est extra accipere*: nam partium talis infiniti non restarent aliqua accipiendæ, sed omnes essent actualiter acceptæ, & in tali casu, vt Scotus declarat quolib. 5. haberemus infinitam quantitatem in actu: quia tanta esset in actu, quanta esset in potentia, & sic illud infinitum in actu verè esset

totum, & verè perfectum tota; quia nihil sibi deesset, imò nihil posset secundum rationem quantitatis sibi addi, quia tunc posset excedi, & hinc aduertit Scotus paulò supra explicans definitio, nem syncategorematici infiniti, quòd tale infinitum, sicut habet esse in fieri, & in potentia, ita non habet rationem totius; quia totum est, cuius nihil est extra, sed semper restat aliqua pars accipienda extra illud infinitum, cuius omnes partes nondum sunt acceptæ; sed semper remanent aliqua accipiendæ, nec tale infinitum est perfectum; quia perfectum est, cui nihil perfectionis deest: sed isti semper aliquid deest: ergo, &c.

45 Hinc etiam consequenter debemas dicere, quòd duæ alię descriptiones, quas Scotus in citato quolibeto tradit, non conueniunt infinito categorematico, sed infinito simpliciter extra genus, vel alicui abstrahenti ab infinito extra genus, & infinito simpliciter in genere: nam, vt diximus, infinitum categorematicum includit distinctionem partium; videtur autem potius intelligendæ de infinito simpliciter extra genus: nam ipse loquitur de entitate, & infinitate præscindente à rationibus attributalibus, bonitatis, sapientiæ, &c. Nec ad propositam difficultatem fuit necessarium loqui de infinito in genere, prout competit attributis Diuinis: nam si ali-

quam

quā rationem infinitatis posset participare paternitas, de qua ibi disputat ex professo, nō esset, nisi ratio infiniti extra genus, cū distinguatur realiter à cæteris relationibus Diuinis. Quod etiā insuper colligitur ex modo dicendi: nam illud infinitum, de quo agit, vocat infinitum in entitate, quod primò sic describit: infinitum est, cui nihil entitatis deest eo modo, quo possibile est illud haberi in aliquo vno, & hoc pro tanto additur (dicit ipse,) quia non potest in se realiter, & formaliter omnem entitatē habere. Secūdo sic: ens infinitū est, quod excedit quodcūq; ens finitū, nō secūdu aliquā determinatā proportionem, sed vltra aliquam determinatam proportionem, vel determinabilem.

46. *Pro cuius* determinationis intelligentia distinguit duplicem proportionem, vnā mathematicam, quæ excessum realiter continetur in excedente aliquid aliud continente, qualis est proportio quaternarij ad binarium: nam verè, & realiter, licet non, formaliter (vt aliqui putant) continetur binarium in quaternario, & ipsum quaternarium continet alias duas vnitates, quæ nō continentur in binario: Aliam entitativam, seu virtutis, vel perfectionis, secundum quam dicimus, vnum gradum, vel vnā speciem excedere aliā, sicut secundus primum, & albedo nigredinem, anima humana ani-

mas brutorum, & Angelus animas humanas excedit; nō quia entitas excessa contineatur realiter in excedente; sed quia virtus entitatis excedentis est nobilior, ac perfectior virtute excessi. Sed tamen exempla ista habent determinatam proportionem, ac proinde excedentia nō sunt infinita. Excessus enim sequitur rationem excedētis. Unde quando excedens fuerit limitatum, sequitur quòd in limitata, & determinata proportionem alterū excedat; secus est de infinito, quod excedit finitū in entitate vltra omne proportionē assignabilem.

47. *Ex istis confirmatur* magis assignata à nobis descriptio infiniti in entitate: nam si per istas duas Scotus ipse nihil explicaret, non possemus dicere, nec discernere, de quo infinito loqueretur, quamuis certum sit, illum non loqui de infinito categorématico in sensu vulgari; & magis vñtato his temporibus: nam illud dicitur habere partes. Docet autem Scotus, quòd estò quale infinitum secundum omnes partes esset in actu (vt ipse ex suppositione facta in quantitate exemplificat) tamen quia quælibet pars esset extra aliam, ipsum non esset totum perfectum; quia ex imperfectis cōstaret; infinitū autē, de quo loquitur Scotus, sic est perfectū, quod nec sibi, nec alicui eius deest aliquid: ergo &c.

48. *Tertiam definitionē* addit Pater noster Canonicus, scilicet: *in finem*

fnitum est, quo nihil est maius, ubi admonet, definitionem istam, & alias duas Scoti, quas ipse etiam affert, desumi per oppositionem ad infinitum in potentia, siue syncategorematicum, de quo loquitur Philosophus. Moneo, nos dixisse notanter, has infiniti explicationes esse descriptiones: nam enumerantes proprietates infiniti, de quo agit Philosophus, & Canonicus, & post ipsū Pater Aretinus, primā enumerant per ipsam definitionem Philosophi, scilicet: infinitum est, cuius &c. secundam, quod non habeat rationem totius, sed partis; tertiam, quod habeat rationem incompleti, & imperfecti; quartam, quod non contineat, sed contineatur, quæ videntur sequi ex secunda: nam pars est, quæ habet imperfecti, & contenti rationem; nec non etiā quintam, scilicet, quod sit ignotum: quia pars, quæ sumitur, est in actu, & semper est aliqua pars sumenda, illa utique, quæ est in potentia, imò ipsa pars actualis, cum semper tendat ad animā, quæ est in potentia, semper dicit potentiam, quod autem caret actu, est ignotum: quia intellectus semper actualis, & finit illud, quod intelligit.

49 *Alias quatuor proprietates enumerat Albertinus disp. 4. de infinito quantitativo, difficult. 2. admittor autem, cur ipse dicat, eas colligi ex definitione Philosophi, nisi forsitan intelligat cōtra-*

riè eo modò, quo superius dixit Pater Canonicus, desumi definitiones infiniti in actu à definitione infiniti in potentia: nam, ut ceteras omittam, certè tertia, scilicet, infinitum habere infinitas partes æquales vni certè, & determinatæ, ponitur in definitione infiniti categorematici tradita à *Conimbricensibus*, videlicet, quod actu cōtineat infinitas partes æquales vni certè; quā æqualitatem explicantes, aduertunt; in qualibet magnitudine, contineri plures partes proportionales, quæ vel nō sunt æquales, vel saltem non æquales vni certæ, & determinatæ, Quarta sc. quod nullis claudatur terminis, neq; intrinsicis neq; extrinsicis omnino cōuenit infinito categorematico, quod ideo Philosophus negat; quia quidquid reperitur, vel reperiri potest in rerū natura, cōtinetur, vel intra ambitū vniuersi, vel certè, si est quantum, clauditur punctis terminantibus; & hæc ipsa implicatio potest inferri contra alias duas priores.

50 *Nos autē colligere faciliè possumus conditiones infiniti oppositi syncategorematico, quod per me licet vocari categorematicum, dummodò non in sensu, quo à Iunioribus explicatur: nam istum sensum impugnamus non vocabulum, quia cum Diuo Augustino putamus, non demorari in vocabulis, dummodò tes ipsa constet. Prima itaque*

con-

conditio sit, quòd tale infinitum nullas habeat partes, sed sit totalitas actualis. *Secunda*, quòd sit perfectio simpliciter iuxta sensum Divi Anselmi, ita quòd melior sit ipsa, quàm non ipsa. *Tertia* sequitur ex secunda, quòd sit composibilis alteri simpliciter perfectio, siue (ut loquitur Scotus) sit melior ipsa, quàm non ipsa in supposito absolutè sumpto, & nō quatenus est huius, vel illius naturæ: sic enim intelligitur excessus illius perfectionis, quòd superat suū incōpossibile, quod intelligēdū, notat Scotus, de incōpossibili cōtrariē, & positivē, nō autē cōtradictoriē supposito: nam quodlibet positivum melius est, quàm sua negatio; debet ergo eo modo intelligi,

quo dicimus; albedinem esse meliorem, quàm nigredinem.

- 51 *Hinc sequuntur alix conditiones*, quòd tali infinito nulla possit fieri additio, nec ex illo aliquid detrahi: aut in tali ratione produci aliquid æquale, aut excedens; quæ conditiones fusiùs declarabuntur in applicatione earum ad conclusiones, in quibus apparebit, conditiones istas non posse convenire alicui medio inter syncategorematicum, & categorematicum convertibile cum infinito in entitate, siue in actualitate totali; & adæquatè opposito syncategorematico; ac per cōsequēs nullū tale medium dari. *His positis.*

Nota subsequentes propositiones de infinito.

PROPOSITIO PRIMA.

Extra Deum, nullum datur in rerum natura, nec Philosophus dari posse existimavit, nisi infinitum in potentia, vel syncategorematicum.

Veritatem nostræ propositionis docet Aristoteles contra Anaxagoram; & hanc esse mentem Philosophi, docet Sanctus Thomas 1. par. qu. 2. quolib. 9. art. 1. Doctor Seraphicus in 1. dist. 43. quest. 1. Scotus in 2. dist. 1. quest. 3. videatur nosse Canonici in 3. physicorum quest. 3. sustinens in propositione secunda, quòd

infinitum, de quo loquitur, consistit formaliter in successione. Ex quo sic confici potest argumentum.

- 52 *Nullum aliud infinitum extra Deum datur de facto in rerum natura, nec Philosophus dari existimavit, nisi illud, quod formaliter consistit in successione; sed tale solum est infinitum in,*

potentia: ergo illud solum datur in rerū natura, nec aliud dari posse agnouit Philosophus. Probatur maior quoad primam partem; quia, si aliud aliquod infinitum daretur in rerum natura, aut dari posset naturaliter; vel esset, aut esse posset infra Cælum, aut extrā. *Si primo modo*, cum contineatur ab illo, quod est finitum in actu, non potest ipsum esse infinitum in actu, sed tantum in potentia; ac per consequens in successione. *Si secundo modo*, Philosophus, præsertim naturalis, putabit, illud esse chimericum, quia nec extrā Cælum dari locum aliquem, aut aliquid conseruari posse, existimat. Probatur secunda pars: quia definitiones, & conditiones assignatæ ex mente Philosophi tantum conueniunt infinito successiuo: nam omnes illæ notificant aliquid, quod partim est in potentia, partim in actu: sed illud, quod est huiusmodi, est formaliter successiuum: ergo Philosophus aliud nō agnouit: quia, si illud agnouisset, definiret, vel describeret ipsum, vel saltem diminutè procederet. quod non est dicendum in re, quam tractat ex professo.

- 53 *Confirmatur*: quia Philosophus improbens opinionem *Melissi*, qui affirmabat, totum vniuersum esse infinitū, & approbās sententiam *Parmenidis*, qui illud potius finitum esse docebat, &

concludi terminis; resoluit, non posse infinitum connecti cum toto, sicut lignum cum ligno, vel locum cum loco; quo pro uerbis utebatur Veteres, quando innuebant, aliqua inter se esse impossibilia: sed, si daretur aliquod infinitum præter *Syncretematum*, illud esset totum coagulatum ex partibus: ergo in sententia Aristotelis nulum tale dari potest: nam ex hac impugnatione Antiquorum occasionem sumpsit assignandi conditiones infiniti sui, nempe quod non sit totum, nec perfectum, nec continens. Et nē longius progrediamur, tam clara est in hac parte mens Philosophi, & tam vniuersaliter loquitur, ut Conimbricenses non vereantur asserere, ipsum alibi non rectè, & cōsequenter aliud genus infiniti in rebus materialibus cōcessisse, idquē adeo factum, ut sententiam suam de immortalitate animæ disputationum ambage disputaret, & quasi alter *Xenopis* Agamemnonem pallio obuolueret. Verum, ut iuxta exemplum, & præscriptum modestissimi nostri Scoti, nihil Antiquis attribuamus absurdus, quam ipsi dicant, vel ex eorum dictis manifestè sequatur, & rationabiliorem, quem licet ex eorum dictis, colligamus sensum, liberare visum est ab hac calumnia Aristotelem.

PROPOSITIO SECVNDA.

Per nullam potentiam dari potest infinitum categorematicum in sensu à Iunioribus usitato, ac per consequens extra Deum, solum datur infinitum syncategorematicum.

54 **P** Robatur. Si daretur tale infinitum, esset medium inter infinitum syncategorematicum, & infinitum (ut ita loquar) Diuinum: sed per nullam potentiam produci potest tale medium: ergo neque infinitum categorematicum in sensu à Iunioribus usitato. Maior est certa: nam cum ipsi explicent tale categorematicum infinitum per illud, cuius sunt omnes partes in actu, non poterit esse Deus: cum ille nullas partes habeat; neque infinitum syncategorematicum, cum istud non habeat omnes actu: ergo restat, ut sit medium inter ista duo. Probat minor: quia illud medium, vel esset actus purus, vel pura potentia, vel actus permixtus cum potentia: non pura potentia secundum ipsos, qui ponunt illud totaliter in actu; si autem fuerit actus purus, non erit extra Deum; si actus permixtus potentia non erit extra infinitum syncategorematicum: ergo nullatenus tale medium erit, ac per

consequens neque dari poterit. 55 **C**onfirmatur hoc ipsum, ac declaratur. Nihil extra Deum dari potest, quod non constet ex potentia positiva, vel priuatiua: nam ista vltima ponitur in ipsis etiam Angelis: ergo nihil extra Deum dari poterit, cuius aliqua pars non restet accipienda: sed hæc est definitio infiniti syncategorematici: ergo, præter Deum, non datur aliud, ac per consequens nec illud categorematicum, quod per ipsos constat ex partibus. Præterea tale infinitum necessario haberet rationem partis, & contenti, saltem metaphysicè, & posset excedi: nam contineretur sub aliquo genere, vel specie, ac per consequens posset illi fieri additio, & in illa specie produci aliud ipso perfectius: nam species illa adhuc remaneret in potentia ad aliud infinitum eiusdem rationis, quæ duo infinita simul sumpta excederent quodlibet eorum seorsim sumptum; quæ omnes sunt conditiones infiniti syncatego-

III a rema-

rematici; & oppositæ condicio-
nes soli Deo conueniunt: ergo
nullum potest dari infinitum ab
utroque distinctum.

56. *Probationes* istæ vniuersales
applicari poterunt in speciali
omnibus illis, de quibus dubita-
ri aliquo modo posset, an con-
stituant huiusmodi categore-
maticum; huiusmodi sunt ma-
gnitudo, siue quantitas conti-
nua, multitudo, siue quantitas
discreta, aut numerica, siue re-
rum spiritualium, siue materia-
lium, corpus naturale, qualitas
etiâ, vel spiritualis, vel corpo-
ralis. Patet enim, quod in his
omnibus datur actus permixtus
potentiæ, siue positiuæ, siue pri-
uatiuæ, quodque illis potest fie-
ri additio, & subtractio in magni-
tudine secundum partes dimen-
sivas; in multitudine verò secun-
dum discretas; in qualitate au-

tem secundum partes, vel gra-
dus perfectionis. Patet etiam,
quod in omnibus reperitur ratio
partium metaphysicarum gene-
ris scilicet, & differentiæ, speciei,
& indiuidui; infinitas autem,
actualis, & partibilitas contra-
dicunt, vt constat ex dictis, &
optimè inferre noster *Aureolus* in
1. dist. 44. ferè per totam: quia,
infinitum partibile est quoddam
ens successiuum, cuius partes
diuisibiliter, & in diuersis tem-
poribus acquiri possunt; quare
patet; nullum ex istis excedere
rationem infiniti syncategore-
matici. Ne autem ex ista nega-
tiua, scilicet, præter Deum, nul-
lum dari infinitum, nisi syncate-
gorematicum, existimetur sequi,
quod omne aliud extrâ Deum
sit infinitum syncategoremati-
cum; Ponatur



PROPOSITIO TERTIA.

Qualitas secundum intensiorem non est infinitum syncategorematicum; quod ipsum videtur dicendum de formis substantialibus completè, vel incompletè subsistentibus; benè tamen secundum extensionem, præsertim discretam; quantitas verò omni modo extensionis est infinitum syncategorematicum.

57 **N**ostra hæc propositio videtur singularis: nam probationes præcipuè solum negant, vel affirmant infinitatem actualem apud authores. Prima pars tamen est satis conformis doctrinæ Scoti in 3. dist. 13. quest. 2. ponentis statum in gratia Christi. Probatur itaque prima pars. Qualitas habet terminos suæ intensiōis, ultra quos non potest intendi: ergo secundum intensiōem non est infinita syncategorematicè. Probatur sequela: quia infinito, quatenus est tale, repugnat omnis terminatio, & hoc designat modus loquendi Scoti dicitis, gratiam Christi esse infinitam negatiuè, alludens ad illud Philosophi de puncto, & voce inuisibili: quia sicut repugnat, vocem videri, ita gratia Christi eo ipso, quod sit in ultimo intensiōis, ut supponit Scotus, non potest

illi fieri aliqua additio ulterior ipsam intensiue terminans, aut intendens: quia sequeretur, quod haberet ultimum gradum, ut supponimus, & non haberet ultimum gradum, si posset illi fieri additio ulterioris. Cum hoc tamen stat, quod possit illi fieri additio secundum extensionem: quia possent coniungi alij gradus eiusdem proportionis, & perfectionis numericè in infinitum; quæ distinctio est aduertenda contra multos non penetrantes adzquatè subtilitatem Scoticam, id ipsum, quod Scotus negat de intensiōe, indistinctè confundunt cum extensione, & sic videntur imponere Scoto errorem *Vniclesi*, qui audebat præfigere Deo certum numerum animarum, ultra quem infinita potentia non posset se extendere, ut refertur in Concilio Constantinensi. Pater autem ex hac distincti-

finitione sensus, in quo Hæretici sunt condemnati; nempe quia determinabant Deo certum numerum extensionis, extra quem, nullam animam creare possent; & de hac Scotus non loquitur; imò Hæreticos impugnatur Scotus, expressè docens, satisfactionem Christi esse infinitam extensione, quia sufficiens pro infinitate hominum possibilitatem creati; negat autem satisfactionem Christi esse infinitam intensione, nec aliud negat de infinitate gratiæ.

- 58 *Accedat secunda probatio.* Ideò quantitas est infinitum syncategorematicum, quia quilibet pars dicit proportionem cum altera, & cum ipso toto; totum enim, & partes sunt eiusdem rationis, & perfectionis: sed partes, vel gradus intensiōis in qualitate, aut alia forma non sunt eiusdem rationis, sed una perfectior altera: ergo qualitas secundum intensiōem non poterit esse infinitum syncategorematicum; aliàs enim nulla esset differentia inter intensiōem, & extensionem. *Confirmatur.* Quia in quantitate nō datur infinitas secundum illam rationem, in qua una pars intelligitur inæqualis alteri, & nō habere omninò eandem rationem cum illa: nam propter hoc negamus infinitum categorematicum, siue actuale in quantitate: quia, verbi gratia, excedens, cui sunt quatuor unitates in actu, habet duas unitates non proportionatas secun-

dum actum cum excessu, quod tantum duas habet in actu; datur autem ibi infinitum in potentia: quia potentia est æqualis in utroque, excedente scilicet, & excessu; nam etiam ille duas partes excedentes sunt eiusdem rationis, & proportionis cum partibus excessus: ergo à contrario: quia quilibet gradus intensiōis est alteri inæqualis secundum actum, & non habet eandem rationem potentie, quam habet alter; quia est diversæ proportionis ab altero, si foret aliquod infinitum, illud esset categorematicum: quare cum hoc, ut patet ex præcedentibus, repugnet; repugnat etiam, quod faciat infinitum syncategorematicum.

- 59 *Confirmatur* noster discursus cum sua probatione cum fundamento *Scoti in 3. loco citato.* Supponatur aliqua qualitas determinata infima, verbi gratia A; tunc quærat, si in ascensu à tali gradu qualitatis detur status ad aliquem supremum gradum, ultra quem non possit fieri aliqua additio intensiōis; & tunc habetur propositum, scilicet talem qualitatem non fore infinitam; quia habet terminum non solum in actu, sed etiam in potentia; aliàs enim posset fieri aliqua additio contra suppositum: si verò non datur aliquis status, sed ultra quemcumque assignatum, vel assignabilem gradum, potest ulterius intendi per

per additionem vltioris gradus; tunc sequitur primò, quòd paulatim transcendendo omnes species, & genera, excedet illa secundum proportionem entitativam; & sic tandem deueniet ad esse infinitum extra genus, vel saltem compossibilem tali infinito, sicut dicuntur esse attributa Diuina, & hoc est vltimatum inconueniens, scilicet quòd sequeretur participatio infinita ex accessu infinito in gradibus intensiōis.

- 60 Sequitur secundò, & hæc est sequela Scoti loco citato, quòd cum tale infinitum videatur à Deo, sic vnum creabile poterit creari vnica creatione, & ita daretur infinitum in actu. Probat-ur prima sequela: quia si excedens secundum intensiōem excederet tantum in proportione mathematica, sequeretur, præsertim in qualitatibus, & formis spiritalibus, quòd intensio non distingueretur à numerica extensione illarum; & ita Scotus assignans statum intensiōis, protraheretur ad impietatem *Vnicles*, & *Hustitarum*, & sibi contradiceret per resolutionem de satisfactione Christi, quam concedit esse infinitam extensiuè, non intensiuè; debet ergo concedi, quòd excessus intensiōis est secundum proportionem entitativam, & virtutis: sed repugnat excessum entitativum, & virtutis infinitum contineri ab aliqua specie, aut ge-

nere: quia, cum quælibet species habeat determinatam perfectiōnem, & limitatam, ac finitam (aliàs enim vna non excederet ab alia), infinitum, & illimitatum contineretur à finito, & limitato (qua ratione probauimus supra, repugnare naturaliter infinitum in actu; quia contineretur à Cælo, quod est finitum): ergo istud infinitum excederet omnem rationem specificam, & genericam, & sic foret extra genus; vel saltem tale, qualia, dicimus, esse attributa Diuina. Sequela Scoti probatur; quia, vt ipse dicit, processus secundum intensiōem non fundatur in possibilitate ad fieri, sed aliquo in facto esse, nempe ad supremum gradum virtualiter, siue in perfectiōne continentem, & excedentem omnes gradus inferiores: sed supremus gradus videtur à Deo, tanquam vnum creabile (aliàs enim esset increabile, & sic vel alius Deus, vel idem cum Deo, vt deduximus in probatione primæ sequelæ nostræ): ergo illud creabile poterit produci vnica productione, ac per consequens omnes gradus inferiores; ideo est probanda ista vltima consequentia, & accomodanda certis autoritatibus Philosophi, & Commentatoris.

- 61 Scotus est satis diffusus, ac proinde vix apparet pondus collectionis, vt contingit in omni dispersione; quare procedend-

con-

conformiter, breuiter sic colligimus probationem Scoti: omnes alij gradus inferiores ordinantur ad illum supremum, vt sunt cum illo vnibiles: ergo poterunt creari eadem creatione, qua ipse supremus gradus: sed supremus est creabilis vnica creatione: ergo & omnes gradus inferiores simul cum illo. Antecedens primum patet in omnium opinione: nullus enim imaginatur, intentiones fieri per gradus separatos. Declaratur consequentia per authoritatem Philosophi, quam allegat Scotus *ex 3. Physicorum, &c.* scilicet *quantum contingit esse in potentia, tantum contingit esse in actu*, in qua authoritate docet tandem resolutione Scotus, significari commensurationem potentie quantitatis; ita ut nihil amplius contingat esse in potentia, nisi quod exiit in actu: quia secundum Philosophum, agens naturale, sine cuius actione nihil potest fieri nouum, non potest aliquid quantum accrescere, nisi auferendo ab alio quanto particulas, quas alteri apponit. Vnde in sententia Philosophi magnitudo non potest augeri in infinitum; quia non potest augeri, nisi per partes actum preexistentes, quas constat esse finitas: sed in sententia Catholica, vt Scotus notat ibidem, Deus potest maiore aliud quantum, non apponendo ibi partes ablatas ab alio quanto, sed de nouo creatas; ac

proinde magnitudo habet infinitatem syncategorematicam, & potest augeri in infinitum.

62. *Verum* ex hac authoritate Philosophi non habetur formalis probatio consequentiae, etiam si extendatur à quantitate molis, de qua solum tractat ibi Philosophus, ad quantitatem virtutis, nisi vltcrius transferatur ad illa quanta permanentia, in quibus, sicut potest aliquid inferius esse vnum factibile vnica factione; ita & quodlibet infinitorum, si esset factibile, vnica actione, esset factibile, & ita posset fieri summum, & tamen esset infinitum, si esset processus in infinitum. Ita concludit Scotus adducens pro isto sensu *Commentatorem Commento 69.* dicentem, *quod omnes potentiae, quae sunt in maioratione, sunt vnus potentia demonstrata & determinata*; hoc est (vt explicat Scotus ibidem) *est vna potentia ad supremum actum, in quo continentur omnes actus, ad quos sunt ille multe potentiae, quarum vna reducitur ad actum post aliam.*

63. *Hanc ipsam explicationem* admittit, & sequitur noster *Aureolus* vbi supra; ac proinde magis peripateticè, & Auerroisicè, quam Scoticè, & Catholicè negat infinitatem syncategorematicam in magnitudine, licet illam concedat in multitudine. Sed quidquid sit de hoc; videtur adhuc desiderari formalis probatio consequentiae; neque enim

po-

potest videri in quantitate aliquis gradus supremus cōtinens alios, nisi secundum proportionem mathematicam, & per diversas vniones partiales; ac proinde, naturaliter loquendo, talis actus nō potest esse, nisi per multas actiones: supernaturaliter autem nunquā propter infinitatem potentiz, cui repugnat re-uci totaliter ad actum vltimū; nō nullatenus videntur, posse obis fauere Philosophus, & Commentator loco citato; quia possunt sustinere, quantitatem esse minō ingenerabilem, & in- corruptibilem; quid ergo? nun-uid putabimus, frustra Scotum efatigatum in tam proluxa declaratione prædictarum authoritatum? minimē; quare, vt propositum Scoti aliquo modo assequamur.

Notandum est, non veritatem æmissarum, aut principiorum philosophi, & sui Commentatoris, sed consequentias considerare; quas illi concederent, si vera principia cognoscerent; aut negarent, si sua principia esse illa cognoscerent; falsa enim sūt, ut ipsi docent, & contra fidem, illicit, nullā quantitatem nouā, ut materiā creari posse; verū concederent, ista creabilia esse r possibile, vel impossibile, cederent etiam, eadem actio, qua creatur materia, creari etiam quantitatem sibi correspondentem quoad omnes suas res, propter proportionem

quantitatis cum materia, non mathematicam, sed entitati- uam: nām substantia quælibet excedit perfectione entitatiua, quodcumque accidens; nec ideo negant, magnitudinem augeri posse in infinitum; quia non possent omnes partes præexistentes inuicem vniri, & illis adiungi aliz partes de nouo productæ, sed quia non putant, alias posse de nouo produci, aut aliquam vnā formam dari cōtinentem virtualiter omnes formas naturales, & ad quātem potentiam materiæ, aut ipsam materiam, posse existere sine aliqua forma, aut quantitatem conservari separatam: nam, si hæc concederent, non negarent, inde sequi magnitudinem infinitam actū, vel potentia; nunc autem cum ipsi, & præsertim Commentator, sustineant, solam determinationem quantitatis fieri de nouo, & istam provenire à forma; tenentur dicere cōsequenter, quod eadem actione, qua producitur forma, comproducitur etiam determinatio quantitatis: nam, vt fatetur, & docet *Anreolus*, vbi-que se offert occasio, accidentia terminata, quæ sunt in materia, & in composito habent suas terminationes à forma secundum Commentatorem in *Traſſatu de substantia Orbis cap. 1.* forma vero habet à se naturali- ter, quod sic determinet.

65 Quando ergo dicit Commen- tator, quod in magnitudine,

KKK

om.

omnes potentia sunt vnius potentia demonstrata, & determinata per potentiam demonstratam, intelligit compositum substantiale, quod demonstratur per accidentia sensibilia; non enim substantia sensibilis per se, sed per sua accidentia; & in hoc fundatur declaratio nostri *Aureoli* in 4. quod demonstratur per pronomen, *hoc*, in forma consecrationis: accidentia autem ista determinantur a forma; unde per potentiam determinatam intelligit accidentia, & precipue quantitatem; ita quod in illa autoritate significat processum a potentijs, siue dimensionibus interminatis ad dimensionem terminatam, & a dimensionibus terminatis ad formam, a qua dimanant terminatio; & hunc processum non obscure insinuat Commentator ipse, docens, *in magnitudine esse processum ad formam, in multitudine ad materiam.*

66 *Ex quibus* (pro nunc omissis alijs quampluribus, quae prolixam exposculat declarationem) colligitur, quod quale iudicium sit de productione formae, & compositi; tale debet fieri de productione omnium partium quantitatis, si essent producibiles unica actione: ergo & omnes partes quantitatis illi correspondentes, saltem per potentiam Diuinam: quia aequalitas formae, & compositi continet eminenter omnes actus, ad quos sunt omnes potentia partium quantita-

tis, & hoc solum propter excessum entitativum, in quo fundatur ratio Scoti; & probatur illa consequentia. Unde dicit Scotus in principio, quod de sua ratione accipiebant euidenciam rationes Philosophi, & Commentatoris, quae alias peterent principium.

67 *Dices* contra istam declarationem, inde sequi, quod tota extensio quantitatis, & qualitatibus possit produci vna simplici actione: quia eadem actione producit quaecumque pars, aut compositum substantiale: nam quaecumque pars, aut compositum substantiale continet eminenter secundum proportionem entitativam omnia genera quantitatis, & qualitatibus, & absolute omnia accidentia. *Respondetur*, negando sequelam: ad probationem dicimus, quod licet proportio actionis, saltem respectu Dei, in ordine ad cuius potentiam absolutam loquimur, colligatur ex proportionem entitativa; requiritur tamen aliud, scilicet, quod excessum sit proportionate vnibile cum excedentes quare cum tota extensio quantitatis, aut qualitatibus non sit proportionate vnibilis, nisi cum tota extensione partis, aut compositi substantialis; & ista totalis extensio substantiae nunquam possit produci, nec vnica, nec pluribus actionibus, cum sit infinita; sequitur, quod nec etiam tota extensio qualitatibus, aut quan-

quantitatis vnquam possit produci; cum etiam sit proportio-

naliter infinita syncategorematicè. *Ex dictis sint*

Hac Corollaria.

68 **P**rimum Corollarium. Nullum infinitum, quatenus formale tale est magis, aut minus alio infinito, siue (vt alij dicunt): nullum infinitum aliud excedit, vel ab alio exceditur. Quidam Scotista mihi familiaris putat, nostrum corollarium limitandum esse ad infinita, quæ ipse vocat eiusdem rationis; verum ratio illius probat illa vniuersaliter, scilicet, quia si daretur excessus in infinitis, necessario aliud esset finitum simpliciter, nempe illud; quod excederetur: nam in tali casu daretur status, ac terminatio vltima, vltra quam illud excessum non posset egredi; nec enim propter aliam rationem negamus cum Scoto infinitatem qualitati secundum intentionem.

69 *Item*, quia per infinita, quæ non sunt eiusdem rationis, vel intelligit illa, quæ non conueniunt in ratione infinitatis absolute sumptæ; & sic certum est alterum fore finitum, nempe illud, quod non participat rationem infinitatis absolute sumptæ, vel intelligit illa, quæ non conueniunt in ratione talis infinitatis, verbi gratia, innuitatis in potentia, vel in actu: & tunc vel comparantur duo infinita

in potentia inter se; & sic dico, quod vnum non excedit aliud: quia tanta est potentia extensio-
nis, & multiplicationis numeri-
cæ in specie quanta, & in parte
quanta, in toto, & in substantia,
quanta in accidente; quia in
nullo ex istis est dabilis status
quoad potetiam: si autem com-
paretur infinitum in potentia
cum infinito in actu; tunc infinitum in potentia intelligetur finitum simpliciter: quia infinitum in actu solum est simpliciter infinitum nullam admittens rationem potentie, ac per consequens nec cõparationes cū infinito in potentia: omnis comparatio debet in aliquo vniuoco esse; infinito autem simpliciter, & secundum quid solum conceditur vniuocum esse ens, prout præscindit à finitate, & infinitate; vnde sicut per infinitum contrahitur ad esse Dei; ita per finitatem ad esse creaturæ; & sic respectu Dei omne aliud extra ipsum erit finitum: sed de ista cõparatione non loquitur Scotista hic familiaris mihi, sed de cõparatione duorum infinitorum in potetia, vt patet in suis exemplis: comparat enim substantiam cum quantitate, & dicit, quantitatem quantumvis infinitam

excedi à substantia; verum constat ex dictis, non excedi quantitatem à substantia in potentia extensionis, aut multiplicationis numericæ, sed in perfectione entitativa, in qua nec substantia, neque qualitas est infinita, in actu, aut potentia, ut probauimus latè supra: quare corollarium vniuersaliter est substinendum.

- 7^o *Secundum Corollarium.* Deus cognoscit omnem multitudinem possibilem clarè, & distinctè, quæ licet in ordine ad existentiam realem sint infinita syncategorematica; non tamen quatenus subiacent cognitioni Diuinæ, & intelliguntur participare aliquod esse, tametsi diminutum, & ab ea distinctum. Et hæc est vera mens Scoti, non quam illi imponit *Hurtadus disp. 13. Physicorum*, vbi ait: aliqui affirmant, Deum non cognoscere infinitam multitudinem rerum possibilem, sed eas, quas cognoscit esse simpliciter numero finitas; ita expressè sentit Scotus de gratia actuali, & cæteris qualitatibus. Sed (ò bone Hurtade) vbi apud Scotum aliqua exceptio possibilem à cognitione Diuinæ non perceptorum? cum Scotus sublineat, possibilitatem omnem prouenire à cognitione Diuinæ, & illud esse diminutum, seu cognitum esse ipsum esse possibile creaturæ; vbi, inquam, quæso, illa limitatio, aut finitas in numero

expressa loco citato, vbi solum agit de finitate intensionis secundum gradus perfectionales? aut ita expressè hoc Scoto imputas, quia inter extensionem numericam, & perfectionem entitativam intensionis nullum inueniebas discrimen; aut quia parum sincerè Scotum Doctorem purissimum, suspicione impuritatis aspergere cupiebas. Sed hunc dimittamus: nè par pari referendo, ipsi pares videamur.

- 7^a *Succedant ergo probationes nostri corollarij.* Prima pars illius admittitur ab omnibus, & præcipuè docetur à Scoto, qui, ut diximus, esse possibile creaturarum vocat esse cognitum, tanquam acceptum à cognitione Diuinæ: nam si præsupponeretur cognitioni Diuinæ, daretur aliquod esse creaturarum independens, quod repugnat. Quo supposito pro sententia Scoti, sic absolute probatur prima pars: quia alias sequitur limitatio aliqua, aut successio in limitatione Diuinæ, si aliquod ab ipso cognoscibile cognosceretur per prius, & posterius. *Probatur secunda pars*, quia illud esse possibile, quatenus subiacet cognitioni Diuinæ, accipit aliquod esse actuale, estò diminutū, à tali cognitione, nempe esse cognitum actualiter: sed repugnat, aliud quod creatum esse infinitum in actu: ergo illud esse actuale creaturæ erit finitum, quatenus concipitur sub illo actu: at quatenus

nus

nīs comparatur ad actua-
lem existentiam realem, est infinitum in potentia, quia nunquam terminatur totaliter talis potentia: cūm semper relict aliquid, quod possit transire in actum existentiz.

- 72 *Nec in hoc philosophandi modo errauit Aristoteles, vt illū improprie Hurtaeus: sed in alijs principijs, in quibus aduertimus, non esse immorandum, sed in modo deducendi consequentias; neque est incōueniens, vnum, & idem respectū diuersarum rationum poni finitum, & infinitum, imō necessarium: nam omnes concedunt, quantitatem esse infinitam in potentia, & finitam in actū; & nos diximus, qualiter esse finitam secundum intensiōem; & infinitam secundum extensiōem; & pari ratione dicendum de generibus, & speciebus in ratione rationali, esse finita; nec posse per Diuinam potentiam multiplicari in infinitū: quia multiplicatio per gradus perfectionis est iuxta proportionem entitatiuam, in qua necessario datur status, per consequens non potest dari infinitas; & tamen genera, & species sunt infinita secundum numerum, quia in illo nullam habent determinationem, ac statum: ergo similiter de possibili bus poterit dici, quod in ordine ad actua-lem existentiam realem, quam nunquam simul, neque termina- biliter participare possunt, esse*

infinita in potentia; in ordine autem ad existentiam rationis, seu illud esse diminutum, quod accipiunt à cognitione Diuina, esse finita, & terminata; hoc est actualiter, & totaliter cognita; non quia cognitio Diuina sit finita, sed quia res possibiles participare non possunt, nisi actum finitum.

- 73 *Tertium corollarium.* Non datur minimum, aut maximum naturale per se existens in substantijs homogeneis, quo non possit dari aliud minus, aut maius per se existens. Petit istud corollarium (de quo sunt videndi *Faber, & Tataretus*) explicationem istorum terminorum, *maximum, & minimum quod sic, & quod non.* Hinc breuiter notandum, quod *maximum, & minimum quod sic*, vocantur termini intrinseci; quia sub illis potest conseruari substantia, vel augeri; & *maximum, & minimum quod non*, vocantur termini extrinseci; quia sub illis non potest conseruari, aut augeri, vel minui substantia; verbi gratia si supponatur, quod forma ignis *maximi* possit conseruari, & augeri sub quantitate motis Vesuij, & ita totam illam sustentaret, vt non possit illi fieri additio alij, cuius particulæ ignis, per quam se possit extendere ad sustentandam quantitatem vnus granum milij, vocaretur quantitas *monstris Vesuij maximum quod sic* respectu ignis maximae naturalis; & si

& si ignis posset conseruari, & restringi sub quantitate grani ordei, ita quòd sub minori non posset subsistere; tale granum ordei esset *minimum quod sic* respectu ignis minimi naturalis; & ex alia parte, quodcumq; aliud maius monte Vesuuio esset *maximum quod non*; & aliud minus grano ordei esset *minimum quod non* respectu ignis.

74 *Accedat probatio nostri corollarij. Minimum, & maximum in quantitate, & extensione est*

proportionatè vnibile cum subiecto: ergo sicut non datur in quantitate aliquod maius, aut minus, quo aliud non possit dari maius, aut minus; ita etiam neque in substantia homogenea: quia ista substantia constitit in extensione, & diuisibilitate, ac proinde non illi repugnat magis quàm quantitati, diuisibilitas in semper diuisibilia; repugnat autem quantitati dari modum, quo non possit vniri.

*Quæ pugnant contra nostra asserta proponuntur,
& soluantur.*

75 **P**rimò. Philosophus ipse docet in 3. *physicorum*: finitum, & infinitum competere quantitati: ergo sicut non repugnat illi finitas, ita neque infinitas; ac per consequens, sicut nò datur quantitas finita in actu, ita etiam poterit dari infinita in actu. Primum consequens deducitur ex multorum expositione dicentium, finitum, & infinitum esse differentias, vel proprias passionès quantitatís. *Respondetur cum Scoto*, Philosophum intelligendum de finito, & infinito in potentia, quæ quantitati propriè conueniunt, & alijs propter similitudinem extensionis attribuuntur nam, vt nota, nimis, in sola extensione datur infinitas syncategorematica, &

alia nò potest dari extra Deum; & sic intelligendum est primum consequens, nempe infinitatem in potentia esse passionem quantitatís, & inueniri in alijs propter similem modum extensionis. Negatur tertium consequens: nam absolutè neque quantitas, neque aliquid aliud potest esse infinitum in actu.

76 *Sit altera argumentatio desumpta ex Aristotele* statuentè mundi æternitatem, dari infinitatem animarum, & generationum. Vnde Theologi solent dicere, cogitationes Beatorum, ac damnatorum esse numero infinitas; nec refert, ista simul non extitisse: sufficit enim successiue præteritis, & præteritum reputatur pro presenti; quia similiter

liter, sicut præsens excludit potentiam; quare eo ipso, quod cōcedunt infinitum præteritum, statuunt infinitum categorematicum, & negant esse syncategorematicum, & per consequens falsa nostra propositio tam in se, quam ex mente Aristotelis.

Multi propter hoc argumētum arbitrantur, Aristotelem non posse excusari à lapsu implicatorio contradictionis; sed ut sæpè obseruandum notauimus; quidquid sit de veritate istarum præmissarum, & certitudine, qua Aristoteles asseruerit, vel negauerit mundi æternitatem, aut animarum immortalitatem, nō ex istarum admissione sequitur, sicut neq; ex interminabili multitudine cogitationum Beatorum, vel damnatorum, nisi infinitas syncategorematica: semper enim remanet pars accipienda, & de nouo producenda, scilicet anima aliqua, aut cogitatio, aut generatio, ac proinde nulla multitudo, quamuis magna, & innumerabilis præteritorum, excedit finitatem actualem, nec auferre potest infinitatem in potentia, sicut neque ipsam potētiā ad vteriores actus.

77 *Et ex hac ipsa doctrina* respondendum est ad illud, quod obijciunt de infinitate diuisibilium in continuo, quæ vocant partes proportionales, scilicet esse infinitas in potentia tantum, ac proinde vocari proportionales propter æqualem proportionem

potentiz, quam participant; nō enim placet illa vulgaris dissinatio de actu existendi, & subsistendi: nam in quocumque actu quantumuis diminuto, etiam rationis, ut vidimus ex mente Scoti in corollario, repugnat infinitum; ut omittam ex doctrina Tatareti, sequi, quod attributa Diuina non haberent infinitatem actualem propriam: nam certum est, non habere actum subsistendi proprium distinctum à subsistentia Deitatis, & personarum: & tamen conceditur, habere infinitatem actualem propriam; ita aduertitur, quamcumque partem, quantumuis minimam, quatenus consideratur sub quocumque actu esse certam, & determinatam; & quamcumque partem, quantumuis magnam, quatenus consideratur in potentia ad vltiorem compartem, esse partem proportionalem: nam propter hanc inaduertentiam, & inconsiderationem partis proportionalis multi confunduntur; & tamen si negaretur, non posset dari infinitum syncategorematicum in diuisione, vel augmento quantitatis: nam hoc negato, daretur excessus, & determinatio, ac status in quantitate, quæ tollerent ab illa omnem infinitatem.

78 *Contra secundam* propositionem, & reliqua dicta obijciuntur primò. Datur in Deo infinita potentia in actu, non solum ad

in-

intra, sed etiam ad extra: ergo similiter ad extra debet illi correspondere terminus infinitus; ac per consequens extrà Deum dabitur infinitum in actu, quod sit categorematicū in sensu visitato à Junioribus: nam solus ipse Deus admittitur ab omnibus esse infinitum extrà genus. *Confirmatur*; quia, ut bene aduertunt Conimbricenses, non minoris valoris est Divina voluntas, & potentia libera Dei, quam intellectus Divinus, ac potentia Dei naturalis: sed intellectus Divinus producit in actu cognito infinitam multitudinem possibilem; & si Deus ageret naturaliter, scilicet secundum ultimum suæ potentiz, produceret infinitum in actu correspondens suæ potentiz, quæ est infinita in actu: ergo voluntas, ac potentia Dei libera poterunt id ipsum præstare, & similiter producere infinita in esse voluto, & existentia.

79 *Respondetur* concedendo primum antecedens de potentia Dei uniuersaliter, quantum ad esse eius absolutum, relinquendo Theologis examinandum, an ita debeat concedi de illius esse respectivo. Distinguiamus autem cum nostro Canonico primum consequens, scilicet debere correspondere potentiz infinite terminum infinitum secundum proportionem non repugnantiz; non autem secundum proportionem perfectionis; hoc est (ut loquamur visitatiùs) in-

finitum in potentia ad actum; non vero infinitum in actu excludente potentiam, aut illam determinante ultimati; & sic negamus alia duo consequentia, & infinitum categorematicum, medium inter syncategorematicum, & Diuinum, quod ut cōseruet, repugnante natura, Albertinus, destruit ipsum, dicens, illud requirere aliud præter actualitatem partium: cum certe nihil aliud inueniri possit, nisi negatio partium, ac per consequens talis infiniti categorematici medij destructio. *Ad confirmationem* negamus, multitudinem possibilem sub actu diminuto, & extrinseco cognitionis esse infinitam, quinimò est finita; ac per consequens inde nihil contra nos concluditur, restat autem illis, qui talem imaginantur infinitatem, dissoluenda illa disparitas, quæ tangitur in confirmatione.

80 *Reliqua nostra dicta impugnantur* apud Conimbricenses: quia infinitas syncategorematica nullam inuoluit repugnantiam, nec ex parte Diuinæ potentiz, cum sit infinita; nec ex parte effectus: quia per talia incrementa non perueniretur ad aliquam creaturam actu infinitam: ergo absolute in nulla creatura repugnat dari, ac proinde neque in aliqua qualitate secundum intensionem, neque in forma, aut quacumque specie. *Negatur antecedens*, & assigna-

gnatur repugnantia ex parte effectus propter determinationem necessariam in quolibet indiuiduo, specie, & genere secundum perfectionem, & proportionem entitativam, vltra quam si excederet, indiuiduum transiret in aliam speciem, & esset species extrâ genus, donec perueniret ad ipsum Deum iuxta explicata superius.

Altera ratio; quia sequitur, quod quantitas possit augeri, & crescere ad esse infinitum in actu; & inde vterius, cum necessario deberet illi dari subiectum proportionatum, sequitur, quod etiam daretur substantia infinita, & virtutis infinitæ, & sic moueret in instati; mutaretur de vno loco in alium sine transitu per medium corpus, & constitueret illud in duobus locis; imò dimidia pars istius infiniti id ipsum præstaret, quia similiter esset infinita: nam infinitum non coalescit, nisi ex infinitis; & sic pars esset tanta, quanta totum; quibus inconuenientibus impugnatur etiam. primum corollarium.

¶ Respondetur ad hæc omnia negando suppositum, & primam sequentiam, quæ ex falsa, aut certe parum Catholica prædictarum auctori-

ratum intelligentia colliguntur: nam, vt ex proluxa earum expositione constat, non procedunt, nec habent euentiam, nisi ex proportionem duplici proportionis, & vniuersitatis, quare repugnat, substantiam totam secundum infinitam extensionem; quam habet in potentia, poni in actu; ita & quantitatem, & qualitatem. *Nobilis Scotista* mihi familiaris confundit intentionem cum extensione; quod si aliud Philosophus, aut eius Commentator voluerint, negandi sunt cum suis falsis principiis; & consequenter omnia inconuenientia, quæ inde deducuntur; nam præsupponunt infinitum in actu, quod nec Philosophus posuit: vnde nec etiam infinitum in potentia; neque si hoc vltimum, poneret, cogeretur illud aliud concedere; sicut neque nos lumine fidei obiectum omnipotentis cognoscimus esse infinitum non repugnantia, vt loquitur noster Canonicus, vel in potentia, aut syncategorematicum, vt Recentiores.

Notatis his principiis vniuersalibus de finito, & infinito, descendamus ad gratiam Christi, de qua fuit nostrum principale intentum n. 49.

PROPOSITIO VNICA.

*Gratia Christi non est, nec potuit esse infinita in esse
entis, seu qualitatis.*

82 **T**Enet *D. Thomas 3. parte, quæst. 7. art. 11. Scotus in 3. dist. 13. quæst. 4. quem sequuntur Vasquez disp. 46. cap. 3. Suarez disp. 12. sessione 1. & Theologi communiter contra Almainum, Mayronem, Vvadingum disp. 5 de Incarnatione dubio 8. & contra nonnullos Recentiores. Horum fundamentum est: non repugnare gratiam infinitam; si autem non repugnat, concedenda est Christo, cui gratia non ad mensuram data est Ioannis 3.*

Vasquez probat nostram propositionem: quia nullus potest reddi ita Deo gratus per gratiã adoptionis, quin possit per bona opera mereri maiorem, & maiorem: ergo hæc gratia non habet terminum sui accrementi, & consequenter non est infinita actû.

83 **Verum.** Hæc ratione non sufficienter fulcitur nostra propositio. Probatur. Quia quãdo aliqua forma est in termino, quantumcumque applicetur causa, alias productiua eius, non augeatur ampliùs: sed, si gratia esset infinita, foret in termino: ergo nõ possit augeri, etiam si applicaretur aliqua causa, per quam aliàs

augeretur. Secundum *Vasquez* gratia Christi fuit de facto finita, & tamen non fuit aucta per opera bona eius: ergo multò minùs deberet augeri per talia opera, si esset infinita, etiam in termino. *Respondebis*, ideò de facto gratiã nõ fuisse auctam: quia Christus fuit infinitè gratus per vñionem. *Contra*: nam hæc ratio videtur destruere sententiam *Vasquez*: etenim si ex illa ratione sequatur, gratiam habitualement Christi non potuiss. se recipere augmentum, conuincitur etiam, nullam omninò esse necessitatem gratiæ habitua. lis in Christo.

84 **Probant alij**: quia si gratia esset infinita, fruitio esset infinita, & consequenter lumen gloriæ, & visio forent infinita: nam sinè visione infinita nequit dari fruitio infinita; si autem visio esset infinita, comprehenderet Deum, & sic ita perfectè videret Deum, sicut Deus seipsum videt, quod est falsum.

Sed probatio hæc non satis, ibi constat. Probatur. Aduersarij concederent totum, præter illud, quòd fruitio, & visio illa essent

essent comprehensivæ, quod negarent: quia ad hoc, ut aliquis comprehendat Deum, requiritur intellectus, qui in se sit sic perfectus, qualiter est Deus in se: anima autem Christi quamvis haberet lumen infinitum, haberet tamen intellectum finitum, à quo, tanquam à principio, dependeret illud lumen in ordine ad suum effectum; & consequenter visio, quæ non solum à tali lumine, sed etiam ab intellectu produceretur, sequeretur in sua perfectione, vel imperfectione ipsum intellectum finitum, & limitatum.

- 85 *Alij ita dicunt:* infinitum intensivè de potentia ordinaria nequit dari: nam omnia in pondere, & mensura operatus est Deus.

Neque hac tandem ratio subsistere potest, est namque facilis solutionis. Certum enim est, perfectionem naturæ assumptæ non mēsurari per legem ordinariam: alioquin subsisteret in seipso, sicut reliquæ naturæ in naturali supposito subsistunt; sicut ergo illa natura assumpta est ad summam perfectionem substantialem; ita etiam congruit, eam elevari ad summam possibilem accidentalem, & consequenter ad infiniram gratiam; si hæc sit possibilis.

- 86 *Probatum* itaque nostrum assumptum hac ratione. Quia si posset dari gratia infinita in gradibus homogeneis, daretur ali-

quis gradus gratiæ infinitæ perfectionis intensivæ: sed hoc est absurdum: ergo & illud, unde sequitur. Minorem omnes concedere debent: quia propter eandem rationem negat processum in infinitum in speciebus (loquor de speciebus inæqualis perfectionis: nam si dētur species æqualis perfectionis, hæc ratio nil facit contra infinitatem illarum, plusquam contra infinitatem individuorum): quia daretur aliqua species infinitæ perfectionis intensivæ, & consequenter esset Deus. Maior probatur: quia quilibet gradus in tota illa collectione includeret aliquam perfectionem; sed daretur aliquis gradus, qui in infinitum excederet alios in perfectione: ergo aliquis gradus esset infinitæ perfectionis; maiorem suppono; minor patet; quia in gradibus heterogeneis secundus excedit primum, & tertius secundum, & quartus tertium, & sic in infinitum. Consequentia videtur clara: quia illa perfectio, quæ infinitè excederet alias perfectiones, esset simpliciter infinita.

- 87 *Supponit* nostra ista probatio; qualitatem intendi per gradus heterogeneos, sicut fuit à nobis probatum in libris de generatione, & corruptione: & hoc: quia in omnium opinione qualitas plus perficitur intrinsecè per intensiorem, quam extensionem: nam qualitas intensius

Lil 2 plus

plus operatur, tam expellendo contrarium, quam vltimatè disponendo subiectum: sed non esset magis perfecta, nec actiualior intrinsecè intensa, quam extensa, si intensio fieret per additionem graduum similium: ergo necessariò fit per additionem graduum dissimilium.

- 88 *Confirmatur*: quia nulla alia præter illam potest excogitari, nisi vel diuersitas vnionis, vel contractio partium qualitatis in minori parte subiecti: sed diuersitas vnionis præxigit diuersitatem partium; & maior, vel minor contractio nullam ponit intrinsecam perfectionem in qualitate: sed tantummodò maiorem applicationem: ergo, supposita similitudine partium, tam intrinsecè perficitur qualitas extensione, quam intensione; ac per consequens, exteris paribus, tam perfecta esset extensa, quam intensa. *Sequeretur* etiam, quòd agens remissum posset intendere subiectum intensius, quod tamen repugnat experientia. Probatur sequela: quia calidum vt vnum, si applicetur calido vt duo melius disposito, potest in illo producere nouum gradum caloris; ac per consequens faciet illud intensius, cū superaddat illi vnum gradum similem alicui ex duobus præhabitis. Casus est possibilis, quia calidum vt vnum habet virtutem actiuā, & calidum vt duo passiuam melius dispositam. In Theologia,

argumentum habet maiorem vim; dicitur quippè ibi, quòd gratia habitualis augetur per actus remissos.

- 89 *Nec valet responsio* Aduersariorum dicentium, quòd in tali casu nulla actio foret: nam actio procedit à proportionem maioris inæqualitatis, nisi explicetur ista inæqualitas iuxta sensum nostræ conclusionis, facile contereretur. Tum propter instantiam Theologicā. Tum propter alias, quas adducit Hurtadus.

Dices contra nos. Eo ipso, quòd gradus, vel partes dispersæ in diuersis subiectis coniunguntur in vno, euadit forma magis perfecta tam quoad esse, quam quoad operari: ergo ista coniunctio sufficit ad intensiorem, neque requiritur dissimilitudo graduum. Probatur antecedens: quia forma in tali casu haberet plures perfectiones indiuiduas, & per modum vnus; ac proinde perfectior, quam quādo erat dispersa in diuersis subiectis.

Confirmatur; quia virtus vnita fortior est ipsa dispersa: ergo in eodem subiecto euadet perfectior forma, quam in diuersis, ac proinde intensior: quia fortitudo agendi oritur ex perfectione, & perfectio infert intensiorem.

- 90 *Respondetur* ad argumentum; & eius fundamentum, qualitatem in tali casu ex vi contractionis ad vnum subiectum non fore intrinsecè perfectiorem, sed tan-

rantum per accidens eo modo, quo dicimus, quod propter maiorem approximationem, vel applicationem agens potest vel minus, vel magis agere: quia, est magis, vel minus impeditum; cum tamen certum sit, nihil per talem approximationem, vel elongationem, virtutis ipsi addi, vel detrahi. Unde isti diuoluuntur in opinione dicentium intensionem fieri per ablationem contrarij: nam impedimenta contraria reputari debent. *Negatur* autem probatio principalis argumēti, quod scilicet multiplicatio sola graduum individualium faciat intensionem, nisi illi gradus sint dissimilis perfectionis. Confirmatio manet dissoluta ex dictis: quia augmentum virtutis vnitz fit propter immunitatem ab impedimentis; quare, cum non sit intrinsecum augmentum, nihil facit ad intensionem intrinsecam, quamuis aliquo modo adiunget operantem.

91 *Replicabis.* Inde sequitur, quod necessario præcedēs gradus corrumpetur, adueniente dissimili gradu perfectioni; consequens est præcipue contra Scotum in 1. dist. 17. vbi contrarium sustinet aduersus Godfredum. Sequela probatur: quia in tali casu primus gradus esset superfluous, cum virtualiter contineretur in sequenti, & aliquid amplius. *Negatur* sequela; ad probationem autem dicimus, quod licet primus gradus videatur

superfluous, scilicet non sit necessarius respectu intensionis; tamen est necessarius respectu aliarum conditionum. *Prima est* propter proportionem qualitatis materialis cum quantitate; nisi enim in qualitate forent plures gradus, qualitas illa non posset extendi, diuidi, & partiri ad extensionem, diuisionem, & partitionem quantitatis. *Secunda* conditio est virtus limitata agentis creati, quod primò producit imperfectum, deinde perfectius. *Adde*, quod gratis concessio, qualiteram intēdi per gradus homogeneos, adhuc repugnat qualitas infinita: quia subiectum talis gratiæ esset infinita perfectionis, & capacitatis: sed nullum potest dari subiectum tale: ergo nec vlla forma talis. Probatur: quia quod magis intensa est forma, quæ recipitur, eo magis perficitur subiectum: ergo si gratia, vel vlla talis forma esset infinitè intensa, subiectum esset infinitè perfectum.

92 *Petes: an possit saltem extrā* subiectum dari gratia, vel vlla alia qualitas infinitè intensa? *Respondetur* negatiuè: quia nulla forma accidentaliter potest dari, cui repugnet poni in subiecto; cum omnis talis forma ordinetur ex natura sua ad subiectum. *Imguant* ista a nobis dicta, argumenta, quæ subsequuntur. *Primum*: quantumcumque aliquis est Deo gratus, potest adhuc crescere in gratia per opera sua

454 *Disputatio XIII. De Christi scientia.*

sua bona: ergo nulla dabilis gratia, cui repugnet ulterius intendi. Hunc argumento longo sermone fuit supra satisfactum: cum enim gratia peruenit ad illum terminum ultimum, quo perfectior dari non possit, repugnat gratiam illam intendi, seu perfici per alterum gradum aduenientem; si enim posset alter gradus perfectior aduenire, inde sequeretur, qualitatem, seu gratiam minimè peruenisse ad ultimum gradum. *Secundum* argumentum. Non debet poni in anima Christi alia gratia, quàm illa, quæ

est necessaria ad eius Beatitudinem: sed hæc non est summa: ergo nec gratia. Minor probatur: quia Beatitudo commensuratur inclinationi naturali: sed hæc est perfectior in Angelo, quàm in anima Christi: ergo Beatitudo Angeli potest esse maior, quàm sit Beatitudo animæ Christi. *Respondetur*; transeat maior, & negatur minor. Ad probationem dico, Angelos, & animam esse pares in ordine ad supernaturalia, quantum ad inclinationem passivam; unde argumentum cadit.

DISPUTATIO TERTIADECIMA.

De Christi scientia. Vbi de lumine Gloria, & Visione, &c.

Competit Christo, quatenus Deus est, Diuina, & increata scientia: non enim amisit Verbum Diuinum in Incarnatione, quæ sibi ex Deitate insunt; cum autem sit etiam homo, animam habens creatam, nec non intellectum creatum, inde admittenda est creata cognitio, & humana scientia, quia

non potest intellectus creatus privari operatione, & actione sua vitali, quæ est cognitio, & scientia. De Diuina scientia Christi, quatenus est Deus, diximus in primo; hic de scientia Christi, quatenus homo est, agere debemus. Cuius occasione plura dicemus de lumine gloriæ, & Visione Beata, &c.

PROPOSITIO PRIMA.

Beatifica scientia fuit in Christo homine, non solum post Ascensionem in Cælum, sed ab instanti sua conceptionis.

PER beatificam scientiam nihil aliud intelligimus, quàm cognitionem illam incuitiuam, seu visionem, qua Beati dicuntur in Cœlis videre Deum, in qua visione incipit eorum Beatitudo. Hanc visionem, & cognitionem Dei beatificam, nullus negare potest Christo existenti in Cœlo: cum sit prædestinatorum, & Beatorum primus; nec potest Christianus dubitare: an Christus eandem habuerit scientiam ab instanti sua conceptionis? cum Ioannis primo n. 15. legatur. *vidimus.* &c. (supple Christum) *plenum gratia, & veritatis;* & ad Colossenses secundò nu. 3. *In quo sunt omnes thesauri sapientia, & scientia absconditi;* liquidem in plena possessione veritatis consistit visio, & scientia Dei, qui solus est prima, & vera veritas, & in thesauro scientiæ, & sapientiæ Dei, id, quod primum, & nobilissimum est, aliud esse non potest, quàm distincta, & clara cognitio Dei; non abstractiua, qualem nos ipsi habemus, sed intuitiua, quæ propriè dicitur visio.

2 *Impugnant nostram propositionem nonnulla desumpta ex Sacra Scriptura; Lucæ 24. nu. 26. legitur: oportuit Christum pati, & ita intrare in gloriam suam: ergo Christus minimè fuit Beatus à primo instanti suæ conceptionis. Respondetur, hoc intelligi de gloria corporis, & de gloriosa sessione ad dexteram Dei Patris. Idem dicendum est ad iudæum Ioannis 17. nu. 5. Clarifica me, tu Pater, apud te ipsum claritate, quam habui prius quàm mundus esset. Posset etiam dici, quòd hic petat manifestationem gloriæ suæ apud alios, & in Ecclesia. Ad illud ad Hebræos 2. nu. 10. decebat eum, &c. per passionem mortis consummare, &c. Responderi potest eodem modo: quia non est Beatitudo consummata, nisi quando habetur gloria animæ, & corporis. Sed hic locus melius intelligitur de consummatione muneris Redemptoris. Replicabis: Scriptura in persona Christi apud ps. 15. num. 11. dicit: *Adimplebis me lætitia cum vultu tuo, &c.* Item ibidem n. 10. *non derelinques animam meam in Infer-**

Inferno, nec dabis sanctum tuum videre corruptionem: ergo Christus expectauit visionem animæ, sicut expectauit gloriam corporis. Respondetur, negando consequentiam, & licet hic locus posset multis modis explicari, sufficit tamen nobis, quod possit intelligi commodissime de Beatitudine accidentali, nempe lætitia, quam erat Christus, ex

gloria corporis, consortio sanctorum, & alijs capitibus recepturus. Alij obiectioni, qua dicitur, quod Christus tempore passionis habuit tristitiam, quæ nequit compati cum Beatitudine essentiali, cuius gaudium est plenum; satisfaciam infra in proprio loco, disputatione de defectibus naturæ assumptæ.

PROPOSITIO SECVNDA.

Visio Beatifica Christi est clarior, & perfectior, quam sit visio alterius hominis, aut Angeli. Et estò comprehensiuæ Diuinæ essentia non sit: est tamen summa possibilis.

3 **P**Robatur prima pars, scilicet, quod *visio Christi sit clarior, &c.* A primo instanti conceptionis Diuini Verbi essentia Diuina fuit intimius præsens, & perfectius coniuncta intellectui Christi, quam Beatorum; ergo eandem. imò maiorem habuit homo Christus ab instanti suæ formationis de Deo Beatificam cognitionem. Sic altera ratio. Perfectior hæreditas danda est filio naturali, quam adoptiuo; unde ad Hebræos dicitur: *tanto melior Angelis effectus, quanto differentius præ illis nomen hereditauit: ergo &c.*

4 Secunda pars, videlicet, quod

Christi beatifica visio non sit cōprehensiuæ, estò sit perfectior visione hominis, & Angeli. Probatur, (abstrahendo ab illis principijs, an scilicet ratio comprehensoris consistat in commensuratione intellectus cum intelligibili; ita ut tanta sit intellectualitas potentia, quanta sit intelligibilitas obiecti, ut placet nonnullis Scotistis; & an hæc comprehensio sit perfectissima cognitio, qua versari potest circa obiectum, ut volunt quidam Nominales: Nam, si hæc principia sunt vera, nulla est difficultas, quod anima Christi non comprehendat, nec comprehendere possit Deum. Pro nunc ablineo

ab

ab examine horū principiorū.) Probatur inquam sic. Nulla res compræhenditur, quando non cognoscitur omni modo, quo cognoscibilis est: sed Deus non cognoscitur ab intellectu animæ Christi omni modo, quo cognoscibilis est: aliàs cognosceret infinita possibilia, omnia præsentia, præterita, & futura; nam omnipotentia Dei; intellectus Diuinus, & voluntas respiciunt hæc omnia actualiter, & consequenter sunt cognoscibilia, prout dicunt talem respicientiam. *Hinc posset* fortè desumi argumentum ad probandum, nullā creaturam posse compræhendi ab altera creatura; quia quælibet creatura dicit infinitos ordines, vel actuales, vel habitudinales, & possibiles ad alias creaturas; qui ordines nequeunt cognosci formaliter, vt tales, quin cognoscantur eorum termini.

5 *Fanet* nostræ propositioni sacra scriptura multis in locis, in quibus Deus dicitur incompræhensibilis. Ieremiæ 32. n. 19. *Magnus consilio, & incompræhensibilis cogitatu.* Fauent Patres; Gregorius

X. moralium capite 10. asserit, quoddam licet Deum in claritate sua quandoq; conspiciamus, non tamen eius essentiam plenè contuemur. & loquitur de statu gloriæ. Et lib. 18. capite 28. ait. *longè disparilliter videre creaturam Creatorem, quàm ipse se ipsū videat: nam quantum ad immensitatem Dei, modus nobis præfigitur contemplationis, quia eo ipso pondere circumscribimur, quo creaturas scimus.* Vltima pars nostræ propositionis scilicet, quoddam viso beatifica Christi sit summa possibilis, eidem firmatur rationibus, quibus probatum est disp. 12. proposit. 14. animam Christi habere summam gratiā possibilem; est enim vtrobique eadem ratio.

6 *Petes: Vtrum de facto Christus habeat visionē Diuinæ essentię, quæ talis sit perfectionis, vt nulla dari possit maior in hypoth: si quoddam Christus habeat influxum actiui in illam visionem?* Apud Scotistas nō est vnus modus respondendi. *Noter Pater Felix capite 15. difficultate 2. est opinatus, quoddam negatiuè sit respondendum.*



PROPOSITIO TERTIA:

*Visio Divina essentia in Christo tanta est perfectione
condecorata etiam si ad illam intellectus Chri-
sti præstet actuum concursus, ut ea perse-
ctior dari nequeat.*

7 **P**ROBATUR. Quia hoc facit ad maiorem Christi dignitatem, quam, teste Augustino, debemus semper extollere, nisi evidens ratio convincat oppositum. Ratio nostra est, quia, etsi debilis sit intellectus perfectior intellectu Christi, atque adeo maioris activitatis, tamen nullam videmus repugnantiam, quin Deus post collatum summum lumen gloriæ possibile, ipse Deus immediate per proprium concursus suppleat defectum activitatis intellectus Christi, & agat cum illo intellectu totum id, quod alter intellectus præstare valeret, & inde à Deo, & ab intellectu Christi produceretur visio tantæ perfectionis, ut alia nulla foret possibilis perfectior. Dices, Deum posse post summum gloriæ lumen collatum intellectui Angelico, eodem concursu, seu concursu

æquali concurrere cum intellectu Angelico; ergo est verum dicere, posse dari visionem perfectiorem ea, quam de facto habet Christus. Respondemus, negando, posse Deum æquali concursu concurrere cum Angelo, & posse producere visionem perfectiorem ea, qua supponimus condecoratum intellectum Christi. Ratio est, quia cum Deus concurrerit secundum ultimum de potentia cum intellectu Christi, supplendo id, in quo superaretur ab intellectu perfectiori, visio tunc producta esset talis, quod nulla maior foret in se possibilis. Exemplum potest esse in gratia habituali Christi, quam Scotistæ communiter dicunt, esse in eo gradu, ut ea maior dari nequeat, estò æqualis dari possit.

PROPOSITIO QVARTA.

Lumen gloriae fuit necessarium in Christo. Quod tamen non est actualis visio, sed est aliquod operativum.

8 **P**Robatur prima pars. Intellectus in ratione potentia elicitive non est adequatus, & completus ad visionem Dei: ergo indiget principio eleuante, ipsumque, complente: at tale eleuans vocatur lumen gloriae; ergo necessarium est lumen gloriae. *Urgo* discursus istum ex paritate aliorum actuum supernaturalium. Ad tales actus supernaturales requiruntur habitus infusi; unde ad actum fidei censetur necessarius habitus fidei, ad actum spei, habitus spei; ad actum charitatis, habitus charitatis: ergo ad visionem est necessarius habitus luminis gloriae. Item visio beatifica est supernaturalis quoad substantiam, ut notauimus in tractatu de Visione Dei: ergo principium elicitiuum eiusdem debet esse supernaturale: at intellectus de se non est supernaturalis; ergo dandum lu-

men gloriae, per quod intellectus reddatur supernaturalis.

9 *Secunda pars*, nempe quod sit aliquod operativum, conuincitur ex ipsa voce, *elevationis*; *elevationis* quippe non est *operatio* in se. Quod lumen non sit ipsa visio, breuiter ostendo. Lumen eleuat potentiam ad visionem; ergo aliud visio, & aliud lumen: etenim, idem ad semetipsum eleuari, repugnantiam inuoluit: quippe *elevationis* semper dicit aliquam prioritatem respectu illius, ad quod dicitur *elevationis*. Tum etiam quia lumen corporeum censetur quid praeuium ad visionem, & ab ea contradistinctum; ergo idem fatendum de lumine gloriae, quod putamus, consistere in qualitate quadam supernaturali eleuante potentiam ad supernaturaliter videndum Deum,

PROPOSITIO QUINTA.

*Non est de fide, lumen gloria in Beatis esse habitum
infusum à visione distinctum.*

10 **P**ropositio est contra *Ca-*
preolum in 4. dist. 49. qua-
sione 4. art. 3. Caietanum 1. parte
circa articulum quintum quest. 12.
ad quartum Argumentum Scoti,
Ferrariensem 4. contra gentes cap.
54. & alios docentes, definitum
esse in Concilio Viennensi, lumē
gloriæ necessarium ad vidēdum
Deum esse habitum, seu qualita-
tem à visione distinctam.

Probatur tamen nostra propo-
sitio, quia, ut notat Vasquez disp.
42. cap. 2. Concilium Viennense
solum intendebat damnare er-
rorem Biguardorum, & Beguina-
rum asserentium, Deum clarē
videri posse ab intellectu creato
naturaliter, & consequenter so-
lūm definiuit, non posse id crea-
tum intellectum naturali virtu-
te; ac proinde indigere superna-
turali auxilio, seu lumine ele-
uante. An verò hoc auxilium,
vel lumen, sit habitus, aut quali-
tas, aut peculiaris Dei concur-
sus, non curauit Concilium.

11 *Confirmatur nostra propositio:*
quia in tali Clementina non di-
citur hoc lumen, vel adiuuamen
infundi Beatis, ut ex modo ipso
loquendi (infusionis) possit col-

ligi tale adiuuamen esse habitū
ad eum modum, quo gratiam,
& alias virtutes supernaturales,
colligimus, esse habitus ex eo,
quòd in Tridentino sessione 6. di-
cantur homini infundi in eius
iustificatione. Nec ex illo Verbo
lumen id potest apertè colligi:
cum lumen in scriptura interdū
sumatur pro auxilio, quomodo
ab aliquibus Interpretibus ex-
ponitur illud Psalmi 4. n. 7. signa-
tum est super nos lumen vultus tui
Domine &c. sumpra metaphora
à lumine manifestatiuo, quod
auxilium Diuinum, sicut lumen
gloriæ manifestat Deum efficiē-
do id, in quo Deus manifestatur,
& sine illo manifestus esse ne-
queat.

Dices cum Aduersarijs, Con-
cilium definisse controuerſiam
illā; quæ inter Scholasticos tunc
versabatur de habitu luminis
gloriæ, & ita de fide tenendum
esse, dari talem habitum in Bea-
tis. Confirmat Sotus ex eo, quòd
in eodem Concilio definita sit
alia controuerſia de infusione
habitus gratiæ, & aliarum virtu-
tum supernaturalium paruulis
in Baptismo.

Te;

12 *Totum hoc, quod assumitur est falsum, ut optimè Vasqu. 1. parte disput. 42. capite 2. n. 5. Quod clariùs constat ex illo, quod in confirmatione adducit Sotus: nam in capite maiores de Baptismo, & eius effectu, testatur Innocentius Tertius, adhuc esse controuersiam inter Scholasticos de illa re; & in Clementina unica de summa Trinitate, & fide Catholica, solum refertur probabilior opinio: quæ docet, paruulis in Baptismo infundi habitus; ergo restat bene fundata veritas nostre propositionis. Ad. de ex nostro Patre Fabro, quod consuetudo sit Conciliorum, cum controuersias Scholasticorum dirimunt, Authores improbarum assertionum recensere, imò & deceptionum causas: at Concilium Viennense solum commemorat Beguardos, & Beguinos; ergo signum est, quod eorum intentio minime fuit suam imponere controuersiam agitatam inter Scholasticos Theologos. Hengrices ait, Verba Concilij non saluari, nisi dicamus definitum per Concilium, lumen gloriæ collocandum esse in qualitate supernaturali intellectui superaddita. Dicit enim Concilium: *animam non indigere lumine gloriæ, ipsam eleuante ad videndum Deum, eoque beatè fruendum. Error.* Ex verbis ergo Concilij euidenter conuincitur, dari discretionem realem inter formam eleuantem intellectum ad visionem, & visionem ipsam elicitam. *Urgetur ra-**

tio. Locutiones istæ forent ineptæ: species est necessaria facultati cognoscenti ad visionem; vel ista, equus est necessarius ad equitationem, si species usurparetur pro ipso actu cognoscendi, & equus pro equitatione. Refellitur tamen hic Doctor, quippe non est abusua, & impropria ea locutio, quæ pronunciaret, speciem expressam esse necessariam facultati apprehensiuæ ad cognoscendum; quinimò est locutio vitarissima: cum certo certius sit, speciem expressam non esse distinctam ab actu cognitionis, & communiter dicimus, visionem esse necessariam ad videndum Deum.

13 *Oppones nobis primò.* Non minus necessarium esse habitum luminis ad visionem, quam habitum fidei ad assensum credendi, & habitum spei ad actum sperandi: sed dari habitum fidei, & spei infusos, est de fide, ut claret ex Concilio Tridentino, quod postquam sessione 6. egerat de actibus fidei, & spei, subdit in capite 7. *hanc dispositionem iustificatio ipsa consequitur*, in qua nimirum, hæc omnia simul infusa accipit homo, fidem, spem, & charitatem. *Respondemus*, non curando pro nunc de infusione habituum fidei, spei, &c. quidquid sit de hac veritate, nihil habetur contra nostram propositionem: aliud quippe est, quod vi illationis inferitur; aliud vero, quod decreto, & definitione Ecclesie

eleſiz firmatur. Damus ergo, nō eſſe maiorem neceſſitatem habituum fidei, & ſpei, ſpectatā rātū ratione cōprincipij actus ſupernaturalis. Quare nobis pro certo eſt, habitum luminis creatæ menti infundi; reſpuimus tamen, id eſſe dogma fidei, & quod expreſſe ex Eccleſiæ definitione nobis conſtet. *Poſſet etiam dici, nō valere diſcurſum ab infuſione habitus charitatis ad infuſionem luminis gloriæ.* Primò, quia Concilium Tridentinum ſermonem faciens de habitu Charitatis, dicit, *infundi*, at Concilium Viennenſe loquens de lumine gloriæ, minimè utitur hoc verbo, *infundi*, ergo iam habemus motiū ad varia iudicia formanda de habitu Charitatis, & de lumine gloriæ: cum diuerſis ſignis nobis manifeſtentur. *Secundò*; quia datur ratio, quæ probet peculiariter de charitate, quod conſiſtat in habitu infuſo; eſtquæ iſta: quia charitas nedūm ſit vnā cum voluntate cōprincipium actus ſupernaturalis, verum etiam ſit forma intrinſecè reddens animam iuſtam, & laudam; ſecūs verò de lumine gloriæ: hoc quippè ea ratione datur; vt ſimul cum intellectu ſit cōprincipium viſionis beatificæ.

- 14 *Concludo ergo, probabilius eſſe aſſerere, lumen gloriæ eſſe qualitatem quandam ſupernaturale infuſā menti noſtræ. Ita expreſſe Scotus in 1. diſt. 17. quæſt. 3. vbi*

ait: & ſi arguitur, quod ſine habitu informante poteſt eſſe viſio perfectæ, & fruſtio perfectiſſimæ. Reſpondeo: nullus negat cōmuniter in gloria habitum luminis gloriæ in intellectu, & iſte ex parte intellectus poteſt poni conreſpondere charitati ex parte voluntatis. Hæc Scotus. Hic curioſe nota, ſubtiliſſimum Doctorem non ſolūm fateri infuſionem habitus luminis, ſed illam æquiparare videtur impreſſioni habitus charitatis, quæ eſt de fide. Tu ergo ſpeculare.

- 15 *Lumen gloriæ, collocandū eſſe in habitu, non obſcurè etiam colligitur ex Scoto quæſt. 3. prologi 5. ſed dubium eſt &c. vbi ait: hic diſtinguendū eſt de Theologia in ſe, & vt eſt habitus perficiens intellectum creatum Beatum. Primo modo eſt de omnibus ſcibilibus: quia omnia alia nata ſunt ſciri virtute primi obiecti Theologici. Secundo modo, dico, quod poſſibile eſt, eam eſſe de quocumq; imo, & de omnibus ſcibilibus: quia ſcibilia non ſunt infinita; de factō autem non habet limitationem, niſi ex voluntate Dei oſtendentis aliquid in eſſentia ſua; & ideo actualiter Theologia eorū eſt de tot, quot voluntariè Deus oſtendit eis in eſſentia ſua. Hæc Scotus. Quod per habitum Theologicū intelligat Scotus lumen gloriæ, nullo negotio colligitur ex ipſiſmet verbis Scoti, in quibus dicit, habitum Theologiæ elicere viſionem creaturarum in eſſentia Diuinā, quōcirca cum habitus producat intuitionem crea-*

creaturarum non in se ipsis, sed
in essentia Dei; alius habitus es-

se nequit, nisi habitus luminis
gloriz.

PROPOSITIO SEXTA:

*Visio beatifica non requirit dispositionem in intellectu,
ut recipiatur.*

16 **O**ppositum docent Ric-
ehardus, & alij. Est 12.
men Scoti in 4. dist. 49. questione
vndecima. & 3. dist. 14. questione 2.
Probatum primò: quia disposi-
tiones deseruiunt ad expellen-
dam formam contrariam; hinc,
vt introducatur forma substan-
tialis ignis in materia ligni, est
necessariò præmittendus calor,
per quem expellatur frigus: at
visioni beatificæ nullum corre-
spondet contrarium in intelle-
ctu, ergo, vt visio recipiatur in
intellectu, minimè est necessariū
lumen, quo veluti per disposi-
tionem disponatur intellectus.
Sit altera ratio. Dispositio neces-
saria in subiecto ad receptionē
alicuius formæ non remanet si-
mul perseveranter cum ipsa for-
ma: habet quippè se dispositio
ad formam, sicut via ad termi-
num: at, consecuto termino, ces-
sat via: ergo, recepta forma, in
exilium vadit dispositio neces-
saria ad formæ introductionem:
sed lumen gloriæ permanētiam
habet cum visionē beatifica: er-
go lumen minimè est dispositio

necessaria, & dispositiva intel-
ctus ad receptionem visionis.

17 *Accedat tertia ratio.* In visione
beatifica non reperitur prædica-
tum aliquod, vel ratio formalis
aliqua, ratione cuius intellectus
indigeat disponi per lumen: er-
go &c. Assumptum ostendo enu-
merando formalitates in visio-
ne repertas. Reperitur in primis
vitalitas. Secundò, quod sit in-
tellectio. Tertiò, quod sit super-
naturalis; & tandem; quod sit
actus secundus, seu actus vlti-
mus potentiz: at ex nullo horū
capitum licet colligere intelle-
ctū necessitarii dispositione præ-
uia, vt valeat recipere visionem
beatificam: ergo &c. *In primis,*
Aduersarijs non fauet ratio vi-
talitatis: quippè omnis intelle-
ctio est vitalis; cum tamen ad
omnem intellectionem recipiē-
dam minimè indigeat intelle-
ctus disponi per lumen. *Nec ra-
tio* supernaturalitatis quidquā
prodest; etenim ipsi Aduersarijs
consensientibus, intellectus im-
mediatè recipit lumen gloriæ, &
natura assumpta à Verbo im-
mediatè

464 Disputatio XIII. De Christi scientia.

mediate subiicitur vnionem hypostaticam, quæ tamen in substantia supernaturalis est. Tandem nõ iuuat Aduersarijs, quòd visio sit actus secundus, & vltimus potentia: omnes quippè actus intellectus, & voluntatis sunt actus secundi, & vltimi, & tamen, vt recipiantur in intellectu, & voluntate, non requiritur aliqua dispositio.

18 *Dices* provenire hoc ex eo, quòd sit vltimus actus supernaturalis. *Contra* quia hoc est dicere, repugnantiam provenire, quia sunt supernaturales, quòd iam refutatum restat. *Urgeo argumentum.* Si visio beatifica non foret supernaturalis, proculdubio immediatè reciperetur in intellectu: ergo ratio potissima, in qua fundari possunt Aduersarij, desumenda est ex conceptu supernaturalitatis: at supra vidimus, quòd lumen gloriæ, quāquā supernaturale, tamen immediatè recipitur in intellectu: ergo ratio supernaturalitatis nil tauct Aduersarijs. *Itē.* Actus charitatis, qui causatur ab auxilio Dei extrinseco, est actus vltimus supernaturalis, & tamen recipitur immediatè in voluntate denudata omni dispositione supernaturali.

19 *Dices* secundò; necessitatem, non desumendam ex eo, quòd visio sit actus vltimus, aut quòd sit supernaturalis, sed ex vtroq; simul. *Contra* quia ex vtroque simul non resultat aliquod præ-

dicatum, aut ratio formalis distincta ab eo, quòd actus ille sit supernaturalis, & vltimus: ergo, si ex parte aliorum prædicatorum non repugnat recipi in intellectu expoliato omni dispositione supernaturali immediatè, neq; repugnabit ex parte vtriusque simul.

Dices tertid. Hoc provenire, quia talis visio beatifica est perfectissima. *Contra;* nam vnio hypostatica est magis perfecta, & tamen immediatè recipitur: etenim iuxta probabiliorē sententiam in humanitate non fuit præsupposita gratia antecedenter ad vnionem hypostaticam. *Adde,* quòd saltem de possibili non repugnat, vnionem hypostaticam immediatè recipi in natura; ergo idem dicendum de visione.

Quod si quispiam pro Caietano 1. parte quæst. 12. respondeat: principiū D. Thomæ omne quod recipit formam supernaturalem, per aliam formam supernaturalem disponi oportet tantum intelligi debere de forma supernaturali, quæ generationis supernaturalis est vltimus, non verò de ea, quæ est via ad terminum, sicut est lumen comparatione visionis.

20 *Contra sic argumentor:* lumen gloriæ, & visio non se habent, vt via, & terminus supernaturalis generationis; ergo nulla responsio. Antecedens probatur: siquidem nullus habitus esse habet ratio-

rationem viz comparatione actus, ad quem efficiendum adiuuat potentiam: cum habitus, & actus ita comparentur potentiz, vt actus suapte natura sit natus prius recipi in potentia, quam habitus, quia habitus generatur ex frequentatis actibus: at lumen gloriæ duobus modis spectari potest, scilicet sub ratione habitus in communi, & sub ratione talis habitus supernaturalis in particulari; si primo modo consideretur; tantum de se habet exercere munus hoc, scilicet, inclinare potentiam, vt facilius operetur, vel eam adiuuare, vt operetur intentius, &c. si secundo modo consideretur habitus, illud idem præstat, quod præstare aptum est, inquantum habitus in communi; cum hoc discrimine, quod sub priori ratione inclinatur, & adiuuat ad actus etiam in communi, siue naturales, siue supernaturales; sub posteriori tamen consideratione inclinatur, & adiuuat determinatè ad actus supernaturales; ergo sine firmo fundamento constituitur lumen in beatis, vt per illud disponatur intellectus ad receptionem visionis beatificæ.

31 *Ipsæ ergo intellectus nudè sup-*
tus, potest immediatè recipere visionem. Nam si non potest; vel necessitas talis dispositionis oritur ex parte intellectus præcisè: quia non est suapte natura subiectum idoneum ad visionem Dei recipiendam; vel præcisè ex

parte ipsius visionis, quia sine dispositione diu in intellectu conservari nequit. *Primum* dici non potest: aut enim intellectus non esset ex se immediatè capax visionis, quia supernaturalis est; & hoc non: quia hac ratione non esset capax immediatè receptionis luminis; nec alia ratio implicantiæ potest assignari: ergo nulla restat ratio pro necessitate luminis in ordine ad disponendum intellectum. *Item.* Visio non est superioris ordinis, & conditionis, quam lumen gloriæ; quia ergo ratione valebit intellectus immediatè recipere lumen, & visionem? *Item.* Visio sufficienter conservatur in genere causæ efficientis ab obiecto beatifico præsentè, & ab intellectu solo in genere causæ materialis: ergo, &c. *Nec obijciat:* quantitatem præcigi in substantia, vt recipiantur in ea, & conserventur qualitates corporeæ. Ratio quippè est: quia qualitates corporeæ, cum sint formæ extensæ, recipi nequeunt, nisi in subiecto extenso, vnde necessariò debet præire quantitas, vt per illam extendatur substantia, *Secundò*, quia subiectum proximum, & immediatum qualitatum corporearum est quantitas, non substantia, sicut patet in Sanctissimo Eucharistiæ Sacramento, in quo sola quantitas caret subiecto; visio verò minimè recipitur proximè in lumine gloriæ, vt dicam infra n. 25. ergo

N n n iam

466 Disputatio XIII. De Christi scientia.

iam habemus sufficientem disparitatem.

- 23 *Petes. Cur ad introductionem formæ ultimæ substantialis requiratur dispositio, & non ad formam ipsam ultimam accidentalem, & supernaturalem?*

Respondetur, quod in naturalibus forma substantialis conferatur proprijs dispositionibus, & sic, ut introducatur, indiget in subiecto dispositionibus medijs, quibus expellantur dispositiones contrariæ; hoc tamen non habet locum in casu nostro. *Dices*, gratiam habitualement sanctificauit requirere in voluntate supernaturalem dispositionem, motum scilicet Fidei, Spei, &c. ergo & in casu nostro. *Respondetur primò*, quod ex hac instantia sequitur, dispositionem potius requiri ex parte intellectus ad recipiendum lumen, quod est habitus, quam ad visionem, nam motus ille conuersionis exigitur quidem ad recipiendam habitualement Charitatem; non, verò actum meritorium sequentem. *Secundò dico*, quod prædicta dispositio ad gratiam iustificantem non exigitur ex natura rei, ut scilicet voluntas illius fiat capax gratiæ, vel gratia in ea diu perseueret; cum illa dispositio non maneat semper, dum manet homo iustificatus. Requiritur ergo tantum ex Diuina ordinatione, & id solum in adultis, quippe sicut propria voluntate à Deo auerterant; ita pro-

pria voluntate (auxiliante Deo) ad ipsum conuertuntur.

- 23 *Item contra Caietanum dicentem*; visionem esse ultimam formam in generatione supernaturali, & ideo opus illi esse dispositione præ alijs, sicut in ordine naturali forma substantialis, quæ est ultimus terminus generationis per se intentus, dispositiones præuias præquiri, licet ipsæ rursus alias non supponant. *Contræ est*: quod in generatione naturali non requiritur dispositio præuia titulo formæ ultimæ, sed per se intentæ; sed, ut expellantur contrariæ dispositiones, determineturque materia ad formam substantialem: etenim in conseruari forma, ubi nullum adest contrariū, à nulla dispositione antecedente dependet: cum omnes dispositiones causentur ab ipsa forma, ut patet in aqua reducete se ad frigiditatem.

- 24 *Quod si aliqua alia dispositio præuia requiratur ad generationem substantialem, ideo est, ut inseruiat operationibus, quæ elicitura est forma; ita organizatio disponit materiam formæ uiuentium; ergo, cum visio nostro titulo indigeat dispositione: cum neque contrarium aliquod expellendum sit in homine decedente in gratia; nec à visione, cum sit actus ultimus, & nullum habeat contrarium, dicendum est, quod lumen minimè agat vices dispositionis. Et hoc maxime*

ximè pater à paritate gratiæ paruulorum, quam nulla dispositio præcedit, licet sit terminus generationis substantialis. *Item* falsò supponit Caietanus, lumen esse viam ad visionem ipsam, tanquàm ad vltimum terminum; etenim repugnat, physicum principium motus esse viam ad terminum motus: sed lumen gloriæ est verum physi-

cum principium videndi Deum: ergo implicat, esse viam ad visionem ipsam. *Adde*, quòd nullus habitus est via ad actum; quinimò est verum principium physicum actus: at lumen gloriæ, vt supra vidimus, est habitus à Deo infusus: ergo non est via ad visionem, imò potius physicum principium eius.

PROPOSITIO SEPTIMA.

Lumen gloria non requiritur, tanquàm potentia receptiua ipsius visionis.

29 **I**Ta habet *Scotus* in 3. dist. 14. Probat^r primò à paritate aliorum actuum supernaturalium, qui non recipiuntur in habitu supernaturali, à quo fiunt: nam contritio in Scholæ Thomistarum procedit ab habitu Charitatis, in quo tamen minimè recipitur: etenim, cum præcedat habitum contritio, vt dispositio in genere causæ materialis, daretur mutua prioritas in eodè genere causæ, quod nunquàm admittunt Thomistæ, licet eam in diuerso genere concedant. *Item*. Absolutum, quod est ratio recipiendi aliquam formam; si per se est, per se potest recipere illam, sicut superficies per se existens potest recipere colorem, ergo, & lumen glo-

riæ, si per se est receptiuum visionis, quando per se existeret, valeret illam recipere, & consequenter beatificaretur.

26 **Verget argumentum**: Visio necessariò denominat potentiam illam vitalem, in qua recipitur, & à qua producit^r: at secundum Thomistas lumen est vitale: lumen est receptiuum visionis, & ex communi Theologorum, lumen est cōproductiuum visionis: ergo nulla est ratio, cur non dicamus, lumen beatificari, si lumen est receptiuum visionis. *Item*: tunc intellectus non plus reciperet per se visionem, quàm substantia albedinem, quam recipit media quantitate, & consequenter Beatus per accidens beatificaretur eo modo, quo

Nun 2 sub-

468: Disputatio XIII. De Christi scientia.

substantia dicitur per accidens colorata, in quantum scilicet color primò recipitur in quantitate. *Item:* visio est forma vitalis: ergo connaturali modo recipi non potest, nisi in subiecto vitali in mediatè, & per se: ergo lumen gloriæ non potest esse susceptivum illius. Prima consequentia probatur: nam sicut actio vitalis connaturaliter exigit produci à principio vitali, ita & recipi: ergo non recipitur in lumine. *Item:* visio dicitur necessariò respectum ad intelle-

ctum; ergo illum respicit, non solum, vt principium actuum, sed etiam vt passivum: cum actio immanens de communi lege, maneat in potentia vitali, à qua producitur. *Item:* intellectus est sufficiens de se, vt recipiat visionem: nam solus intellectus recipit effectum formalem, & primum visionis: ergo lumen non concurret passivè ad visionem. *Sed veritas nostra Propositio- nis* magis patebit ex duabus sequentibus propositionibus.

PROPOSITIO OCTAVA.

Visio non recipitur in toto composito integrato ex lumine, & intellectu.

37 **I**Ta habet Scotus loco citato: Est tamen contra Salmaticenses discalceatos referentes alios Thomistas censentes, munus luminis gloriæ non solum esse adiuuare intellectum actiue, sed etiam passivè recipiendo visionem. *Probatnr nostra propositio.* Visio in eo subiecto recipitur, cui præstat suum effectum primum formalem, & per illam mutatur: at visio beata solum intellectum reddit videntem Deum; ergo in solo intellectu subiektatur. *Addè,* quod si Deus suo auxilio extrinseco suppleret vices luminis gloriæ, tunc

tota visio reciperetur in solo intellectu: ergo signum est, quod intellectus sit de se sufficiens ad recipiendam visionem: ergo sine fundamento asseritur, intellectum esse concausam materialem, & passivam visionis. *Item.* Lumen, & intellectus distinguuntur realiter, & idem numero accidens nequit naturaliter esse in duobus subiectis realiter distinctis; ergo visio non recipitur æquè primò, & immediate in lumine, & in intellectu. *Item.* Visio educitur de potentia materiæ: ergo cum vnum accidens nequeat educi de potentia duplicis materiæ;

teriz; sequitur, quod lumen nō sit materia visionis. *Item.* Visio est vnum ens per se, at verò constitutum illud est ens per accidens; vnum autem per accidens nequit esse subiectum illius, quod est vnum per se: ergo.

- 28 *Nec responderi potest*, quod, sicut visio emanat in genere causæ efficientis à toto coniunctio ex intellectu, & lumine; ita in genere causæ materialis exposulat conservari in toto coniunctio. *Etenim contra hoc est*: quia non currit paritas de visione comparata ad principium actuum, & ad subiectum receptiuum: non enim tantam vnitatem exigit forma in efficiente, quantam in subiecto recipiente, sicut pa-

tet inductione facta in omnibus: vnius enim effectus possunt esse plures causæ, dummodò tamen sint vna causa totalis vnitatis ordinis, vt optimè notauit *Scotus dist. 3. primi, questione 7. sub littera N.* cæterum subiectum exposulat per se vnum vnitatis simplicis entitatis eiusdem generis; quare, sicut visio est forma simpliciter indiuisibilis, & vna tantum per se numero; ita præcisè afficit intellectum, quatenus est per se vnus numero, atque adeo, est de facto visio supponat intellectum informatum lumine gloriæ; ipsa tamen minime agnoscit lumen, vt sui causam materialem receptiuam.

PROPOSITIO NONA.

Visio Beata immediatè recipitur in intellectu.

- 29 **I**Ta docet *Scotus in 4. dist. 49. quest. 11. & in 3. dist. 14. quest. 2.* Probatur primò nostra propositio rationibus, quibus fuerūt fundatæ suprapositæ propositiones. Illis adde, quod visio est actus vitalis, connaturaliter petens tribuere suum effectum cognoscendi, & videndi subiecto capaci: sed nec lumen gloriæ, nec species impressa est capax effectus formalis cognoscendi, & videndi, sed solus intellectus: quia ipse est percepti-

uus, vitalis, & cognoscitiuus; non verò lumen, nec species: ergo visio solum exigit, vt subiectum receptiuum immediatè, intellectum. *Confirmatur* si Deus concurreret auxilio speciali ad visionem, supplendo lumen intrinsecum; visio non reciperetur in omnipotètia, vel auxilio supplente, sed in intellectu: ergo de facto in solo intellectu recipitur proximè, & non in lumine. Consequentia probatur: quia omnipotentia suppleret illud, quod

nunc

470 Disputatio XIII. De Christi scientia.

nunc præstat lumen respectu visionis: ergo, cum non suppleat concursus passivum, idem dicendum de lumine.

- 30 *Item.* Visio non petit recipi in subiecto supernaturali: ergo non est, cur non recipiatur proximè in intellectu, qui est principium vitale, & cognoscitivum. Antecedens probatur: quia vel id pecceret, quia est actus vitalis, vel quia supernaturalis. *Non primum:* quia, ut sic exigit subiectum vitale, cui effectus formalem actum videndi tribuere possit (omnis enim forma respicit ex natura sua subiectum capax sui effectus formalis) sed lumen gloriæ non est vitale, nec capax effectus formalis visionis: ergo,

&c. *Non secundum:* tum quia, bene potest esse supernaturalis absque eo, quod petat subiectum supernaturale, ut patet ex supradictis. Tum etiam, quia visio hypostatica, licet supernaturalis sit, immediatè est in humanitate. Tum etiam, quia habitus supernaturales immediatè recipiuntur in anima, vel potentijs naturalibus; similiter gratia habitualis; & character: ergo supernaturalitas non petit subiectum supernaturale. Tandem: actus supernaturales, quibus peccator disponitur ad gratiam habitualem, in potentia naturali recipitur: cum non sit habitus supernus illos eliciens.

PROPOSITIO DECIMA.

Intellectus, ut est potentia animæ, est principium actuum.

- 31 **P**robatur primò ex *Augustino* 9 de Trinitate, ita dicente: *Liquidò tenendum est, quod omnis res, quam cognoscimus, congeneret in nobis notitiam suam: ab utroque enim paritur notitia, scilicet à cognoscente, & cognito.* Adde, quod productio intellectionis dicitur actio, & non factio: ergo intellectio est actiue ab intellectu. Consequentia probatur: illa productio dicitur factio, & non

actio, quæ habet terminum, qui non recipitur in eo, à quo producit: ergo cum intellectio dicatur actio, recipiaturque in intellectu, dicendum, quod intellectus se habeat actiue. Pro ista propositione legatur *Pater Faustinus* in 3. dist. 32. cap. 2. ubi multa loca *Scoti* ad hoc propositum. Legatur etiam noster *Pater Smising. tractatu* 2. disput. 6. quæst. 9. numero 237.

Ex

Ex quo colligendum est, quod non implicat, Beatum actiue concurrere ad visionem beatificam. Probatur ex eo, quod nulla adit implicancia. Item, quia cæteræ operationes intellectus

sunt ab intellectu: ergo, & visio beatifica ex natura sua est producibilis ab intellectu: quippe conuenit vniuocè in ratione intellectiōis cum cæteris visionibus.

PROPOSITIO VNDECIMA.

Intellectus de facto concurrat ad Visionem beatam.

32 **P**robant nonnulli: quia visio beatifica ex natura sua est actio vitalis, & immanens; de ratione autem actionis vitalis communiter asseritur esse, quod à principio vitali habeat esse, sicut de ratione actionis immanentis est, quod sit à principio, in quo recipitur; cum ergo visio beatifica recipiatur in intellectu; ex sua intrinseca ratione habebit, vt actiue ab intellectu producat. *Ratio hæc minimè demonstratiua est: quippe visio beatifica non consistit in actione, sed in qualitate. Item: si illa qualitas, seu visio à solo Deo produceretur, vnireturque intellectui; intellectus, redderetur intelligens obiectum, & operans vitaliter circa illud per istam qualitatem receptam: ergo, si per conceptum intrinsecum non repugnat visioni beatificæ produci immediatè à Deo; clarescit, quod ratio adducta minimè rem demonstrat.*

33 *Probatur ergo nostra propositio*

ex communi doctrina Theologorum, scilicet quod anima in statu beatifico operetur modo sibi connaturali: est enim inconueniens, vt Deus in illo statu, miraculosè semper operetur. Hac ratione in illo statu ponimus habitum luminis gloriæ, & charitatis: quia quamuis actus possit fieri absque habitibus; nõ tamen connaturali modo. Hoc supposito; ita probò Conclusio nem: Visio beatifica est actio vitalis, & immanens: vnde quamuis de essentiali eius ratione minimè sit actus produci ab intellectu, hoc tamen est illi connaturale.

34 *Petes: vtràm contraria sententia sit probabilis? Putamus, eam sententiam non esse dignam aliqua censura. Suadetur primò, quia pluribus Authoribus classicis placuit contraria sententia, & ab alijs iudicata est probabilis. Secundò; quia argumenta in contrarium facilius soluuntur. Dices, in Concilio Viennensi definiti,*

472 Disputatio XIII. De Christi scientia.

niri, necessarium esse de facto lumen gloriæ Beatis: at non esset necessarium, nisi intellectus Beati actiue concurreret ad visionem; ergo de fide est, quod actiue concurrat. *Hinc argumento ad pleum fuit responsum supra, ostendendo, non esse de fide determinatum, in quo præcisè consistat conceptus luminis gloriæ. Replicabis, quod in doctrina Scoti lumen non est necessarium ad receptionem visionis: ergo solum est necessarium ad adiuvandam actiuitatem intellectus. Etiam huic difficultati satisfacimus supra; ne ergo dicta repetantur; videantur ibi. Dices, quod in 6. synodo generali sessione 15. definitur, dari in Christo duas operationes. Respondetur, Concilium tantum definire, quod in Christo sit creata operatio, qua verè, & propriè intelligat; ita ut non intelligat per increatam intellectionem Dei. Non tamen definit, utrùm ne talis operatio sit actiue ab intellectu animæ Christi. Vel dic, quod Concilium locutum fuit de operationibus liberis, quibus meruit in hac vita; non ergo sermonem habuit Concilium de visione ipsa beatifica.*

35 *Replicabis, quod in Tridentino sessione 6. Can. 4. definitur,*

hominem in sua iustificatione, non se habere merè passive, sed operari. *Respondetur, veram esse hoc; non tamen inde sequitur, quod Beatus actiue concurrat. Ratio est: quia in via d' sponimur ad iustificationem per actus liberos, quod fieri non potest absque eo, quod potentia actiue concurrat ad illos; at in patria actus beatificus est necessarius. Dices: In Sacra Scriptura asseritur, beatitudinē positā esse in visione beatifica iuxta illud: Beati mundo corde. quoniam ipsi Deum videbunt; sed videre nil aliud est, quam producere visionem: ergo intellectus se habet actiue. *Vergetur ratio: quia si actiue non concurreret, impropriè videret Deus, sicut impropriè dicitur amoula, re, qui propria virtute actiua non mouetur. Respondetur, argumentum fundari in doctrina falsa; supponit enim, quod intelligere consistat in actione; hoc tamen nos negamus. Ad exemplum dico, non esse ad propositum: nam actiones potentia loco motiue intrinsecè habeant esse efficienter à tali potentia; at visio, etsi connaturaliter exposulet produci ab intellectu, tamen supernaturaliter posset produci à Deo.**

PROPOSITIO DVODECIMA.

Lumen gloria non est vitalis potentia ad visionem beatam.

36 **P**robatur: nam potentia vitalis ita intrinseca est naturæ, cuius est potentia, & quæ per illam operatur, ut ab illa, tanquam à radice, dimanet, ut passio: at lumen gloriæ non ita se habet respectu Angeli, vel animæ operantis per illud: ergo lumen gloriæ minimè habet rationem potestatis vitalis. Maior patet: quia potestas vitalis est principium proximum operandi vitaliter, & sic à radice vitæ debet esse. Minor etiã de se patet: est enim lumen gloriæ habitus supernaturalis infusus intellectui; ergo minimè emanat ab anima, vel ab Angelo.

Non me latet veterum Thomistarum doctrina ponentium in ordine supernaturali potentias vitales, quæ sint principia proximè operandi, & radicem, à qua dimanant, proportionem quadam ad ordinem naturæ; ita ut, quemadmodum in naturalibus anima est radix, & essentia, à qua dimanant naturales potentie vitales, intellectus scilicet, & voluntas; ita in supernaturalibus gratia habitualis est radix, & natura, siue essentia, superna-

turalis, à qua dimanat fides ex parte intellectus, & spes, & Charitas ex parte voluntatis, tanquam potentie vitales eius in ordine supernaturali; unde consequenter, gratiam ponunt subiectatam in essentia animæ; lumen autem gloriæ, & fidem in intellectu; Spem autem, & Charitatem in voluntate.

37 *Doctrinam hanc ita impugno.* Primò: quia gratia non est, quæ operatur per lumen gloriæ, aut per Charitatem etiam in ordine supernaturali; ergo lumen gloriæ non est potentia vitalis in ordine supernaturali, nec gratia natura, & radix vitæ supernaturalis. Consequentia patet: nam radix est, quæ operatur per vitalem potentiam. Antecedens probatur: quia anima est principium quod, & producit visionem, & intelligit per illam, non gratia habitualis, ut de se patet; intellectus autem est principium proximum, & potentia vitalis, utpotè, qui dimanat à principio, quod intelligit. Secundo: potentia vitalis, & recipit cognitionem, & intelligit per illam: at lumen gloriæ neu-

O o o trum

trum horum habet: ergo nequit esse potentia vitalis. Maior constat à ratione ipsa vitalis potentia, eò quòd immanenter operatur, operatione ipsam recipit,

& per illam tenet obiectum, circa quod operatur. *Sed hac veritas, plus constabit ex sequenti propositione.*

PROPOSITIO TERTIADECIMA.

Lumen gloria, in rigore loquendo, nullam habet rationem potentia, sed habitus; tamen largè modo, & transcendentaliter dici potest potentia.

38 **P**robatur ex discrimine, quod versatur inter potentiam, & habitum iuxta notationem Aristotelis 2. *Ethicorum cap. 5. & lib. 5. cap. 10.* ut observat Suarez *dispnt. 42. Metaphysices sectione 4. num. 8. & disp. 43. sectione 3. num. 3.* quòd scilicet potentia immediatè supponit substantiam, quæ per eam operatur, reddens illam aptam operari; habitus autem non sic, sed immediatè supponit potentiam, quam faciliat, & perfecit, & aliquando augeat, & eleuat, & determinat substantiam; substantiam verò non sic, nisi mediatè, media scilicet potentia: at gloriæ lumen non supponit immediatè substantiam; quæ per ipsam operatur, sed potentiam intellectiuam, quam eleuat, & quasi determinat ad supernaturalem cognitionem; ergo lu-

men gloriæ non est potentia, sed habitus.

Dices, non supponere integram, & perfectam potentiam intellectiuam, sicut habitus naturalis supponit: hic enim solum dat faciliter, promptè, & delectabiliter operari; lumen verò gloriæ est simpliciter complens ipsam intellectiuam potentiam, & reddens animam completè, & perfectè potentem ad visionem beatam, quod ante infusionem non habebat; quare etiam si ex discrimine assignato colligatur, lumen gloriæ non esse completam potentiam; non tamen potest colligi, non esse saltem potentiam incompletam. *Sed hoc totum* solum probat nostram ultimam partem propositionis. Ex cuius probatione, etiam prima pars propositionis confirmatur, quòd scilicet lumen

men gloriæ sit largo modo, seu transcendentaliter potentia; nō tamen rigorosē, & propriē; in quo sensu dicitur potentia virtus productiua, vt species intelligibilis, & habitus naturalis, aliaque multa, quæ vim aliquā producendi obtinent. Huius potentię acceptionis meminit *Aristoteles 9. Metaphysices cap. 5.* distinguens illam a potentia rigorosa, & propria: ait enim, alias esse potentias à natura, sensus, vt sensus, alias ex consuetudine, vt arte canendi, & scribendi.

- 39 *Concludimus* ergo, quòd, licet lumen gloriæ compleat potentiam intellectiuam, non tamen complet illam in ratione potentiz rigorosē sumptæ, sed largo modo, & in ratione principij productiui, quo modo etiam complet auxilium supernaturale; imò & species impressa, quæ nec datur ad simpliciter operandum. Sicut ergo species solum complet potentiam in ratione principij productiui, supponens tamen virtutem partialem in potentia, ita philosophandum de lumine. *Hoc sic probatur:* nam si lumen gloriæ

compleret intellectum in ratione potentiz rigorosē, & propriē; compleret quidem non solum in ratione productiuz, sed etiam in ratione cognoscitiuz, seu operatiuz: at solum complet in ratione productiui, non operatiui; ergo non complet illum in ratione potentiz rigorosē, & propriē, sed transcendentaliter dumtaxat. Consequentia est clara. Minor est euident: quoniam ad cognoscendum solus intellectus concurrat. Maior probatur: quia si ita esset, non solum compleret in ratione potentiz, vt sic, sed etiam in ratione talis potentiz: at in ratione talis potentiz est operatiuus, seu cognoscitiuus: ergo, &c. *Confirmatur primò:* nam intellectus in ratione productiui conuenit cum potentia transcendentali, & in ratione operatiui differt ab ea; at solum in ratione productiui indiget adiutorio luminis: ergo solum in ratione transcendentalis potentiz, completur per lumen. *Confirmatur secundò:* nam alias species intelligibilis esset potentia rigorosa: cum intellectum compleat.



PROPOSITIO QUARTADECIMA.

Lumen gloria non est totalis causa visionis beatifica.

40 **E** St contra Thomistas, & *Alvarez disp. 64. Cabre-ram*, & alios multos asserentes, intellectum solum remotè concurrere ad visionem, quatenus recipit lumen, quod sit tota, & immediata ratio agendi, & producendi visionē. *Probatnr nostra propositio*: quia Patres Tridēni damnarunt placitum Hæreticorum: at Hæretici non negabant gratiam, quæ est in anima, esse operativam; quinimò putabant Hæretici, gratiam efficacem totam rem agere: ergo Patribus non sufficit, quòd liberum arbitrium dicatur agere, quia agat gratia: nam hoc concedebant Hæretici; ergo Patres volunt, quòd gratia non sit causa totalis. Quòd assero de gratia, volo dictum de lumine gloriæ. *Urgeo difficultatem*. Actus pius est liber, & meritorius: ergo voluntas actiue cum producit. Consequentia inde patet, quòd ratio libertatis stat in posse agere, & non agere. *Item*. Si voluntas diceretur agere, pro quanto agit Charitas, quæ est in voluntate; diceretur, agens, pro quanto in se sustentaret gratiam, quæ

ageret, & se haberet voluntas, veluti materia, in se tenens potentiam appetitivam, & sensitivam; hinc infero, quòd, sicut materia nec appetit, nec sentit, licet in se subiectiue habeat potentiam appetitivam, & sensitivam; idem dicendum foret de voluntate, & consequenter respectu actuum piorum minimè foret voluntas digna laude, vel vituperio.

41 *Urgeo assumptum*: si gratia foret separata ab anima, & data hypothefi, illa gratia operaretur aliquod; tunc ratione talis operationis, nec voluntas foret digna laude, vel vituperio; ergo, si dùm gratia est in voluntate, sola gratia agit, erit verum dicere, quòd nunquam voluntas mereatur. Consequentiam probō: in sententia, quam impugnamus, voluntas habens in se gratiam non operatur, sed sola gratia agit: ergo, si quando gratia separata ab anima, operaretur aliquod, tunc anima ob tale opus, nec mereretur, nec demereretur; dicendum, quòd nec etiam mereatur, dùm gratia existens in anima, agit. Consequen-

quætia sit clara ex eo, quod anima, dum habet gratiam non plus agit, quam dum gratia separata ageret. *Item.* Ad hoc, ut aliquod dicatur uiuens uita intentionali, nõ sufficit, quod habeat sibi coniunctum principium effectuum uitæ intentionalis: quippe etiam si subsistentia Verbi Diuini habeat sibi hypostaticè unitam potentiam intellectiuam; non tamen dicitur uiuere subsistentia illa diuina actibus illis uitalibus, quibus dicitur uiuere potentia intellectiua: ergo cum potentia animæ dicantur uiuere uita intentionali; est necessarium dicere, quod solum lumen non sit integra, & totalis causa uisionis beatificæ.

- 42 *Addo*, quod ex ea sententia sequerentur nonnulla inconueniëntia penetrata à *Scoto in primo dist. 17. qu. 2. littera E.* Primum est, quod lumen gloriæ esset potentia, & non habitus. Arguo sic: quo quis potest simpliciter operari, illud est potentia: sed habitus supernaturalis per se est huiusmodi: igitur habitus supernaturalis erit potentia. Maior patet: quia potentia est, quæ simpliciter, & primò possumus. *Item* ex hoc sequitur ulterius, quod non plus erit uoluntas bona, si operetur per habitum charitatis, quam lignum, si agit per calorem sibi accidentaliter inherente. Nam sicut ex hoc nulla conuenit actio ligno per formam ligni, sed tantum quia re-

peritur in ipso ignis; ita etiam uidetur, quod actio illa, quæ competet charitati, ut principali principio, nullo modo competet uoluntati, ut uoluntas est. *Ex hoc sequitur* ulterius, quod sicut calor, si esset separatus, æquè calefaceret; ita charitas, si esset separata, æquè ageret: nam omnis forma, quæ est principium totale agendi, ut est in subiecto; si per se est, potest per se operari, & ita sequitur propositum nostrum, scilicet quod habitus foret potentia.

- 41 *Præterea*: operatio non elicitur à potentia, cuius principium actiuum est merè naturale, & agens per modum naturæ: sed habitus, cum non sit formaliter uoluntas, & consequenter nec formaliter liber, si est principium actiuum, est merè naturale; ergo operatio eius non erit libera, & ita nullum uelle erit liberum, si eliciatur ab habitu, ut à uitali principio actiuo. *Præterea*: tunc homo habens semel charitatem, nunquam posset peccare mortaliter, quod est inconueniens. Probatur consequentia: quia habens formam aliquam actiuam sibi prædominantem, nunquam potest moueri contra inclinationem illius formæ prædominantis, sicut nunquam corpus mixtum graue potest naturaliter ascendere contra inclinationem terræ prædominantis: sed charitas, si est principium actiuum totale, prædominatur

ipsi voluntati, quæ non potest in actum illum; ergo voluntas se per sequeretur inclinationem.

charitatis in agendo, & iam nūquam peccabit. *hinc fit.*

PROPOSITIO QVINTADECIMA:

Intellectus ad visionem beatificam concurrit per virtutem suam propriam.

44 **P**robatur: si intellectus operaretur per virtutem non sibi innatam, foret mutatus intrinsecè: hoc non est dicendum; ergo fatendum, intellectum concurrere per virtutem sibi innatam. Sequelam ostendo eo. discursu, quo Scotus in primo dist. 3. quest. 3. in primo argumento probat contra D. Thomam, quidditatem rei materialis non esse obiectum adæquatum intellectus. Ita discurret Scotus. Intellectus intelligit immaterialia: ergo, cum potentia nequeat ferri in illud, quod non continetur sub obiecto adæquato, dicendum, obiectum intellectus non esse quidditatem rei materialis. Scotus huic argumenro respondet in fauorem Sancti Thomæ, dicendo, intellectum eleuari ad cognitionem rei immaterialis per lumen gloriæ. Contra quam responsionem ita insurgit idem Scotus in fauorem veritatis, dicendo, quod si eleuaretur potentia extra suum obiectum adæquatum, mutaretur intrinsecè

potentia. Ego hac vtens doctrina Scoti, hoc pacto probo nostrum assumptum. Actus est magis naturalis potentie, quàm obiectum; ergo, si dicit Scotus, quod foret mutata potentia, quando per habitum eleuaretur ad obiectum extra suum obiectum adæquatum, concluditur, mutari potentiam, si per habitum eleuetur ad actum vltra, seu supra vires nativas: ergo, cum non sit dicendum, potentiam intrinsecè mutari, concludendum est, quod uirtutes intellectus ad actum supernaturalem sint intellectui naturales, & non superadditæ miraculosè. Item si intellectus non haberet actiuitatē naturalem ad cognitionem supernaturalem; sequeretur, quod in tali cognitione se haberet, ut aqua per calorem ignis eleuata ad calefaciendum; consequens est falsum: quia aqua, ut sic, est merè instrumentum applicans actiua passiuus. Consequentia patet: quia aqua nullam actiuitatē habet respectu illius actus, nisi

nisi eleuetur à calore: ergo, si intellectus non habet virtutem de se; idem foret de intellectu respectu visionis, ac de aqua respectu calefactionis.

45 *Petes: An intellectus concurrat solum ad vitalitatem actus, vel etiam praestet influxum ad supernaturalitatem actus?*

Respondeo, quòd in actu non sunt duæ formalitates, quarum vna fiat ab intellectu, & alia à lumine: nam vitalitas ipsa, quæ est in actu visionis, minimè est naturalis, & ideo intellectus se solo nequit producere illam vitalitatem: hinc tam ad vitalitatem, quàm ad supernaturalitatem concurrunt utrumque principium. *Obseruo tamen*, quòd uisio dicitur uitalis in ordine ad intellectum, & non in ordine ad lumen: quia esse actionem vitalem, dicitur procedere à principio intrinseco. Dicitur supernaturalis in ordine ad lumen, & non in ordine ad intellectum; hoc est dicere, quòd uisio dicatur supernaturalis; quia concurrunt lumen, non uerò, quia concurrunt intellectus. *Quòd uerò intellectus actiue se habeat tam ad vitalitatem, quàm ad supernaturalitatem, ita ostendo*: gradus genericus, & specificus sunt idem realiter: ergo produciens unum, producit alium: ergo si intellectus producit vitalitatem uisionis, producit uisionem, & consequenter supernaturalitatem. *Adde*; quòd licet vitalitas sit de

se communis ad naturalitatem, & supernaturalitatem; tamen, uitalitas contracta per supernaturalitatem, debet necessariò esse supernaturalis: sicut est substantia de se sit indifferens ad corporeitatem, & spiritualitatem; tamen substantia contracta ad esse Angeli, uerbi gratia, est necessariò spiritualis: ergo benè sequitur, quòd produciens uitalitatem uisionis beatificam, etiam producat supernaturalitatem, cum illa uitalitas non possit non esse supernaturalis.

46 *Qua subsequuntur argumenta*, probant intellectum actiue non se habere in uisionem beatificam. *Primum argumentum* desumitur ex Scoto, qui *questione prima prologi* occurrens illi difficultati: omni potentia passiuæ naturali correspondet potentia actiua naturalis; respondet, dicendo, quòd illa propositio est falsa in quibusdam, scilicet, quando natura propter suam excellentiam ordinatur naturaliter ad recipiendam perfectionem, ita eminentem, quòd non possit subesse causalitati agentis naturalis; sub infero: ergo, cum intellectus in ordine ad uisionem beatificam sit ordinatus ad perfectionem excellentissimam, dicendum, quòd intellectus nullam habeat actiuitatem in uisionem beatificam. *Respondeo*, mentem Scoti esse, ut colligitur ex ibi ab eo dictis, quòd uisioni nõ

correspondeat in natura principium totale eiusdem; admittit tamen principium parziale, diminutum, & incompletum.

- 47 *Secundum argumentum* desumitur etiam ex *Scoto* in 3. dist. 13. Vnius actus per se est unum principium per se, sed intellectus, & lumen non sunt unum per se: ergo intellectus erit à solo lumine. *Respondetur*, concedendo id, quod dicitur de *Scoto*. Cum autem replicatur, intellectum, & lumen non esse unum per se. *Dico*, quod si illa confiderentur in ratione principij, sunt unum per se; hinc communiter conceditur, speciem impressam, & intellectum esse unum per se in ratione principij.

- 48 *Tertium argumentum*. Si intellectus concurreret, hoc foret dicendum ob vitalitatem actus: sed vitalitas non potest dari ab intellectu: ergo intellectus non concurrat. Minorem proba: vitalitas in visione beatifica est supernaturalis: at intellectus nequit producere supernaturalem; ergo nec vitalitatem. *Pro responsione*, in primis dico, quod si valeret discursus iste, inde sequeretur ex specie, & obiecto non pari notitiam. Probo: totum repertum in visione est vitale; at vitalitatem dare non potest species: ergo species non concurrat. *Item*. Sequeretur, visionem non produci à lumine gloriæ. Probo hoc: si lumen efficeret, maxime esset ratione supernatu-

ralitatis: at non potest dare supernaturalitatem: ergo. Minorem proba: supernaturalitas actus est vitalis: ergo, cum lumen nequeat dare vitalitatem, nec etiam præstabit supernaturalitatem, & consequenter sequitur, quod visio nullo modo habeat esse à lumine, quod dici repugnat: ergo ruit ille discursus. *Ad argumentum ergo dico*, quod ex intellectu, & lumine integratur unum principium totale, & consequenter totum, quod producit à lumine, etiam habet esse ab intellectu, & è contra, eo pacto, quo ex specie impressa, & potentia coalescit unum principium totale; unde omnis formalitas visionis est à lumine, & ab intellectu.

- 49 *Res declaratur*. Actus contritionis est supernaturalis, & tamen liberum arbitrium, quod est ordinis naturalis concurrat ad illum actum, ut habetur ex *Tridentino sessione 6. Canone 4. si quis dixerit, liberum hominis arbitrium à Deo motum; & excitatum non concurrere aliud, sed merè passivè se habere, Anathema sit*; ergo etiam virtus intellectus poterit concurrere ad visionem supernaturalem. *Item*. Dicitur Paulus ad *Corinthios 15. ita dicit: Abundantiis illis omnibus laboravi, non ego solus, sed gratia Dei mecum*. Hinc colligendum, quod ad opus supernaturale concurrunt gratia, & Paulus, scilicet virtus nativa Pauli; ergo

ergo idem de virtute intellectus ad visionem beatificam. *Item.* Habitus Fidei, Spei, & Charitatis, etsi non sint vitales, tamen cum potentia concurrunt; & comproducent actus vitales; ergo virtus natiua intellectus, licet non habeat supernaturalitatem, tamen ex eo, quod veluti causa partialis coniungatur cum alia causa partiali, scilicet cum lumine gloriæ, valebit producere visionem; sicut etiam species impressa, quamquam non sit vitalis, tamen, quia coniungitur principio vitali, scilicet intellectui, vel potentie visuæ, potest ex illis, tanquam ex duobus integrantibus vnā causam totalem, produci notitia vitalis.

50 *Quartum argumentum:* Intellectus non operatur visionem beatificam, nisi vt eleuatus: ergo lumen eleuans est tota ratio agendi. *Negatur consequentia.*

Quintum argumentum. Intellectus nequit concurrere ad productionem habituum supernaturalium; ergo nec etiam ad visionem, cum illa sit supernaturalis. *Verge rationem.* Habitus infusus non est plus supernaturalis, quam sit visio beatifica: ergo si intellectus nequit producere habitum supernaturalem, non valebit attingere actum visionem beatificam. *Concesso antecedente, nego paritatem.* *Primo:* quia satis probabile est, quod habitus illi habeant esse per creationem, visio verò non

ita. *Secundò dico,* quod habitus sunt supernaturales simpliciter, & habent rationes actus primi; actus verò, seu visio beatifica non ita; non ergo tenet paritas.

51 *Sextum argumentum.* Naturalis virtus intellectus est inferior effectui supernaturali: ergo intellectus sua natiua virtute, minime erit potens attingere visionem beatificam. *Verge difficultatem.* Effectus supernaturalis necessariò petit principium supernaturale; ergo, cum virtus intellectus sit naturalis, ab intellectu non erit visio supernaturalis. *Occurrit,* quod causa debet continere effectum: ergo cum virtus naturalis nequeat continere effectum supernaturalem; dicendum, intellectum non producere visionem supernaturalem sua natiua virtute. *Respondetur,* concedendo uirtutem intellectus esse de se inferiorem effectui supernaturali, & improporcionatam; tamen si illa uirtus consideretur, ut eleuata, est falsum, quod assumitur: quia hoc pacto uirtus intellectus, nec est inferior, nec improporcionata, quinimò uerè continet uirtutaliter uisionem.

52 *Septimum argumentum.* Si intellectus haberet de se uirtutem diminutam, incompletam, & partialem ad visionem beatificam producendam; lumen gloriæ foret naturaliter debitum intellectui; quinimò intellectus

restaret violentatus, quando illi denegaretur lumen gloriæ. Probatur hoc: virtus incompleta, quia incompleta, postulat suapte natura compleri; ergo si intellectus habet de se virtutem incompletam, talis virtus exposulabit naturaliter compleri per lumen; hoc autem esse absurdum, negabit nemo: quippe nulum supernaturale est naturaliter debitum. *Respondeo*, virtutem naturalem esse in duplici differentia; vna dicitur talis, quæ potest reduci ad actum per concursum eiusdem ordinis. Alia est, quæ postulat concursum alterius ordinis, scilicet requirit concursum, & auxilium ordinis supernaturalis. *Nunc ad argumen-*

tum dico, discursum valere de potentia in primo sensu, non verò de potentia in secundo sensu. *Adde*, quòd ista potentia, de qua loquimur, debet potiori iure vocitari obedientialis, quam naturalis: quippe talis potentia stat in eo, quòd si Deus velit eleuare illam, poterit, tante illæ eleuatione, producere effectum supernaturalem: non ergo talis potentia est virtus petens naturaliter compleri. Dicitur ergo naturalis illa virtus intellectus, pro quanto, si Deo placuerit eleuare virtutem natuiam intellectus, erit promptus intellectus ad influendum in visionem beatificam.

PROPOSITIO SEXTADECIMA.

Per Dei absolutam potentiam sinè lumine gloriæ, Deo supplente concursum luminis, potest intellectus creatus actiue elicere visionem Diuinæ essentia presentata in ratione obiecti.

53 **E**st hæc propositio contra Caietanum prima parte quæ. 12. articulo 5. Ferrariensem 3. contra gentes cap. 53. Sotum in 4. dist. 49. quæst. 2. artic. 4. Bannes prima parte quæst. 12. artic. 5. Puto tamen, nobis fauere Sanctum Thomam in 4. dispnt. 49. quæst. 2. articulo 7. vbi asserit, visionem bea-

tificam posse diuinitus communicari homini permanenti in solis dispositionibus viæ, carentique lumine gloriæ. *Et de Veritate quæst. 10. artic. 12.* licet Capreolus in 4. dist. 49. quæst. 4. credat, Diuum Thomam in Summa mutasse sententiam. Est etiam Scoti apertissime in hac quæstione.

in 4. dist. 49. qu. 11. litera F. & in primo dist. 3. quest. 3. in principio arguentis contra Sanctum Thomam, Durandi in 4. dist. 49. quest. 2. articulo 7. & omnium ferè Modernorum, utpotè Gregorij de Valentia in prima parte, quest. 12. puncto 3. Molina ibidem disput. 1. articulo 1. Vasquez quest. 12. articulo 5. disput. 46. cap. 1. & 2.

- 54 Probatur propositio. Lumen gloriæ non est tota virtus, & potentia, qua Beati eliciunt visionem beatificam, ut etiam Thomistæ fatentur, sed intellectus Beati influit etiam; cum visio beatifica sit operatio vitalis; ergo sicut intellectus cum influxu luminis potest elicere visionem beatam; ita, suppleante Deo influxum luminis, poterit illam elicere. *Explicatur ratio*: quidquid Deus efficit medijs causis secundis in genere causæ efficientis, potest se solo efficere; sed lumen gloriæ in genere causæ efficientis concurret ad visionem producendam: igitur potest se solo Deus producere, seu efficere, quod efficit mediante lumine. Major propositio non videtur neganda: cum illam concedant nostri Magistri; unde Sanctus Thomas quest. 105. articulo 2. in initio corporis, ita habet: *Erroneum est dicere, Deum non posse facere per seipsum omnes determinatos effectus, qui sunt per quamcumque causam creatam. Scotus in 3. dist. 14. quest. 2. 5. in prima questione, &c. vers. si aliqua*

forma, &c. legit ita: *Quidquid potest Deus per causam efficientem mediam, potest etiam immediate, & hoc in quocumque, quod est receptivum illius. Okam quolibeto 6. conclusionem prima, ita dicit: hac est propositio famosa Theologorum: Quidquid Deus producit median- tibus causis secundis, potest immediate sine illis producere, & conser- vare. Patet ergo ex communi voto nostrorum Magistrorum, nostra propositio. Faut nobis, quod Deus potest supplere speciem impressam secundum Thomistæ dicentes, non dari speciem impressam, sed essentiam gerere vices speciei: ergo etiam poterit gerere vices luminis.*

- 55 *Dices, non valere paritatem: quippè de ratione luminis est inhærere, non ita tamen de specie. Huius rei ratio est: quia species se tenet ex parte obiecti, & lumen ex parte potentiz. Contra: nam species est accidens, sicut, & lumen: ergo inhærentia illis competit æqualiter. Dices ex Ferrariensi tertio contra Gentiles cap. 54. ad quartam Scoti, & cum Soto in 4. dist. 49. quest. 2. articulo 4. Deum vique valere, producere se solo visionem, quinimò & omnem alium effectum; tamen non poterit Deus facere, ut causa secunda agat sine principio, & forma efficiendi. Præsens discursus supponit, quod lumen gloriæ sit tota ratio agendi intellectui. Fallit tamen: quia nos supra oppositum pro-*

bauius, & vidimus nu.44. intellectum habere de se virtutem partialem sibi intrinsecam, & propriam. *Dices cum Cabrera*, quod lumen vltra efficere, etiam habet disponere intellectum: cū ergo Deus nequeat supplere vires dispositionis, repugnat ei supplere lumen. *Contra*; quia supra probaui, lumen non disponere. *Adde*, quod dato gratis assumpto à Cabrera, nil concluditur: vtpotè nondum probauit, Deum non posse supplere dispositionem: cū oppositum sit verum; hinc dicunt Philosophi, Deum posse introducere formā in materiam sine præuijs dispositionibus. *Item*: vel visio exigit essentialiter lumen gloriæ, quia vitalis est, vel quia supernaturalis. Non primum: quia ad hoc illis sufficit virtus intellectus; nō secundum; hoc ostendit subsequens nostra ratio.

56 *Pro cuius pleniori intelligentiā* suppono, minimè esse de ratione actus vitalis, quod omnia ipsius productiua sint intrinseca, & vitalia: nam ad visionem quamcumque influxum præstant obiectum, & Deus, & tamen res indubitata est, quod non sint intrinseca potentia; nec etiam vitalia; sed sufficit, quod virtus incompleta potentia perficiatur,

& compleatur. Quod autem virtus complens adiuuitatem potentia sit intrinseca, accidit; ergo non apparet, cur per auxilium extrinsecum Dei non valeat compleri virtus incompleta potentia. *Verge assumptum*: conceptus actus supernaturalis fiat in hoc, quod ille non habeatur ex solis natiuis viribus potentia, sed quod primò potentia supernaturalizetur, & compleatur eius virtus: sed data hypothese, quod potentia produceret medio auxilio extrinseco; foret verificatum, actum supernaturalem non esse à nuda natura, sed à natura supernaturalizata, & reddita completa; ergo non apparet ratio, cur non sit admittenda nostra propositio. *Rem declaro*. Vt actus sit supernaturalis, sufficit, quod alterum comprincipium sit supernaturale; at in hypothese data, vnum comprincipium, scilicet auxilium Dei extrinsecum foret supernaturale: ergo haberentur omnia requisita ad visionem, beatificationem; ergo sine lumine gloriæ infuso, & sine auxilio intrinsecè superaddito, potest haberi visio, vt docet nostra propositio, quæ magis confirmabitur per rationes sequentis propositionis.

PROPOSITIO DECIMASEPTIMA.

Intellectus sine lumine gloria, & absque eo, quod Deus suppleat concursum luminis gloria, presentata sibi essentia Diuina in ratione obiecti intelligibilis, potest elicere simul cum obiecto visionem Diuinae essentiae, non tamen beatificam.

57 **H**aec propositio quoad primam partem est contra omnes Thomistas, sed debet esse communis Scotistis, utpote quae est Scoti in locis citatis, & Lyebeti in primo dist. 17. in fine. Propositionem probō rationibus Scoti in primo dist. 3. quest. 3.

Primò: obiectum habitus continetur sub obiecto potentiae: ergo hinc quodcumque potest potentia cum habitu, potest se sola. Secundò, per nullum posterius variatur ratio prioris: sed habitus est quid posterius potentia; ergo obiectum potentiae per aduentum habitus non variatur: ergo satis est potentia. Tertiò probatur ratione Scoti in primo, dist. 1. quest. 4. potentia est, qua simpliciter possumus, & non habitus; ergo sine habitu potest intellectus elicere visionem. Quartò: sicut est voluntas circa suum obiectum, ita intellectus: sed voluntas sine habitu potest amare Deum, si clarè ab intellectu ei proponeretur; ergo

intellectus posset ex suis naturalibus videre Diuinam essentiam; quādo clarè, & facialiter ei proponeretur.

58 *Nostras duas propositiones impugnant, quae sublequuntur argumenta. Primum.* Implicat agere, nisi causa sit innata primò ad agendum: sed intellectus sine lumine gloriae non est innatus primò ad agendum; ergo non potest intellectus agere sine lumine gloriae. Respondetur, quod intellectus est innatus primò ad agendum per virtutem radicalem; & sicut potest eleuari virtus illius beneficio luminis gloriae; ita potest eleuari per extrinsecum Dei concursum suppletentem vices luminis gloriae.

59 *Secundum:* quod procedit ab aliquo, tanquam à causa principali, indiget virtute proportionata cum effectui: sed intellectus necessariò cōcurrit, ut causa principalis ad visionem: ergo indiget virtute proportionata: ista virtus est lumen gloriae: ergo agere

agere nequit sine lumine gloriæ. Respondetur, non esse de ratione causæ principalis incompletæ, ut habeat virtutem proportionatam integram cum effectu, sed satis est, quod, adiuncta sibi altera concausa, proportionetur. In casu propositionis altera cōcausa foret extraordinarium extrinsecum Dei auxilium agēs vices luminis gloriæ; ergo cum tali extrinseco auxilio redderetur intellectus proportionatus cum visione, sicut de factio red- dicitur per lumen gloriæ.

- 60 *Tertium.* Fieri nequit adhuc per omnipotentiam Dei, ut detur aliqua visio corporalis, vel intellectuālis sine aliquo lumine: ergo in patria cœlesti non poterit esse visio sine lumine spiritali: tale lumen est lumen gloriæ; ergo sine lumine gloriæ, nulla uirtute haberi potest visio beatifica. Antecedens probatur de uisione corporali ex *Aristotele 2. de Anima Textu 67. & 73.* ubi inquit, colores, ceteraque visibilia sine lumine videri non posse. Idem probatur, de uisione intellectuāli ex *Augustino 12. de Civitate Dei, capite ultimo*, ubi affirmat, nil videri posse, nisi in luce intelligibili. Favet ratio: per nullam potentiam potest fieri visio, nisi id, quod videtur, ipsi videnti obiectivè appareat, & manifestetur: sed per nullam potentiam fieri potest, ut aliquid appareat sine lumine: ergo sine lumine gloriæ impossibilitatur vi-

sio beatifica.

- 61 *Vt respondeamus*, moneo, quod in visione corporali, lumen, quod requiritur ad visionem, est quid distinctum à potentia, & est necessarium ex parte obiecti, aut ad illuminandum medium, ut obiectum appareat ipsi potentia: lumen intellectus non sic requiritur, sed desideratur, ut per ipsum elevetur potentia ad esse supernaturale, ut ex lumine, & intellectu, conficiatur integrum principium productivum visionis: hoc autem totum præstari potest per auxilium extraordinarium Dei supplens vices luminis gloriæ: ergo concluditur, quod ope superna possit haberi visio beatifica ab intellectu influente in illam, absque luminis gloriæ beneficio.

- 62 *Quartum.* Repugnat, aquam posse calefacere, nisi calorem, habeat sibi inhærentem; igitur repugnat, intellectum Beatorum producere visionem beatam, nisi primò condecoretur lumine gloriæ; consequentia inde redditur clara; quia ita se habet calor ad aquam, sicut lumen gloriæ ad intellectum. *Negatur consequentia*; non enim tenet paritas; disparitas statim occurrit: nam calor in aqua est totalis ratio agendi, non ita lumen in ipso intellectu. *Replicabis.* Si Deus potentia sua absoluta, posset reddere intellectum valentem attingere visionem beatam sine beneficio luminis gloriæ;

riæ; posset etiam efficere, quòd oculus noster posset videre Solem sine beneficio luminis. *Respondetur* concedendo, oculum nostrum posse, diuino concursu adiuuante, videre Solem, & nulla erit implicancia, supponendo, quòd Deus confortaret oculum nostrum, nè forte eius temperies corrumpetur à radijs Solaribus. Aristoteles locutus est de potentia ordinaria, quæ erat ipsi nota.

63. *Quintum argumentum.* Non est minus necessarium lumen gloriæ ad visionem beatificam, quàm fides in via ad actum fidei circa credibilia: sed hæc est simpliciter necessaria ad actum fidei, ita quòd actus fidei haberi nequeat sine habitu fidei: ergo visio beatifica haberi nequit sine lumine gloriæ. *Respondetur*, posse Deum de potentia absoluta causare actum fidei sine fide, & omnis certitudo se tenens ex parte habitus fidei posset haberi, supplente Deo vices habitus fidei; vnde argumentum nullius est valoris. *Replicabis.* Ex Psalmo 35. *In lumine tuo videbimus lumen:* ergo lumen semper est necessarium. *Respondemus*, Sacram Scripturam, & ceteros Patres esse locutos de potentia Dei ordinaria; non autem fuerunt solliciti in sensu metaphysicali, vbi agitur de potentia Dei absoluta.

64. *Sextum argumentum.* quia tunc pari ratione posset Deus facere, ut oculus Noctur, nullæ virtute

de nouo ad videndum recepta, videret Solem, & quòd aqua sine calore posset calefacere.

Respondetur concedendo primam sequelam (quidquid in contrarium dicat Sotus) non enim Noctur oculus simpliciter est luce priuatus; ac proinde adiutus à Deo posset Solem videre. Nego autem secundam sequelam; nam in aqua sine calore, nulla est vis ad calorem producendum, sed tota vis est à calore; oppositum autem est de intellectu, & de lumine gloriæ: nam lumen gloriæ minimè est intellectui tota ratio agendi. *Ut omnis* de medio tollatur æquiuocatio, moneo, quòd duplex est lumen; habituale vnum, actuale alterum. Lumen actuale est ipsa visio beata; sine hac implicat aliquem esse visionem beatificam beatum. Lumen habituale est qualitas quædam supernaturalis similis habitui scientiæ in intellectu, per quam intellectus eleuatur supra statum naturæ, & roboratur ad eliciendam perfectissimam visionem de obiecto beatifico. In lumine gloriæ duo officia concurrunt, eleuare intellectum, & causare cum ipso uisionem beatificam. Primum officium pertinet ad ipsum in genere causæ formalis. Secundum in genere causæ efficientis. Vices primi officij, Deus non potest supplere, potest tamen supplere vices eius quoad secundum effectum, & in quantum est

488 *Disputatio XIII. De Christi scientia.*

causa efficiens. Hæc duo officia possunt ad inuicem separari; non repugnat, Deum supplere uices

quantum ad efficientiam; non supplente quantum ad informationem.

Petēs: An possit ope superna dari intellectus talis excellentiæ, ut valeat ex natua virtute producere visionem beatificam sine lumine gloria.

Grauis certè, & celebris est præsens difficultas, maximèque controuersa inter Doctores; & quamquam maior

pars illorum negatiuè respondeat: non desunt tamen affirmatiuè respondentes. Quare sit nostra

PROPOSITIO VNICA.

Deus de sua potentia absoluta nequit facere eam accretionem natua facultati intellectus, ut ipse supplere valeat actiuitatem luminis gloria.

65. **M**Oneo ex Scoto in primo d. 17. quaest. 2. sub littera H. quòd uirtus intellectus, & luminis (idem dicendum de uoluntate, & habitu Charitatis) sunt primò diuersæ: non sunt eiusdem rationis, nec se habent, ut duo trahentes nauem, nec portantes aliquod pondus: quinimò sunt còcurfus, & influxus alterius, & alterius rationis. quòcirca quantumcumque crescat uirtus potentia, minimè

nalebit se sola præstare id, quòd habetur beneficio luminis; sicut pari ratione, quantumuis crescat uirtus hominis, nunquam poterit iste sine concursu mulieris producere filium; nec potentia quantumcumque crescat in uirtute naturali, ualebit se sola sine beneficio obiecti producere uisionem. Patet ergo, quòd nunquam poterit intellectus esse tantæ perfectionis, ut ualeat supplere uices luminis gloria.

66 *Accedat secunda ratio.* Teste Scoto in 2. dist. 23. Quādo unum est perfectibile, ut intellectus, & aliud perfectivum, ut lumen gloriæ; repugnat, unum continere alterum unitivè, & realiter, si utrumque extremum perseueret in serie finitatis; ergo nequit dari intellectus, qui æquiualeat composito resultanti ex lumine gloriæ, & intellectus. *Urgeo difficultatem.* Impossibile est, quod materia contineat, & includat realiter unitivè perfectionem formæ taliter, quod, si Deus produceret materiam adeo perfectam, ut perfectiorem eā produci implicaret; tamen nunquā foret possibile, quod illa materia contineret unitivè, & realiter perfectionem formæ; hinc dico, quod ex eo, quod datur perfectior intellectus, tantum concluditur posse producere perfectiorem effectum, stando in conceptu, & serie, seu linea naturæ; nunquā tamen erit verum dicere, quod intellectus ille finè lumine gloriæ, vel alio gerente vices eiusdem luminis, producere valeat effectum supernaturalem; repugnat ergo intellectus ita perfectus, ut in naturali perfectione æquiualeat lumini gloriæ, vel possit se solo præstare id, quod ab ipso, & à lumine gloriæ præstatur.

67 *Addimus, discursum factum* de intellectu, & lumine gloriæ concludere de voluntate, & habitu Charitatis. Si ergo repu-

gnat intellectus adeo perfectus, ut se solo æquiualeat aggregato ex intellectu, & lumine gloriæ; deducitur, non posse dari voluntatem tantæ perfectionis, ut æquiualeat alteri voluntati unitæ habitui Charitatis. *Adde,* quod si voluntas (idem dico de intellectu respectu luminis gloriæ) posset fieri ita perfecta, ut æquivaleret habitui Charitatis; qua ratione, posset sibi identificare perfectionem Charitatis, eadem ratione posset etiam sibi identificare perfectiones aliorum habituum, etiam si illi forent infiniti: non enim est maior ratio vnius, quā alterius. Quocirca ea voluntas esset intensivè infinita: quippe quilibet habitus dicit propriam perfectionem; quare identificando sibi illos habitus, identificaret sibi illas infinitas perfectiones: etenim vbi pluralitas numeralis arguit perfectionem, maior pluralitas dicit maiorem perfectionem, & infinita pluralitas infinitas perfectiones. Nemo tamen dixit, esse possibilem substantiam creatam intensivè infinitam; & maxime in doctrina Scoti docentis, gratiā Christi Domini non potuisse esse infinitam; quia repugnat qualitas infinita: si ergo repugnat qualitas infinita; nonne, repugnabit substantia creata intensivè infinita? Repugnat ergo voluntatem sibi identificare perfectionem Charitatis, & intellectum sibi identificare perfe-

tionem lum nis gloriæ.

- 68 *Accedat altera ratio.* Voluntas eo ipso, quod est creatura rationabilis, statim est subdita Deo, ut superiori legislatori, & consequenter tenetur seruare leges illius, quas non obseruando peccaret: ergo omnis voluntas creata potest ab intrinseco peccare: ergo nulla voluntas creata potest esse realiter ipsa Charitas: Charitati enim repugnat peccatum. *Adde*, non esse dabile fundamentum solidum demonstrans, possibilem esse voluntatem impeccabilem per naturam. *Dices*, Deum posse producere voluntatem, quæ de se sit determinata ad bonum honestum, & consequenter tunc esset impeccabilis: nam peccatum dicit deuiationem à bono honesto: hinc si dabilis sit voluntas creata, quæ nequeat à bono honesto deuicare; illa voluntas erit censenda impeccabilis ab intrinseco. *Contra*: assumptum hoc repugnat; ergo nulla responsio. Antecedens probatur: omnis potentia appetitiua consequitur adequatè apprehensiuam sibi proportionatam, & ita appetitus rationalis, seu voluntas sequitur adequatè intellectum: at implicat potentia apprehensiuam intellectiuam, quæ non possit ferri in quodlibet ens; igitur implicat voluntas creata, quæ non valeat tendere in quodlibet bonum. Maior patet: nam potentia appetitiua est inclinatio vitalis ad bonum

apprehensum. Minor probatur: tum quia intellectus est essentialiter potentia reflexiua; cognoscit enim se cognoscere, & ita reflectit se supra se, & supra suam intellectionem; ergo, cum cognoscat se, & suam cognitionem, sequitur, quod intellectus minime sit alligatus ad solam cognitionem honesti: aliàs non posset cognoscere delectabilitatem sui actus.

- 69 *Adde*, quod perfectiuium naturæ intellectivæ non solum est bonum honestum, sed etiam bonum delectabile; ergo cum intellectus debeat cognoscere perfectiuium naturæ intellectivæ; dico, quod ultra bonum honestum, valeret intellectus ille intrinsece bonum delectabile. Tum quia potens cognoscere honestatem obiecti; potest etiam cognoscere delectabilitatem eiusdem: cognoscit autem obiectum delectabile, pro quanto cognoscit proportionem eius cum illa naturæ; & cognoscendo suam naturam, etiam cognoscit perfectiuium talis naturæ, sed perfectiuium talis naturæ est bonum delectabile: ergo omnis intellectus dabilis potest cognoscere non solum bonum honestum, sed etiam bonum delectabile. Unde voluntas, cum sit illius latitudinis, qualis est intellectus, poterit & ipsa ferri in obiectum honestum, & in obiectum delectabile.

- 70 *Dicunt alij*, Deum posse produ-

ducere aliquod prædicatum substantiale identificatum cum voluntate, quod prædicatum dicat intrinsecam repugnantiā ad peccatum; & ita voluntas illa erit impeccabilis. *Contra:* repugnat tale prædicatum: etenim opposita debent esse eiusdem generis, & prædicatum naturale nequit esse eiusdem generis cum peccato: cum peccatum sit necessarium in genere moris. *Respondent alij*, posse produci voluntatem necessariō coniunctam cum ultimo fine, ac proinde erit impeccabilis. *Contra:* nam talis coniunctio, vel foret phylica, scilicet per vnionem hypostaticā; vel intentionalis, scilicet per visionem Dei, vel amorem: sed nequit dari creatura, quæ sit necessariō coniuncta cum Deo physice: quippè cum subsistentia Dei sit maximè propria Dei; non potest effici propria creaturæ per vnionem hypostaticam. *Adde*, quod etsi daretur creatura necessariō coniuncta Deo per vnionem hypostaticam; non tamen sequitur, quod ea voluntas foret impeccabilis per naturam: nam, vt in isto Tractatu dicimus, non repugnat peccatum cum vnione hypostatica. *Ad illud de visione Dei, &c.* Dico, quod cum visione clara Dei posset esse peccatum.

71 *Respondent alij*, quod quando non foret possibilis talis voluntas; id deberet esse: quia ipsa non potest esse prima regula

actionum moralium; ubi inferūt; ac non requiritur ad impeccabilitatem, quod voluntas sit prima regula; ergo, &c. *Contra*; quia, etsi talis voluntas non esset prima regula; tamen posset quis dicere, illam esse impeccabilem; quia non potest deuiari à regula superioris; restat ergo probandum, posse dari voluntatem, quæ ex natura sua nequeat deuiare à lege legislatoris; hoc non probatur; ergo, &c. *Dicunt alij*, posse reddi voluntatem impeccabilem per naturam, pro quanto habere potest obiectum honestū tantæ perfectionis, vt nullo modo valeat voluntas se auertere à tali obiecto. *Contra primò*, quia iam supra demonstratum est, nō esse possibilem voluntatem, quæ tantum possit ferri in bonum honestum. *Secundò dico*, non esse dabile obiectum creatum, in quo non appareat aliquis defectus. *Tertiò dico*, quod etiam circa Deum clarè visam habet voluntas libertatem contradictionis, & si non maneretur à Deo per continuā assistentiā auxiliorū efficaciorū, posset voluntas cessare ab amore Dei, tametsi mihi probabilius sit, ipsam non posse odio habere, seu nolle Deū:

72 *Dices*: potuit Deus producere appetitum sensitium determinatum ad bonum delectabile conueniens naturæ sensitivæ; ergo potest producere appetitum rationalem determinatum ad solum bonum honestū.

Concesso antecedente; negatur paritas: quoniam appetitus sensitivus consequitur sensum, qui limitatur ad representandum bonum delectabile conueniens naturæ sensitivæ; appetitus verò rationalis sequitur intellectum, qui limitari non potest ex propria natura ad solum bonum honestum. *Dices*: Deus potest facere naturam impeccabilem per visionem beatam, per gratiam sanctificantem, & per unionem hypostaticam; ergo idem facere potest per ipsam naturam. *Vide hoc argumentum apud Scotum in 2. dist. 23. & in reportatis in 2. dist. 23. argumento 4.* Respondetur breuiter negando totum id, quod assumitur; dico ergo, quod gratia non opponitur physice peccato; idem dico de visione beatifica, & de unionem hypostaticam.

- 73 *Dices*, Deum posse concedere creaturæ totum id, quod non repugnat finitati: at quantumvis voluntas foret impeccabilis; adhuc restaret finita: ergo, &c. *Negatur maior*: Nam ad creandum minimè requiritur virtus infinita, & tamen est communior sententia, Deum non posse concedere creaturæ virtutem creandi. *Item*. Ad videndum Deum modo finito, & ex eleuatione eiusdem Dei non requiritur virtus infinita, & tamen nequit Deus producere oculum corporeum, qui possit eleuari ad videndum Deum; nec potest producere

oculum corporeum, qui audiat, sicut nec aurem, quæ videat.

- 74 *Dices*: non repugnat substantia creata, quæ cognoscens honestum, & turpe, sit determinata ad amandum honestum, & odio prosequendum turpe; libera tamen ad amandum hoc bonum præ alio, & suspendendum actum, si suspensio bona proponatur: sed talis substantia esset libera, & impeccabilis: ergo non repugnat voluntas impeccabilis per naturam. Maior probatur: aut repugnat, quia voluntas debet esse vniuersalis ad omne bonum, aut quia est perfectio infinita; sed neutro ex capite repugnat: ergo, &c. Prima pars minoris probatur: licet detur sensus communis attingens omnia sensibilia; non repugnat sensus particularis attingens particularia sensibilia: ergo est quælibet creatura rationalis attingat defacto omnia obiecta, non repugnabit aliqua attingens tantum particularia obiecta: ergo, &c. *Confirmatur*: multi cum *Patre Arriaga disp. 6. de anima sectione 1. nu. 5.* docuerunt, Deum posse producere intellectum, qui sit cognoscitivus aliquorum obiectorum, & non omnium; ergo etiam poterit producere voluntatem, quæ solum possit ferri in aliqua obiecta, id est, quæ tantum valeat tendere in bonum honestum, & nullo modo in bonum delectabile, vel vtile, vel in obiectum, in quo sit ratio malitiae

litiz moralis. Ita forme argumentum: licet defacto nollet intellectus sit cognoscitiuus omnium rerum, tamen poterit dari intellectus, qui tantum sit cognoscitiuus aliquarum rerum: ergo quamuis defacto voluntas possit ferri in omne bonum siue honestum, siue comodo, tamen poterit dari voluntas, quæ tantum possit ferri in bonum honestum, & illa erit impeccabilis.

75 *Urgeo difficultatem*: quantumuis defacto omnis creatura taliter dependeat à Deo, vt in manu Dei sit eam destruere pro omni signo, quo sibi placuerit; tamen aliqui cum *Arriaga in Physica disp. 15. sessione 2. numero 65.* docuerunt, posse dari creaturam, quæ de se exposulet tantam, vel tantam durationem, scilicet pro vna hora, vno mense, &c. vt Deus pro illa hora, vel illo mense nequeat destruere illam creaturam, adduntque, nullam fieri iniuriam Diuinæ omnipotentiz, quæ integrè saluatur in hoc, quod ipsa potuerit producere, vel non producere talem creaturam, licet pro tempore durationis exigat ab ea creatura, non valeat Deus illam destruere; sicut licet in libertate Dei sit producere, vel non producere hominem, tamen supposita productione illius, non potest Deus facere, quod homo non sit risibilis, & ergo si Deus potest producere creaturam, quæ de se postulet talem duratio-

nem, ita vt pro eo signo Deus non possit eam destruere; pariter poterit producere voluntatem, quæ possit tantum tendere in obiecta honesta, & consequenter non poterit peccare.

76 *Concessis omnibus*, quæ in discursu sunt posita; nego consequentiam. Ratio est, quia voluntas debet sequi adæquatè suam potentiam apprehensiuam. *Dico*, quod, cum potentia apprehensiuæ volutatis sit intellectus, debet voluntas sequi adæquatè intellectum. *Vcl, vt clariùs dicam*, debet voluntas posse ferri in omne id, in quod valet tendere intellectus: ac supra uidimus, nullum dabilem intellectum, à quo nõ sit cognoscibile bonum commodum cõueniens ipsi naturæ; ergo voluntas potest ferri in bonum utile, relicto bono honesto: potest se applicare ad bonum commodum, & ita peccare. *Adde*, quod in doctrina Augustini defectibilitas moralis fundatur in defectibilitate physica; quocirca, cum nulla sit dabilis creatura, quæ non sit ex nihilo; & quæ sit indefectibilis physice; nulla est possibilis creatura voluntas, quæ non possit moraliter deficere, & peccare.

Concludo, quod, cum omnis intellectus dabilis possit cognoscere suam cognitionem, & defectibilitatem ei apportatam à suo actu, nullus poterit dari intellectus, qui tantum possit cognoscere bonum honestum. Et ita volun-

tas

tas nulla dabilis, quæ tantum possit ferri in obiectum honestum.

77 *Hinc collige*, nullam dabilem voluntatē supernaturalem intrinsecē. Ad quod adde probationes, quæ subsequuntur. Si daretur talis voluntas, ea esset per naturam impeccabilis: at repugnat impeccabilitas per naturam: ergo repugnat voluntas intrinsecē supernaturalis. Probatur antecedens: voluntas illa esset realiter charitas, & gratia: ergo impeccabilis. *Argumentor ita*: Omnis voluntas potens ex natura sua peccare, est de propria natura proclivis ad peccandum: sed nulla charitas, vel gratia potest de sua natura esse proclivis ad peccandum: ergo nulla voluntas, quæ secundum suam naturam perfectionem foret charitas, peccare posset. Maior probatur: quippè charitas est subsi-

dium, & auxilium contra peccatum; ergo non potest esse proclivis ad peccatum. *Vergeo difficultatem*: Gratia, quæ est sanctitas accidentalis, repugnat peccatum: ergo etiam repugnaret voluntati supernaturali, quæ esset sanctitas substantialis: ergo illa voluntas foret impeccabilis. *Succedat altera ratio*: talis voluntas non posset habere, nisi actionem supernaturalem, & consequenter nullam peccaminosam: quippè si charitas, cum supernaturalis sit, tantum potest producere effectum supernaturalem, & agens non supernaturale, tantum potest producere effectum ordinis naturalis; ita voluntas supernaturalis, quando illa daretur, tantum posset producere effectum supernaturalem, & consequenter nullam posset habere actionem naturalem.

DISPUTATIO QUARTADECIMA.

De Visione creaturarum in Verbo.

1 **S**uppono ex materia de Visione, Beatos videre alia obiecta secundaria in ipsa essentia Divina, quæ ideo dicitur speculum voluntarium. An autem videant formaliter per ipsam visionem beatam, an per alias à Deo hic, & nunc quando vident creaturas? pro nunc sileo. Nam quod attinet ad præsens, parum refert, quid in illa con-

trouersia tenendum sit: quia hæc quæstio: an scilicet Christo concedenda sit visio omnium futurorum, & possibilium, procedit tam in sententia admittente, beatos videre formaliter creaturas per visionem ipsius Verbi, quam in sententia admittente, alias visiones distinctas.

2 *Moneo primò*: triplicem statum posse habere rem aliquam. *Primum*

num intrā causas. *Secundum* extrā illas. *Tertium* in cognitione. Intrā causas dicitur esse res, dum est merē possibilis. Extrā causas, quando causæ suæ virtute productiua communicāt illis actua-lem existentiam. In cognitione, cum circā illas suo actu versatur intellectus. *Moneo etiam ex Scoto in 2. dist. 12. quæst. 1.* dari potentiam obiectiuam, quæ aliud non est, nisi non repugnantia ad existendum; hanc dicitur habere res, antequam ponatur extrā causas, vt mundus antequam fieret, & Rosa in Hyeme. Huic potentia correspondet actus existentia, qui alio nomine solet dici actus entitatus; & de hac potentia, & actu sibi correspondente, intelligendum est illud commune axioma, *quod actus, & potentia sunt eiusdem generis*; imò, vt docet Scotus, non solum sunt in eodem genere, sed etiam in eadem specie, & indiuiduo: quia ex eo, quod illa creatura, quæ antea erat sub esse obiectiuo, ponatur extrā causas, nullum incrementum, aut decrementum accipit, sed tantum existentiam. *Moneo insuper: duplicem esse possibilitatem entis ad existendum; vel enim dicit denominationem extrinsecā petitam à potentia Creatoris, vel intrinsecam non repugnantiam ex parte rei. De ista intrinseca non repugnantia, est apud Doctores ardua difficultas.*

An scilicet possibilitas entis ef-

fluat à principio extrinseco, vel sit ab ipsamet re intrinsecè. & nullam eius aliam agnoscat causam.

3 *Henricus quolibeto 6. quæst. 3. citatus à Scoto in primo dist. 43. quæstione unica*; opinatus est, entis possibilitatem petendā esse à potētia Dei; taliter quod ex defectu Diuinæ omnipotentia dicatur res repugnare; sicut ex validitate omnipotentia appellatur res possibilis. Fauet Henrico *Petrus de Lorca par. 2. tom. 2. disp. 10. §. sed hanc doctrinam, &c.*

Scoto in primo dist. 43. quæst. unica, §. contra istam primam sententiam arguo, &c. non probatur hic dicendi modus. *Primò*: quia omnipotentia nō dat alicui aliquod esse, nisi producendo illud: sed ante omnem productionem rei ad extra, res habet esse possibile; non igitur per illam potentiam, quæ est omnipotentia, est res à Deo primò possibilis. Minor patet, nam aliàs quod non foret possibile produci, produceretur. Probatur nostrum assumptum argumēto desumpto à *Scoto in primo dist. 36. subtiliter M.* si nulla esset potentia productiua in rerum natura, adhuc aliquæ res dicerentur possibiles; vt, quod homo sit animal rationale, sit discursiuus, &c. igitur possibilitas ad produci, minimè est desumenda in ordine ad Diuinam omnipotentiam.

4 *Item.* Chimæra non dicitur impossibilis in ordine ad Diuinam

nam omnipotentiam, quinimo
 è contra, chimæra nequit produ-
 ci ab omnipotentia: quia chi-
 mæra in se repugnat produci; er-
 go à pari, Antechristus potest
 produci à Divina omnipotentia:
 quia ille de se habet non repu-
 gnantiam ad posse produci. *Ur-
 getur ratio:* sicut in causis præci-
 nis affirmatio est causa affirma-
 tionis, ita negatio est causa ne-
 gationis; ergo si adæquata ra-
 tio possibilitatis esset omnipoten-
 tia; ita etiam foret adæquata
 ratio impossibilitatis. *Item.* Si
 possibilitas entis causaretur ab
 omnipotentia, sequeretur, quod
 Deus ab æterno habuisset actio-
 nem ad extra, quod omnes ne-
 gant. Sequela probatur: quia
 nil à potentia, siue à facultate,
 exequente Dei elicitur ad extra,
 quod media aliqua causalitate,
 seu reali influxu, non procedat;
 quo fit, quod, cum possibilitas
 rerum sit ab æterno, quod si ta-
 lis possibilitas sit à Divina om-
 nipotentia, foret verum dicere,
 quod Divina omnipotentia ab
 æterno produxerit verè, & rea-
 liter aliquod.

- 5 *Ad clariorem notitiam moneo,*
 quod ad aures Philosophi 9. me-
 taphysices cap. 3. id dicitur possi-
 bile, ex quo posito in esse nullū
 sequitur impossibile. Ex hoc de-
 duco, non venè esse philosophos
 Scotistas docentes, quod esse
 possibile creaturarum, nihil
 aliud sit, quàm esse cognitum,
 quod ab æterno habuerūt crea-

turæ ab intellectu Divino: nam
 licèt vera sit doctrina docens,
 creaturas ab æterno non habu-
 se aliud esse, quàm esse cogni-
 tum, & diminutum; tamen hoc
 esse, non est esse possibile crea-
 turarum: nam *Scotus in primo
 dist. 36. quæst. unica, §. contra istud
 obijctur, &c. in responsione ad se-
 cundum lit. G.* ita legit: *Dico,*
quod productio ista creaturarum in
esse cognito, est esse alterius rationis
ab omni esse simpliciter, & non est
relatio rationis tantum, sed etiam
fundamenti absoluti, non quidem
secundum esse essentie, vel existen-
tie, quod est verum esse; sed secun-
dum esse diminutum, quod est esse
secundum quid. Hac, in littera
 duo veniunt consideranda. *Primum,*
 quod istud esse cognitum,
 non est verum esse, sed est esse
 secundum quid, dicens pro ma-
 teriali absolutum, & pro forma-
 li relationem rationis. *Secundum,*
 quod istud esse, neque est
 esse existentie, neque essentie:
 quippè ista esse, sunt vera esse;
 esse autem cognitum est esse se-
 cundum quid.

- 6 *Sit hoc argumentum.* Istud esse
 cognitum, & diminutum non
 est verum esse, sed secundum
 quid; ergo non est esse possibile
 creaturarum. Antecedens patet
 ex ipsa littera Scoti. Consequen-
 tiam probò: nam esse possibile
 creaturarum est verum esse, suf-
 ficit ad verificandas propositiones
 necessarias ab æterno; ergo
 esse possibile non est esse cog-
 nitum:

tum: cum esse possibile non sit verum esse. *Aliud argumentum.* Istud esse cognitum, & diminutum, nec est esse essentia, neque existentia creaturarum, ergo nec est esse possibile creaturarum. *Urgo argumentum:* esse possibile creaturarum in Theologorum sententia, est esse essentia præscindens ab existentia: sed esse cognitum non est esse essentia; ergo esse cognitum creaturarum, non est esse possibile: quinimò esse possibile antecedit esse cognitum creaturarum. *Addo.* data hypotesi, quod creaturæ possibiles non cognoscerentur ab intellectu Diuino, adhuc creaturæ ex propriis conceptibus quidditatiuis haberent esse possibile; quod colligo ex *Scoto in primo, dist. 36. quest. unica subtil. M.* ubi ita habet: *Prima igitur omnino ratio, & non reducibilis ad aliam, quare homini non repugnat esse, est, quia homo formaliter est homo, &c. & prima ratio, quare chimæra repugnat esse, est chimæra in quantum chimæra.* Addit: posset igitur stare possibilitas illa, etiã si nulla potentia per impossibile eam respiceret. Legatur *Scotus*, & patebit ueritas nostri discursus.

- 7 *Accedat ista ratio:* essentia in illo priori, in quo non præintel-
liguntur creaturæ cognitæ, est
ratio representandi seipsam, &
creaturas; ergo pro illo priori
habent creaturæ aliquod esse,
quod à Diuina essentia repre-

sentetur; aliàs nil representaret creaturarum Diuina essentia: ergo creaturæ antecederent ad Diuinam cognitionem habent aliquod esse, non actuale, & positium, sed possibile; unde quando *Scotus* dixit, quod primum esse creaturarum ab æterno fuit esse cognitum, & diminutum, & quod creaturæ non habuerunt aliud esse, loquebatur de esse actuali in esse intentionali, non verò de esse possibili, ut *Scotus* ipse se explicat.

Item. Ideò Diuina essentia in secundo signo mouet Diuinum intellectum ad cognoscenda possibilia, quia eorum non repugnantia erat intelligibilis; ergo antequàm creaturæ cognoscerentur, iam erant possibiles. *Item.* Eo ipso, quod intellectus Diuinus uidit repugnantiam prædicatorum in chimæra, reputauit illam impossibilem: ergo iudicauit hominem possibilem, quia uidit, hominem non repugnare. *Item.* Omnis denominatio prouenit ab aliqua forma denominante: sed in creatura esse possibile est quædam denominatio: ergo prouenit ab aliqua forma denominante; sed non prouenit ab omnipotentia Dei, ergo ab ipsa creatura ex proprio conceptu.

- 8 *Consequatur:* denominatio desumpta ab omnipotentia, est actiua denominatio; sed esse possibile creaturæ est passiuæ denominationis: ergo forma, à qua

Actiua crea-

creatura dicitur possibilis passivè, non est Divina omnipotentia. *Item.* Impossibile ideò impossibile, quia à parte rei repugnat, & ideò non potest à Deo produci passivè, quia ex proprio conceptu repugnat; ergo possibile ideò tale, quia nō repugnat, & ideò Deus potest passivè illud producere, quia de se est possibile produci passivè. *Item.* De quolibet est verum dicere, quòd defacto formaliter est, vel non est: ergo de quolibet est verum dicere formaliter, & intrinsecè, est possibile, vel non est possibile; sed si formaliter, & intrinsecè est possibile, ab ipso desumetur ratio possibilitatis: aliàs non esset formaliter, & intrinsecè possibile: ergo, &c.

- 9 *Curiosè tamen notandum*, quòd alio modo habet Antichristus negationem existentiz, & alio modo illam habet chimæra: etenim, ut habet *Scotus in 1. dist. 36. quest. unica*; tripliciter inest negatio alicui. Quandoque non propter repugnantiam alicuius positiui ad affirmationem illius negationis, sed per solam negationem causæ non ponentis illum effectum; sicut si aliqua superficies esset neutra, esset quidem non alba, non propter repugnantiam superficiæ ad affirmationem oppositam huic negationi, sed propter negationem causæ non ponentis albedinem in superficie. Quandoque autem inest negatio positiui propter re-

pugnantiam eius ad affirmationem oppositam illi negationi; & hoc dupliciter; quādoque enim, præcisè est talis repugnantia, propter aliquod vnum de intellectibus utriusque, sicut in speciebus ultimis eiusdem generis proximi, negationes earum mutuz dicuntur de se propter repugnantiam earum, quæ est propter solum vnum inclusum in intellectu utriusque, scilicet propter differentiam ultimam completivam.

- 10 *Quandoque autem* propter plura inclusa in intellectu utriusque, vel alterius; sicut, si accipiantur species specialissimæ duorum generum generalissimorum, repugnant quidem sibi inuicem affirmationes propter multa inclusa in eis, tot, scilicet, quot sunt prædicata dicta de utroque in quid in suo genere; nihil enim dicitur in quid de albedine, quod non sit medium, ostendendi hanc: *Homo non est albedo*; nihil etiam dicitur in quid de homine, quod non est medium ostendendi eandem, & ideò ista: *Homo non est albedo*, vera est propter repugnantiam extremorum simpliciter, siue propter multa inclusa in intellectu repugnantium, quorum quodlibet in utraque parte esset sufficiens ratio talis repugnantiz, & tamen in omnibus istis inhzrentijs negationum (licet ex diuersis causis inest) non dicitur aliquid magis, vel minus negatur, sed

sed quodlibet simpliciter non-
tale: ita enim est simpliciter sa-
por nihil albedinis, sicut homo,
& similiter superficies nil habet
albedinis, posito isto casu. *Ratio*
est, quare non magis est hæc ne-
gatio, quam ista: quia quolibet
negatio negat totam affirmatio-
nem sibi oppositam ex quacum-
que ratione sit talis, siue per vnā
rationem, siue per plures. Ita in
proposito; homini in æternitate
inest non esse aliquid, & chimæ-
ræ non esse aliquid; sed homini
non repugnat affirmatio, quæ
est esse aliquid, sed tantum inest
negatio propter negationem
actus, vel causæ non ponentis in
esse; chimærx autem repugnat:
quia nulla causa potest in ea
causare esse aliquid. *Sed quare*
chimærx, & non homini repu-
gnat? *Ratio est*: quia hoc est hoc,
& illud est illud, & hoc in quo-
cumque intellectu.

11. *Scito etiam*, quod creature ab
æterno secundum earum non-
repugnantiam, non sunt verissi-
mè nihil. Nam ex *Scoto quolibet*
3. littera A. illud est verissimè
nihil, quod includit contradi-
ctionem, & solum illud: quia il-
lud excludit omne esse extrin-
secum, & in intellectu; quod
enim est sic includens contradi-
ctionem, sicut non potest esse
extrinsecum animæ, ita non potest ef-
fe aliquid intelligibile, vel ali-

quod ens in anima: quia nun-
quam contradictorium cum cō-
tradictorio constituit vnum in-
telligibile, neque sicut obiectum
cum obiecto, neque sicut modus
cum obiecto. *Hinc collige*, quod
cū Antichristus ab æterno ha-
buerit non repugnantiam ad ef-
fe, Antichristus ab æterno non
poterat dici verissimè nihil. *Sci-
to etiam*, quod materiale; cui tri-
buitur possibilitas, est ipsa rea-
litas, quæ post productionem est
in rerum natura. *Ratio est*, quia
id designatur pro subiecto, seu
materiali Possibilis, quod olim
antequàm mundus esset, deno-
minabatur possibile, sed id,
quod nunc est, existente Petro,
idest, ipsa Petri realitas, deno-
minabatur ante productionem
possibilis; ergo illa ipsa realitas
Petri ante productionem, desi-
gnabatur pro subiecto; seu ma-
teriali Possibilis. *Vergetur ratio*:
id ante productionem denomi-
nabatur possibile, quod produ-
ci poterat, quodque, posita pro-
ductione, denominabatur exi-
stens; sed produci poterat ipsa
realitas Petri, & ista peracta pro-
ductione, denominatur existens:
ergo illa ipsa realitas denomi-
natur possibilis ante productio-
nem. *His stantibus*, Titulo dispu-
tationis respondebunt, quæ sub-
quuntur, propositiones.

PROPOSITIO PRIMA.

*Christus, quæ vidit in Verbo, cognouit perfectius, quàm
vlla alia creatura.*

Probatur primò, quia perfectius cognouit Deum, quàm vlla alia creatura; ergo perfectius cognouit, quæcumque in Verbo cognouit. *Secundò*, Christus habuit perfectiora me-

rita, & maiorem congruentiam ad tales cognitiones perfectiores, quàm vlla alia creatura; ergo dicendum est, quòd ipse habeat tales perfectiores cognitiones.

PROPOSITIO SECUNDA.

*Anima Christi non videt actualiter in Verbo omnia,
quæ videt ipsum Verbum.*

Licet Scotus in 3. dist. 14. ad ampliandam perfectionem animæ Christi dicat, probabilem esse sententiam docentem, animam Christi videre in Verbo omnia, quæ videt ipsum Verbum; tamen longè probabiliorem putat nostram propositionem.

13 *Probatur nostra propositio primò.* Quia sequeretur, quòd intellectus animæ Christi esset infinitus: nam quòd plura cognoscit intellectus creatus, eò maiorem adhibere debet conatum, siue attingat ista plura per vñā, siue per plures cognitiones; er-

go, vt cognosceret omnia, quæ cognoscit Deus, deberet habere infinitum conatum; sed hoc non posset sine infinita virtute intellectiua; ergo. *Secundò.* Visio, quæ viderentur infinita, esset infinitæ perfectionis: sed visio infinitæ perfectionis repugnat creaturæ; ergo. Maior patet: quia æquiualeat in infinitis visionibus distinctis, quarum qualibet videretur obiectum distinctum ab obiecto alterius; ergo esset infinita. Consequēcia patet: quia linea æqualis infinitis lineis palmaribus, esset infinita simpliciter; ergo visio æqualis infinitis visionibus, esset.

esset infinita simpliciter; ergo;
&c.

- 14 *Dices:* intellectum non debere habere alium conatum, ut videat obiecta secundaria, distinctum à conatu, quo tendit in ipsum obiectum primum; unde non sequitur infinitas à nobis intentà. *Contra.* Visio obiecti primarij potest esse absque eo, quòd videantur secundaria; ergo ad hoc, ut videantur secundaria, requiritur aliqua mutatio ex parte potentiz, præter illam, quæ sit per visionem obiecti primarij; nec sufficit vlla mutatio ex parte obiecti: aliàs possemus dicere, nos semper habere visionem ocularem, quamvis aliquando non videamus per eam; propterea quod non sit debita proportio, vel applicatio obiecti; hoc autem est absurdum, igitur absurdum est, quòd visio creata, quæ possit esse sine denominatione videntis, det talem denominationem absque alia mutatione intrinseca; hæc autem mutatio non potest explicari sine nouo conatu potentiz, nisi dicatur, quòd intellectus merè passivè se habeat in ordine ad productionem talis intellectionis. Si hoc diceretur, adhuc nostra propositio est vera: quia intellectio illa producta à solo Deo, qua viderentur infinita, esset infinita perfectionis, ut patet ex secunda probatione. Deinde intellectus, qui posset recipere talem intellectionem, &

ea mediante tendere in infinita obiecta, deberet esse infinita perfectionis.

- 15 *Dices:* hæc omnia incommoda evitari, si dicatur cum communi Scotistarum sententia, obiecta secundaria videri per ipsam visionem obiecti primarij, solo respectu tendentiz mutato: nam quemadmodum intellectus determinaretur ad videndum unum obiectum per adnatum unius respectus, ita determinaretur ad infinita obiecta, si adderentur infiniti respectus; sed infiniti respectus non repugnant; nec arguunt maiorem perfectionem in fundamento siue proximo, siue remoto, quam vnus respectus; ut patet de albedine, quæ diceret sine vlla maiori sui perfectione, infinitas similitudines ad infinitas albedines, si hæderentur: ergo.

- 16 *Respondeo primò,* nos non tenere illam sententiam Scotistarum: nam si dentur tales tendentiz, ab ipsis cognitionibus absolutis realiter distinctæ; sicut quælibet cognitio exigit naturaliter tendentiam circa aliquod obiectum representabile per ipsam; ita debet necessariò (naturaliter loquendo) petere tot respectus tendentiz, quot sunt obiecta per ipsam representabilia; & consequenter non solum Christus, sed etiam quilibet beatus necessariò semper videret ad infinita. *Deinde.* Si visio, qua mediante intellectus tende-

ret in obiectum; posset naturaliter conseruari sine tali tendentia, non constaret nobis, quod producamus vnquam defacto vllam cognitionem absolutam; quia quādo actū cognoscimus, posset dici, quod hoc fiat per aduentum respectus tendentiz. Dicere autem, quod Deus supernaturaliter cōseruaret visionem absque respectibus tendentiz, qui naturaliter nati sunt ad ipsam sequi, est sine fundamento loqui; præsertim cū hoc esset in præiudicium beatorum, quibus melius est cognoscere obiecta, quorum visionem representatiuam habent, quā non cognoscere.

- 17 *Secundò Respondeo.* Incommoda supra posita non euitari in illa sententia; nam illa visio, qua mediāte viderentur infinita, peteret necessariò (naturaliter loquendo) infinitas tendentias; vnde excederet infinitiès visionem, quæ hoc non exigeret, & consequenter esset infinitæ perfectionis. *Et si dicatur:* quod non exigeret naturaliter illas tendentias; sed solū ex libera voluntate Dei; *Contra:* Possem eodem modo dicere, quod cognitiones, & visiones nostræ defacto non exigant naturaliter suas tendentias actuales, & consequenter quod actualiter maneat absque eo, quod actualiter per illas percipiamus actū obiecta, quorum sunt cognitiones. Vnde quando cognoscimus

actū, nil de nouo aduenit potentijs, præter nouos respectus tendentiz in talia obiecta; hoc autem est contra communem sententiam admittētem, illos actus esse ex natura sua actuales determinationes potentiarum ad sua obiecta, saltē naturaliter loquendo. *Hoc addo:* quia in sententia probabilī potest supernaturaliter absolutum cognitionis conseruari à Deo sine respectu tendentiz in obiectum. Hæc tamen sententia nō admittit, alias tendentias posse de nouo accedere, præter illas, quas cognitio ex natura sua petit naturaliter semper habere, ergo.

- 18 *Potes. Quomodo dicitur Beati vident res de nouo in Verbo, ut preces, & orationes nostras, & multa alia.*

Respondetur: Duobus modis satis probabilibus, primò, quod videant per aliam visionem beatam distinctā à priori. *Et si dicatur,* priorem tunc esse frustraneam: quia per posteriorem præstatum totum, quod ipsa præstat. *Respondeo,* priorem tunc non manere. *Et si dicatur,* hoc esse contrā communem sententiam, quæ requirit stabilitatem in visione beata. *Respondeo,* sufficere, solam moralem stabilitatem, qua mediante fit, vt intellectus nunquam sit sine visione beata pro vilo tempore, vel instanti. *Et si obijciatur ex Augustino,* nostras cogitationes, seu cognitiones in futura vita non esse volubiles.

biles. *Respondeo*, cum loqui de volubilitate nobis displicente, ex qua fieret, ut aliquando per aliarum rerum cognitiones distracti, obiecti primarij beatifici cognitionem non haberemus.

19 *Respondetur secundò*. Beatos non videre de nouo obiecta secundaria per ipsam visionem beatam formaliter, sed per alias visiones, mediantibus particularebus reuelationibus, & illustrationibus à Deo factis, intuitu potissimum visionis, & amoris beatifici. Sed licet vterque hic modus respondendi, sit probabilis; primus tamen videtur valde difficilis: quia illa alia visio beatifica, per quam beatus videret nunc aliqua, quæ non vidit antea per aliam visionem, deberet esse perfectior illa alia visione, præsertim, si illa, quæ videret, nunc essent plura, aut perfectiora, quàm illa, quæ vidit per aliam visionem; sed hoc non videtur admittendum: quia sic beatus, esset iam beatior beatitudine essentiali, quàm antea. Quod autem illa visio deberet esse perfectior, patet: quia in tantum apparerent obiecta se-

cundaria in obiecto primario nunc, quæ antea in ipso non apparebant, in quantum ipsum obiectum primarium magis penetraretur, & clariùs, ac distinctiùs perciperetur ordo, quem habet ad obiecta secundaria, nunc, quàm antea, qui ordo est aliquid intrinsecum in ipso Deo; ergo, si aliquæ creaturæ nunc appareant beato in Deo, quæ antea non apparebant, idè est: quia nunc videt clariùs, & perfectiùs entitatem intrinsecam Dei, & consequenter nunc esset beatior, quàm antea. Propter hanc difficultatem, secunda responsio, nimirum, quòd beati vident in Verbo per alias visiones à visione beatifica distinctas, teneatur: nam de hac re plenius in *Traſſatu de Visione beatifica*. Hinc tamen non sequitur, quin beati videant multa obiecta secundaria in Deo per ipsam visionem beatificam formaliter; sed solum sequitur, quòd non videant vlla talia de nouo per illam visionem, & consequenter quæcumque per illam vident, semper actù vident.



PROPOSITIO TERTIA.

*Anima Christi non videt in Verbo omnia
possibilia.*

20 **P**robatur primò ex dictis, quia visio possibilium infinitorum deberet esse infinitæ perfectionis, quia æquivaleret infinitis visionibus distinctis, quarum quælibet haberet obiectum distinctum ab obiecto alterius. *Probatur secundò*, quia potentia Dei ideo dicitur infinita simpliciter, quia potest facere simul, & semel, quod possent facere infinitæ potentæ, quarum quælibet esset maioris perfectionis, quàm cæteræ: sed ista visio potest facere, quod facerent infinitæ visiones excedentes se invicem in intrinseca perfectione, quarum quælibet ex indivisibili entitate sua esset determinata ad plura, vel pauciora obiecta, quàm cæteræ.

21 *Hinc patet contrà, Durandum*, quòd Christus non videat infinita possibilia. Patet etiam contra Thomistas, quòd non videat omnia futura: quia omnes cogitationes beatorum, & etiam damnatorum futuræ, infinitæ sunt; ergo qui cognosceret omnes simul actû, cognosceret infinita actû, tam benè, quàm si cognosceret omnia possibilia;

quia eadem est ratio de vna infinitate, ac de omnibus: vnde, si Christus cognosceret omnia futura, nullum esset inconueniens, quòd cognosceret omnia possibilia; nam quod dicunt Aduersarij, ex cognitione omnium possibilium sequi, quòd Deus comprehenderetur; falsum est; cum id non sequatur ex cognitione omnium futurorum.

22 *Dices primò*. Cuilibet Beato cõceditur communiter à Theologis cognitio omnium rerum, quæ ad suum statum non solum communem ipsi, & cæteris Beatiss, sed etiam particularem tam viæ, quàm Patriæ spectant: quia cognitionem horum omnium, tanquàm ad se spectantium, desiderare potest: sed cognitio omnium futurorum pertinet ad statum Christi: cum ipse sit Dominus omnium, Index, & caput vniuersi, Gubernator, ac Princeps vniuersalissimus; ergo talis cognitio debet ipsi concedi. *Confirmatur primò*, quia cognitiones omnes beatorum futuræ in æternitate, sunt præmia meritorum Christi; ergo ad ipsum pertinet eas omnes scire. *Confirma*

maur secundò ex scriptura. Ioannis 2. nu. 24. *Non credebatur semet, ipsum eis; eo quòd ipse nosset omnes, & quia opus ei non erat, ut quis testimonium perhiberet de homine, ipse enim sciebat, quid esset in homine.* Ex hoc, & multis alijs locis colligitur: Christum habuisse notitiam cogitationum hominum: sed eadem est ratio de vna cogitatione, ac de omnibus, ergo. *Confirmatur tertio ex locis Patrum, quæ congerit Belarminus tomo 1. controuersiarum lib. 4. quibus dicitur, Christum habuisse plenitudinem scientiæ, & omni caruisse ignorantia; sed non poterat caruisse omni ignorantia, nisi sciret omnia: ergo. Deinde in epist. Sophronij in 6. synodo actione 11. videtur definitum, Christum cognouisse diem Iudicij; sed à fortiori deberet scire omnia alia futura, ergo. Confirmatur quarto. Visio beata, cum sit indiuisibilis, non debet perfici, ut extendatur ad objecta secundaria: ergo visione finita potest Christus videre infinita. Confirmatur quinto ex vulgari illo S. Gregorij dicto: *Quid non vident, qui videntem omnia vident?**

23 Respondetur distinguendo maiorem: conceditur ipsi semper actualis cognitio omnium rerum pertinentium ad suum statum pro quolibet tempore futuro; nego: quia aliàs Diuus Petrus v. g. deberet in primo instanti suæ beatitudinis cognoscere omnes persecutiones, & perturbationes Ecclesiæ usque ad diem Iudicij, & omnes preces in tota Ecclesia ad se effundendas toto illo tempore. Conceditur ipsi semper habitu, seu potentia talis cognitio, & etiam actu temporibus opportunis, & necessarijs; concedo maiorem, & minorem, & distingo similiter consequens. *Dixi eos semper scire habitu, vel potentia, quia semper habent principium, visionem scilicet beatificam, unde oritur, ut opportunis temporibus talem cognitionem habeant: Per hoc patet ad primam confirmationem, quia etiam si actus beatorum in tota æternitate sint præmia meritum Christi, non est tamen necessarium, imò est impossibile, quòd videat semper omnia simul actu: quia sic cognitio ipsius esset infinitæ perfectionis.*

DISPUTATIO QUINTADECIMA.

De Scientia Christi in proprio Rerum genere.

PRæter scientiam, qua Christus cognovit creaturas in Verbo visione beata; Theologi communiter attribuant ipsi aliâ cognitionem, qua cognovit eas in proprio genere. Quæ cognitio non terminatur immediatè ad ipsam essentiam Divinam, tanquàm obiectum primum; & secundariò ad creaturas, sicut visio beata (si hæc ullo modo ad creaturâs terminetur) sed terminatur immediatè ad ipsas creaturas, tanquàm ad obiectum primum, quod cognoscitur per illam, siue abstractivè, siue intuitivè. Hæc autem scientia in proprio genere, potest esse vel per se infusa, scilicet indigeas aliquo principio physico supernaturali, & nullo mo-

do acquisibili viribus proprijs intellectus creati. Vel potest esse per accidens infusa, scilicet hic, & nunc producta in intellectu creato mediante aliqua cooperatione speciali Dei, siue suppletis defectum specierum, siue producentis ipsas species, siue cooperatione obiectorum, vel modo aliquo alio simili se habendo, licet possint quò ad substantiam sine ullo principio physico supernaturali simpliciter acquiri virtute propria ipsius intellectus, & causarum naturalium. Vel deniquè potest esse acquisita beneficio ipsius intellectus, & cooperatione causarum secundarum. *His prænotatis*, veritatem docebunt, quæ subsequuntur, propositiones.

PROPOSITIO PRIMA.

Christus habuit aliquam scientiam Rerum in proprio genere.

PROBatur, quia est perfectioris in intellectu creato cognoscere res in seipsis, & talis cognitio conceditur Ange-

lis, & Adamo in statu innocentie: sed Christus ab instanti sue conceptionis fuit perfectus omni perfectione connaturali animæ,

ma; & corpori eius: ergo habuit aliquam rerum scientiam in seipsis, seu in proprio genere. *Fauet Augustinus 4. super Genesim*, ubi expresse docet, quod sunt simul cognitio in Verbo, &

cognitio in proprio genere; sed si possunt esse simul, & conceditur alijs beatis, nulla est ratio, cur denegentur Christo: ergo, &c.

PROPOSITIO SECVNDA.

Christus habuit scientiam per se infusam de rebus in proprio genere.

3 **H**aec propositio non probatur sufficienter ex scriptura, aut Patribus: nam illud ad Colossenses 2. nu. 3. *In quo sunt omnes Thesauri sapientiae, & scientiae*, potest intelligi de Christo, quia Deus est; & si intelligatur de Christo, quia homo est, sufficeret scientia rerum in Verbo, & scientia per accidens infusa, & acquisita. Idem dicendum est de illo *Luce 2.* Adhuc infans sedebat in medio Doctorum, & stupebant omnes, super prudentia, & responsis eius. Idem de illo Ioannis 7. nu. 15. *Quomodo hic literas scit, cum non didicerit*: nam ad verificanda haec, sufficeret scientia per accidens infusa. Probanda est ergo alio ex capite nostra propositio, à qua non dissentit *Scotus*, ut aliqui male ipsum intelligunt; licet enim in 3. dist. 13. quaest. 3. neget, Christum cognoscere omnia per scientiam per se infusam;

cum hoc tamen stare potest, quod aliqua sic cognouerit, & consequenter quod detur scientia per se infusa in Christo. Hanc scientiam negant *Diuus Bonaventura* in 3. dist. 14. articulo 3. quaest. 1. *Alensis* 3. parte, quaest. 13. membro primo, & *Nominales*, qui admittunt scientiam per accidens tantum infusam, quae non distinguitur à scientia acquisita.

4 *Sit ergo ratio probans nostram propositionem. Prima*: quia scientia per se infusa aliquarum rerum est possibilis, & est perfectior, quam scientia acquisita, aut per accidens infusa: ergo attribuenta est Christo, cui tantum dignitatis, & perfectionis tribuere debemus, quantum absque inconuenienti possumus; nullum autem est inconueniens attribuere Christo huiusmodi scientiam, ergo, &c. *Secunda ratio*: quia sicut Christus cognos-

SSS 2 uit

uit in proprio genere alias res clarè, & distinctè, ita verisimile est, ipsum cognoscere in proprio genere vnionem hypostaticam lux naturæ humanæ ad Verbum, & vnionem possibilem inter alias naturas, & Patrem, ac Spiritum sanctum; sed non per fidem; tum quod hæc Christo negatur; tum etiam, quod sic non cognosceret clarè. Nec etiam per vllam cognitionem naturalem in substantiâ; quia aliàs Angelus posset illa naturaliter cognoscere, quod ab omnibus negatur: ergo cognoscit illam per scientiam per se infusam.

5 *Dices:* sufficere Christo scientiam beatam, & per accidens infusam, ac acquisitam: ergo frustra ponitur per se infusa. *Respondetur primò* distinguendo antecedens; ita vt possit absolute cognoscere per illas omnia; transeat; ita vt per illas omnia cognosceret omnibus modis, quibus cognosci possunt absque imperfectione, & super-

fluitate; nego antecedens, & cōsequentiam. Quemadmodum igitur ab Aduersarijs ponitur in eo scientia infusa per accidens, & acquisita, vt cognoscat aliquas res in proprio genere, licet secundum illos cognoscat omnia in Verbo, quæcumque cognoscit; ita similiter ponenda est scientia per se infusa, vt perfectiùs cognoscat res in proprio genere, licet cognoscat omnia; quæ cognoscit in proprio genere per scientiam acquisitam. *Respondetur secundò* negando; antecedens simpliciter, quia multa sunt cognoscibilia in proprio genere, quæ nequeunt cognosci per scientiam acquisita. Vnde ad cognoscendum illa in proprio genere requiritur alia scientia, scilicet per se infusa: nam eadem ratione, qua dicitur Christus cognoscere aliqua in proprio genere, debet dici ita cognoscere omnia sic cognoscibilia, quæ vllò modo cognoscuntur ab ipso.



PROPOSITIO TERTIA.

Hac scientia per se infusa data fuit Christo ab initio sua conceptionis, quantum ad habitum, seu actum primum adequatum eius, & etiam quantum ad aliquos saltem actus.

6 **P** Robatur. Quia nulla erat ratio differendi infusionem eius, & facit ad maiorem perfectionem Christi, quod sic semper eam habuerit. Deinde, sicut congruum fuit non differre collationem visionis beatificæ, ita congruum fuit non differre

collationem huiusmodi scientiæ: & sicut concedimus Angelis, & Adamo ab instanti creationis perfectiones naturales, ita à fortiori debemus Christo attribuire ab instanti suæ conceptionis omnes perfectiones, quæ possent ipsis competere.

PROPOSITIO QUARTA.

Non habuit Christus scientiam per se infusam omnium rerum naturalium, quas cognoscebat in proprio genere.

7 **E** St cōformis doctrinæ Scoti in 3. dist. 14. quest. 3. Probatur propositio. Primò: quia nulla est necessitas, aut utilitas ponendi scientiam per se infusam in Christo de hac propositione speculativa: *Omne totum est maius sua parte*; aut de hac practica: *Bonum est amandum: malum fugiendum*: Sed Christus cognovit has in proprio genere,

ergo, &c. *Accedat efficacior probatio*: quia obiectum finitum ordinis merè naturalis non videtur habere ullam intelligibilitatem, secundum quod non dicit ordinem actuale, aut aptitudinale ad aliquod infinitum, cui non posset sufficientissimè, & adzquate correspondere intellectio aliqua finita naturalis ordinis, tam extensive, quam

intensiuè: sed, hoc supposito, tale obiectum non potest cognosci cognitione fidei supernaturali, & consequenter non potest dari cognitio per se infusa ipsi correspondens, tanquam obiecto adæquato, & primario. Minor patet, quia, si posset sic cognosci, nulla cognitio finita naturalis ordinis esset illi intensiuè, & extensiuè adæquata. *Per hoc patet ad obiectionem*, quæ dicitur, utilitatem scientiæ per se infusæ de huiusmodi obiectis se esse, ut perfectius cognoscantur; nam si posset cognosci in proprio genere, ut sunt merè naturalia, perfectius, quam possunt per ullam scientiam naturalem, sequeretur, quod nulla scientia naturalis esset ipsis, ut sic consideratis, adæquata.

- 8 *Obijcies primò.* Potest actus naturalis, & supernaturalis in substantia terminari ad idem omnino obiectum formale, & materiale: potest enim quis credere fide Diuinæ, & humana ob reuelationem Diuinam, quod canis Tobiz habuerit caudam: ergo potest Christus de quibuscumque obiectis etiam naturalibus habere scientiam per se infusam. *Respondetur distinguendo antecedens;* quando illud obiectum materiale, aut formale includit aliquam rationem supernaturalem, aut infinitam, quæ cognoscitur, concedo; quando non, nego antecedens, & consequentiam: non enim posset ob reue-

lationem ullius creaturæ cognosci actu supernaturali in substantia, quod canis Tobiz habuerit caudam, licet actu supernaturali, & etiam naturali hoc cognosci possit ob reuelationem Diuinam.

- 9 *Dices.* Deum cognoscere veritates creatas ob motiua creata, ut omne totum esse mains sua parte ob intrinsecam connexionem istorum terminorum, & hoc actu infinito, & supernaturali, qui, ut terminatur ad illam veritatem præcisè, non terminatur ad aliquod obiectum motuum, aut terminatum supernaturale, aut infinitum: ergo potest dari actus supernaturalis de obiecto non dicente ullum ordinem ad supernaturale, aut infinitum. *Respondetur primò:* antecedens esse falsum, quia supponit essentiam Diuinam non esse obiectum adæquatum motuum intellectus Diuini in ordine ad creaturas cognoscendas, quod est contra communem Theologorum sententiam; & consequenter contra eandem est, aliquid posse à Deo cognosci, ad quod cognoscendum non mouetur à sua essentia. Unde actus eius, ut terminatur ad quodcumque obiectum, nequit præscindere ab ordine ad essentiam Diuinam.

- 10 *Respondetur secundo:* ex suppositione, quod Deus cognoscat res in seipsis secundum omnem rationem, secundum quam sunt in

in

in seipſis cognoscibiles, diſtinguendo antecedens pro ſecunda parte, actu infinito formaliter, vt terminatur ad talia obiecta, nego, realiter, & identice, concedo antecedens, & nego conſequentiam: quia conſiderando actum Diuinum, vt terminatum præciſe ad hanc veritatem: *Omne totum eſt maius ſua parte*, ob veritatem intrinſecam, quam habet ex ſuis terminis, & præſcindendo illam ab omni reſpectu ad vlla alia obiecta, non eſt infinitus formaliter, licet realiter ſit infinitus; neque vt ſic formaliter conſideratus ſuperat infinitiès factum quemcumque creatum, qui poſſit haberi de eodem obiecto: quia obiectum creatum, vt præſcindit à reſpectibus ad alia obiecta, quemadmodum in ſe eſt finitum eſſentialiter, ita habet intelligibilitatem finitam tantum: vnde nequit in ſe cognolci vt ſic actu, qui, vt formaliter tendit in ipſum, ſit infinitus. *Hinc* deſumi poteſt argumentum ad probandum, quòd vna creatura poſſit comprehendere aliam ſecundum quod finita, & limitata eſt, & prout non dicit ordinem ad aliquod infinitum.

II *Obijcies cum Thomiſtis.* Poterat Deus, ſicut communicauit Angelis, ita communicare Chriſto ſpecies vniuerſales, quarum vna mediante poſſet cognoscere multas ſpecies rerum ſimul, vt hominem v. g. lignum, lapidem, &c. quas non poſſet cognoscere per ſpecies acquiſitas; ſed ſcientia habita de illis rebus eſſet per ſe infuſa: quia ad eam concurrerent ſpecies per ſe infuſæ: ergo de rebus naturalibus etiam prout non dicunt vllum ordinem ad ſupernaturalia potuit Chriſtus habere ſcientiam per ſe infuſam. *Reſpondetur primo* probari hic à Thomiſtis incertum per æquè, vel fortè magis incertum. Nam Scotiſtæ merito negant ſpecies illas vniuerſales, vt dixi in Tractatu de Angelis. *Reſpondetur ſecundò* negando minorem, & conſequentiam ſecundum ipſos Aduerſarios, qui admittunt ſpecies vniuerſales communicatas Angelis, eſſe naturales in ſubſtantia, vt potè debitas ipſis connaturaliter, & ſolù ſupernaturales quò ad modum: ergo ſupernaturalicas cognitionis in ſubſtantia non poteſt ab ipſis deſumi.

PROPOSITIO QUINTA

Cognitiones Christi independentes à corpore, & similes illis, quas habent animæ separatae de obiectis merè naturalibus, non fuerunt per se infusa, nec quoad substantiam, nec quoad modum.

12 **I**dem dicendum est de cognitionibus tam abstractivis, quàm intuitivis in genere proprio, quas habuit de virtutibus supernaturalibus, & existentia sui ipsius in Eucharistia. Est conformis principijs Scoti attribuētis ligationem ad phantasmata peccato. Probatur prima pars, quia ille cognitiones non sunt supernaturales in animabus seperatis: ergo nec in Christo.

13 *Secunda pars probatur: quia intellectus ex se, non obstante coniunctione cum corpore, habet producere naturaliter tales cognitiones, & quòd pro hoc statu non producat, oritur ex eo, quòd Deus in pœnam peccati non vult concurrere; ergo, ablato hoc impedimento, tales operationes non essent supernaturales intellectui, nec quoad substantiam, nec quoad modum; sed illud impedimentum non erat respectu Christi, neque eius ablatio erat supernaturalis villo modo respectu ipsius magis,*

quàm quicumque alius ordinarius concursus Dei: quia neque ipsum peccatum originale habuit, neque vllum eius debitum; imò positio talis impedimenti esset potius supernaturalis, sicut negatio concursus ad intelligendum villo modo esset supernaturalis, & miraculosè. ergo &c.

14 *Petes. Vnde colligatur, quòd intellectus corpori coniunctus habeat ex se vim intelligendi independentem à corpore?*

Respondetur id collegi primò, quia nil impedit. Secundò, quia in corpore glorioso habet talem virtutem, & in statu innocentiae talem virtutem haberet. Quòd defacto ita non intelligat, optimè potest attribui peccato originali tanquàm effectus vnus ex eius effectibus. Nec refert, quòd Philosophus dicat, hanc dependentiam à Phantasmatibus esse naturalem: quia cum ipse non agnouerit peccatum originale, nec alia fidei mysteria, faciliè decipi poterattribuendo illum effectum naturæ, licet

licet verè ascribendus esset peccato.

- 15 *Tertia pars probatur* : quia eadem ratione , qua conceditur Angelis , & animabus separatis cognitio naturalis talium entitatum , debet etiam concedi Christo : sed ex suppositione , quòd possit eas clarè , & intuitivè cognoscere naturaliter , non est magis possibilis cognitio per se infusa , & supernaturalis de ipsis in proprio genere , quàm de obiectis merè naturalibus. *Confirmatur* : quia illa entia non dicuntur supernaturalia , nec distinguuntur à naturalibus per hoc quòd non possint cognosci naturaliter tam perfectè , quàm ipsa entia naturalia ; sed per hoc quòd debeantur naturæ , nec possint ab vlla causa naturali produci ; imò in esse obiecti intellectus sunt entia naturalissima , vt dixi in Tractatu de An-

gelis : ergo non possunt cognosci scientia per se infusa magis , quàm quæcumque alia entia naturalia.

- 16 *Dices* , non sequitur ex eo , quòd possint cognosci in seipsis naturaliter , quin etià cognosci possint in seipsis cognitione supernaturali : ergo , quòd cognoscantur naturaliter , est impertinens. *Respondetur distinguendo antecedens* : si considerentur , vt sunt supernaturalia tantum , nego , quia sic cognitio naturalis est ipsis adæquata : si considerentur secundum aliquam rationem particularem , quatenus scilicet subsunt rationi supernaturali infinitæ , vel , vt dicunt ordinem ad talem , transeat antecedens , & nego consequentiam , quia nos loquimur de illis entitatibus secundum se supernaturalibus , & prout non dicunt ordinem ad entitatem infinitam.

PROPOSITIO SEXTA.

Christus habet scientiam per se infusam de Deo secundum quamcumque rationem obiectiuam , secundum quam scit ipsum cognitione acquisita , siue dependenter à sensibus , siue independententer.

- 17 **P**robatur , quia in Deo est cognoscibilitas infinita , & increaturis est cognoscitiuitas , vt ordinatur à Deo ; ergo nulla

cognitionaturalis potest esse tam perfectæ , quin Dens possit aliquā perfectiorem supernaturalem in proprio genere communicare ,

T c c quia

514 Disputatio XV. De Scientia Christi

quia posset cognosci sub eadem ratione terminatiua, & motiua: sed cognitio supernaturalis, quæ cognosceretur, ut cognoscitur cognitione naturali, non potest esse visio intuitiua, ergo

aliqua alia, & consequenter Christus habet scientiam infusam de Deo sub istis rationibus, sub quibus scit ipsum cognitione acquisita.

PROPOSITIO SEPTIMA.

Christus habet species per se infusas de omni obiecto, de quo habet scientiam per se infusam.

18 **P**robatur, quia tales species sunt possibiles, & perfectiores quibuscumque speciebus naturaliter acquisibilibus; ergo Christo ob maiorem eius perfectionem concedenda. Consequentia patet ex eo, quod Christo sit attribuenda quæcunque perfectio non repugnans ipsi. Antecedens probatur, quia quodcunque cognoscibile scientia per se infusa, habet intelligibilitatem infinitam: ergo nulla species naturaliter acquisibilis, potest ita adæquare intelligibilitatem eius, quin possit dari species supernaturalis, quæ ipsum perfectius representaret. Antecedens patet ex dictis: consequentia videtur clara; quia sicut non potest dari naturaliter cognitio ita adæquata tali obiecto, quin possit supernaturaliter dari perfectior; ita de speciebus dicendum est, quod non possint naturaliter

dari tam perfectæ, quin supernaturaliter perfectiores sint debiles. *Monco, me hic per species per se infusas intelligere non qualcumque præsupponentes, vel productas ab entibus supernaturalibus, sed solum illas, quæ non sunt natæ produci naturaliter à suis obiectis ex suppositione existentia obiectorum, seu quæ non possunt acquiri virtute intellectus creati, neque connaturaliter debentur illi etiam ex suppositione existentia obiecti.*

19 **Dices.** Potest dari scientia per se infusa de illis obiectis, mediatis speciebus acquisitis, aut per accidens infusis: ergo, ut Christus habeat de illis obiectis talem scientiam, non sunt necessaria species per se infusæ. Probatur antecedens: quia illa obiecta possunt proponi obiectiue intellectui per species illas, quibus cognoscerentur naturaliter: sed hoc ipso, quod sic propon-

po-

ponerentur, posset intellectus, concurrente habitu physico supernaturali, habere de ipsis scientiam infusam: ergo, &c. *Confirmatur*, quia sine speciebus per se infusis habemus fidem supernaturalem: ergo potest dari cognitio supernaturalis absque speciebus per se infusis. *Respondetur distinguendo antecedens*, posset haberi de ipsis aliqua scientia per se infusa; concedo antecedens (& fortè Christus defuncto habuit de illis talem scientiam, quia non debemus negare ipsi illam scientiam, quam posset naturaliter habere, quantum est ex parte obiecti, & potentiz,

qualis esset illa scientia; licet ex alia parte esset supernaturalis, quatenus scilicet poterat procedere ab habitu supernaturali, vel aliquo auxilio supplente locum habitus) potest dari scientia infusa perfectissima, quæ de illis obiectis haberi possit; nego antecedens, & consequentiam. Itaque non asserimus tales species, ut Christus habeat scientiam infusam simpliciter, sed ut habeat perfectiorē, quam posset habere mediantibus vllis speciebus acquisitis. *Et per hoc patet ad probationem, & ad confirmationem.*

PROPOSITIO OCTAVA.

Nec Christus, nec ullus alius, mediante quacumque specie, potest elicere scientiam per se infusam absque supernaturali habitu physico, vel concursu particulari Dei supplente defectum talis habitus.

20 **P** Robatur primò. Quia eadem est ratio de quocunque actu supernaturali in substantia, ac de visione beatificæ: sed omnes supponunt, intellectum absque lumine gloriæ se tenente ex parte ipsius intellectus, vel aliquo supplente, non posse producere visionem beatificam: ergo, &c. *Sit secunda ratio: ex indigentia habituum su-*

pernaturalium in substantia, colligitur, quòd intellectus in ordine ad actus supernaturales virtutem completam physicam ex parte sua non habeat: si enim talem virtutem haberet, non essent necessarij tales habitus: ergo ultra omnem speciem, vel concursum se tenentem ex parte obiecti, requiritur in ordine ad actus supernaturales in sub-

T t t 2 stan-

stantia aliquis specialis concursus ex parte ipsius potentiae intellectivae. *Confirmatur*: quia sicut quaedam sunt obiecta secundum aliquam rationem ita improporcionata potentiae, ut si essent praesentia (in quo casu non concurrent species intelligibiles secundum probabilem sententiam) adhuc secundum

illam rationem non mouerent potentiam, nisi supernaturaliter eleuatam; ita debet dici de speciebus quibuscumque talium obiectorum, quod non possent sub eadem ratione mouere potentiam, nisi supernaturaliter eleuatam: nam eadem prorsus est ratio.

PROPOSITIO NONA.

Cognitio Christi de futuris in seipsis est talis natura quantum ad naturalitatem, vel supernaturalitatem, qualis est ea, qua cognoscit illa actualiter existentia.

21 **S**uppono, Christum posse, sine dubio videre futura in essentia Diuina non minus, quam existentia, ut omnes admittunt, quia in hoc nulla est repugnantia. Posset etiam videre eadem futura per reuelationem diuinam, quae esset ipsi euidentis; quamuis enim non detur forte beatis defuncto alia reuelationem earum in Verbo, tamen posset sine dubio ipsis dari, quia in hoc nulla est implicancia. Neque de his cognitionibus, earumque in substantia naturalitate, aut supernaturalitate hic dubitatur, sed de alia, quae haberetur de futuris in seipsis sine

medio extrinseco; qualis, quia supponitur communiter non repugnare, conceditur Christo.

22 *Probatnr propositio* (hoc supposito) quia Christus cognouit futura in seipsis: sed non potest intelligi, quomodo sic ea cognosceret, nisi per tales species, & principia, per quae cognosceret illa, si actu existerent: ergo cognitio, quam habet de ipsis, ut futuris, talis erit quantum ad naturalitatem, vel supernaturalitatem in substantia, qualis erit cognitio, quam haberet de ipsis ut actu existentibus. Maior probatur, quia talis cognitio est possibilis: ergo Christo concedenda. Antecedens patet, quia

si Deus cōmunicaret alicui hodie eas ipsas species, quibus actū determinaretur cras ad cognoscendum, quod aliqua substantia existeret actū; ille hodie cognosceret, quod illa substantia existeret cras, quia illæ species determinarent ad cognitionem existētiæ pro duratione sibi correspondenti, qualis esset duratio crastina: sed tales species sunt possibiles: cur enim sicut nos ipsi per species acquisitas iam siue illas, quibus iam scimus rem aliquam existere, siue alias aliquas ad illas sequentes, possumus co-

gnoscerere cras, quod res illa iam extiterit, non potuit similiter Deus communicare nobis heri v. g. tales species, quibus heri cognosceremus, quod res illa existeret hodie? Non videtur enim magis difficile, quod per species hodie acquisitas cognoscat quis cras, quod res hodie, extiterit, quam quod per easdem, si heri infusæ forēt, cognouisset heri, quod res hodie existeret; & per hoc patet contra Patrem Vuadingum, talem scientiam non esse impossibilem.

PROPOSITIO DECIMA.

Scientia Christi tam habitualis, quam actualis de rebus in proprio genere est perfectissima; non positiuè, sed tantum negatiuè.

23 **P**Robatur eadem ratione, qua probatur gratia perfectissima, & visio perfectissima. Dixi autem *tantum negatiuè*, quia Deus sine dubio posset communicare Angelis, & alijs animabus scientiam tam perfectam, ac fuit scientia Christi. Aduertendum autem hic est, quod non debemus considerare intellectum Christi secundum se præcisè, aut virtutem suam naturalem, & concursum naturalem obiecti, habitus, aut specierum quarumcumque, quia sic confi-

deratus, cum idem habitus, idē obiectum, & eadem species possent concurrere cum intellectu Angelico, & ex altera parte intellectus Angelicus sit perfectior, quam sit intellectus Christi, non posset habere tam perfectam scientiam siue abstractiuā, siue intuitiuā de rebus in proprio genere, quam Angelus posset mediantebus iisdem principijs. Loquimur ergo de intellectu Christi, prout suppleretur defectus perfectionis eius præ intellectu Angelico, Deo specia-

cialiter concurrente, sicut proculdubio concurrere potest, & defacto in multis concurrere

admittitur propter maiorem perfectionem Christi.

PROPOSITIO VNDECIMA.

Christus habuit scientiam per accidens infusam.

24 **E**st communis, & videtur magis certa in sententia nostra, qui negamus, scientiam per se infusam posse haberi de omnibus rebus in proprio genere, quàm in sententia admittentium talem scientiam: nam si habuit semper perfectissimam scientiam de rebus in proprio genere, & non per se infusam; ergo fuit per accidens infusa. Deinde. Hæc scientia non superflueret in sententia etiam admittentium, scientiam per se infusam: quia alio modo cognoscerentur res mediante hac scientia, ac per scientiam per se infu-

sam: quia mediante hac scientia cognosceret res naturaliter, per se loquendo, licet per accidens esset infusa, sicut admittitur infusa Angelis, & Adamo, qui res omnes coram ipso per Deum adductas, nouit, & nominibus suis appellauit, ad quod necessaria videtur scientia aliqua infusa. Talis etiam scientia est perfectio naturalis ipsius naturæ, & consequenter Christo attribuenta, cuius perfectiones naturales debemus, quantum possumus, extollere potius, quàm diminueret;

PROPOSITIO DVODECIMA.

Christus in decursu temporis vita sua acquisiuit scientiam experimentalem multarum rerum.

25 **P**robatur primò ex illo Pauli ad Hebræos 5. *Didicit ex his, que passus est, obedientiam; scilicet per experientiam*

cognouit vim obedientiæ, Item ex illo Isaiz 8. *Antequàm sciat Puer vocare Patrem suum, & Matrem suam, auferetur fortitudo Damasci.*

masci. Et Lucæ 2. *Proficiebat sapientia, & aetate, & gratia;* quem locum licet aliqui Patres intelligent de profectu in sapientia, quoad manifestationem eius, tamen; alij tamen quamplures apud *Maldonatum in eundem locum num. 40.* intelligunt de augmento reali scientiæ, sicut & ætatis. *Probatur secundò,* quia hæc scientia non repugnat, estque perfectio naturæ humanæ, & consequitur necessariò ad actus sensuum externorum, quos Christus habebat: nam visio externa obiecti transmittit speciem ad sensum internum, & hinc ducitur noticia ad intellectum, qui ex Phantasie operatione excitatur ad cognoscendum idem obiectum, & remanet in intellectu species eiusdem sensationis, qua mediante recordatur postea, sensum habuisse aliquando talem sensationem; & hæc cognitio, qua sic cognoscit, vocatur scientia experimentalis, quia mediante sensuum experientia acquiritur.

26 *Dices:* subsistentia creata est perfectio naturæ humanæ, & tamen impeditur posita subsistentia Divina: ergo non obstante, quòd scientia acquisita per experientiam, esset perfectio naturæ, debet tamen impediri posita scientia infusa. *Respondetur negando consequentiã:* quia illæ subsistentiæ repugnant; scientia autem experimentalis nec repugnat infusæ, nec dat effectum formalem con-

trarium illi, sed dat noticiam eiusdem obiecti diuerso modo, per species scilicet sensuum.

27 *Dices secundò:* Beati vtuntur independentè à phantasia speciebus acquisitis in via: nam estò anima in resurrectione vniatur corpori, non tamen pendeat à corpore magis, quàm antea; at antea potest vti illis speciebus: sed Christus sæpè habuit, quidquid beati habebunt post resurrectionem: ergo poterat Christus habere species omnes, quas nos in corpore acquirimus, & iisdem vti independentè ab ipso corpore; si autem poterat sic vti illis, non debemus dicere, quòd ipse vnquam cognouerit res illas dependentè à phantasia, & consequenter non habet scientiam experimentalem.

28 *Respondetur primò,* negari posse maiorem: nam posset dici, quòd species, quas in corpore acquirimus, habeant talem dependentiam à phantasmate, seu rebus in phantasia relucens, vt non possint vllas res representare, nisi cum recurra ad ipsam phantasiam. *Et si etiam admittatur,* quòd possint tales species representare independentè à phantasmate, non sequitur inde, quin aliquando, saltem quando placeret beatis, representarent res, vt relucens in phantasia; & consequenter non sequitur, quin Christus poterat aliquando vti speciebus acquisitis cum dependentia ad phantasmata.

mata. Vndè, admissio toto primo syllogismo, negatur, quod indè inferitur, quia poterat etiam vti illis speciebus depèdenter à corpore, & sic alio diuerso modo cognosceret obiectum.

29 *Responderi potest secundò*, negando primam còsequentiam, quia dependentia intellectus à corpore, & eius organis, pertinet ad passibilitatem, quam Christus retinuit: vndè etiam si anima beata possit independentè à phantasia vti speciebus acquisitis, sicut posset propria virtute, eleuare corpus suum per aerem independentè ab organis; anima tamen Christi sicut non mouebat corpus suum regulariter independentè ab organis, & dispositionibus corporeis; ita nec vta est speciebus acquisitis independentè à corpore, sed cum fatigatione capitis, & dolore, labore, sicut nos, quia hoc pertinebat ad passibilitatem assumptam pro nobis.

30 *Responderi posset tertio* negando vicinam consequentiam, licet enim sequeretur, Christum non habere scientiam experimentalem fortassis talem, qualem nos habemus, si semper intelligeret res omnes absque vlla prorsus dependentia ad phantasiam, tamen nõ sequitur, quin haberet scientiam experimentalem alterius rationis, quæ terminaretur non solum ad obiectum cognitum, sed etiam ad sensationem talis obiecti actum

existentem, vel præteritam, v.g. cognitio, quæ Christus cognouit non solum calorem, sed etiã sensationem, quam ipse habuit de calore, vocatur cognitio experimentalis, quia per illam cognoscit calorem, vt reuera experientia perceptum. *Et si dicatur*: Christum scientia per accidens infusa percepisse calorem cum ordine ad sensationem, & consequenter, vt sic percipiat, non esse necessariam scientiam experimentalem. *Respondetur*, Christum scientia per accidens infusa cognouisse istam sensationem solum abstractiue; scientia verò experimentali cognouit eam intuitiue, vt præsentem, & postea recordatur, se habuisse talem sensationem, & ideo illa cognitio dicitur experimentalis.

31 *Petes: An in vnione hypostatica* (quàm supra diximus cognosci in proprio genere, vel in seipsa ab intellectu Christi) *tanquam in medio potnerit Christus cognoscere mysterium Trinitatis?*

Respondetur primò, non quam, cumque cognitionem etiam intuitiuam vnionis hypostaticæ sufficere, vt ex ea Christus cognosceret euidenter Trinitatem personarum. Probatur, quia si ipse filius, vt multi Scotistæ tenent, possit videri intuitiue absque eo, quod videatur Spiritus sanctus, multò magis potest vnio ad filium intuitiue videri sine visione Spiritus sancti. *Deindè*
ad

ad hoc vt aliqua res videatur intuitiue, non est necesse, vt videatur quæcumque alia, cum qua talis res habet cōnexionem aliquam etiam necessariam, quia aliās qui intueretur creaturam existentem, deberet necessario cognoscere Deum Trinum, cum talis creatura habeat necessariam connexionem cum Deitate in tribus personis, siue ab extrinseco, siue intrinseco; parum refert ad propositum: nam eodem modo, quo diceretur hæc connexio cum Deo Trino esse per accidens, vel ab extrinseco, poterimus nos dicere connexionem vnionis hypostaticæ cum persona Spiritus sancti esse ab extrinseco.

- 32 *Dices.* Visio intuitiua debet esse rei, vt distinguitur à quocumque alio: sed non potest cognosci vnio hypostatica, vt distinguitur à quocumque alio, quin cognoscatur, vt distinguitur à Patre, & Spiritu sancto, & ab vnionibus hypostaticis possibilibus ad eosdem: ergo non potest dari visio intuitiua vnionis, quin cognoscatur tota Trinitas. *Respondetur,* si hoc argumentum valeret, probaret, quod nullius rei intuitio possit haberi, quin cognoscatur quæcumque alia res, etiam Sancta Trinitas; & consequenter quod Angelus, vel anima separata non possint naturaliter intueri vllam aliam rem etiam creatam, quia aliās naturaliter cognoscerentur eui-

denter mysterium Trinitatis, & omnia possibilis; quæ videntur nimis absurda.

- 33 *Vnde distinguo maiorem:* debet esse rei, vt distinguitur à quocumque alio fundamentaliter, scilicet debet esse talis, vt virtute ipsius possit cognosci, quod res illa sit distincta à quocumque alio, si quodcumque aliud intellectui proponeretur, concedo maiorem; debet esse talis, vt actu per illam cognoscatur res illa, vt formaliter distincta à quocumque alio, nego maiorem: quia non potest sic cognosci, quin cognoscantur omnia, à quibus distinguitur. Aliud igitur est habere visionem rei, quæ distinguitur, & qua mediante possent etiam cognosci, vt distincta, si alia actu ad ipsam compararentur. Aliud habere visionem, qua actu cognoscerentur res, vt formaliter distinctæ ab omnibus alijs.

- 34 *Respondetur secundò ad questionem.* Probabile esse, Christum habuisse cognitionem intuitiuam vnionis hypostaticæ, virtute cuius cognouit euidenter Trinitatem personarum, & consequenter ipsum in vnione hypostatica, tanquam in medio cognoscere mysterium Trinitatis. Probatur, quia talis cognitio est possibilis: ergo Christo concedenda. Antecedens probatur: quia Christus poterat videre illam vnionem, non solum vt ostendat personam filij; sed etiā

V u u qua;

quatenuseam ostendit, vt distinctam ab alijs personis; sed hoc nō posset facere, nisi ostendēdo, esse alias personas: ergo, &c. Maior probatur: quia nulla est repugnantia, quōd Christus videat intuitiue suam vnionem, hypostaticam sub illa particulari ratione, sub qua terminatur ad filium, vt distinctum ab alijs personis, & sub qua ipsa vnio distinguitur ab vnione possibili ad Patrem, & Spiritum sanctum; sed sic cognita determinaret intellectū ad cognitionem euidentem Sanctissimæ Trinitatis, quia illa diuersitas vnionum habet necessariam connexionem cum Deitate terminorum, nec cognosci possit, quin cognoscatur illa diuersitas terminorum. igitur.

- 35 *Ex dictis facile colligi potest, quodnam sit obiectum scientiæ per se infusæ; & acquisitæ. Obiectum itaque scientiæ per se infusæ in nostra sententia erit ens infinitæ simpliciter intelligibilitatis, vel alia, vt dicunt ordinem particularem ad tale ens. In aliorum verò sententia, qui dicunt, de quocumque ente sub quacumque ratione etiam naturali posse haberi scientiam per se infusam, quodcumque tale ens, etiam sub illa ratione, erit obiectum scientiæ per se infusæ. Per hanc tamen scientiam non videtur ipse Deus intuitiue: quia omnis visio intuitiua Dei est beatifica, sed solum abstractiue.*

Obiectum scientiæ per accidens infusæ, & acquisitæ, est quodcūque ens, etiam entia, quæ in substantia sunt supernaturalia, & considerentur secundum se, & prout non dicunt ordinem ad ens supernaturale simpliciter: contra plures Recentiores, qui dicunt, hæc entia supernaturalia non posse cognosci, nisi per cognitionem per se infusam.

- 36 *Dices. Hinc sequeretur, quod cogitationes cordium, siue sint naturales, siue supernaturales, possint naturaliter cognosci: sed hoc videtur falsum, igitur, &c. Respondetur, concedendo sequelam maioris; nec inde aliquid absurdi sequitur. Vnde concedo, Christum de facto per scientiam omnino naturalem cognouisse secreta cordium. Quod autem nos illa non videamus, ori-ri potest ex dependentia intellectus pro hoc statu à phantasmate, & sensibus: cum enim cogitationes cordium aliorum non cadant sub sensibus nostris, non potest intellectus noster sensibus alligatus eas cognoscere. Quod autem Angelus, aut anima separata non videant illa secreta, oritur ex eo, quod Deus non permittat, nec concurrat ad talem cognitionem.*

- 37 *Dices: sequeretur, quod intellectus creatus posset naturaliter cognoscere euidenter mysterium Trinitatis, quod est absurdum. Sequela patet, quia ex dictis potest naturaliter videre assensum*
suu

supernaturalem fidei de existentia Trinitatis: sed non potest hunc assensum videre, quin cognoscat euidenter Trinitatem: ergo, &c. *Respondetur, negando sequelam maioris*, & distinguendo maiorem suæ probationis. Potest naturaliter videre istum assensum entitatiuè, & secundum se sumptum, concedo; formaliter sumptum, vt respicit Trinitatem, nego maiorem, & distinguo similiter minorem, & nego consequentiam. Admitto tamen, Christum defacto per

assensum fidei de existentia Trinitatis, tanquam per medium, cognitum cognitione per se infusa, cognouisse euidenter esse Trinitatem personarum. *Nec obstat*, quòd assensus iste dicatur representare Trinitatem illi soli, in quo est; *hoc enim est verum*, loquendo de illo assensu, quatenus est actus vitalis, quo quis assentiatur Trinitati; falsum verò est, si loquamur de illo in ratione obiecti cogniti, ex cuius cognitione potest intellectus deuenire in cognitionem alterius;

DISPUTATIO SEXTADECIMA .

De Potentia Christi.

Vtrum Christus habuerit omnipotentiam?

NOta, quòd omnipotentia addit aliquid supra infinitam Dei potentiam, quæ dicitur entitatem, & modum quædam absolutum in Deo, & quòd ad intensionem, & quòd ad extensionem. Quid verò sit illud additum? dic, quòd est modus quidam, seu respectus relatiuus, consistens in quadam vniuersalitate respectu cuiuscumque rei creabilis mediata, vel immediata, tam immediatione causæ, quam virtutis, & suppositi; qui respectus nõ dicitur realis, quasi verò in Deo sit aliquis respectus ad creaturam, cum non sit, nec

actualis, nec aptitudinalis, nec prædicamentalis, nec transcendentalis, vt docet *Scotus in primo d. 18. quest. unica D. & dist. 30. questione 2. littera O.* sed dicitur realis à parte rei creabilis, quia immediatè causatur à Deo secundum fundamentum reale. *Monco*, omnipotentia esse duplicem; vnã dico Theologicam, alteram Philosophicam; hæc, vt cõcipitur à Philosophis importat, esse Deum agentem omnino primum, independentem, à quo omne aliud agens intermedium moueatur, & à quo omne aliud à se, efficiatur, vel immédia,
V u u 2 dia,

diatè, vt posuerunt creationem primæ intelligentiæ, vel Mundi; vel mediatè interuentu causarum secundarum, quas necessariò adhibet in causâdo, tùm in genere efficientis, tùm in genere materialis. Theologica omnipotentia, quæ scitur lumine fidei, importat possibilitatem attingentiæ omnium creabilium, quæ non repugnant; immediatè immediatione causæ virtutis, & suppositi, ita vt Deus absolutus sit in agendo à consortio secundarum causarum in quocûque genere efficientis, vel materialis.

2 *Prima omnipotentia* potest ostendi demonstratione quia solo lumine naturali, & demonstratione propter quid, supposito, quòd Deus sit primum ens, & primum efficiens, omninò à se independentem ab alio. *Secunda omnipotentia*, licèt in se sit demonstrabilis à priori, & demonstratione propter quid: cum sit propriè necessaria, & per se, habeatquè medium à priori, quamvis, non sit euidens ex terminis, & possit aliquis viator, qui in hoc statu vix habeat claram, & distinctam notitiâ Dei, quæ non repugnet, talem omnipotentiam, vt sic, à priori ostendere; tamen lumine naturali est indemonstrabilis vtraque demonstratione. *Patet*: quia ad demonstrandum propter quid, cognosci debet euidenter medium, & termini, in quo includuntur præmissæ: sed

naturaliter non potest Deus cognosci secundùm huiusmodi prædicata secundùm proprium conceptum; sed secundùm conceptus communes, & arguitur; ergo, &c. *Ad demonstrandum* à posteriori, seu ab effectu, necessariò cognoscendus est essentialis ordo ad effectum: sed dato, quòd Deus sit prima causa respectu omnium causarum, non sequitur ab intrinseco, posse omnes causas mouere, & attingere immediatè eorû effectus; vel quòd possit illos attingere sine illarû consortio: nam Philosophi posuerunt primum, & negauerunt secundum, imò si concessissent, dicerent, necessariò ponendam esse nouitatem, & imperfectionem in prima causa. ergo &c.

3 *Volo tamen* admonitos Lectores, quòd est ex naturalibus indemonstrabilis sit vtroque modo huiusmodi omnipotentia Theologica, potest tamen ratione probabili suadeti tanquam verum necessarium, & probabilius, quàm aliqua alia veritas credita. *Patet*. Quia Deipotentia est formaliter infinita, & virtualiter, seu eminenter continet actiuitatem cuiuslibet causæ secundæ, atque adeò probabile est, Deum sua virtute esse omnipotentem Theologicè, & probabilius: nam secundùm Scotum, veritatum creditarum vna potest esse naturaliter notior, quàm alia; & magis ista, quæ innititur medio probabiliori. Si

dica;

dicatur. Solo lumine naturali potest probari, Deum attigisse aliquem effectum immediate; ergo omnem effectum potuit sic attingere sine consortio causarum secundarum. *Respondetur cum Scoto* quodlibeto 7. fallam esse consequentiam: nam potuit primum, & perfectissimum effectum producere, sed non imperfectos, ne imperfectio refundatur in causam, quæ ad mentem Philosophorum agebat de necessitate naturæ. *Dices*: nihil est imperfectius materia prima: at naturaliter notum est, produxisse materiam se solo ex nihilo; ergo falsa responsio Scoti. *Dico primum*, quod non potest naturaliter demonstrari, Deum se solo produxisse materiam primam, sed solum potest demonstrari Theologicè. *Respondetur secundum*, quod Philosophus diceret, Deum creasse materiam simul cum forma, & sic necessariò cum admixtione causæ secundæ.

- 4 *Replicabis ex Suarez*: naturaliter est notum, Deum habere infinitam potètiā simpliciter, quam potest in omnem effectum possibilem: sed hæc est definitio omnipotentiz; ergo, &c. *Dico*, quod, concessa infinitate potentiz in omnes effectus, non probatur omnipotentia, quæ requirit immediationem causæ, vir-

tutis, & suppositi, excludendo consortium causarum secundarum. *Si urgeatur*, quod sit perfectissima potentia Dei. *Respondeo*, quod Philosophus diceret, quod quanto causa prima est perfectior, tanto deberet agere per plures causas intermedias; solum requirit perfectio in causa, & eminentia, ut agat perfecto modo in ordine suo, qui est, ut sit causa superior, & remotior propter essentialē ordinem, quæ servant prima; & secunda causa. *Nota*, quod potest optimè saluari conceptus talis omnipotentiz in Deo, non solum in se, & absolutè spectata, ut dicit aliquid ad se, & perfectionem quandam, quæ Deus à parte rei dicitur potens, etiamsi nulla fuisset creatura: sed etiam, ut dicit respectum ad omne ens possibile, ut suū terminum adæquatum, etiam datis à parte rei entibus impossibilibus, & dicentibus repugnantiam, sicut defecto talia multa dantur; patet: quia omnipotentia, adæquatè sumpta, constituitur in ordine, & formaliter præcisè ad ens possibile, cui intrinsicè verum esse non repugnat, ergo non respicit ens impossibile: ergo dato ente impossibili à parte rei, non laeditur, nec per somnium Divina omnipotentia.

PROPOSITIO PRIMA.

Omnipotentia nec per potentiam Dei absolutam potest communicari alicui creaturae.

5 **P** Robatur ratione Scoti in 3. dist. 16. quest. 1. ad solutionem secundi argumenti principalis littera E. Si omnipotentia creaturæ communicaretur, non posset esse, nisi illa creatura in se haberet in se vnam, vel plures formas, in qua, vel in quibus radicetur potentia omnium possibilium possibiliter faciendorum; istæ repugnât: ergo, &c. Minorem probô: aut hæc forma esset accidentalis, aut substantialis; non primo modo: etenim accidens, quâ tale, non potest habere virtutem producendi substantiam. Dixi quâ tale, etiam si esset vera (quod tamen non concedimus) opinio illorum, qui dicunt, accidens producere substantiam; ex hac, inquam, opinione, neq; sequeretur, quod talis forma accidentalis posset producere substantiam: non enim haberet id virtute substantiæ, cui coniungeretur, scilicet animæ; esset ergo forma substantialis, per quam inesset creaturæ omnipotentia; at id est falsum. Tùm quia talis esset infinita: quia containeret omne possibile fieri eo modo, quo alibi

etiam Scotus, scilicet, in primo, dist. 1. quest. prima, arguit contra illos, qui dicunt, vnam formam posse satiare appetitum materiæ; ea etenim foret infinita, vtpotè containeres omnes formas, ad quas materia illa esset propensa; similiter in re nostra, talis forma substantialis foret infinita, quia containeret omne possibile fieri. Tùm secundò, quia talis forma substantialis non posset conferri animæ Christi, aut Angelo, remanentibus eisdem in suo esse: quia talis forma substantialis variaret esse Angeli, & animæ.

6 *Accedat secunda ratio.* Talis omnipotentia essentialiter imbit infinitatem intensivam, vel saltem extensivam respectu entium possibilium; sed hæc necessariò radicatur super infinitatem intensivam; non enim posset extendi ad infinitos effectus simul, nisi in se containeret infinitatem intensivam; nam sicut eruditè tradit Scotus in 3. dist. 14. quest. 2. in Calce; licet infinitas extensiva passiva, sicut est in materia ad recipiendas infinitas formas (si tamen est receptiva infinitarum formarum) non inferret

ferret infinitatem intensuam in receptiuo; tamen extensua ad aliqua, vt ad effectus simul causabiles, necessario infert infinitatem intensuam; cum talis pluralitas in omnibus inuoluat maiorem perfectionem in agendo, non autem in recipiendo. *Adde*, quod omnipotentia non potest communicari, quia excludit consortium cuiuscumque causæ; at nulla est debilis creatura, quæ valeat agere, nõ concurrente secũ prima causa: ergo, &c. *Adde*, quod quæ ratione Deus posset communicare omnipotentiam vni creaturæ, eadem ratione valeret eandem omnipotentiam communicare alteri creaturæ, & sic forent duz creaturæ omnipotentes; vel, vt melius dicam, nulla ex illis foret omnipotens: cum vna minime haberet dominium supra alteram. *Adde*, quod *Scotus in 4. dist. 1. quest. 1.* tenet, creaturam non posse esse causam principalem, nec instrumentalem physicam in creatione: quomodo ergo posset esse virtus creaturæ infinitæ? quomodo omnipotentia, si non valeret se ad creabilia extendere?

- 7 *Sit altera ratio.* Ex Aristotele operatio sequitur esse rei; vnde maior non potest esse operandi facultas, quàm sit entitas rei: omnipotentia dicit infinitam agendi potestatem; vnde requirit in agente, & operante infinitam entitatem; certum autem

est, omnem creaturam fuisse limitatam, & finitam secundum entitatem, & naturam suam; ergo non potuit sibi communicari omnipotentia, sicut nec potuit humanitas Christi fieri infinitæ, & illimitatæ naturæ. *Deinde.* Ea sola potentia dicitur omnipotentia, quæ se extendit ad omnes effectus possibiles: sed non potest tribui creaturæ potentia ad quodcumque possibile: nam non potest seipsam facere illa creatura, cum tamen ipsa sit ex se possibilis; ergo implicat, omnipotentiam tribui creaturæ.

- 8 *Nostram propositionem impugnant, quæ sequuntur argumenta. Primum.* Potest Deus communicare creaturæ corporali suam immensitatem, et si non modum suæ immensitatis; ergo poterit & communicare creaturæ suam omnipotentiam, quamuis non modum omnipotentia. *Confirmatur.* Quia per *Scotum in 4. dist. 10. quest. 2.* potest Deus facere, quod vnum corpus sit vbique, non tamen sicut Deus: quia Deus est vbique per suam essentiam præsens, & necessario; corpus autem non per essentiam foret vbique, sed per potentiam sibi communicatam, & contingenter, & non necessario. *Respondetur*, quod fortè non tenet paritas de immensitate, & omnipotentia: quia immensitas est modus intrinsecus, non attributum. Negamus ergo Deum posse communicare creaturæ im-

men-

menfirationem: Scotus loco citato nihil aliud concedit, nisi potentiam paffiuam in creatura corporali ad eſſe ubique; omnipotentia verò minimè eſt potentia paffiua, ſed actiua; ergo, &c.

9. *Secundum argumentum.* Sacerdos pronuncians verba conſecrationis, phyſicè poſſet producere Corpus Chriſti ſub accideñtibus, etiamſi Corpus Chriſti non haberet eſſe modo naturali ſecundum Scotum in 4. diſt. 10. *queſt. 4. 5. hic duo ſunt videnda, &c.* hoc non poſſe Sacerdos per ſuam naturalem virtutem; ergo per omnipotentiam Dei illi communicatam. *Dices,* hoc poſſe Sacerdotem per virtutem ſibi communicatam per modum virtutis aſſiſtentis, non tamen per virtutem ſibi intrinſecè in-exiſtente. *Replicabis,* quòd verba conſecrationis habent virtutem operatiuam: ergo ſi Sacerdos operatur per verba conſecrationis, dicendum eſt, quòd illi Sacerdoti ſit communicata omnipotentia. *Reſpondetur,* concedendo totum vique ad illud, quòd dicis, quòd Sacerdos faciat Corpus Chriſti eſſe per omnipotentiam ſibi communicatam, & dico, quòd facit ibi eſſe ex vi verborum, ſed omnipotentia Dei ipſi Sacerdoti aſſiſtit. Concedo etiā, quòd ſermo ille ſit operatiuus, & verba illa præſcicta, & efficaciā; nego tamen, quòd virtus poſſit eſſe in eis per in-exiſtentiā.
10. *Replicabis.* Omnipotentia fuit communicata animæ Chriſtiſer-

go nulla noſtra propoſitio. Antecedens probo: Chriſtus phyſicè pronunciando illa verba: *hoc eſt corpus meum*, conſecrauit; tranſubſtantiatio autem eſt opus omnipotentis. *Reſpōdetur,* quòd verba Chriſti fuerūt cauſa phyſica inſtrumentalis in conſecratione, effectiua tamen moraliter tantum; cauſa verò effectiua phyſica fuit virtus Diuina. *Cōtra:* Chriſtus fuit cauſa tranſubſtantiationis magis, quàm purus Sacerdos; hic eſt inſtrumentalis tantum: ergo Chriſtus fuit cauſa principalis. *Dices,* Chriſtum non fuiſſe cauſam immediatam. *Contra* Corpus Chriſti ſecundum Theologos, & ſecundum doctrinam Tridentini ſeſſione 13. cap. 3. ex vi verborum eſt ſub ſpeciebus ſacramentalibus; ergo Chriſtus proferens illa verba, inquitum homo, fuit cauſa immediata tranſubſtantiationis. *Reſpondetur,* quòd Chriſtus, vt homo, fuit magis cauſa inſtrumentalis, quàm purus homo Sacerdos: quia hic eſt cauſa miniſterialis, vel inſtrumentalis ſeparata; humanitas verò Chriſti cauſa inſtrumentalis coniuncta cum verbo Diuino. Et ſi accipias abſolutè Chriſtum, dicens ſuppoſitum duarum naturarum ſignificatiuum; concedo, quòd Chriſtus fuit cauſa phyſicè agens: quia eſt Deus, & omnipotens per eſſentiam. Quando dicis, quòd Corpus Chriſti ex vi verborum, ſit ſub ſpeciebus.

Ve-

Verum dicis, est ex vi verborum sub speciebus, sed non ex vi physica, sed ex vi morali: voluit enim Deus, ut ad prolationem illorum verborum fieret ibi infallibiliter Corpus Christi, & sicut voluit, sic facit, & non decipit.

- 11** *Tertium argumentum.* Christus ex virtute circa vnum effectum supernaturalem argumentatus est virtutem circa quæcumque. Unde Matthæi 9. nu. 6. dicit: *Ve autem sciatis, quia filius hominis habet potestatem in Terra dimittendi peccata (tunc ait Paralytico) surge, tolle lectum tuum, & vade in domum tuam.* Christus, ut homo, habuit potestatem, seu virtutem super aliquos effectus omnipotentiz, ut constat ex illo Lucæ 6. nu. 19. *omnis turba querebat eum tangere: quia virtus de illo exibat, &c.* Quæ virtus? creata? Hæc non erat satis ad opera miraculosa: ergo erat virtus omnipotens, & ista existerat in Christo. *Respondetur*, verum esse, quod ex virtute circa vnum, concluditur & virtus circa alia; (hoc sit gratiose dictum) sed nego, quod illa virtus fuerit in humanitate Christi per inexistentiā, sed fuit ibi per rationem vnionis hypostaticæ, & hoc probant authoritates adductæ.

- 12** *Quartum argumentum.* Potest naturæ rationali communicari omnis scientia; ergo omnipotentia. Antecedens patet ex 3. dist. 14. quæst. 2. ubi sustinet Scotus, animam Christi videre omnia in Verbo, quæ Verbum vi-

det. Consequentia patet à simili: cum non sit magis illimitata omnis scientia, quam omnipotentia: *Respondet Scotus ibi*, negando paritatem: nam non est simile, omnia agere, & omnia intelligere: nec est idem formaliter; quia vnum est actio de genere actionis, & reliquum de genere qualitatis. *Respondet secundò*, quod omnis scientia potest concipi, ut vnica forma infinita, & vnica actio apta, & sic non potest communicari, quia est proprium Dei attributum, ut vnica cognitione cognoscat infinita; vel ut per infinitas cognitiones causatas à Deo, & receptas in anima Christi, & sic verum est: non tamen potest esse ita de omnipotentia, quæ vnica dicit entitatem absolutam, & independentem. *Meo videri melius*, respondetur rationibus illis primis, quibus fuit probata nostra propositio.

- 13** *Quintum argumentum:* omnipotentia saluatur, ut possit attingere infinita, non in specie, quod repugnat secundum Scotum, sed in numero, & non in actu, sed in potentia: sed aliqua virtus finita potest attingere infinitum syncategorematicè, scilicet finita in infinitum: ergo, &c. *Respondetur*, quod non esset vera omnipotentia, si respiceret infinita syncategorematicè: quia debet esse ad infinita categorematicè simul, & licet defecto non sint, possunt tamen esse.

X x x

Re-

Replicabis. Deus potest communicare æternitatem, & immensitatem creaturæ; ergo potest & omnipotentiam communicare.

Respondetur. quòd solùm est cum dependentia, & communicatio alicuius formæ extrinsecæ, ut est coexistentia ad omnes partes temporis, & loci, & hoc non implicat; implicat tamen de omnipotentia, quæ necessariò inuoluit independentiam.

- 14 *Nota,* benè saluari omnia, quæ videntur in Scriptura cōcedere omnipotentiam humanitati Christi, etiamsi dicamus, ipsam ad opera superna solùm concurrisse moraliter: nam si quis præsentet Chyroglyphum manu alterius subscriptum, ex quo debitor soluit centum, benè potest dici, virtutem aliquam in Chyroglypho fuisse, quòd suam pecuniam reciperet; sic Christo Domino secundum humanitatem precantem, vel volentem,

operabatur Deus miraculosè; nec est arbitrādum, qualitatem aliquam, siue spiritualem, siue corpoream à Christo exire ad effectum miraculosum; sed virtus exiens est ipsemet effectus productus; in imperando autem ostendebat omnipotentiam.

Multi urgent contra nos Concilia, & Patres, à quibus asseritur, humanitatem Christi fuisse organum, siue instrumentum Diuinitatis. *Respondemus,* Sanctos Patres velle humanitatem fuisse realiter, & physicè coniunctam Diuinitati; quòd autem physicè, vel moraliter concurrerit, Theologis disputandum reliquum est. *Solent proponere* contra nos argumentum à paritate Sacramentorum, quibus videtur communicata physica virtus; ergo multò magis illa est concedenda Christo, qui est author Sacramentorum. *Proinde sit.*

PROPOSITIO SECUNDA.

Non fuit in Christo omnipotentia.

- 15 **V**eritas propositionis est sufficientissimè probata, ex propositione præcedente. Cum ergo non fuerit in Christo omnipotentia; ergo nec ipse omnipotēs fuit: quamvis propter communicationem idiomatum Christus possit dici omni-

potens, illa tamen omnipotentia non conuenit ei, quatenus homo est, sed quatenus homo in vnitate suppositi Diuini ita subsistit, ut sit homo Deus. *Moneo,* quòd sicut in Christo agnoscimus summam gratiam, summam fruitionem, summam sci-

sciētiā, ita in eodem, oportet, agnoscamus summam potentiam, quæ possit communicari creaturæ. Hinc colligimus, potentiam patrāndi miracula in Christo homine fuisse nobiliorē, & nobiliori modo, quā in hominibus, atque Angelis, quibus cōcessit facultatē faciēdi miracula: quia vis, & facultas hæc à Diuinitate pender, & ita qui magis est cōiūctus Deo, maiora facere potest; Christus autē fuit coniunctissimus Deo: ergo maiorem habuit vim faciēdi miracula, quā quilibet alius.

- 16 *Dices.* Ab effectibus deprehendi debere dignitatem, & excellentiam causæ, & ab alijs Sanctis fuisse facta maiora his, quæ Christus fecit, ipso Christo dicente apud Ioan. 14. nu. 12. *Qui credit in me opera, quæ ego facio, & ipse faciet, & maiora horum faciet.* Et in actibus Apostolorum legimus, multos infirmos umbra Diui Petri sanatos fuisse, quod de Christo nunquā legimus; & credibile est, nunquā factum, quia aliās reperiretur scriptum: vnde videtur in talibus fidelibus maiorem fuisse potentiam faciēdi miracula. *Respondemus,* maiorem veram esse in causis naturalibus, & uecessario agentibus, non autem in causis liberis; Deus, qui est principalis causa miraculorum, est agens liberum: vnde cum minori potentia concessa vni, per illum, maiora facit miracula,

quā cum altero, cui maiorem dederit operandi potentiam. Licet igitur verum sit, quod ab alijs Sanctis factum sit id, quod Christus non fecit; tamen dicimus, Christum, & hoc ipsum, potuisse facere, si voluisset. In hoc superat potentia Christi ad faciēda miracula potentiam alijs Sanctis concessā; quod Sanctorum nullus potuerit facere miracula, quæ voluerit; at Christus solus, quæcumque voluit facere miracula, potuit. Ratio istius distinctionis est, quod nullus Sanctorum sciuerit, quænam esset voluntas Dei circa futurū miraculū: propterea poterant velle facere miracula, quæ, cum Deus nollet, non fiebant: Christus verò, etiam quatenus homo, & creata scientia voluntatem Diuinam sciebat, cui cum in omnibus conformaretur, ea solummodò volebat facere miracula, quæ futura præuidebat, inspecta voluntate Diuina.

- 17 *Obijciēt aliquis,* Christum multa voluisse, quæ tamen non fecit, nec facere potuit, vt cum orauit, transferri à se calicem. Hæc namque oratio significat, Christum liberari voluisse à morte; & hanc liberationem à Patre petiisse. Et Marci 6. n. 5. de Christo legimus: *non poterat ibi virtutem ullam facere, nisi paucos infirmos, impositis manibus, curauit. Hæc, & alia soluantur,* si dixerimus, ea, quæ Christus voluit

facere, esse in duplici differentia: nam quædam voluit voluntate consequente, & efficaci, quæ omnia facta sunt; quædam voluit sola voluntate conditionata, & ex hypotesi, si Deus videlicet aliter non decreuerat; & quia huiusmodi volitio est inefficax, non omnia facta sunt, quæ Christus hac voluntate fieri vo-

luit. *Adde:* dicitur Christus, quædam non potuisse facere; intellige, non quod non potuerit potentia sua absoluta, sed quia indecens erat: eo modo solet vir iustus, & timoratus dicere petenti aliquid iniustum, id nequaquam se posse facere, repugnante videlicet iustitia, & integritate viri probi.

Notantur aliqua de Miraculis, & de mirabilibus, ut melius intelligantur opera Christi.

18 **M**iraculum vocatur opus arduum, & insolitum.

Arduum quippe ex parte operantis Dei, raro agentis tam in ordine naturæ, quam gratiæ ad facienda miracula, quæ communiter sunt contra, vel præter leges præfixas ab ipso Deo. *Insolitum* autem ex parte nostræ, contra communem seu solitum naturæ cursum. Hinc aliqui distinguunt inter miraculum, & mirabile: miraculum enim est opus excedens facultatē naturæ creatæ secundum rem, & secundum modum; mirabile verò est quidem opus insolitum, sed non excedens absolutē facultatem totius naturæ creatæ: sed solū factum est præter communem ipsius naturæ ordinē. Fortē melius dicitur, quod opus mirabile dicitur dupliciter; vel quia admiratio oritur ex ignorantia mirantis, quia viso effectu, cau-

sa remanet occulta, & ignota; miranti solū per accidens; & tunc opus est à natura, seu non excedit facultatem naturæ, sed ex imperfectione mirantis nescitur causa; & tunc secundū quid opus dicitur mirabile. Vel per se causa remanet ignota, quia reuera procedit effectus à causa supernaturali excedente, in infinitum facultatem naturæ, & hoc est verē opus mirabile, & non differt à miraculo.

19. *Obseruo etiam*, quod duplex est ordo, scilicet naturæ, & gratiæ, & consequenter duplex est opus miraculosum; utrumque est à solo Deo, tunc est ab authorē gratiæ, dum facit aliquid spectans ad ordinem gratiæ secundū absolutam suam potētiam contra, vel supra leges ab eo præfixas, ut fortē fuit liberatio animæ Traiani Imperatoris ab inferorū flammis per Diui Gregorij

gorij deprecationem, & quid aliud huic simile. Est ab eodem Deo autore naturæ factum, contra communem naturæ cursum præter naturalem eius exigentiam: vt illuminatio Cæci nati, resurrectio Lazari, & his similia. *Hinc collige*, quod nulla creatura, nec humana, nec Angelica possunt facere opera miraculosa, & verè mirabilia, nec ex se physicè principaliter, nec instrumentaliter, nec in assumptis corporibus. Pater ex Sacra Scriptura iuxta illud: *Qui facit mirabilia magna solus, &c.* Probatur ratione: opus factum ex naturalibus causis, vel miraculosum, non dicitur, nisi quia raro solet fieri, sed non excedit naturæ facultatem: sed quod raro sit, non facit opus miraculosum, quia tunc eclipsis esset miraculum: ergo.

- 20 *Monito etiam*, quod multis modis potest aliqua creatura humana, vel Angelica facere aliqua prodigiosa, seu mirabilia secundum quid. *Primo*, sicut faciunt homines præligiatores manuum celeritate, remouendo vnum, & substituendo aliud. *Secundo*, applicando aëria passivis, vt Magi Pharaonis fecerunt ranas ex materia disposita ad illarum generationem. *Tertio*, in artificialibus, quando magna celeritate inducitur forma artificialis. *Quarto*, in aere causando mutationes, ita vt opinentur videre Ceruos, Equos, Leones,

&c. quia immutando potentiam phantasticā per species, & phantasmata faciunt, vt videamur videre homines volantes, &c. sed nihil istorum est miraculum, sed est mirabile secundum quid. Quando dicimus Sanctos, vel Angelos facere miracula, potest intelligi dupliciter; physicè principaliter, vel instrumentaliter, & hoc non; vel moraliter, scilicet per intercessionem: quia ad eorum preces Deus immediate illa facit: vel saltem quod aliqua creatura præparat, & disponit materiā ad faciendum miraculum; sed Deus facit, &c.

- 21 *Notent curiosi*, quod penes quatuor discernuntur vera à falsis miraculis. *Primo* ex parte principalis Agentis: quia agens infinitæ virtutis operatur supra naturā in rebus veris, & in falsis operatur natura adiuta per alias rerum naturas: sicut conuersio virgarum in serpentes respectu Moyſis fuit in veros serpentes ex veris virgis: sed Magorum fuit apparens; quia virgæ non fuerunt conuersæ, licet fuerint facti verè serpentes aliunde, applicando aëria passivis. *Secundo* ex parte Ministri: quia falsa fiunt per priuatos contractus: quia Magus operatur per pactum initum cum Dæmone, & illud pactum initum cum priuata persona est priuatus contractus; sed Angeli boni, vel fideles faciunt miracula ex publica iustitia, quia lex, & Diuina iustitia est in toto

roto orbe, & sic per fidem viuam faciunt. *Tertio* ex parte finis, quia vera miracula fiunt ad Dei gloriam, & vtilitatem, vel totius Ecclesiæ, vel alicuius in particulari: sed falsa fiunt in ostentationem, vel delectationem corporalem, vel fraudes. *Ultimo*, quia vera fiunt circa res magnas, & in nobili materia, vt suscitando mortuos. *Falsa* fiunt in vili materia, vt circa Ranas, Serpentes, Mulcas, &c.

- 22 *Si dicatur*: quòd saltem Angeli possunt facere miracula: quia possunt efficere aliquid excedens humanam facultatem, vel cogitationem; aliter, si de ratione, miraculi est, quòd excedat facultatem creaturæ; inanis est quæstio; an aliqua creatura possit facere miracula. *Respondetur*, quòd Angeli possunt facere aliquid mirabile secundum quid, pro quanto potest causa ignorari, & est occultæ; nec est inanis quæstio; nam miraculum non definitur, quòd sit opus exce-

dens facultatem entis creati; sed solum materialiter circumscribitur, & explicatur in ordine ad Diuinam virtutem; sed formaliter est opus arduum. *Si dicatur*: non omnia miracula sunt æqualia; ergo saltem aliqua possunt fieri virtute creata, vt curatio debita alicuius infirmi, vel pluuia instantanea, & his similia. *Respondetur*, verum esse, non omnia miracula esse æqualia, sed aliud dicitur signum, aliud prodigium, aliud portentum, seu miraculum; signum est paruum miraculum, vt conuersio Virgarum in serpentes; prodigium est magnum miraculum, vt suscitatio mortui. Portentum est commune signo, & prodigio. Ad illa exempla, dico, quòd si talia facta sunt sine concursu causarum secundarum, verè sunt miracula, saltem quantum ad modum: si tamen fiunt per concursum earum, nec secundum rem, nec secundum modum sunt miracula.

Circa Mirabilia.

- 23 **M**irabilis, imò & miraculosa res est, quòd vnum, & idem corpus simul, & semel sit dimensiuè in pluribus locis: quod licet virtuti naturali non sit possibile; virtuti tamen supernaturali possibile est; quod & fecit magnus noster Pater Sacerdos Antonius, qui dum Paduæ

prædicabat, simul visus fuit Vlyssipone ad liberandum Patrem, qui innocuè ducebatur ad mortem. Certum est, huiusmodi corporis existentiam in pluribus ubi factam fuisse virtute Diuina efficienter physice. Solum autem moraliter, & vt dispositio moralis ad eam concurrit

San-

Sanctus. Possibile est igitur, vñu & idem corpus esse in pluribus locis. Patet: quia esse in loco, nō est, nisi respectus extrinsecus adueniens: sed nullum est inconueniens, dari infinitos respectus similes in vno, & eodem fundamento; ergo, &c. *Accedit*, quòd Corpus Christi sacramentaliter simul, & semel est in pluribus locis, & potest esse in omnibus locis mūdi; ergo idem, & quodcumque aliud corpus potest esse localiter in existentia naturali. Consequentia patet à simili. Facit ad hoc, quòd utique est magis possibile, quod ex natura sua minùs repugnat, & ex parte Dei minora miracula requiruntur: sed ad ponendum idem corpus in pluribus locis sacramentaliter, magis pugnat ex natura sua: quia oportet auferre aliquid sibi cōnaturale, scilicet cōmensurationem ad locum: & ex parte Dei requiruntur plura miracula, scilicet multiplicare corpus, & ponere quantitatem, seu corpus quātum in loco sine modo quantitativo; ergo magis potest facere idem corpus in existentia naturali cōmensuratione ad locum, faciēdo vñum miraculum, scilicet multiplicādo corpus in pluribus locis. *Moneo tamen* Lectores, quòd licet libenti animo concedamus, quòd Corpus Christi Domini sit in pluribus locis sacramentaliter; negamus tamen vbiquitatem, vt nobis insimulant Hære-

tici propter vnionem hypostaticam, quam habet ad Diuinum suppositum: etsi enim Christus vbique sit Deus, non tamen sequitur, quòd sit vbiquē localiter; sed committitur fallacia figuræ dictionis, cōmutando hoc aliquid in quale quid.

24 *Moneo*, quòd inter mirabilia mirabile est mortui suscitatio; in qua fit reuñio animæ intellectiue ad proprium corpus perfectibile, quod solus Deus facere potest; hoc idem fecit Magnus Pater Beatus Iacobus à Marchia. *An autem, vt sola dispositio moralis, vel verè physica actione?* magna est difficultas. *Communis sententia cum Scoto* dicit, quòd primo, non secundo modo. Sed altiùs attollēdo mentē.

In via Scoti nullum est absurdum, quòd possit agens creatum attingere hanc reuñionem animæ intellectiue ad corpus organicum.

Probatur ex Scoto in 3. dist. 4. quest. unica sub littera E. vbi probat, virtutem actiuam feminis Patris, & Matris, si remaneat per omnes transmutationes vsque ad instans generationis, immediatè attingere terminum ipsū generationis totalem, nempe filiū; si autem illa virtus corrūpatur, hæc attingentia termini totalis generationis, refundēda est ad virtutē Matris propter intimam præsentialitatem, & immediationem virtutis, quam habet cum termino generationis; ergo aliqua virtus creatura

po-

potest attingero vnionem animæ intellectiuz ad corpus organicum: nam terminus totalis, & adæquatus humanæ generationis non est corpus organicū, sed homo: ergo virtus generatiua humana non solum attingit dispositionem illam immediatam ad corpus; sed vnionem illam, substantialem animæ cum corpore, seu totum, & tertiam illam entitatem, quam vocant: aliās homo non esset Pater hominis, sed corporis organici, vt proximè vnibilis: quantumvis ergo nullum agens creatum concurrat ad creationem animæ; anima tamen producta in corpore, quantum ad rationem inductiui in materiam, & receptiui, est ab agente creato.

35 Dices contra: Scotus in 4. dist. 43. quæst. 3. sub O. clarè dicit: nullum agens naturale potest reunire animam intellectuam corpori; imò nec ipsa anima.

Respondetur, quòd verum est secundum ordinarium naturæ cursum: sed si virtute Dei rediret illa virtus Patris, & Matris cum illis antiquis dispositionibus, quæ interfuerunt in prima vnione animæ ad corpus organicū; tunc posset virtute agentis naturalis fieri reunio eiusdem animæ ad corpus; quod colligo ex eodem Scoti loco, vbi dubitans: an aliquod naturale agens possit attingere reunitionem istam? subnectit: *Concedo conclusionem, quòd si soli virtuti actiue Diuina subest prima productio hominis; soli eadem suberit productio secunda.* Loquitur Scotus conditionaliter. Subsumo minorem: sed prima hominis productio subest virtuti naturali, vt supra notauimus ex 3. ergo & secunda. Vide, quomodo concordat hoc cum eo, quod dicit Scotus in 3. dist. 16. quæst. 2 sub G. de separatione anime à corpore, &c.

D I F F I C V L T A S.

An, quando Beatus Iacobus suscitauit mortuum, sicut redijt eadem anima, redierit etiam eadem vnio?

36 **R**espondeo consequenter ad Scotum, eandem numero redijisse vnionem, quæ fuit in prima productione illius anime primò vnite ad suum proprium perfectibile: sed non eadem vnio. Dicitur

quia vnio est partiū ad agens; vnio est inter partes: sic argumentor: sunt eadem partes vnitz, ergo eadem vnio: non est idem agens reuniens; ergo non eadem vnio. Sed nota hic, quòd non est

est repugnantia secundum Scorum, quod redeat etiam eadem vnicio, quantumvis non redeant iidem vnientes, seu agentia vnientia ex 4. dist. 43. quest. 1. in fine. Hinc potest solui alia difficultas: scilicet, quod Deus possit facere relationem sine extremis, saltem proprijs, licet non sine extremis simpliciter. Probaturs: quia esset eadem vnicio; ergo eadem relatio: sed non esset idem terminus; nam est aliud agens reu-niens, nempe Deus; & tunc fuit agens naturale: ergo eadem relatio sine proprijs terminis.

27 *Inter mirabilia* mirabile est, vt vna vox multiplicata in pluribus auribus diuersarum nationum, eundem exprimat conceptum; & hoc fecit noster Sanctus Pater, Antonius more Apostolorum, qui loquebatur varijs linguis, &c. Semel enim Sanctus predicans coram hominibus diuersarum nationum, quæ non eundem sermonem habent; nec vnicum modum explicandi vniuersales conceptus, sed quisque proprias voces habet pro explicatione vocum mentalium; fuit tamen ab omnibus intellectus.

Quomodo autem factum fuerit huiusmodi miraculum? Magnus labor. Vnum ex duobus dicendum est, vel quod Deus dederit virtutem illis Antonij vocibus, vt eundem exprimeret conceptum; quantumvis ex earum natura ad aliud, vel ad aliud im-

mutassent sensorium illarum nationum; quia sicut Deus vnico verbo potest facere, vt plura naturaliter significantur; ita potest eundem conceptum exprimere, etsi ex natura sua ad aliud, vel ad nihil immutaret; nam, magis videtur difficile primum, quam secundum; & tamen vnico verbo scripto Deus plura significat in Sacra Scriptura.

28 *Vel*, quod potentia auditiva illarum diuersarum nationum, meritis Antonij, fuerit eleuata ad prædicationem, & ad percipiendas illas voces, quæ naturali lingua ab eius ore procedebat, quid reuera significant in proprio, & visitato modo loquendi; & sic Germanus, exempli gratia, fuit eleuatus ad intelligendam linguam Italicam, & ita de omnibus, qui ibi aderant. Hoc secundum mihi non valde probatur: quia hoc opus mirabile non esset tunc ex parte sermonum Antonij; sed ex parte auditorum. Melius esset dicere, quod voces illæ immixtæ miraculosè fuerunt eleuatae, vt immutaret sensorium auditorum, & intelligerent illum eundem conceptum, quem Sanctus volebat exprimere; ita quod auditores non solum intelligerent materiale ipsius soni, seu vocis sonora; sed etiam formale. Et in hoc præcisè consistit miraculum.

29 *Nota:* quod inter mirabilia.

Yyy

mi-

mirabile est cognoscere secreta cordis; & hoc fecit magnus noster Pater Sanctus Antonius; licet enim tam intellectus humanus separatus, quam Angelicus secundum Scotum, si sibi dimittantur, possint naturaliter cognoscere secreta cordis, & cogitationes nostras, imò, & mysteria gratiæ regulariter tamen hoc Deus non permittit, sed hoc sibi reservavit iuxta illud: *Tu solus nosti corda filiorum hominis, &c.* Non dubitat tamen asserere, quod, nisi Angeli impedirentur, naturaliter scire possent omnia secreta cordium humanorum, & quæcumque mysteria gratiæ, ex quo posita sunt in effectu; ita quod naturaliter posset Angelus integritatem Mariæ tam in carne, quam in mente cognoscere; sicut etiam illam esse Matrem, & consequenter incarnationem Dei; non autem Verbi, vel alterius personæ, quia potest cognoscere, illam humanitatem non esse personatam personalitate propria, & videret illam communicatam ut quod; ergo illam naturam à Deo supplicante conservatam. Ita Scotus in 4. dist. 10. quæst. 8. ad tertium, & in secundo dist. 9. quæst. 1. & q. 2. ad primum argumentum principale.

30 Probatur: quia obiectum adæquatum intellectus Angeli est ens, in quantum ens: sed secreta cordium continentur sub ente; ergo, &c. Item à simili: visus potest in omne visibile, quando est

debitè approximatum: ergo intellectus in omne intelligibile.

Item. Si Divina essentia esset naturale obiectum nostrum, videndo Deum, cognosceremus Dei cogitationes: ergo à simili, cognita essentia Angeli, & animæ, cognoscitur, quidquid in illa est, & in corde ipsorum.

Dices contra: nunquam cognoscunt defactio; ergo nec de possibili. Patet consequentia: quia nunquam Deus privavit totam speciem in suis individuis sua naturali cognitione: ergo, &c. Negatur antecedens: quia defactio Angeli superiores cognoscunt secreta Angelorum inferiorum; & si Deus non coagit cum eis ad cognoscendum, non est simpliciter negandum, quod nunquam cognoverint; sed fatendum est, multos Angelos novisse secreta cordium; & certè de Angelo Custode non habeo pro inconuenienti, quod cognoscat omnia secreta cordis illius, quæ custodit: cum hoc non impediat, imò adiuvet effectum suæ custodiæ. Dices: saltem non possunt naturaliter Angeli cognoscere mysteria gratiæ, etiam in effectu posita: cum sint entia supernaturalia. Scotus ubi supra ridet hoc argumentum, dicendo, quod sint entia supernaturalia, quoad modum: Quomodo autem intelligatur hæc doctrina Scoti; & quomodo ad aures ipsius dentur entia supernaturalia quoad substantiam, dixi in propria

pria disputatione de supernaturalitate.

- 31 *Scire mysterium predestinationis*, mirabile est. Hunc *Concilium Tridentinum* dicit, neminem certum esse posse; leclusa reuelatione, de sua salute; ergo multò minus de salute alterius; & tamen hoc sciuit *Diuus Antonius*, non solum de homine actualiter iusto quoad commune vulgum, sed de homine actualiter iniusto, & peccatore. Scito, fuisse olim magnam difficultatem inter Theologos de certitudine gratiæ: an scilicet aliquis possit habere aliquam certitudinem de sua iustificatione? Et certum est, nullam posse haberi certitudinem, cui non possit subesse falsum, quæ vocari solet certitudo fidei; sed nec certitudine fidei humanæ, seu morali; & sic intelligendum est *Concilium*. Quomodo autem *Diuus Antonius* potuerit scire, talem fore infallibiliter saluandum, prædicendo ei martyrium, tanquam medium infallibile ad finem? Difficultas est; an scientia naturalis possit hoc sciri; sicut dicunt *Astrologi*, se posse scire longitudinem, & breuitatem vite ex aspectu. &c. Respondemus: hoc sciuisse per scientiam infusam

per spiritum Prophetiæ, cuius principalis conditio consistit in præscire futura.

- 32 *Mirabile est*, vt. Brutum animal, relicto naturali obiecto, & delectabili, sua sponte declinet ad obiectum improporcionatum suæ potentie; & tamen hoc adhuc fecit *Beatus Antonius*, qui Brutum inedia affictum, relicto obiecto suo naturali, & delectabili, prouum adorauit Sacramentum; in quo erat *Deus omnipotens* per concomitantiam, cuius imperium sensit. An autem huiusmodi adorationis, & reuerentiæ actus fuerit factus, quia in phantasia Bruti causatum fuit phantasma ipsum terrens, & mouens irascibilem, vt auerteret potentiam à suo proprio delectabili cum dolore; vel mouens concupiscibilem, vt conuertat irascibilem ad obiectum, saltem negatiue disconsuens? Magna difficultas. Ego credo neutrum verum; sed quod imperante Deo, & intimante suum imperium illi Bruto, & secum coagente ad illam reuerentialem actionem, mouerit sine ulla physica prædeterminatione, sed solum concomitante per modum concursus exhibita.

De efficacia verborum.

- 33 **A**duertendum, quod verba vocalia possunt dupliciter esse efficacia; vel ex

naturali virtute, & sic non habent, nisi immutare potentiam per multiplicationem specierum

Y y 2 per

peruenientium ad organum auditus, vel ex morali quadam virtute, & hoc multipliciter. *Primò* virtute Diuina disponente, vt ad præsentiam talium verborum sequatur infallibiliter effectus, vt est in Sacramentis. *Secundò* virtute, & potestate Ecclesiæ; vt regulariter sit in benedictionibus, & exorcismis. *Tertio* virtute verborum Sacræ Scripturæ, quæ aliquando causant effectum bonum, sed secundum bonum motum, & ex intentione proferentis. Sed de his omnibus non est dubium. *Tota igitur difficultas est*, si ex vi verborum, vel characterum possent Dæmones compelli, vt intrent aliquem locum, vel expelli.

- 34 *Breviter dico primò*, quòd ex naturali virtute verborum, vel characterum nō possunt impelli, vel coerceri nec boni, nec mali Angeli. Patet quia omnis homo est inferior, & infirmior quolibet Angelo bono, vel malo; ergo nullam potest habere virtutem per verba, vel per characteres compellendi, vel coercendi eos: si enim homo nulla arte, aut vi verborum potest alium hominem compellere, vt intret, exeat, vel stet in aliquo loco determinato; ergo à fortiori nō poterit Angelum compellere. *Secundò*: si aliquando apud homines fuit, vel est ars cogendi Angelos, & præcipue malos, verbis, aut characteribus, illam non habuerunt à De-

monibus; non enim est verisimile, quòd Dæmones superbissimi vellent homines docere, quomodo possent compelli ab hominibus, detineri, includi, vel expelli ad eorum libitum. *Item*. Si Dæmones quandoque compelluntur, vel coercentur ad ingressum, vel egressum verbis, & characteribus; hoc solū fit à Deo, vel à bonis Angelis, vel fortè Dæmones inferiores compelluntur à superioribus; vel fingunt Dæmones, se compelli ab hominibus virtute verborum, qui sponte veniunt, & sponte discedunt. Quod etsi quādoque Dæmones compellantur virtute exorcismorum; hoc solū est ex pacto, & voluntate Dei immediate, vel per bonos Angelos ad nutum Dei, qui applicat suam virtutem ad præsentiam illorum Sanctorum verborum, tanquā signum efficax, & prætium regulariter, quando non ponitur obex.

- 35 *Vnde falsum puto dictum Bartholomæi Sybillæ dicētis: Quòd in Christiana religione credere, esse aliquam artem coercendi Dæmones per exorcismos, & efficaciam habere in expulsiōe Dæmonum, superstitiosum esse*; nam vera superstitio, vana religio est, & tamen videmus, frequentissimè Ecclesiam determinare, & constituere aliquos exorcismos ad expellendos Dæmones; & defacto regulariter expelluntur. Non enim *apocriphe*, vt ipse ait, &
- dm.

dubie est; aliud enim est dicere, quòd dubium sit, an apocriphe in Ecclesia fuerit, & esse huiusmodi Exorcismos, & per errorem esse hoc assertum; aliud est dubie, & apocriphe non sequi effectum, & expulsionem; quod licet verum sit, non prouenit ex inefficacia Exorcismorum, sed aliunde, vt infra dicam: nam Deus ex assistentia, quam habet suæ Ecclesiæ, insinuat ad præsentiam talium verborum, defacto coerceri, & expelli Dæmones. Verum est, verba talia non ex sua virtute, sed solum diuinæ facere huiusmodi expulsionem, & coercionem. Si quando videntur Dæmones virtute aliquorum verborum inclusi in imaginibus, anulis, &c. & dant responsa, &c. Non est naturalis, vel naturaliter ex vi verborum; sed est quoddam pactum initum, vel expressum inter hominem, & Dæmonem, videlicet, quòd si homo crediderit firmiter, Dæmonem esse Deum, colendum diuino cultu, potentem obesse, & prodesse propria virtute hominibus; & cum tali fide fecerit imaginem, & consecrauerit ipsam talibus verbis, functionibus, characteribus, &c. tunc Dæmon, expleta consecratione, intrabit in illam imaginem, & in ea respondebit; & sic liberè, &c. & non virtute verborum, & quandiu voluerint, manent inclusi Dæmones; & hæc est ars, quam fingunt Magi, se inuenisse;

cum tamen illam adinuenierit Diabolus ipse, cui se subijciunt.

36 *Nota:* quòd Exorcismi quandoque non expellunt Dæmones. *Primò* ex incredulitate assistentium. *Secundò* ex peccatis Energumenorù. *Tertiò* ex negligentia Exorcizantium. *Quartò*, vt virtus Dei manifestetur in uno, & non in alio. Consultantur Doctores de hac materia tractantes. *Nota:* quòd uirtus exorcismorum est magna, sed seruari debent multe conditiones. *Prima*, ut nihil, quòd ad Dæmonum inuocationem pertineat, uerba Exorcismi contineant. *Secunda*, nè uerba ignota nomina contineant, & complectantur. *Tertia*, nè materia uerborum aliquid contineat falsitatis, quia Deus, à quo exigitur effectus, non est testis falsitatis. *Quarta*, nè adducantur uana, & characteres in scriptis, præter signum crucis. *Quinta*, nè spes ponatur in modo proferendi uerba, nempe tali tempore, scribendi, ligandi, &c. cum nihil horum faciat ad Dei reuerentiam. *Sexta*, vt in recitatione, verborum sanctorum solum habeatur respectus ad Dei reuerentiam, & honorem, & ad eius uirtutem, à qua exiguntur effectus expulsionis. *Septima*, ut effectus expectatus, diuinæ uoluntatis, & beneplacito relinquatur.

37 *Obserua etiam*, quòd sicut nulla est naturalis uirtus in uerbis ad expellendos, uel coercendos

Dæ-

Dæmones; sic nec etiam in herbis, lapidibus, sono, &c. nulla enim istarum rerum potest in Dæmonem aliquid agere, per quod possit compelli. *Patet*: quia nullus spiritus à corpore separatus, potest à corpore pati; ergo, cum Dæmon sit separatus spiritus, nulla res sensibilis potest directe, uel indirecte eum compellere. Si quandoque fiat uirtute aliquarum dictarum rerum cōpullio; est immediate à Deo, uel mediate, scilicet mediantibus bonis Angelis, uel fortè à superioribus Dæmonibus, uel à se ipsis, ut supra uisum est.

- 38 *His non obstantibus*, potest aliqua res sensibilis, sicut melodia, uel uirtus herbæ uexationem Dæmonis mitigare; sed non agendo aliquid in Dæmonem, sed in ipsum uexatum; ita quod per illa sensibilia uexatio Dæmonis fiat lenior, seu leuius sufferant uexati. *Patet*: nam omnis causa limitatæ uirtutis potest inducere effectum intensiorem, & remissiorem iuxta materię dispositionem: quia actiones fiunt in patiente disposito: sed Dæmon est finitæ uirtutis; ergo potest causare in uexato maiorem, uel minorem inquietationem secundum diuersitatem dispositionis ad talem uexationem; & sic quanto magis homo habet contrariam dispositionem ad illam uexationem, tanto minus affligitur; & quia melodia, herbæ, & aliæ res sen-

sibiles multum possunt dispositiones corporum immutare; hinc fit, ut maiorem sensibilitatem causent in uno, quam in alio; & sic tales res possunt causare dispositionem contrariam in homine respectu illius uexationis, qua Dæmon conatur uexare, & per consequens homo poterit minus uexari.

- 39 *Hinc patet ad multas auctoritates. Prima de Saul*, à quo, quando Dauid pullabat, Dæmon recedebat; ergo armonia, & sonus habebat uirtutem expellendi. *Secunda ex Iosepho Historico*, qui dicit, quandam de Exercitu Titi uirtute lapidis anuli expellere Dæmones à corpore obsessio. *Tertia de Tobia*, qui ex Iecore piscis posito super carbones, & fumo fugabat Dæmones. *Ultima de Salomone*, qui herbarum Exorcismos confecit ad expellendos Dæmones. *Ad primam*: quando Dæmon recedebat, non erat uirtus melodiz, sed Diuina, vel meritis Dauidis, bene verum est, quod lenibat, seu leuius faciebat sufferre illam vexationem: quia ex melodia secundum *Boetium*, & *Aristotilem* causatur diuersæ passionis in homine, & sic poterat fieri contraria dispositio illi vexationi. *Vel dicendum*, quod Dæmones recedunt à musica non coacti, sed uoluntarie, vel ex sanctitate pulsantis; vel ex eorum molestia, quando est ad Dei reuerentiam. *Ad secundam* de anulo, erat uirtute pa-

Si illa expulsio, sed voluntaria; non coacta, per Artem magicam; scilicet per pacta inita cum Dæmonibus, tacita, vel expressa, quibus fingunt, se expelli. *Ad tertiam*; fumus Iecoris piscis expellebat Dæmonem per meritum Tobiz, & Sancti Angeli Raphaelis, & immediatè à Deo. *De Salmone dico*; quod vel faciebat tempore, quo erat Dei amicus, & tunc per merita sua, quorum intuitu mouebatur Deus ad expellendum, expellebat; vel tempore Idolatriæ, & sic expellebantur arte magica per illa pacta, vt dictum est. *His curiosè distis.*

40 *Terminamus nostrum intentum principale*, dicendo, humanitatem Christi in miraculis facientis non fuisse causam physicam principalem, aut instrumentalem, sed duntaxat moralem. Ultimam damus probationem à definitione causæ moralis: nam ea est, quæ non attingit effectum, nec præuiam dispositionem, quæ sit de genere dispositionis; producit tamen effectus à causa superiori, si adsit causa moralis, quo modo se habet meritum ad præmium, & solutio pecuniæ ad liberationem captiui: sed in miraculis à Christo factis reperimus causam efficiètem, nempe Deum; & Christum hominem

adhibentem ea, quæ nec disponebant, & tamen sequebatur effectus, vt, cum sputo linidit linguam muti, & luto Cæci oculos, & digitum misit in aures surdi, vel orationem ad Patrem fudit; ergo Christus homo erat tantum causa moralis. *Adde*, quod instrumentum physicum debet habere naturalem proprietatem, qua proportionetur effectui: sed in Christi humanitate nihil fuit, quod naturaliter proportionaretur operibus miraculosis: nam miracula sunt, quæ omnes naturæ vires superant, & quamvis contra naturam non sint, præter eam tamen sunt. Impermixtæ sunt dux in Christo naturæ, & hæc impermixtio deprehenditur ab effectis, ita ut humanitatis opera à Diuina cooperante non sint; ergo à patri opera, quæ à Diuinitate sunt, non debent fieri ab humanitate, nisi tantum in ratione causæ moralis. *Ex his constat*, omnium miraculorum causam efficientem physicam esse solum Deum; homines verò, per quos Deus miracula operatur, neque esset causas principales eorum, neque causas efficientes instrumentales, & minùs principales, sed simpliciter causas morales, &c.

DISPUTATIO DECIMASEPTIMA.

De Dolor, & Tristitia Christi.

PROPOSITIO PRIMA.

Verus in Christo dolor fuit, veraque tristitia, sed longè aliter, quàm in nobis.

D Olorem, & tristitiam in Christo docebit vtriusque definitio, quam tradit D. Augustinus de Ciuitate Dei: *Dolor carnis tantummodò est offensio animæ ex carne, & quadà ab eius passione dissensio, sicut animi dolor, quia tristitia nuncupatur, est dissensio ab ijs, que nobis nolentibus, accidunt.* Ex his Augustini verbis constat, tristitiam dici debere dolorem, & inter vtramque harum passionum, hoc esse discrimen, quòd dolor propriè dictus inest animæ in parte sensitua, quæ connexionem cum carne, & corpore habet: hinc est passio consequens animalitatem; unde dolor communis est hominibus, alijsque animantibus; fitque tunc, cum alicui sensuum proponuntur obiecta disconuenientia, & dolor hic non inest animæ, nisi quandiu in corpore est. *Tristitia* verò appellatur dolor, vel improprie, vel quasi species distincta à dolore propriè

dicto. In hoc differt tristitia à dolore, quòd illa soli naturæ intellectuallì adueniat, scilicet Angelo, & homini, generaturque, cum cogitur uoluntas inuita ferre, atque pati disconueniens obiectum, & inest animæ rationali tam in corpore, quàm extrà corpus existenti, &c.

Hæc cum ita se habeant, dolorem in Christo deprehendimus: nam erat ille homo in natura, & passionibus similis alijs hominibus, & tenera eius caro offende-batur ab obiectis disconuenientibus; hinc recens natus, frigoris iniuriam subijci non sine dolore: alapa percussus doluit, flagellatus, crucifixus, felle potatus, fetorem loci suscipiens, contumeliosa uerba audiens, dolorem sensit. Tristitiam uerò ipsemet testatur tunc, cum uidens Ciuitatem, fleuit super illam: Lazarum suscitaturus, infremuit spiritu, & ingemuit. In horto oraturus, paulò ante passio-

tionem dixit: *tristis est anima mea usque ad mortem*. Has passionēs doloris, & tristitiæ verè in Christo fuisse, fides Catholica docet; qua monemur, huiusmodi passionēs cū Deo tribuuntur, metaphorice intelligendas, ita ut illæ passionēs verè in Deo non sint; in eo tamen esse, dicuntur, quando Deus circa creaturam ita se gerit, sicut se gereret, si in eo hæ passionēs locum haberent, & sicut solent homines se gerere, quando huiusmodi passionibus afficiantur; ita intelligenda sunt, quæ de seipso dicit Deus apud Genesim: *pœnitet me fecisse hominem*. Absit, ut eodem modo interpretemur dolores, & tristitias Christi hominis: nam sicut verè homo fuit; ita verè passibilis tam in corpore, quàm in anima, & verè passionibus subiectus.

- 3 *Vnus est D. Hilarius, qui lib. 13. de Trinitate videtur docere, Christum neque doluisse, nec tristitiam habuisse, nisi duntaxat secundum apparentiam: sed alij Patres Catholici interpretantur mentem tanti Doctoris, quasi ipse non negauerit, has passionēs in Christo, sed duntaxat illas, voluerit, in Christo non fuisse ob eandem rationem, quæ sunt in nobis: nam est in nobis dolor; & tristitia ex peccato, itaut, si homo non peccasset, has passionēs non sensisset; Christus verò sine peccato huiusmodi subiit passionēs. Longè*

aliter, quàm in nobis, fuerunt in Christo dolor, & tristitia; dolor quidè quàm maximus in Christo fuit sine absorptione rationis: siquidem doloris intensio, & magnitudo pendent quidem ex sensu exquisito, & perspicacitate intellectus: nam quò delicatior caro est, & sensus subtilior, eò facilius læditur ab obiecto disconneniente; & intellectus, quò perspicacior, eò solidius indicat de indignitate iniuriæ: Christi caro delicatissima fuit, & quilibet illius sensus exquisitissimus, habuitquè intellectum perspicacissimum: vnde minimæ læsio suæ carni inflata, maximæ dolorem incutiebat. Quare optimè concludunt Theologi: omnium Martyrum dolores esse, inferiores dolore Christi ex ténueritudinis defectu, & perspicuitatis in intellectu. *Tristitiæ Christi magnitudo proveniebat ex dignitate suæ personæ, & ex indignitate iniuriæ sibi factæ.*

- 4 *Hæ passionēs sunt aliter in nobis, quàm in Christo, & alio medio: nam in nobis aliquando præcedunt rationem, atque voluntatem: aliquando absorbent iudicium rationis; aliquando proveniunt ex obiecto, quod ex natura sua non est natum producere tales effectus, quia non, est naturaliter disconnenies obiectum: viceversa in Christo huiusmodi passionēs sequebantur dictamen rationis; imò imperiū voluntatis, quod notant Evan-*

gelisæ, cum dicunt: *cæpit contristari, & mæsus esse*: quasi dicerent, tunc solum contristatum fuisse Christum, quando id iustum iudicauit intellectus, & acquieuit; & in huiusmodi passionibus nunquam absorpta fuit ratio Christi; nec unquam doluit, & contristatus fuit irrationabiliter, sed dolorem, tristitiâque concepit ex obiecto disconuenienti; unde Theologi has passiones in Christo malunt appellare propassiones, quia passio est sine uitio. *Ex his soluitur ille textus*, qui ex Prouerbiorum 12. n. 21. contra ueritatē doloris, & tristitiæ Christi obijci solet: *non contristabit iustum, quidquid*

ei acciderit. Respondetur siue hic textus præcisè de Christo sit intelligendus: quia solus Christus uerè, & propriè iustus est; siue intelligi debeat de quolibet homine iusto, & per Antonomiam de Christo: uerum est, non contristari iustum tristitia absorbente usum rationis, & quæ præcedat rationis dictamen, & quæ proueniat ex obiecto, quod in se disconueniens non est; non negat tamen hic textus, iustum contristari ea tristitia, quæ sequitur intellectus iudicium, & subest imperio rationis, & oritur ex obiecto, quod tristitiam parere natum est.

PROPOSITIO SECVNDA.

Absolutè tristabatur Christus de peccatis alienis, & ex hypothesi de passione propria, idquè tam secundum portionem superiorem, quàm inferiorem.

5 **Q**UAM sint causæ tristitiæ: qui subtilius inquirunt, multas reperiunt; ita tamen, ut nequaquam inter eas admittant desperationem salutis, & fruitionis diuinæ priuationem: nam horrendum illud peccatum, quod impiè Caluinus imponit Christo, longè remouendum est ab eo: siquidem

qui morte sua nobis merebatur fruitionem, & salutem; quomodo de sua non erat securus; si in Cœlo existentes, & multi in Ecclesia militante ita sunt confirmati in gratia, ut neque peccare, neque à gratia excidere ualeant; quomodo erit conditio Christi peior? Si ex sententia Caluini essentialis ratio fidei con-

consistit in certitudine infallibili propriæ salutis, ut futuræ saluationis (etsi erroneè) quomodo Chꝛistus, qui caput est fidelium, non erit de sua salute certus? Si Chꝛistus in Cruce pendens, certò pollicetur latroni conuerso introitum in Regnum suum; quomodo potest ipse sibi timere expulsionem ex eodem Regno? Si Chꝛistus longè ante passionem, Ioannis 6.n.63. dicit: *Si ergo uideritis filium hominis ascendentem, ubi erat prius*; quibus uerbis testatur, se in Cœlum ascensurum; quomodo de effectu ascensionis dubitatur?

- 6 *Non fauent Caluiniano errori* uerba, quæ Chꝛistus protulit in Cruce, sumpta ex psalmo 21: *Deus, Deus meus respice in me, quare me dereliquisti, longè à salute mea uerba delictorum*; nam desperati hominis uerba hæc non sunt, ut Caluinus interpretatur; sed illis uerbis ostēdit Chꝛistus; se eatenus à Patre derelictum, quatenus denegauit illi Pater auxilium illud peculiare ad ferenda tormenta, quod nulli Martyrum denegauit; uel per hanc derelictionem intelligenda mors est: quasi diceret Chꝛistus Patri; *quare me dereliquisti*; scilicet, quare me, pateris, mori morte ignominiosa, & inter latrones, quasi in eadem culpa sim cum illis; non est extorta hæc explicatio: cum eodem sensu dixerit Simeon: *nunc dimittis seruum tuum Domine*, scilicet

permitte, ut moriatur. Quæ sequuntur uerba: *longè à salute mea, &c.* nec ipse quidem Caluinus auderet interpretari de peccatis à Chꝛisto commissis, ac proinde non in propria persona, sed totius Ecclesiæ redimendæ uerba hæc sunt, adeoque Chꝛistum non offendunt, sed sicut delicta sua non sunt, ita salus longè à se non est, illi uerò longè à salute sua sunt, qui ponere delictorum premuntur.

- 7 *Prima causa* tristitiæ Chꝛisti peccata sunt aliena, pro quibus expiandis uenerat: obijciebantur intellectui Chꝛisti omnia peccata humanæ naturæ ab ipso mundi exordio commissa, & committenda usque ad finalem iudicium: iudicabat intellectus, ea esse detestanda, & hoc modo proposita uoluntati, eliciebat uoluntas Chꝛisti nolitionem, ex qua nolitione, & auersione uoluntatis sequebatur tristitia, tam in portione superiori, quàm inferiori, eratque huiusmodi nolitio, & tristitia in uoluntate Chꝛisti absolutè: quia omne peccatum est malum, ac proinde naturaliter detestandum: nam quidquid per se tale est, ubicumque fuerit, semper tale est, & non potest sub aliqua conditione fieri bonum, & appetibile.

- 8 *Secunda causa* tristitiæ Chꝛisti fuit passio illius imminens, quæ tamen tristitia non fuit ex absoluta nolitione: cum enim

sciret Christus immutabile Diuinæ voluntatis decretum, absolute voluit mori, ut esset sua voluntas conformis Diuinæ; tamen ex conditione ex hypothesi noluisse mori, nam voluntas, quatenus natura est in corpore existens, noller ab eo separari, & hæc separatio mors est. Voluntas, quatenus libera est, propter coniunctionem, quam habet in corpore cum appetitu sensitivo, mortem horret, & ex affectione commodi non potest mortem appetere. Hinc Christus, quamvis absolute, & ex affectione iustitiæ mori vellet, tamen ex affectione commodi, & ex hypothesi mori nolebat; & hæc conditionata nolitio sufficit, ut res sit inuoluntaria, & ex inuoluntario sequatur tristitia.

9 *Queret aliquis: quomodo in Christo potuerit esse gaudium*

maximum, & perfecta fruitio cum summa tristitia? *Respondemus*, gaudium, & tristitia non sibi inuicem opponi, nec se expellere, nisi sint respectu eiusdem, & eodem modo se habentis. Hinc mirum non est, si Christus sibi maximè complacebat in morte, & tamen displicebat sibi in eadem, quia complacentia ex affectione iustitiæ, & displicentia ex affectione commodi pariebatur. Deinde ex miraculo prohibebatur redundantia gloriæ, & beatitudinis tam in actum voluntatis conditionatum, quam in corpus; unde cogimur admittere, Christum fuisse viatorem, & comprehensorem ita, ut quatenus comprehensor erat, esset totius tristitiæ expertus; quatenus autem viator, tristitiam admittebat.



DISPUTATIO DECIMAOCTAVA.

De Christi mortalitate, & morte.

PROPOSITIO PRIMA.

*Mortalis erat Christus, quia homo; & naturalem
corruptionem non prohibebat unio facta cum
Verbo; sed prohibebat redundantiam
gloriæ in corpore.*

SI consideremus Christum hominem, nemo mirabitur eius mortalitatem. Mortale enim est omne illud, quod materia constat, quæ prædita non sit forma explente, & satiante illius appetitum, & cuius forma ab agente extrinseco exagitur: talis fuit Christus materiali corpore constans, cuius neutra forma, scilicet corporeitatis, & animæ rationalis, non magis explere poterant appetitum materis, quam utraque in nobis. Corruptibilitas in quolibet viiente provenit ex duplici causa, nempe ex continuo defluxu, & cōtinua deperditione aliquarum partium, nec non ex reparationis necessitate per conversionem nutrimenti in rem aliquam. Perpetua conflictatio inter nativum calorem, & humidum radicale, & impuritas ali-

menti sunt causa deperditionis; nec non (eò quòd agens omne in agendo repatiatur) efficiunt; ut virtus nutritiva paulatim deficiat, & ut extrinseco corrupti non possit corpus resistere: hinc naturalis est homini corruptio, seu corruptibilitas; neque ea ex peccato provenit, quamvis actualis corruptio sine peccato nunquam fuisset. Ita intelligendus est Divus Paulus Romanorum 5. *Per unum hominem peccatum intravit in mundum, & per peccatum mors*; mortalis namque est homo naturaliter, sed nunquam moreretur sine peccato. Naturalem esse homini mortalitatem, constat ex eo, quòd in statu innocentis, nec non in statu gloriæ non minus sit homo mortalis, quam in statu peccati.

2 *Ex his videre est, Christum*
in

in primo instanti sui esse fuisse, mortalem, & cum perpetuo manserit verus homo, verè quoque mortalem fuisse habentem in se omnes causas mortalitatis, & Verbum Diuinum assumptum hominem mortalem. Hæc est ratio difficultatis, quare, & quomodo Verbum Diuinum assumens humanitatem, non abstulerit mortalitatem: nam si Christus ab instanti suæ formationis beatus fuit, & videatur beatitudo, seu gloria sufficiens causa prohibens mortalitatem, & mortem; quæ poterit reddi ratio mortalitatis, & mortis Christi? *Facilis responsio*: est Deus causa libera, qui, cum non necessario operetur, non producit omnes effectus consequentes suam præ-

sentiam. Hinc verum est, intimè præsentem esse Deum Christo homini in ratione obiecti beatifici, & tamen non esse ei concessam incorruptibilitatem: quia, Diuinitas prohibebat redundantiam gloriæ non tantum in corpus, sed etiam aliquo pacto in animam, ut satis testantur dolor, & tristitia Christi. Hæc prohibitio gloriæ redundantis manifestata est in transfiguratione, quæ miraculosa non fuit, sed miraculi cessatio: nam si Verbum Diuinum ab instanti suæ Incarnationis non cõhibuisset gloriæ suæ, & non impediuisset redundantiam gloriæ in corpus, Christus in toto decursu vitæ suæ talis fuisset in corpore, qualis in transfiguratione describitur.

PROPOSITIO SECVNDA.

Violenta morte obiit Christus, habens moriendi necessitatem ex vi tormentorum, fuit tamen voluntaria mors.

3 **I**N morte violenta expirasse Christum, cum affixus Cruci occubuerit, nulla potest esse dubitatio; sed an violenta morte obierit, scilicet vtrum acerbitas tormentorum animam à corpore expulerit, non ita perspicuum est: tamen nobis non licet dubitare; quia eodem modo se habebat anima Christi ad suum corpus, sicut animæ no-

stræ ad nostrum: erat enim forma corporis illius, sed permanente in nobis temperamento corporis, pacificè in eo habitat anima; quando autem ab agente contrario extrinseco dissoluitur, cogitur anima egredi, ita ut vis illata corpori necessitatem egrediendi inferat animæ, & necessario sequatur mors: ergo similiter in Christo factum est, & acer-

acerbitas tormentorum dissolventium temperamentum corporis animam egredi coegit. Id ipsum colligere possumus partim ex defectu virium suarum, quibus Crucem proprijs humeris baiulare non potuit: partim ex eo, quod citius mortē subiit, quā latrones duo in eodem existerent supplicio: vnde notat Evangelista, miratum Presidem, quod tam citō obiisset: siquidem defectus virium in Christo, & mortis acceleratio acerbitati tormentorum tribui debet: nam multo crudelius saue-
runt in Christum Carnifices, quā in duos latrones.

- 4 *Ita dicimus*, non potuisse Christum non mori ex vi tormentorum, & ita violentam facimus illius mortem, ut tamen eam fuisse voluntariam, prædicemus: & Christum tunc obiisse, cum voluit, affirmemus: quia moriendi necessitas supponit prohibitionem redundantis gloriæ, & hæc prohibitio erat volunta-

ria: nam si Diuinitas in Christo existens non cohibuisset redundantem gloriam, nulla fuisset tormentorum vis. Deinde mortuus est Christus, & habuit moriendi necessitatem ex acceptance; vnde Propheta: *Oblatus est, quia ipse voluit*: voluit autem ipso conceptionis momento, quando homini Christo ostensum est decretum æternum de eius morte secundum omnes circumstantias temporis, & loci. Propterea ait Christus: *potestatem habeo ponendi animam, & iterum sumendi eam*, scilicet, cum voluero, morior, & cum voluero, reuiuisco. Si concipiat mens nostra, eandem Christi mortem modo dicto fuisse violentam, & spontaneam, facillimè respondebimus querenti: *quomodo sit meritoria mors Christi*, si violenta fuerit. *Respondemus* enim, non fuisse meritoriam, quatenus violenta erat, sed quatenus spontaneè assumpta.

PROPOSITIO TERTIA.

Cruci affixus inter latrones duos æquinoctio verno congruentissimè voluit mori Christus.

- 5 **N**E quis putaret, humana persequētium Christum, & iudicantium voluntate hoc genus mortis eum subiisse,

& reliqua in morte eius accidisse, affirmat Diuus Petrus Actū 4. nu. 27. hæc omnia voluntate Diuina fuisse facta his verbis:
Con-

Conuenerunt verè in Ciuitate ista aduersus sanctum puerum tuum Iesum, quem vnxisi, Herodes, & Pontius Pilatus cum gentibus, & populis Israel facere, quæ manus tua, & consilium tuum decreuerunt fieri. Quibus monemur, æterno consilio, & decreto statuissè Deum, quo genere mortis, & cum quibus circumstantijs moreretur filius eius homo factus; cum omnia statuatur Deus consilio sapientiz suæ. Illam in passione Christi inquiramus. Crux eligitur: vt qui in ligno vincebat, in ligno quoque vinceretur: vt quale futurum erat medium certum ad promerendam cœlestem gloriam: cum enim Crucifixio infamis, & pro maledicta haberetur, ea moriens Christus, fideles docuit, teneri eos ad ferenda quæcumque maledicta, si salui esse vellent: vt non minùs aerem, in quo Dæmones habitant, eleuatione sui corporis expurgaret, qui suo sanguine in terram desluente, terram laueret: & tandem, ut se esse viam, qua itur ad Cælum, ostenderet. Vndè affirmat Ioannes 12. *Si exaltatus fuero à terra, omnia traham ad me ipsum.*

- 6 Inter latrones duos Cruci affixos, quorum unus meruit veniam, alter uerò in damnatione remansit, mori uoluit Christus, ut quid futurum erat in finali iudicio, ostenderet: nam hinc inde adstabit boni, & mali; Chri-

stus uerò in medio positus, habitare ratione meritorum, alios in infernum dimitter, alios in Cælum deducet, ut hoc numero ternario Crucis, & dispari ratione crucifixorum doceret, tria esse genera hominum, qui in hoc sæculo patiuntur, & quod eorum fugere, quod uè amplecti debeamus: nam latro, perseuerans in peccato, pro malo puniatur, & malum suffert, & malè moritur: hunc imitantur, qui debitas peccatorum pœnas soluant sine fructu propter perseuerantiam in peccato. Bonus latro pro malo culpæ malum pœnæ patiebatur, non tamen malè; quia respiciens, meruit veniam, & gloriam: hunc imitantur, qui pro peccatis castigati; patienter emendationem ferunt, ad eorum salutem respicientes. Christus sine malo culpæ multa mala pœnæ ferens meritorie sibi, alijsque: omnes in uita fideles, ut in persecutionibus gloriari possint, se innocentes esse, & non ad expiationem culpæ, sed ad maiorem gloriam cruciari. *Aequinoctio uerno*, quo tempore mundus creatus, & quo singulis annis uirescunt, & florescunt omnia, mori uoluit Christus, ut se mundi Creatorem, & reparatorem esse, nec non sola præsentia gloriæ suæ animas nostras bonis operibus fluere, & abundare posse, doceret.

DISPUTATIO DECIMANONA.

De humana Christi voluntate, & oratione.

PROPOSITIO PRIMA.

*In Christo, præter Diuinam voluntatem, admittere
debemus eandem humanam, quam in nobis
ipsis experimur.*

1 SOLI illi Hæretici, qui Christum esse verum hominem, negarunt, eundem carere voluntate humana, affirmarunt. Omnes verò Catholici, sicut Christum verum hominem agnoscunt, ita veram voluntatem humanam habuisse, firmissimè credunt; ait enim Christus Ioannis 2. *Descendi, non ut facerem voluntatem meam, sed voluntatem eius, qui misit me, Patris.* Et in Horto: *Non mea voluntas fiat, sed tua.* Certum est, voluntatem Filij eandem esse cum voluntate Patris, ac proinde si alia est voluntas Christi, quàm Patris, alia erit voluntas Christi à Diuina; ergo humana. Deinde de intrinseca ratione hominis est humana voluntas, ut ex definitione hominis constat: nam *rationale*, quod in ea ponitur, non solum indicat intellectum, qui est formaliter ratio, sed etiam volun-

tatem, ad quam dirigendam data est ratio; ergo aut Christus non fuit verus homo, aut habuit voluntatem similem nobis, eiusdem videlicet naturæ cum nostra. Deinde mutuo se sequuntur intellectus, & voluntas, ut à sufficienti enumeratione, Dei, Angeli, & hominis videre licet. Intellectum creatum in Christo fuisse, eius scientia docuit, & visio beatifica. Intellectum sequitur voluntas creata; hoc stabiliunt summa gratia, summa gloria, summa potentia: nam gratiæ immediatum subiectum est creata voluntas, & fructus creata est actus voluntatis creatæ beatificus, & ex ea deprehenditur magnitudo potentiæ Christi, quia facere potuit, ut homo, quidquid voluntate creata, fieri voluit.

2 *Quæ, qualis, & quotuplex volūtas sit in Christo, fructu quæretur:*

A a a a u m

nā sicut eiusdem speciei nobiscū fuit Christus, ita idipsum sentire debemus de illius voluntate, quod de nostra tradunt Philosophi; est autem in nobis triplex voluntas, quarum prima dici debet voluntas sensitiva, seu appetitus animæ nostræ, quatenus corpori coniuncta est, & condelectatur sensibus, diciquæ solet portio inferior; sed hic appetitus non debet dici voluntas, nisi impropriè: alioquin animalia, quæ ratione carent, voluntatem haberent: cum huiusmodi appetitum habeant. Secunda voluntas dici debet naturalis, estquæ voluntas rationalis, quæ naturaliter, & sine delideratione fer-

tur in sibi conueniens. Tertia est rationalis libera, quatenus se determinat. Nihil vetat, has tres voluntates in Christo homine fuisse; nam quātum ad primam, movebatur naturaliter ab objectis sensuum, complacebatquæ objectis delectationem afferentibus, & objectis disconuenientibus aduersabatur. Hinc legimus, in Christo dolorem, gaudium, & tristitiam. Quātum ad secundā, anima Christi horrebat naturaliter, quæ illā à corpore separare poterant, & illi placebant, quæ quietam habitationē in corpore concedebant. Quātum ad tertiā, nisi illa in Christo fuerit, belua, non homo dicendus esset,

PROPOSITIO SECVNDA.

Voluntas humana Christi Diuinæ voluntati contraria non fuit.

3 **S** Vbi iiciebatur quidem Diuinæ voluntati, & ordinationi voluntas creata Christi, quatenus creatura erat; ita tamen, vt ex ea subiectione nihil de formali sua ratione, scilicet libertate, & indifferentia perderet. Nam sicut voluntas nostra à seipsa determinatur, & non magis à Deo, quàm ab intellectu, phantasmate, aut quocumque alio agente extrinseco: simili modo voluntas Christi, sicut à nullo agente creato, ita neque

à Deo ipso, quātum ad indifferentiam, & libertatem determinabatur, neque hypostatica, & personalis vnio efficiebat, vt voluntas hominis Christi plus in suis operationibus penderet à Diuina voluntate, quàm sine vnione: non enim potuit conditio voluntatis peior esse, quàm aliarum facultatum animæ, imò & potentiarum sensitiuarum: sed omnes istæ potentiz, non obstante vnione hypostatica, gaudebant suis priuilegijs naturalibus:

bus: ergo & voluntas. Hæc voluntas ita semper conformis fuit Diuinæ voluntati, ut ei nunquam contraria fuerit, quamuis videatur Christus multa voluisse, quæ Deus nolebat.

- 4 Ait enim Christus: *non sicut ego volo; sed sicut in &c.* ergo, interer aliquis, volebat aliquid Christus, quod Pater nolebat, & ita hæc duæ voluntates contrariæ sunt. *Claudicat hæc argumentatio:* siquidem tunc solum contrarietas est, cum circa idem obiectum sub eadem ratione, una voluntas elicit velle, alia nolle; quando verò sub diuersis rationibus obiectum vni placet, alteri displicet, tunc solum est discrepantia, seu differentia.

Hoc ipsum experimur in nobis in vnica videlicet voluntate: siquidem voluntas aliqua non est sibi contraria, quamuis idem nolit, velitque sub diuersis rationibus consideratum. Libenter admittimus differentem fuisse voluntatem Christi à Diuina, non tamen ibi fuit contrarietas, aut oppositio: nam Christus v.g. horrebat mortem, aliaque ratione nolebat, alia Pater Cœlestis volebat ipsum mori; imò & ipse Christus eadem voluntate humana volebat affectu iustitiæ mori, & nolebat affectu commodi. Et hæc disparitas rationis, sicut impedit, ne sit sibi ipsi contraria voluntas Christi, ita ne sit contraria Patri, prohibet.

PROPOSITIO TERTIA.

Oravit Christus in Terris: orat nunc in Cœlis: semper eius oratio exauditur, si ex absoluta voluntate manauerit.

- 5 **O** Ratio pertinet ad Latrariam elicitiuam, siue materialiter, & est magnæ utilitatis, & meriti apud Deum, contra Pelagium dicentem, orationes suas pro infidelibus, & peccatoribus, ut conuertantur, esse inutiles, cum sufficiant vires liberi arbitrij. Conditiones orationis sunt, quod sit pia ad utilitatem animæ, humilis, frequens, & perseverans. *Quandus*

dicat, plus prodesse orationem applicatam vni, quam pluribus, *Nos dicimus cum Scoto quolibeto 20.* quod applicatio facta alicui in gradu priori, non tollit aliquid ab eo, cui applicatur in gradu posteriori, &c. *lege Scorum.* Scito tamen, solam orationem sine alijs operibus à Christo institutis minimè sufficere ad salutem: etenim est necessaria obseruantia mandatorum

Aaaa 2 rum

rum Dei: susceptio Sacramen-
torum, &c. Moneo, *orationem*
esse actum immediatum voluntatis;
licet praequiratur cognitio intelle-
ctus. Patet: nam est actus Reli-
gionis, seu Patriæ contentus
sub iustitia: sed iustitia pro sub-
iecto habet voluntatem: ergo,
&c. Dices: Oratio est quidam
locutio mentalis cum Deo: igitur
spectat ad actum intellectus
practici. Respondetur, quod ora-
tio potest concipi pro desiderio
obtinendi aliquid à Deo; & sic
est ascensus animæ intellectuæ
ad Deū, qui est voluntatis, ut eli-
cientis, & intellectus, ut dirigentis:
vel potest concipi prædictum
desiderium, ut propositum Deo
per modum supplicationis; &
sic actus intellectus elicientis, &
voluntatis, ut mouentis; & quia
oratio definitur à Damasceno,
quoddam sit petitio decentium à
Deo; immediate, & formaliter
spectat ad actum voluntatis, &
directiue ad actum intellectus.

- 6 Solet difficultari: an ita sint
connexi isti actus intellectus, &
voluntatis in oratione mentali;
ut implicet non solum naturali-
ter, sed etiam supernaturaliter;
ut aliquis sit vnitus cum volun-
tate ipsi Deo sine vllō actu in-
tellectus: sicut defecto contingit
esse per vitalem actum intelle-
ctus vnitum aliquem Deo absq;
actu subsequente voluntatis? Di-
cimus; quod licet naturaliter re-
pugnet, ut aliquis vniatur Deo
per amorem, qui sit actus volū-

tatis, & non sit vnitus per actum
intellectus: quia voluntas non
fertur, nisi in præcognitum, &
habeant huiusmodi actus essen-
tialē ordinem; supernaturali-
ter tamen non repugnat; ita
tradit *Diuus Bonauentura* 2 to-
mo de *mystica Theologia*, vbi di-
stinguit de duplici via ascenden-
di in Deum per vnionem affecti-
uam; vnā vocat scholasticā,
alterā mysticā. Prima est
naturalis per naturalem inqui-
sitionem, & studium hominis,
qui ex cognitione rerum infer-
riorum attingit Dei cognitio-
nem; & sic voluntas sequitur in-
tellectum, nec potest esse, & du-
rare affectus sine præuia cogni-
tione; sed in via mystica potest
affectus, seu voluntas præire, &
reperiri sine cognitione præuia:
quia tunc immediate mouetur
à Spiritu sancto, ut uniatur Deo
per ardorem, & ignitam affec-
tionem.

- 7 Probatur ex *Dionysio de mysti-*
ca Theologia. Potest homo igno-
rē cōsurgere ad eius vnitionem,
qui est super omnem substan-
tiam, & cognitionem. Item: ani-
ma gradatim ascendit in Deum,
prius attingendo, & participan-
do, quod est ultimum, seu qua-
si ultimum in ipso Deo: sed ul-
timum est persona Spiritus san-
cti, qui est amor; & secunda est
persona Filij, qui est per cogni-
tionem: ergo anima prius asce-
dit per affectum, quam per co-
gnitionē. Item: in *suprema Hye-*
rat

rarchia primus ordo est seraphinorum, qui affectu excellunt, & ardent; ergo signum est, in vnione ad Deum præcedere affectum, & subsequi intellectum.

- 8 *Suarez* pugnat in contrarium: quia contradictio est, appetitum vitalem elicere actum sine præuia cognitione proportionata, propter essentialem ordinem, quem habent istæ duæ potentie intellectus, & voluntas; nunquā enim voluntas ferri potest, nisi in præcognitum. Item: dependentia voluntatis in operando à suo obiecto non solum, tanquā à termino, sed etiam tanquā à principio in suo ordine, est adeo essentialis, vt sine illo esse non possit: obiectum autem voluntatis non potest eam allicere, neque esse principium eius, nisi sit cognitum, igitur. *Breuius dicimus ad istas rationes*, quod nullus est essentialis ordo inter istas potentias, sed solum sic à Deo præfixus; nec enim voluntas pendet ab obiecto cognito, tanquā à principio volendi, quia est totalis causa suæ volitionis; sed solum præexigitur cognitio obiecti, quæ nec debet esse proportionata, sed disparata sufficit, vt præcedat aliqua præcognitio. Alius volitando forsitan conciliabimus ad inuicem has opiniones in doctrinā Scoti; vel enim voluntas se habet actiue, & sic etiam per Diuinam potentiam heri nequit, vt intellectus, & voluntas agant, &

non seruent ordinem in suis actionibus; & tunc non poterit voluntas vniri per affectum, quin prius vnatur per actum intellectus; vel se habent passiue; ita ut à Deo immediatè recipiāt actū, & tunc, cum sint absolutæ istæ potentie, & actus, potest actus amoris infundi in voluntate, nullo præcedente actu intellectus; & tunc erit vnita per amorem, nulla præcedente vnione, & actu in intellectu. *Hæc sint probabiliter dicta.*

- 9 *Orationem mentalem esse verilem, & meritoriam* (quod etiam dictum volumus de oratione vocali) est de fide; ita quod omni iure, Diuino, & humano, licitū, & sanctū sit, vocales orationes ad Deum fundere, si debita fide, & intentione fiant. Patet ex vsu Ecclesiæ, quæ alta voce orat, & psallit. Et habetur ex mille locis Sacræ Scripturæ; sed debet fieri debita fide, & intentione. Quando oramus voce sensibili, non est ad excitandum Deum, quasi verò indigeat signis sensibilibus, vt nostra desideria cognoscat. Oramus ergo ita. Primò, vt nosipfos excitemus ad deuotionem. Secundò, vt nosipfos admoneamus, quantum in hoc desiderio profecerimus, &c. Vide Augustinum apud Suarez; Tertiò, quia sicut corpore, & spiritu conflagramus; sic etiam spiritu, & corpore orare debemus, vt utroque modo Deum colamus. Nota etiam contra non-

nullos Hæreticos, quòd non solum debet admitti in Ecclesia. Dominica oratio, qua Christus vocentis usus est; sed licet sint omnes alie orationes publicæ, & priuatæ, quibus Deus interpellatur, dummodò aptæ sint ad pium, & sanctum animi affectum, vel desiderium explicandum.

- 10 *Si dicatur*: Christus instituit verum modum orandi, vniuersalem, quem dedit Discipulis, scilicet: *Pater noster*, &c. ergo omnis alius modus est superfluous, & illicitus. *Respondetur*, quòd dedit perfectum, ac optimum modum orandi, qui excellit auctoritate, breuitate, perfectione, & efficacia omnes alios; non tamen ceteras orationes vocales prohibuit: nullo enim verbo, vel facto hanc prohibitionem significauit, nec Sancti Patres tradiderunt. *Dices*: saltem habetur, quòd sit melius, & congruentius, omni alia dimissa, vti solummodò oratione instituta Christi verbis. *Negatur consequentia*: licet enim sit consilium dicendi *Pater noster*, saltem semel in die, non tamè est præceptum; & sic ad tempus congruentior est alia oratio, puta, propter humanam cōditionem, cui repetere semper idem, affert nauseam. *Item*: in specie non possumus petere, quod desideramus: cum ibi sint graduales petitiones. *Item*: frequenter orationes diriguntur ad Virginem,

& ad alios Sanctos; vt intercedant. Pater ergo, quòd maxime utilis sit varietas orationum.

- 11 *Nota etiam*, quòd ad orationem mentalem requiritur intentio orandi, idest, propositum orandi, seu petendi à Deo aliquid. Pater: quia est actus moralis, & humanus; ergo debet oratio esse intenta. *Item*: cum sit locutio, non erit talis, nisi cum intentione dirigatur sermo ad Deum; sicut nullus loquitur alteri, nisi habeat intentionem ordinandi ad illum suum sermonem, & propositum. *Verum tamen est*, quòd talis intentio non est necesse, vt sit expressa, seu formalis, sed implicita, & virtualis. Pater: quia ad faciendum actum moralem bene etiam circumstantionatum sufficit intentio virtualis.

- 12 *Difficultas est*: an talis intentio debeat esse simpliciter bona ad hoc, vt vocalis oratio sit bona? Certè videtur necessaria: quia oratio non est bona, nisi sit bona intentione. *Suarez putat*, de substantia orationis non esse simpliciter necessarium, vt sit cum bona intentione; siquis enim habeat intentionem orandi proferendo vocaliter verba sufficientia pro cultu, & reuerentia Dei, & faciat ex intentione laudis humanæ, vel alicuius cōmodi temporalis; verè orat, quamuis non bene orat. Probat: nam sicut alij actus imperati, vt est elemosyna, ieiunium,

&c.

&c. non declinant à substantia-
li bonitate; quantumvis non
habeant omnes circumstantias;
sic oratio, &c. *Respondetur* *distin-*
guendo; quòd vel intentio est re-
spectu alicuius obiecti indiffe-
rentis ad bonum, vel malum,
& sic potest esse bona oratio,
absque bona intentione, ut sic;
sed si est respectu obiecti mali
simpliciter, & determinati, nec
est oratio, nec bona oratio.

- 13 *Nota etiam*, quòd ad orationem
non solum requiritur necessariò
intentio, sed attentio, quæ variè
solet distinguì. Diuus Bonauen-
tura distinguìt in superficialem,
litteralem, & spiritualem. Pri-
ma est ad materialia verba, ut
rectè, & integrè dicantur; secun-
da est ad sensum litteralem ver-
borum; tertia est ad sensum
spiritualem verborum. Alij di-
stinguunt, in spiritualem, Diui-
nam, & humanam, quæ est pro-
prij commodi, &c. Hinc ergo
certum est, ad orationem voca-
lem aliquam attentionem, siue
formalem, siue virtuales esse
necessariam, ut sit bona oratio;
& sic attentio est de substantia
orationis. Patet: nam oratio vo-
calis est quædam adoratio, seu
cultus quidam externus; ergo
debet fieri in spiritu, & veritate;
ergo requirit attentionem men-
tis; aliàs fieret solo corpore, &
non spiritu. Dixi: *formalis, vel*
virtualis: quia non semper ne-
cessaria est actualis aduertentia.
Concludo, quòd ad veram ora-

tionem, quæcumque attentio
ex tribus dictis sufficit: quia ad
faciendum actum moralem mi-
nima attentio sufficit; ergo quæ-
cumvis non habeatur melior,
sufficit bona.

- 14 *Dices*: uel iste orans non ha-
bet meliorem; quia incapax est,
& quando est in minima aduer-
tentia, & attentione ad sola uer-
ba rectè dicta, non potest habe-
re attentionem spiritualem; &
certum est, talem benè orare;
uel potest orans advertere ad
sola uerba, & uoluntariè carere
meliore attentione: quia uult
alijs rebus uacare; & de hoc est
dubium; an benè oret; nam licet
minima attentio sufficiat ad
orandum; hoc tamen est sine
præcisione uoluntaria melioris
attentionis, & hoc uidetur Ca-
ietanus sentire; & Nauarrus di-
cit, quòd saltem peccet ueniali-
ter; dum uoluntariè uacat alijs,
& solum contentus est minima
attentione. *Suarez putat*, esse
nimis rigidam hanc sententiam:
quia homo non tenetur meliori
modo, quo potest: ergo non te-
netur habere meliorem inten-
tionem, sed sufficit, quòd habeat
minimam attentionem. *Distin-*
ctione propofita, soluimus difficulta-
tem; uel talis contentus est sola
minima attentione, ut possit ua-
care alijs rebus noxijs, uel dis-
trahentibus à meliori attentio-
ne; & sic certum est, esse pecca-
tum sic orare; uel nè nimis fati-
getur ad habendam meliorem,

uel

uel optimam; & sic non peccat.

Reuertamur ad nostram propositionem.

- 15 *Orasse Christum, quando cum hominibus conuersabatur, Sacra testatur pagina. Videntur aliqui negare, Christum uerè orasse, quasi simulauerit orationem, & quamuis non oraret, tamen fecisse id, quod facere solent, qui orationes suas coram Deo fuderunt. Absit, ut putemus tale; quod disertis uerbis testantur Euangelistæ. Solùm enim ostendunt discrimen inter Christum, & nos. Nos enim necessariò oramus; Christus uerò non necessitate compulsus, nisi quatenus æterno decreto sancitum fuerat, Christum habiturum aliquid mediante oratione; ut uidetur est in psalmo 2. *Postula à me, & dabo tibi gentes hereditatem tuam;* quasi Pater æternus Christo filio diceret: sum tibi daturus in hæreditatem omnes gentes; non tamen dabo tibi, nisi oraueris, & petieris. Hoc discrimen inter Christum, & nos quantum ad orationis necessitatem, ut in humanis uidere est. Paratus est Pater dare filio suo etià non petenti, quæ illi sunt necessaria; exigat tamè ab eo honorarias preces; sed seruo nihil paratus est dare, nisi seruus obnixè præceptum obserua uerit. Nostræ orationes, quia serui sumus, necessariæ sũt, si quid uelimus à Deo accipere. Orationes Christi, quia filius*

est, honorariæ potiùs sunt, quàm necessariæ.

- 16 *Orare etiam nunc Christum in Cælo, testatur Diuus Paulus Romanorù 8. n. 34. Qui est ad dexteram Dei, qui etiam interpellat pro nobis; & primæ Ioàn. 2. n. 1. Si quis peccauerit, aduocatam habemus apud Patrem, Iesum Christum, iustum. Non tamen conueniant Patres, dum explicant modum, quo Christus orat in Cælis: sunt enim, qui putent, cum orare sola ostensione plagarum suarum, & continuæ oblatione passionis suæ. Alij hunc modum concedentes, addunt alium, voluntquè, Christum, mentali, & vocali oratione certis temporibus Patrem orare, sicut orabat, cum in terris degeret. Ego libenter utrumque precand. modum in Christo agnosco: tùm quia uerba Sacræ Scripturæ non repugnant: tùm quia oratio est perfectissimus actus religionis: unde quilibet orandi modus dicit perfectionem Christo in Cælis esistenti non denegandam; cum ea In omnibus Beatis reperiatur.*

- 17 *Orationes Christi omnes exaudiri, & exauditas fuisse, quando absolute aliquid petijt; testatur ipse Ioàn. 11. n. 42. Ego autem sciebam, quoniam semper me audis. Confirmatur ex illo ad Hebræos 5. Exauditus est pro sua reuerentia. Videntur nostris dictis repugnare aliquæ Christi orationes irritæ, & non exaudite: nam*

constat, Christum petiisse, non leui quadam postulatione, sed iterata, & ex intimo cordis affectu liberationem à morte, quæ tamen concessa non est. *Non placet* aliquorum responsio, qui dicunt, Christum semper exauditum fuisse, etiam in hac postulatione; non quòd impetraverit petitam liberationem, sed quia in compensationem obtinuit à Deo æquivalens, imò maius, scilicet Angelicam cõsolationem, & sessionem ad Patris dexteram. Quo modo isti putant, etiã omnes fidelium preces exaudiri: quia vel obtinent, quod petunt, si necessarium, & vtile eis fuerit; vel quia datur eis aliquod maioris necessitatis, & utilitatis.

- 18 *Querenda nobilior responsio*, quæ præsupponit, tripartitam in Christo voluntatem, ut dictum est nu. 2. & tres orationis ab ipso factæ species, cum sit oratio interpres voluntatis. Petijt ali-

quando Christus ex voluntate sensualitatis, aliquando ex voluntate rationali deliberata, dumtaxat secundum quid, ob aliquam videlicet specialem rationem: aliquando ex voluntate rationis deliberatæ simpliciter, & absolute. Ingenue dicimus, orationes Christi factas ex duabus voluntatibus prioribus non fuisse semper exauditas, qualis fuit illa oratio de liberatione à morte, quam absolute non petiisse, constat ex eo, quòd Christus, postquam dixit: *Pater si possibile est, transeat à me Calix iste: tibi dicit: Verumtamen non sicut ego volo, sed sicut tu.* Vnde videre est, præcedentem orationem fuisse sub conditione, & ex affectu partis sensitivæ. Omnes tamen, & solæ orationes, quæ à voluntate deliberata absoluta, & efficaci manarunt, sunt exauditæ; & hoc solo sensu veri sunt illi duo textus Ioannis 2. & *Hebræorum 5. supra citati.*

PROPOSITIO QVARTA:

Orant sancti pro nobis, & vident nostras orationes.

- 19 **D**E modo, quo sancti videant nostras orationes, magna est controuersia. *Scotus in 4. dist. 45. q. 3. dicit primò:* quòd anima separata poterit naturaliter acquirere notitiam non solum abstractivam,

sed etiam intuitivam, non solum sensibilem, seu potentia intelligibilem, sed acutè intelligibilem; & quia quodcumque ens creatum est sibi naturaliter proportionatum, quantum ad intelligibilitatem; igitur om-

Bbb5 rem

nem nostram orationem, siue vocalem (quam & coniuncta poterat cognoscere) siue intellectualem, seu mentalem, quæ nunc est sibi magis proportionata, potest intuitiue cognoscere; nisi tamen immoderata distantia impediat: quod certè *Scotus tradit questione 2. sub D.* & respondendo ad tertium: dicit enim, quod immoderata distantia obiecti impedit illam intellectionem obiecti intuitiuam. Et Augustinus ait, quod animæ illæ nesciunt, quæ hic aguntur, nisi ab Angelis discant, vel ab alijs animabus denouo ad eas venientibus. *Dices ex Boetio.* Per se notum est, incorporalia in loco non esse; ergo in operatione sua nec exigent præsentiam, nec distantiam localem. *Respondetur*, quod sicut entia incorporalia sunt in loco per præsentiam diffinitiuam; sic etiam in eorum operatione requiritur mutua præsentia, & mutua distantia, secundum contactum virtutis; non autem secundum contactum substantiæ; & sic requiritur intelligendo debita distantia;

- 20 *Peter.* Quomodo etiam in proportionata distantia in genere proprio possint animæ separata naturaliter cognoscere nostras mentales orationes: quia mentalis oratio nihil est, nisi desiderium oblatum Deo ea intentione, ut ab ipso habeatur optatum, ut Scotus dicit hic: sed tale desiderium, cum sit actus

intellectus, & voluntatis, sunt occulti cuicumque creaturæ; quia sunt intimi ipsi creaturæ in essendo, & in hærendo: ergo non possunt naturaliter cognosci tales mentales orationes?

Respondetur, quod tales actus non sunt occulti animæ separatæ; nam sicut non sunt occulti actus intellectus mei intellectui meo; multò minùs intellectui altioris status, sicut est animæ separatæ. *Et cum dicitur*, quod sunt intimi in essendo, & in hærendo. *Respondetur*, quod hinc sequitur, non posse regulariter cognosci, sicut secreta cordis; sed naturaliter sibi dimissus intellectus separatus potest cognoscere, cum contineantur sub obiecto suo.

- 21 *Nota*, quod Scotus secundò dicit; quod anima separata ex vi Beatitudinis, seu vnde beatus est homo, nec regulariter, nec vniuersaliter videre habet nostras orationes in Verbo, seu in Diuina essentia relucens. *Pater*: quia de ratione Beatitudinis est, ut videant, quæ spectant ad statum Beatitudinis ex parte obiecti Beatifici, quæ solum sunt ratio fruendi, quæ est essentia, & rationes fruibiles, quæ sunt omnia, quæ ex natura rei sunt in essentia, & sibi identificata; sed nostræ orationes sunt omninò impertinentes pro ratione obiecti Beatifici, ergo, &c. Neque necessarium est, quod Deus reuelet

nelet Sanctis tales orationes: nam illud tenetur facere Deus pro perfecto statu Beati, quod ad Beatitudinem consequitur, sed ad Beatitudinem non consequuntur nostræ orationes, quia omnino impertinētes sunt; etenim, ut ait Scotus, Beatitudo intellectus in obiectis creatis non transcendit illa, quorū essentia visa, est necessaria ratio videndi.

- 22 *Moneo tamen*, quod Diuinæ Bonitati congruit; ut quia Beati sunt coadiutores Dei in procurando salutem nostram eo modo, quo potest sibi competere, reuelare Beatis nostras orationes, quæ sibi specialiter offeruntur: quia specialiter innituntur meritis eorum, ut tanquam mediatores, impetrent, quod specialiter petimus ab ipso Deo; & hoc modo probabile est, quod Deus Beatis reuelet nostras orationes ipsi, vel Deo ipsi in nomine eius oblatas: ad hoc, ut earum intuitu, ex vinculo charitatis, & ardenti desiderio, quo flagrant ad procurandam nostram salutem, impetrēt nostra iusta, & pia desideria. *Dices*: Isaia 63. n. 16. *Abrahā nesciuit nos, & Israel ignorauit nos, &c.* ubi *Augustinus* ait, quod mortui, imo sancti nesciūt, quid faciant viui. *Dicit Scotus*, quod tunc Abraham non erat Beatus, sed in limbo, ubi non erat necessaria illa reuelatio; nec per immoderatam distantiam poterat naturaliter cognoscere, &c. *Aug-*

ustinus sic etiam interpretandus est. *Replicabis*: solus Deus nouit secreta cordis: sed mentalis oratio est cordis secretum: ergo &c. *Respondetur*, ut supra, quod solus Deus independenter ex sua perfectione nouit secreta cordis; Angelus autem, & animæ separatæ noscunt dependenter, quando sibi naturaliter dimittuntur, & maxime loquendo de Beatis, quibus congruit talis reuelatio nostrarum orationum mentalium; vel tanquam Beatitudinem eorum augens; vel tanquam pertinens ad causalitatem eorum respectu Beatitudinis aliorum. *Contra*: ideò debent cognoscere nostras orationes, ut possint pro nobis orare: sed non possunt, quia sunt extra statum meriti: ergo, &c. *Dicit Scotus*, quod oratio potest esse meritoria, & impetratoria; oratio Beati non est meritoria pro se, sed impetratoria pro alijs: oratio enim Beatorū est dispositio de congruo, ut propter eam Deus concedat illud, quod impetrant, ei, cui petunt: *Scito*, ut supponimus, Beatos videre nostras orationes.

- 23 *Restat difficultas*: an orent pro nobis? Et prima facie videtur, quod non: nam vel Beati vidēt, quod Deus vult exaudire eos, vel habet actum nolendi, id est non vult exaudire, vel habet actum suspensiuum, scilicet nec velle, nec nolle: si primum, non orabunt Sancti; quia

Bbb b 2. fru-

frustra esset oratio, dum Deus vult exaudire: si secundum, non orant, quia non orabunt pro aliquo nolito, quod Deo displicet: si tertium, nesciunt sancti, quod illa, circa quæ Deus habet actum suspensivum, non evenient: ergo nec orabunt. *Scotus respondet*, quod sancti orabunt pro nobis semper, loquendo de oratione habituali, quia talis perpetua, est in eis, & generalis pro omnibus electis, & forsan, licet non efficaciter pro non electis, sicut inefficaciter vult ipsos Deus salvos fieri. *De oratione autem actuali speciali*, quam habet aliquis sanctus, cui Deus revelavit, aliquem innocare, est difficultas: & certum est, talem sanctum, actualiter orare pro aliquo in speciali, qui illum innocat: nam talis oratio impetratoria non, impedit Beatitudinem: quia non orat pro se, sed pro alio, qui causa est, stante liberalitate Dei, quæ pro minori bono retribuit

non tantum maius bonum; sed etiam plura bona.

24 *Cum autem dicitur in argumento*: Beatus, aut videt, Deum, velle, aut nolle, vel non velle; nullum membrum est concedendum: non enim sequitur: Deus revelat Petro, Ioannem nunc orare, & petere a Deo per merita Petri talem rem: ergo revelat Deus, velle, vel nolle, eum exaudire; & ideo potest, ut sic orare, & petere, quod suæ expedit pietati. Imò dato, quod revelaret, velle, vel nolle exaudire; non sequitur: ergo frustra orat: quia si vellet exaudire, determinavit eum exaudire per talia media, scilicet per orationem Petri; si autem non vult exaudire, Petrus non orat; si autem non revelat, quod neque, nolit, neque velit; Petrus orando, expectat, ut per suam orationem consequatur, quid velit Deus, ad hoc ut possit orare, nec ne.

DISPUTATIO VIGESIMA.

De merito Christi.

Solius voluntatis creatæ est elicere actus, & impetrare meritorios, tam sibi, quam alijs: fuit in Christo voluntas creata: unde nostrum est exami-

nare: *an Christus meruerit, quid, & quibus? Ut eius dignitas, & obligatio nostra erga eum omnino elucescat.*

PROPOSITIO PRIMA.

Pramittitur definitio meriti de condigno.

Meritum de cōdigno ita definitur: est opus liberum, bonum, iusti Viatoris ex charitate factum propter Deum, cui ex promissione debetur vita aeterna.

Dicitur opus liberum: ut excludantur opera, quæ voluntati non subsunt: quippe nec formaliter, nec participatiue sūt talia, verbi gratia, opera vegetatiuæ potentia. Hanc conditionem in terminis posuit Scotus in 3. ubi intendens probare, Christum in primo suæ conceptionis instanti potuisse mereri, inter ad meritum requisita enumerat vsum liberi arbitrij; est tamen verum, quòd, teste Scoto in 4. dist. 6. quest. 6. littera B. & in 3. dist. 15. potest quis mereri actum, circa quem solum habet intentionem virtutalem; ut petens, deuotionis gratia, Diuum Iacobum in Cōpostellam, licet in itinere actualiter non cogitet de Diuo Iacobo, tamen ordinatè ad illam finem, verbi gratia, deambulando, & simul cogitando de Patria, meretur in illa deambulatione. Item. Martyr exponens se pro fide Christi ad mortem, licet in atroci dolore tormentorum minime vtatur ratione, tamen meretur. Videatur Scotus in

3. dist. 18. Respondendo ad secundum, & 4. & dist. 12. ad secundum, & dist. 17. ad primum.

Moneq; tamen, libertatem multipliciter intelligi: alia quippe est ad contradictoria, ut ad velle, & ad non velle. Alia ad contraria, ut ad velle; & ad nolle. Alia appellatur libertas quædā complacentiæ, quo modo voluntas complacet sibi in aliquo, etsi illius, in quod complacet, non sit causa. Hinc dixi in Tractatu de Trinitate, voluntatem Diuinam habere complacentiam in productione creaturarum in esse cognito, in quantum in illis est quædam participatio Diuinæ essentia. Concludo ergo, libertatem arbitrij esse necessariam ad meritum. Fauet cōmunis Theologorum consensus; & etiam probatur ex illo Ecclesiastici 15. Qui potuit transgredi, & non est transgressus, facere malum, & non fecit: idèd stabilita sunt bona illius in Domino, & elemosynas illius enarrabit omnis Ecclesia Sanctorum. Hinc Tridentinum semper exigit libertatem. Adde, quòd; teste Philosopho, in his, quæ nobis insunt a natura, nec laudamur, neq; vituperamur, & hoc propter defectum libertatis.

3 Dicitur *Opus bonum*. Hoc intelligo nedum de bonitate in genere, sed etiam de bonitate morali, & gratuita. Videatur *Scotus in 2. dist. 7. quæst. unica*. Ratio est: quia odit Deus, qui operantur iniquitatem, & odio est Deo impius, & impietas eius.

Dicitur, *Iusti*. Necessariò requiritur, ut ille, qui meretur de condigno, sit in gratia. Ita omnes Theologi in 2. dist. 24. 27. 28. & 29. *Concilium Tridentinum sess. 6. Canone 32.* unde *Pius Quintus, & Gregorius XIII.* dānant sententiam Michaelis Baij, qui ad meritum de condigno vitæ æternæ in persona merente non requirebat, ut conditionem necessariam, gratiam Spiritus Sancti inhabitantis in corde filiorum Dei, sed sufficere, dicebat, obedientiam legis. Videantur propositiones Baij 13. 14. 16. & 18. *Fauet nostra conclusio Scotus in 3. dist. 18. in primo dist. 17. quæst. 1. in secundo dist. 7. quæst. 1. in 3. dist. 13. quæst. 3. legatur quolibet 17. §. de secundo dico, littera D.* ubi probat, nostram propositionem ex illo *Genesis 4. Respexit Dominus ad Abel, & ad munera eius.* Obseruat Scotus, Deū primò respexisse personam, seu sanctitatem personæ operantis, quā munera illius, quod clarè demonstrat prærequiri sanctitatem, seu gratiam in persona merente de condigno. Facit pro ista veritate, quòd defacto homo, qui non est in statu gra-

tiz, est in statu peccati: at homo in peccato, est inimicus Dei, & indignus vita æterna: ergo minimè acceptatur ad præmiū. Adde, quòd inimicus, prout est in statu inimicitiz, nequit de condigno aliquid mereri ab inimico.

4 *Duo nobis obijcit argumenta Baius*. Primum, quòd ad meritum de condigno solum consideranda est iustitia operis, & bonitas illius; hæc autem eadem est in opere eiusdem rationis, facto ab homine peccatore, & ab homine iusto: ergo sanctitas operantis minimè est necessariò præsupponenda in merente de condigno. Suam propositionem confirmat Baius scripturis, in quibus promittitur præmium, nulla facta mentione status gratiz, *Matthæi 19. Si vis ad vitam ingredi, serua mandata;* ad Romanos: *Factores in legis iustificabuntur.* Item. *Reddet unicuique secundum opera eius.* Facit pro Baiò, quòd eodem tenore bonis, & & malis operibus promittitur præmium, & pœna: sed in malis operibus demeritum consideratur ex qualitate operis, siue persona merens sit iusta, siue iniusta: ergo idem dicendum de bono merito.

5 *Respondetur*, ad meritum de condigno non solum considerandam esse iustitiam operis boni, & bonitatem illius, sed etiam esse spectandam conditionem personæ merentis. Rem ita se ha-

habere; patet clarè exemplo Abelis: respexit quippè Deus primò ad Abel, deinde ad munera eius; quamvis ergo in scriptura non semper exprimat talis conditio personæ; non inde benè infertur, eam non esse necessariam: sufficit quippè ad valetudinem nostræ propositionis, quòd aliquo in loco Sacre Paginæ dicatur necessariò requisita sanctitas operantis. *Dices*: si quis laboret in vinea sui inimici, merebitur apud illum præmium: ergo impertinens est ad meritum status operantis. *Respondetur*, quòd hoc valet, cum quis meretur per modum pretij, & stipendij, quòd propriè est meritum mercenarium, ac proinde non requiritur amicitia inter personas: at res non ita se habet de merito per modum obsequij; ad hoc enim est necessaria amicitia. *Replicabis*: si quis graviter offendant Alexandrum, & prius quàm illi reconcilietur, exponat propriam vitam, ut liberet Alexandri filium à morte; ille certè merebitur apud Alexandrum; ergo, iam habetur ratio meriti, non præsupposita ex parte operantis amicitia. *Respondetur*, quòd in casu posito præsupponitur amicitia: quippè cum primò ille homo disponit se ad præstandum tale obsequium, Alexandro; statim vi talis dispositionis redditur Alexandri amicus. *Paritas desumpta* ex demerito, claudicat: quia meri-

tum habet rationem boni, & consequenter multò plura requirit: etenim bonum est ex integra causa, malum autem ex quocumque defectu. Moneo, quòd etiam ad meritum attenditur status personæ: nam peccatum commissum à persona publica, vel digniori, cæteris paribus, magis demeritorium est, quàm commissum à persona particulari, & minùs digna.

6 *Audiamus secundum argumentum Baij: teste Dno Augustino libro primo de libero arbitrio cap. 6.* lege naturali statutum est præmium vitæ æternæ bonis operibus, & æternum supplicium malis: ergo, cum lex naturalis nihil dicat de statu gratiæ sanctificantis, sequitur, gratiam illam non necessariò esse exigitam ex parte personæ operantis. Facit etiam ad rem præsentem, quòd habet idem *Augustinus libro de natura, & gratia cap. 2.* ubi docet, quòd, si homo suis valeret viribus, & sine fide adimplere legem, foret securus de vitæ æternæ præmio: quia non est iniustus Deus, qui fraudet mercedem; ergo ad aures Augustini habetur, non prærequiri necessariò ad meritum gratiam in persona operante. *Ad primam auctoritatem Augustini dicimus*, sermonem non facere de lege naturali, quæ dicitur esse in naturali lumine rationis, sed de lege nunquam mutabili, & æterna, prout est in mente Dei, quæ etiam dicat de spiri-

spiritu adoptionis filiorum Dei, & statuit, ut debita præmia condignis meritis reddantur. *Ad secundam*, mentio Augustinico in loco est, ostendere contra Pelagianos, non posse hominem viribus naturæ totam legem implere; & ad hoc probandum, assumit illam hypotheticam propositionem, scilicet, quod si homo potest sibi sufficere ad seruandam totam legem, etiam illius foret vigoris, ut ex solis naturæ viribus obtineret uitæ æternæ præmium, quod repugnat. Augustinus ergo nil habet contra nos.

- 7 *Moneo tamen*, quod, si sermo sit de omnipotentia Dei, gratia habitualis intrinseca minimè est necessaria ad meritum de condigno. Ita dicendum in schola subtilium docentium, posse diuinitus hominem constitui filium Dei adoptiuum adoptione extrinseca: nam si ita constitueretur, actus charitatis, qui produceretur ab illo homine, foret meritum condignum respectu gloriæ non minùs, quàm actus productus à persona sanctificata per gratiam intrinsecè inhaerentem. *Confirmatur*: nam operatale hominis essent opera filij Dei: ergo haberent proportionem cum præmio. *Adde*, quod, et si ea filiatio in esse naturæ esset diuersæ rationis; tamen in esse minoris foret eiusdem rationis. *Moneo etiam*, quod defacto nemo meretur de condigno pri-

mam gratiam habitualement; nam defacto nemo constituitur filius Dei, nisi per intrinsecam gratiam habitualement; ergo communiter prius homo condecoratur intrinseca gratia habituali, quàm mereatur de condigno.

- 8 *Volumus tamen*, quod posset quis mereri primam gratiam habitualement de condigno, quando constitueretur filius Dei per acceptionem extrinsecam. *Probat*ur: tunc enim sicut mereretur de condigno gloriam, sic nullum urget obstaculum, quod minùs sic etiam mereretur primam gratiam habitualement. *Dices*, primam gratiam habitualement esse principium meriti, & consequenter non potest cadere sub merito. *Respondetur*, quod antecedens est uerum defacto; non tamen in sensu nostræ propositionis, quæ agit de potentia Dei absoluta.

- 10 *Nota etiam*, quod iusti merentur primum gradum gloriæ, & non solum augmentum eius. *Probat*ur ex scripturis, quibus uita æterna simpliciter, & non tantum augmentum eius bonis operibus, tanquam corona, & merces promittitur. Fauet Tridentinum sess. 6. Can. 32. *Si quis dixerit, hominis iustificati bona opera, ita esse dona Dei, ut non sint etiam bona ipsius iustificati merita, aut ipsum iustificatum bonis operibus, quæ ab eo per Dei gratiam, & Iesu Christi meritum, cuius unum membrum est, sunt, non verè me-*

veri augmentum gratiæ, vitam æternam, & ipsius vitæ æternæ consecutionem, atque etiam gloriæ augmentum: *Anathema sit; &c.* His in verbis ponderandum ad nostrum propositum, iustum dici per bona opera mereri augmentum gratiæ; quia prima gratia non cadit sub merito de condigno; quandoquidem præsupponatur tali merito: non verò dicit, bona opera mereri augmentum gloriæ: quia nimirum intelligebat non tantum augmentum gloriæ cadere sub merito de condigno, sed etiam primum gradum eius. *Fauet ratio;* quia augmentum gloriæ non habet ullam specialem distinctionem à primo gradu eius, ratione cuius potius caderet sub merito, quam primus gradus; ergo sicut conceditur, quod augmentum gloriæ cadat sub merito; ita etiam dicendum de primo gradu.

- 11 *Dices:* augmentum gloriæ tam differre à primo gradu, quam augmentum gratiæ à primo gradu gratiæ; ergo sicut quis meretur augmentum gratiæ, quamvis non mereatur primam gratiam; ita etiam est dicendum de augmento gloriæ, & primo eius gradu. *Contra:* quia quod aliquis non mereatur primam gratiam, non oritur ex eo, quod non possit quis illam mereri, si præcessissent conditiones defectu requisitæ ad meritum de condigno; sed ex eo, quod non præceterunt istæ conditiones, quarum una

est, quod quis sit in gratia habituali; præexistunt autem conditiones prærequisite ad meritum respectu primæ gloriæ, seu primi gradus eius; ergo non est eodem modo de ipsa, & de prima gratia quantum ad hoc discurrendum. *Replicabis:* prima gloria debetur primæ gratiæ; ergo sicut non datur meritum ad primam gratiam, ita neque ad primam gloriam. *Negatur consequentia:* quia sicut augmentum gloriæ, & gratiæ electorum debetur meritis Christi, & tamen electi etiam proprijs actibus illud merentur; ita etiam quamvis prima gloria debeat primæ gratiæ; tamen cum hoc potest deberi meritis procedentibus à gratia. *Replicabis:* hinc sequeretur, quod essent duæ causæ adæquate respectu eiusdem effectus, nimirum gratia habitualis, & meritum de condigno; quod tamen falsum esse, suppono ex secundo Physicorum, ubi fuit demonstrata repugnantiâ productionis eiusdem effectus à duplici causa totali. *Respondetur:* distinguendo sequelam: respectu eiusdem effectus eodem modo consideratis; nego; diuerso modo; concedo, & nego subsumptum. Itaque prima gratia esset causa adæquata gloriæ, ut datæ ex misericordia, seu, ut non haberet rationem coronæ, aut mercedis, quo modo datur infatibus. Meritum verò esset causa adæquata ipsius, ut daretur per modum

C c c c coro-

coronæ, & mercedis; neque aliquid impedit, quominus ob varios titulos daretur vnum præmium.

12. Requiritur ad meritum de condigno *ratio Viatoris*. Hanc conditionem notavi ad excludendos Beatos, & existentes in Purgatorio, quia non sunt in statu merendi; huius nulla alia est ratio, nisi Divina voluntas, quæ statuit, tempus meriti, & demeriti esse præsentem vitam iuxta illud: *veniet nox*, scilicet tempus post mortem, in qua nemo potest operari (scilicet meritorie). Videatur Scotus in 3. dist. 18. quæst. 1. & in 2. dist. 7. in fine aliquantulum, & in 4. dist. 4; quæst. 4. articulo 3. ad ultimum. Volo tamen admonitos legentes, quod ista conditio minimè est simpliciter necessaria: nam posset Deus de potètia absoluta acceptare opus alicuius Beati, ut meritorium; ita habet Scotus in 3. ubi supra. Ratio pro nostra propositione desumitur à Scoto in 3. Quia meritum ex ordinatione Divina est via ad gloriam acquirendam, ideo sicut habito termino, cessat motus, qui est via ad terminum; ita habita gloria perfecta, cessat via, scilicet meritum.

13. Quod verò de potentia absoluta minimè sit necessarius status viatoris. Probat ex eo, quod nulla possit assignari ratio, cur ex natura rei operibus viz tantum mereri valeamus; non verò operibus Patriæ; ergo

tantum fuit ex lege; & ex institutione Dei, qui voluit operibus viz promittere præmium. Antecedens probatur: etenim si solam naturam operum attendamus, non minorem dignitatem habent opera elicitæ in Patria, ac proinde non minus meritoria erunt opera Patriæ, quam viz; quinimò multo meliores sunt actiones Patriæ; quippe à maiori charitate procedentes; ergo quod actiones Patriæ non sint meritorie, provenit ex eo, quod Deus illis non promisit præmium. Vergetur ratio; quia non potest assignari ratio ex natura rei impediens meritum in operibus Animarum Purgatorii. Nec dicas, Beatos non mereri ex natura rei, quia non habent libertatem ad peccatum. Hoc enim nullius est momenti; quia libertas ad meritum sufficit sine indifferentia ad malum, ut videbimus in Christo Domino. Nec dicas, Beatos non mereri ratione status, quia iam sunt in termino, ad quem cum quis pervenerit, ultra mereri non valet. Contra est, quia terminus meriti non est præfixus ab ipsa rei natura, quasi ex natura rei non sit aliquid in Patria potens cadere sub merito Beati: possent enim, si Deo placeret, ulteriorem beatitudinis gradum mereri; imò alijs viatoribus beatitudinem: ergo terminus ille à sola Deo voluntate est præfixus. Firma ergo restat conditio ista à nobis in-

meri-

meriti definitione posita.

Petes. Vtrum opera via ex promissione facta, an verò ex condignitate operis sint meritoria vite æternæ? Ut respondeamus.

- 14 *Dico*, ad meritum requiri valorem fundamentalem, seu bonitatem moralem, & non sufficere nudam ordinationem, vel promissionem ex parte Dei præmiantis.

Non me latet oppositum huius nostri dicti tribui Scoto, quasi fuerit opinionis, quod meritum integrè tam materialiter, quam formaliter saluetur in sola Dei acceptatione, quasi verò ad meritum sit satis actus, siue bonus moraliter, siue indifferens, siue malus. Errant tamen toto cælo sic dicentes: siquidem in terminis oppositum habet subtilis Doctor. *In primo dist. 17. quest. 2. §. sed nunc ulterius dubium est de isto habitu, &c.* dicit, requiri ad actum meritorium intensionem actus, substantiam actus, reëitudinem moralem, & hæc supponi ad acceptationem Diuinā, quam acceptationem infra vocat complementum meriti. *Item subtilis Doctor quest. prima eiusdem distinctionis asserit*, meritum esse actum liberum elicited a gratia, & acceptatum, ut præmiabilem beatitudine, & ibidem dicit, Deum esse quidem causā principalem meriti, quia ordinat actum ad præmium; nō tamen dicit, Deum esse causā totalem, nec meritum constite,

re in sola Dei acceptatione, sed hanc esse vltimum complementum. *Item in secundo dist. 41. dicit*, bonum meritorium supponere bonum morale in actu. *Idē habet in 3. dist. 18. & quolibeto 17. & 18. & in 4. dist. 15. quest. 1. per totam supponit*, satisfactionem, consistere in actibus bonis pænalibus æquivalentibus, si sint charitatis perfectæ, & idem sæpius habetur in sua doctrina.

- 15 *Quæcirca in primo dist. 17. qu. 2. articulo 1. §. ad solutionem huius questionis*, respondens ad questionem ibi positam, scilicet: an debeat poni aliquis habitus supernaturalis gratificans naturam beatificabilem; infra versiculo dico igitur, &c. asserit, quod præter acceptationem specialem, qua anima iusti habitualiter est acceptata, ad vitam æternam; præter acceptationem actualem actus eliciti ab anima Christi, oportet, ponere vnum habitum supernaturalem, quo habens formaliter acceptetur a Deo, & quo actus elicited acceptetur, tanquam meritorius. Ecce clarè affirmat subtilis Doctor, actum, ut acceptetur, ut meritorius, debere habere in se dignitatem, & valorem superuenientem ab habitu gratiæ. *Item infra §. sed tunc*, ex supradictis colligit, ad actum meritorium concurrere, vltra substantiam actus, & reëitudinem moralem, acceptationem Diuinam, quæ ratio nec est præcisa ratio meriti, sed partialis

completiva meriti. Item infra versiculo ad primum, &c. lit. KK. asserit: Dico, quod actus, qui est meritum, est in potestate mea, supposito libero arbitrio, & gratia; postea addit: per idem dico ad secundum, quod licet principalius, scilicet ultimum, & completivum in merito sit à Deo (loquitur de acceptatione) non sequitur tamen, ergo Deus meretur: quia meritum est actus potentie liberae, & secundum inclinationem gratiae elicitus, acceptatus à Deo, ut praemialis beatitudine, &c. & versiculo sequenti, cum obieciſſet: ergo saltem principalius in merito est à Deo, respondens, asserit: si principalius dicatur ultimum completivum, concedatur; si verò dicatur prima realitas, vel perfectior realitas, negetur: quia actus est absolute solutum quid, & prius natura ista acceptatione passiva, & magis ens ea. Quid clarius potuit dicere subtilis Doctor, ut demonstraret, acceptationem non esse integram, & totalem rationem meriti, sed partialem tantum, meritumque compleri ex acceptatione, & dignitate actus? Item infra versiculo respondeo in hoc, &c. expressè ait, quod semper Deus premiat ultra meritum condignum: universaliſſiter quidem ultra dignitatem actus, qui est meritum, quia quod ille actus sit condignum meritum, hoc est ultra naturam, & bonitatem actus intrinsecam ex mera gratuita acceptatione Divina. Item infra versiculo ulterius, ait:

Accipiendo actum secundum rationem meritorij, potest dici, quod principaliter illa conditio convenit actui ab habitu gratiae, & minus principaliter à voluntate: magis enim acceptatur actus, ut dignus praemio, quia est elicitus à charitate, quam quia est à voluntate liberè elicitus. Denique non minus clare in Reportatis; dicit enim libro 3. dist. 18. quaest. 1. litera A: quod sicut meritum non consistit solum in actu, sed in conditionibus aliquo modo persona elicientis; sic acceptatio Divina non solum respicit actus, sed conditiones accidentales suppositi elicientis.

16 Ex his conclude, quantum erraverint Doctores imponentes oppositum subtilissimo Scoto. Fundantur Aduersarij in quadam doctrina Scoti in 3. dist. 19. 5. in ista quaestione, lit. B. ubi hæc habet Scotus: Quantum ergo valuit illud meritum ad sufficientiam? Dico, quod sicut omne aliud à Deo, idè est bonum, quia à Deo volitum, & non è conuerso; sic meritum illud tantum bonum erat, pro quanto acceptabatur, & idè meritum, quia acceptatum; non autem è conuerso, quia meritum est, & bonum, idè acceptatum, & tantum potuit acceptari passive, quantum Trinitas potuit, & voluit acceptare active. Hæc Scotus. Illa vero intelligenda sunt de merito formaliter sumpto, quatenus dicit ius ad meritum praemij, quia sic illa causalitas est vera; idè dicit ius, & debitum praemij,

mij, quia acceptatum; nam, seclusa acceptatione, non fundaret ius ad præmium, nec esset bonum formaliter meritorium, esset tamen fundamentaliter, quod supponunt sequentia verba: *tantum potuit acceptari passivè, quantum tota Trinitas potuit, & voluit acceptare activè*: sed ex formali ratione sua, quã habuit, nõ potuit acceptari in infinitũ, & pro infinitis, sed pro finitis. Hic subtilis Doctor supponit rationem, aliquã bonitatis in merito proportionatã ad acceptationem, & præmium, quã, quoniam finita est, non potuit acceptari à Trinitate in infinitum, & pro infinitis, quia deficit proportio bonitatis fundamentalis, quã æquivaleret præmio, & acceptationi infinitã; quare subdit, ob circumstantiam personæ Christi fuisse congruitatem, ut acceptaretur meritum eius pro infinitis, quã proportio non esset in merito personæ creatæ, nec ex parte operis, nec ex parte operantis. Falsò igitur tribuitur Scoto, quod nõ requiratur actum esse bonum moraliter, imò vult, hãc bonitatem esse fundamentum proportionis determinatæ secundum determinationes ipsius bonitatis ad acceptationem, & præmium.

17. *Ut plenius res intelligatur, monito: bonitatem, & valorem fundamentalem inesse actui meritorio ex subiecto, fine, & alijs circumstantijs in genere moris,*

nihilquẽ esse aliud, quã ipsam bonitatem, ratione cuius actus est laudabilis, & proportionatus præmio, si ad illud ordinetur; valor autem formalis, quem Scotus negat, actum habere ex ratione sua formali independentem ab acceptatione, est ius, quod fundatur in operibus ad præmium, seu debitum præmij. *Succedat iam probatio nostræ propositionis: de ratione meriti respectivè ad Deum est, ut actus imputari possit operati ad laudem; ergo de ratione eius est, ut sic bonum moraliter: quia sic solum imputari debet ad laudem. Antecedens patet: quia videtur congruere bonitati, & iustitiæ Divinæ, ut non præmiet actum, nisi sit bonus, & imputabilis; & servata proportione, quò magis bonus est actus, eò magis præmiet ipsum; ita ut excessus in præmio, præsupponat excessum meriti quoad bonitatem. Veritas nostræ propositionis fundatur in illis Sacræ Paginæ dictis: si vis perfectus esse, vade, & vende omnia tua, & da pauperibus: si vis vitam ingredi: serva mandata: diligite inimicos vestros, & erit merces vestra multa nimis; præcepta enim Dei, & lex dirigunt hominem ad finem per actus virtutum, & propterea charitas dicitur plenitudo legis. Si loquamur de merito de condigno, ultra bonitatem moralem præsupponitur defacto status adoptionis per gratiam sanctificantem, & requi-*

requiritur acceptatio particularis Dei. Sed de hac re infra agendo de distinctione inter meritū

de condigno, & meritum de congruo.

PROPOSITIO SECVNDA.

Licet opera procedentia ab habitu gratia aliquem valorem, & dignitatem habeant respectu vite æternæ; tamen talis valor, præciso pacto, & promissione Dei, qua vitam æternam promisit iustis, in ratione perfectionis, & æstimabilitatis, non sunt æqualis perfectionis cum vita æterna.

18 **E**X hac propositione collige, me non negare operibus elicitis ex gratia aliquem valorem antecedenter ad acceptationem Diuinam: nam sunt opera elicita ex gratia: sunt ordinis supernaturalis: sunt elicita à filio adoptiuo Dei; ergo habent aliquam proportionem cum præmio supernaturali, scilicet cum gloria. Volo tamen, hanc proportionem, seu condignitatem, vel valorem augeri ex Dei ordinatione, & promissione, qua ab æterno statuit, vt homini in gratia benè operanti deberetur gloria in præmium; & sicut defaço ex Diuino pacto deberetur homini operanti in gratia gloria in æternū duratura; ita potuisset Deus statuere, vt tali merito corresponderet gloria duratura per aliquod tempus tantum.

Rem explico: certum est, quod moneta aurea ex propria natura habet aliquem valorem; & etiā est certum ex beneplacito Principis posse crescere valorem talis monetæ, estō entitatiuè minimè crescat moneta, vnde si primò valebat triginta carolenis, iam ex Principis lege, posuit ei esse debiti trigintatres carolenis ita discurrēdū in re præsentī.

19 *Accedant probationes nostra propositionis.* Primò fauet nobis illud ad Titum 3. n. 5. *Non ex operibus iustitiæ, qua fecimus nos, sed secundum misericordiam suam saluos nos fecit.* Hic ponderandum, quod per opera iustitiæ intelliguntur opera facta in gratia. Ponderandum etiā, Apostolum asserere, quod, etsi talia opera facta sint in gratia, tamen non essent digna vita æterna: cuius

cuius ratio est; quia aliàs Deus non gratis daret vitam æternā. Pro nobis est Athanasius in vita Sancti Antonij ita dicens: *nec uniuerso orbi renuntiantes, dignum aliquid habitaculis celestibus compensare possumus.* Facit Augustinus in Psalmo 39. aliquantulum ante finem explicans versum vigesimum: *nunquid adhaeret tibi, &c.* ubi ita habet: *quanto labore digna est requies, qua non habet finem? si verum vis comparare, & verum iudicare, æternæ requies æterno labore rectè emitur* (subdit) *verum hoc est sed noli timere, misericors est Deus.* Parum infra ita legit Augustinus: *semper æterna requies æterno certè labore digna est comparari.* Adde Bernardum sermone primo de Annuntiatione ita dicentem: *quid sunt merita omnia ad tantam gloriam?* Cōcludo ergo, illos Sanctos Patres putare, quod actus elicitus ab homine existēte in gratia, minimè habet sufficientem valorem, ut illi sit debita gloria; quōcirca est necessaria diuina acceptatio, qua Deus velit eleuare nostra merita ad maiorem valorem, sicut ex beneplacito Principis eleuatur moneta.

20 *Probemus nostrum assumptum, & primo ex illo celebri dicto D. Pauli ad Romanos 8. num. 18. Non sunt condigna passionēs huius temporis ad futuram gloriam, quæ reuelabitur in nobis; his in verbis, sine dubio sermonem facit Paulus de bonis operibus iustorum,*

ut à gratia procedentibus; agit enim de operibus illorum, qui sunt Filij Dei, & cohæredes Christi; de his operibus sentit Paulus, quod licet in se, & difficilia, & præclara sint; si tamen secundum suam intrinsecam dignitatem considerentur, sunt longè minora beatitudine ea, quam pro illis promisit nobis Deus. Ita explicant locum Pauli multi Sancti Patres; vnde Hieronimus super hunc locum pulchram adducit analogiam huius rei; inquit enim: sicut omnes operationes, & passionēs naturales, exigui sunt pretij, si ad vitam naturalem cōparentur: ita omnes operationes, & actiones Iustorum in hac vita deficiunt à dignitate, & præstantia vitæ futuræ. Chrysostomus Homilia 14. prædictū locum ad nostrum intentum explicat. Sanctus Fulgentius libro primo Admonitionum cap. 10. super hunc locum inquit: *Vitam æternam congruè vocari gratiam. Ratione reddit his verbis: Quia non solū donis suis Deus dona sua reddet, sed quia tantum illi gratiæ Diuina retributionis exuberat, ut incomparabiliter, aut ineffabiliter omne meritum, quantumvis bonum, & ex Deo datum humanæ voluntatis, atque operationis excedat.*

21 *Nostrū discursum* ciarius prosequitur idem Apostolus 2. Corinthiorum 4. nu. 17. *Quod momentaneum est, & leue tribulationis nostræ supra modum in sublimitate æternæ gloriæ pondus operatur in nobis.* Quibus in verbis faciens

ciens comparationem inter merita nostra, & præmium gloriæ conferendum, talem, asserit, esse distantiam, ut hoc sit excellentissimum, illud verò leue sit, & exigui ponderis respectu præmij. *Accedat illud cōmune Theologorum axioma, quo asseritur, Deum præmiare iustorum opera ultra condignum, malum verò punire citrà condignum;* quod proloquium fundatur tum in Sanctis Patribus, tum in Sacra Scriptura; hinc Matthæi 5. Dominus ait: *Gaudete, & exultate: quia merces vestra copiosa est in Cælis.* Tale sit argumētū: Deus præmiat bona supernaturalia iustorū (de his enim sine dubio loquitur axioma) ultra condignum; sed hoc non ita debet intelligi à Theologis, quòd Deus suo tempore conferat iustis maiorem gloriā, quàm pro illis promissit, & ordinavit; ergo debet intelligi secundum nostram sententiam, ita scilicet, quòd tunc Deus dicatur præmiare nostra bona opera ultra condignum, quia si opera atēdantur secundum intrinsecum valorem, quem habent ex tuis principiis respectu gloriæ, longo intervallo à gloria superantur.

Confirmatur hæc ratio ex proportionem inter præmium bonorum, & pœnam malorum; quia si mali considerent pœnas eis impositas ob mala perpetrata, invenient maiorem pœnam illis esse debitam, diminutam tamen fuisse ex benignitate Dei, & ita

eos puniri à Deo citrà condignum; sic iusti introspectiētes ipsorum bona opera comparata, ad æternam felicitatem, reddetur certi, felicitatem eis concessam longo intervallo excedere, bona opera, & sic Deum præmiare ultra condignum.

22. *Nostram propositionem ita impugnabis.* Meritum de condigno ex infra dicendis dicit obligationem iustitiæ: Sed iustitia petit æqualitatem inter datum, & acceptum: ergo opera iustorum debent dicere æqualitatem respectu præmij vitæ æternæ. *Respondetur primò,* inter meritū, & præmium vitæ æternæ vel servari iustitiam distributivam, vel commutativā. At si loquamur de distributiva, non requiritur, ut præmium dicatur deberi merito, quòd detur absolute, & simpliciter æqualitas inter meritū, & præmium; sed sufficit quòd detur æqualitas proportionalis, seu illius ordinis cum præmio, quidquid præmium excedat; unde supposita promissione, verè dicitur quis dignus eo præmio. Si autem loquamur de commutativa, hæc quidem, licet servetur inter Deum, & homines in retributione gloriæ; tamen certum est, non servari perfecte, & rigorosè: quoniam de ratione commutativæ iustitiæ est mutua datio, & acceptio æqualis cum mutua translatione dominij, ita ut res unius fiat alterius; quæ omnia in Deum cadere non possunt. Vn-

Vndè estò inter meritum nostrum, & præmium vitæ æternæ non detur æqualitas absoluta, seu arithmetica, quæ consistit in omnimoda æqualitate meriti ad præmium; datur tamen geometrica, seu proportionis, seu eiusdem ordinis, quod sufficit etiam, vt dicatur, accedere promissione secundum iustitiam commutatiuam, vitam æternam mereri: etenim homo restat, quod potest dare in ratione compensationis, & meriti etiam in illo ordine gratiæ pro vita æterna, ac proinde accedente pacto de tanta gloria, & mercede, seu ex obligatione iustitiæ, completur meritum ex iustitia, seu de condigno;

- 23 *Sit secunda responsio*, quod licet opera de se non dicant æqualem condignitatem respectu beatitudinis; tamen accedente promissione, pacto, seu ordinatione diuina, qua illa opera, voluit ordinare, vt merita propria respectu vitæ æternæ, talia opera iam obtinent æqualem valorem, & dignitatem cum premio vitæ æternæ, & non illam, quam petit vera, & propria iustitia commutatiua. Valorem operum crescere ex promissione, seu ex ordinatione Dei, patet argumento desumpto ab humanis ad diuina: quia valor rerum, & personarum crescit ex institutione Principis; nostris enim temporibus audimus, ex institutione Regis valorem monetæ crescere;

ac proinde ex sola institutione Principis plus valet modò moneta, quàm antea. *Hoc idem constat in personis*: nam si priuatus homo fieret autoritate Regis, supremi Tribunalis Regis, acus honorifici, quibus prius illum homines prosequerentur, iam non essent illi æquales; quinimò forent illi debiti multò præstantiores. Ita in casu nostro Deus Rex Regum, & Dominus dominantium, ex eo quod instituit, & ordinauit, vt opera iustorum tantum valeant, quantum ipsa gloria; iam opera nostra, & gloria æquiparantur,

- 24 *Replicabis*, quod si ex promissione, & pacto Dei opera de se non condigna, & æqualia, efficierentur æqualis dignitatis, ac proinde condignè meritoria, sequeretur, quod quotiescumque Deus promittit aliquid pro aliquo bono opere, illud opus foret meritorium de condigno tali remuneratione; hoc autem dicit nemo; multis enim operibus bona temporalia sunt promissa, quæ tamen minimè dicuntur condignè meritoria tali remuneratione: Eleemosynæ quippè, & alijs operibus peccatorum, promissa est remissio peccati, cum tamen talia opera non sint meritoria de condigno. Item Sanctis Patribus, præsertim Abrahamo volenti immolare filium suum, promissit Deus redemptorem Christum, vt patet Genesim 22. *per me metipsum iuravi, quia*

D d d d feci-

fecisti hanc rem. &c. Quod Paulus interpretatur de Christo ad *Galatas* 3. cū tamen aduentum Christi nec Patres antiqui, nec Abraham meruerint de condigno. *Respondetur*, duplex esse genus promissionis diuinæ. Altera est promissio, quæ solam dicit fidelitatem, & hæc non inmutat, nec auget æstimabilitatem operis, pro quo fit promissio. Altera promissio est, quæ habet vim legis tribuentis augmentum, & æstimationem operi. Primo genere promissionis promissa est remissio peccatorum actibus assignatis in obiectione. Secundo verò genere promissa est vita æterna operibus iustorum. Hoc duplex genus promissionis etiā reperitur in humanis: multoties enim Rex aliquid promittit pro aliquo opere sola promissione fidelitatis, quod postea non tribuitur ex iustitia, seu merito condigno. Aliquando autem institutione, & lege eleuante opus, & illud reddente condignæ æstimationis respectu remunerationis, ut cōtingit in exemplo monetæ, & alijs multis, ut quando proponit aliquid, ut brauium, vel stipendium.

25 *Petes: unde constet nobis hac distinctione promissionis?* Respondetur, quod ex Scriptura, Concilijs, & Patribus: eo enim ipso, quod Deus promiserit vitam æternā, ut brauium, coronam, stipendiū, & mercedem reddendam ex iustitia a iusto Iudice exercente,

officium iustitiæ, & eo quod illam proposuit, ut venalem pro operibus iustorum, clarissimum signum est, illam non esse simplicem promissionem, sed etiam tribuentem valorem operibus; quibus quasi emitur iustæ Regnum Cælorum. Remissio autē peccatorum non sic promissa est operibus bonis personæ peccatis, imò nec opera illa capacitatem habebant ad recipiendum talem valorem, erant enim opera hominis inimici. Vnde patet, quā sine fundamento dicat *Vasquez*, nos sine vlla ratione has duas distinguere promissiones; habemus enim expressē scripturam, Concilia, & Patres pro hac differentia. *Nec vrget*, quod infert *Vasquez*, immota omnino actione, & solo verbo Dei, non possē fieri maioris æstimationis. *Nam si Rex terrenus* suo solo verbo facit crescere monetam in suo valore, & personam vilem, constituit in gradu sublimi; quare idem nō poterit facere Deus?

26 *Replicabis*, si Deus decerneret, se in tuturum pœnam maiorem daturum, quā peccatū ex sua natura expostularet; non ex eo cresceret dignitas peccati respectu pœnæ; ergo neque ex promissione crescit dignitas ad præmium. *Respondetur*, quod ex cōminatione, quæ habet virtutem legis, & pœni antecedentis ad opus, benè potest crescere dignitas peccati respectu pœnæ; imò hoc de facto fuit in Adamo,

mo, in quo eius peccatum, si excludatur pactum, & lex de fundanda iustitia etiam posteris, illud peccatum soli Adamo nocere potuisset; postquam autem ex lege Dei constitutus est Adā caput morale; & pro se, & posteritate sua accepit legem, eique eodem modo promissio iustitiæ pro præmio, vel comminatio mortis pro pœna facta est: per peccatū meruit de cōdigno, nō solum sibi, sed etiā posteris pœnas omnes peccato originali coniunctas: quod etiam contingit in humanis; sicut enim potest Princeps augere dignitatem ad mercedem, sic ad pœnam, stabiliendo suam legem. Vtique verum est, quod, ut augeatur dignitas in opere, vel ad præmiū, vel ad pœnam, requiritur fundamentale aliquod, & proportio, ut non censetur irrationabiliter factum, hinc peccatum veniale minimè valeret fieri dignum pœna æterna: quia est inferioris ordinis.

- 27 *Accedat aliud argumentum*: secundum nos est constituta lex de danda gratia iustificante peccatori bene se disponenti ad illam; ergo gratia iustificans de lege deberetur, & correspondenter dispositioni peccatoris; igitur dispositio peccatoris non solum habet rationem meriti de congruo, sed etiam de condigno. Respondetur, quod gratia iustificans non ita de lege correspondet, & debetur dispositioni pec-

catoris, ut si de facto Deus non largiretur gratiam iustificantem peccatori disposito, & attrito, contra iustitiam faceret. Ratio est: quia fides, & opera peccatoris præcedentia iustificationem, non habent in se, nec ex natura rei, nec ex extrinseca ordinatione, & acceptione diuina valorem, & condignitatem respectu gratiæ iustificantis; sicut è contra opera iustorum ab extrinseca ordinatione diuina, & ex vi inhærentis charitatis habent talem valorem, & condignitatem respectu beatitudinis; ita ut si aliquis homo moreretur in gratia, iniustus esset Deus, (stante suo decreto) nisi exhiberet illi suam beatitudinem; licet à Deo sit constituta lex de semper, & infallibiliter danda gratia iustificante peccatori bene disposito; tamen lex illa data est à Deo ex sua liberalitate, & benignitate; ut inde peccatores de ipsorum iustificatione certitudinem habentes, facilius, avidiusque delectarentur peccata.

- 28 *Replicabis*, quod sicut lex de semper danda peccatori bene disposito gratia iustificante est à Deo ex sua mera benignitate constituta; sic etiam ex eadem benignitate, & favore beneuolò data est à Deo lex de infallibiliter cōferenda beatitudine homini decedenti in gratia; ergo attritio peccatoris, & actus meritorius personæ iustæ, erunt vni fornes quantum ad condigni-

tatem, vel non condignitatem. Tum quia ex eo quòd Deus constituit legem de semper danda, gratia iustificante peccatori disposito, contra suam legem, & decretum faceret, si defacto nò daret peccatori attrito gratiam iustificantem, & per consequens faceret contra iustitiam: quia iniustitia non potest attendi ex alio capite, nisi ex transgressione legis.

29 Respondetur, quòd licet utraque lex à Deo sit constituta ex sua mera liberalitate, & benignitate; tamen cum lege de exhibenda beatitudine morienti in gratia concurrat alia lex, & decretum diuinum, quo scilicet Deus decreuit, nostra esse merita, quæ sunt ipsius dona, vt inquit Concilium Tridentinum. Hinc clarè colligitur, quòd cum ex vl decreto, & ordinatione Diuina dona Dei sint nostra merita, scilicet, quòd cum opera ex charitate facta, & decreto Diuino sint de condigno meritoria, vitæ æternæ, & ex eodem decreto ita sunt nostra, ac si essent facta ex naturalibus nostris; iniustus vtique esset Deus, si non exhiberet beatitudinem decedenti in gratia. Opera tamen præcedentia iustificationem, nò habent ex decreto Diuino, quòd sint nostra merita; idèò, si per impossibile Deus defacto nò daret gratiam iustificantem peccatori attrito, nullam faceret ipsi iniustitiam. *Ad aliud respon-*

detur, quòd si Deus per impossibile non daret gratiam iustificantem peccatori attrito, esset vtique transgressor sui decreti, scilicet non exequeretur, quòd decreuit; sed ex tali transgressione, vel non executione sui decreti, nulla foret in Deo iniustitia: quippè opera nostra præcedentia iustificationem, quantumcumque procedant ex impulsu Spiritus Sancti, non sunt ordinata à Deo, vt sint propria peccatoris merita respectu gratiæ iustificantis, scilicet non sunt ordinata à Deo, vt ab ipso debeant acceptari, tanquam peccatoris merita, respectu gratiæ iustificantis. Benè tamen deberet tunc admitti mutatio in Deo, cum executioni non mandaret suum decretum. Deus igitur defacto non dādo peccatori attrito gratiam iustificantem, nulla esset iniustitia notandus.

30 Dices: opera præcedentia iustificationem sunt ex impulsu Spiritus sancti: ergo non potest Deus non acceptare illa. Huic difficultati iam fuit satisfactum. *Ad abundantiorē doctrinam*, nego consequentiam, & ratio est: quia quamquàm ex eo, quòd peccator non possit ex naturalibus suis disponi, & præparari ad gratiam iustificantem, indigeat præueniri impulsu Spiritus sancti excitantis, & mouentis illum ad conuersionem in Deum; tamen ex vi illius impulsus, opera præcedentia iustificationem, non ha-

habent; ut sint propria merita peccatoris attriti: quia ex vi illius impulsus non habetur, Deū decreuisse, ut merita ipsius peccatoris forent propria ipsius merita: *Hinc collige breuiter*, in quo differant meritum de condigno, & de congruo, & dic, quod meritum de condigno includit duplicem habitudinem; vnam ad benignitatem, & liberalitatem diuinam, quatenus ex Dei gratuita ordinatione habet opera iustorum, ut includant condi-

gnitatem, & valorem: Alteram ad aliud decretum diuinum, quo Deus benignissime decreuit, ut opera ex charitate facta, ut nostra sunt, includerent condignitatem. Meritum verò de congruo vnam tantum includit habitudinē ad Dei benignitatem; ex qua voluit, & decreuit, semper, & infallibiliter acceptare dispositiones, & præparationes ad gratiam iustificancem. *Sed de hac re infra.*

PROPOSITIO TERTIA.

Meritum formaliter sumptum, ut fundat condignitatem, seu ius, & debitum præmij, dicit necessarium particularem Dei acceptationem.

31 **P**robatur ex locis supracitatis Scoti. Meritum de condigno non solum dicit respectum ad mercedem, sed etiam ad personam præmiantem: ad mercedem, ut debitam; ad personam verò præmiantem, ut debitoricem: sed Deus non potest esse debitor tribuente mercedem pro aliquo opere creato, nisi interueniente eius promissione, seu pacto; ergo condignum meritum apud Deum, præter dignitatem operis, necessarium requirit pactum, seu promissionem Dei. Maior patet ex definitione meriti de condigno; nec vilis est author,

qui neget, de ratione meriti esse constituere debitorem illum, in cuius obsequium fit: nam esset contra illud Pauli ad Romanos 4. n. 4. *Ei autem, qui operatur, merces, non imputatur secundum gratiam, sed secundum debitum;* unde Augustinus super Psalmum 87. in fine tractando verba Pauli: *Quam reddet mihi Dominus in illa die iustus index;* sic ait: *Indulgentiam donabit: coronam reddet donator est indulgentia, debitor corona.* Libro de gratia cap. 23. affirmat, *ideo pugnare gratiam esse ex merito; quia si gratia est, non ex debito est.* Minor de se clara est:

re-

repugnat enim oppositum eius summo, & absoluto dominio, quod habet Deus in nos, & in quasquēque operationes nostras. Colligitur etiam ex illis verbis Christi Matthæi 20. *nonne ex denario conuenisti mecum; tolle quod tuum est, & uade; ubi totam rationem æquitatis, & iustitiæ inter laborem, & mercedem posuit Christus Dominus in conuentione, quæ idem est, ac pactum, seu promissio sub conditione laboris; & expressè habetur apud Augustinum: nam sermone 16. de uerbis Apostoli, de Deo loquens, ita ait: Deus debitor factus est, non aliquid à nobis accipiendo, sed aliquid, quod ei placuit, promittendo; & in enarratione in Psalmum 109. Fidelis Deus, qui se nostrum debitorem fecit, non aliquid à nobis accipiendo, sed multa nobis promittendo.*

- 32 *Secunda probatio: opera meritoria habentur dependenter ab ope ipsius Dei: ergo si non accedat ordinatio, & promissio Dei, minimè inducent nostra merita obligationem in Deo, ut teneatur ad dandum præmium. Item: opera meritoria sunt debita Deo varijs titulis. uerbi gratia, ratione supremi dominij, ultimi finis, &c. ergo non possunt de se obligare Deum. Item. Opera meritoria debentur Deo titulo gratitudinis: ergo non possunt ex natura rei obligare Deum. Antecedēs patet: nam tenemur Deo gratias agere, pro donis acceptis.*

*Accedat tertia probatio. Opera Christi fuerunt defactio meritoria promissionis benefactorum pro hominibus, & non pro Angelis; nec potest assignari ratio, cur defactio Christus non satisfecerit pro peccatis Angelorū, nisi, quia ibi non adfuit acceptatio, seu promissio Dei; ergo præter dignitatem operis, ad completam rationem meriti requiritur acceptatio, & promissio Dei. Dices, Christum non meruisse Angelis remissionem peccatorum, quia non obtulit pro illis sua opera, sed potius illos exclusit. Contrā: quia licet hæc sit ratio proxima, tamen non excludit remotam, quæ alia esse nequit, quàm acceptatio, seu ordinatio Dei: nam si quis iterum ab illis authoribus petat: cur Christus sua opera non obtulit pro remissione peccatorum Angelorū, supposito, quòd potuit? necessarium est, ut respondeant: quia Christi voluntas in omnibus est conformis voluntati Dei, & Deus opera Christi in sua æternitate non acceptauerat pro remissione peccatorum Angelorum. Item Probatum nostra propositio ex uulgari illa sententia: *Tanta est misericordia Dei, ut nostra uoluerit esse merita, quæ sunt sua dona.* Hanc sententiam habet Tridentinum sessione 6. cap. 17. Cælestinus Epistola prima cap. 12. & Augustinus cap. 105. ergo ex misericordia Dei oritur, ut opera nostra, quæ sunt sua dona,*

donā, sint meritoria vitæ æternæ, & consequenter non obligant ipsum, nisi, quia ipse acceptat, & vult.

- 33 *Dices*, si Petrus daret Paulo equum, & Paulus deberet Petro decem scuta; posset Paulus satisfacere Petro absque vlla acceptatione, aut pacto, reddendo ipsi eundem equum, vel decem scuta ex eius pretio, nec Petrus posset non acceptare: ergo potest fieri satisfactio alicui (idem est de merito) ex ipsius bono. *Respondetur*, distinguendo consequens; alicui, cui ex pleno, & vniuersalissimo dominio omnium rerum, non deberentur omnia, multis alijs titulis; concedo consequentiam; alicui, cui sic deberentur omnia, cuiusmodi est Deus, à cuius dominio, eo quod sit perfectissimum, & vniuersalissimum, nulla creatura eximi posset: nego consequentiam, & nego, inter ipsas etiam creaturas idem esse quoad hoc de merito, & satisfactione; nam Paulus, licet posset tunc satisfacere sine vllō pacto, aut acceptatione antecedenti: quia satisfactio solum requiritur, vt restituatur tantum, quantum debetur, tamen non posset mereri aliquid à Petro, nisi accedente acceptatione ipsius Petri.

- 34 *Item* ex Tridentino loco citato: bene operantibus vsque in finem, & in Deo sperantibus, proponenda est vita æterna, & tanquam gratia filijs Dei per Iesum

Christum misericorditer promissa, & tanquam merces ex ipsius Dei promissione, bonis operibus ipsorum, & meritis, fideliter reddenda: ergo opera nostra, quæ merita nostra, vitæ æternæ dicunt promissionem, & misericordiam Dei, consequenter non sunt de se talia formaliter, seclusa Dei misericordia, & promissione. *Item* Concilium Senonense asserit, iustitiam meritorum nostrorum non fundari in absoluta dignitate nostrorum operum, sed magis in liberali, & gratuita promissione Dei, quæ conuentione facta, conduxit operarios. *Item* Augustinus sermone 16. de verbis Apostolorum, loquens de Deo, dicit: debitor factus est, non aliquid à nobis accipiendo, sed aliquid, quod placuit, promittendo: aliter enim dicimus homini, debes mihi, quod dedi tibi, & aliter dicimus Deo: debes mihi, quod promisisti mihi: ergo Deus non deberet nobis aliquid, nisi primò promississet. *Item*: opera iustorum non habent ex se conditionem, valorem, seu perfectionem æqualem cum gloria, vt vidimus propositione antecedenti; ergo ex se non possumus completè habere ius meriti, & iustitiæ respectu gloriæ, nisi adit promissio Dei. *Item*: quoniam, etiam adiones elicite in patria extra præsentem statum, vt quas eliciunt existentes in Purgatorio, & Enoch, & Elias, sint

cx

ex se condignæ; tamen ob nullam aliam rationem, non sunt formaliter meritoria; nisi quia non adest diuina promissio, & ordinatio illarum ad præmium, in qua formaliter fundatur ratio iuris, & iustitiæ, in quo consistit formalis ratio meriti de condigno. *Ad pleniorē intelligentiam* moneo, per hanc Dei promissionem, quam, dicimus, esse necessariam, & complere rationem meriti, non intelligi ipsam promissionem, quæ est formaliter de præmio dando: quia ita non haberetur sufficiens ratio distinguendi meritum de condigno à merito de congruo: nam huic etiam aliquando est coniuncta promissio; sed aliam distinctam, & coincidentem cum acceptatione particulari Dei, à qua accipit opus esse meritorium de condigno.

- 35 *Nostra dicta impugnabis. Primum:* si ius ad præmium in nostris meritis fundaretur in acceptatione diuina; non referret siue opus esset perfectum, siue imperfectum; nec quis per opera perfectiora magis mereretur, quam alius per opera minùs perfecta, quod dicit nemo. *Urgeo argumentum;* sequeretur, quod ubicumque interuenit promissio Dei cum conditione operis boni, illud opus esset meritum de condigno, quod tamen est falsum, ut patet de promissione veniæ peccatorum factæ, elemosinæ, orationi, contritioni, con-

donationi iniuriarum, & multis alijs, &c: *Deinde* ipsis operibus iultorum sæpè fit promissio alicuius rei, respectu cuius non sunt merita de condigno, ut patet de promissione facta Abrahæ, quod ex semine eius foret Christus propter obedientiam, quam voluit immolare filium ex mandato Dei, & ex promissione, quam Christus promisit Patribus Sanctis; cum tamen nec Abraham, nec Patres fuerint meriti de condigno.

- 36 *Respondetur primum,* negando sequelam maioris pro vtraque parte. Ratio primæ partis, patet ex dictis: nam si Deus nequeat acceptare opus indifferens; multò minùs post acceptare opus imperfectum (loquendo de imperfectione positicia) nam si sermonem facimus de imperfectione negatiua, quæ est tantum negatio maioris perfectionis, quæ reperitur in altero opere, ad quod cõparatur opus, quod dicitur sic imperfectum; eadem est ratio vtriusque partis sequelæ maioris; *Unde ad secundam dico,* pactum, & acceptationem diuinam interuenire cum conditione operis boni, & supponere eius honestatem, ac valorem fundamentalem, & illis commensurari; ita ut opus perfectius, proportionaliter ad suam perfectionem, ordinetur ad perfectius præmium, quamuis nullum alioquin præmium mereretur, nisi accederet ista acceptatio.

tio. Ex hoc succedat secunda responsio. Distinguo sequelam maioris, si ius meriti ad præmium fundetur in ratione solius acceptationis sine ulla proportionem ad opus, concedo; si non fundetur in sola ipsa acceptatione, nisi cum proportionem ad opus, & conditionem ipsius operis; nego sequelam: unde opus crescit tam in valore formali, quam fundametal.

- 37 *Ad confirmationem dicimus*, habere difficultatem tantum in sententia eorum, qui non requirunt ullam promissionem, vel acceptationem moraliter dignificationem opus distinctam à promissione, quæ est formaliter de ipso præmio dando. Hanc difficultatem non habet in sententia nostra: quia concedimus, illam acceptationem distinctam à promissione præmij esse necessariam ad meritum de condigno; & ex defectu huius conditionis, seu acceptationis particularis, dicimus, iustos non mereri de condigno sibi ipsis, nec alijs auxiliis alia, nec plura alia dona tam spiritualia, quam temporalia, quæ sepius sibi, & alijs impetrant, licet opera ipsorum habeant coniunctam promissionem talium bonorum: nulla est enim ratio, cur iusti, mediantibus suis operibus, aliquando impetrent talia dona, & aliquando non, nisi, quia Deus promittit, & vult aliquando concurrere, & aliquando non. Et quamvis contritio

habeat virtualiter coniunctam promissionem remissionis peccati, tamen non est meritum de condigno: quia adiunctam non habet, saltem de facto, hanc particularem Dei acceptationem; gratis enim iustificamur ex Apostolo: quia docet Tridentinum: *Nil eorum, quæ iustificationem præcedunt, ipsam iustificationis gratiam promeretur*, scilicet de condigno; sed tantum impetratoriæ, & dispositivæ, vel de congruo; peccatores enim non merentur, ut exaudiantur: quia sunt inimici; Deus tamen ex sua liberalitate; & misericordia conversioni ipsorum promittit veniam. Unde licet sit obligatus obligatione etiam distincta ab illa, quæ oritur ex pura fidelitate ad remittendum peccatum, supposita conditione operis, quia est obligatio cum conditione operis onerosi; tamen non obligatur ex iustitia, sicut obligatur ad præmiandum opera iustorum, quibus secundum Scripturam, & Tridentinum proponitur vita æterna, ut merces, & præmium à iusto iudice reddendum. *Constat ergo ex Tridentino*, esse maximam differentiam inter opera iustorum, & peccatorum in ordine ad obligationem præmij conferendi, quantumvis utrisque operibus annexa sit promissio præmij; hæc vero diversitas oritur ex eo, quod opera iustorum acceptentur, & dignificentur ad acceptationem ex ordinatione iam supra explicata:

Eccce

cata:

cata : Opera verò peccatorum non acceptantur ut sic, nec fortè acceptari possunt, quia status peccatoris impedit, quominus Deus possit ipsi obligari ex iustitia, aut alio modo, quàm ex sua volitione. Legantur, quæ dixi propositione antecedenti in fine. *Oppones nobis, Hæreticos, quos damnat Tridentinum sessione 6: can 6. admittere opera meritoria vitæ æternæ ex sola promissione Dei. Respondetur*, sensum Hæreticorum longè differre à sensu Scholasticorum; Hæretici enim negant valorem fundamentale in operibus: quia licet admittat, alia esse bona ex obiecto; dicunt tamen, semper vitiari ex circumstantia aliqua prava. Hoc damnauit Tridentinum.

38. *Secundum argumentum*. Sicut opus bonum se habet ad præmium, ita peccatum ad pœnam: sed ante omnem acceptationem, & ordinationem Dei est in peccato debitum pœnæ de condigno ex natura rei: ergò in opere bono est debitum præmij ante acceptationem. Minor probatur: quia, si Deus comminaretur pœnam æternam ob peccatum veniale, non ideo illud esset dignum tali pœnâ; ergò de se peccatum est dignum, non ex Dei ordinatione. *Respondetur primò*, negando maiorem, quia per opus bonum obligatur Deus creaturæ, Deus autem obligari nequit, nisi ex sua ordinatione, & voluntate; è contra res se habet

in opere malo: peccator enim fit debitor Deo, cui rigorosè obligari potest de iustitia ex natura rei, seclusa omni acceptatione particulari Dei distincta à prohibitione, vel præcepto, siue naturali, siue positivo obligante ad faciendum, vel non faciendum.

Respondetur secundò, distinguendo minorem, si loquamur de condignitate formali, quæ culpa ordinatur actui ad pœnam in specie, vel de obiecto obligante ad talem pœnam infligendam propter peccatum, nego minorem; hæc enim obligatio confurgit tantum ex lege, & voluntate Dei; hinc namque oritur, quòd peccata viatoris tantum puniantur, peccata autem damnatorum non puniantur. Si verò loquamur de fundamentali condignitate, considerato ordine iustitiæ, concedo minorem, & eodem sensu consequentia est vera: quia bonum opus habet independentem ab acceptatione fundamentalem condignitatem ad præmiu, quæ abusive condignitas dicitur: quia condignitas includit ius ad præmium; hoc autem ius non habetur, nisi dependentem ab acceptatione, & ordinatione Dei; licet enim ex natura ipsius rei sit congruitas, ut opera mala puniantur, & præmientur bona; nil tamen necessitat Deum, ut ita faciat independentem à sua ordinatione. *Ex his patet ad probationem minoris*, quia requiritur proportio in opere ad pœnam, &

præ-

præmium. Vnde peccatum veniale nequit puniri vica æterna, quia est peccatum leue, & Deus citrà condignum punit, licet vltra condignum præmier. Si tamen Deus prohiberet sub pænæ æternæ illud, quod de facto tantum est peccatum veniale; hoc ipso redderetur materia grauis, & transgrediens peccaret mortaliter.

- 39 *Aduertendum tamē hic est:* quod peccatum dicitur esse condignum, vel habere debitum pænæ independenter ab ordinatione illius, qui debet punire, & meritum habere condignitatem, & debitum præmij; maximam esse disparitatem inter vtranque condignitatem, vel debitum: nam condignitas peccati consistit in hoc, quod habens potestatem puniendi peccantem, possit ipsum iuste, & sine vlla iniustitia punire, siue teneatur ad hoc, siue non. Condignitas verò meriti de condigno non consistit in eo, quod tale meritum possit premiari: nam meritum etiam de congruo potest premiari; sed consistit in eo, quod debeat ex iustitia premiari; seu quod inducat obligationem, & debitum iustitiæ respectu præmij; itaut præmiū debeat ex iustitia meriti; talis aut obligatio nequit esse ex parte præmiantis independenter à sua voluntate, & acceptatione. Vnde tamen peccator possit puniri secundum iustitiā, & sine iniuria pænæ peccato pro-

portionata indepēdēter ab omni ordinatione particulari antecedente ipsam culpam; tamen, nullus tenetur ex iustitia præmiare opera bona alterius, nisi ex parte eius præcedat pactum, & acceptatio talium operum.

Hæc doctrina posset tertio responderi ad obiectionem, negando maiorem, & assignando disparitatem; quod scilicet condignitas meriti inferat obligationem iustitiæ ex parte præmiantis; ad condignitatem verò peccati sufficere, quod possit sine iniustitia puniri.

- 40 *Succedat tertium argumentum.*

Infantes baptizati habent ius ad vitam æternam: Sed hoc ius non fundatur in acceptatione diuinæ ergo acceptatio diuina non requiritur, ut iusti mereantur vitam æternam. *Respondetur, distinguendo maiorem:* habent ius fundatum in gratia sanctificante ex meritis Christi, qui meruit nobis ipsam gratiam, & vitam æternam (accedente tamen acceptatione) concedo maiorem; fundatum in meritis proprijs; nego maiorem: distinguo similiter minorem; & nego consequentiam; aliud enim est, quod vita æterna debeat gratis iusto ratione gratiæ, & meritorum Christi; aliud verò, quod debeat ipsi, ut corona, merces, & præmium meritorum propriorum.

- 41 *Quartum argumentum;* si requireretur promissio, seu pactum ad meritum vitæ æternæ, sequeretur,

E c c c 2 retur,

retur, multos iustos per bona opera non meruisse vitam æternam. Sequela patet: quia pactum, ut inducat obligationem iustitiae, debet esse notum, & acceptatum ab eo, cui aliquid ex iustitia tribuendum est: alioquin liber maneret ab obligatione, qui aliquid promissit. *Confirmatur*: quia potest quis non scire tale pactum, talēque ordinationem Dei; *Respondetur*, non esse necessarium, ut singuli iusti in particulari cognoverint, & acceptauerint explicitē promissionem; sed sufficit, acceptatam fuisse ab Ecclesia medijs aliquibus, qui semper habuerunt notitiam huius promissionis; isti autem ab eo acceperunt potestatem, ut nomine Ecclesiae, quatenus continet omnes fideles, acceptarent pactum, & promissionem; hoc sapientius prae manibus habetur in humanis: sufficit enim, quod Rex publico nomine omnium civium acceptet aliquid medijs Senatoribus, ut omnes acquirant ius ad rem promissam, reliqui autem, sufficit, quod referantur ad contractum cum prioribus. *Et ita esse pactum in re nostra*, dicat ratio providentiae divinae, qua Deus gubernat Ecclesiam, & quia, alias promissio foret otiosa, nisi ab aliquibus acceptaretur. *Adde*: quod pactum, seu promissionem videtur insinuare parabola patrisfamilias secundum illud: *Itē & vos in vineam meam, & quod iustum fuerit, dabo vobis, &c.* His

in verbis non fuit facta expressa conventio de diurno denario cum omnibus, sicut cum prioribus, sed virtualis solum, qua tenebatur solvere etiam posterioribus ex iustitia, servata proportionē temporis, & laboris. Pactum hoc conditum esse, patet ex illa vulgata sententia: *Si vis ad vitam ingredi, serva mandata.* Rem declaro: Si quis publicaret edictum, quod quicumque laboraret in vinea sua, pro labore diurno reciperet tantam pecuniam; Certē absque alijs verbis, vel pactis, qui laboraret in vinea, de facto assentiret illi petitioni, & ex iustitia fieret creditor pro suo labore. Ita in proposito: Deus publicavit legem; qui praecepta servaverit cum gratia, habebit vitam æternam; ergo cum homines se applicant ad illa opera, cum auxilio Dei, consentiunt pacto, & fit contractus, ex quo oritur obligatio in Deo ad remunerandum. *Hinc fit satis his*, quae contra nos adducit *Pater Vastquez*, quod nimirum multi sint meriti, qui explicitē non cognoverunt promissionē praeij; sufficit enim, quod fuerit acceptata ab Ecclesia; quod etiam sufficit, ut omnes mereamur augmentum gratiae, imò & reuiuiscentiā meritorum mortificatorum.

42 *Quintum argumentum.* Si quis videat hominem laborantē in sua vinea, & laborem approbet, vel iubeat, illū laborare; tenetur Dominus vineae ex iustitia solvere mer-

mercedem, quamvis expressam conuentionem cum ipso non habuerit; cum ergo Deus videat iustos in ipsius vinea laborantes, & non solum non resistat, quinimò etiam laudet, consiliū præbeat, & interdum recipiat laborem, eo ipso tenebitur ex iustitia id compensare; ac proinde absque cōuentione, & pacto, iusti merentur præmium. *Confirmatur*, quia in puris naturalibus absque vlla promissione merentur omnes præmium naturale; ergo & supernaturale.

Respondetur, hoc argumentum confirmare sententiam nostram: nam in humanis nunquam est obligatio ex iustitia, nisi sit pactum explicitum, aut implicitum; ergo non erit in Deo obligatio iustitiæ sine pacto. *Declaratur exemplo*. Quoniam si Dominus vineæ videat aliquem laborantem, qui nec illius seruus, nec filius sit, aut taliter obligatus, & tunc laborantem suadeat, aut præcipiat, eo ipso intelligitur fecisse pactum cum illo de retributione mercedis; æquiualeat enim hoc pacto explicito: nam apud homines satis constat, non solum exhiberi gratis huiusmodi obsequia; si autem qui laborat, sit seruus, aut filius Domini vineæ; quantumvis Dominus videat, suadeat, & præcipiat; tamen nemo prudens iudicabit, manere obligatum ex iustitia ad retributionem mercedis; eo quod iure filiationis, aut

seruitutis ille tenetur præstare illud obsequium, & Dominus; seu pater habet ius, & pactum filiorum, & seruorum operibus in his, quæ non excedunt paternam potestatem, & dominium, nisi faciat pactum de præmio, quo censetur cedere iuri suo. *Ad propositum*, cum Deus sit Pater, & Dominus omnium, & iusti omnia opera bona debeant Deo, ut optimo parenti, & Domino, quamvis eos Deus videat laborantes, licet consulat, & præcipiat bona opera; non statim censetur fecisse pactum de retribuenda mercede, sed alijs titulis ea opera acceptare potest; ergo nisi Deus iustis promittat ob bona illorum merita præmium; nullo modo ex iustitia eam conferre tenebitur. *Secundò respondetur potest*, quod gratis concessio in merito, quo homo de homine meretur, nullum pactum esse necessarium; tamen respectu Dei maxima disparitas est: homo enim homini potest sola iuris, & obsequij efficacia induere verum debitum, & obligationem retributionis; Deo autem minime, nisi ipse sua promissione, voluerit se obligare. *Ad confirmationem dico*, quod homo in puris naturalibus per bona opera sine pacto non mereretur propriè præmium naturale, taliter quod ibi interesset ratio iustitiæ. Haberetur ergo tantum tunc ratio communis providentiæ.

43. *Sextum argumentum.* Sola gratia sufficit ad hoc, ut actus sit meritorius; ergo non est necessaria acceptatio Dei. Antecedens probatur: filio naturali, & legitimo, nec demerenti, ipso iure debetur hereditas, nec ea potest priuari sine iniustitia: sed gratia constituit filios Dei: ergo actus elicited ex gratia est de se meritorius. Maior probatur ex illo ad Romanos 8. *Si filios, & heredes. Respondetur primò* (quid quid sit de filiatione naturali) non urgere de filiatione adoptiva habita per gratiam. *Secundò dico*, qualitatem gratiæ non facere filium adoptivum ex propria natura, sed ex beneplacito Dei. *Tertiò dico*, quòd ultra statum gratiæ requiritur acceptatio Dei, qua nostra merita eleventur ad valorem correspondentem præmio; nam (ut aliàs dixi) opera nostra elicited ex inclinatione charitatis non habent sufficientem valorem, &c. non sunt condignæ passionibus huius temporis ad futuram gloriam. *Item* requiritur acceptatio, qua

Deus velit, quòd illa opera, quæ multis titulis erant Dei, sint nostra. *Item* requiritur, quòd Deus sua promissione se obliget ad acceptanda illa opera, & illorum intuitu det nobis gloriam.

Dices: indè sequitur, quòd Christus deberet orare Patrem non solum, ut nobis conferat gratiam ad bene operandum, sed ulterius deberet orare, ut nostra acceptet opera. *Respondetur*. Argumentum supponere falsum, videlicet, quòd post factam operationem ex inclinatione charitatis, Deus se obliget ad ea acceptanda. Dico ergo, quòd obligatio acceptationis non est in tempore, sed ab æterno. Quò sit, ut, cum statim ac Deus vult dare gratiam, velit etiam se obligare ad acceptanda illa opera: sufficit, inquam, quòd rogetur Deus ad dandam gratiam: etenim statim intelligitur obligatus ad acceptanda nostra merita. *His præmissis de merito, sit*

PROPOSITIO QVARTA:

Operationes Christi Domini habuerunt veram, & propriam rationem meriti.

44. **E**st communis Theologorum, & patet ex Scriptu-

ra, & Patribus dicentibus, Christum satisfecisse pro nobis: remitte

misſe nos in ſanguine ſuo, & liberaſſe nos à peccatis noſtris; quæ omnia indicant, opera Chriſti fuiſſe meritoria. *Tridentinum ſeſſione 6. cap. 6. dixit*, Chriſtum eſſe cauſam meritoriam, noſtræ iuſtificationis, & meruiſſe nobis iuſtificationem. *Fauet ratio*: quia nil deſuit operibus Chriſti neceſſarium ad veram, & propriam rationem meriti: erant enim actus honeſti, procedentes à gratia, & à perſona Deo ſummè grata: erant liberi: referebantur ad præmiũ: propterea enim venit, & actus bonos elicit, vt nos à peccatis redimeret, & Cælum nobis aperiret; erat illis facta promiſſio Iſaïæ 53. n. 10. *Si poſuerit pro peccato animam ſuam; videbit ſemen longæuum*. Ex quo loco Doctores colligunt pactum inter Chriſtum, & Patrem.

- 45 *Dices primò*, Chriſtum fuiſſe comprehenſorem; ſtatim verò viatoris eſſe neceſſarium ad meritum: vnde extra meritum ſunt; qui iam beatitudine cœleſti gaudent: dicunturquè comprehenſores, qui vltrà nil merentur, quantumvis benè operentur, vel circa Deum, vel circa nos propter Deum; quia mercedem à Deo receperunt, quæ vltrà condignum eſt talis, ac tanta, vt ex recepta mercede, teneantur ea omnia bona facere, quæ faciunt. Vnde *Scotus in 2. diſt. 5. quæſt. 1. docet*, quòd Angeli per obſequia hominibus præſtita nil ſibi

merentur: quia ea opera ſunt redundantia ex perfectione beatitudinis, & non ſunt ordinata ad vltiorem perfectionem, ſicut eſt de actibus generatis ab habitu perfectò, qui actus non intendunt habitum, cùm iſte iam ſit perfectiſſimus, ſed tantum procedunt ex plena perfectione ipſius habitus; & in 3. diſt. 18. dicit, quòd Angeli, & Beati, licèt habeant operationes circa nos, non merentur per illas: quia ſunt actus incluſi in beatitudine illorum, & ex illius plenitudine, & collatione obligantur nobis à Deo. In inferno exiſtentes, nec nõ in puerorum Limbo ſunt extra ſtatim merendi: quia non ſolum carent gratia iuſtificante, ſed etiam habere eam non poſſunt ex decreto Diuinæ iuſtitie; cùm tamen gratia neceſſaria ſit ad meritum. In Purgatorio exiſtentes, quamvis ſint in ſtatu ſatisfaciendi, non tamen ſunt in ſtatu merendi; non quòd minimè operentur bonum, quia non ſint in gratia; ſed quia decreuit Deus, opera animæ extra corpus exiſtentis non acceptare ad remiſſionem: ſi enim anima in Purgatorio exiſtens mereri poſſet, fieret, vt quæ ad plures annos in Purgatorio maneret, plura quoque haberet merita; hinc iniuria fieret ei, ſi quis Deũ rogaret pro illius liberatione, & ſi in æternum manere poſſet in Purgatorio, poſſet merita habere, quaſi infinita. Soli homines

in hoc mundo existentes, qui viatores dicuntur, sunt in statu merendi, & si cum gratia iustificante operantur, defacto merentur. Illi autem soli dicuntur meriti capaces, qui non sunt in termino, & decrevit Deus eorum acceptare operationes, siue sint ex præcepto, siue ex diuino consilio omnibus factæ, aut alicui personæ per internam monitionem, & quasi propria intentione operantis. Isto sensu intelligenda sunt verba Isaïæ 3. n. 10. *Dicite iusto, quoniam bene, quoniam fructum adinventionem suarum comedet.* Cum ergo Christus fuerit comprehensor, videtur, minimè potuisse habere, actionem meritoriam.

46 *Vt respondeamus*; nostrum est inquirere, quomodo conditio cōprehensoris prohibuerit meritum. *Nota.* Christus, quātumuis comprehensor esset; tria tamen in se habebat, quorū quodlibet per se sufficeret, vt verè mereri posset: nam volūtas sua, quatenus est voluntas sensualitatis, non erat completè beata, vt colligitur ex doloribus, quos patiebatur, qui, cū repugnarent appetitui sensitui, & eas placato animo ferebat Christus, referebatquē in Dei gloriam: tot erant actus meritorij, quot erant actus repugnantes affectui commodi, acceptati nihilominus ex affectu iustitiæ. Hinc vigilia, pernoctatio in oratione, esuries, lassitudo, & alia id ge-

nus opera fuisse in Christo meritoria. *Est alter secundus modus*, quo monemur, Christum secundū portionem inferiorem non fuisse completè beatum, vt colligetur ex tristitia eius, quæ ex multiplici capite oriebatur, scilicet Matris afflictione, Apostolorum dispersione, Petri negatione, Iudæ desperatione; hæc, & alia similia, cū displicerent affectui commodi, & ea propter Deum suscipiebat ex affectu iustitiæ, erant opera in Christo meritoria. *Tertius superest modus*, qui immediatus attingit voluntatem Christi secundū partem superiorem, secundū quā verè beatus erat. Dictum sanè est, comprehensoris statum pugnare cū statu merendi; sed quis nesciat, nullam esse regulam tam generalem, quæ suam non patiatur exceptionem? Alij comprehensores, quia omnimodam mercedem, & beatitudinem perceperunt; mirum non est, si apud Deum eorum opera non sint meritoria; sed Christus, quantumvis beatus, non habebat omnimodam gloriam in anima, & corpore; idcirco hæc peculiaris ratio facit, vt Christus etiam secundū portionem superiorem posset mereri. Idiplum probat Christi dignitas cum summa humilitate coniuncta: *Est argumentum Diui Pauli ad Philipenses tertio*: cū in forma Dei esset, non rapinam arbitratratus est, esse se æqualem Deo, & sed

sed exinanivit semetipsum, &c. Quæ verba docent, conuenisse Christo statum comprehensoris, & viatoris taliter, vt vnus alteri damnum non inferret, & esset propterea peculiare priuilegiũ Christo, posse mereri, etsi beatus esset. *Adde:* conditionem viatoris (scilicet eius, qui adhuc est in via, & vltius tendit) requiri ad rationem meriti tantum de lege ordinaria: posset enim Deus, si vellent, acceptare opera beatorum, tanquàm meritoria de condigno; nam earum valor augetur potius ex perfectione status, & mediorum operandi, quàm minuitur: vnde licet dispensatum fuit Christo in multis alijs quoad legem ordinariam, poterat etiam cum ipso dispensare Deus, quoad statum merendi. *Adde,* Christum fuisse viatorem vsq; ad mortem: quia nõ fuit perfectè in termino, cum non habuerit gloriam corporis, nisi post resurrectionem, vel passionem.

- 47 *Dices:* Christus non potuit peccare: ergo nec mereri; consequentia patet à paritate. *Respondetur* negando consequentiam, & paritatem: quia licet visio beatifica excludat ab eo, in quo est, potestatem se auertendi positivè à fine vltimo: non necessitat tamen ipsum physicè ad prosecutionem finis, nec ad voluntaria propter finem. Et hoc maximè verum est, si non obstante visione, aliquis sit adhuc

viator, qui possit pati, & cui possit accidere aliquid contra affectionem commodi; nam tunc posset illud ordinatè velle, & acceptare, atque adeò meretur. Nos etiam, qui cum Scotto tenemus, beatīs minimè cōpetere ex intrinseca ratione beatitudinis, non posse à dilectione Dei clarè visi cessare, sed hoc solum illis conuenire ex manutentionia Dei, qualis est continuatio auxiliorum efficacium ad non cessandum, & consequenter dilectionem, qua vult Deum, clarè visum, esse simpliciter liberam, saltem quoad exercitium, licet defacto nunquàm ab illa cessent propter illam manutentionem, seu continuationem, auxiliorum efficacium: consequenter possumus dicere id, quod approbat Scotus in 3. dist. 18. *quæ vnica littera D. versiculo ad tertium cum dicitur, &c.* scilicet Christum meruisse per actum beatificum dilectionis Dei clarè visi, nec illi actui defecisse libertatē ad meritum necessariā: quia manutentionia Dei, seu auxilia efficaciam, compatiuntur cum libertate. Hinc in via Scoti, qui tenet humanitatem Christi ex vi vnionis non fuisse formaliter impeccabilem, sed hoc ei competere ratione dilectionis Dei beatificæ; & cum in eadem via Scoti dilectio Dei clarè visi sit simpliciter libera quoad exercitium, & possit Beatus simpliciter ab illa cessare, quanquàm defacto

id nūquam eueniat propter impotentiam moralem ex manutentionia Dei, scđ (quod idem est) ex continuatione auxiliorum efficacium; consequenter dicendum est secundum ea principia,

etiam ipsam adimpletionem, præceptorum fuisse Christo simpliciter liberam. *Dic etiam*, quod Christus potuit mereri ex dispensatione; & ea dispensatione poterat etiam peccare, &c.

PROPOSITIO QUINTA.

Christus meruit nobis actibus exterioribus sensitiuis imperatis à voluntate.

48 **P**robatur actus exteriores imperati à voluntate sunt participatiue liberi, & laudabiles: ergo & meritorij; ergo, & in Christo. *Item*, Opera nostra sensitiua, vt subsunt imperio voluntatis, sunt digna retributione: ergo & opera Christi. *Item*, Christus glorificatus est in sensibus etiam ante mortem; ergo. *Item*, qui nulla necessitate compulsus facit aliquod bonum, meretur; Christus multa fecit bona, exercendo sensus exteriores, & non frustra, nec necessitate compulsus, ergo meruit. *Dices*: potentia determinata ad vnum tantum non habet in suo actu laudem, vel vituperium: potentie sensitiue sunt determinate ad vnum actum; ergo in eis nullum reperitur meritum. *Respondetur*, maiorem propositionem esse veram de potentia sensitiua sine ordine ad voluntatem; est tamen falsa de illa, quæ operatur ad

imperium voluntatis. *Replicabis*: actus imperatus est coactus: sed coactio non est digna laude; ergo nec meritoria præmij. *Respondetur*, quod duplex est actus imperatus, scilicet spontaneus, & non spontaneus, secundus dicitur coactus, sed non primus; actus sensitiui subduntur imperio voluntatis spontaneitate, quadam, & propterea solent vocari liberi participatiue; ergo iure merito illos, dicimus, meritorios in Christo. *Replicabis*: actibus exterioribus Christus non potuit demereri, ergo nec mereri. *Negatur consequentia*: Quia quod Christus potuerit mereri, fuit ex dispensatione, sicut ex dispensatione fuit, cum esset comprehensor, quod simul esset viator, & licet non potuerit demereri, quia beatus; tamen dispensatiue potuit mereri.

PRO-

PROPOSITIO SEXTA.

*Christus fuit meritis actibus interioribus imperatis
à voluntate.*

49 **P**ROBATUR. Eleuatio mentis in Deum imperata à voluntate est meritoria nobis; ergo & Christo. *Item* iuxta dictum Christi apud Matth. 10. *Omnes capilli electorum numerati sunt*; ergo multò magis cogitationes Christi apud Deum numeratæ sunt; ergo & remunerandæ erant; sed non remuneratur, nisi meritum: ergo meritoriz sunt. *Item*: quibus demeremur, eisdem meremur, & meruit Christus; sed demeremur cogitationibus: ergo & cogitationibus meremur; ergo & suis cogitationibus meruit Christus. *Item* (Supponatur vnum concessum ab omnibus Theologis, nempe, quòd Christus meruit ab instanti suæ conceptionis). Nunc tale sit argumentum. Ab instanti suæ conceptionis Christus non meruit actibus exterioribus (nullum enim tunc habuit) ergo meruit actibus interioribus. *Item*. Opus voluntatis non est laudabile, nec meritorium, nisi sit conforme rectæ rationi; ergo multò magis actus

imperatus intellectus à voluntate, & intellectui, seu rationi conformis, erit meritorius. *Dicitur* sicut simpliciter ad simpliciter, ita magis ad magis: sed actibus interioribus præscindendo ab exterioribus, non competit esse magis, vel minùs meritorios; ergo nec simpliciter dicendi sunt meritorij. Minor probatur: si essent dicendi magis meritorij, dicerentur tales comparati ad actus exteriores, quibus sunt perfectiores: sed hoc est falsum: ergo, &c. Minorem probor; quia laudabilior est, qui actum dat elemosynam, quam qui tantum cupit dare elemosynam, dum potest, & non tenetur dare. *Respondetur*, quòd actus interiores sunt simpliciter meritorij, & magis meritorij, quam exteriores. Ad probationem dico; quòd mensura meriti non sumitur ab actu, sed à charitate, & voluntate. In exemplo de elemosyna, bene concluditur, quantum est ex parte voluntatis: quia feruentius vult, qui dat, quam qui tantum cupit dare.

PROPOSITIO SEPTIMA.

Christus meruit fruitione.

50 **P**robatur. Dilectio Dei propter se est perfectior actus, qui possit elici à voluntate informata charitate: ergo est actus meritorius.

Dices: Christus non meruit ratione suæ dignitatis personalis, & tamen est acceptabilior quocumque actu; ergo nec meruit actibus interioribus. *Respondetur;* quod acceptabilitas est duplex, scilicet per modum excellentiæ, & per modum meriti; dignitas personalis est acceptabilior primo modo; sed secundo modo non est acceptabilis; fruitio verò secundo modo est acceptabilis. *Replicabis:* meritum, & præmium relatiuè dicuntur; quomodo ergo eadem fruitio, quæ datur à Deo, tanquam præmium, potest esse meritoria. *Respondetur;* quod fruitio est duplex, scilicet secundum statum viri, & illa est meritoria; alia est fruitio patris, vel secundum statum patris, & hæc est præmium alterius; non ergo eadem fruitio est meritum, & præmium. *Replicabis:* si Christus meritus fuit fruitione; Deus diceretur mereri. *Probat:* quia actus voluntatis fruētis sequitur actum intellectus cognoscentis obiectum for-

malem: sed ille actus est à Deo; ergo & actus voluntatis fruētis est à Deo: ergo Deus meretur. *Respondetur;* argumentum nihil concludere: quia fruitio vix sequitur cognitionem vix. *Adde,* quod si fruitio vix sequeretur cognitionem patris, non propterea esset operatio Dei totaliter, & immediatè; quia quomodocumque præsentetur obiectum voluntati, ipsa est causa totalis sui actus. In proposito tamen esset causa partialis, & eius concausa est summa gratia Dei.

51 *Dices secundò:* fruitio vix ita, fuit necessaria Christo, sicut & fruitio patris: meritum est quid contingens: ergo fruitio Christi non potuit esse meritoria. Assumptum probatur; quia Christus non potuit peccare; ergo eius fruitio fuit ordinata, vel neutra; non neutra: quia imperfecta; si ordinata; ergo fuit actio necessaria. *Respondetur;* quod fruitio Christi fuit actio necessaria. Ad minorem dico, illam esse veram de communi lege, & ordinariam; non tamen dispensatione, & extraordinaria. *Replicabis:* si doctrina hæc esset vera; nonnè etiam Beati, & ipsemet

Chri-

Christus modò mereri posset? *Respondetur*, quòd non: quia modò Christus non est viator, nec Beati sunt viatores; de ratione autem meriti est, quòd persona merens sit in statu viæ; hinc *Scotus in 3. dist. 18.* ad meritum exigit conditionem personalem; quæ conditio non est alia, nisi quòd persona non sit in termino; qui enim est in termino nec mereri, nec demereri potest. *Replicabis*: ergo Christus non potuit mereri. Probo consequentiam: persona constituta

in termino, non potest mereri, nec demereri; persona Christi fuit in termino; quippè quatenus homo, fuit beatus, & comprehensor: ergo non potuit mereri. *Respondetur*, quòd esse in termino status gloriæ, propriè dicit reperiri in statu beatitudinis sine molestia; Christus fuit beatus, & comprehensor, sed non eo modo, quo tandem potuit esse, scilicet procul à molestia corporis, & animæ; idcirco non fuit omnibus modis comprehensor.

PROPOSITIO OCTAVA.

Christus meruit vñsu.

52 **P** Robatur ex illo Matthæi: *Si vis ad vitam ingredi, serva mandata*; & ex illo: *Plenitudo legis est dilectio*. Nunc ita: dilectio est vel circa Deum, vel circa creaturam, & vtraque sub præcepto est; ergo quādo Christus dilexit creaturam in ordine ad Deum, habuit actionem meritoriam. *Dices*: obiectum meriti, & præmij debent distinguī; sed non distinguerentur, si creaturæ mererentur vñsu; ergo &c. *Respondetur*, negando maiorem: constat enim, quòd idem Deus per se amatus est obiectum dilectionis meritoria; ita creatura est obiectum vñsu, & meriti, & præmij. *Secundò dico*, quòd

obiectum meriti non est creatura dilecta, sed ipsa dilectio creaturæ, cuius terminus est ipsa creatura; obiectum autem præmij istius dilectionis est gratia Dei, vel aliud bonum tribuendum creaturæ ob meritum ipsius Christi. *Dices secundò*, serviens alteri, eique benefaciens, si meretur, sibi ipsi meretur, & nō ei, cui interuit: sed Christus per vñsum creaturæ faciebat bene ipsi creaturæ, eique serviebat, ergo si meruit, sibi ipsi meruit: ac non meruit sibi suam beatitudinem, nec gloriam corporis sui, ergo per vñsum creaturæ nihil meruit. *Respondetur*, quòd per vñsum creaturæ, duo meruit Christi.

Christus; vnum à Deo, cuius legem adimplebat, & cui seruiebat, mediante huiusmodi dilectione, & per hoc meritum dignus fuit exaudiri, & dignus ob-

tinere creaturæ cœlestia bona. Alterum, quod meruit, fuit gratiarum actio, laus nominis sui, &c.

PROPOSITIO NONA.

Christus meruit nobis acerbissima passione tolerata.

53 **D**icimus, etiam Christum esse meritum laboribus voluntariè sumptis, videlicet fame, & siti ieiunando, & fatione itinerando. Notanter dixi, *tolerata*, ad differentiam eiusdem passionis ab ipso Christo excogitata post mortem. Probatnr primò: humilitas passionis secundum *Augustinū Tract. 13. in Ioannem*, claritatis est meritū, claritas humilitatis est premium; subinfero: sed Christus clarificatus est in seipso, & in suis fidelibus; ergo Christus sua humilitate, & passione meruit nobis; minor pater quoad secundam partem ex illo Ioannis 17. *Et ego claritatem, quam tu dedisti mihi, dedi eis*. Quicumque in gratia constitutus patitur propter iustitiam, ex hoc ipso meretur sibi salutem; ergo Christus de sua salute securus, sua passione propter iustitiam tolerata, nobis meruit salutem. Item Christus meruit passionem acceptatam; ergo & passione tolerata: quia tolerantia passionis

nihil aliud est, nisi quædam specialis, & efficax acceptatio.

54 *Dices*: principia passionis non sunt in nobis: sed non meremur, nisi per id, cuius principium in nobis est; ergo nec Christus meruit passione tolerata. *Respondetur*, quod principium passionis est duplex, scilicet actiuum, & passiuum. De passione, quæ dicitur dolor, concedo, quod in nobis non sit principium actiuum. Si tamen in patiente sit facultas vitandi dolorem, & non vitandi ad bonum finem, & secundum debitas circumstantias, sic dicitur in ipso esse principium aliquo modo actiuum passionis; vt Nauta secundum *Aristotelem in primo de Anima* dicitur causa salutis naui per suam præsentiam, & per absentiā causa submerisionis; sic in Christo fuit aliquo modo principium suorum dolorum, quos, si voluisset, vitare potuisset. *Dices*: cum quis iam meruit, superfluum est mereri: sed, vt supponimus, Christus ab inscanti conceptionis

nis

nis meruit quidquid per passionem potuisset mereri; ergo superfluum fuit, hoc ipsum mereri per suam passionem. *Respondetur*, quod in opere meritorio duo sunt, scilicet laus Dei, & valor ad obtinendum nobis bonum; ratione primi passio Christi non fuit superflua; ratione secundi potest dici superabundans, sed non superflua; proprie enim superfluum est id, quod cognoscimus inutile. *Vel posset dici*, quod à principio Christus meruit sufficienter iuxta magnitudinē diuinæ liberalitatis, meruit tamen etiam patiēdo iuxta

exigentiam diuinæ seueritatis, & rigoris iustitiæ. *Altera ratio*: radix meriti est charitas; at non fuit in Christo maior charitas tempore passionis, quàm antea; ergo non magis meruit in passione, quàm antea; ergo & inutiliter patiēdo meruit. *Respondetur*, quod meriti duplex est radix, scilicet charitas, & seruo voluntatis; & cæteris paribus, nempe stante eadem mensura charitatis, & eodem seruo voluntatis non crescit meritum; at crescente efficacia voluntatis, & stante charitate in priori termino, crescit & meritum.

PROPOSITIO DECIMA.

Christus meruit magis uno, quàm alio actu.

55. **D**Eclaratur sic: comparādo duos actus eiusdem voluntatis Christi procedentes ab eadem charitate, v.g. actum diligendi Deum, & actum diligendi creaturam. Quæritur: *Utum alter sit altero magis meritorius?* Affirmantem partem docet nostra propositio. Probat̃ur primò. Plus meremur perfectioribus operibus: sed vnum opus Christi fuit perfectius altero: ergo. *Item*: quod dicit perfectionem in nobis, non est negandum Christo: aliquis autem actus in nobis includit essentialiter alterum actum, & inclu-

dens est melius inclusio: ergo vnus actus in Christo includens alterum, fuit melior. *Item*: actus, quo magis exercetur charitas, magis est meritorius: sed inter actus Christi extiterunt quidam, quibus magis, & quidam, quibus minùs exercebatur charitas eius; ergo quidam fuerunt magis, quidam minùs meritorij.

56. *Dices primò*, à Christo remouenda est omnis imperfectio amouibilis, inæqualitas in actu meritorio inuoluit imperfectionem amouibilem; quia ponendo omne meritum esse summum, quia procedit à summa charita-

te

te ipsius saluatur perfectio meriti, & amouetur inæqualitas: ergo Christus minimè meruit plus vno actu, quàm altero.

Respondetur, quòd ratio concluderet, si sola charitas esset principium formale; ideò negatur minor propositio. Ad probationem dico, quòd non est eadem ratio de summa gratia, & de merito. Vndè sicut ab eodem viro, & eadem fœmina potest produci fœtus perfectior, & imperfectior; ita ab eadem voluntate cum summa gratia potest procedere meritum maius, & minus, secundùm quòd actus voluntatis elicitur intensior à viribus naturalibus voluntatis.

- 57 *Dices secundò*: si vnum opus Christi meritorium excederet, quatenus est meritorium, alterum opus; effectus vniucus excederet suam causam. Probat: gratia est bonum morale, & meritum est bonum morale; ergo ambo sunt eiusdem rationis. *Interius* gratia Christi nò est summa; quomodò igitur meritum maius non excederet gratiam Christi? Meritum enim minus elicitur à voluntate Christi informata eadem gratia; & gratia, nò est principium naturaliter causans? *Respondetur*, negando còsequentiã. Ad primam probationem dico, quòd meritum, & gratia sunt eiusdem rationis genericæ; quia ambo sunt bona in genere morali, & ambo sunt bona su-

pernaturalia; non tamen sunt eiusdem rationis specificæ: quia gratia est qualitas permanens, & meritum est operatio includens respectum ad debitas circumstantias. *Ad secundam probationem dico*, quòd maius meritum non adæquat perfectionem charitatis; cuius est effectus; loquendo de merito Christi præsertim; quia gratia reddit acceptabilem substantiam operantis, & opus eiusdem; meritum verò nò reddit acceptabilem substantiam operantis, sed recompensabilem; ideò vnum meritum potest esse maius altero iuxta maiorem remunerabilitatem.

- 58 *Replicabis*: per meritum de cògruo aliquis fit acceptabilior altero; ergo multò magis per meritum de condigno: quia per ipsum meritum Christus potuit esse acceptabilis Deo: at per responsionem datam merita Christi fuerunt inæqualia; ergo Christus per aliquid fuit gravior, & per aliud minus gratus Deo, quod est absurdum. *Respondetur*, quòd per meritum nullus efficitur acceptabilior: nisi ratione principij, vt puta virtutis, quæ est principium illius meriti. Simili etiam ratione valor meriti de condigno ponderatur iuxta principia eiusdem meriti. Nunc dico de merito Christi, quòd ratione suppositi operantis, omne opus ipsius fuit æqualiter acceptabile, & ratione charitatis similiter; at ratione voluntatis eli-

elicientis, non absurdè dicitur,
quòd opus fuit acceptabilius

iuxta maiorem, & minor em fer-
uorem charitatis.

PROPOSITIO VNDECIMA.

*Christus meruit per actiones portionis tam inferioris,
quàm superioris.*

59 **M**Oneo, quòd nec portio superior, nec inferior est vna potentia simpliciter; quinimò sunt multæ in vnam collectæ: nam portio superior respicit æterna, & inferior temporalia: at potentiz respicientes æterna non sunt vna, sed plures: quippè Intellectus, Voluntas, & Memoria possunt æterna respicere: similiter portio inferior non est vna potentia; quia prædictæ potentiz respicere possunt adhuc temporalia, & tamen non sunt vna, sed plures; ergo nec portio superior, nec inferior est aliqua vna potentia: hinc istæ potentiz distinguuntur secundum diuersas comparationes, & in quacunque potentia potest concipi ratio portionis superioris, & inferioris. *Sed nota*, quòd superior, & inferior portio, si accipiantur strictè, sic sola æterna respiciunt, ita quòd voluntas, & intellectus, quatenus solum pro obiecto habet res æternas, & versantur circa contemplationem, & volitionem illarum, sunt portio superior; inferiorè

contra. Si autem largè accipiantur, prout respiciunt etiam Angelos, tunc portio superior est intellectus, prout iudicat, & discurret de quibuscumque rebus secundum regulas æternas, & voluntas, prout omnia volubilia refert ad æterna; & tunc portio inferior, prout distinguitur à superiore secundum sensus est intellectus, & voluntas, quatenus considerat res temporales in se sine vilo ordine ad superiora.

60 *Obserua*, posse fieri difficultatē, secundum quemnam modum poterant trisari, & gaudere ista portiones? Vnde notandum, quòd tristitia est in voluntate formaliter, & est qualitas quædam succedens ad actum de obiecto nolito, seu disconueniente, sicut dilectatio de voluto, & conueniente.

Quatuor modis potest voluntas de aliquo obiecto trisari. Primò, quando aliquod obiectum est disconueniens simpliciter secundum ordinationem naturalem; & sic voluntas Christi tristabatur de passione, &

Gggg mor-

morte, quam nolebat: quia passio, & mors est obiectum simpliciter disconueniens secundum naturalem inclinationem. *Secundò* potest tristari voluntas, quando obiectum est disconueniens sensitui appetitui primò, & per se, & per connexionem, & colligantiam potentiarum fit etiam disconueniens voluntati, seu appetitui rationali; ita etià Christus tristabatur de sua passione secundum appetitum rationalem, quia dolebat secundum sensitivum propter dolo-rem, &c. *Tertiò* potest contristari, quando obiectum est liberè volitum, non absolutè, sed sub conditione, scilicet, quia nolle, si bene, & rectè posset: ut projiciens merces nolle, si posset: proiectio mercium est liberè volita, sed sub conditione; & ita Christus tristabatur de passione: quia nolle, si posset, sed non poterat: quia sic erat voluntas Dei Patris, & sua; & hoc modo habuit tristitiam de sua passione, idè dicebat: *Pater, si possibile est, transeat à me calix iste.* *Quar- tò* potest tristari, quando obiectum est simpliciter nolitum; hoc modo Christus non tristabatur: quia eius passio non fuit nolita simpliciter, & absolutè, sed volita voluntate efficaci, & sic potius delectabatur.

61 *Nota*, quòd primus modus tristandi, qui est, quando obiectum est simpliciter disconueniens secundum naturalem inclinatio-

nem, propriè conuenit, seu appropriatur portioni superiori. Secundus verò modus, qui est, quando est disconueniens volutati, quia primò disconuenit appetitui sensitui, appropriatur portioni inferiori. Nolle ergo simpliciter, & naturaliter aliquod, est tristari secundum portionem superiorem: nolle verò aliquid ex compassione ad appetitum sensitivum, est tristari præcisè secundum portionem inferiorem: iste vterque modus tristandi competit voluntati, ut natura est, & sic utraque portio secundum utrumque modum tristabatur. Probat: obiectum disconueniens secundum naturalem inclinationem, causat tristitiam, & appropriatur portioni superiori; obiectum nolitum respectu partis sensitivæ causat tristitiam ex illa connexionem; & appropriatur portioni inferiori: ergo utraque portio Christi tristabatur de sua passione. *Dices*: mors Christi, & passio erant simpliciter, & magis bona, quàm vita: ergo secundum inclinationem naturalem erat magis appetenda; & sic saltem secundum portionem superiorem non debebat tristari. *Respondetur*, quòd passio erat magis appetenda secundum affectionem iustitiæ, non secundum affectionem commodi: quia commodior erat Christo sua vita, & tamen inferebatur sibi passio; ergo secundum affectionem com.

commodi tristabatur.

62 *Nota*, quòd præter duos modos dictos tristandi voluntatis, vt natura; remanent duo alij modi, vt est libera, & sunt, quãdo obiectum est absolutè, vel conditionatè nolitum. Dicendum ergo, quòd voluntas Christi, vt libera, & secundum portionem superiorem non fuit tristata de sua passione, & morte. Probat: quia actu libero, & absoluto voluit suã passionem, ergo tunc non poterat tritari: erat enim obiectum eligibile secundum regulas æternas, & vt sic considerabatur à suo intellectu, & practicè syllogizando proponebatur voluntati: ergo non debebat dissentire, sed velle passionem, & mortem, loquendo de voluntate libera absolute; nam de voluntate conditionata, & spectata secundum regulas æternas, & secundum portionem superiorem, dicit Scotus, quòd talis portio nolebat (quantum erat in se) passionem, si tamen omnia prospera, & iuxta secundum se appetibilia euenirent, seclusa passione. Probat: quia obiectum potentia non est secundum se eligibile, quia tunc non reperiretur patientia: quia patientia minimè est de his, quæ eligimus, sed de his, quæ volumus. Patet ergo, quòd portio superior dupliciter refugiebat, seu nolebat passionem; & vt natura, & vt libera, sed volitione conditionata; &

dupliciter fuit illa portio, seu voluntas Christi secundum illam portionem tristata. De voluntate verò secundum portionem inferiorem, dico: quòd, vt natura, noluit passionem, quatenus erat discòueniens parti sensitivæ; vt libera, quoad volitionem conditionatam etiam nolebat, & multò magis, quàm portio superior, & sic secundum utramque tristabatur.

63 *Tota difficultas est* de voluntate secundum portionem inferiorem, & vt libera: *An potuerit volitione absoluta nolle passionem, & mortem Christi, scilicet, An intellectus Christi secundum portionem inferiorem sine vilo respectu ad regulas æternas potuerit indicare suã passionem non esse appetendam, & quòd voluntas noluerit, & consequenter tritari?*

Pro solutione moneo cum Scotto, quòd mors, & passio Christi possunt secundum se considerari absolute sine vilo respectu ad æterna, & sic practicè spectant ad portionem inferiorem, quia sunt entia temporalia; & tunc credo, posse voluntatem, vt libera est, volitione absoluta nolle, & consequenter tritari secundum hanc portionem. Alio modo in ordine ad regulas æternas, quibus erant præfixa, & sic licet in se sint entia temporalia; relatè tamen sunt æterna, & spectant ad portionem superiorem tate sumptam; & tunc est impossibile secundum portionem inferio-

Gggg 2 rem,

rem, quòd voluntas, vt libera, absoluta nolitione nolit passionem, & mortem: quia tunc idem obiectum omninò inuariatum esset nolitum, & volitum absolute, quòd repugnat in terminis. *Hac doctrina restant soluta illa tria argumenta, quæ adducit Scotus.*

- 64 *Quorum principale est hoc:* portio inferior, & superior absolute sunt vna potentia: sed in vna potentia non potest esse duplex qualitas contraria, nēpē nolitio, & volitio simul, & semel, & consequenter gaudiū, & tristitia; sed libera voluntas secundum portionem superiorem volebat passionem; ergo secundum inferiorem non poterat liberè nolle. *Respondetur*, verum esse, quòd potentia simul, & semel non potest habere oppositos actus de eodem obiecto, & quòd portio superior, & inferior est eadem potentia; sed non erat idem obiectum sub eadem ratione (scilicet passio Christi), quia portio inferior volebat, quatenus erat disconueniens humanitati Christi; & superior volebat, quatenus erat volita à Deo propter bonū publicū, & sic ex diuersis circumstantijs variatur obiectū. *Dices:* quòd nullo modo poterat tritari anima Christi, nec ut natura, nec vt libera, nec secundum portionē superiorē, nec inferiorem; quia erat beata, & habebat summum gaudiū: tristitia est opposita gaudio: dux

autem formæ contrariæ non possunt esse simul adhuc per diuinam potentiam, igitur. *Respondetur*, quòd gaudiū, & tristitia non sunt formæ absolute contrariæ, sicut calor, & frigus, sed solum comparatiuè penes diuersa obiecta; & sic anima Christi gaudebat de beatitudine in summo, & tristabatur de passione: ecce duo obiecta; sicut enim non repugnant in intellectu scientia de homine, & ignorantia de lapide; sic nec in voluntate gaudiū de Deo viso, & tristitia de passione infusa.

- 65 *Replicabis:* contraria sunt talia ex natura sua independentè à causa, à qua producuntur; vt calor, & frigus parūm refert, an producantur à niue, vel igne; semper verum est, quòd sunt contraria: ergo similiter gaudiū, & tristitia quantumvis procedant ex diuersis obiectis, semper tamen pugnant in eodem subiecto. *Respondetur*, quòd verum est de contrarijs absolute, non autem de cōtrarijs, quæ simpliciter inuoluunt habitudinem, & respectum ad causam, à qua sunt, vt tristitia, & gaudiū respectū obiectorum: non enim ista sunt purè absolute, sed cum addito. *Dices*, saltem habetur, quòd de eodem obiecto non potest simul esse gaudiū, & tristitia; & tamen in voluntate Christi secundum portionem superiorem erant simul gaudiū, & tristitia de eadem passione: nam

ut natura, & ut libera conditione nolebat passionem, & sic tristabatur; ut libera absolute, volebat, & sic delectabatur; ergo de eodem obiecto secundum eandem portionem erat gaudium, & tristitia; *Respondetur*, quod de eodem obiecto secundum diuersas circumstantias erat gaudium, & tristitia; nam passio, ut erat destructiua Christi, erat nolita, ut autem erat ordinata à Deo ad bonum commune, erat volita, & ita erat variatum obiectum secundum diuersas, & morales circumstantias; & ut nolita causabat dolorem, ut volita delectationem.

66 *Non praterendum*, id esse controuersum inter Authores in de-

terminando portionem superiorem, & inferiorem. *Aliqui* per superiorem intelligunt ipsam voluntatem rationalem; per inferiorem verò partem sensitiuam: *Alij* intelligunt per portionem superiorem voluntatem, ut respicit bonum supernaturale, vel finem vltimum; per portionem verò inferiorem eandem voluntatem, ut respicit bona creata. *Alij* per portionem superiorem voluntatem, prout respicit bonum infinitum, & alia in ordine ad ipsum, abstrahendo à cōmodo, vel incommodo partis sensitiuæ, & per portionem inferiorem eandem voluntatem, prout respicit partem sensitiuam, vel obiecta sensuum.

PROPOSITIO DVODECIMA.

Christus meruit quodammodo per ipsam fruitionem beatificam.

67 **P**robatur: ut aliquis actus dicatur meritorius, nihil requiritur, nisi quod sit ex circumstantijs, & obiecto honestus; elicited à persona grata mediante habitu gratiæ, & quod sit liber: sed hæc omnia conueniunt fruitioni Christi secundum Adversarios prater libertatem; quam sic probō, non defuisse ipsi: eatenus non haberet hanc libertatem, quatenus obiectum

beatificum, verbi gratia, Deus propositus determinaret physice, vel moraliter, seu infallibiliter voluntatem ad amorem. Primum gratis dicitur; cum obiectum nō influat in voluntatem; nisi blandē, suauiter, & metaphoricē, ac persuasivē tantum. Secundum autem si dicatur, nō tollit libertatem; ergo Christus videns Deum clarē, potuit libere amare, vel non amare ipsum. Mino-

Minoris primâ pars patet. Secunda autem probatur: quia quando quis habet gratiam efficacem auxiliantem ad bonum. licet moraliter, & infallibiliter sit bonum faciurus, adhuc tamen liberè illud agit. *Item* quâvis quis grauissimè tentatus ad peccandum, carensquè auxilio efficaci, moraliter, & infallibiliter peccabit, adhuc liberè peccabit secundum fidem: ergo ex eo, quod voluntas sit moraliter determinata ad aliquid, non sequitur, quin liberè illud agat. *Item* cognitio, qua obscure per fidem cognoscimus, Deum esse summum bonum, non necessitat physicè voluntatem nostram ad amandum ipsum amore proportionato tali cognitioni; ergo similiter cognitio intuitiva Dei non necessitat physicè nos ad amandum ipsum. Confirmatur ratione desumpta ex *Scoto in primo dist. prima, quest. 4.* Eadem voluntas, & cum eodem habitu charitatis est in patria, atque fuit in via: sed in via liberè eliciebat actum circa Deum obscure apprehentum: ergo similiter in patria liberè eliciet actum circa Deum clarè visum. Consequentia probatur: quia eadem potentia manens sine vlla mutatione in natura sua, & ex parte sua habens idem medium, eodem modo se habebit in operatione circa idem obiectum.

68 *Dices*, quod, cū diuersimodè proponatur Dens in patria, & in

via; diuersimodè etiam mouet, & determinat volūtatem ad sui amorem: in via, quia solum obscure proponitur, voluntatem, in sua libertate relinquit; at verò in patria, cū proponatur clarè, necessariò restat mora voluntas ad sui amorem. *Contra*: obiectum esse visum, & non visum, solum est quædam approximatio diuersa obiecti ad voluntatem; ergo obiectum esse clarè visum non necessitat voluntatem. Consequentia patet à simili: quia diuersa approximatio passi ad agens non causat necessitatem, sed tantum intensiorem actum; sicut patet de calore respectu calefactibilium.

69 *Caietanus prima parte quest. 82. articulo 2.* respondet, quod visum, & non visum sunt differentie, quæ se tenent ex parte obiecti, & sunt diuersæ rationes obiectiuar, adeò quod Deus visus est obiectum diuersæ rationis à se ipso cognito extra visionem. *Contra primò*: quia visio clara, & visio obscura non est, nisi quædam maior, vel minor approximatio eiusdem obiecti (visio enim clara est cognitio intuitiva, & rei præsentis; visio verò obscura, & ænigmatica per fidem est cognitio obiecti absentis) *secundò etiam*, quia licet daremus, quod foret mutatio in obiecto, nulla tamen fieret ex parte potentiar: quia hæc semper manet libera essentialiter: cum eadem perseueret, clarè videntur

do

do Deum in patria; quæ fuit in via, & cum eodem medio; vnde utrobique elicit actum liberè *Fauet nostræ propositioni* Diuus Augustinus pluribus in locis. Vide illum *libro primo Retractionum cap. 9. & 22.* ubi ait, quòd *nihil tam est in potestate voluntatis, quàm ipsa voluntas*; constat autem, ibi solum loqui de voluntate quòd actus secundos, & elicitos, & non quòd actum primum, & substantiam: quoniam sic nihil est in potestate sua: ergo voluntas circa Deum etiam in patria liberè elicit actum.

- 70 *Accedat altera probatio*: quia dato, & non concessio, quòd Christus videns Deum clarè, nequeat nò amare ipsum per fruitionem, seu beatitudinis actum; adhuc tamen inde nò sequitur, quin Christus eadem visione simul videns creaturas aliquas, tanquàm obiecta secundaria reluctance in primario v.g. in essentia, possit eas liberè amare, vel non amare: cum non sint tantæ bonitatis, ac Deus, ut necessitarent Christum ad sui amorem; & cum non desit essentia diuina, circa quam sunt, possit habere suum amorem, absque eo quòd amaret creaturas: ergo cum libertas inesset fruitioni, vel amori beatifico saltem respectu creaturarum, & nihil aliud desit ipsi, ut dicatur meritorius, Christus ipsa fruizione meruit; maxime cum hoc sit gloriosius ip-

si, quàm non mereri.

- 71 *Dices*: Beati defacto non possunt mereri: ergo nec Christus, cum fuerit beatus. *Negatur consequentia*: quia defacto Beati sunt quoad utramque partem, seu portionem beati; Christus autem tunc non fuit sic. Rursus de lege, quæ est defacto, Deus non concurreret, & non acceptaret actum Beati pro merito; licet tunc ex lege particulari, & privilegio factio Christo ipsius actum acceptaret. *Dices*: ergo de lege extraordinaria Beatus posset in Cælis non amare Deum. *Respondeo*, id concedendo. *Contra*: vel sic fieret, stante visione beata, vel ea cessante; secundum dicere, non est ad propositum, cum Christus semper habuerit visionem beatam. Primum nequit dici: aliter posset quis velle, se non esse beatum. *Respondeo*, negando ultimum, & eius rationem: non enim vellet quis se non esse felicem, & beatum per hoc, quòd non amaret Deum, sed tantum non vellet, se esse beatum, v.g. omitendo tale velle, sine eo quòd haberet nolle beari.

- 72 *Secundum argumentum*: Christus non potuit demereri; ergo nec mereri. *Ad hoc argumentum* sæpius fuit responsum. *Negatur consequentia*: quia ad demerendum requiritur peccabilitas, quæ longè est à Christo, & omni Beato; ad merendum sufficit libertas voluntatis, gratia ad consequen-

quædum bonum honestum cum acceptatione diuina: *Ex his sequitur*, Christum omnibus suis actibus meruisse ab instanti suæ conceptionis vsque ad mortem. &c.

73 *Querenti autem, quibus Christus meruit?* respondeo, sibi ipsi meruit exaltationem nominis iuxta illud ad Philippenses secundo: *Christus factus est pro nobis obediens, &c.* Nobis autem

meruit remissionem peccatorum, & pœnz, infusionem gratiæ, gloriam, fidem, vocationem ad fidem, auxilia disponentia, præuenientia, concomitantia, & subsequencia, perseuerationem finalem, &c. Hæc enim omnia tribuunt Scripturæ, Concilia, & Patres ipsius meritis, & maximè hoc ipsum decuit: cum cedat in suam gloriam, & non repugnet ei conuenire.

PROPOSITIO TERTIADECIMA.

Christus meruit per actus virtutum moralium, v.g. Iustitia, Misericordia, Temperantia, Obedientia, &c.

74 **P**robatur: quia nihil ad rationem meriti requisitum his actibus deficit: erant enim boni, honesti, & magis liberi, quàm ipsa dilectio beatifica; poteratque Christus liberri-mè eos elicere, & acceptare contra affectionem commodi partis sensitiuæ, & rationalis, etiam vt respicit, & coniungitur sensitiuæ. *Dices*, actus aliarum virtutum fuisse semper à Christo elicitos ex imperio charitatis; ergo nō habuerunt meritum proprium, & formale, sed solum denominatiuè ab actu charitatis. Consequentia patet: posito imperio, sunt necessarii; ergo totum meritum ipsorum confi-

nit in ipso actu charitatis imperante. *Respondetur primò*, nos hic supponere, actus a charitate imperatos bonos, & honestos habere propriam bonitatem, & meritum distinctum à bonitate imperantis, vt notauimus in Tractatu de peccatis. *Respondetur secundò*, posse negari antecedens: nam licet Christus nunquam orauerit, aut ieiunauerit v.g. præcisè ex motiuo Religionis, vel Temperantiæ sine motiuo charitatis; tamen non erat necesse, vt actus Religionis, vel Temperantiæ imperarentur ex illo motiuo charitatis; sed poterat Christus proposita bonitate obiectiua ieiunij, & vtilitate eius ad pla-

placendum Deo velle immediatè ieiunium; & vt placeret Deo, & propter bonum ipsius temperantiz, & vt satisfaceret pro nobis, & suo exemplo doceret nos temperantiam, & propter plures alios fines honestos, qui poterant ipsi proponi, & circa quos poterat exercere actus

multarum virtutum, vel forte vnicum actum perfectissimum, pertinentem inadèquâtè ad omnes illas virtutes, poterat etiam immediatè velle temperantiam, &c. quia nulla videtur implicatitia, quin vnus actus simplex possit completè motiua multarum virtutum.

PROPOSITIO QVARTADECIMA.

Meritum Christi fuit maximum, sed non infinitum, in ratione meriti.

75 **P**robatur: bonitas moralis actionum Christi est simpliciter, & intrinsecè finita; ergo etiam finitum habent valorem intrinsecum. Probatur antecedens: quia bonitas moralis in actionibus moralibus non est extrinseca denominatio, vel quid intrinsecum fundatum, & radicatum in entitate actus, quæ finita est; cum sit effectus à voluntate creata productus, *Cōfirmatur*: quia valor sequitur, tanquàm passio, ad bonitatem moralem; nam sicut ad moralitatem in communi sequitur imputabilitas ad laudem, vel vituperium, præmium, vel pœna; ita ad bonitatem moralem sequitur, tanquàm passio, imputabilitas ad laudem, & præmium, in quo verè consistit ratio meriti, & valoris: ergo si bonitas moralis est finita, etiam valor mo-

ralis, qui in ea fundatur, erit finitus.

76 *Dices*, quòd in operibus Christi duo sunt consideranda, scilicet bonitas moralis actus, & valor: sicut in peccato consideratur ratio malitiz, & ratio iniuriæ; bonitas moralis insurgit ex aggregatione omnium circumstantiarum, quæ debentur actui secundum rectam rationem, & hæc bonitas commensuratur actui, cuius est differentia, vel proprietas. Valor autem insurgit ex exultatione moralis, ex dignitate personæ, & commensuratur præcisè non actui, sed etiam personæ operanti: sicut in peccato malitia constituitur ex defectu circumstantiarum, quæ secundum rectam rationem debentur actui, & est finita, sicut actus; iniuria verò est offensa facta Deo, & est infinita

H h h h ra.

ratione infinitatis personæ offensæ. Vnde negatur, valorem pertinere ad bonitatem moralem, actus, sed potius est ipsi aliquod extrinsecū. *Contra est primò*: quia sicut peccatum non habet infinitam malitiam simpliciter ex infinitate personæ offensæ, sed solum secundum quid, & connotatiue; ita nec actus potest habere infinitum valorem ex infinita dignitate personæ operantis, sed solum secundum quid. *Adde*, quod dignitas personæ non solum concurrat ad rationem valoris in actu, sed etiam ad bonitatem moralem: quia bonitas moralis insurgit ex omnibus circumstantiis, quarum præcipua est dignitas personæ, quæ nedum auget bonitatem, sed etiam mutat aliquando; ergo si ex dignitate personæ infinita non surgit infinita bonitas moralis in actu; nec talis dignitas personæ infinita causabit valorem infinitum. *Vergetur ratio*: quia videtur irrationabile, quod actus plus æstimetur, quam bonitas moralis, cuius valor est modus: ergo si bonitas moralis actus est finita, etiam valor, & moralis æstimatio.

- 77 *Dices*, quod aliter dignitas personæ cōcurrit ad bonitatem moralem actus, aliter ad valorem; ad bonitatem concurrat, ut aliquo modo redundat in obiectum augendo, vel mutando eius bonitatem; ad valorem cō-

currit formaliter se communicando secundum se totam, & quodammodo informando actiones: quia non tantum suam actionem, sed seipsam personam operans submittit in obsequium eius, cui satisfacit; hinc est, quod non communicet infinitam bonitatem actui: quia ad illam concurrat in ratione obiecti: bene tamen infinitum valorem; sicut infinitam dignitatem communicat persona Verbi ipsi humanitati, cui vnitur hypostaticè. *Contra*: quia dignitas personæ non communicat valorem actui, nisi personæ dignitas sit cognita ab operante: ergo eo modo communicat, quo cognoscitur: sed cognoscitur finito modo ab humanitate Christi: ergo finitum valorem tribuit. Probatur assumptum: quia si filius Regis ignorans, se esse Regem, præstaret obsequium alteri personæ, non est tanti meriti, & valoris tale obsequium, quanti esset, si cognosceret, se esse Regem: ergo, cum Christus tantum finito modo cognoscat suam dignitatem, deducitur, quod tantum finito modo dignificauit operationes suas, & ita dedit tantum valorem finitum. *Confirmatur*: quia circumstantiæ obiectiue non dant bonitatem, nisi sint per se intentæ, & volitæ; ergo refundunt bonitatem, valorem, & meritum proportionatè ad cognitionem. *Confirmatur secundò*, quia meritum fundatur

datur in voluntario; ergo datur meritum, ut est voluntarium, & consequenter, ut prius cognitum; si ergo dignitas Christi fuit cognita cognitione finita, & finito modo, tantum dedit valorem finitum.

- 78 *Secunda ratio*: inde sequeretur, quod opus Christi fuisset tam gratum Deo, ac quodcumque opus ipsius Trinitatis; consequens est absurdum, ergo & antecedens. Probatur sequela, quia quod est infinitum, infinitumque valoris, non est minus gratum, quam est aliud opus sic infinitum, infinitumque valoris, ut per se patet. Minor est clara: quia sicut ipse Deus est gravior sibi quocumque altero, ita opus ipsius ipsi gratius est opere alterius: ergo absurdum est dicere, opus Christi fuisse tam gratum Deo, ac opus ipsius Trinitatis. *Dices*, quod opus humanitatis Christi est valoris physici finiti; valoris tamen moralis infiniti. *Contra*: quia in operibus moralibus non tantum attenditur dignitas moralis operis, sed etiam dignitas, & intentio physica ipsius: nam parva reverentia facta à Rege dignissimo non est tanti valoris, quanti est magna reverentia eiusdem: ergo in valore morali operis non tantum attenditur dignitas moralis operis; sed etiam dignitas physica, seu intentio physica operis; quæ si sit maior intentione physica alterius operis, licet utrobique

dignitas moralis operantis, vel operantium sit æqualis, utique erit perfectius opus altero opere, & consequenter alterum opus erit ipso finitius.

- 79 *Accedat tertia ratio*. Principia meriti Christi sunt entia finita: ergo & ipsa merita simpliciter sunt finita: consequentia valet; quia nequit effectus excedere virtutem suæ causæ totalis; alias aliqua causa totalis posset dare, aut efficere plus, quam haberet in sua virtute factiva, & consequenter minus potest effectus infinitè excedere virtutem suæ causæ totalis, ut hic fieret, si opus Christi esset infinitum. Antecedens probatur: quia principia operum Christi sunt voluntas creata, & gratia; voluntatem esse finitam, negabit nemo; gratiam verò sanctificantem, cum sit qualitas prædicamentalis, supponimus pro nunc, esse finitæ entitatis, sicut omne prædicamentum est finitum, & limitatum. *Respondetis*, opera Christi non accipere infinitatem ab illis principiis, sed à persona operante, quæ est infinita. *Contra*: quia persona Verbi nihil operatur magis, quam persona Patris, & Spiritus Sancti, quia opera Trinitatis sunt indivisa ad extra; sed ex eo, quod Trinitas operatur aliquod opus siue totaliter, ut animam rationalem, quam se sola creat, siue partialiter, ut mulcans, quam cum causa secunda concausat, non sequitur,

Hhhh 2, quod

quòd sit infinitum, aliàs anima rationalis, & musca essent infinita: ergo, &c.

- 80 *Dices:* quòd ex influxu physico Trinitatis, vel personæ Filij in opus Christi nò dicatur opus esse infinitum; sed ex influxu morali, quo v.g. sola persona Filij supponit naturam Christi, dignificat infinitè opus Christi. *Contra.* Sicut se habet persona satisfaciens ad dignificantiam satisfactionem, ita persona offensa ad aggrauandam offensam: sed persona offensa, licet sit infinita, non aggrauat offensam in infinitum: ergo similiter persona satisfaciens, estò sit infinita, non proindè eius satisfactio erit infinita. Minor patet; aliàs omnia nostra peccata contra Deum essent infinita malitiæ, & æqualis gravitatis, quod est absurdum. Maior probatur; quia sicut crescit bonitas actus ex dignitate personæ agentis; ita crescit malitia actus ex dignitate ipsius personæ, quæ offenditur: ergo sicut se habet persona merens, & satisfaciens ad dignificantiam satisfactionem, & meritum, ita persona offensa ad aggrauandam offensam. Probatur antecedens: quia sicut melior censetur reuerentia facta à Rege, quàm à rustico ob dignitatem regiam supra rusticam; ita despectus factus Regi censetur maior offensa, quàm despectus factus rustico ob dignitatem istius personæ

offensæ supra hanc personam: ergo sicut crescit bonitas actus ex bonitate personæ agentis, ita crescit offensæ magnitudo ex dignitate personæ offensæ. *Adde,* quòd, si meritum Christi esset infiniti valoris; sequeretur, quemlibet actum meritorium fuisse infiniti valoris: sed hoc implicat: ergo, &c. sequela probatur: quia eadem est ratio de vno actu, ac de omnibus. Probatur minor, quia sic primus actus meritorius, & satisfactorius esset infiniti valoris: ergo per ipsum meruisset omnia: ergo reliqui actus, vt crucifixio, & passio ipsius nullius fuissent meriti, nihilquè ipsis meruisset: quod dicit nemo.

- 81 *Sit quarta ratio:* quod suscipit magis, & minus, non est infinitum: inter merita Christi aliqua fuerunt maiora, aliqua minora, vt supra probauimus: ergo minime fuerunt infinita. *Vergetur ratio.* Inde sequeretur, quòd vnū infinitum esset maius alio: quia vnum opus Christi est maioris valoris, quàm aliud, & duo, quàm vnum. *Sequeretur etiam,* quòd Deus nec minimam partem meriti Christi remuneratus esset: quia semper præmium à Deo collatum est finitum. *Adde,* quòd, cum non sit dabile præmium infinitum, sequeretur, Deum de pōtencia sua absoluta non posse dare præmium æquiualens, & correspondens meritis Christi.

Dices,

82 *Dices*, opera Christi dupliciter posse considerari; vel secundum bonitatem, quam habent ex obiecto, & circumstantijs; vel secundum valorem, quem habent ex dignitate personæ operantis. Primo modo opera Christi sunt inæqualia: nam perfectior est actus charitatis Dei, quam humilitatis, & perfectior est, cæteris paribus, actus durans per horam, quam durans per instans, vel paruum tempus. Secundo verò modo omnia opera Christi sunt æqualia: quia suppositum Verbi, quod est forma dignificans, utrobique eodē modo dignificat, & utrobique dat

æqualem valorem. *Contra primò*; quia si Christus tantum meruit in primo instanti suę conceptionis, quātū per mortem; ergo debet dici, nos redemisse per actū amoris, quem habuit in principio, & non per Crucem, & Passionem; quod dicit nemo. *Item*: si quilibet actus fuit infiniti valoris: ergo quilibet erat sufficiens ad superabundanter satisfaciendum, & nos redimendum. Ad quid ergo crux, & Crucifixio? *Cetera*, quæ probant nostram propositionem, ponam *p. opposit. sequen.* examinando omnes opiniones Aduersariorum, in particulari, & *prop. 16.*

PROPOSITIO QVINTADECIMA.

Eliminantur Aduersariorum Placita.

83 **C** *Apereolus libro 3. dist. 18. quæst. vnica articulo 3. asserit*, quod meritum pro tanto dicitur esse infinitum, quia est actio diuini suppositi, tanquā id, quod elicit actum, & ulterius, quia diuinum suppositum ordinat talem actionem ad infinitum bonum, puta ad omnia indiuidua possibilis in specie humana; & ulterius, quia elicitur actus ex infinita gratia, & charitate. Ex his collige ad mentem Thomistarum, meritum Christi dici infinitum, non simpliciter, sed secundum quid; non

physicè, sed moraliter; non intrinsecè, sed ab extrinsecò; non in ratione sua formali, sed denominatiuè. *Nos ex triplici capite* discursum Capreoli impugnauimus.

84 *Primum caput.* Sciendum in primis, in Christo concedi duo principia suarum operationum, scilicet principium *quod*, nempe personam Christi, quæ diuina erat, & principium *quo*, seu *formale*, humanam scilicet Christi voluntatem, & naturam. Si Christus pro nobis satisfecisset, & operatus fuisset in ratione principij,

cipij quod, haberet aliquid probabilitatis ratio prima Thomistarum; at pro nobis satisfecit, nobisq; meruit in ratione principij quo, scilicet, *ut homo, non ut Deus*; ergo claudicat primum caput Thomistarū. Probo, Christum nobis meruisse in ratione principij quo, & *ut homo*: nam prima ad Timotheum secundo nu. 5. dicitur: *Vnus Deus, vnus & mediator Dei, & hominum homo Christus Iesus*. Christum esse nostrum mediatorem per modum satisfactionis, liquidō cōstat, & verba Pauli, quæ sequuntur, declarant in hunc modum: *qui dedit redemptionem semetipsum pro omnibus*, & de hac mediatione satisfactoria, & mediatrix loquens, posuit *homo Christus Iesus*, ut distinctē exprimeret, quauis dux essent in Christo naturæ, duo principia operationum; ponendam esse satisfactionem, considerandum meritum, non ut erat à Divina natura, aut principio quod, sed ut erat ab humana, & quo. Id ipsum docet *Diuus Augustinus lib. 10. confessionum cap. 43. In quantum homo intantum mediator; in quantum autem Verbum, non medius, quia equalis Deo*. Item *Fulgentius libro de Incarnatione, & gratia Christi cap. 13. hic in humana natura mediator Dei, & hominum factus est*.

85 *Et quamuis cōcederemus, suppositum Diuinum, ut principium quod in Christo aliquid coope-*

rari merito satisfactorio; tamen inde nullam licet inferre infinitatem in illo merito; certum enim est, considerari absolute, & simpliciter in omni opere principium quo, non autem principium quod. Hinc in diuinarum personarū emanatione consideratur in Filij generatione intellectus, qui est principium quo, sicut in processione Spiritus sancti voluntas, quæ est principium quo. Non attenditur autem persona: alioquin Pater, & Filius dicerentur duo principia Spiritus sancti, & reuera sunt duo principia quod, nihilominus dicitur Spiritus sanctus produci à Patre, & Filio, ut ab vnico, & solo principio, scilicet principio quo. In humanis etiam actibus non attenditur principium quod, nempe homo operans, sed principium quo, scilicet voluntas; hinc non omnis actus ab homine procedens dicitur humanus, sed ille tantum, qui à voluntate, quæ est principium quo, originem habet. Ista ratio propriè locum habet in merito, & demerito, ut notat *Scotus quolibeto 17 articulo 2. meritum notat, siue quali præexigit in actu duplicem habitudinem eius ad duplex principium; vna est ad voluntatem, ut liberè elicientem, vel imperantem actum: nihil enim acceptatur, ut meritum, nisi sit in libera potestate operantis; alia autem habitudo requiritur ipsius actus ad formam tu-*
per-

pernaturalem, quæ ponitur esse gratia. Hæc dictio *quasi* refertur ad præexigentem, non ad voluntatem, & ad dualitatem principiorum, non ad gratiam, & voluntatem; nam necessario requiritur, ut à voluntate cum gratia opus meritorium fiat, sed non semper præexigitur voluntas: cum actus, qui fuit in voluntate, adueniente consensu voluntatis, eo ipso momento, sit meritorius. Non sunt etiam voluntas, & gratia duo principia, nisi partialia, sed sunt vnum totale, principium operis meritorij. *Ex his colligitur*, in operibus Christi considerandum esse simpliciter principium quo (nempe voluntatem creatam) quæ cum sola sit principium meriti, sitque finita, finitum quoque oportet esse meritum.

86 *Secundum caput* infinitatis meritorum Christi ponunt Thomistæ infinitatem gratiæ Christi, quæ cum voluntate concurrat, ut principium meriti. Concedimus, Christo collatam summam gratiam; sed tantum negatiue, non positiue dici posse infinitam; ita tamen, ut hæc infinitudo in eo solum consistat, quod nulli alteri creaturæ sit collata gratia maior, quam Christo. Estque idcirco metaphoricè potius, quam ex parte rei, aut in sermonis proprietate infinita gratia Christi; ex quo fit, ut ex hac infinitate gratiæ opus Christi meritorium infinitum dici ne-

queat, nisi metaphoricè, & negatiue, quod nihil est dictum.

87 *Tertium caput* infinitatis meriti Christi ponunt Thomistæ, quod ordinetur ad infinitum bonum, scilicet ad omnia individua possibilis speciei humanæ. Concedo, huiusmodi ordinem, sed ad sufficientiam tantum, non autem quantum ad efficaciam: siquidem pro illis solis ordinabatur quantum ad efficaciam, quos Christus sciebat prædestinatos: hinc illi soli efficaciter saluatur. Horum autem numerus certus, & finitus est; ordinabatur autem ad bonum gratiæ pro omnibus hominibus possibilibus quantum ad sufficientiam: hinc multi præsciti hic in via habent iustificantem gratiam ad aliquod dumtaxat tempus, & non finaliter. Quis autem sanæ mentis unquam somniabit, diffusionem, & multiplicationem alicuius rei in potentia tantum, & non in actu, infinitum inferre infinitate alicuius honoris, dignitatis, & virtutis? Species quælibet ordinatur ad individua possibilis in infinitum, quantum est ex se; nemo tamen inter infinita connumeravit speciem; ita nos, etsi fateamur, individua humana esse infinita, potentialiter, illisque correspondere meritum Christi; non tamen dicimus, illud infinitum.

88 *Suarez disp. 4. sessione 4.* deducit inhnitatem valoris ex isto argumento: valor operationis crescit

scit ex dignitate personæ operantis: sed persona operans in Christo est infinitæ dignitatis: ergo operationes Christi sunt infiniti valoris. Minor probatur ex Patribus dicentibus, operationes Christi fuisse deificas ex dignitate personæ; unde illas appellant *Theatricas*, scilicet Dei viriles.

Non placet hic discursus. Primo: quia negari posset consequentia: quippe calculatio, cui innititur argumentum, fallitur in multis; nam grauitas offensæ crescit ex dignitate personæ offensæ, & tamen peccati malitia non est infinita, etsi habeat pro obiecto Deum infinitum. *Item* perfectio cognitionis incrementum recipit ex dignitate obiecti; non inde tamen rectè deducitur, cognitionem intuitiuam, qua Deus redditur nobis cognitus, esse intensiue infinitam. *Item* fieret satis argumento, dicendo, inde tantum sequi, actionem Christi esse in ordine superiori ad meritum puræ creaturæ. *Verge difficultatem* Thomistæ dicentes, Angelum per vnicam speciem posse cognoscere plura, quinimò infinita: respondent argumento (quo Scotus probat, talem speciem fore infinitam: quia posse representare tria, dicit perfectionem, & posse representare quatuor dicit maiorem perfectionem; ergo posse representare infinita, dicit infinitam perfectionem, cum sicut plurali-

tas numeralis arguit perfectionem, ita infinita pluralitas, dicit infinitam perfectionem) quod ex illo argumento, & ex tali calculatione, minimè deducitur infinitas speciei Angelicæ; sed tantum conuincitur, quod illa species sit in ordine superiori. Ita ad argumentum in se diceret quis, ex illo tantum deduci actionem illam Christi meritoriam, fore in ordine superiori ad actionem meritoriam puræ creaturæ; non concluderetur ergo infinitas intensiua. *Pro complemento* huius legatur propositio quattadecima.

89 *Alij ita discurrunt:* Subsistentia Diuina habuit peculiarem influxum in Christi operationes; ergo ratione talis concursus potuit Christi operatio habere infinitum valorem.

Ita philosophantes errant à vera via. *Primò:* quia Subsistentia Diuina nullam dicit perfectionem, vt pro nunc suppono ex Tractatu de Trinitate; ergo non dat infinitam dignitatem. *Secundò:* quia cum ad operationes tales concurrat voluntas Christi, & hæc sit finita, sicut est etiā gratia; effectus est absolute finitus. *Tertiò:* quia Subsistentiæ diuinæ non sunt actiuæ. Hoc breuiter sua deo ita: in primis Subsistentia diuina non est actiua ad intra: etenim potentia generatiua in Deo non est Subsistentia Patris; nec potentia spiratiua est Subsistentia Patris & Filij; ergo

ergo subsistentia Diuina non est actiua ad intra. *Item* nec est actiua ad extra; nam vel esset actiua; vt talis subsistentia, nempe, ita vt subsistentia Patris sit actiua, prout subsistentia Patris, & sic de cæteris; vel est actiua sub ratione subsistentiæ in communi: Primum dici nequit; nam concursus ad extra, indiuisibiliter cõuenit omnibus personis, quod tamen minimè foret verum, si subsistentia, vt talis, esset actiua; nam tunc quælibet persona Diuina sibi vendicaret aliquam actionem sibi propriam. Secundum nec potest dici: nam si subsistentia foret actiua secundum rationem subsistentiæ in communi; cum subsistentia in communi, seu absoluta reperiatur in in tribus personis; iam talis operatio esset à tribus; ergo non à sola persona Verbi; ergo persona Verbi non causat talem valorem in operibus Christi.

90 *Quorundam fuit sententia*, operationes Christi esse infiniti valoris, quia procedebat ab humanitate sanctificata per Deitatem, ac proinde infinitè sancta.

Hic etiam discursus longè abest à veritate. *Primò*: quia supponit falsum; scilicet natura assumpta minimè reddatur sancta per aliquod Diuinum. *Secundò*: quia nullum effectum formalem dat forma, nisi secundum modum, quo inest, si inest intrinsecè, intrinsecum; si extrinsecè, extrinsecum; vtpotè effectus for-

malis est forma communicata: cum ergo persona Diuina tantum se habeat extrinsecè ad humanitatem, deducitur, quod in natura humana erit tantum extrinseca infinitas, non verò intrinseca; quodcirca operationes Christi non erunt infiniti valoris intrinsecè.

91 *Vasquez cum nonnullis alijs* est opinatus, fundamentum huius infinitatis esse, quod natura assumpta sanctificetur persona Verbi, sanctitate, quæ est principium merendi, & valoris operum.

Contra: quia non sanctificatur natura formaliter persona Verbi. *Secundò* etiam si persona Verbi foret sanctitas formalis naturæ assumptæ; adhuc non redderet talem naturam infinitè sanctam, & acceptam Deo: quia tunc Deus deberet amare illam naturam tantum, quantum amat ipsum Verbum; quod tamen est falsum.

92 *Quibusdā placuit*, opera Christi esse infiniti valoris, quia includunt volitionem increatam ipsius Verbi.

Contra primò. Volitio increata est communis tribus personis; ergo si opera Christi dicuntur meritoria, & satisfactoria, quia includunt volitionem increatam, tota Trinitas diceretur mereri, & satisfecisse, & consequenter opera meritoria non fuissent propria Christo. *Secundò*: volitio increata nequit esse fundamentum meriti, aut satisfactoris.

nis, vt dicunt subiectionem; vn-
de Apostolus ad Philippenses se-
cundo in obedientiam Christi
reducit redemptionem: *Factus*
obediens vsque ad mortem; mortem
autem Crucis; propter quod Deus,
etc. Deus enim nequit sibi subij-
ci, mereri, aut satisfacere: igitur.

- 93 *Alij dicunt cum Ioanne Vincen-*
tio: opera Christi Domini esse
infinita; non quia egrediuntur à
persona, sed vt referuntur in ip-
sam, & supra ipsam, humilian-
do personam Diuinam, eamquē
submittendo Deo, quæ humiliat-
io includit dignitatem infini-
tam, quia includit personam
Diuinam humiliatam.

Contra: nam opera sunt meri-
toria, quia eliciuntur liberè à suo
principio: ergo non quæ refle-
ctuntur, sed quæ egrediuntur,
sunt meritoria. *Item* illa refle-
xio, vt distinguitur à productio-
ne operum, non potest explica-
ri quid sit, aut à quo fiat; & si
esset aliquid, iam supponit opus
productum in esse, & egressum,
à principio operante; ergo bo-
num non alia bonitate, quàm
meriti, & satisfactionis: ergo.
Item opera non dependēt à per-
sona alio modo, quàm vt à prin-
cipio quod; & si admitteretur,
personam humiliari, non tamen

aliter, quàm operando, obediendo
legi, patiēdo mortem in na-
tura humana, & offerendo seip-
sam pro nobis; quæ omnia cate-
nūs sunt bona, quatenūs egre-
diuntur à supposito. Non admit-
to tamen aliam humilitatem,
personæ infinitæ, quàm quæ cō-
uenit ipsi per cōmunicationem
prædicatorum naturæ assumptæ:
quia reipsa humiliatio fuit na-
turæ humanæ, in qua minor est
Patre; non naturæ Diuinæ, quæ
æqualis est Patri.

- 94 *Alij volunt tandem, hanc infi-*
nitatem, consistere in æstimatio-
ne morali, supposita libertate,
operis, & dignitate personæ; ita
vt secundum rectam rationem,
debeamus æstimare opera per-
sonæ infinitæ esse infiniti valoris.

Contra: vt æstimatio moralis
sit recta, & vera, debet esse ap-
pretiatio operis, aut rei secun-
dum regulas morum, seu dicta-
men rectæ rationis; ergo sicut
iudicium rectum, & verum sup-
ponit principia, quibus confir-
matur; ita æstimatio moralis,
quæ in simili iudicio consistit,
supponere debet bonitatem in-
esse operi; ergo per eam minimè
constituitur in esse boni. *His om-*
nibus Aduersariorum placitis pro-
figatis, sit nostra

PROPOSITIO SEXTADECIMA.

Opera Christi Domini fuerunt finiti meriti, & valoris simpliciter, & intensiue: possunt tamen dici infiniti valoris extensiue, & extrinsecè.

95 **P**ropositio nostra est *Scoti in 3. dist. 19. quæst. unica*, & nos illam probauimus propositione quartadecima. Ibi dictis adde: si bonum velle creatum Christi Domini esset infiniti meriti, & valoris simpliciter, & intensiue; æquè acceptaretur, & amaretur à tota Trinitate, ac velle increatum: sed hoc est absurdum; ergo & illud, vnde sequitur. *Secundò* principia mendi in Christo, nempe natura humana, & gratia sunt simpliciter finita, & limitata: ergo & ipsa merita sunt simpliciter finita. *Hic suppono* ex supra probatis, ipsum suppositum non influere saltem physice in opera humanitatis: quia opera Trinitatis ad extra sunt indiuisa; & si influeret, adhuc contemperaret se concursui voluntatis creatæ, & cōsequenter effectus proueniens ab utroque erit finitus, & limitatus: quia sequitur debiliorem partem. *Dices*, hæc solum probare finitatem physicam. *Contra est*, quia ex hoc ipso capite potest desumi argumentum ad probandum, quod effectus etiam in esse morali, seu moraliter sumptus

nō possit esse infinitus; quia etiāsi suppositum, quod dicitur moraliter influere, esset specialiter infinitum; tamē cū reliqua causa moralis, scilicet voluntas creata, sit simpliciter finita, effectus etiam in esse morali erit finitus. *Adde*, quod valor moralis non solum includit dignitatem personæ, sed etiā honestatem ipsius operis; ergo etiam si persona sit infinita, tamen opus erit finiti valoris moraliter.

96 *Accedat altera probatio.* Omnis perfectio simpliciter, quæ repugnat enti superioris generis, debet repugnare à fortiori enti inferioris generis: sed ens creatum physicum, cui repugnat infinitas in suo genere, est superius, & perfectius, quàm ens morale: ergo omni enti morali debet repugnare infinitas. Minor patet: quia in Deo formaliter saluatur ratio operationis physicæ, vt volitionis, & intellectiōis, in quo tamen non est aliquod ens morale, propriè loquendo, sicut nec defectus regulabilis per regulam rectam. *Confirmatur*: sicut se habet ens simpliciter ad ens simpliciter, ita ens secundum quid

ad ens secundum quid ; sed ens physicum creatum est ens simpliciter ; & ens morale est ens secundum quid : ergo si infinitas physica , & simpliciter repugnat enti physico , infinitas secundum quid , & moralis repugnat enti morali , loquendo de infinitate intensiva . *Item* . Unio hypostatica , quæ immediatius afficit naturam , quàm eius opera , quæ dicuntur Verbi ratione tantum

naturæ , deberet tribuere maiorem perfectionem ipsi naturæ , quàm eius operibus ; ergo si non potest tribuere infinitam perfectionem ipsi naturæ , nec reddere ipsam infinitè Deo gratam , & acceptam ; non poterit tribuere talem perfectionem eius operibus , nec reddere ea infinitè Deo accepta , & consequenter nec dare ipsis infinitum valorem .

Contrariorum argumenta exploduntur.

97 **P**rimum argumentum . Malum , & bonum potius æstimanda sunt secundum iudicium Dei , quàm secundum iudicium hominis : Deus autem nonnè potest appretiare meritum Christi infinitè ; & si appretiaretur infinitè ; nonnè esset rectè appretiatum ? *Respondetur* , quòd Deus non potest pretiare meritum Christi infinitè ; quia merito Christi , ut ut meritum est , non potest communicare perfectionem infinitam , sed tantum summam ; unde non æstimabitur à Deo meritum ultra summam perfectionem . *Replicabitur* meritum Christi non fuisse infinitum ; ergo potuisset Deus mereri plus , quàm meruit ; quod tamen non est dicendum . *Confirmatur* hæc ratio auctoritate Bedæ super illud Matthæi 9 . n . 14 . quare discipuli tui nō ieiunant &c . Ioānes (inquit Beda) vinum , & siceram non bibet ;

quia illi abstinentia meritum auget , cui potentia nulla erat naturæ ; ergo ab opposito : Christus bibit , &c . quia abstinentia non poterat ei augere meritum , eo quòd Christo aderat potentia ad merendum à natura , cui hypostaticè vniebatur humana voluntas . *Respondetur* negando , quòd Christus potuisset plus mereri ; quia meritum erat summum ex parte principij formalis , saltem fuit summum negatiuè , nec detrahitur merito ipsius , quia defacto nullum meritum datur maius , nec æquale , & fortè , nec æquabile ; quia non potest dari aliud caput Ecclesiæ . *Ad rationem ex auctoritate Bedæ* , dico , quòd peccat secundum fallaciam non causæ ; nam Ioānes non bibendo potuit crescere in merito ; Christus autem non fuit tantæ abstinentiæ , non quia non mereretur abstinentia , sed quia decuit dare

dare ipsum exemplum communionis vitæ.

- 98 *Secundum argumentum.* Valor meriti attenditur secundum virtutem Spiritus sancti mouentis; illa verò est infinita: ergo, &c. *Respondetur*, quòd non est infinita, loquendo de virtute immediate mouente, quæ est gratia sanctificans; valor ergo acceptationis in operibus Christi non debet mensurari secundum valorem, vel infinitatem diuinæ potentiz; tunc enim omnis nostra actio esset infinita. *Replicabis*: valor operis accipitur magis à perfectione agentis principalis, quàm à perfectione agentis instrumentalis; voluntas autem creata in Christo secundum Damascenum fuit instrumentum deificatum; ergo valor eius meriti potuit æquare infinitatem diuinæ virtutis. *Respondetur ad Damascenum.* Voluntas creata in Christo concurrebat cum voluntate increata ad multa, vt v.g. ad iustificationem peccatoris, per modum efficientis miracula, & alia huiusmodi, & respectu illorum operum erat instrumentum deificatum, cui assistebat immediate virtus infinita Dei; at respectu actus meritorij non fuit instrumentum, sed vera causa, & essentialis; quamuis non principalis; cui vt concausæ coniungebatur diuina gratia; & sic valor meriti accipiendus est à perfectione charitatis. *Quòd hæc responsio sit bona,*

inde patet, quòd nostra voluntas verè est causa nostri meriti, & non instrumentum; non verificaretur igitur Christi voluntas, si tantum diceretur instrumentum.

- 99 *Tertium argumentum.* Valor meriti maior fuit valore satisfactionis Christi; si autem satisfactio Christi fuit excellentissima; cur meritum Christi negatur esse infinitum? Maximum à quo potest excedi, nisi ab infinito. *Respondco*: posse dici vtrumque valorem esse incomparabilem, quia non sunt eiusdem speciei: nam satisfactio Christi alteri satisfactioni cõparata maior est; similiter meritum Christi alteri merito comparatum, maius est: at comparando meritum satisfactioni, vtriusque maximitas saluatur, sicut in decem generibus generalissimis, cessante ex parte vtriusque quocumque excessu. Dato tamen, quòd valor valorem excederet, negatur, quòd maximum in vno ordine, non possit excedi, nisi ab infinito; maximum enim potest temperi negatiuè, vel positiuè. Meritum Christi fuit maximum negatiuè, nõ tamen positiuè, quia ipsemet Christus potuisset plus mereri.

- 100 *Quartum argumentum.* Vis meriti Christi ideo potuit transire ab ipso in homines, tãquam à capite in membra, quia Deus erat: opera autem eius, vt sunt Dei, sunt infinita; ergo vis meriti

ti Christi fuit infinita. *Respondetur*, quod meritum Christi dupliciter potuit ad nos transire. Primò per modum communicationis capitis. Secundò per modum cõmunicationis membrorum; nam stante analogia corporis mystici ad corpus naturale in capite, saluatur etiam ratio membri; quis autem negat, membrum vnum non posse mereri alteri membro; vis tamen meriti Christi excedit vim alterius merentis; quia cum esset caput, potuit mereri de condigno primam gratiam, & cetera, quæ dicta sunt. *In minori propositione* assumitur non causa pro causa: non enim ideò meruit, quia Deus; sed meruit nobis de condigno, quia fuit caput nostrum.

- 101 *Quintum argumentum.* Si Christus potuisset plus mereri, vel esset dignior beatitudine nobis obtinenda, vel dignus maiori beatitudine sibi pro nobis conferenda; cum autem nullo istorum modorum fuerit dignus; cur suum meritum non fuit infinitum? Non licet dicere, eius meritum fuisse dignius, ut tactum est, quia tunc remuneratio eius fuisset citrà condignum. *Respondetur*: Christus non sibi meruit suam beatitudinem, ut supponendum est, sed comparando meritum suum ad nostram beatitudinem per ipsum obtinendâ ex ea ratione, qua meritum, ut meritum dignum est remunera-

tione. *Possset dici*, quod remuneratio sufficiens adæquat meritum, sed nõ remuneratio efficax, potest cõcedi minor merito Christi. *Possset etiã dici*, quod dignitas meriti Christi, ut dignitas meriti præcisè, & nõ ut dignitas meritis, minor est beatitudine obtēta.

- 102 *Sextum argumentum.* Nullum beneficium potest excogitari, ad quod non se extendat meritum Christi; sed quolibet beneficio finito potest excogitari maius; ergo & merito Christi potest excogitari maius, quod est infinitum. *Respondetur*, infinitum, absque vlla determinata proportionē excedit finitum. Concedo igitur, quod beneficia possunt augeri; & similiter meritum Christi potuit augeri; at non propterea augmentum beneficiorum, & meriti potuit ascendere in infinitum, & ita dico, quod meritum Christi potuit crescere, sed non peruenire ad infinitatem, nec potest excogitari meritum infinitum sine contradictione intellectus cogitantis; nec est inconueniens credere, quod Christus potuerit plus mereri, quàm meruit, sed bene incõueniens esset credere, aliquod meritum æquare defacto meritum Christi.

- 103 *Septimum argumentum.* Scriptura, & Sancti Patres loquuntur semper cum emphasi de valore meritorum Christi, & significat, pretium sanguinis Christi superare omnem valorem, ut lob cap.

cap. 6. *Vtinam appenderentur peccata mea, &c.* quæ verba accomodat *Diuus Gregorius 7. moralium cap. 2.* Christo, licet litteraliter intelligantur de ipso Iob. vide *Basilium in Psalmum 48. Ambrosium in Psalmum 35.* Respondetur, hoc non esse contra nos, qui concedimus, magnū fuisse excessum in meritis Christi, quantum erat ex se, ita ut non solum in valore fuissent sufficientia, sed etiam abundantia, & superabundantia: nam ubi abundauit delictum, ex *Augustino, superabundauit, & gratia.* Hinc tamen non sequitur, valorem operum Christi extrahendum, esse extra genus entis finiti.

- 104 *Octauum argumentum.* Videmur derogare operibus Saluatoris, quæ deberemus potius extollere, quantum possibile est;

ergo irrationabiliter procedimus negando illis infinitatem. Respondetur, negando antecedens: sicut enim nō derogamus Christi gratiæ ex eo, quod dicamus, illam minimè esse infinitam intensiue: nec scientiæ eius ex eo, quod non admittamus, eam esse comprehensiuam Dei, aut extendi ad omnia, ad quæ extenditur scientia increata: quia hæc sunt impossibilia; ita non derogamus operibus Christi, dicendo, illa esse finiti, & non infiniti valoris, & meriti: quia hoc est impossibile; cum valor ille accipiendus sit, non solum ex infinitate personæ Verbi; sed etiam ex substantia, perfectione, & honestate ipsius operis, quæ quia sunt finita, valor etiam simpliciter erit finitus.

Alia Aduersariorum obiecta eliduntur.

- 105 **P**rimum argumentum est, quia *Clemens Sextus in Extrauaganti: vniigenitus de pœnitentia, & remissione. &c.* docet, Christum suis meritis acquisiuisse infinitum thesaurum hominibus; nec formidandum esse, ne exhauriatur, vel minuatur propter infinita Christi merita: cuius quidem vna gutta sanguinis propter vnionem ad Verbum, pro redemptione totius humani generis suffecisset. Respondetur, concedendo esse infinita extrinsecè, denominatione de-

sumpta à supposito infinito; & etiam extensiue in acceptione diuina, ita ut quantumcumque homines his vtantur, non sint exhaurienda, aut diminuenda. Negamus tamen, esse infinita extensiue intrinsecè. *Vuaddingus disp. 2. de Incarnatione, dubio 2.* dicit, hanc responsionem esse contra proprietatem verborum; & mentem Pontificis. Assumit tamen falsum hic Doctor, quod sic ostendo: nam quemadmodū peccatum mortale dicitur infinitæ

nita malitiæ; non quòd in se intrinsecè habeat vllam infinitatem; sed denominatione extrinsecæ, quia est contra Deum infinitæ bonitatis, & dignitatis; ita meritum Christi potest dici infinitum denominatione desumpta à supposito Christi infinito. Item consuetudo Sacræ Scripturæ est vocare aliquod infinitum ex eo, quod non sit finiendum, & non ex eo, quòd sit valdè magnum: sic *Sapientie* 7. ad quem locum alludit Pontifex in illa Extrauaganti: *Vnigenitus, &c.* dicitur, quòd sapientia sit infinitus thesaurus hominibus, quo qui vsi sunt, participes facti sunt amicitie Dei propter discipline dona commendati, &c. Vbi Expositores per infinitum thesaurum inexhaustum, & indefinibilem, intelligunt rem magnam, & grandem, sed non infinitam. Nostram doctrinam minimè facere contra mentem Pontificis, patet: quia intentioni Pontificis sufficit, quòd merita Christi, & thesaurus Ecclesiæ sint ita infinita, vt nunquam sint exhaurienda, finienda, aut minuenda. Solùm enim intendit, thesaurum Ecclesiæ esse indefectibilem, seu non posse deficere, & merita Christi non posse absumi. Hoc autem verum est, etiam si intensiue sint finita, & limitata; quia non per partes applicantur, sed tota singulis quoad sufficientiam, si ipsi vti volunt; quoad efficaciam autem illis, qui his defacto vtuntur.

106 *Hinc patet ad Cabreram* dicentem, quòd si meritum Christi sit finitum intrinsecè, posset exhauriri, seu minui, quantumuis dicatur infinitum secundum quid, sicut actus charitatis, quia finitus, potest exhauriri. *Patet etiã ad Patrem Vuaddingum* idem dicentem, & existimantem, infinitum thesaurum meritorum Christi applicari semper hominibus per ablationem finiti. Procedunt isti ex falsa imaginatione; quia putant, meritum Christi diuisibiliter, & quasi per partes applicari nobis, quod falsum est; applicatur enim cuiuslibet indiuisibiliter per modum causæ meritoria: nam passio Christi oblata, & acceptata est pro Angelis, & omnibus, & sic pro omnibus, & singulis valet: ipse enim est propitiatio pro peccatis nostris, nõ pro nostris autẽ tãtũ sed etiã pro totius mudi. ex *Dino Ioanne Epist. 1. c. 2.* Si autẽ Cabrera, & Vuaddingus nõ procedat ex illa imaginatione, perindẽ est quãtũ ad consumptionem meritorum Christi, quòd sint intrinsecè finita, vel infinita: nam si thesaurus infinitus, quando applicatur totus vni, non dicatur ita exhauriri, quia totus possit applicari alteri; ita etiam si sit finitus, & totus applicetur vni, non debet dici exhauriri, quia idem actus possit applicari alteri.

107 *Roboratur nostra responsio*: quia sicut aliqui Recentiores, vt *Eminentissimus Lugo* disp. 6. de Incarnatione.

natione, sectione prima, nu. 14. non obstante illa authoritate *Clementis 6.* negant, meritum Christi in esse meriti esse infinitum simpliciter, licet concedant ipsi infinitum valorem; cum tamen Pontifex dicat, thesaurum Ecclesie esse infinitum, quia merita Christi fuerunt infinita; ita nobis etiam erit licitum explicare, de qua infinitate veniat intelligendus Summus Pontifex: & sicut ipsi negant, intelligendum esse de infinitate meriti in esse meriti; ita nos negamus, ipsum intelligi de infinitate intrinseca, siue meriti in esse meriti, siue in esse valoris, si hæc distinguantur, ut ipsi distinguunt volunt.

108 *Secundum argumentum* est Suarrij, qui ita argumentatur contra nos: Christus satisfecit pro pena æterna debita omnibus hominibus, quæ infinita est, & alterius rationis ab omni pena temporali; ergo satisfactio ipsius fuit intrinsecè infinita, alias non esset æqualis debito. *Item* satisfactio Christi per se, & suo valore sufficiebat pro peccatis, si in infinitum augeretur, vel non sufficiebat. Secundum non congruit scripturæ, & Patribus. Ex primo sequitur, satisfactionem illam fuisse intrinsecè infinitam: nam finita exhauriretur per infinita peccata: ergo. *Respondetur*, negando consequentiam: nam sicut ipsa pena non est infinita, nisi secundum quid tantum, scilicet secundum durationem,

ita satisfactio intrinsecè finita, potest esse illi æqualis: quippe talis infinitas non est intensiva, nec perfectionis; si enim Angelus esset ab æterno, non propterea esset perfectior, quam modò est; nec ex eo, quòd sit *à parte*, post in æternum duraturus, est perfectior, quam si non esset sic duraturus, sed aliquando destruendus, seu annihilandus.

Item. Christus primario satisfecit pro peccato, quod est finitæ tantum malitiæ; sed quæcumque satisfactio æqualis peccato est proportionata penæ, quæ infligitur tantum propter peccatum: ergo. *Item:* sicut ipsum peccatum finitæ malitiæ fundat debitum penæ æternæ, servata æqualitate iustitiæ, ita satisfactio finita redimere potest à tali. *Item.* Opera iustorum, quæ sunt finiti valoris, merentur de condigno secundum Tridentinum vitam æternam, quæ est infinita secundum durationem; ergo potest opus aliquod finiti valoris mereri remissionem penæ æternæ debite peccato. *Ad confirmationem* negatur sequela primæ partis antecedentis: ratio patet ex dictis; nam illa satisfactio, quia non applicatur secundum partes, sed secundum se totam cuilibet, sufficeret pro peccatis, si in infinitum augeretur numero.

109 *Tertium argumentum.* Ratio meriti, & valor crecit ex dignitate personæ merentis: sed per-

K k k k sona

sona Christi operans, & merens est infinita; ergo opera ipsius, & merita sunt infiniti valoris. Probat^{ur} maior: quia nullus est, qui non existimet, obedientiam, & humilitatem Regis maiorem, habere valorem, quam vnus hominis priuati; ergo, cū persona Christi fuisset infinitæ dignitatis, opera ipsius erunt infiniti valoris. *Respondetur*, distinguendo maiorem: sub genere finitæ perfectionis, quæ sola operibus debetur, concedo; infinitæ, nego maiorem, & consequentiam; sicut enim Aduersarij, quamuis concedant, satisfactionem, & merita nostra crescere ex obiecto, & sine, negant tamen esse, infinita, etiam quando obiectū, aut finis, vt Deus, essent infinita; & omnes concedunt, perfectionem cognitionis desumendam ab obiecto, & tamen non admittunt, esse infinitæ perfectionis, quando versatur circa obiectum infinitæ perfectionis, & multi etiam ex Aduersarijs

merito negant nobiscum, peccatum mortale habere infinitam malitiam intrinsecam, licet admittant, malitiam ipsius crescere ex dignitate personæ offensæ, quæ est infinita, sicut admittūt, rationem, & valorem meriti crescere ex dignitate personæ meritis, & satisfaciētis; ita in casu. Ad probationem maioris concedo antecedens, & nego consequentiam: quia etiam si persona infinita augeat valorem meriti; non tamen debet extrahere ipsum extra rationem finiti, quando aliæ causæ, & conditiones necessariò requisitæ ad talem valorem sunt simpliciter finitæ; nec mirum videri debet, quod persona creata proportionaliter ad suam dignitatem augeat valorem operis, quamuis increata nō valeat ita augere; quia creata secundum totam suam dignitatem potest se humiliare, & existimare indignam tanto honore.

De Operibus Præcepti.

D I F F I C V L T A S.

Vtrum Christus meruerit operibus præcepti, & quando incipit, & finiuit mereri?

110 **Q** Vidam dicunt, potuisse Patrem Aeternum im-

ponere Christo Domino præceptum, non tamen cum obligatio-
ne

ne ad culpam. Ad hoc probandum distinguunt in præcepto duas obligationes. *Prima obligatio est*, quam habet subditus ad obediendum superiori propter ius, quod superior habet, vel exercet in subditum, imperando illi. Et hæc prima obligatio est de essentia ipsius præcepti, ut tenet *Diuus Ambrosius Epistola 62. Diuus Cyprianus sermone de Christi natiuitate, Augustinus de Virginitate c. 20.* & iuxta hanc priorem obligationem hæc opinio concedit, quod Christo Domino fuit impositum præceptum. *Secunda obligatio est* ad culpam, scilicet ad incurrendum inimicitiam eius, qui præcipit, quando præceptum eius non obseruatur; & hanc obligationem, asserunt, non posse imponi Christo Domino.

II *Quod autem hæc secunda obligatio possit à prima separari, probant à priori. Primum;* quia ipsa secunda obligatio non est de essentia præcepti, sed oritur ex prima obligatione; quare potest, tanquam posterius, separari à priori; separatur autem in præceptis posituius ad libitum superioris; vnde in aliquibus Religionibus sunt præcepta obligan-

tia subditum tantum ad penam, non verò ad culpam. *Secundò probant:* quia subditus defacto aliquando obedit virtute obedientiæ, vel charitatis tantum sine vilo respectu ad superioris inimicitiam incurrendam, vel ad pœnam; ergo eodem etiam modo potest etiã superior præcipere. Si verò præceptum est naturale; ad quod subditus lege naturæ teneatur, tunc secunda obligatio, quæ est ad culpam, semper est coniuncta cum priori, & inseparabilis ab ea; dummodò subiectum, vel subditus, cui tale præceptum imponitur, capax sit obligationis. Si verò sit incapax, non est necesse, ut secunda obligatio sit coniuncta cum priore, vel oriatur ab illa, cum non dicat essentialem coniunctionem cum ea. Concludit, quod cum Christus Dominus sit incapax culpæ, & secundæ obligationis, siue præceptum moriendi fuerit illi impositum, siue naturale confurgens ex officio Mediatoris, non poterat obligari ad culpam propter incapacitatem subiecti; hinc impeccabilis semper esset, quamuis non adimpleret præceptum.

PROPOSITIO PRIMA.

Hic modus dicendi non est admittendus.

112 **V**ideatur Medina 2. parte, quest. 26. articulo 4. & Albertinus quest. 3. Theologica. Probatur: quia transgressio præcepti, quatenus dicit priorem obligationem, adhuc esset imperfectio priuatiua in Christo Domino, quia est negatio actus debiti; & probatur, nam Christus Dominus per priorem obligationem tenebatur obedire Patri: quia habebat ius præcipiendi; ergo actus transgressionis non est secundum debitam rectitudinem morum, sed est inobedientia, & dissensio à Diuina voluntate. Quod autem hæc imperfectio priuatiua repugnet Christo Domino, nec possit stare cum eius impeccabilitate; ita ostendit Albertinus: quia si Verbum admitteret hanc imperfectiorem, admitteret aliquid indignum diuinitati, quod certè repugnat; quia ad partem rationalem pertinet ita regere partem sensitiuam, vt hæc nullam incidat imperfectiorem priuatiuam, si possibile sit humano modo; ita ad Deitatem spectat ita regere naturam humanam, vt nullam admittat imperfectiorem priuatiuam, quod quidem non facere, impossibile est Deo

in opinione istius Doctoris de potentia Dei absoluta, in nostra verò tantum de potentia ordinaria.

113 *Secundò sic impugnatur:* quia, quamuis præceptum iure impositum, essentialiter inducat in subditum obligationem tantum obediendi, & non inducendi ad culpam (quod intendunt Sancti allegati in illo modo dicendi) nihilominus transgredi præceptum sic impositum, necessariò, & essentialiter ponit culpam intransgrediente. Hoc sic probatur: nam qui transgreditur præceptum iure impositum, lædit, ac violat ius imperantis: sed lædere ius alienum, manifestè est culpa, & iniustitia; ergo à transgressionem præcepti iure impositi non potest culpa separari: imò nihil aliud est culpa, & peccatum secundum omnes, quam transgressio legis, vel præcepti iure impositi.

114 *Tertiò etiam impugnatur hic modus dicendi iisdem rationibus prædicti Albertini:* nam si Authores illum defendentes asserunt, Christum Dominum esse impeccabilem etiam de potentia absoluta ex vi præcisæ vniouis, vel quòd Deus, supposita

vno-

uatione, non poterat de potentia absoluta illi naturæ non conferre auxilia ita gubernantia naturam, ut non possit deuiare à lege, & regula diuina: hoc supposito, dico, quòd dato casu, quòd Christus Dominus non peccaret in transgressione præcepti, si defacto illud transgredere-
tur: adhuc isti Authores minimè probant, Christum Dominum, habere libertatem transgrediendi præceptum, imò eodem fundamento, quo probant impeccabilitatem, probant impossibili-

tatem transgrediendi, & deuiandi à regula. Vnde dato casu quòd in suo modo dicendi componerent transgressionem præcepti possibilem cum impeccabilitate, & separabilem esse primam obligationem à secunda; adhuc non probant, quomodo Christus habeat libertatem transgrediendi primam obligationem, & non obediendi Patri, concedendo illi (ut ipsi concedunt in Christo Domino) necessariam rectitudinem, & conformitatem cum regula.

Aliorum opinio.

115 **A** *Lij* asserunt: quòd licet Christus Dominus fuerit impeccabilis, adhuc liberè adimpleuit præceptum; quia in primo instanti suæ conceptionis, liberè, volunt, ipsi imponi præceptum; quia in primo instanti suæ cōceptionis liberè voluit sibi imponi præceptum. Hoc

probant ex illo Psalmi 39. *Deus meus volui, & legem tuam in medio cordis mei, &c.* Istum locum de Christo Domino intelligit Apostolus; si ergo liberè Christus Dominus voluit sibi imponi præceptum, liberè adimpleuit illud.

PROPOSITIO SECVNDA.

Hic modus dicendi non est verus.

116 **P** Robatur: quia tollit libertatem, quæ opponitur necessitati in actuali adimplerem præcepti; quare talis adimpletio formaliter non habet libertatem in se, sed in causa, sci-

licet in actu illo antecedente, quo Christus Dominus voluit, sibi imponi præceptum. Quòd autem nec in illo actu fuerit libertas, probat idem *Albertinus*: Primò: nam præceptum mori-

riendi non debebat pendere, nec defacto pendebat à voluntate creata Christi Domini: nam antequàm intelligeretur Christus Dominus velle præceptum, iam significabatur impositum per ea verba præcedentia: *Aures autem aperuisti mihi, &c.* Aperuit Deus Christo Domino suam voluntatem de moriendo, quam voluntatem fuisse præceptam, significat alia Conuersio, quæ legit: *Aures autem perforasti mihi, &c.* ad instar serui, quod indicant etiam sequentia verba: *Et legem tuam in medio cordis mei.* Possent respondere, quòd per illa verba: *Aures autem aperuisti mihi, &c.* etiam denotatur præceptum, fuisse propositum intellectui creato Christi Domini; siquidem intellectus, dum intelligit, aures est, quæ auditur, quidquid Pater loquitur; vnde quando præceptum fuit representatum intellectui creato Christi Domini, & Pater aperuit hanc aurem, intellectum, vt præceptum audiret, vel præciperet, vt representaret voluntati; voluntas hoc præceptum sibi præsentatum; liberè voluit sibi imponi, in quo saluatur libertas, quam ponit iste modus dicendi.

- 117 *Quare illum sic impugno, probando, Christum Dominum nullam habuisse libertatem à necessitate circa impositionem talis præcepti: nam vel prædicti Authores asserunt, ita voluisse Christum, sibi imponi præ-*

ceptum, vt posset non velle, vel ita, vt necessariò veller. Si secundum, iam est necessitas, quam conatur tollere; si verò primum asserunt; tunc sic si Christus Dominus posset velle, non sibi imponi præceptum, quod Pater volebat imponere, Christus Dominus posset peccare, sed iuxta sententiam tenentem istum modum dicendi, Christus Dominus non potest peccare, etiam de potentia absoluta. Maior probatur: nam velle actualiter oppositum eius, quod Deus in se vult, quando talis voluntas cognoscitur, est peccatum: ergo si Christus Dominus, cognita voluntate Patris, posset velle oppositum, valeret etiam peccare; quod negant. Item: parum est cōsentaneū Diuinæ prouidentiae, & Scripturæ dependisse tantum à voluntate Christi Domini humana, perfectissimū, & supremū opus tam Diuinæ prouidentiae, quam prædestinationis; & nō est credibile, quòd Pater Aeternus ideò decreuit nostrā redemptionem, quia voluntas humana Christi Domini voluit. *Nec sufficit respondere cum aliquibus, ita impositum fuisse præceptum Christo Domino, vt pro suo libito posset petere dispensationem præcepti, & exaudiretur pro sua reuerentia, quod colligitur ex illo Matthæi 6. An putas, quòd non possum rogare Patrem meum, & exhibebit mihi plusquam duodecim legiones Angelorum,*

lorum, &c. hinc cum liberè potuisset petere hanc dispensationem, saluatur Christi libertas. *Nam contra est*: quia licet ista solutio aliquid probet de præcepto mortis, quod est positivum, nihil tamen probat de præcep-

tis naturalibus, in quibus nullatenus poterat Christus Dominus petere dispensationem; ac per consequens nec liberè adimpleret illa, nec mereretur in adimplerione illorum.

Aliorum sententia.

118 **Q** Vibusdam placuit, Christum fuisse liberum, quia quamquam non potuerit non velle mori, supposito præcepto, poterat tamen acceptare mortem ex hoc, vel illo motivo; hoc, vel illo tempore; actu intenso vel remisso: acceptatio igitur,

qua defacto ex tali motivo, pro tali tempore, & tali actu intenso mortem acceptavit, fuit libera, & meritoria; quia potuit non habere talem acceptationem. *Ita Vasquez disp. 74. & multum eo.*

PROPOSITIO TERTIA.

Hic modus dicendi non videtur satisfacere.

119 **P** Robatur: quia si Christus haberet omnimodam necessitatem moriendi quoad substantiam mortis, & solum, indifferentiam quoad prædictas circumstantias, non esset tribuendum ipsi ad laudem, quod mortuus fuerit simpliciter, & absolute, nec agenda illi gratia propter hoc; & consequenter non meruisset, nec redemisset genus humanum, quia mortuus est, sed quia tali tempore, ex tali motivo, & libentius mortuus fuerit, hoc tamen est contra Scripturam,

qua significatur ipsa mors secundum substantiam libera, & Christus laudandus, & gratia ipsi habenda propter ipsam mortem, non propter illas circumstantias solum. Patet ex scripturis supra allatis: *Nemo tollit animam meam, &c. Oblatus est, quia ipse voluit, &c.* Ad Philippenes 2. *Factus est obediens usque ad mortem, propter quod & Deus exaltavit illum, &c.* Ponderandum hic, non dicere Sacram Scripturam: quia citius, libentius, aut ex tali motivo obediuit,

uit, sed quia mortem obediens acceptavit: Ponderandum itidem, quod ponere animam à seipso, significat mortem quoad ipsam substantiam fuisse liberam.

120. *Confirmatur primò*: quia si quis esset in carcere propter debitum decem scutorum, & alius, qui deberet ipsi decem scuta, post unum annum, misericordia, & charitate erga incarceratum motus, anticipasset solutionem, & liberasset eum; nullus diceret, eum liberè, & gratis solvere illas pecunias, nec reus deberet illi gratias pro ipsa solutione in substantia, sed tantum pro anticipatione solutionis; ergo si Christus habuit necessitatem mortis subeundæ, non liberè subiit mortem, nec gratias sunt illi pro morte referendæ, sed solum pro eo, quod citius, & libentius passus sit mortem. *Item* si quis esset damnatus ad mortem, & relinqueretur in eius potestate eligere hoc, vel illud genus mortis, & hodie, vel cras; nullus diceret, ipsum liberè mori ex eo, quod eligeret hanc mortem, & non aliam, vel quod moriatur hodie potius, quam cras; ergo nec Christus debet dici liberè mortuus, si libertas ipsius extendatur solum ad circumstantias supra positas. *Urgetur difficultas*: quia nemo diceret, antiquos Patres meruisse Incarnationem simpliciter, aut eam fuisse præmium suorum merito-

rum, licet communiter concedatur, eos meruisse accelerationem eius: ergo si Christus fuit necessitatus ad ipsam mortem, & solum fuit liber quoad aliquas circumstantias; redemptio nostra non erit præmium mortis ipsius; nec debemus illi gratias, quia moritur, sed quia moritur cum talibus circumstantiis.

121. *Dices*: actus, quo Christus voluit mori hic, & nunc, est volitio mortis, & consequenter Christum meruisse non solum per volitionem circumstantiarum, sed etiam per volitionem ipsius mortis. *Contra*: dicant similiter, actus, quo voluit Deus incarnari hic, & nunc, in illis circumstantiis fuisse volitionem Incarnationis, formaliter loquendo; & tamen, licet ille actus sit propter merita Patrum, non tamen ipsa Incarnatio simpliciter, & absolutè. *Dices ulterius*, ipsam mortem secundum substantiam fuisse liberam, & voluntariam: quia acceptata fuit per actum intentum, qui actus erat liber: quia Christus poterat habere alium actum minus intentum. *Contra*: ut mors dicatur libera simpliciter, non sufficit, quod procedat ex voluntate quomodocumque libera, sed requiritur, quod taliter procedat, ut possit simpliciter non procedere ab illa voluntate: si ergo intentio illius actus in Christo præsupponit necessitatem

rem volendi mortem, mors non debet ab ipsa denominari simpliciter libera, sed solum quantum ad illum excessum: nam operanti non debet tribui ad laudem id, quod facit, nisi in quantum excedit id, ad quod ante operationem erat necessitatus. Si enim aliquis det decem nummos aureos illi, cui debet octo; est tota datio sit libera, quia posset dare alios decem diuersos; obiectum tamen gratitudinis non est datio decem, sed solum datio duorum: quia in duobus excedit id, ad quod supponebatur necessitatus; ita in proposito: ille aq̃us intensus, quo Christus acceptauit mortem, non est obiectum gratitudinis adæquate; sed solum secundum illum excessum intensiōis, vel accelerationis, si præsupponitur Christus ante simpliciter necessitatus ad ipsam substantiam mortis.

122 *Dices:* Martyres dicuntur simpliciter liberè mori, & laudantur propter mortem etiam quoad substantiam, licet sint causa mortis solum per anticipationem, & accelerationem: non enim possunt vitare mortem simpliciter; eum tandem ex necessitate ipsius naturæ debuissent mori: ergo, vt Christi mors dicatur simpliciter libera, & me-

ritoria, sufficit circumstantia accelerationis. *Contra;* quia non valet paritas; nam mors Christi independenter ab ipsa acceleratione, & alijs circumstantijs erat aliunde necessaria, quam ex debito ipsius naturæ (ex præcepto scilicet Dei, vt volunt Aduersarij) mors verò Martyris non est aliunde necessaria, quam ex debito ipsius naturæ, & quia hoc debitum vniuersale est, & commune omnibus; qui voluntariè illud præuenit, & mortem anticipat, dicitur mori, quia ipse vult, & consequenter liberè; quia ponit animam suam à seipso, quantum ab ipso, vel ab homine poni potest. Si tamen esset aliquis iam destinatus ad mortem à Iudice, & ipse propter aliquam rationem eligeret mori hodie potius, quam cras, verè è contra talis minime diceretur liberè mori. *Idem* dicendum de Christo, si independenter à voluntate propria sit omnino ordinatus ad mortem per præceptum Patris, quamuis in manu ipsius adhuc fuisset accelerare aliquo modo mortem. *Deinde:* illud, in quo fundantur omnes datæ solutiones, nimirum quod præceptum fuerit solum de substantia mortis, & non de circumstantia temporis, vel mori- uorum, gratis omnino dicitur.

PROPOSITIO QVARTA.

Aliorum placita examinantur, & verior sententia adducitur.

123 **D**ixerunt alij, libertatem Christi componi cum necessitate moriendi per sensum compositum; dicunt ergo, Christum fuisse necessitatum ad mortem in sensu composito, non tamen in sensu diuiso.

Verum horum sententia nō soluit difficultatem. Probatur, & primò suppono, necessitatem antecedentem non stare cum conceptu libertatis. Rem explicō: si independenter à mea voluntate foret mihi ablatum Breuiarium, cum sine Breuiario minimè valeam dicere officium, tunc non dicere officium, nequaquam esset mihi peccatum. Nunc ita dicunt isti Doctores: Christum esse necessitatum ad adimplerionem præcepti; stante præcepto infero, quòd cum positio præcepti fuerit independenter à consensu Christi; ergo circa talem adimplerionem nullam habet Christus libertatem. Item alligatio ad præcepta naturalia erat ad eò necessaria Christo, ut illius obligatio non fuerit in potestate Christi, nec Deus potuerit cum eo dispensare; ergo saltem respectu horum nullam habet veri-

tatem discursus horum Doctorum.

124 *Apud Cardinalem de Lugo disp. 26. sessione 8.* saluatur libertas Christi in hoc, ut in potestate Christi fuerit petere à Patre dispensationem de præcepto imposito, quam si exposulasset, obtinisset; hinc cum pro sua libertate non petierit talem dispensationem, sequitur, talem mortem fuisse Christo liberam. *Sed nec hic modus dicendi* soluit difficultatem. Probatur, quia saltem non valet hic discursus, loquendo de præceptis naturæ: nam talia præcepta sunt indispensabilia, & consequenter talis dispensatio non poterat peti à Christo. *Addo*, quòd cum Christus iam videret in Verbo, Patrem Aeternum voluntate efficaci determinasse, Christum moriturum; non videtur, quare ratione Christus potuerit postulare dispensationem: videretur enim, supponere possibilem mutationem in decreto efficaci diuinæ voluntatis; quod dicit nemo.

125 *Verior igitur sententia est, quòd Christus simpliciter potuit peccare, & transgredi præceptum de mortis.*
To-

Totam ergo impeccabilitatem, quam defa^{cto} Christus habuit, iudico reducendam ad manutentionem Dei, quæ est continua, & permanens auxiliorum efficacia exhibitio: cum ergo auxilium efficax non destruat libertatem, concludo, quod Christus post præceptum adhuc fuerit liber. Si etiam dicatur, Christum esse impeccabilem per fruitionem, quam habuit à primo instanti suæ conceptionis; conclusio nihil habet difficultatis. Nam talis fruitio (ut sæpius in alijs materijs notavi) non necessitat simpliciter voluntatem quoad exercitium, maxime cū stante clara visione Dei, posset Beatus cessare ab amore Dei;

defa^{cto} tamen manuteneretur à Deo, nec esset, & ista manutentia minimè nocet libertati. Ratio est: quia sola suppositio antecedens, & independens à voluntate, aduerfatur libertati: cum ergo ista manutentia minimè sit aliqua prædeterminatio physica, sed solum datio auxilij efficacis, cum Deus per scientiam conditionatam præiudicaverit, quod dando Sancto Francisco v.g. tale auxilium, Franciscus infallibiliter (liberè tamen) operaretur; & si Deus det tale auxilium, ad quod infallibiliter sequitur operatio, adhuc tamen remanet liber. *Ad clariorem intelligentiam fit*

PROPOSITIO QUINTA.

Quantum ad præcepta positiua.

126 **M**ihi probabiliter respōdetur difficultati isti, Christum, etiam posito præcepto, liberè obedisse, & consequenter ipsius mortem fuisse liberā, & meritoriam. Ratio est: quia, quotiescumque sensus compositus alicuius est in potestate ipsius voluntatis ita, ut possit tollere talem sensum, si vellet; illud, quod sequitur ad talem sensum compositum, est simpliciter in potestate voluntatis: quia simpliciter potest illud impedi-

re, quamvis manente tali compositione, dicatur necessarium, sed necessitate secundum quid, & ex hypothesi, quæ liberè potest auferri: sic apertis oculis, & proposito obiecto visibili, visio dicitur necessaria, licet simpliciter sit libera; quia posset eam voluntas simpliciter impedire: cum igitur Christus potuerit tollere sensum compositum præcepti, & consequenter impedire simpliciter mortem, impetrandò scilicet dispensationē à Deo;

LIII 2 mo.

mori simpliciter; vel non mori, fuit ipsi liberrimum.

Petes: Undè constet nobis, Christum potuisse tollere sensum illum compositum præcepti?

- 127 Respondetur, quòd ex Scripturis, in quibus habetur, Christum liberè mortuum, & ex illo Matthæi 26. *An putas, quia non possum rogare Patrem meum, & exhibebit mihi modò plusquam duodecim legiones Angelorum?* Ex isto loco apertè colligo, Christum potuisse rogare Patrem, ut esset ipsi in auxilium; & si rogasset, Patrem exhibiturum duodecim legiones Angelorum ad defendendum ipsum còtra Iudeos, & auertendam mortem; sed ista in sensu composito præcepti, quia nec Christus potest proximè petere violationem præcepti; nec Pater ad transgrediendū præceptum poterat ipsi esse in auxilium; ergo sublato præcepto, consequenter in manu Christi erat tollere præceptum, si ipse voluisset. *Ex hoc discursu collige;* præceptum, saltem quantum ad eius continuationem, non fuisse primò impositum Christo independentè ab eius voluntate, quia liberum erat ipsi non continuare illud; nec fortè vllò modo fuit ipsi præcepta mors independentè à voluntate sua: nil enim obstat, quominus illa voluntas, qua ingrediens in mundum *ex Apostolo ad Hebræos 10. nu. 7.* & videris insufficientiam antiquorum sacrificiorum;

voluntariè se obtulerit, dicens: *Ecce venio, &c. ut faciam, Deus, voluntatem tuam*, dicatur antecessisse omne præceptum de morte, & passione; & Deum, tunc primò imposuisse Christo præceptum ad augendum eius meritum, & dandam ipsi materiam obedientiæ; & ad exemplum aliorum, quando viderent eius pròptitudinem ad mortem subeundam pro redemptione nostra; & quòd aliàs non imposeret ipsi tale præceptum, nisi videret iam consensum ipsius paratum. Si autem hoc dicatur, non solum continuatio præcepti esset Christo libera, sed etiam prima eius impositio.

- 128 Dices primò. Christum in illis verbis Matthæi 26. *An putas, quia non possum, &c.* loqui de potestate, quam habebat eius Divinitas, non autem de potestate humanitatis. Contra: non competit Christo secundum potestatem Divinitatis rogare Patrem: quia in illa est æqualis Patri; ergo nulla responsio. Dices secundò, illa verba Matthæi 26. *An putas, &c.* significare solum quid Christus posset ex natura rei, nisi impediretur præcepto Patris. Ita videntur explicare illa verba Maldonatus in *Mattheum*, & Velasquez ad *Philippenses cap. 2. versiculo 9. nu. 8.* Contrà: quia hic sensus est apertè contra intentionem Christi, qui voluit ostendere Petro, se tunc liberè, & nò ex necessitate mori, ut colligunt

Patres, & Interpretes communiter. *Dices tertio*, quod Christus non diceretur obligatus præcepto mortis, si liberum esset ipsi obedire, vel non obedire: sed hoc fuit ipsi liberum (si in potestate eius erat tollere præceptum) ergo. *Respondetur*, negando minorem: quia non dicitur, esse liberum alicui non obedire præcepto ex eo, quod posset se

liberare ab obligatione præcepti per dispensationem superioris; sic Religiosi volentes aliquas preces, vel alia pia opera compatibilia cum statu Religionis, & obedientia Superiorum, obligantur istis votis, licet illa obligatio sit ipsis libera, quatenus liberum est ipsis, illam superioribus significare, & petere dispensationem.

PROPOSITIO SEXTA:

Christus incæpit mereri in primo instanti suæ conceptionis.

129 **E** St Magistri in 3. dist. 18. Scoti ibidem, *Divi Thomæ* 3. parte, quæst. 19. & aliorum. Probatur primò ex illo ad Hebræos 10. nu. 5. *Ideo ingrediens mundum, dicit: hostiam, & oblationem noluisti; corpus autem aptasti mihi, &c. Probatur secundò rationibus*: quia omne habens actum primum perfectum, & obiectum præsens in ratione obiecti, si non impeditur, & actus eius secundus non sit successivus, sed permanens, potest pro quocumque instanti agere: quia nil aliud requiritur ad actum; sed Christus hæc omnia habuit in primo instanti suæ conceptionis: potentia enim eius fuit perfectissima; habuit auxilia perfectissima, cognitionem, & gratiam; & ob-

iectum, scilicet tota Trinitas fuit illi præsens: ergo poterat velle, illi bonum propter se. Deinde: notavi supra, Christum meruisse per ipsum amorem beatificum, quem libere in primo instanti elicit; & etiam si non meruisset per illum actum, poterat tamen pro eodem instanti videre alias creaturas, siue per ipsam visionem beatificam, siue per distinctam aliquam aliam cognitionem, easque propter Deum, amare, ergo, &c.

130 *Dices primò*: effectum debere supponere suam causam: ergo nequit res produci, & operari in eodem instanti, & consequenter nec mereri: quia meritum non potest esse sine operatione. *Respondetur*, distinguendo antecedens,

dens, natura; concedo; tempore, nego: quia ut communis sententia docet, Angeli defacto operati sunt in primo instanti suæ creationis; & hoc maximè verum est, quando operatio non est successiva, sed permanens. *Replacabis*: ut actus sit meritorius requiritur deliberatio, & electio: quia actus meritorius est electivus: sed electio præsupponit syllogismum practicum, & discursum, & discursus præsupponit moram; ergo res nequit habere actum meritorium pro primo instanti, quo producitur. *Respondetur ex Doctore supra*, ideò requiri huiusmodi discursum, & syllogizationem practicam, ut habeatur actus electionis voluntatis, & quando actum voluntas eligit, ratio practica non discurret, sed facta conclusione practica, sententiat de eligendo. Unde si sententia ultima possit haberi sine discursu perseverante, voluntas potest liberè tam perfectè eligere in instanti, quàm si præcederet discursus: sed potest, quia perfectus in cognoscendo non discurret ex 3. *Ethicorum* 10. sicut artifex in citharizando perfectus nõ discurret in percutiendos cordas, & syllogizat, aliàs videretur imperfectus. Cum igitur Christus à principio suæ conceptionis fuerit perfectissimus in cognitione, poterat sine tali syllogizatione eligere, quia electio de se est actus simplex.

131 Unde in forma respondetur, di-

stinguendo maiorem: electio præsupponens cognitionem perfectam, seu iudicium perfectum practicum, non tempore, sed natura, concedo maiorem; præsupponens discursum formalem, & syllogizationem practicam, nego maiorem. Distinguo similiter minorem: electio præsupponit discursum in imperfectis, transeat; in perfectis, saltem necessariò, nego minorem, & consequentiã: quia posita sufficienti cognitione, & iudicio in intellectu, voluntas non indiget successione temporis ad eligendum, sed potest liberrimè consentire in eodem ipso instanti, quo intellectus iudicat aliquid faciendum.

Hinc patet ad aliam obiectionem, quæ dicitur, indifferentiam voluntatis necessariò respicere futurum; hoc enim est falsum, quia potest liberè operari, si velit pro eodem instanti, quo indifferens est. *Dices*, Christum non habuisse usum rationis in sua infantia: quia hic dependet à debita dispositione organorum; ergo non potuit mereri. *Negamus assumptionem*: est enim contra Sanctos Patres, qui explicant illud Hieremix: *Fœmina circumdabit virum*; ita ut velint, Christum in utero Matris fuisse virum, non corpore, sed mente. *Item* fatentur, Christum in sua natiuitate, & circumcisiõne meruisse nobis sacrificasse Ioannem Baptistam in utero Matris, & multa similia,

lia, quæ dicuntur de Christo infante. Ex quibus colligitur clare, Christum in infantia meruisse nobis. Argumentum ergo non valet in proposito: quia Anima Christi propter suam perfectionem non dependebat à phantasmatibus, sicut dependet necessario anima nostra pro hoc statu.

- 132 *Dices secundò.* Angelus non potuit peccare in primo instanti sue creationis secundum Anselmum de casu Diaboli c. 13. quia tunc Deus esset causa peccati: nam quidquid convenit Angelo ab instanti sue creationis, habet à Deo: ergo similiter nec Christus potuit mereri in primo instanti, alias meritum esset à Deo, & Christus merè passivè se habuisset ad meritum, quod est contradictio. *Confirmatur primò.* si Christus potuit mereri in primo instanti; aut hoc fuisset eodem actu cum actu fruitionis beatifico, aut alio: non eodem, quia beatitudine non meretur aliquid, sed magis præmiatur, & meritum, & præmium non sunt idem, sed unum est causa alterius: nec potest dici, quòd alio actu, quia ille actus fuisset prior actu beatifico; quod est falsum: quia actus beatificus simpliciter fuit prior in voluntate Christi. *Confirmatur secundò.* si potuit in primo instanti mereri Christus, ponamus, quòd meruerit: *Tunc sc.* Omne, quod est, quando est, necesse est esse: ergo nullus actus,

quando est, contingens est, & per consequens actus tantummodò est contingens, ut est in potentia; sed potentia est prior actu, & potest illum elicere, vel non elicere; ergo si actus ponitur in priori instanti, tollitur prioritas potentie, & per consequens contingentia actus, & ratio meritorij. *Item* agere præsupponit esse: sed mereri est agere; ergo præsupponit esse creaturam præcedens non solum naturam, sed duratione: quia ipsum esse non est, nisi duratio entis, quare, &c.

- 133 *Respondet Bassolius,* quòd Angelus potuit peccare in primo instanti, & actum peccati habuisset in seipso per propriam voluntatem. *Ad Anselmum dicitur,* quòd ipse fixit unum Angelum, qui non habuisset voluntatem à sua creatione, sed fuisset creatus sine voluntate, & ideo non potuisset peccare in primo instanti, quia si peccasset, non à se, sed à Deo peccasset, ut patet. Opposito autem modo res se habet in casu nostro: nam supponimus, Christum habuisse in primo instanti suam propriam voluntatem, &c. *Ad primam confirmationem* potest dici una, & altera pars; nec sequitur inconueniens aliquod, si dicamus, Christum meruisse actu alio, quia actus beatificus, etsi satiabat voluntatem Christi, quantum ad intensionem, scilicet, quod non poterat habere perfectionem

rem actum, non tamen satiabat extensivè, ita quod non potuisset alterum elicere actum. *Ad aliam cōfirmationem*, quod omne, quod est, quando est, necesse est esse, dicimus esse verum in sēsu compositionis, & necessitate conditionata, cum qua stat contingentia simpliciter. Non erat ergo necessarius ille actus necessitate absoluta: vnde dico, quod actus esset simpliciter cōtingens pro primo instanti, sicut pro quolibet alio instanti. *Cūm di-*

cis, quod potentia minimè fuisset prior actu; verum est duratione, sed natura esset prior: quia pro eodem instanti diuisim potuit elicere, vel non elicere, & sic fuit contingenter elicitus.

Quando dicitur, quod agere præsupponit esse; verum est natura, sed non duratione. *Et si dicas*: esse est duratio rei; hoc concessio non plus habetur, nisi quod agere præsupponit esse, siue durationem, at non duratione, sed natura.

PROPOSITIO SEPTIMA:

Christus continuauit meritum toto vita tempore sine interruptione, & interuallo vlllo.

134 **P**robatur primò: quia cum ipse habuerit visionem beatificam, & cæteros habitus tam naturales, quam supernaturales supra assignatos, quibus mediātibus poterat cōtinuò etiam independentè à phantasmatibus, & sine fatione vlla liberè, & benè operari; non est negandum, quod

semper habuerit actus bonos, & meritorios præsertim, cum nulla possit assignari necessitas, aut utilitas interruptionis. *Deindè* alij Beati admittuntur sine interuallo vlllo continuare opera bona: cur igitur idem non dicatur de Christo, cum nullum fuerit impedimentum?



PROPOSITIO OCTAVA.

Mors Christi fuit terminus meriti eius.

135 **P** Robatur ex Apostolo ad Hebræos 2. nu. 10. *Decēbat eum, &c. qui multos filios in gloriam adduxerat. Authorem salutis eorum, per passionem consummari, &c. & cap. 10. nu. 14. Vna enim oblatione consummauit in sempernum sanctificatos. Ex quibus, & multis alijs locis colligitur, Christum in hac vita solum meruisse, & morte cōsummasse suā merita. Deinde: sicut alij Beati non merentur post mortem, sed accipiunt fructum meritorum, ita idem dicendum de Christo.*

Dices; Christum meruisse vulnerē lateris; sed illud vulnus fuit inflictum post mortem, ut patet ex Scriptura Ioannis 19. Cum vidissent eum iam mortuum, non fregerunt eius crura, sed vnus militum lancea latus eius aperuit, &c. & definitur in Concilio Viennensi, in Clementina prima de summa Trinitate, & fide Catholica: ergo meritum Christi non fuit terminatum in morte. Maior probatur: quia Patres dicunt, Sacramenta Ecclesiæ, & redemptionis nostræ fluxisse ex latere Saluatoris; sed hoc nō esset verum, nisi pro illo tempore supponeretur meritum, Maior patet ex Leone epistola 4. cap. 6. Tunc

(ait) regenerationis potentiam sanxit, quando de latere eius perfluxerunt sanguis redemptionis, & aqua Baptismatis. Consonat Augustinus Tract. 15. & libro 120. in Ioannem, Ambrosius libro 10. in Lucam, Chrysostamus homilia 84. in Ioannem, & Hymnus Ecclesiæ: quo vulneratus insuper, Mucrone divo Lanceæ, ut nos lauaret crimine, manavit vnda, & sanguine, &c. Omisissis varijs solutionibus.

136 *Respondetur breuiter, illud vulnus fuisse quidem meritum, & pertinuisse ad complementum redemptionis, non, quando actū inflictum fuit, sed antea, quando Christus adhuc viuens præiudicē illud vulnus inferendum in contumeliam sui, & illud libenter acceptauit, & obtulit se ad effundendum totum sanguinem pro nobis. Eodem modo respondetur ad Patres, ex merito istius vulneris, quando fuit acceptatum à Christo, non autem, quando fuit inflictum, causatam fuisse efficaciam Sacramentorum; & tunc illud vulnus fuisse fontem sanctificationis, vnde scilicet effluerunt. Potest etiam dici, Christum lauisse nostra peccata vulnerē lateris representatiuē: quia mirabili*

bili sanguinis, & aquæ effusione repræsentauit munditiam, & redemptionem nostram, atque etiam efficaciam Sacramentorum nouæ legis, quæ illa aqua, & sanguine figurabantur. Sic etiam dicitur ad Romanos 4. *Christum resurrexisse propter iustificationem nostram; non quod eius resurrectio fuerit, causa meritoria nostræ iustificationis; sed quia repræsentabat nostram resurrectionem spiritualem ad vitam gratiæ, ut explicant Augustinus, Origenes, Anselmus, & alij. Hinc patet responsio ad Hymnum Ecclesiæ. Ad aliam verò obiectionem, quæ dicitur, Christum nunc in Cælo non frustra pro nobis orare, & consequenter aliquid mereri, patebit infra in proprio loco de oratione Christi.*

Petes: an omnia opera Christi meritoria, fuerint etiam satisfactoria?

137 *Respondetur affirmatiuè contra Drincedonem in libro de capti-*

uitate, & redemptione, Tractatu 2. cap. 2. parte 3. articulo 3. conclusione 3. dicentē, Christum pluribus actibus meruisse, satisfecisse Deo per passionem, & mortem, & per hæc meruisse apertionem Regni cælestis, non per alios actus. Sed hoc est falsum: quia sicut Christus quocumque suo actu meruit nobis gratiam, & remissionem peccati; ita etiā pro nobis satisfecit, & apertionem ianuar, quæ nobis ob peccatum tantum occludebatur, quolibet suo actu nobis meruit, licet non completè, nisi in morte. Quando igitur mortis Christi tribuitur remissio peccatorum, non debet ita intelligi, ut sola mors deleat peccatum; sed quod sit consummatio meriti. Vnde quantumuis opera Christi Domini in se fuerint diuersa, compleuerunt vnum totale meritum dependentem ab acceptance Dei, & oblatione ipsius Christi, ut postea videbitur.

PROPOSITIO NONA.

Humanitas Christi de facto non meruit unionem hypostaticam per opera antecedentia illam prioritatem nature.

138 **I**Ta communis Theologorum cum Scoto in 3. dist. 2. quæst. 2. fundatur propositio in

eo, quod in Sacro Codice Incarnationis beneficium dicitur omni ex parte gratuitum; hinc loquens

nis 3. legitur: *Sic Deus dilexit mundum, ut filium suum Unigenitum daret, &c.* Vbi *ly daret* Incarnationis executionem significat, & *ly sic Deus dilexit mundum*, significat motuum Divinæ voluntatis ad dandam unionem hypostaticam. Favet illud Lucæ 1. *Per viscera misericordie Dei nostri visitavit nos oriens ex alto.* Suadetur veritas ista ex *Dino Augustino libro 1. de prædestinatione Sanctorum cap. 15.* docente, quod sicut nobis prima gratia confertur sine ullis meritis antecedentibus; ita unio hypostatica collata est Christo.

Accedat ratio Scoti. Unio hypostatica defecto censetur facta in eo instanti, in quo connaturaliter humanitati fuisset collata propria subsistentia: at subsistentia propria est in omni humanitate prior omni operatione; ergo unio hypostatica fuit prior omni operatione. *Res declaratur.* Subsistentia Verbi supplet in humanitate defectum propriæ subsistentiæ eiusdem humanitatis, & in eius locum subrogatur; ergo data fuit in eo signo, in quo data fuisset subsistentia propria; aliàs foret concedendum sine ullo fundamento novum miraculum; scilicet ut humanitas non solum propria subsistentia orbata fuerit, & eius loco collata subsistentia Divina; sed etiam ut unio hypostatica non fuerit facta pro eo signo, in quo humanitati debe-

batur propria subsistentia; & consequenter defectio humanitas fuisset sine omni subsistentia, tam propria, quam aliena. Hinc cum connaturaliorem connexionem habeat humanitas cum subsistentia, quam cum operatione; etenim sicut prius est rem existere, quam operari; ita prius est humanitatem habere debitum sibi complementum, quam operari; stando ergo legibus nature; prius humanitas subsistit, quam operatur, ac proinde in nullo signo defecto humanitas habuit aliquam operationem ante unionem.

139 *Succedat, quod radix omnis; & cuiuscumque meriti non cadit defecto sub merito: desinere enim esse radix, & causa, quinimodo esset effectus; at unio hypostatica defecto est radix omnis, & cuiuscumque meriti saltem in hominibus; igitur unio hypostatica non fuit ex meritis. Nec dicas: defecto Sanctos Patres meruisse unionem hypostaticam, etsi illorum meritum fuerit fundatum in Christi meritis. Nam dico, Sanctos Patres non meruisse substantiam incarnationis, sed tantum alias circumstantias. Quare illud Apocalypsis 5. Dignus est agnus accipere Divinitatem, &c. non intelligitur de merito, quasi Christus promeruerit incarnatione, sed de manifestatione Divinitatis eius, quam sua passione promeruit, & etiam petebat à suo Pa-*

Mmm 2 tre,

tre, cū Ioannis decimo septimo aiebat: *Clarifica me Pater claritate, quam habui, prius quā mundus fuerit.* Quando etiam in Psalmo 44. in quo agitur de vnione hypostatica, & exprimitur nomine vnctionis ex oleo, & dicitur: *Dilexisti iustitiam, & odisti iniquitatem: propterea vnxit te Deus oleo letitiæ; illa particula propterea non significat causam meritoriam, sed finalem, vt ille sit sensus: Deus vnxit te, vt diligeres iustitiam, & odires iniquitatem.*

- 140 Petes. *Utrum humanitas Christi potuit de potentia absoluta mereri vnionem hypostaticam etiam de condigno per opera tempore antecedentia?*

Respondetur quod sic. Probatur: quia potuit Deus de potentia absoluta dare naturæ humanæ Christi subsistenti propria personalitate, vel existenti sinē omni personalitate (si personalitas sit quid positium) gratiam, tam actualement, quā habitualiter independentem ab hoc mysterio, & in ordine ad merendam vnionem hypostaticam, & annectere promissionem de Incarnatione faciendā, si humanitas mediante illa gratia operaretur benē, & humanitas tunc posset benē operari ad consequendum illud præmium: Nil autem aliud requiritur ad meritum de condigno: igitur, &c.

PROPOSITIO DECIMA.

Potuit humanitas Christi per actum prius tantum natura elicitum mereri de condigno vnionem hypostaticam.

- 141 **P**robatur: quia Deus potuit concedere gratiam animæ Christi independentem ab vnione hypostatica; & acceptare actum bonum ab humanitate mediante illa gratia productum, tanquā meritum Incarnationis; qui actus esset simul tempore cum ipsa Incarnatione, tamen foret prior natura: quia Incarnatio quoad realem

existentiam dependeret ab illo actu secundum realem existentiam talis actus; sic gratia dicitur dependere à contritione; licet sint simul pro eodem instanti reali temporis. *Succedat, quod sicut Angelus poterat demereri pro primo instanti suæ creationis; ita poterat mereri aliquod præmium sibi dandum pro eodem instanti; quo casu meritum na-*

natura solum præcederet præmium. *Succedat*, quod in sententia probabiliori Deus dedit habitum gratiæ, & charitatis primo Parenti, & Angelis defacto dependenter ab actu, quo se disposuerunt, qui actus non præcessisset tempore infusionem istius habitus: quoniam gratia fuit Angelis, & primo Parenti concreata.

- 142 *Nonnulli Patres Thomistæ* impugnant nostram propositionem ex eo, quod humanitas non posset habere vllum actum prius natura, quam existat; imò ipsa existentia est prior natura quacumque operatione; sed humanitas Christi existit existentia ipsius Verbi: ergo non potuit habere vllum meritum prius natura, quam fuerit vnita: *Parui momenti est hoc argumentum apud nos*, qui longo sermone probauimus, humanitatem assumptam habuisse propriam existentiam. *Dices*, subsistentiam esse conditionem prærequisitam ad operandum. *Respondetur ex Scoto* multis in locis, & præsertim in 4. dist. 12. quest. 3. in responsione ad secundum argumentum principale. illud Axioma non esse Philosophi, qui solum habet, actiones esse circa singularia. Et si esset Philosophi; intelligendum, est Axioma illud, quod actiones sunt suppositorum quantum ad denominationem, scilicet, quod actiones sint suppositorum, tanquam vltimò denominatorum;

non autem vult; quod si forma foret, extrâ suppositum, non posset habere actionem: hoc enim est falsum, vt patet de anima separata, & de accidentibus in Eucharistia.

- 143 *Vasquez disp. 21. cap. 3.* impugnat tale meritum, quia si daretur, deberet esse ex gratia habituali, vel saltem actuali; sed non potuit esse ex habituali: quia hæc pro illo priori constitueret filium adoptiuum; nec ex actuali, quia nullum opus potuit esse in Christo, quod non haberet infinitum valorem. *Facilis est solutio huius argumenti.* In primis magna est cōtrouersia: an Christus defacto debeat dici filius adoptiuus; ergo dicere, quod non possit habere gratiam habitualem prius natura, quam vnionem hypostaticam, quia alias esset filius adoptiuus; est probare conclusionem ratione omninò incerta. *Deinde* gratia pro illo priori non redderet, nec denominaret eum filium adoptiuum: quia adoptio vltra gratiam habitualem includit carentiam realem filiationis naturalis, quæ carentia non intelligitur pro illo signo priori, sed solum præcisio. *Quod additur de infinitate actus procedentis à gratia actuali in illo casu*, falsum est: nam siue actus Christi defacto sint finiti, siue infiniti valoris; tamen ille actus elicitus prius natura, quam esset vnio, & à quo dependeret ipsa, non esset

esset infiniti valoris; quia non haberet illum valorem, qui defacto reperitur ad aures Aduersariorum in actu Christi ratione suppositi operantis; sicut contritio antecedens natura iustificationem, licet sit simul tempore cum gratia habituali subsequente, tamen non habet illum valorem, quem habet contritio præsupponens habitum gratiæ, ab eoque elicita.

- 144 *Eminentissimus Lugo arguit contra nos*: quia modus operandi debet semper præsupponere modum essendi, & consequenter natura in illo priori, quo præcedit subsistentiam, non potest habere operationem: cum adhuc non habeat completum modum essendi. *Iam patet falsitas istius discursus* in sententiâ Scotistarum dicentium, subsistentiam non esse principium operatum. *Adde*, quod concessio illo principio, inde tamen nil concluditur contra nos: quia sicut natura, si conservaretur supernaturaliter sine illo complemento, posset habere omnes suas operationes, etiam secundum ipsum *Lugum*: cum illud principium non concurrat physice ad operationes eius; ita nil impedit, quominus natura in illo priori, quo præcedit subsistentiam, habeat aliquam operationem.

- 145 *Pater Vuaddingus* ita dicit contra nos: inter meritum & condigao, & præmium requiri-

tur perfecta proportio; meritum autem humanitatis in illo casu, quo consideraretur, ut antecedit Incarnationem, minimè haberet proportionem cum præmio: quippè esset meritum puræ creaturæ: ergo. *Huic difficultati satisfacimus*, agendo de proportionem meriti cum præmio. *Adde*: quod si loquatur de proportionem physica rei in se, principium est falsum, ut ibidem est dictum; & patet clarissimè de actibus nostris, quibus meremur beatitudinem: nam inter hos actus, & beatitudinem non est talis proportio, sed beatitudo excedit multum merita nostra; imò in infinitum, loquendo de infinitate extensiuâ. Hinc noster Seraphicus Pater Franciscus dicere solebat: *Fratres, magna promissimus, maiora promissa sunt nobis; seruemus hæc, suspiremus ad illa; modica passio, gloria infinita*. Item secundum Aduersarios meritum Christi excedit omne præmium ipsi, aut nobis collatum, eo quod fuerit valoris infiniti; ergo non requiritur illa perfecta proportio inter præmium, & meritum.

- 146 *Dices*; inde sequi, animam posse mereri suam vnionem ad corpus, & alia, antequam vnitur corpori; quia præcedit naturalem vnionem. *Respondetur*, si Deus vellet concurrere, nil inde sequi absurdi iuxta communem sententiam de dispositione priuati Parentis, & Angelorum
ad

ad gratiam. Quòd autem Deus non concurrat defacto, ea potest esse ratio, quòd anima in pœnam peccati prius ordinetur ad intelligendum dependenter a phantasmatis, quàm ad intelligendum independenter ab illis. *Sit etiam alia ratio*: quòd anima, cùm sit substantia incòpleta, prius ordinatur ex natura ipsius rei ad complementum substantiale, quod est corpus, quàm ad complementum vllum accidentale, quale sunt operationes, & actus secundi; & consequenter prius debet compleri per corpus substantialiter, quàm accidentaliter per vllum actum secundum. Ratio ista valeret, etiam si nullum esset peccatum.

147 *Dices* humanitas Christi debuit semper esse vnita alteri supposito, vel non esse vnita; ergo non potuit habere vllas operationes, nisi vt in se subsistens, vel in altero. Consequentia claret: nam hoc ipso, quòd in altero non subsistat, in se subsistit: cùm secundũ Scotũ substantia possit consistere in sola negatione subsistendi in alio. *Respondetur* distinguendo antecedens: debuit esse vnita, vel non vnita præcisiuè, concedo;

positiuè pro illo priori naturæ, quo præcedit subsistentiam, nego: quia pro illo priori non habet vnionem, nec negationem, ipsius positiuè, sed præcindit ab vtroque: siquidem, vt haberet positiuè negationem, deberet negatio posse affirmari de ipsa pro illo instanti reali. Et per hanc doctrinam patet ad probationem consequentiæ: quia, vt dicatur natura in se subsistere, non sufficit, quòd intelligatur non subsistere in alieno pro aliquo instanti naturæ; sed requiritur, quòd habeat negationem essendi in alio pro instanti reali temporis. *Replicabis*, prioritatem naturæ secundum Scotum in 3. dist. 18. qu. vn. s. viso. &c. nõ sufficere ad meritum. *Respondetur*, prioritatem naturæ potentia præcedentis actum, de qua ibi agit; concedo: quia non est meritum, nisi in aliquo actu, vel passione voluntariè acceptata; prioritatem naturæ actus boni, vel passionis voluntariè acceptæ, negatur; & manifestum est de augmento gratiæ, quæ datur pro eodem instanti reali, quo elicitur actus meritorius.

PROPOSITIO VNDECIMA.

*Christus potuit, si Deus voluisset, mereri de con-
digno suam Incarnationem per merita
subsequentia.*

148 **V**iderur conformis prin-
cipijs Scoti in 4. dist. 15.
quæst. 1. affirmantis, peccatorem
de potentia absoluta posse satisfacere
pro suo peccato mortali
per contritionem procedentem
à gratia habituali.

Probatur propositio: quia Deus
posset videre merita Christi cõ-
ditionatè futura, & propter ta-
lia merita præuisa sic futura,
velle efficaciter ipsam Incarna-
tionem; sed si hoc posset, nil im-
pedit, quominus dicatur Incar-
nationem posse esse ex talibus
meritis; ergo Christus potuit
mereri suam Incarnationem
per merita subsequentia. *Confir-
matur, & explicatur exemplo ope-
rarij;* qui licet non possit labora-
re, nisi prius comederet, & non
haberet; vnde sibi prandium
compararet, posset tamen labo-
re subsequenti mereri sibi pran-
dium, eiusquè anticipationem;
qui labor in illo casu depende-
ret necessariò, & ex natura rei
ab ipso præmio, & præmium
deenderet à labore ex inten-
tione præmiantis, & merentis,
qui mutuò se obligarent; ergo

licet opera Christi subsequentia
vñionem hypostaticam depen-
deat ex natura rei quoad valo-
rem suum moralem ab ipsa vñio-
ne; tamen ex intentione Dei præ-
miantis, & Christi se obligantis,
ipsa Incarnatio posset esse præ-
mium istorum operum. Conse-
quentia patet à paritate. Ante-
cedens probatur: quia alius pos-
set talem operarium conducere
in vineam suam, & convenire
cum ipso, & dare ipsi prandium
propter laborem subsequentem;
sed nullus diceret, operarium
tunc gratis operari, nec pran-
dium ipsi gratis dari; ergo ipse
mereretur prandium, & pran-
dium esset præmium laboris ip-
sius.

149 *Dices cum Eminentissimo de
Lugo,* prandium tunc dari pri-
mò gratis sub conditione labo-
ris futuri, & postea impleta con-
ditione cadere sub merito, & es-
se præmium talis laboris. *Hac
responsione considerata,* videtur re-
duci difficultatem ad quæstio-
nem de nomine: quia tunc per
collationem gratuitam intelli-
geret ipse dationem indepen-
den-

dentem à meritis actualibus; nō autem independentem omnino ab obligatione merendi; & ad saluandam nostram propositionem sufficit, quod prima collatio doni Incarnationis, & prima eius intentio, tunc primò cadere posset sub merito, quando iam Christus poneret merita, quamuis eò usque, & semper antecederet diceretur gratuita: *Confirmatur primò*: quia sicut Deus defacto obligatur ad præmiandum opera iustorum, quamuis procedant à gratia gratuite data, præmio consequente, & distincto à visa gratia, ita posset, si ipse vellet, præmiare illa opera præmio antecedenti, scilicet ipsa gratia, à qua procedunt; quia non videtur minor repugnantia, quod Deus obligetur ex opere, quod ipse donat, quā, quod ipsius opus possit esse meritum consequens per acceptationem, & pactum respectu præmij, à quo procedit. *Confirmatur secundò* exemplis aliorum contractuum: ut est, verbi gratia, anticipata solutio pretij in æstate pro frumento recipiendo in Autumno, sine qua solutio posset fieri, ut vendens frumentum nequeat in æstate laborare, nec in Autumno messes colligere. Idem est de eo, qui daret mille aureos alicui ea conditione, ut post unū annū restitueret mille quinquaginta, licet nil lucrari posset, nisi dependenter à mille aureis primò datis; si enim

propter frumentum, quod nondum creuit, nec forte seminatum est, soluitur pretium, & propter pecuniam, quam alius sua industria est lucraturus, dependenter à mille aureis conferuntur illi mille aurei; cur similiter non posset dari præmium propter merita præuisa futura dependenter ab ipso præmio; præsertim quando cum præmio interueniret industria, & labor ipsius meritis, ut contingeret in nostro proposito?

150 *Dices primò*, quod in exemplis iam assignatis intercederet pactum reale inter dantem, & recipientem; quia personæ contrahentes realiter existunt, & manet obligatio realis ex parte recipientis, qui se physice, & realiter obligauit; ergo quamuis illud, quod datur taliter se obliganti, posset propter illam obligationem vocari præmium; tamen quando nullum intercedit pactum reale, nec præcedit vlla obligatio ex parte recipientis, illud, quod confertur ipsi, non potest esse præmium; quia, præmium petit necessariò meritum actum exhibitum, aut saltem obligationem illud exhibendi: sed ante realem existentiam Incarnationis non poterat esse vllum pactum reale inter Deum, & Christum, nec vlla obligatio ex parte Christi: ergo ipsa Incarnatio non poterat esse præmium meritorum Christi. *Respondetur primò*, hinc non sequi, quin sal-

N n n n tem

tem natura humana Christi prius existens cum propria subsistentia, vel sine omni subsistentia (si subsistentia sit quid positivum) possit mereri sui assumptionem ad hypostasim Verbi per merita subsequencia ; quia sic existens posset cum Deo de præmio pacisci , & obligare se ad merita exhibenda . *Respondetur secundò*, talem conventionem realem non esse necessariam ante collationem præmij ; aliàs gratia Sanctorum Patrum veteris Testamenti non esset præmiū meritorum Christi ; quia nullum pactum reale præcessit collationem illius gratiæ , cum non præexisterent realiter personæ contrahentes .

151 *Et licet Alvarez disp. 16. de Incarnatione* admittens , merita Christi habuisse solum rationem causæ finalis respectu gratiæ antiquorum Patrum , concedat sequelem ; videtur tamen contra Augustinum , & alios Patres communiter , qui ubique prædicant ; iustos antiqui Testamenti fuisse per Christum salvatos , sicut Notui ; ait enim Augustinus *Epistola 187.* agens de omnibus salvatis ab initio mundi : *Credimus , nullum hominem à contagione peccati liberum , nisi per unum mediatorem Dei , & hominum , hominem Iesum Christum . Et Epistola 49. ab exordio generis humani quicumque peccati , in se quomodolibet , & ubilibet fuerunt . per eum proculdubio salvi facti sunt , &c.* Si igitur colligatur

gratia nostra esse ex meritis Christi , & Christum esse causam meritoriam nostræ iustificationis , sicut verè colligitur ; quia dicimur salvati , & liberati per Christum , tanquam per mediatorem ; idem debet dici de Christo respectu iustificationis Patris veteris Testamenti , quandoquidem salvati sunt per Christum mediatorem . *Deinde* . Locutiones illæ : (*Omnes liberati , & salvati sunt per Christum mediatorem*) significant , Christum esse propriè causam meritoriam liberationis , & salvationis omnium . Denique : hæc veritas colligitur satis clare ex Scriptura , secunda ad Corinthios 5. comparante Christum Adamo , & dicente , Christum (*quia omnes mortui sunt*) pro omnibus mortuum esse ; ergo cum Patres antiqui mortui sint in Adamo , pro ipsis mortuus est Christus ; sed non aliter , quam promerendo illis gratiam , & satisfaciendo pro eorum peccatis , & consequenter mors Christi fuit ordinata ad salutem eorum , tanquam finem proximum , potius , quam salus eorum ad mortem Christi , tanquam finem . *Idem patet ad Romanos 5.* ubi opponitur Christus Adamo , & meritum illius demerito huius quod ad universalitatem . Ut sicut per unius inobedientiam totus mundus mortuus est ; ita per alterius obedientiam omnes vivificarentur . *Et clarius ad Hebræos 9.* ubi dicitur , mortem Christi fuisse

in

in redemptionem præuaticationum, quæ fuerunt sub priori Testamento; fuit igitur redemptio peccatorum ante commissorum; ergo & meritum.

- 152 *Vnde respondetur in forma*, negando consequentiam. Ratio autem, cur in contractibus humanis talis præuia obligatio sit necessario, est: quia sine ea homines non essent certi, nec securi, quod alij postea mererentur id, ad quod se postea merendum obligare vellent, si ab eis peteretur: sed Deus potuit esse certus, & securus, quod Christus post collationem præmij, sine ulla obligatione antecedente mereretur, & quod se ad hoc obligaret, si ipse ab eo hoc peteret; ergo non esset opus, ut præcederet ulla obligatio. *Per hoc patet*, quomodo gratia antiquorum Patrum posset dici præmium meritorum, & mortis Christi, quia Deus videns merita Christi futura, & ipsum Christum infallibiliter oblatum, eadem merita pro salute omnium tam veteris, quam noui Testamenti, iuxta beneplacitum Patris acceptauit tunc illa merita, & propter illa contulit gratiam etiam illis, qui præcesserunt realem oblationem talium meritorum; & propterea illa gratia habet veram rationem præmij respectu meritorum Christi, licet non præcesserit ulla realis conuentio, aut obligatio ex parte merentis.

- 153 *Dices secundò ex Patre Lugo sessione 2.* Gloriosius est habere

præmium ex meritis, quam sine illis: ergo si Christus potest per merita futura mereri unionem hypostaticam, fatendum est, ipsum defacto eam sic meruisse. Multis relictis. *Respondetur ex Scoti in 3. dist. 18. q. vn. lit. G. vers. aliter dicitur, &c.* distinguendo antecedens; Gloriosius, &c. habenti præmium, vel ex parte illius, cui confertur præmium, concedo antecedens; dantis, vel ex parte conferentis præmium, vel simpliciter; nego antecedens, & consequentiam: nam licet perfectius esset habere aliquid ex meritis, quam omnino gratis: quia sic ostenditur, quod habens, ponat aliquid ex se, ratione cuius dicatur tali præmio dignus; tamen non est perfectius dare ex meritis, quam omnino gratis: quia dando gratis, magis ostenditur liberalitas dantis, quam si daret ex meritis.

- 154 *Petes. Vnde nobis constet, Christum non meruisse suam unionem hypostaticam defacto; quandoquidem potuisset eam mereri. & sibi hoc esset gloriosius?* Respondetur, hoc constare nobis ex auctoritatibus adductis in antecedentibus propositionibus, & præsertim ex illa Augustini de dono perseuerantiae cap. 1. eadem gratia fit ab initio fidei suæ homo quicumque Christianus, quæ gratia ab initio homo ille factus est Christus: sed initium fidei non conceditur esse ex meritis, siue præcedentibus, siue subsequen-

tibus; ergo non debet admitti, quòd Incarnatio sit ex vllis meritis antecedentibus, aut consequentibus. Et non negaret Pater *Lugo*, quin multi habitus Christo in primo instanti suæ conceptionis infusi, & multa dona ipsi tunc concessa, possent de potentia absoluta cadere sub meritis etiam antecedentibus: nam estò vnio hypostatica (secundùm ipsum, non tamen secundùm nos) habeat necessariam connexionem cum visione; & amore beatifico, tamen non habet talem connexionem cum illis alijs donis, quin vnio posset esse absque illis; & Christus tunc posset mereri illa; hoc tamen non obstante, illa dona defacto sunt collata sine præcedentibus meritis; ergo ex eo, quòd Christus potuerit mereri de potentia absoluta aliquid; non sequitur, quòd meritis sit illud. *Petes vltèrius*: cur Deus voluerit mysterium Incarnationis esse gratuitum omninò: quandoquidem potuerit cadere sub merito? *Respondèri potest*, ideò Deum hoc fecisse, vt ostenderet suam liberalitatem, communicando donum tam perfectum, & tam ineffabile, non exigendo vllum meritum; & vt ostenderet suam misericordiam erga genus humanum, exhibendo ipsi Redemptorem sine vllis prorsus meritis, sed omninò gratis.

155 *Dices tertid*, nostram propositionem esse contra illud com-

mune axioma Theologorum: *Principium meriti nequit cadere sub merito, cuius est principium*; nam vnio hypostatica est principium meriti Christi Domini, & secundùm nos posset cadere sub merito eiusdem; igitur. *Confirmatur*: si principium meriti posset esse ex eodem merito, sequeretur, id esse causam sui ipsius; quia quod est causa causæ, est causa causati; & ita repugnat, aliquid causari à suo causato, ac causari à se ipso; quia sequeretur circulus in causalitate, & quòd idem esset prius, & posterius respectu eiusdem, & se ipso. *Difficile argumentum*.

156 *Respondemus*, nos nil dicere contra illud commune axioma; si intelligatur, sicut debet. Distinguo itaque illam propositionem; *Principium meriti nequit cadere sub eodem merito*; principium meriti antecedentis; concedo; consequentis, nego. *Vt intelligatur vtriusque disparitas*. Moneo, totam efficaciam meriti fundari in valore operis, & acceptatione præmiantis in ordine ad præmium; quæ acceptatio potest esse, siue meritum existat, siue non existat; vnde existentia meriti est conditio extranea, nisi per acceptationem, & pactum implicetur, vel requiratur; quādo scilicet præmians non acceptaret ad præmium, nisi meritum positum, quod dicitur antecedens. Meritum igitur antecedens supponitur ad præmium: quia

quia ex vi acceptationis, & patet; & per consequens principium talis meriti potest cadere sub illo merito, quia potest presupponi merito, illudque anticipare intuitu ipsius meriti; quod maxime verum est, si illud principium sit tantum principium in adæquatum, qualis est in proposito vnio hypostatica, quæ influit valorem solum accidentalem in opera Christi, & non totalem, aut substantialem, qui habetur in opere ex alijs principijs, & consequenter opera Christi secundum valorem conuenientem ipsis propter alia principia distincta ab vnione habent sufficientiam, ut possint comparari ad vnionem, tanquam ad premium, quod possit dari intuitu ipsorum, prout dicunt illum tantum valorem. Non est nobis hic intentio, defendere, operam subsequenter vnionem hypostaticam posse esse meritoria eiusdem vnionis secundum hanc præcisionem tantum; verum etiam, ut recipiunt valorem ab ipsa vnione, propterea quod hic valor, etiam posita vnione, dependeat à libero arbitrio Christi: quia neque vnio, neque alia principia operandi influunt in opus, nisi ut subsumunt libero arbitrio, eiusque cooperationi, & ut applicata per Christum; & consequenter opus etiam, ut habet valorem ab illis alijs principijs, & libero arbitrio, & sic possit esse meritorium.

157 Respondetur ad confirmationem: sequeretur, idem esse causam sui ipsius proximam, vel secundum eundem modum existendi, nego sequelam; remotam, & secundum diuersum modum existendi, concedo sequelam; neque hoc est aliquid absurdum: nam finis secundum esse obiectiuum est causa sui ipsius quoad realem existentiam. Quid ergo impedit, quominus merita conditionatè futura causent secundum illud esse obiectiuum, & futurum, quod habent, premium quoad realem existentiam ipsius, licet ipsamet merita quoad suam realem existentiam dependeant ab esse physico principij? Præsertim quando hæc dependentia meritorum à premio; subest libero arbitrio merentis; ita ut in manu, & potestate ipsius sit, quod meritum sequatur premium, vel non sequatur; si autem nil horum impedit, merita Christi conditionatè futura secundum illud esse futurum, & obiectiuum possent esse causa vnionis in esse reali, & physico, licet ipsa merita habeant potestatem in suo esse reali suum valorem, ab existentia reali ipsius vnionis.

158 Et per hoc patet ad cæteras partes confirmationis; quæ tantum urgent de causalitate reali causarum, quæ causant per influxum realem, & physicum; quæ causalitas præsupponit necessariò existentiam causarum re-

realium, & consequenter tales causæ nequeunt sibi inuicem esse causæ: nam aliàs sequerentur absurda supra assignata, quæ nullo modo sequuntur ex eo, quòd aliæ causæ, quæ non causant per influxum physicum, sint sibi inuicem causæ secundum diuersum modum existendi. Nihil igitur obstat, quominus meritum secundum esse obiectiuum, & futurum causet suum principium: cum causalitas eius nõ sit influxus physicus, sed moralis, qui in eo consistit, vt acceptetur à præmiante meritum, dando præmium intuitu eius; quæ acceptatio potest esse, siue meritum existat, siue non; & consequenter meritum futurum acceptatum eandem habet efficaciam, ad causandum præmium, quam habet meritum existens; vt patet de passione Christi Domini, quæ, vt præuisa, erat causa meritoria gratiæ antiquorum Patrum eo modo, quo exhibitæ est causa meritoria gratiæ nostræ, Ratio discursus est: quia acceptatio potest esse eadem, siue meritum existat, siue non. Dixi, *Principium meriti posse cadere sub eodem merito præuiso, vt futuro conditionato*: quia non possum intelligere, quomodo videtur meritum absolute futurum secundum valorem, quem accipit ab aliquo suo principio: nisi etiam præuideatur absolute futurum illud ipsum principium secundum illam existentiam, se-

cundum quam causat talem valorem merito.

159 *Hinc dico*, merita Christi nõ potuisse videri absolute futura secundum illum valorem, quem habent ab vnioe hypostatica, nisi ipsa vnio esset prius absolute futura secundum realem suam existentiam, secundum quam communicauit operibus Christi ipsum valorem; & consequenter, si Aduersarij nostræ propositionis non teneant oppositum cum hac limitatione, non sumus contra ipsos; & licet conueniamus cum Suarez, & alijs quoad ipsam propositionem; non tamen conuenimus cum illis in modo eam explicandi, & defendendi. His tamen non obstantibus, nullam video repugnantiam in propositione nostra, quin secundum cõmunem sententiam possit in alio sensu defendi; ita vt asseratur, Incarnationem posse esse ex meritis subsequẽtibus absolute futuris, & præuisis: nam sicut communiter tenetur, primum gradum gloriæ debitum primæ gratiæ, etiam si nullum sequatur meritum, posse cadere sub meritis, & deberi alio titulo; ita non videtur repugnare, quin vnio hypostatica, estõ in illo casu, quo viderentur merita absolute futura, esset habitura realem existentiam independentem à meritis sic præuisis: quia debet necessario præsupponi illis, vt sic videri queant; tamen postea cadat quò-

quoad eandem realem existentiam sub iisdem meritis, & ut sic multis titulis daretur. *Et si aliquis hoc neget, negare debet il-*

lud aliud, vel ostendere disparitatem, quæ fortè difficiliter ostenderetur;

PROPOSITIO DVODECIMA.

Christus non meruit defacto suam visionem beatificam, nec amorem sequentem illam visionem, nec alia dona sibi collata simul cum unione hypostatica.

160 **F** Auent Theologi docentes, hæc dona collata fuisse Christo in primo instanti ratione vnionis hypostaticæ: hinc enim sequitur, nullum præcessisse meritum, sub quo hæc dona cadere potuissent: nam ipsa visio, & fructio fuerunt primi actus, quos habuit anima Christi: & licet non sequatur hinc, quin meritis sit infusio- nem aliorum donorum, & habituum per ipsum amorem beatificum, natura præcedentem talem infusionem; vel per merita subsequencia: nam, ut ex dictis patet, sufficeret prioritas naturæ inter meritum, & præmium; & potest præmium cadere sub merito consequente; tamen dicendum est, quòd neque sic etiam meruit hæc dona: cum nulla ratio ad aduerendum oppositum cogat; & communis Theologorum sententia teneat,

illa dona fuisse collata propter vnionem hypostaticam independentem ab omnibus meritis.

161 *Si autem petatur:* cur Deus voluerit conferre hæc dona grâtiis? *Potest dici,* quòd propter perfectionem, & varietatem status beatorum: nam sicut aliquibus data est beatitudo dependenter à proprijs meritis; alijs independentem quidem à proprijs, ut sunt infantes, & innocentes, dependenter tamen à meritis Christi; ita congruit, & propter varietatem status, & ut manifestaretur liberalitas conferentis, & esset aliqua beatitudo, illaque summa data independentem ab omni prorsus merito. Neque hinc arguitur aliqua imperfectio in habente illam beatitudinem: quia si non fuisset præuentus ex liberalitate dantis, potuisset mereri illam beatitudinem: sic autem præueni;

niri, arguit potius nobilitatem dantis, quam imperfectionem, aut impotentiam illius, cui datur aliquod. Cui hæc solutio non

placet, dicat, Deum facere multa, quorum alia ratio à nobis dari non potest, quam quòd ita sibi placuit,

PROPOSITIO TERTIADECIMA.

Christus non meruit de facto continuationem unionis hypostatica, nec beatitudinis, aut aliorum donorum in primo instanti collatorum intuitu unionis: potuit tamen ea mereri.

162 **P**rima pars probatur: quia debemus dicere, Deum eadem gratuita voluntate, qua voluit primò conferre illa dona omnino gratis, & independenter ab omnibus meritis, etiam voluisse continuare, & conservare illa independenter à meritis, & omnino gratis: quandoquidem nulla sit ratio, aut auctoritas in contrarium, & sic

magis pateat liberalitas, & nobilitas dantis, & conservantis. Probatur secunda pars: quia Deus posset non conservare unionem hypostaticam, nec alia dona consequentia, nisi dependenter à meritis Christi; in hoc enim nulla est repugnantia; ergo conservatio, & continuatio illorum donorum posset esse ex meritis Christi.

PROPOSITIO QUARTADECIMA.

Meruit sibi Christus immortalitatis & impassibilitatis gloriam.

163 **I**ta communis Theologorum; nosque eam defendendi suscipimus: quia maxime displicet Caluino; qui libro 2. institutionum cap. 17. sectione 6. ita

imprudenter scribit: *Querere: an Christus sibi meruerit; quod faciunt Lombardus, & alij Scholastici, non minus stulta curiositas, quam temerarium iudicium, ubi hoc diffi-*
nunt

niunt, &c. Videat Calvinus, quomodo stulti, & curiosi, nec non temerarii sint in sententiando, qui secundum allegata, & approbata ex sacro Codice sententiam ferunt. Audiamus Scripturam, & Christum ipsum de suo merito loquentem Lucæ 24. *Nonne oportebat Christum pati, & ita intrare in gloriam suam, &c.* Ponderanda est dictio (*oportebat*) qua docemur, Christum non solum meruisse sibi introitum in cœlestem beatitudinem, animæ, corporisque gloriam, sed necessarium fuisse huiusmodi meritum ad gloriæ consecutionem. Notanda insuper dictio (*ita*) quæ hoc loco, sicut & alibi, est coniunctio causalis, significatque, passionem Christi esse causam gloriæ Christi in genere causæ moralis, quale est omne meritum respectu præmij. Audiatur D. Paulus ad Philippenſes 2. *Humiliavit semetipsum factus obediens usque ad mortem, mortem autem Crucis, propter quod & Deus exaltavit illum, &c.* ubi dictio (*propter quod*) indicat obedientiam Christi, humiliationem, & mortem esse causas meritorias exaltationis Christi, gloriæ, & honoris, ut optimè notavit D. Chrysostomus Homilia 7. in Epistola ad Philippenſes: *Extremam Christus præstitit obedientiam, & ita accepit supremum honorem.* Id ipsum affirmat idem D. Paulus Hebræorū 2. n. 9. *Videmus Iesum propter passionem mortis gloriæ, &*

honore coronatum, ubi est connectio causæ, & effectus: nam passio mortis est causa meritoria gloriæ, honoris, & coronationis.

164 *Quamvis hæc vera sint*; non tamen facile est explicare, quomodo Christus meruerit sibi immortalitatem, & impassibilitatem: cum utraque sequeretur unionem hypostaticam cum Verbo, & non nisi miraculosè mortalis, & passibilis foret Christus. Audiamus *Scotum* proponentem, & soluentem huiusmodi argumentum *dist. 18. quest. unica in fine corporis questionis*: Illud, quod infuisset, si non fuisset per miraculum, quantum est ex ratione sui ante omnem actum causatum illius personæ, non cadit sub merito illius personæ: sed gloria, & impassibilitas animæ, & corporis infuisset in primo instanti unionis, nisi fuissent per miraculum prohibita; ergo Christus non sibi meruit corporis, & animæ gloriæ, & impassibilitatem. *Potest dici*, piè sentiēdo cum Magistro, & piè glossando, quod quamvis non meruerit directè impassibilitatem utriusque, meruit tamen amotionem impediēti, propter quod non infuerunt statim, scilicet cessationem miraculi prohibentis redundantiam gloriæ in portionem inferiorem, & corpus. *Si placet*, adde & hanc solutionem: eodem pacto meruit Christus sibi, quo & prædestinati dicuntur mereri cœlestem beatitudinem.

O o o o titu-

titudinem : nam prædestinatio eligens aliquem ad gloriam, antecedit quodcumque meritum : tamen ad consecutionem illius gloriæ requiritur actio bona prædestinati, qua meretur effectum prædestinationis; vnde fit, vt gloria cœlestis sit prædestinato hæreditas antecedens quodcumque meritum, imò, & meriti præuisionem ; nihilominus est quoque merces consequens meritum, & a merito pendens. Idem dicendum de Christo, cui virtute vnionis debebatur sine vlllo suo merito, animæ, corporisque gloria : attamen, vt illa potiretur, necessarium ei fuit meritum.

165 *Non meruisse sibi Christum*, fruicionem, iam diximus supra : quia primus actus voluntatis suæ vniuit eam cum Deo, & in hoc actu consistit fruitio ; nec potuit alius actus hunc actum præcedere : alioquin vnita fuisset anima Christi cum Diuinitate vnione hypostatica sine fruicione ; quod quamuis concedamus possibile ; non tamen nobis persuadere possumus, ita factum

fuisse. Insuper congruentissimum, & decentissimum erat, vnam reperiri personam, quæ sine vlllo merito beatificaretur ; vt in cœlesti beatitudine reperirentur omnes gradus, omnesq; modi, quibus haberi potest beatitudo, vt rectè argumentatur Scotus, vbi supra §. hoc viso vidēdū est : &c. lit. G. ibi sunt aliqui, qui nunquam fuerunt inimici actualiter peccato actuali, vt multi innocentes. Et multi alij, qui aliquando fuerunt inimici, vt mortaliter peccantes, & postea pœnitentes. Est ibi etiam B. Virgo Mater Dei, quæ nunquam fuit inimica actualiter ratione peccati actualis, nec ratione originalis : fuisset tamen, nisi fuisset præseruata ; igitur decens fuit, vt esset beatitudo alicuius personæ sine omni merito præcedente. Et in hoc consistit prærogatiua Christi ; quòd omnes Beati, aut solo merito Christi, aut partim Christi merito, & partim suo fruuntur diuina essentia ; Christus verò sola liberalitate Diuina, & quasi paterna hæreditate, eandem habet gloriam.



PROPOSITIO QVINTADECIMA.

Meruit Christus primis Parentibus in statu innocentie gratiam habitualement, & alia dona supernaturalia illius status.

166 **I**Ta'dicendum ad aures *Scoti* docentis in 3. dist. 7. quest. 3. & sæpe alibi, quod Verbum incarnatū fuisse, etiam si Adā nō peccasset; & quod omnes electi, tam Angeli, quam homines prius natura electi sint; quam aliquid præiudicabatur circa peccatorem, siue de peccato, siue de pœna: nam si Christus venisset, etiam si non esset peccatum, & primi parentes, ac cæteri omnes electi sint ante præiudicem peccati, quandoquidem electi sunt in Christo, ut constat ex multis scripturis, & Patribus, nulla est ratio, aut fundamentum negandi gratiam, quam habuerunt ante præiudicem peccati, & alia dona illius status fuisse ex meritis Christi; ergo hoc non debet negari, præsertim cum cadat in maiorem gloriam, & dignitatem Christi, quod illa dona sint ex meritis ipsius. Hanc partem longo sermone iam probavi. *Adde.* Sanctum Cyrillum docentem, benedictionem in Christo præfundato ante omnes præcessisse maledictionem, pollicitationem vitæ, dānationem

in morte, libertatem adoptionis, seruitutem Diaboli per peccatum: sed primum peccatum. Adz fuit maxima maledictio, & propter illud damnati sunt omnes in mortem, & facti serui Diaboli; ergo illud peccatum præcessit in Christo præfundato benedictio, pollicitatio vitæ, & libertas adoptionis; & consequenter gratia, & alia dona spiritualia, quæ peccatum primorum parentum præcesserunt in statu innocentie; fuerunt ex meritis Christi.

167 *Dices,* Christum non habuisse alios actus meritorios defacto, quam actus præsupponentes carnem passibilem: sed tales actus non poterant præiudicari, ut futuri ante præiudicem peccati: quia Christus non fuit ordinatus, saltem in carne passibili, nisi occasione peccati; ergo Christus non meruit gratiam, quæ præcessit præiudicem peccati. Consequentia patet: quia non meruit per opera, quæ defacto sunt; seu habuit defacto. *Respondetur,* Christum habuisse multa opera bona, quæ absolute,

Oooo 2 tē,

tè, & secundum suam substantiam fuerunt præuisa ante peccatum independenter à carne passibili: nam præter mortem, & passionem, orauit Deum, humiliavit se Patri, amauit Deum, & proximos in Deum, & propter Deum, siue mediante visione beatifica in Verbo, siue mediante aliqua alia scientia in proprio genere viſos; quæ opera, licet sint merita defacto in carne passibili; hoc tamen est per accidens: quia essentialiter non præsupponunt talem passibilitatem; & consequenter quoad substantiam suam potuerunt esse præuisa ante peccatum. *Vnde distin-*

guo maiorem: Christus non habuit alia merita, quàm quæ præsupponunt carnem passibilem, per accidens, & non necessario; concedo: quæ per se essentialiter, & necessario præsupponunt carnem passibilem; nego maiorem; & distinguo similiter minorem, & nego consequentiam. Ad probationem patet ex dictis: nam actus, quos Christus etiam defacto elicit, & præsertim, portionis superioris, erant meritorij independenter à passibilitate carnis, etsi defacto sint elicti in carne passibili: *De hac re ad plenum dixi in Tractatu de Prædestinatione.*

PROPOSITIO SEXTADECIMA.

Christus meruit reparationem ruina Angelorum.

162 **I**Ta Theologi. Probatur ex sacro Codice: nam Psalmo 109. legitur: *Iudicabit in nationibus, implebit ruinas.* Ad Ephesios 1. *Proposuit instaurare omnia in Christo, siue quæ in Cælis, siue quæ in terris.* Ad Collossenses 1. *Pacificans per sanguinem crucis eius, siue quæ in Cælis, siue quæ in terris.* Hæc autem reſtauratio fit

per assumptionem hominum ad sedes ab Angelis derelictas: quæ assumptio facta est ex meritis Christi, vt patet de Sanctis Patribus antiquis, quorum nullis (licet habuerint præclara merita) patuit introitus in Cælum, nisi post mortem Christi, & soluto pretio redemptionis nostræ: ergo &c.

PROPOSITIO DECIMASEPTIMA.

Christus meruit Angelis gratiam sanctificantem, & donum perseverantia.

169 **P**robatür primò: quia si aliquid impediret, quominus gratia Angelorum esset ex meritis Christi, maximè esset (etiam secundum Aduersarios) quòd Verbum non esset incarnatum, nisi occasione peccati, & consequenter, quòd nulla merita Christi sint præuisa ante peccatum: sed hoc est falsum, ut patet ex propria Disputatione; nam Christus est primogenitus omnis creaturæ, quoniam in ipso condita sunt vniuersa, siue, quæ in Cœlis, siue quæ in terris sunt: visibilia, & inuisibilia, siue Throni, siue Dominationes, & ipse est caput omnium, tam Angelorum, quàm hominum: hunc locum aliqui (& fortasse non malè) intelligunt de Christo non solum propter influxum gratiæ, & donorum spiritualium in Angelos, & homines; sed etiam, quòd ex ipso, tanquàm ex capite, sint omnia dona tam naturalia, quàm supernaturalia; quia naturalia reducuntur ad supernaturalia, utraque propter prædestinatos; prædestinati verò propter Christum, & Christus propter Deum, ut colligi-

tur ex prima ad Corinthios 3. *Omnia enim vestra sunt, siue Paulus, siue Appollo, siue Cephas, siue vita, siue mors; siue presentia, siue futura; omnia vestra sunt; vos autem Christi, Christus autem Dei.* Posset igitur dici; omnia dona (excepta ipsa incarnatione) etiam naturalia, concessa esse intuitu Christi, ita ut non sint omninò gratis data, sumendo gratiam latè, ut excludit omnem causam extra Deum; & hoc videtur intendere Scotus in 4. dist. 2. quest. 1. §. ad tertium dico, &c. ubi admittit, posse dici, quòd in vniuersis operibus Dei, non fuit aliquod opus meræ gratiæ, nisi sola Incarnatio filij Dei. Hinc colligo, nostram propositionem esse Scoti; quia debet intelligi, si non de operibus naturalibus, saltem de supernaturalibus conducentibus ad vitam æternam; & consequenter gratia, & alia dona supernaturalia non fuerunt cōcessa omninò gratis Angelis, sed dependenter à meritis Christi. *Et si dicatur, hoc non sequi, sed illam gratiam fuisse datam Angelis ex meritis proprijs. Contra:* quia illa merita, qui-

quibus illam gratiam meruerunt, erant dona superaddita naturæ, conducentia ad vitam æternam; ergo non erant opera meræ gratiæ ex Scoto, & consequenter erant ex meritis Christi.

170 *Dices ex Vuadingo;* nec Patres, nec Scripturæ dicunt, Christi merita ad alios extēdi, quā ad eos, pro quibus mortuus est: sed non est mortuus pro Angelis: ergo merita ipsius non extenduntur ad Angelos. Consequentia patet; quia gratis, & arbitrariè asseritur, quod nec ratione, neque authoritate probari potest. Minor probatur ex multis Patribus. Augustinus Enchyridion capite 61. *Non pro Angelis mortuus est Christus.* Gregorius libro 28. Moralium cap. 6. in fine: *Mysterium Incarnationis mirati sunt Angeli, quo tamen non sunt redempti.* Bernardus sermone in feria 4. Hebdomadæ sanctæ: *Passio Domini data est homini; quia alteri dari non potuit; nunquid Angelis? sed ille non indiguit; nunquid Diabolo; sed ille non resurgit, &c.* Idem habent plures alij Patres; ergo falsa nostra propositio. Respondetur, maiorem esse falsam; vt patet ex Scriptura, & Patribus allatis pro nostra propositione. Quādo igitur dicitur apud Scripturam, Patres, & Concilia, vt Tridentinum sessione 6. cap. 7. *Nemo iustus esse potest, nisi cui merita passionis Domini nostri Iesu Christi communicantur,* & tribuunt rationem meriti soli passioni; in-

telligendi sunt de merito redemptionis, & liberationis à peccato: quæ per solas passionem, vel dependenter ab illa, Christus nobis meruit. Vnde concedo minorem; & dico, eodem modo intelligendos alios Patres negantes, Christum meruisse Angelis; nil enim aliud volunt, quā passionem Christi, & alia merita dependentia essentialiter ab illa, non fuisse causam meritoriam gratiæ, & prædestinationis Angelorum; non autem volunt, Christum nullo modo meruisse Angelis gratiam, aut gloriam; vt satis clarè patuit supra ex ijsdem Patribus, quos pro se assertit Aduersarius, qui satis arbitrariè dicit, nostrā sententiam esse omnino arbitrariam, & nullum habere fundamētum apud Sanctos Patres. Audiat ergo iste Doctor Sanctum Cyrillum libro 5. in Isaiam ad illud capitis 54. *Latere sterilis,* dicendo: *Per ipsum (scilicet per Christum) omnis fructificatio spiritualis, tū in sanctis Angelis, tū in nobis insita est.* Et lib. 9. de Adoratione ante medium, ait: *Angelos non alia ratione sanctos esse, quā per solum Christum, &c.* Diuus Gregorius Homilia 11. in Ezechielem, exponens illud: *Ecce murus forinsecus,* ait: *Vnigenitus Patris, qui sursum est firmitas Angelorum, inferius factus est hominum redemptio.* Vbi vult, gratiam, qua mediante, Angeli firmiter steterunt, fuisse ex Christo, sicut ex Christo est gra-

gratia redemptionis hominis à lapſu.

- 172 *Obijcies nobis Scotum in 3. diſt. 19. queſt. 1. §. ſed hic ſunt, &c.* ubi docet, ante merita exhibita non dari præmium ultimum, quod eſt ingreſſus Regni, ſed admit- rit, illum ingreſſum fuiſſe Ange- lis datum ex meritis proprijs; ergo ſupponit, quòd non fuerit ex meritis Chriſti. *Reſpondetur*, quòd Scotus intelligendus eſt in maiori de præmio ultimo, reſpectu eorum, qui actibus pro- prijs demeruerunt illud præmiũ, ut ſunt homines, quibus propter peccatum clauſa fuit ianua Re- gni cœleſtis, quæ illis aperta eſt ſolùm propter merita Chriſti exhibita in carne paſſibili nolen- te Deo illam aperire, niſi ſoluto pretio; non autem intelligendus eſt de præmio ultimo eorum, qui non demeruerunt, ut ſunt Angeli, qui meruerunt potius ingreſſum actibus proprijs, non excludendo tamen merita Chri- ſti; ſicut nos iam etiam poſt lap- ſum meritis noſtris, licet depen- denter à meritis Chriſti in car- ne paſſibili, meremur ingreſſum in Regnum cœleſte: quamvis enim Chriſtus ipſe ſolus meruit nobis in carne paſſibili apertio-

nem ianuæ; non tamen nos me- ritis noſtris cooperamur Chriſto ad ingrediendum. *Et per hoc pa- tet ad minorem*, quia quamvis il- le ingreſſus fuerit Angelis datus ex meritis proprijs, non exclu- ditur tamen dependentia illo- rum meritorum à meritis Chri- ſti; non ſupponit ergo Scotus, il- lum ingreſſum fuiſſe conceſſum Angelis ex meritis proprijs ſol- lis, vel independenter omnino à meritis Chriſti:

- 173 *Eodem modo reſpondendum eſt ad Scotum infra eadem queſt.* dicentem, paſſionem Chriſti nõ fuiſſe cauſam meritoriam præ- deſtinationis, & electionis San- ctorum, quia fuerunt prædeſti- nati ante præuiſionem peccati, & conſequenter ante præuiſio- nem paſſionis, quæ ordinata, fuit propter redemptionem à peccato; non enim vult per hoc; eos fuiſſe prædeſtinatos indepen- denter omnino à meritis Chri- ſti; cùm in eo ab initio mundi omnes ſint prædeſtinati, & electi iuxta Sacras Scripturas; ſed ſolùm intendit prædeſtinationem; ſaltem ſecundùm ordinem in- tentionis, præceſſiſſe paſſionem, & mortem, & alia merita ab his neceſſariò dependentia.

DISPUTATIO VIGESIMAPRIMA.

De Christo Redemptore, & Mediatore.

PROPOSITIO PRIMA.

Christus est Redemptor, & Mediator noster.

1 **I**ta docet D. Paulus ad Timotheum: *Vnus est mediator Dei, & hominum, homo Christus Iesus, qui dedit semetipsum redemptionem pro omnibus.* Hæc duo mediatoris, & Redemptoris officia sunt idem in re, & solam distinctionem rationis admittunt: nam iidem prorsus actibus vtrumque officium expleuit Christus, offerendo semetipsum Patri, Obscurum sanè est, quomodo Christus dicatur propriè Redemptor: siquidem Redemptio est, cum res aliqua eripitur de manu iniuste retinentis, & restituitur proprio Domino. Inde oportet, vt si homo per Christum redemptus sit, deserit priùs esse Dei, & sub alterius potestate existens, ab eo eripiat, Deoque restituatur; sed non videtur homo defecisse à possessione Dei, & subditum fuisse alterius ditioni.

2 *Vt totum negotium expediatur,* sciendum est; hominem per peccatum non omnino desisse esse Dei, cuius est orbis terrarum, &

plenitudo eius, & vniuersi; qui habitant in eo: nam iure creationis, & conseruationis omnes homines, etiam peccatores, sunt Dei; tamen quia peccatum infecit hominem, illumquè inhabilem, & inutilem reddidit ad hoc; vt debitum obsequiù redderet Deo Domino suo, hac ratione dicitur non esse Dei eo modo, quo nos, seruos inutiles negamus esse nostros. A Deo deficiens homo, & ab illius seruitute recedens, transit in potestatem, dominiumquè Sathanæ; à quo ita possidetur, vt eum, fleat ad quodcumque malefium, & eo vtatur, tanquam seruo, ad quæcumque voluerit malà, vt docet D. Paulus 2. ad Timoth. 2. *Det illis Deus penitentiam, vt resiliant à laqueis Diaboli, à quo captiui tenentur ad eius voluntatem.* Hoc sensu dicitur Diabolus Ioannis 12. princeps mundi; & qui obsequuntur Diabolo, dicantur illius serui; Ioannis 8. nu. 34. *qui facit peccatum, seruus est peccati.* Vice versa, iusti,

&

& pij homines serui dicuntur Dei, & Christi. Unde D. Paulus in principio suarum Epistolarum se seruum Christi nuncupat; & D. Iacobus ita orditur suam Epistolam: *Iacobus Dei, & Domini nostri Iesu Christi seruus*. Iniusta, & Tyrannica est possessio, qua hominem Diabolus, vt seruum, possidet, si prauum Sathanae affectum spectemus; non est tamen iniusta, si spontaneam Dei dimissionem attendamus.

- 3 *Ex his constat, quomodo, non obstante peccato, homo sit semper sub potestate Dei non solum ad opera naturalia, & moralia, sed etiam ad supernaturalia: nam diuina voluntas, quando-cumque ipsi placuerit, hominem, etsi malum, potest ad meliorem reducere vitam, & ex nequissimo facere sanctissimum, quamuis aliqua ratione non sit sub ipsius potestate, cum secundum legem ordinariam, relictus in suo peccato, & cœ-*

lesti gratia destitutus, ea, quæ Diaboli sunt, operetur. Unde cuilibet peccatori dicere possumus ex Ioannis 8. nu. 44. *Vos ex Patre Diabolo estis, & desideria Patris vestri vultis facere*; hoc sēsu dicitur Christus noster Redemptor: quia per eū erepti sumus à seruitute Diaboli, & Deo restituti sumus, vt deinceps non ea, quæ Diaboli sunt, sed quæ Dei, & Domini nostri perficiamus.

Mediatoris officium competere Christo, facile probatur: nam cum variae sint mediorum species, vna est, quæ dicitur mediū per participationem vtriusque extremi, scilicet vtriusque naturæ, humanæ, & Diuinæ, ita erit mediator inter Deū offensum, & hominem offendentem, conciliata inter vtrumque pax: dissidebant Deus, & homo: necessaria inter vtrumque pax; hanc Christus fecit, hominem reconcilians Deo.

PROPOSITIO SECVNDA:

Redemit nos Christus, satisfaciendo Deo Patri passionē, & morte sua.

- 4 **T**ribuit Sāctus Paulus nostrā redēptionē sanguini Christi; hinc D. Petrus epist. 1. c. 1. n. 18. *Non corruptibilibus auro, vel argento redempti estis de vana vestra*

cōversatione paterne traditionis. sed pretioso sanguine, quasi agni immaculati Christi. Sanguinis nomine intellige mortem: quia, vt Poeta loquitur, *vitam cum sanguine su-*

P p p p dit.

dit. Sanguis Christi non est oblatuſ Diabolo hominem detinenti ſub tyrannide ſua; ſed oblatuſ eſt Deo Patri, cuiuſ imperio in vltionem ſuorum crimi-

num homo tradituſ erat Diabolo, tanquã tortori, & iuſtitiaſ miniſtro. *Difficultaſ non medio-criſ eſt.*

Vtrum. Satisfactio Chriſti fuerit ſatisfactio ex rigore iuſtitiaſ?

PRæmiſſis nonnullis, veritatem docebũt, quæ ſubſequentur propoſitioneſ. *Moneo primò*, quòd nomen *iuſtitiaſ* æquiuocum eſt, modò ſignificat quæcumquẽ rectitudinem voluntatiſ in ordine ad honeſtatem, & ſic apud *Scotum* in 4. diſt. 46. qu. 1. accipit *Anſelmus* lib. de veritate cap. 12. ubi ait: *Iuſtitia eſt rectitudo voluntatiſ propter ſe ſeruata, ideſt. propter honeſtatem; & hoc modo iuſtitia eſt quæcũque virtus moralis: ſic enim iuſtum dicitur, quidquid eſt adæquatum, & commenſuratum ſuæ regulæ; vnde, cũ quælibet virtus humanuſ actus conformet ſuæ regulæ, hoc eſt, naturæ rationali, vel legi; hinc quælibet virtus eſt quodammodo iuſtitia. Secundò ſumitur iuſtitia, vt eſt rectitudo hominiſ coram Deo, & tunc idem eſt, ac charitaſ; ſic accipit *Auguſtinuſ* lib. 83. quaſtionum qu. 69. ubi ait: *iuſtitia eſt dilectio Dei, & proximi. Propriè ſumitur iuſtitia pro virtute noſ ad alterum ordinante, & inclinante, vt cuique, quod**

ſuum eſt, prout expedierit, reddamus; & hæc eſt notio iuſtitiaſ, quam *Plato*, & *Ariſtoteleſ*, ſimulque cæteri homineſ laudauere. Apud *Sacram* *Paginam*, iuſtitia aliquando ſumitur pro virtute in genere. *Matthæi* 5. *Beati, qui eſuriunt iuſtitiam*; aliquando pro beneficentia, charitate, eleemoſyna alteri data; *Matthæi* 6. *Attendite, nè iuſtitiam veſtram coram hominibuſ faciatiſ, ideſt. eleemoſynam, vt habent Codiceſ Græci. Tulliuſ* lib. 2. de Inuentione, & lib. 1. Officiorum, ita definiſt iuſtitiam: *eſt habituſ animi utilitati communi proſpiciens. Sanctuſ Ambroſiuſ* lib. 1. Officiorum cap. 24. ſic definiſt: *eſt virtuſ moralis, qua unicuique, quod ſuum eſt, tribuitur, vel redditur. Alij ita definiunt: eſt virtuſ voluntatiſ circa iuſ ſimpliciter. Iuriſconſulci ſic iuſtitiam definiunt, vt ſit perpetua, & conſtantiſ voluntatiſ iuſ ſuum cuique tribuendi. Moneo, quòd Iuriſconſulci hæc in definitione non accipiunt, ſy voluntatiſ, vt eſt facultatiſ animæ, ſed vt eſt actus voluntatiſ.*

6 *Dicerem tamen ego*, esse inclinationem quamdam voluntatis ad retribuendum cuicumque suum; non est ergo formalis, seu identica propositio, sed casualis, ut sit sensus: iustitia est virtus causans voluntatis actum; vel iustitia est habitus inclinans voluntatem ad habendum actum, quo vult unicuique reddere, quod suum est. Dicitur *constans*, & *perpetua*, ut explicetur vis, & natura habitus, qui huius naturæ est, ut quandiu durat, constanter, & firmiter inclinet ad agendum. Hunc ergo dico esse sensum: iustitia est habitus in voluntate, quo constanter, firmiter, & perpetuo, quantum est ex vi habitus, voluntas inclinatur ad tribuendum cuique suum. Dicitur: *tribuendi ius suum cuique*, ut explicetur iustitiæ officium, & per ius accipitur, quidquid ex legibus est debitum alteri, siue sit poena delictis debita: unde *Scotus in 4. dist. 50. q. 2. litt. B.* docet; malum poenæ esse iustum, & bonum; siue præmium meritis tribuendum; siue quodlibet aliud ius, quod secundum leges, vel est alterius, vel debet fieri alterius; & hoc modo in præfati sumitur illud *suum*, videlicet pro eo, quod est in bonis alterius, vel ita debet esse in bonis alterius, ut si id denegemus, teneamur ad restitutionem.

7 *Eiusdem ad seipsum* non est propria, & rigorosa iustitia. Ita *Philosophus 3. Ethicorum cap. ultimos*

iustitiæ ergo in hoc distinguitur à cæteris moralibus, quod cæteræ non sint ad bonum alterius, sed ad proprium cuiusque; iustitia verò est ad bonum alterius; hinc est virtus propriè nata ad stabiliendum bonum alterius. Monemus tamen, quod dum pronunciamus, iustitiam esse bonum alterius, alias verò virtutes esse bonum habentis; non est nostræ mentis dicere, quominus iustitia sit etiam bonum habentis, & illum delectet: quia de ratione virtutis est facere bonum habentem, & ut ipse in proprio opere delectetur. Sensus ergo nostri pronuntiatus est, quod iustitia non solum est utilis habenti, sicut aliz virtutes, sed etiam alijs, quibus reddit, quod debet; & quamvis aliz virtutes valeant etiam interdum prodesse alijs, & illos delectare; hoc tamen non habent ex sua ratione formali, sed tantum consequenter, & quodammodo secundario. *Monemus etiam*, quod, et si iustitia sit ad alterum, non inde tamen est necessarium, ut ille alter actum exilat, sed sufficit, aliquando existere: actus enim iustitiæ dicit firmitatem quamdam voluntatis determinantis reddere unicuique, quod suum est, quando opus fuerit. Fit res clara in eo, qui habet propositum reddendi depositum, vel quid aliud debitum filijs alicuius, qui nascuntur: quandiu enim illi sunt in potencia, ille habet ve-

rum actum iustitiæ in voluntate.

- 8 *Oppones:* homicidium sui ipsius est peccatum contra iustitiam; ergo iustitia non semper est ad alterum. *Sanctus Thomas 2.2. qu. 64. art. 5.* docet: homicidium sui ipsius esse contra iustitiam; tum quia vita cuiuscunque est in bonum Reipublicæ, cuius quisque est pars. Tum quia Deus habet dominium vitæ cuiuscunque, & sicut, qui occidit seruum alterius facit contra iustitiam Domini, sic qui occidit seipsum, facit contra Deum, qui est Dominus vitæ; *Aristoteles tamen lib. 5. Ethicorum cap. ultimo* aperte ostendit, eiusdem ad seipsum non esse iustitiam, & consequenter neminem sibi ipsi iniuriam inferre: quia *scienti, & volenti non fit iniuria*. Puto, non posse negari, aliquam iniustitiam committi, si Respublica aliquo commodopriuatur; scilicet si is, qui seipsum occidit, sit maxime utilis Reipublicæ. Secundò etiam negari nequit, quin occidens seipsum faciat contra præceptum Dei prohibentis homicidium omne.

- 9 *Tota ergo difficultas est: an homicidium ipsius ex natura obiecti sit semper contra iustitiam?* Nam fingere possumus, vnum tantum esse in mundo, qui seipsum occidat, nullumque præbeat incommodum Reipublicæ, quia supponitur, non esse Rempublicam. *Item* etsi Deus habeat do-

minium omnium, illud est dominium quoddam commune; at verò peccatum contra iustitiam est contra aliquod particulare dominium præter Deum, cui per iniustitiam infertur iniuria. Certè homicidium sui ipsius sæpènumero est contra charitatem, & spem, ita vt sit odij, vel desperationis peccatum; scilicet verò, & propriè non est peccatum iniustitiæ, quale est homicidium alterius: quia *nemo volens* (vt ait Aristoteles) *iniustitiam patitur*, & tamen occidere seipsum est grauius peccatū, quàm homicidium alterius: quia licet homicidium alterius sit contra iustitiam alteri debitam, quisque tamen maiorem charitatem debet sibi, quàm alteri, & ita magis peccat contra charitatem, seipsum occidendo, licet non agat contra iustitiam strictè sumptam, vt clariùs dicam infra.

- 10 *Quod dixerim, iniustitiam esse ad alterum; non ita debet intelligi, quòd iustitia necessariò requiratur diuersitatem suppositorum, sed sufficit diuersitas secundum quid.* Non me latet, oppositum tenere *Dnum Thomam*, sed probabilius mihi apparet sententia, quam notauit illam habere *Scotus in 4. dist. 46. quest. 1. & dist. 1. qu. 2. lit. D.* vbi probat, actum vindictiue iustitiæ posse exerceri, & in alterum simpliciter, & in alterum secundum quid, scilicet in seipsum;

sed

sed non nisi, ut in alterum. Fa-
net nobis ratio: nam religio, &
obedientia sunt etiam virtutes
ad alterum, & tamen Christus
solum ratione diuersarum natu-
rarum exercuit actum religio-
nis, & obedientie erga Deum;
ergo à simili ratione diuersarum
naturarum poterat exercere
actum propriæ iustitiæ: nam si
vna illarum naturarum valeat
se alteri subditam reddere; er-
go & illi ex iustitia obligare; er-
go non requiritur diuersitas sup-
positorum. Probationem alteram
desumimus ex casu aliquo
successo in Francia, & adducto
à Scoto in 4. dist. 6. q. 2. §. de quarto
membro in fine, vers. breuiter
eidentissimum, &c. Verba Scoti:
Ponitur, fuisse in Francia mon-
strum adustum habens duo capita;
quorum vnum expressit nolle de eo,
de quo aliud expressit velle. vnum
enim voluit continere, & sobriè vi-
uere, & aliud lasciuire, & epulari.
& cum vnum per os suum excede-
ret, reliquum clamabat, se grana-
ri.

II Sit tale argumentum. Si in eod-
em supposito vnirentur duæ
naturæ, Antonij scilicet, & Ca-
roli, posset Carolus contradice-
re Antonio, ipsum odio prose-
qui, quinimò & calumniare: er-
go illi faceret iniuriam: ergo
eodem ratione posset illi satisfa-
cere ex iustitia: ergo inter duas
naturas intercederet iustitia: er-
go iustitia etiâ potest esse cum

vnitate suppositi. *Accedat altera
ratio.* Christus Dominus defacto
ob dualitatem naturarum non
solum satisfacit Patri, & Spiri-
tui sancto, sed etiam sibi ipsi, ut
Deo, & à seipso personaliter non
distinguebatur: ergo iustitia non
requirit diuersitatem supposi-
torum. Probatur antecedens:
nam satisfactio ex iustitia fieri
debebat illi personæ, quæ fuit
offensa; sed non solum Patri, &
Spiritu sancto, sed etiam ipsi
filio allata fuit iniuria à nostro
primo Parente: ergo, &c. *Adde,*
quia dominium in homines est
commune toti Trinitati: ergo
quæ ratione dicimus offensam
personam Patris, & Spiritus san-
cti, eadem ratione personam Fi-
lij; non minus ergo natura hu-
mana assumpta satisfacit Filio,
quàm Patri, & Spiritui sancto;
& ita inter naturam humanam,
& filium intercessit iustitia,
quamuis non fuerit diuersitas
suppositorum.

11 Placet etiam opinio docens, con-
ceptum iustitiæ non necessariò
expostulare diuersitatem natu-
rarum; hanc partem defendit
Scotus in 4. dist. 14. qu. 2. lit. D. Sit
ratio Scoti: potest quis agens
secundum rectum rationis di-
ctamen exercere in seipsum,
quasi ut in alterum, actum iusti-
tiæ vindicatiue: ergo iustitia,
quæ iustitia, non necessariò ex-
postulat diuersitatem natu-
rarum. Pro complemento vos re-
mitto ad Tractatû de Penitentiâ.

13 *Moneo*, iustitiam esse diuisam in distributiua, & commutatiua. Omnes hanc amplectuntur partitionem; disconueniunt tamen in assignando discrimen inter vnā, & alteram. Breuiter dico, hoc esse discrimen, quod distributiua non supponit dominium proprietatis in personis ad præmia, & onera communia, quæ ipsis distribuenda sunt. Commutatiua verò dominium proprietatis supponit respectu illius boni, quod alicui auferendum non est. Iustitia distributiua est Principis ad ciues. Commutatiua ciuium inter se. Nūm verò distributiua iustitiæ necessariò exposulet pluralitatem Personarum, inter quas onera, & commoda communia distribuuntur? Pars affirmatiua verior; & patet ex ipsa voce distributiua, seu distributione facienda à Principe inter ciues. Si quæ sunt rationes impugnantes necessitatem pluralitatis personarum, solum euincunt, dabilem esse casum executionis iustitiæ distributiue cum vnitatem personarum.

14 *Restitutionem* fundare suas radices in sola iustitia, suppono; & facilis probatio est, quod materia, & obligatio restitutionis eò tendit, vt vnique ius suum seruetur, & reparetur, qua parte læsus est. Clarioribus terminis possumus dicere, quod intentio ipsius restitutionis eò respicit, vt vero Domino ius suum repa-

retur, reddendo ipsi, quod suum est, & iure suo, ac titulo dominij exigit: quia iustitia definitur: *constans, & perpetua voluntas, ius suum cuique tribuendi*. Non me latet, communiter definiri restitutionem, quod sit *actus iustitiæ commutatiuæ, quo res ablata Domino redditur*. Circa quam definitionem Theologi varia dicunt. Ego rem ita declaro: *restitutio est redditio rei alienæ, ius læsum Domino reparans*. Vnde ad restitutionem plura requiruntur. *Primum*, quod res non sit à suo Domino possessa, sed in alterius potestate. *Secundum*, quod veri Domini ius læsum existat per rei spoliationem, siue per iniuriam, siue per ignorantiam in eo, qui rem possidet. *Tertium*, quod huiusmodi res suo Domino reddatur, vel saltem quod illam, habens se expoliet eo animo, & modo, quo res ad Dominum peruentura sit.

15 *Hinc hæc accipe*. Primò: restitutio distinguitur à mera redditione, quia restitutio reddendo aliquid, reparat ius Domini læsum; mera verò redditio non reparat ius Domini læsum: quia læsus non fuit, vt quando quis vero Domino reddit mutuum, commodatum, depositum, aut pignus, & similia, ad quæ præcedit Domini contractum celebrantis voluntas; ea est mera redditio, non restitutio: quia non est actio reparans ius Domini læsum, quod sanè læsum

non

non fuit: cum ipse Dominus voluerit rem suam mutuo, commodato, deposito, aut pignori dari: scientis autem, & volentis ius non violatur. *Secundò*; restitutionem differre à mera solutione propter eandem rationem; nam si quis mihi vendat domum, equum, aut librum pretio, tali tempore offerendo, vel mihi suo etiam pretio domum, aut equum educat; postmodum cum ipsi Domino pretium reddo; tunc quidem soluo, quia reddo, quod debeo; ceterum non restituo, quia non reparo ius Domini læsum; Dominus enim ita sciuit, & voluit; quapropter ipsius ius per iniuriam lædi non potuit, *Tertiò*, restitutionem differre à satisfactione; satisfactio enim significat cuiuslibet operis debiti adimplerionem, siue debitum ex religione, ut peregrinatio voto promissa, siue debeatur ex obedientia, ut res præcepta; cum hæc omnia operamur, satisfacimus præcepto, & voto: ceterum restitutio satisfacit obligationi solius iustitiæ commutativæ fundata in iure Domini prius læso: satisfactio verò pro iniuria strictior est, & solam significat restitutionem honoris, & reuerentiæ ex iustitia debitæ: Restitutio verò non solum honorem, sed autem reliqua bona oblata, quæ debentur ex iustitia, reddit.

16 Datur præterea iustitia genera-

lis, & particularis; particularis iustitia est, qua pars comparatur ad partem, ut ciuis ad ciuem; generalis verò, quæ communiori nomine etiam iustitiæ legalis dici solet, est, qua comparatur pars communitatis ad totum, subditus ad communitatem. Denique datur iustitiæ vindictiua, quæ hominum culpas punit, attenditque ad æqualitatem pœnæ cum merito. *Plures quæstiones iustitiæ libenter omitto*: quia nobis sufficit ad rem nostram, vocum significationem proposuisse.

17 Noto tamen, obligationem restituendi oriri ex iustitiæ commutativa. *Probat*ur: quia materia, sed obiectum iustitiæ commutativæ est æqualitas seruanda iuris, sed dominij alicuius ita, ut Domino inuito nihil adferatur, ac detineatur ex illis, quæ ipsius dominium exigit. Idem autem attendit restitutio, ut lapsius explicuimus. Addidi autem illa verba (*Domino inuito*). Primò: quia dum Dominus non est inuitus, sed potius ita vult, quamvis lædatur eius dominium, non læditur ab alio, sed ab ipso ita volente, qui sibi iniuriam non infert. Secundò, quia suum non lædit dominium, sed potius in alterum transfert.

18 Ex his hæc accipe. Primò. Illis, qui sciunt, & volunt, sui dominij bona sibi auferri, restitutionem non debent. Ratio est: quia sicut sibi ipsi nullus iniuriam infert,

infert, eò quòd respectu sui non potest esse iniurus; cum non possit habere voluntates contrarias; ita nequè volenti fit iniuria: quia voluntas auferentis non est Domino volenti contraria; ita marito volenti vxoris adulterium non fit iniuria: proindequè ipsi non debetur satisfactio, quamuis reuera in vxore, & complice sit delictum specie diuersum à simplici fornicatione, & propterea explicandum in confessione: quia habuit malitiam cõtra bonum Sacramenti, coniugis, & prolis, cui iuri maritus cedere non potest, sed tantum iuri proprio. Ita Cardinalis de Lugo tomo primo de iustitia disput. 8. sect. 1. num. 6.

- 19 Accipe secundò, qui voluit ab alio occidi, idquè petiuit, vt Saul, licet passus fuerit iniuriã quòdã vitam, cuius iuri cedere non potuit; tamen occisorem non teneri ipsi, aut hæredibus pecuniam restituere; quia hoc ius remittere potuit, & remisit. Tertio collige, Martyres etsi cum Christo Domino occisos, etiam tamen iniuriam in occisione passos fuisse; cuius rei non est facilis ratio, vt videre licet in ratione Cardinalis de Lugo, &c. Ratio nostra est primò: quia quædam bona sunt, quorũ dominium transferre non possumus, sed illis tantum frui: horum sunt vita spiritalis gratiæ, quæ fruimur, eam autem alteri non damus, nimirum quia so-

lũ nobis utilis est: cuiusmodi etiam sunt corporis membra, & ipsa vita. Secundò, quia Martyres non ita iuri suo cedebant, vt Tyrannis, aut tortoribus potestatem facerent, volendo, vt occiderent; sed tantum volebant occidi, & non resistere, sibi què oblatam mortem vltro excipere; cæterum non volebant, vt Carnifex sibi mortem inferret; alioquin vellent actionem Carnificis malam: sed tantum volebant pati, hoc est, excipere mortem, si nefarii homines sibi illã causa virtutis inferrent.

- 20 Obijciat aliquis: non possumus transferre dominium vitæ nostræ, aut manus, ita ut alter possit sine iniuria nobis illas auferre: ergo neque maritus iuri suo cedere poterit circa vxorẽ. Confirmatur: quia maritus iuri cedens, vult etiã malũ vxoris vsũ, sicut qui vellet actionẽ occidētis, vellet etiã malum vsum suę vitæ.

Respondco, longam esse disparitatem: nam dominium proprietatis alicuius rei sola illa creatura habere potest, quæ potest frui talis rei vtilitate; inde fit, me solum habere posse propriam vitæ, manusuẽ dominium; quia solus ego possum mea manu, aut vita viuere. Quapropter etiam si ego vellem cedere, Dominus tamen manebo, meũquè dominium occisor lædet; vt si puellus impotens sola sua voluntate quarundam rerum dominium transferret, etiam si vel-

vellet cedere ipsi, tamen inferretur iniuria: quia sola sua voluntate dominio illo non spoliatur. Cæterum utilitate vxoris etiam non maritus frui potest: quapropter potuit etiam illius habere dominium, si illam duxisset; proinde maritus validè poterit cedere iuri, & alter vtens illius vxore, non inferret sibi iniuriam: quia non peccauit contra iustitiam respectu mariti, sed contra alias virtutes.

21 *Imò addit Cardinalis de Lugo disp. 8. sect. 1. num. 40. posse alterum Coniugum conueniendo prius, & hortando alterum, nè peccet, cedere iuri suo, vt coniux, alioquin adulterium commissurus, minùs peccet, ablata circumstantia iniuriæ coniugi allatæ, quin tamen ea cessione mortaliter peccet. Item etiam infertur, posse quem iuri suo cedere, vt aggressor ipsum mutilaturus, aut occisurus minùs peccet, ablata circumstantia iniuriæ aduersus occidendum. Ego verò de valore vtriusque cessionis iam dixi, dominium propriæ vitæ, & membrorum in alium validè transferri non posse, quamuis possit maritus,*

De honestate autem cessionis, si cedere potest, quin velit malam vxoris operationem, id licitè poterit, de quo valde dubito: quia cedens suo iuri, videtur velle, vt alter sua vxore vtatur: nam qui transfert dominium, vult alteri etiam vsum rei dominatæ: propterea, cùm personæ vxoris dominium transferri non possit, vult ipsi dare vxoris vsum, ac si conducere-
tur, aut commodaret equum; voluntas autem illius vsus mala est.

22 *Notandum etiam, varias conditiones requiri ad exactam iustitiam, & communiter sex enumerantur. Prima est, quòd satisfactio sit ad alterum. Secunda, quòd sit ab ipso debitore personaliter. Tertia, quòd non possit non acceptari. Quarta, quòd sit ex proprijs, & non ex bonis creditoris. Quinta, quòd fiat ex alijs indebitis. Vltima, quòd nò sit ex acceptis ab iplo creditore, vel fundata in gratia ipsius. Per omnes ergo istas condiciones transferenda est resolutio, vt sciamus, vbi specialiter defecerit satisfactio Christi à rigore iustitiæ. Quare sit*



PROPOSITIO PRIMA.

Satisfactio Christi fuit sufficienter ad alterum; unde ex hac parte non defecit à rigore iustitiæ.

23 **P**robatur: quia ad satisfactionem non requiritur distinctio suppositorum, ut supra notauimus; sed sufficit distinctio naturarum; at in Christo cum unitate suppositi fuit distinctio naturarum: ergo satisfactio Christi fuit sufficienter ad alterum. *Urgetur difficultas:* non magis requiritur aequalitas ad satisfactionem, quam ad alios actus in specie, verbi gratia, ad obedientiam, ad orationem, &c. sicut enim nemo seipsum offendere potest, aut placare, ita ridiculum esset, si quis diceretur, seipsum orare, sibi obedire, &c. at Christus verè fuit obediens, verè orauit: ergo in ipso fuit sufficiens aequalitas ab eo. *Accedat altera ratio:* quælibet natura habet distinctam voluntatem ab altera, ut quælibet possit operari, cessante altera, adeoque esse, vel non esse offensa, iniuria, &c. *Item,* habent, vel habere possunt, quantum ad præsens pertinet, distincta dominia, & ius vnius lædi posset, iure alterius non læso, & reparari ius vnius sine reparatione alterius.

24 *Obijces commune argumentum:* satisfactio facta est Trinitati: sed

Persona satisfaciens est vna ex Personis Trinitatis: ergo ipsa est, cui fit satisfactio. *Confirmatur:* quia ipsa Verbi Persona influit valorem satisfactorium in opera Christi: ergo principium adæquatè satisfactorium non distinguitur ab eo, cui fit satisfactio. *Huius obijectioni iam fuit ad plenum responsum supra.* *Ad confirmationem* distinguitur antecedens; influit valorem seipso immediatè, ita ut in valore includatur ipsa Persona, negatur antecedens; influit valorem à se distinctum; conceditur antecedens, & negatur consequentia. *Deinde,* quantumuis ipsa Persona includeretur in valore operis, ita ut seipsa dignificaret opus immediatè, non probaret, quòd satisfaciens sit ille, cui satisficit, sed quòd opus satisfactorium sit ipse. *Replicabis.* Christus satisfecit pro omnibus peccatis: sed aliqua peccata fuerunt contra Christum, ut alapa, contumelia, & verbera Carnificum, quæ passus est, & fuerunt iniuriæ personales contra ipsum: ergo saltem in his eius satisfactio non fuit ad alterum. *Concessis*

om-

omnibus præmissis, negatur consequentia. Ratio est, quia Christus satisfecit pro omnibus peccatis hominum, quatenus fuerunt contra Deum: iam autem ostendimus, quòd respectu Dei satisfactio eius fuit plenissimè

ad alterum; non satisfecit omnibus, contra quos fuerunt peccata; hinc non satisfecit Martyribus, contra quos fuerunt peccata occidentium ipsos; & ita Christus nec satisfecit sibi.

PROPOSITIO SECUNDA.

Satisfactio Christi non fuit ab ipso debitore personaliter, adeoque ex hac parte defecit à rigore iustitiæ

25 **P**robatur: quia Christus non contraxit debitum satisfaciendi, quia non fecit iniuriam Deo, peccando in ipsum, & licet subierit peccata nostra, & se obligauerit satisfacere pro ipsis; tamen totum hoc non intulit ei debitum iustitiæ, sed ad summum debitum fidelitatis: sed de hac re infra.

Suarez arbitrans, hanc conditionem minimè requiri ad iustitiam, ita contra nos argumentatur. Quamquam in iustitiæ vindictiua posset Iudex non esse contentus vilius pœnæ, nisi illius, qui offendit; tamen in commutatiua non sic res se habet: si enim amicus soluat pro altero amico mille aureos, tenetur creditor amici esse contentus: ergo ita in casu nostro. Respondetur, concedendo instantiam adductam in commutati-

ua iustitiæ; non tamen ita, & vniuersaliter in ipsa commutatiua, sed solum quando compensatur iniuria realis, ut per restitutionem bonorum, verbi gratia, pecuniæ, quam si alius resarciat in integrum, ego liberor à restitutione: quia scilicet iam est posita æqualitas rei; non ita est in restitutione honoris: quia sicut ego abstuli illum per personalem contumeliam, verbi gratia, in Carolum, ita Carolus habet ius, ut ego reddam ei reuerentiam in persona mea, & non sufficit, quòd alius id faciat, quia non reddit ablatum, scilicet testificationem excellentiæ alienæ, seu Caroli à me faciendam. Sit exemplum in ipsa commutatiua: nam si quis furatus est à me librum, tenetur eundem reddere, si existat; & non sufficit æquiualeus reddere, nisi ego liberaliter

voluero esse contentus aequiuolenti. Ita similiter in calu nostro.

- 26 *Accedat secunda ratio ex eodem* Suarez, qui vult, quod licet requireretur illa conditio, eam tamen, dicit, hic non defecisse: quia satisfactio Christi facta est ab eadem natura, nec simpliciter ab eadem, sed amplius in vno individuo; quod erat ceterorum caput. *Confirmatur*: quia peccatum Adami factum est nostrum omnium, & singulorum; quia scilicet Adamus peccauit, ut caput: ergo similiter Christi satisfactio ceneri potest sufficienter nostra. *Respondeo*, euidens esse, non sufficere conuenientiam in natura specifica ad specialem illam rationem capitis in Christo; & similiter ad con-

firmationem dico; Christum non similiter fuisse caput nostrum, ut Adamus; hic enim fuit caput nostrum non solum naturale, sed etiam morale per alligationem nostrarum voluntatum in ipsius voluntate, ita ut ipsius opus ceneretur nostrum; vnde inquit Apostolus: *Omnes in Adam peccauerunt*. At verò Christus non fuit Caput per alligationem nostrarum voluntatum in ipso; aliter omnes nos satisfaceremus: quia Christus satisfecit. *Confirmatur*, quia aliter non diceretur, gratis remitti nobis peccata, quod euidenter est contra Scripturam. Sequela patet, quia peccata non sunt gratis remissa Christo, sed per solutionem pretij superabundantis.

PROPOSITIO TERTIA.

Potuit satisfactio Christi non acceptari à creditore; unde ex hac parte defecit à rigore iustitiæ.

- 27 **F**acillimo negotio hæc nostra propositio probatur: manet ex antecedenti propositione: nam quandiu aliquid debetur creditori, siue de substan-

tia, siue de circumstantia iuris, potest non acceptari, quod offertur: sed ex supra probatis patet, aliquid defuisse satisfactioni Christi: ergo &c.

PROPOSITIO QUARTA.

Quarta, & quinta conditio, scilicet, quòd sit ex proprijs, & non ex bonis creditoris, & quòd fiat ex alijs indebitis, saluari possunt in satisfactione Christi, ut ex hac parte nil defecerit à rigore iustitiæ.

28 **P** Robatur: quia satisfactio-
nem fieri ex proprijs, quæ
est quarta conditio, vult dicere,
non quòd debeat fieri ex rebus,
quæ alia via possent esse in bonis
creditoris; vnde sensus est, ut
non fiat ex his, quæ actù sunt
bona creditoris, seu titulo iusti-
tiæ debita ei. Ad propositum
omnes actiones, & passiones
Christi Domini sine dubio fuerunt
sub dominio proprietatis Dei,
& potuerunt exigi ab eo; & in eo
casu non satisfaceret Christus
per eas: at defacto Deus eas nõ
exegit titulo iustitiæ; igitur
Christus ex his capitibus satis-
fecit. *Dices*, actiones Christi Do-
mini, & passiones fuerunt sub
dominio Dei, idquæ in solidum:
quamvis enim antequàm elice-
rentur illæ actiones, non tene-
batur eas Christus elicere; ut
tamen, postquàm elicite sunt,
statim transeunt in dominium;
quia sunt entia existentia crea-
ta, quæ non possunt esse, nisi ip-
sius sint: ergo iam sequitur cui-

denter, quòd non potuerit Chri-
stus satisfacere villo titulo iusti-
tiæ ad Deum per ipsas.

29 *Respondeo*, negando conse-
quentiam: quia actiones illæ nõ
ita transeunt in dominium Dei,
ut non sint etiam sub dominio
elicientis; quod evidens est;
alijs per illas nec mereri, nec
demereri posset. *Res declaratur*:
secundum se illæ actiones tran-
seunt in dominium Dei, quia
sunt res creatæ: ergo ita tran-
seunt, ut ceteræ creaturæ: sed
aliæ non sic transeunt, ut non
maneant sub dominio hominũ;
aliter homo non posset alteri
vendere propriam vestem, vi-
neam, &c. & multò minùs do-
nare: ergo &c. *Confirmatur*. Ex
eo, quòd pro se afferunt Aduer-
sarij, quia definit *Tridentinum*
sessione 6. opera nostra esse Dei
dona; vnde sequitur euidenter,
quòd nostra sint: quia donans
transfert dominium in alium.
Itaque evidens est, manere apud
nos ius aliquod rerum nostra-
rum,

rum, non obstante supremo dominio Dei in illa; & per illud ius possumus nos mereri, & satisfacere tam inter nos, quam apud

Deum, transferendo illum titulum dominij, qui in nobis remanet in Deum.

PROPOSITIO QUINTA.

Ultima conditio defuit satisfactioni Christi ad rigorem iustitiæ.

30 **C**onditio erat, ut satisfactio non fiat ex bonis acceptis à creditore. Hanc requiri ad iusticiam, clarum est: nam si fiat satisfactio sine hac, erit potius remissio debiti; proinde est enim Carolo creditori, quod remittat Ludouico debitum mille aureorum, ac quod det ei mille aureos, quos sibi persoluat; itaque debet omnino non inuolui in rigorosa satisfactione gratia creditoris, nam tantum demitur iustitiæ, quantum miscetur misericordix. Patet iam propositio: nam bona omnia, quibus mediantibus Christus satisfecit, accepit à Deo; ab eo accepit vnionem hypostaticam, & ipsam gratiam sanctificantem, à quibus proueniebat totus valor operum ipsius: ergo &c.

Dices cum quibusdam, non omnem gratiam impedire iusticiam in satisfactione, sed illam tantum, quæ inuoluitur in ipsa satisfactione, non autem eam, quæ

antecedit satisfactionem, verbi gratia, si donentur antecederet Paulo mille aurei sine respectu ad debitum, potest ex iustitia soluere debitum per illos; cur ergo Christus non possit similiter satisfacere iustitiæ Dei? *Respondeo statim ad hos, & dico, quod ratio ipsorum est in oppositum; nam secundum Aduersarios nostros Christus accepit vnionem hypostaticam non antecederet, & sine respectu ad rationem, sed ex motiuo illius præcisè; volunt enim, propter peccatum tantum, factam esse Incarnationem.*

31 *Dices. Saltem valet contra nos replica, qui ponimus, Incarnationem decretatam esse antecederet ad peccatum. Respondetur, negando assumptum: quia etiam nos ponimus, quod Incarnatio ipsa in substantia sit volita propter peccatum, & non sola circumstantia carnis passibilis; hoc autem sufficit ad propositum; quia licet antecederet*
ter

ter sit volita absolute, tamen per hanc secundam volitionem fuit restricta donatio illa ad hunc finem. *Sit secunda responsio*, & probatio nostræ propositionis: quia actiones satisfactoriæ Christi fuerant dona Dei, & ipsa voluntas satisfaciendi, qua immediate satisfecit: ergo iam donum, & benignitas Dei creditoris

erat imbibita in ipsa satisfactione Christi. *Confirmatur*, quia qui accipit ab alio comprincipium, sine quo non potest physice agere, accipit ab eo actionem saltem partialiter: sed Christus Dominus accepit à Deo auxilia gratiæ, sine quibus non poterat agere meritorie, aut satisfactorie: ergo accepit similiter, &c.

PROPOSITIO SEXTA.

Non fuit exacta satisfactio Christi in ipso genere Vindicatiue Iustitiæ.

Concludimus, satisfactionem Christi non fuisse omnino de rigore iustitiæ. Ita communis Scottistarum, *Rada* tomo 3. *Controuerfia* 13. *Faber* in 3. disp. 46. *Arctinus* ibidem articulo 6. *Fa-* uet huic parti *Scotus* in 4. disp. 46. qu. 1. 2. & 3. ubi negat, in Deo reperiri rigorosam iustitiam respectu nostri. Item in 3. disp. 19. & 30.

32 *Probatur propositio* de Vindicatiua, ex dictis de iustitia commutatiua: qui enim furto abtulit alterius inuiti librum, si reddat pretium libri, non satisfacit omnino de rigore iustitiæ; potestq; ab alio repelli pretium, & cogi ipse ad reddendum librum: ita similiter per omnia; qui ex iustitia vindicatiua dānatus est exilio, vel seruitute vnus anni,

licet afferat aliam satisfactionem æquiualem, potest repelli, & cogi à Iudice ad penam secundum prolatam sententiam ei inflictam. Quia verò nostri discursus vis tota est in compensatione ad actum illum iustitiæ commutatiuæ; probo casum illum de libro sic: nam fur libri non acquirit furto ius eius; sed iniuste eum possidet, & ius manet penes priorem Dominum. *Sit tale argumentum*: quando ipse Dominus libri eum retinuit, non poterat ab eo, qui est fur, vel alio cogi ad vendendum ei librum, esto offerat pretium, sufficiens libri, vel etiam abundans: ergo similiter non potest cogi, vt acceptet pretium, & cedat iuri suo circa librum. *Ad rem nostram*: Christus Dominus sine

finè dubio obtulit satisfactio-
nem sufficientem, imò supera-
bundantem pro debito gene-
ris humani; nihilominus si
Deus vellet uti rigore suæ iusti-
tiæ, potuisset totam repellere, &
exigere poenam à se infligam in
peccatores, tradendo eos æter-
nis cruciatibus.

- 33 *Succedat altera ratio*: nam ex
eodem iure provenit Iudici, ut
quamvis ipsa poena per latam
sententiam solvatur ab alio; po-
test adhuc ipse non esse conten-
tus, nisi solvatur à reo, qui per
sententiam eius damnatus est:
sicut enim habet ius exigendi
poenam à se infligam, ita habet
etiam exigendi personam; gra-
tiam omnino facit reo, si eius
loco patiatur, alterum puniri.
Ex quo iterum sequitur defectus
satisfactionis Christi: quia ipse
nō erat debitor poenæ, nec dam-
natus per Iudicis sententiam.
Dices. Magnitudo pretij com-

pensat omnem aliam inæquali-
tatem; Christi autem pretium
fuit infinitum; adeoque, quam-
vis omnia alia defuissent, hoc
vnum erit satis. Ostenditur as-
sumptum: quia quælibet condi-
tio ex ipsis, est pretio æstimabi-
lis: ergo infinitas pretij supplet,
quascumque deficientes condi-
tiones. *Respondetur*, negando
maiorē in rigore iustitiæ, de
qua agitur; verum quidem est,
quod expediret admittere abū-
dans pretium pro alijs condi-
tionibus: nam, si Domino libri
ablati detur centuplum plus;
quā valeat liber, stultè agit,
nisi acceptet; non tamen iniuste.
Adde, quod in casu Iudicis est
alia ratio: ipsius enim est atten-
dere non solum ad pretium, aut
utilitatem vllius, adeo quod nō
solum non tenetur, sed nec expe-
dit, ut sit contentus commuta-
tionibus poenarum, & personarum.

PROPOSITIO SEPTIMA.

*Notantur nonnulla pro maiori solutione supra-
positæ difficultatis.*

- 34 **M**Oneo, discrimen esse
inter satisfacere pro
peccato, & satispati pro pecca-
to: nam peccatores redeuntēs
spontē ex motione Divina, &
volentes, & affectu charitatis

resipiscētes, & subeuntēs volūta-
riā poenitentiam iure taxatam, sa-
tispatiuntur, & satisfaciunt pro
suis peccatis. Damnati verò in
inferno satispatiuntur quidem,
sed non satisfaciunt. *Aduerto
etiam*

etiam, quod satisfactio præsupponit debitum, & debitum præsupponit conventionem, & ratione conventionis insurgit ratio iustitiæ. Satisfactio, quia includit debitum, distinguitur à merito, meretur enim quis apud eum, qui prius non tenebatur illi, sed nemo satisfacit, nisi præsupposito debito. Debitum est multiplex; quoddam nascitur ex mandato superioris, cui satisficit per obediëntiam; quoddam oritur ex suscepto beneficio, cui satisficit per gratiarum actionem; quoddam nascitur ex meritis, cui satisficit recompensatione; quoddam nascitur ex contractu personarum, cui satisficit solutione, vel rerum permutatione; quoddam nascitur ex ablatione alieni, vel damnificatione, cui satisficit per restitutionem æquivalentis; & quoddam est debitum, quod oritur, offendendo superiorem, cui satisficit pœnali subiectione; & sunt notandi isti duo præsertim modi debiti ultimo loco dicti: quia sic debitorum sumus Deo, & pœnaliter satisfaciendum erat Deo à nobis.

35 *Moneo item*, quod debitum, aliud est civile, aliud criminale; aliter satisficit iustitiæ in debito civili; aliter in debito criminali. Alter potest satisfacere pro civili debito alterius; sed non, ita pro debito criminali: hinc pro sicario non potest satisfacere innocens, quamvis ex charitate se offerat morti: quia si

Index acceptaret mortem Innocentis pro sicario, non servaret iustitiam, quamvis gratiam faceret sicario, & ratio est, quia pœna criminalis, vel potius personalis non ordinatur tantum ad satisfactionem pro offensâ, sed etiâ pro medicina aliorum.

36 *Moneo ulterius*, quod boni operis quatuor possunt esse effectus, beneficentia, meritum, medicina, & satisfactio. Bonum opus, in quantum est virtuosum, est etiam beneficium, quia facit bonum ipsum operans; & si fiat in gratia iuxta inclinationem, charitatis, est etiâ meritorium; si autem adhuc est pœnale, & pœna non sit alia ratione debita, sic est medicinale. Postremò si sit opus bonum moraliter, & pœnale, & debitum, sic est satisfactorium, ita quod satisfactio potest definiri sic ex *Scoto in 4. dist. 16. qu. 1. Satisfactio est redditio voluntaria pœnalis æquivalentis aliis indebitis*. Cum dicitur redditio, distinguitur à merito; cum dicitur voluntaria, distinguitur à satisfatione; cum dicitur pœnalis, distinguitur ab omni virtuoso moraliter; cum dicitur æquivalentis, iterum distinguitur à merito; & cum dicitur aliis indebitis, exprimitur proprium ipsius satisfactionis. *Æquivalentia*, de qua dictum est, secum trahit multas difficultates.

37 *Et primò dubium est: an æquivalens, quod redditur, debeat proportionari Arithmetice, vel Geome-*

R r r r tri-

triciè damno allato, vel bono ablato?
Sed ad hoc communior sententia tenet, quòd sufficiat proportio Arithmetica, verbi gratia: si peccator commisit decem peccata, reddat aliquid æquiualens decem peccatis; si commisit centum, reddat centum, sed non requiritur, vt tanto conatu affectus diligat Dominum satisfaciendo, quanto conatu affectus auersus est à Deo peccando.

- 38 *Secundò dubium est: an pondus, & valor in satisfactione sumi debeat à natura ipsius operis, an ab estimatione acceptantis?* Constat in humana iustitia, quæ dicitur commutatiua, quòd pretium non iudicatur semper secundum valorem naturalem rei, sed secundum valorem vsualem, vel iuxta vtilitatem rei: hinc qui emit equum, si indiget, pro illo maiorem quantitatem pecuniæ soluit, quam alter minus indigens, & hoc propter vtilitatem rei. Item annonæ est carioris pretij circa finem hyemis, quàm tempore messis, & hoc est propter valorem vsualem: & quântum ad hoc dicere, quòd satisfactio rigorosa, de qua hic loquimur, debet esse redditio boni æquiualentis secundum naturam suam.

- 39 *Tertiò dubium est: an valor operis magis debeat pensari ex charitate, à qua oritur, an ex dignitate facientis?* Quântum ad hoc noto, quòd vita æterna tribus modis datur; per modum hereditatis, mercedis, & per modum

brauij. Primo modo datur filijs, & sic valor operis filij consequentis vitam æternam mensuratur secundum dignitatem personæ; quando verò datur per modum mercedis, valor operis mensuratur secundum quantitatem charitatis; at quâdo datur per modum brauij mēsuratur opus bonum secundum mensuram, acceptationis actiue ipsius acceptantis, sed quia (vt dictum est) satisfactio distinguitur à merito, in proposito valor operis debet accipi ab ipsamet essentia operis, aut à charitate operantis. *Item notandum*, quòd omne bonum opus nostrum est Deo debitum pluribus titulis, præsertim pro beneficijs acceptis: hinc minus erit ad satisfaciendum Deo vlteriùs pro peccato, & iniurijs illatis.

- 40 *Quia in Titulo questionis dicitur: an Christus satisfecerit ex rigore iustitiæ?* notanda est distinctio inter iustitiam commutatiuam, & distributiua, & notanda est ratio, in qua conueniunt. Cōueniunt igitur in hoc, quòd præsupponunt aliquam conuentionem; de commutatiua patet tam in emptione, & venditione, quàm in locatione, Emphiteusi, & quocumque humano contractu: in iustitia quoque distributiua præsupponitur conuentio, vt sit Dominus brauij, qui primò tetigerit brauij: Deus proposuit vitam æternam à nobis acquirendam non sine

pas-

passione; hinc si vis ad vitam ingredi, serua mandata, &c. si quis manducauerit ex hoc pane, viuet in æternum: si præcepta mea seruaueris, seruabunt te. Et hic notandū est ex D. Bernardo lib. de gratia, & libero arbitrio, quod inter Dominum, & nos potest assignari iustitia tam cōmutatiua, quā distributiua, quamuis Deus sit simpliciter Dominus omnium humanorum aſuum, omnium, quē bonorum: quia cū non teneatur promittere vllam recompensationem benefacienti, voluit tamen promittere: hoc fac, & viues. Vnde Bernardus dicebat: *promissum quidem ex miseriſordia, sed tamen est iustitia persoluen- dum.* Differunt tamen iustitia cōmutatiua, & distributiua,

quod iustitia cōmutatiua requirit absolutam æqualitatem inter meritum, & præmium; ac iustitia distributiua contenta est proportionari æqualitate; & si rectē expendamus Diuina iudicia; quibus spondit nobis vitam, eamquē largitur, patebit, quod substantia, vel essentia Diuini iudicij, quo iudicat nos dignos vita æterna, & remissione culpæ, est secundū iustitiam distributiua, at modus istius iudicij est secundū iustitiam cōmutatiua.

Vltimò moneo, quod rigor iustitiæ, de quo in titulo propositionis, importat concursum multarum conditionum, quas notauimus in propositione antecedenti. *His stantibus*, sit

PROPOSITIO OCTAUA.

Illud, quod est solutum Deo à Christo pro homine, excedit id, quod ablatum fuit, & amissum per peccatum hominis.

41 **P**Robatur: citrà infinitum nullum bonū est maius, quā bonum vitæ, & animæ Christi: sed Christus obtulit, & soluit Deo pro homine, & pro amissis ab homine meritum animæ suæ, suamquē vitam; & realiter, & in effectu mortuus est: ergo id, quod à Christo solutum est Deo pro homine, excedit id, quod ablatum fuit per

peccatum hominis. Maior probatur ad aures Scoti, qui in 3: dist. 13. qu. 2. ex professio concludit, quod gratia animæ Christi, defacto fuit summa, ita quod defacto nulla datur nec maior, nec æqualis: ergo excessit gratiam cuiuscumque creaturæ. *Nunc sit tale argumentum.* Gratia, & meritum pollunt cōmensurari, & ad æqualitatem

R r r r 2 pon-

ponderari: ergo meritum Christi defacto fuit summum: ergo excessit omne bonum ablatum, & demeritoriè amissum per peccatum. *Item Scotus qu. 19. quolibetali art. 3.* tenet, quòd dependentia actualis naturæ assumptæ ad personam Diuinam est actus supernaturalis, in tantum quòd ad sic dependendum non datur potentia naturalis, sed tantum obedientialis; ad reliquas verò formas supernaturales, etiam ad ipsam Beatitudinem Patris, etiam in speciali, tenet, esse potentiam naturalem, ut patet in 4. dist. 49. qu. 9. & 10. Hoc sit argumentum: dignitas naturæ humanæ personæ in Verbo est bonum excedens quodcumque bonum creatum amissum per peccatum: sed Christus obtulit, & soluit hanc dignitatem, offerendo, & soluendo propriam vitam: ergo &c.

42 *Sit tertium argumentum ex auctoritate D. Pauli Rom. 6. Vbi autem abundauit delictum, supera-*

abundauit & gratia; in quo loco illud aduerbium, ubi, quod est aduerbium loci, ita pro aduerbio temporis, & frequentissimè accipiuntur pro eodem, ubi, & postquam, nisi post Athanasium in Tractatu de salutari aduentu Christi, dicamus, ubi, idest in qua natura abundauit delictum. Item in Christo consideratur triplex gratia, scilicet gratia habitualis, gratia singularis personæ, & gratia Capitis, de duabus primis dictum est, quòd vtraque est summa, de tertia probatur: gratia Capitis debet redundare ad membra; sed omnes, præsertim saluandi, siue homines, siue Angeli sunt mystica membra vnus Ecclesiæ; ergo oportuit; gratiam capitalem Christi esse summam; sed hanc obtulit: ergo, &c. Maximum enim fuit, quòd talis, ac tantus Pontifex, quem Deus dedit Caput super omnem Ecclesiam, dignaretur subire supplicium, & mortem Crucis.

PROPOSITIO NONA:

Christus per modum Redemptionis satisfecit ex condigno perfecte, & ex rigore iustitiæ.

43 **H**Oc potest defendi, etiã ad aures Scoti, ut n. 51. & 52. ostendam Propositionem declaro: Redimere est rem suo

iusto pretio recuperare secundum *Alensem 3. p. qu. 18. art. 2.* & differt à liberare: quia quis potest liberare captiuum vi, fraude,

de, commutatione, aut etiam alio modo, quem non potest redimere sine iusto pretio. Ex quo patet, quod in scripturis nomine *Redemptionis* explicatur poena peccati, pro quo peccator traditur tanquam captivus potestati Diaboli, prout colligitur ex illo Ioannis 12. *Nunc iudicium est mundi, nunc Princeps huius mundi eijcitur foras*; & iterum cap. 14. *iam non multa loquar vobiscum; venit enim Princeps huius mundi, & in me non habet quidquam*. Cum ergo dicimus, quod Christus satisfecit ex rigore iustitiæ per modum Redemptionis, tamen nostra intentio non est asserere; quod satisfecerit rigore pro iniuria Deo facta.

- 44 *Hinc probatur conclusio*. Primò quoad primam partem, per Extravagantem *Clementis Sexti, que habetur extra de Penitentibus, cap. Unigenitus, &c.* in qua Clemens loquitur semper de satisfactione per modum Redemptionis, ut patet ibi, & per auctoritates ibi adductas, ut puta: *Misit Deus filium suum factum sub lege, ut eos qui sub lege erant, redimeret, &c.* Ad Gal. 4. *Factus est nobis Sapientia, iustitia, sanctificatio, & Redemptio, &c.* Prima Corinth. 10. *Non per sanguinem hircorum, aut vitulorum, sed per proprium sanguinem introiuit semel in sancta, æterna redemptione inuenta*; Alibi: *Non corruptibilibus auro, & argento, sed pretioso sanguine immaculati Agni, & in-*

contaminati redempti estis, &c. Dicit Pontifex, unam guttam sanguinis propter unionem ad Verbum pro Redemptione totius humani generis fuisse sufficientem; cum tamen à planta pedis usque ad verticem copiosè sanguinem fuderit: ergo satisfactio per modum Redemptionis fuit condigna, perfecta, & secundum rigorem iustitiæ.

- 45 *Secundò probatur ex illo Psalmi 19. Copiosa apud eum redemptio*: sed si non satisfecisset rigore, potuisset fieri redemptio copiosior: ergo &c. Ut verum fatear, hæc auctoritas parum cõcludit: nam præmittitur: *apud Dominum misericordia*, deinde dicitur: *copiosa apud eum redemptio*; posset ergo dici, quod redemit copiosè, non tamen secundum rigorem iustitiæ; sed ex misericordia Dei acceptantis. Rursus, si dicitur esse copiosa redemptio, non negatur, quin potuerit esse copiosior. Item iustus secundum inclinationem charitatis meretur de condigno: sed Christus habuit maximam charitatem: ergo meruit de condigno. Nunc ita; sed rogavit multa pro nobis, ut patet Ioannis 12. *Rogo, Pater, ut bi unum sint, sicut & nos, &c.* & iterum ibidem: *Non rogo pro eis, ut tollas eos de mundo, sed ut serves eos à malo*; Marci 15. *Ipsè peccata multorum tulit, & pro transgressoribus rogavit*. Et D. Paulus ad Hebræos 5. inquit: *Exauditus est pro sua reverentia*. Ma-

Maior propositio probatur per illud 2. ad Timotheum cap. 4. *In reliquo reposita est mihi corona iustitia.*

- 46 *Non me latet*, huic argumento responderi posse ad maiorem, primò, quòd iustus meretur ex condigno vitam æternam, & hanc potuit nobis mereri Christus; sed iustus non meretur ex condigno exaudiri, nec semper exauditur, & Christus nè frustra oraret, orauit conditionaliter, vt si fieri posset, transiret ab eo calix, & sic præsupposito, quòd Deus acceptauerit passionem Christi, tãquàm satisfactoriam, non ex rigore iustitiæ, sed ex misericordia, sequitur postea, quòd Deus voluerit, ipsum exaudire ex rigore iustitiæ, & per eius preces reddere vitam æternam redemptis. *Secundò posset dici*, quòd Christus meruit ex rigore iustitiæ aliqua, vt verbi gratia, suæ fidei dilatationem, sui nominis exaltationem; & aliqua alia; non tamen ex rigore iustitiæ meruit nostram redemptionem. *Ad illam auctoritatem: exauditus est pro sua reuerentia;* diceretur, quòd illa reuerentia fuit actus iustitiæ Dei acceptantis, sed non rigorosè obligati ad acceptandum; vel si illud, *pro sua reuerentia*, referatur ad Christum, posset concedi, quòd exauditus fuerit de congruo, & præsupposita acceptione Dei. *Item*, nisi Christus satisfecisset rigorosè per modum redemp-

tionis, aut nihil, aut certè parum concluderet illud Pauli ad Hebræos 9. *Si enim sanguis hircorum, & taurorum, &c. quãtò magis sanguis Christi emundabit conscientiam nostram ab operibus mortuis, &c.* & illud ad Hebræos 10. *Impossibile est sanguine vitulorum, & hircorum auferri peccata, idcirco ingrediens mundum, dicit: hostiam, & oblationem noluiisti; corpus autem aptasti mihi, holocausta pro peccato noluiisti, nec placita sunt tibi; tunc dixit ecce venio, &c.*

- 47 *Fateor*, hoc argumentum esse optimum, sed non ad probandum nostrum intentum. Posset ergo negari consequentia; & ad primum argumētum dici, quòd Paulus probat excellentiam sacrificij Christi, quantum ad hoc, quòd sacrificia veteris legis auferebant irregularitates, & pœnas Canonicas, vt patet ibi; inquit enim: *Si enim sanguis hircorum, &c. inquinatos sanctificat ad emundationem carnis, quæ emundatio erat quædam absolutio ab irregularitate; ac sacrificium Christi est multò excellentius: mundat namque animam à peccato.* *Ad secundum diceretur*, quòd D. Paulus probat eandem excellentiam per hoc, quòd sacrificium Christi placuit Deo ex opere operantis, & ex opere operato; sacrificia, verò veteris legis placuerunt Deo ex opere operato, & quandoque non placuerunt, neque etiam

etiam ex opere operantis.

- 48 Fortius igitur probatur conclusio auctoritate Isaia 53. ubi loquitur expressè de Salvatore, & textus clarus est, de quo propè finem sic dicit: *Si posuerit pro peccato animam suam, videbit semen longeuum, & voluntas Domini in manu eius dirigetur; pro eo quod laborauit anima eius, videbit, & saturabitur in scientia sua iustificabit ipse iustus seruos meos multos, & iniquitates eorum ipse portabit; ideo disperdiam eis plurimos, & fortium diuidet spolia pro eo, quod tradidit in mortem animam suam, & cum sceleratis reputatus est, & ipse peccata multorum tulit, & pro transgressoribus rogauit.* Quod Isaia loquatur de Christo, indè probatur, quod Lucæ 22. & Marci 15. citatur hic locus. Sunt autem animaduertenda in hac auctoritate quatuor. *Primum*, id, quod dicitur: *voluntas in manu Domini dirigetur*; ac si diceret: Christus de voluntate patris disponderet. *Secundum*, id, quod dicitur statim: *pro eo, quod laborauit anima eius*; ac si diceret: tanti valoris fuit labor animæ eius, vt Deus acceptaret laborè, quia acceptabilis erat; & voluntatem suam conslueret (vt ita dicam) in manu Christi. *Tertium*, id, quod dicitur: *iustificabit seruos meos multos, & iniquitates eorum portabit*; ac si diceret: si peccatores habuissent, vnde satisfacerent ex condigno, potuissent se redimere: Christus

ergo supra se hoc debitū lumpfit, & cum haberet, vnde satisfaceret, satisfecit. *Quartum*, & *ultimum*, id, quod dicitur: *pro transgressoribus rogauit*; ac si diceret, dignus fuit exaudiri: quia passus est; ergo si orationem suam fudit ad redimendum, satisfecit rigorosè, & per hoc ultimum dictum possunt confirmari aliquæ auctoritates superius positæ.

- 49 Præterea idem Isaia cap. 10. nu. 22. *Si enim fuerit Populus tuus Israel, quali arena maris, reliquia conuertentur ex eo. Consummatio abbreviata inundabit iustitiam.* Quo loco Tertullianus aduersus Marcionem per iustitiam intelligit legem scriptam, per *consummationem abbreviatam*, Euangelium, ac si diceret: Euangelium, quamvis breuissimum, superaddit iustitiam, quæ erat ex lege. Sed multò melius Clauis multorum Doctorum intelligit per *abbreviationem consummatam*, Verbum incarnatum, ex cuius merito inundat iustitiam: quia tanti pretij sunt sua merita, vt non solum satisfaciant pro redimendis peccatoribus, qui conuertuntur, sed superabundanter excedant, ita vt infiniti propemodum peccatores redimi possint. *Item Leo ser. 1. de Natiuitate Domini. Si non esset* (nempè Christus) *verus homo, non præberet exemplum; si non esset verus Deus, non afferret remedium.* Sublimius absurdum est dicere, quod Deus

non

non possit sufficienter secundum rigorem iustitiæ asserre remediū ad redimendum; ergo allatum remedium per Christum satisfecit rigorosè per modum redemptionis. Notantèr dixi, *per modum redemptionis*: quia si mulier ad redimendum filium captiuum soluat dotem, vel partem dotis suæ à Patre acceptam, rigorosè redimeret, quamuis non possèt nec pecunia, nec redemptione reconciliare filium, nisi Princeps acceptaret.

- 50 *Rursus D. Augustinus 13. de Trinit. cap. 14.* vbi quærit, quomodo Christus dicatur resurrexisse propter iustificationem nostram, & elegantissimè soluens difficultatem, ostendit, quàm sapienter Deus voluerit vti iustitia, & potentia ad redimendum nos; cuius verba sunt ista: *Quæ est igitur iustitia, qua victus est Diabolus; quæ nisi iustitia Christi; & quomodo victus est, quia, cum in eo nihil morte dignum inueniret, occidit eum tamen, & utique iustum est, ut debitores, quos tenebat, liberè dimittantur in eum credentes, quem sine vlllo debito occidit; hoc est, quod iustificari dicimur in Christi sanguine, &c.* post verò in resurrectione secuta est potentia, qua reuixit mortuus, nūquàm postea moriturus, sed nonnè iure æquissimo vinceretur Diabolus, si potentia tantum Christus cum illo agere voluisset; utique id posposuit Christus, quod potuit, ut prius age-

ret, quod oportuit; iustitia ergo humilitatis hominum liberauit, quem sola potentia æquissimè liberare potuit. *Hæc sufficiant pro prima parte Propositionis.*

- 51 *Probatur secunda pars, nempe quod Scotus id senserit.* Primò per ipsum in 3. dist. 19. qu. unica, vbi passionem Christi vocat metaphoricè medicinam. Arguo sic: medicina naturalis non medetur, nisi habeat virtutem liberandi infirmum ab infirmitate; ergo nec passio Christi est moralis medicina ad redimendum, nisi habeat virtutem in se, vnde possit redimere. *Secundò ibidem dist. 20. §. contra ea, quæ &c.* (reiciendo opinionem asserentem, fuisse necessarium, genus humanum redimi passione Christi: quia non satisfacit quis Deo, nisi offerat Deo aliquid maius formaliter, quàm pro quo peccare non debuit) ait Scotus: *Credo: quod hoc non est verum; non enim oportuit, satisfactionem pro peccato primi hominis excedere totam Creaturam formaliter in magnitudine, & perfectione; sufficisset enim obtulisse Deo maius bonum, quàm fuerit malum illius hominis peccantis.*
- 52 *Tertiò ex 3. dist. 3. qu. 1. vbi quærit, an Beata virgo contraxerit peccatum originale, & ibi citat D. Thomam pro parte affirmatiua, quia Christus fuit Redemptor vniuersalis, & omnibus aperuit ianuam; sed si Beata Virgo non contraxisset, &c. non indigisset*

guisset Christo Redemptore: ergo, &c. Scotus ibi *s. contra primam rationem, &c.* argumentatur contra hanc rationem ex excellentia filij sui in quantum Redemptor; reconciliator, & mediator, ita. *Perfectissimus enim mediator habet perfectissimum actum mediandi respectu alienius persone, pro qua mediat; sed Christus est perfectissimus mediator: ergo, &c.* Hæc ratio ita probatur de Christo, in quantum perfectissimus Redemptor, sicut etiam in quantum perfectissimus mediator, & reconciliator; sunt enim officia distincta Redemptoris, reconciliatoris, & mediatoris; verum quia in ratione D. Thomæ inferebatur, quod Christus non fuisset Redemptor Beatæ Virginis; oportet consequenter dicere, quod Scotus velit probare, Christum fuisse perfectissimum Redemptorem; sicut probat, quod fuerit perfectissimus reconciliator, & mediator; sed

perfectissimus Redemptor est ille, qui satisfacit de condigno, & secundum rigorem iustitiæ: ergo Christus per modum redemptionis satisfacit rigore. *Quartid probatur, & ratio sumitur ex 4. dist. 15. qu. 1. s. de secundo. &c. lit. B. vers. contra.* Sic enim argumentatur: *Satisfactio est redditio æquivalentis pro æquivalente; sed quantum malum fuit peccatum auertens à Deo, tantum bonum est conversio ad Deum ex charitate; sublimo minorem: Christus obtulit pro nostra redemptione, multos actus, & acceptationem passionis ex charitate, ergo reddidit æquivalentes pro æquivalenti: ergo satisfacit rigore. Denique secundum omnes Theologos (quibus non contradicit Scotus, nec directè, nec indirectè) Christus fuit Redemptor, & perfectissime redemit secundum Scotum: ergo perfectissime satisfacit.*

PROPOSITIO DECIMA.

Christus perfecte reparavit damna generis humani.

53 **P**robatur eadem auctoritate superius allegata ad Rom. cap. 5. nu. 15. *Non enim sicut delictum, ita & donum; sed ubi abundavit delictum, superabundavit & gratia, ut sicut regnavit peccatum in mortem, ita &*

gratia regnet per iustitiam in vitam æternam per Iesum Christum Dei Verbum. Concilium Tridētinum sessione 6. declarat, quomodo iustitia, & meritum Christi in Sacramento regenerationis abstulit totum id, quod

S f f f h a

habet veram, & propriam rationem peccati, relicta tamen poena peccati, nempe morte, & relictio fomite, ac multis alijs, quæ deseruiunt ad exercitationem, & sunt materia virtutis. Hoc est etiam, quod notauit Ecclesia; ipse lignum tunc notauit, damna ligni vt solueret; hoc est, quod dicit D. Leo sermone primo de Natiuitate Domini: agnosce, & Christiane, dignitatem tuam, & Diuina consors factus nature, noli in veterem vilitatem degeneri conuersatio-

ne redire. Tandem potest probari propositio nostra hac ratione: homo per peccatum læsus fuit in corpore, & anima ex bonis gratiæ, & famæ: Sed Christus reparauit damna corporis, inquantum meruit nostram resurrectionem; damna animæ, inquantum meruit nobis primam gratiam, & damna famæ, inquantum meruit nobis adoptionem filiorum, & vt essemus sub ipso capite: ergo &c.

PROPOSITIO VNDECIMA.

Ad Christi satisfactionem fuit necessaria Diuina acceptatio.

34 **P**ropositionem hanc suppetigimus, & probauimus varijs rationibus. Illis adde has. Est de fide dicere, quod Christus satisfecit pro humano genere; aut igitur satisfecit, quia Deus acceptauit opus exhibitum à Christo, aut Deus acceptauit, quia opus per se erat acceptandum, vt satisfactoriam; non est dicendum secundum: ergo primum. Probatur minor: nullus potest satisfacere pro iniuria alteri illata, nisi offensus acceptet; sed satisfactio Christi fuit pro iniuria Deo facta: ergo satisfactio Christi non fuit satisfactio, nisi quia à Deo acceptata. Probatur maior, & est

argumentum principale. In crimine læsæ Maiestatis, nullo pacto potest satisfieri, nisi Maiestas læsa acceptet satisfactionem: sed peccatum mortale est crimen læsæ Maiestatis; ergo satisfactio non est satisfactio, nisi Deus acceptet.

35 *Succedat altera ratio:* plus requiritur ad satisfaciendum pro alio, quam ad merendum, & maxime in subiecta materia, quando satisfactio est pro peccato; sed opera Christi non fuerunt meritoria, nisi quia à Deo accepta; ergo nec satisfactoria, nisi quia accepta. Maior probatur, ad merendum sufficit opus voluntatis, & gratia; ac ad satisfaci-

ciendum pro peccato, & requiritur opus bonum voluntatis, & gratia, & commensuratio operis ad debitum: ergo &c. *Item:* nostra satisfactio facta Deo pro peccato convenit cum satisfactione humana secundum iustitiam punitivam, siue vindictivam criminalem; imò hæc iustitia est quædam participatio iustitiæ Divinæ: sed per iustitiam vindictivam humanam non potest satisfieri ab innocente pro reo, nisi Princeps acceptet; ergo nec satisfactio Christi fuit satisfactio, nisi quia Deus acceptavit: quia etiam illa satisfactio Christi fuit quædam specialis satisfactio, quia specialiter accepta, nam Princeps non potest sine iniustitia acceptare mortem innocentis pro reo: quia Deus hoc prohibet: ergo satisfactio Christi eatenus fuit iusta, quia iuste acceptata.

56 *Item*, si passio Christi fuit satisfactoria, quia erat acceptabilis, minus fuisset satisfactoria, quam credimus: ergo, &c. probatur sequela: acceptabilitas operis Christi aut sumitur à valore charitatis, aut à dignitate satisfaciētis; si à valore charitatis, habetur intentum, quia tanti valoris est opus elicited à charitate, quantum Deus vult acceptare; si à dignitate satisfaciētis. *Contra*; maius bonum est opus ex charitate factum, quam ex dignitate faciētis; sed illud est bonum, quia acceptum:

ergo & istud. *Vel si neget*, quòd istud sit bonum, quia acceptum, inferam, quòd erit minus bonum; primum enim est intrinsecè, & essentialiter bonum, secundum verò extrinsecè, & per quandam relationem, quæ relatio non est principium formale elicited boni operis. Præterea, qui tenent, Christum satisfecisse rigorosè pro iniuria, dicunt, satisfactionem acceptari propter dignitatem satisfaciētis: si ita est, ergo frustra fuit collata animæ Christi gratia habitualis, quia gratia personalis reddebat acceptabile opus Christi.

57 *Sancta Romana Ecclesia* in Missali statim post actionem, offerimus (inquit) preclare Maestati tue, de tuis donis, ac datis; hostiam puram, hostiam sanctam, hostiam immaculatam, panem sanctum vite æternæ, & calicem salutis perpetuæ; supra qua propitio, ac sereno vultu respicere digneris, & accepta habere, sicut accepta habere dignatus es munera pueri tui iusti Abel, & sacrificium Patriarchæ nostri Abrahæ, & quod tibi obtulit summus Sacerdos tuus Melchisedech. Subsumo; ad quid postulat Ecclesia, Deum acceptare id, quod per se est acceptabile? ad quid comparatur sacrificium Christi cum oblationibus, vel etiam cum sacrificijs Abel, Abrahæ, & Melchisedech, si pro dignitate sacrificij, & hostiæ Christi est acceptabile? non est quoddam exina-

nire excellentiam sacrificij Christi? *Item* eadem Ecclesia Romana in Missali, & Breuiario, in sacrificio Missæ, & in horis Canonis, diurnis pariter, & nocturnis: *Dominica 18. post Pentecosten in Collecta* dicit: *dirigat corda nostra, quasumus Domine, tue miserationis operatio, quia tibi sine te placere non possumus*; ergo nihil Deo placet, nisi quod ipse Deus acceptat.

- 58 Essent aliæ autoritates ex Collectis, quibus vititur Sancta Romana Ecclesia, maxime in secretis orationibus Missarum, quas prætermitto, contentus su-

prædictis, quia possent respondere aliqui, quod in sacrificio considerandum est opus oblatum, & opus offerentis; quando precatur Ecclesia pro acceptance sacrificij, dicerent, cam precari, vt acceptetur opus offerentis, non autem opus oblatum, quia (dicerent) opus oblatum est acceptabile de se. Hanc responsionem non debent adducere ad autoritatem præcedentem; quia constat, quod Ecclesia orat, Hostiam acceptari, & panem sanctum, & calicem salutis, & loquitur, vt patet, de re oblata.

PROPOSITIO DVODECIMA.

Pro iniuria Deo facta à peccatore non potest satisfieri Deo secundum rigorem iustitiæ, circumscripta acceptance Diuina.

- 39 **P**ropositio hæc clara redditur ex supra probatis. Nunc de nouo probatur. Si posset satisfieri iniuriæ Deo factæ per opus acceptabile ex natura sua; talis iniuria non esset summa; consequens est falsum: ergo &c. Probatur consequentia; maior est culpa, & iniuria, quæ non potest aboleri satisfactione rigorosa, sed gratiosa tantum; ergo si dicatur, quod potuit aboleri satisfactione rigorosa propter excellentiam, & digni-

tatem satisficientis, & hoc pado fuit satisfactoria passio Christi. *Contrà ita argumentor*: per solutionem creditoris non satisfit rigorosè in causa criminali: sed dignitas personalis Christi fuit dignitas creditoris, & non debitoris; ergo per illam dignitatem non est satisfactum rigorosè. Notanter dixi *in causa criminali*: quia Caietanus super 3. par. D. Tb. qu. 48. art. 2. hallucinatur, & cum ipso multi alij, vt patet in exemplo ipsius; inquit enim:

Ad.

Aduerte hic, quod aliquod exhibitum offenso dupliciter potest satisfacere. Primo ex gratia offensi acceptantis illud exhibitum pro sufficienti, quamvis illud in se non esset sufficiens pro satisfactione, sicut si Rex pro iniuria sibi facta acceptet solam petitionem veni. Alio modo ex sufficientia ipsius rei exhibitæ; quia scilicet illud exhibitum est secundum se tanta bonitatis, amabilitatis, dignitatis, & excellentiæ, ut adequet offensam, aut excedat; ut si pro offensa debetur libra Argenti, & daretur libra Auri. Hic Caietanus confundit acceptationem satisfactionis civilis cum criminali supremæ.

60 *Accedat altera ratio pro nostra propositione. Si dignitas offe-*

rentis sufficeret ad satisfactionem rigorosam, Christus gratis, vel etiam frustrâ mortuus esset; consequens est hæreticum: ergo &c. Sit tale argumentum. Qui exhibet offenso id, quod magis diligit, quàm oderit offensam, satisfacit rigorosè: sed Christus ab instanti suæ conceptionis usque ad passionem exclusivè innumera propemodum bona attulit Deo, quorum quodlibet propter dignitatem illius personæ erat magis diligibile, quàm esset odibilis omnis offensa Deo facta: ergo frustrâ mortuus est. Item, Deus minùs exigit de satisfactione, quàm culpa mereatur; ad quid ergo voluit, Christum tanta pati?

PROPOSITIO TERTIADECIMA:

Adducuntur, & solvuntur impugnantiæ nostras propositiones.

61 **P**rimò Eminentissimus Bellarminus ita arguit: si humana persona pro nobis satisfecisset, non ex rigore iustitiæ satisfecisset, ac propterea non fuisset necessaria Incarnatio, & sine persona Divina ex rigore iustitiæ satisfecisset. *Concedimus, quod humana persona non satisfecisset rigorosè; cum dicitur: ergo non fuit necessaria Incarnatio; concedo simpliciter; fuit*

tamen necessaria ex suppositione, quia à Deo promissa. Secundò dico, quod Incarnatio fuit congrua, quia multò melius satisfecisset Divinæ iustitiæ per opera, habentia valorem aliquem à dignitate personæ. Tertiò dico, quod si non fuit necessaria ad satisfactionem rigorosam pro iniuria facta Deo, fuit tamen, necessaria ad perfectam redemptionem hominis.

62 *Secundum argumentum.* Lutherani putant, opera bona non esse verè bona, si examinentur iuxta legem Diuinam, imò esse peccata, & iniuriosa meritis Christi, & est sententia hæretica; ergo oppositum est catholicum: ergo sententia dicens, bona opera Christi esse satisfactoria, quia accepta à Deo, eodem pondere examinat opera Christi cum operibus nostris; ergo opera Christi ex se fuerunt acceptanda. *Respondetur:* imò (quia Lutherani negant bonitatem operum nostrorum, in quantum examinantur iuxta Diuinam acceptationem) hoc argumentum militat pro nobis, nec tamen sequitur, opera nostra esse iniuriosa, quia Christus non solum meruit nobis remissionem culpæ, & adoptionem filiorum, sed meruit etiam nobis acceptabilitatem nostrorum operum. Nec inde sequitur, quòd opera Christi cum nostris ponderentur ad æquilibrium, vt intendit argumentum: quia opera Christi erant acceptabilia, quatenus procedebant à perfectiori charitate, & à dignitate suæ personæ.

63 *Tertium argumentum.* Filio ratione personæ tantum debetur aliquid de iure, quod non debetur extraneo: sed si extraneus satisfecisset pro nobis, satisfecisset imperfectè: ergo ex quo Christus erat filius, & non adoptiuus, satisfaciendo pro

nobis, satisfecit perfectè de condigno, & secundum rigorem iustitiæ. *Respondetur,* quòd filio nihil debetur de iure ratione personæ, nisi propria eius hæreditas, & si aliquid acquirit iure castrensi, vel quasi castrensi, quidquid sit illud, quod acquirit, non est illi retribuendum ratione dignitatis personalis, sed ratione meriti. Christo igitur debebatur hæreditas, hoc est, vita æterna, iure filiationis, & dignitatis; sed non debebatur remissio debiti alieni iure dignitatis personalis, idcirco quòd huiusmodi remissionem meruerit, hoc fuit ex gratia Dei acceptantis.

64 *Quartum argumentum.* Dei est respicere dignitatem personæ, plus, quàm valorem operis; sed valorem operis acceptat ex iustitia: ergo dignitatem personæ multò magis acceptat ex iustitia. Probatur maior per illud Gen. cap. 4. *Respexit Dominus ad Abel, & ad munera eius, & ad Cain autem, & ad munera eius non respexit;* vbi Patres animaduertunt ad litteram, quòd Deus prius respexit ad Abel, quàm ad munera. Minor etiam probatur per illud secūdum ad Timotheum: *In reliquo reposita est mihi corona iustitiæ:* ergo &c. *Ad auctoritatem Genesis* respondeo, quòd ibi tria sunt considerata. Primum est dignitas personalis, hoc est, innocentia Abel. Secundum charitas ipsius Abel erga Deum. Tertium, materia oblationis.

Scrip.

Scriptura comparat secundum ad tertium, dicens, Deum non respexisse primogenita gregis Abel, quæ obtulit, nisi quia respexit charitatem offerentis; idcirco posset negari maior: Admissa tamen propositione, dico, quod Deus aliqua respicit sibi oblata, tanquam cultu religionis, & sic primò, & plus respicit personam. Aliquando respicit sibi oblata iure satisfactionis, & hoc pacto tantus est valor satisfactionis, quanta est acceptatio Diuina; verum est tamen, quod pro dignitate satisfaciens oblatio est de congruo acceptabilior. Est ad propositum, quod adducitur hic de corona iustitiæ, quia huiusmodi corona in sensu D. Pauli erat vita æterna sibi reddenda, quæ præsupponebat satisfactionem de iniuria facta Deo, quam satisfactionem Deus acceptauerat ex gratia, & semel pro semper. *Animaduertat lector*, quod termini bonorum operum aliquando sunt recuperatio gratiæ amissæ; aliquando redemptio à captiuitate, aliquando satisfactio pro iniuria.

- 65 *Quintum argumentum.* Quicumque meretur ablationem peccati, meretur satisfactionem de iniuria; sed Christus meruit ablationem peccatorum secundum rigorem iustitiæ: ergo meruit secundum rigorem iustitiæ satisfactionem pro iniuria. Maior est manifesta; probatur minor à D. Paulo Hebræorum 10:

nu. 14. *vna enim oblatione consummauit in sempiternum sanctificatos, & nu. 17. peccatorum, & iniquitatum eorum iam nō recordabor amplius, & cap. 9. nu. 13. vbi argumentatur: Si enim sanguis bircorum, & taurorum, & cinis vitula aspersus inquinatos sanctificat ad emundationem carnis; quantò magis sanguis Christi, &c. emundabit conscientiam nostram ab operibus mortuis?* Respondetur, negando minorem, scilicet quod abstulerit rigorosè peccata; & quod ita sit de mente eiusdem Apostoli, patet eodem cap. 9. nu. 15. ad Hebræos, vbi continuando ad præcedentia, inquit: *Et idè noui testamenti mediator est. ut morte intercedente in redemptionem earum præuocationum, quæ erant sub priori testamento, repromissionem accipiant, qui vocati sunt æterna hereditatis.* Hic satis constat, Apostolum non loqui de rigorosa satisfactione.

- 66 *Sextum argumentum.* Capite 7. ad Hebræos nu. 26. *talis enim (inquit Paulus) decebat, ut nobis esset Pontifex. Sanctus, innocens, impollutus, segregatus à peccatoribus, & excelsior Cælis factus, qui non habet necessitatem quotidie (quem admodum Sacerdotes), prius pro suis delictis hostias offerre. deinde pro populi: hoc enim fecit, semel se ipsum offerendo; lex enim homines constituit Sacerdotes, infirmitatem habentes, &c.* Item ad Coloss. cap. 2. nu. 13. *Et vos cum mortui essetis in delictis, & præputio carnis*

ut-

vestra conuincamur cum illo, donans vobis omnia delicta, delens quod aduersus nos erat chirographum Decreti, quod erat contrarium nobis, & ipsum tulit de medio affigens illud Cruci, & expolians principatus, & potestates traduxit confidenter palam triumphans illos in semetipso. Respondetur, quod vtraque illarum authoritatum valet ad concludendum satisfactionem factam à Christo; sed neutra, concludit hunc modum, qui est satisfacere rigorosè, quin potius illa ad Coloss. cōcludit, quod satisfactio fuerit ex gratia, cum dicit: donans nobis omnia delicta, & delens chirographum, &c. Si donauit: ergo ex gratia; si deleuit, ergo ex benignitate: etenim in calculis rationalibus, si apparet solutio debiti; non est necesse delere chirographum; conferendo enim accepta datis, statim patet solutio; vbi tamen, quis non exigit solutionem, quia est impossibilis, acceptando ex gratia aliquid pro integra satisfactione, delet chirographum.

67 *Septimum argumentum.* Augustinus 10. de Trinitate cap. 10. vsque ad 14. Idem autem potentia vincere noluit. (nempè Christus), quia Diabolus vitio peruersitatis suæ amator est potentia, & defensor, oppugnatorque iustitiæ, in quo homines magis cum imitantur, qui neglecta iustitia potentia magis student, eiusque vel ademptione letantur, vel cupiditate inflammantur, ideoque placuit Deo, ut non poten-

tia, sed iustitia vincens, hominem crueret. Hæc Augustinus. *Vt Respondeamus*, dico, quod duplex est iustitia, scilicet possibilis, & rigorosa; non dicit Augustinus, quod Christus liberauerit hominem rigorosa iustitia; magna tamen iustitia est exhibere, quod potest pro satisfactione, quamuis exhibitum non adæquet debitum. *Secundò dico*, quod Augustinus loquitur non de satisfactione, sed de liberatione; & cōcedo, quod Christus liberauit, & redemit iustè, & rigorosè; quæ responsione satisfieret etiam authoritati D. Leonis ser. de Natiuit. Domini, vbi loquens de victoria Christi post bellum initum contra Diabolum, & de ipso bello, inquit, quod Deus naturam generis assumpsit humani, ut inuencor Diabolus per ipsam, qua vinceret, vinceretur; in quo conflictu pro nobis inito magno, & mirabili equitatis iure certatum est, &c. Ex cuius verbis constat, ipsum non loqui de satisfactione facta pro iniuria Dei, sed de pugna cum Diabolo, vel de satisfactione redemptiua; diceret etiam Iurista, æquitatem valde distare à rigore iustitiæ. Leo loquitur de iure æquitatis, vel, ut alij dicerent, de iure congrui. *Tertiò diceret*, quod etiam si Christus liberasset hominem potentia suæ Diuinitatis, iustè liberasset, quia per potentiā Diuinam est Dominus omnis creatura; Dominus autem quidquid faciat de creatura, iustè facit.

cit. Arridet huic doctrinæ idem Augustinus ubi supra cap. 14. dicens: Sed nonne iure æquissimo vinceretur Diabolus, si potentia tantam Christus cum illo agere voluisset? Vtique postposuit Christus, quod potuit, ut prius ageret, quod oportuit. Iustitia ergo humilitatis hominem liberauit, quem sola potentia æquissime liberare potuit.

68 Andreas Vega adducit, D. Paulum ad Rom. 3. n. 25. de Christo dicentem: quem proposuit Deus propitiatorem per fidem ad ostensionem iustitiæ suæ. Sed respondeo, quod iustitia ostenditur, dum ostenditur iniuria facta Deo, quæ talis est, ac tanta, ut nulla sit recompensatio ad æquas debitum. Adducit etiam illud ad Rom. 5. nu. 18. Sicut per unius delictum in omnes homines in condemnationem, sic & per unius iustitiam in omnes homines in iustificationem vitæ. Argumentatur quæ sic: nulla esset comparatio peccati Adæ cum iustitia Christi, si non satisfaciat Christus rigorosè. Probatur assumptum, quia Adam ex iustitia omnes condemnauit: ergo Christus ex iustitia omnes iustificauit. Respondeo: iniustitia Adæ, quæ omnes condemnauit, non erat ex sua natura talis iniustitia, quæ omnes damnaremur; sed ex voluntate Diuina prohibente esum ligni cum hac conditione; sicut omnes Theologi confitentur. Ita etiam iustitia Christi diceretur comparari ad iniustitiā, quod etsi non sit talis,

ac tanta, ut de rigore sit acceptabilis pro satisfactione, est tamen talis, ac tanta, quod Deus vult illam acceptare, & esse satisfactoriam. Dico tamen melius, quod comparatio D. Pauli inter iustitiam Christi, & iniustitiā Adæ consistit in hoc, ut patet ibidem, quod sicut per inobedientiam vnus hominis peccatores constituti sunt multi, ita per vnus obedientiam iusti constituantur multi. Comparatur igitur obedientia inobedientiæ, iustitia iniustitiæ; & quemadmodum ab vnus ipiustitia, & inobedientia deriuauit peccatum in omnes, sic ab vnus iustitia, & obedientia deriuauit sanctificatio, & iustificatio.

69 Octauum argumentum. Augustinus ita dicit: Melior fuit vita Christi, & maius bonum, quam fuerunt peccata hominum, quia Christi fuit vita Dei: ergo erat acceptanda, tanquam vita Dei. Respondeo, quod vita Christi humana erat acceptanda; & quia erat vnita personæ Diuinæ, dicitur vita Dei, & sic etiam erat acceptanda; sed non ex rigore iustitiæ; si autem per vitam Dei intelligatur ipsa Diuinitas, constat, quod per Diuinitatem Christus non meruit, nec satisfecit, quia ipse Deus sibi metipsum satisfecisset per seipsum, quod est nihil; nec Christus satisfecisset ex proprijs, sed ex his, quæ sunt Dei. Sed potest replicari secundum ipsum: si Pater soluendo

T e t t d o

dotem filiz potest eandem dotem acceptare à Genero pro solutione debiti contracti ante nuptias; quare non potest Deus recipere sua, sed collata homini iure satisfactionis? *Respondetur*, quòd satisfactio, de qua loquitur, non est civilis, sed criminalis; hoc autem argumentum procedit per locum à simili in causa civili. *Secundò dico*, admitendo similitudinem; nam sicut Pater nò tenetur tradere filiam, & dotem illi Genero, sed ex suo beneplacito tradit, ita Deus ex beneplacito suo semetipsum dedit homini, & propter hoc beneplacitum acceptat valorem operis proueniètem à dignitate personæ; in hoc tamen casu non relucet rigor iustitiæ.

- 70 *Nonum argumentum*. Aut nullus potuit satisfacere ex condigno, aut passio Christi potuit; non est dicendum, quòd nullus: ergo ille, qui potuit, fuit Christus sua passione. *Respondeo*, quòd assumitur vnum probandum, dico, quòd nullus de condigno, & solus Christus ex congruo. *Dices*: hoc est vilificare meritum, & dignitatem Christi. *Item* hac oblatione nihil potest dari acceptius; sed homo purus potest satisfacere ex congruo; ergo Deus homo satisfecit ex condigno. *Respondeo*, quòd in satisfactione de congruo dantur gradus; satisfactio Christi, eiusque oblatio fuerunt in supremo gradu satisfactionis, & acceptabilitatis de congruo.

- 71 *Decimum argumentum* desumitur ex varijs dictis Scoti. *Scotus 3. sentent. dist. 20. qu. unica*, in qua quaerit, *utrum necesse fuerit, genus humanum reparari per passionem Christi?* in corpore quaestionis lit. D. de mente propria resoluendo, sic dicit: *Tunc ad questionem dico quòd omnia huiusmodi, quæ facta sunt à Christo circa redemptionem nostram, non fuerunt necessaria, nisi præsupposita ordinatione Diuina, quæ sic ordinauit fieri, & tunc tantum necessitate consequentiæ necessarium fuit Christum pati, sed tamen totum fuit contingens simpliciter, & antecedens, & consequens; vnde credendum est, quòd ille homo passus est propter iustitiam, &c. & aliquantulum inferius dicit: Christus igitur volens eos ab errore illo reuocare per opera, & sermones, maluit mori, quam tacere, quia tunc erat veritas dicenda Iudeis, & ideo pro iustitia mortuus est.* Item paulò inferius *vers. si autem volumus saluando sententiam, & modum respondendi D. Anselmi, concludit, quòd omnes rationes eiusdem Anselmi (quibus probat, necesse fuisse, Christum pati pro redemptione nostra) procedunt, præsupposita ordinatione Diuina, quæ sic ordinauit, hominem redimi, &c. ita quòd Deus ex præordinatione non voluit acceptare pro redemptione hominum, nisi mortem filij sui; nulla tamen necessitas absoluta fuit, vnde in psalmo 129. copiosa apud eum redemptio. Patet ergo ex his*
Sco.

Scoti dictis, satisfactionem Christi fuisse ex iustitia. Item Scotus in 4. dist. 2. qu. 1. §. hinc sequitur Corollarium, &c. dicit, fuisse opus maximæ iustitiæ acceptare obsequium tam gratum personæ tam dilectæ: ergo obsequium Christi ante acceptationem fuit gratum, & acceptabile ex se de rigore iustitiæ, & fuit opus maximæ iustitiæ illud acceptare.

- 72 Pro responsione moneo, quod Scotus in 4. dist. 46. quærens, an in Deo sit iustitia, respondendo ad tertium, dicit, quod Deus non simpliciter est debitor, nisi bonitati suæ, ut diligat eam. Creaturis autem est debitor ex libertate sua, quod est dicere, Deum esse debitorem ex pacto, & promissione. Ex qua doctrina colligo, duplicem iustitiam Deo assignari posse, absolutam scilicet, & conditionatam. Prima est, qua Divina voluntas essentiam suam diligit iustè, adeò quod, nisi illam diligeret, faceret contra iustitiam absolutam, quæ habet correspondentiam ad rem ex se acceptabilem, & diligibilem infinite. Secunda est, qua voluntas Divina se conformat suis legibus, & decretis; & ideo cum ordinaverit acceptare satisfactionem Christi pro peccatis hominum, iustum fuit, ut acceptaret; non quod necessario debuerit illam acceptare, ita quod egisset contra iustitiam suam absolutam, si aliter fecisset, cum Divina voluntas nihil

ad extra necessario respiciat, sed sola necessitate consequentiæ, & non consequentis, ut expressè indicat Scotus in 3. dist. 20. in corpore questionis, dicens in principio: quæ facta sunt à Christo circa redemptionem nostram, non fuerunt necessaria, nisi præsupposita ordinatione Divina, quæ sic ordinavit fieri, &c. Et in fine ante solutionem argumentorum ait: si volumus saluare D. Anselmum, dicamus, quod omnes rationes suæ procedunt, præsupposita ordinatione Divina, quæ sic ordinavit, hominem redimi.

- 73 Nota, quod de mente Scoti possumus admittere, satisfactionem Christi fuisse secundum rigorem iustitiæ moralis. Hinc duplicem de iustitiâ; unam dico physicam, & ista est independentem à pacto, promissione, & acceptatione. Alteram dico moralem, cuius radices fundantur in acceptatione, & promissione. Ad omnes ergo auctoritates desumptas ex Scoto dico, Scotum esse locutum de iustitiâ morali; non verò de iustitiâ physica, quæ dicit rigorem iustitiæ.

- 74 Undecimum argumentum. Si Christus non satisfecisset ex rigore iustitiæ, sed ex Divina acceptatione: sequeretur, quod sacrificia veteris legis potuissent sufficienter placare Deum, & satisfacere; consequens est contra illud psalmi 39. nu. 7. Scri-

ficium, & oblationem noluit; corpus autem adaptasti mihi, &c. quem locum citat D. Paulus Hebræorum 10. nu. 5. ut probet, sacrificia illa non potuisse Deum placare, & ideo fuisse missum filium Dei, ut placaret illum. Consequentia probatur: nam si satisfactio consisteret in acceptatione, potuisset Deus acceptare sacrificia veteris legis, ut satisfactoria, sicut acceptauit passionem Christi. *Respondetur*, quod potuisset Deus de potentia absoluta acceptare illa sacrificia, ut sufficientia, sed non de potentia ordinata; quia iam decreuerat, non acceptare, nisi sacrificium Christi ad talem effectum ordinatum. Moneo tamen, quod in passione Christi fuit congruitas quædam ad acceptationem, quæ non fuit in sacrificijs veteris legis.

- 75 *Duodecimum argumentum*. Sicut grauitas iniuriæ attenditur ex dignitate personæ offensæ comparatæ ad offendentem, vnde quæto dignior erit persona offensa, & vilior offendens, tanto grauior illa iniuria; ita satisfactio tanto maior erit, quæto dignior erit persona satisfaciens: cum igitur persona Christi sit

infinita, consequenter infinita; pariter erit eius satisfactio. *Confirmatur*, quia ratio satisfactionis consistit in exhibitione eiusdem honoris; honor autem maior censetur, si à persona digniori exhibeatur: igitur, &c. *Respondetur*. Valor satisfactionis desumitur ex dignitate personæ satisfaciens, quando persona illa est intrinsecè capax satisfactionis & meriti; ac persona Diuina non est capax satisfactionis, cum nequeat alteri subijci, neque ad aliud ordinari, quamuis per extrinsecam denominationem dicatur persona filij Dei satisfacere per actiones humanæ naturæ, quam sustentabat. Bona responsio; dic: quod quando natura est aduentitia supposito, eius dignitas non attenditur secundum dignitatem suppositi, sed secundum rationem propriam formalem; vnde sicut, si natura Angeli vniretur supposito lapidis, talis natura non perderet suam dignitatem grandem ob debilem dignitatem suppositi lapidis; ita cum natura minus perfecta vnitur digniori supposito, non attenditur eius dignitas ex dignitate suppositi.

PROPOSITIO QVARTADECIMA.

*Peccator non facit iniuriam veram Deo, quando-
cumque peccat: unde peccatum ex se non con-
tinet veram iniustitiam: potest tamen fieri
peccatum, quod sit vera iniuria Deo.*

76 **I**nterficatissima difficultas in-
uoluitur in hac nostra pro-
positione, quæ nu. 99. suadebitur.
Ad quam resoluendam ne-
cessario præmittenda sunt non-
nulla. Moneo itaque primò pro
intelligentia dominij, ipsum non
posse benè explicari, nisi intelli-
gatur natura iuris. Ius autem,
quod hic accipimus, potest sic expli-
cari: *Vt sit facultas aliquid facien-
di, vel obtinendi, vel in eo insisten-
di, vel aliquo alio modo se habendi:*
*cui si sine legitima causa contraue-
niatur, fit iniuria illam legiti-
mam causam habenti, ita ut hoc ius
sit, veluti mensura iniurie, & quan-
tum illi sine legitima causa præiudi-
cetur, tantum fiat iniuria.* v.g. fa-
cultas, qua aliquis potest in do-
mo sua, vel in via publica am-
bulare, est ius, cui si sine legiti-
ma causa contraueniatur, fit
iniuria illam habenti. Ius autem
se extendit ad omnia illa, nimi-
rùm ad faciendum, vel obtinen-
dum, vel insitendum, vel aliquo
alio modo habendū aliquid: qui
enim habet aliquid, quod suum

est, potest circa illud facere;
quidquid vult, & si sine legitima
causa prohibeatur, nè hoc fa-
ciat, fit illi iniuria. Similiter, qui
aliquid commodauit alteri, ha-
bet ius illud recuperandi, & ob-
tinendi; & qui potest emere ali-
quid, habet ius obtinendi illud;
qui etiam potest insistere in ali-
quo, & perseverare, habet ius
insistendi, & sic de alijs.

77 *Diximus autem (si sine legiti-
ma causa impeditur), quia si cau-
sa sit legitima, potest quis impe-
diri à suo iure, & nullam illi fie-
ri iniuriam, sicut potest prohibe-
ri ebrius, aut furiosus, nè reci-
piat suum enssem sine vlla iniu-
ria. Quare ius nihil aliud est, for-
maliter, & metaphysicè loquen-
do, quàm habitudo, vel quedam
relatio personæ, à qua habetur
tale ius, ad id, ad quod habetur,
cui fit iniuria, si, manente illo iu-
re, impeditur sine legitima cau-
sa. Si enim auferretur illi ius, nul-
la fieret iniuria. Vt si quis à suo
procuratore auferat ius, quod
illi concesserat ad tempus, nul-
lam*

lam facit iniuriam. Quòd si, manente iure, impediatur sine legitima causa, nè illo utatur, tunc facit iniuriam: vnde facere iniuriam, supponit ius, et si ius explicetur per hoc, quòd fiat iniuria, hoc tamen est a posteriori. Non est tamen necessarium, ut ille, qui habet ius, semper quando utitur illo, exerceat actum iustitiæ, estò ille, qui hoc ius impedit, faciat actum iustitiæ.

- 78 *Monco secundò*, quòd ius, quòd facit ad nostram rem, duplex est, nimirum, *ius in rem*, & *ius ad rem*. Ius autem hic sumitur pro facultate sic agendi, quæ impediri non potest sine legitima causa, & sine iniuria illius, in quo est. *Ius in rem* dicitur, dum qui hoc iure gaudet, potest rem illam sibi vindicare, ubicumque illa sit, & cuiuscumque in manus venerit, ita ut quisquis rem illam acceperit, teneatur eam Domino restituere. *Ius ad rem* est illud, vi cuius res non est tali modo illi deuincta personæ, in qua est tale insit *exemplum*. Carolus à Ludouico emit equum centum aureis, persoluit pretium, sed equus nondum est traditus; tunc ergo Carolus nondum est equi Dominus, habet quidem ius ad equum, sed non in equum, defectu traditionis; quare si tunc pereat equus, perit venditori, non emptori, qui tamen emptori periret, si facta fuisset traditio; sed si Ludouicus eundem equum rursum So-

crati vendat, & tradat, non potest Carolus à Socrate equum, quem emerat, repetere, quòd tamen posset, si haberet ius in rem: hinc, ut aiunt Iurisconsulti, tunc quidem locus est actioni personali, sed non reali: hoc est, primus emptor agere potest contra personam venditoris, sed non potest rem ipsam sibi vindicare, quia non fuit illius Dominus.

Itaque dominium est ius in rem.

- 79 *Dominium dicitur dupliciter*, primò latè, prout complectitur usufructum, usum, & ceteras aliquid habendi rationes, quo sensu nihil aliud est, quam ius gubernandi, administrandi, vel quolibet modo disponendi de re aliqua, tanquam sua, hocquè modo dominium duplex est, vnum *Publicum*, & *Ciue*, quale habet Princeps in suo Regno tum erga subditos, tum erga redditus publicos, quibus duobus ad commodum publicum, uti potest; alterum est *Aeconomicum*, quod vel respicit personas familiæ, vel res ipsas: si respicit personas, vel est *Paternum*, hoc est, patris in liberos, quod ad liberorum educationem maximè comparatum est: vel est *Maritale*, quod ad mutuam coniugum utilitatem refertur: vel est *Herile*, seu *Dispositicum*, idest Domini in seruos, quod per se tendit in utilitatem Domini, non seruorum; si verò respicit res ipsas familiæ, hæc quidem in familiæ totius, sed præsertim capitis bonum

num institutæ sunt: hocquæ dominium *Aeconomicum* in res ipsas duplex est; primum dicitur *Plenum*, quod continet proprietatem rei, & commodum eius: alterum est *Imperfectum*, quod nempe, vel continet tantum proprietatem sine fructibus, & emolumentis: vel emolumenta sine re ipsa. Imperfectum subdividitur in *Directum*, & *Vtile*. Directum est, quod solam rei proprietatem includit, quale dominium habet Princeps in suis pheidis, in prædio ad emphiteusim dato, & filiusfamilias in bonis ipsi aduentitij; nondum tamen emancipatus: *Vtile* est, quod sola rei emolumenta spectat, quale dominium habet usufructuarius, pheidatarius, & ceteri huiusmodi.

80 *Dominium* autem propriè dictum discrepat à dominio iurisdictionis, Paterno, maritali, & imperfecto, præsertim verò ab utili, quare debet esse, vel plenum, vel saltem directum, si de dominio rerum sermo sit: si verò de dominio circa personas, debet esse *Herile*, dicitur enim à domando, quod nempe Dominus propriè dictus, res, & personas, quarum est Dominus, perfectè domet, sibi quæ subijciat. *Rursus* dominium aliter dividitur in *Altum*, & *Humile*. *Altum* est iurisdictionis, quod vel in iure gubernandi consistit, vel in proprietate; sic Deus gaudet altissimo dominio, non

tantum iurisdictionis, sed etiam proprietatis in omnes penitus creaturas; sic & Communitas respectu bonorum, quæ ipsi propria sunt. *Dominium Humile* seu *vulgare*, vel est *Naturale*, vel *Positivum*: quilibet homo suorum actuum liberorum est Dominus naturalis: at verò Positivum est, quod introductum est libera hominum voluntate, hocquæ vel *Commune* est, vel *particulare*. Commune est in oppidanis respectu communium, puta Pratorum, Montium, Paludum, Fontium, &c. *Particulare* est, quod particulariter personæ convenit ex titulo speciali.

81 *Denique* dominium propriè dictum, prout à ceteris speciebus iuris distinguitur, definitur: *Ius, seu potestas re aliqua utendi, tum abutendi, quatenus lege permittitur*. Aliter definitur ius in rem, extendens se ad quemlibet eius vsum, & dispositionem, nisi lege prohibeatur: quare qui rei alicuius est propriè Dominus, potest suo iure rem illam alienare, vendere, destruere, &c. At usufructuarius, nec non ille, qui iure emphiteusis aliquid possidet, emolumenta solum percipere potest, non verò rem ipsam distrahere. Distinguitur etiam dominium propriè dictum à iure politico, & paterno: nam Rex subditis, paterquæ liberis potest imperare, sed neuter potest de ijs ad libitum disponere: in definitione additur (nisi lege prohibea-

beat^{ur}) nempe quia per accidens, lege scilicet prohibente, ligatur aliquando ius illud disponendi, nam pupillus, *verbi causa*, res suas alienare non potest, quarum Dominus est: vnde quantum ad executionem videtur non esse Dominus, ut habet

Apostolus ad Galatas 4. Itaque dominij duæ sunt partes integrantes, nempe proprietas, & usufructus, proprietas respicit rem ipsam, usufructus respicit rei emolumenta. *Ad pleniorē intelligentiam moneo hoc*

D V B I V M.

An. definitiones possessionis, & proprietatis sint legitime assignatae.

82 **P**ossessio est rei corporalis detentio, corporis, & animi, iuris adminiculo interueniente. Proprietas est dominium rei iustis modis acquisitum.

Probatur, *malā esse definitionē possessionis*. Primò raptor habet possessionem rei raptæ, & tamen ea non detinet iuris adminiculo interueniente. Probatur *ex cap. in litteris extra de restitutione spoliatorum*, quo loco dicitur in calce cap. quod præda, etiā si possessa, secundū rigorem iuris est restituenda. *Secundò*, sequitur ex definitione, quod volens aliquam rem possidere, deberet eam corpore attingere; & tamen secundū iura, si ante fores cellinariæ, vel horrei vendendo vinum, vel frumentum, alicui clauēs traduntur animo tradendi possessionem illam, iam est adeptus: Et tamen cor-

pore non attingit rem illam. Tertio, si possessio esset rei corporalis detentio: ergo quando Dominus habitat in domo, non haberet eius possessionem, quod est cōtra omnes Doctores.

Quartò contra definitionem proprietatis. Vfurarius habet proprietatem, & dominium vfurarum, & tamen non acquisiuit iustis modis; ergo definitio est inepta. Propositio probatur: aliās enim qui emeret aliquid ab Vfurario esset obnoxius restitutioni, quod esset illaqueare homines. *Quintò*, meretrix habet verum dominium proprietatis; hoc est, pretij meretricij, & tamen non acquisiuit illud modis iustis; ergo, &c. *Ad hæc argumenta respondebitur propositione secunda.*

83 *Pro solutione notō*, quod hæc nomina, *possessio*, & *proprietas*, duplici-

dupliciter accipi possunt. *Uno modo* pro materia, circa quam hæc iura versantur, & isto modo dicimus, agrum, vel domum esse possessionem, vel proprietatem; & in hoc significato in præsentiarum non definiuntur. *Secundo modo* accipiuntur pro iure, quo illas acquirimus, & hac ratione vertitur in dubium: *an bene definiantur?* Moneo secundò ex libris Posteriorum, discrimen esse inter definitionem, quæ datur per formam, & eam, quæ da-

tur per causam efficientem: nam prior definitio conuertitur cum suo definito; posterior verò non, loquendo de prædicatione formali, ut apparet in hac descriptione: *Vox est aeris percussio*; definitio enim hæc prædicatione formali non prædicatur de suo definito semper, propterea quòd aliquo tempore est vox, & permanet transacta aeris percussione; prædicatur tamen de suo definito prædicatione secū dum causam. *Nunc circa dubium sit*

PROPOSITIO PRIMA.

Definitio possessionis non est assignata secundum formam, sed secundum causam; & ita est bona.

84 **P** Robatur ex eo, quòd non recurrant definitum, & definitio: quia potest stare vera possessio absque actuali rei corporeæ detentione, utpotè, cum quis post acceptam possessionem domus, ab ea discedit. *Secunda pars probatur*, quia id, quod efficit possessionem, est contactus rei corporeæ, & hoc explicatur à definitione. *Tertia pars propositionis*, hoc est, quòd definitio sit bona, probatur ex singularum partium eius explicatione: nam primò, loco generis apponitur *detentio*, & hoc congruè: quia secundum iura possessio dicitur, quasi pedum positio; perinde

enim homo iure acquirit possessionem firmam, ac cum quis pedibus firmiter innititur terræ, quibus totum corpus sustentatur. *Secundo loco apponitur rei corporalis*: nam spiritualia propriè non possidentur, sed quasi possidentur: quia cum talis detentio nedum animo, sed corpore effici debeat, & spiritualia corpore attingere non possumus, quia corpus non potest in spiritum agere; cōsequenter, &c. *Tertio loco, apponitur, corporis, & animi*; quia non sufficit internus animi actus ad possessionem explicandam, & exhibendam: quantumvis enim quis velit, cu-

V u u u piat.

piatquē rem possidere, etiamsi
ius ad illam habeat, si actu cor-
poreo rem ipsam aliquo modo
non attingat, non erit possessio. Item si quis corporeo actu
contingat rem, non tamen ani-
mo illam possidendi, non habebit
possessionem illius. *Hinc sequitur:* quod Bruta, dormientes,
& amentes, quia nō habent ani-
mum possidendi, quamvis rem
contingant, non obtinent eius
possessionem. Postremo additur,
iuris adminiculo interveniente; nam
si ius desit, non erit possessio,
quantumvis adsit rei detentio,
sed erit iusta detentio.

85 *Si quis tamen vult possessio-*
nis exactam definitionem secun-
dum formam, & quæ comple-
ctatur terminum, quem ipsa re-
spicit; hanc accipiat. *Possessio est*
ius rem corpoream habendi, retinen-
di, ac eidem insistenti, natum indu-
cere acquisitionem dominij, & eo-
rum, quæ ex eo sequuntur, acquisi-
tum per rei corporeæ detentionem
animo, & corpore factam, iuris ad-
miniculo interveniente. Hanc de-
finitionem componit, & exponit
Conradus *Tractatu de contractibus*
quæst. 14. in solutione argumeto-
rum. Sic

PROPOSITIO SECUNDA.

*Definitio proprietatis est bona, & assignatur per
causam, cum dicit, dominium rei iustis
modis acquisitum.*

86 **T**amet si definitio hæc cō-
vertatur cum definitio-
ne dominij cōmuniter assigna-
ta, tamen secundum rationem
differunt; quia in illa explican-
tur effectus dominij, in hac ve-
rō exponuntur causæ, quibus
dominium acquiritur, &c. & nō
ad maiorem explicationem, ut
sentiebat Conradus *quæst. 14. in so-*
lutione tertij argumenti: nam ex-
ponit, ut dictum est, ea, quæ
longè diuersa sunt ab his, quæ in
definitione dominij apponuntur.

87 *Nunc ad argumenta proposita*
nu. 82: contra prædictas defini-
tiones respondendum est. Ad
primum igitur dicimus, raptorum
propriè non habere possessio-
nem rapinæ, vel furti. Et ad
Decretale in litteris de restitutio-
ne spoliatorum. *Respondemus,*
Papam, non in fauorem raptorum,
ut eis velit possessionem
exhiberi, sed in odium spolian-
tium violenter homines rebus
suis, illud statuisse: cum nemo
debeat esse iudex in causa pro-
pria:

pria: vnde vt habet *Glosa ibidem*; questio spoliationis est priuilegiata; imò vt sentit Innocentius super illa Decretalia; si per confessionem raptoris constaret, ipsum rem repulsaſſe, vel constaret ex tempore quis eſſet verus Dominus, deneganda eſſet illi poſſeſſio; quia nunquàm poſſedit nec naturaliter, nec ciuilitè; ſed ſolùm habuit iniuſtam detentionem. Ita apud *Sanctum Antoninum* 3. parte, titulo 3. cap. 3. §. 2. & apud multos ex Summiſtis, verbo *Poſſeſſio*.

- 88 *Ad ſecundum argumentum*, vt planè ſatisfaciamus, moneo, quòd res, quæ ſunt ſubiectæ poſſeſſioni, ſunt in duplici differentia. *Quædam ſunt*, ad quarum poſſeſſionem habendam non exigitur voluntas tradentis, vtpotè, quæ ſub nullius dominio ſint, antequàm habeatur earum poſſeſſio, quales ſunt aues in aere, piſces in mari, gemmæ, quæ in littore maris apparent: & ad dominium harum habendum, neceſſaria eſt illarum detentio, ita quòd corpore, & animo poſſidendi eas contingantur; quantumuis enim quis priùs altero hæc videat, vel digito demonſtret, ſi alter priùs ea contingat corpore, & animo poſſidendi, erit verus illarum poſſeſſor. *Aliæ verò ſunt*, ad quarum poſſeſſionem acquirendam exigitur voluntas tradentis, quales ſunt res, quæ dominos deſtinatos habent, & ita in ijs non eſt neceſſa-

rius ipſius rei contactus; ſufficit tamen, quòd interueniat aliquis actus corporeus, quo ex voluntate tradentis rem, vt homo habeat poſſeſſionem, & ita contingit in hypotheſi ſecundi argumenti; ſunt enim varij modi acquirendi poſſeſſionem abſque actuali contactu ipſiuſmet rei, quæ poſſidetur, de quibus latè agit Hoſtienſis in Summa, titulo *De cauſa poſſeſſionis*.

- 89 *Ad tertium argumentum reſpondetur*, quòd cum hæc definitio ſit assignata per cauſam efficien-tem, non oportet, eam prædicari de ſuo definito prædicatione ſecundùm formam: nam ipſa poſſeſſio non eſt actualis rei detentio, quin potiùs cauſa, & ita ſemel habita, ſufficit, vt permaneat poſſeſſio.

Ad quartum reſpondetur, vſuram non eſſe vſurarii proprietatem. Ad probationem cum dicitur, quòd aliàs non poſſumus habere contractus cum vſurario. *Reſpondemus cum diſt.* vel vſurarius habet plura bona, quorum reſtitutioni ſit obnoxius, vel non; ſi plura habet: eſt etiam diſtinguendum hoc modo; vel materia circa quã tractatus verſatur, verſatur domus, v.g. quæquidem reo eſt ipliſſima vſura; hoc eſt, comparata tãquàm pretium mutui; ſi ita ſit, non poteſt quis circa illam rem cum vſurario contractus componere; & ratio eſt: quia dominium illius domus non manet in vſurario,

sed in solo Domino illius, qui illam, tanquam usuram, dedit, & usurarius est iniustus detentor, quamvis habeat usum facti; & ita non potest in alterum transigere ius dominij, vel usus, vel usufructus illius rei, & non posset excusari à peccato mortali, & restitutione is, qui contrahat cum usurario, nisi ignorantia inuincibili. Si verò est res, quæ usu consumitur, tunc quia cum usu illius recedit dominium, si per talem contractum non efficitur usurarius, tenet. *Et si dicas*, quòd usurarius per talem contractum non dat pecuniam suas, sed alienas. *Respondetur*, quòd ipse non tenetur, eandem secundum numerum pecuniam restituere, quia sufficit, quòd secundum

arbitrium bonorum virorum tantumdem restituat, sufficit, ut ille, qui contrahit cum illo, tantumdem det usurario, ut faciat pecuniam suam: si verò per talem contractum efficitur impotens usurarius ad usuram persolendas, non tenet contractus.

90 *Ad Quintum*, concessa propositione, negatur assumptum: nam licet fornicatio fuerit occasio, propter quam accepit pretium meretrix; tamen causa proxima est pactum inter ipsam, & hominem constitutum: utpote, quòd, ea faciente illi copiam sui corporis, ipse teneatur illi solvere tantum pretij: quia licet illud pactum sit contra charitatem, non tamen est contra iustitiam.

ALIUD DVBIUM.

An ususfructus, & usus distinguantur, rectèque definiantur?

91 **V**susfructus est ius utendi, fruendique alienis rebus, salva eorum substantia. Usus est ius utendi rebus, salva eorum substantia.

Contrà has definitiones sunt hæc argumenta: Dominus aliquis proprietatis, nisi ei lege vetitum sit, habet usumfructum, & usum illius, & tamen non est res aliena, ergo definitio nulla.

Secundò, quicumque habet ius utendi, fruendique aliqua re, habet ius utendi illa: ergo usufructus, & usus non distinguuntur. Tertiò Dominus utilis aliquis proprietatis habet ius utendi, fruendique illa, quæ est res aliena, quia Dominus directus est eius verus Dominus, & salva substantia illius, & tamen non dicitur usufructuarius, vel usuarius.

usuarius: sed Dominus, quia dominium utile differt ab usufructu, & usu, ergo definitio nulla. Horum solutiones nu. 96. & seq.

92 *Ut Respondeamus monito*, quod usufructus, & usus accipiuntur dupliciter. *Uno modo* pro simplici actu fruendi, vel vtendi; *alio modo* pro facultate, & potestate hos actus exercendi. Isti modi differunt inter se, p̄rindē atque potentia, & actus: nam potest aliquis habere illam facultatem fruendi, vtendiquē absque eo, quod actu vtatur, & fruatur, & idem potest quis actum nudum vtendi, vel fruendi, qui dicitur facti, habere absque tali facultate, vt apparet de latrone, qui vtitur re, quam turatus est, absque eo quod habeat facultatem. *Monito secundò*, quod res, quibus homines vtuntur, sunt in duplici differentia; quādam enim usu non consumuntur, vt domus; equus, &c. Alia verò, quæ usu consumuntur, vt cibus, pecunia, &c. Si modò in pecunia meditemur illius vsum, eo quod pecunia est: nam est adinuenta tanquā mensura, & meta cōmutationis rerum; vsum illius rei est eam consumere, non quodā substantiam: quia manet; sed vt est mensura pretij rerū: nam quierat eius Dominus, non poterat ea aliter vi, nisi consumat dominium, quod in eam habet.

93 *Monito tertiò*, quod vi, & frui

in præsentiārum non accipiuntur eo modo, quo à Theologis, hoc est, pro actibus internis, quibus ferimur in aliquas res propter alterum, qui dicuntur usus, vel tanquā in vltimum finem, qui dicuntur fruitio; sed accipiuntur pro actibus externis, quibus rei vtilitatem non potest homo in alterum, nisi in seipsum solū conferre, & isti dicuntur usus; aut quibus vt in seipsum, & alterum potest vtilitatem rei referre; & isti dicuntur usufructus: nam sicut fruitio est rei perfecta, & iucūda possessio, & de sententia Augustini nullius boni sine socio est iucunda, perfecta quē possessio, ita qui vtilitatem alteri potest conferre, dicitur illa frui, & habere ius in vsumfructū. *Monito quartò*, quod usufructus dicitur dupliciter, aut secundū formam, aut secundū causam; vel, vt Iurisperiti aiunt, *formalis, vel causalis*. Dicitur *formalis in eo*, qui est merus usufructuarius; *causalis verò in eo*, qui habet rei dominium, aut post vsumfructum cui voluerit conferre. *His notatis*, pro dubij solutione.

94 *Primò dico*, quod *secundum iura civilia bonæ sunt istæ definitiones*. Probat. Ea definitio est bona, quæ constat ex genere, & differentia: at istæ diffinitiones sunt huiusmodi; ergo sunt bonæ. Probat. nam primo loco constituuntur genera, hoc est ius; secundò loco differentia apponuntur.

tur. Primum dicitur, *vtendi*, propter eum, qui habet ius in pignus, in quod nō est vsuarius, vel vsusfructuarius, quia non potest illo vti diligentia Domini; additur, *fruendi*, ad differentiam meri vsus. Tertiō ponitur *rebus alienis* ad differentiam Domini, quia aliud propriē non est vsusfructus, nam secundū iura ciuilia nemini seruit sua res, hoc est, suarum rerum homo Dominus dicitur, quæ denominatio maior est, quā vsusfructuarius; subiungitur postremo loco, *salua rerum substantia*, propter res, quæ vsu consumuntur, nam istarum non est propriē vsus. *Idem* etiam potest probari definitio vsus per exempla. Nobis sufficiat hoc. Si Ludouicus præbet Carolo vsum sui agri, potest Carolus fructus agri, & prouentus, in suam utilitatem conuertere, nulla tamen ratione eos potest in alios distrahere, si verō sit vsusfructuarius, potest in suum vsum illos conuertere, & in alios distrahere.

95 *Secundū dico, quodd secundū iura Canonica, & doctrinam Canonistarum, ut bonæ sint, demende sunt duæ particule ita quodd ad hunc modum definiantur: vsus est ius vtendi re, vsusfructus est ius vtendi, fruendique re: est Sancti Antonini 3. parte, titulo 3. cap. 3. §. 1. & probatur per iura Canonica, in quibus Summi Pontifices docent, rerum, quæ vsu consumū-*

tur, esse vsum, & hominem propria re vti. Probatur etiam ratione naturali: nam vnusquisque re sua vtitur, vt vtens cibo, illum consumit.

Tertiō dico, quodd quamuis dici possit, quodd vsusfructus, & vsus habet se, tanquā superius, & inferius, tamen ad distinctionem iurum explicandam, & confusionem evitandam, distinguuntur communiter vsusfructus, & vsus, tanquā due species, quæ continentur sub eodem genere, idest, sub iure. Hoc patet ex communi vsu loquentium.

96 *Respondendum est modō ad argumenta posita nu. 91. Ad primum igitur responderetur negando maiorem secundū iura ciuilia, nam ad rationem vsusfructuarij, vel vsuarij oportet, rem esse alienam, potest tamen secundū hæc iura vocari vsuarius secundū causam. Si verō loquamur secundū iura Canonica, concedimus antecedens, & negamus argumentationem, habent enim se tanquā superius, & inferius: nam omnis Dominus, nisi lege prohibitus sit, est vsusfructuarius, & vsuarius, & non ē contra: non tamen sequitur, dominium esse vsusfructum, vel vsum, quia licet sint idem subiecto quandoque, rationes tamen illorum semper sunt distinctæ. Ad secundum, negandum est antecedens; nam ius vtendi, prout habet definitio vsus, est intelligendum præcisum, idest, quodd vsus sit*
ius

ius vtendi re præcisè, hoc est, amplius non faciendi præter vsum; & vsusfructus dedit rationem fruendi.

97 *Ad tertium sunt duæ opiniones respondentium, primam citat Hostiensis in sua Summa titulo de fraude, quæ negat, dominium vtile esse quidpiam distinctum, ac separatum ab vsufructu. Hanc opinionem vnico argumento probant: contingit omninò distingui dominium directum, & dominium vtile, & vsufructum non solum ratione, sed subiecto: ergo sunt penitus diuersa. Antecedens probatur, si ex hypothesi constitua-*
mus, quòd Petrus sit Dominus directus alicuius proprietatis, & Ioannes Dominus vtilis eiusdem, qui testamentum legauit Socrati filio dominium vtile, domus, & Michaeli vsufructu, tunc & ratione, & subiecto distinguuntur. Secunda opinio est
Conradi qu. 12. de Contractibus in solutione duorum argumentorum dicentis, dominium vtile, & vsufructum non differre secundum proprias rationes, & internas, sed solum secundum externas circumstantias; quia dominium vtile potest transferri in alterum per testamentum, vel donationem dotis, vel venditionem ex consensu Domini directi; vsufructus autem non potest vendi; sed hæc, inquit, externa sunt. Ista opinio impugnatur hac ratione: Cum ius sit rela-

tum, de interna ratione eius erit terminus eius, quia relata dicuntur ad alterum: ergo vbi termini sunt distincti, intrinsecè relata; etià intrinsecè distinguuntur; sed termini iuris, vsusfructus, & iuris dominij vtilis sunt diuersi: ergo intrinsecè differunt. Patet assumptum: nam terminus iuris vsusfructus est solum vti, vel frui, quia ad ampliora non se extendit, termini dominij vtilis non sunt isti solum, sed donare, vendere de licentia Domini directi, legare per testamentum, donare dotem: ergo intrinsecè differunt.

98 *Nunc ad argumentum respondemus negando antecedens, prout intelligitur in definitione, nam vbi ius vtendi, fruendique re, vt intelligitur cum præcisione, ita quòd ad ampliores actus non se extendat, vt dominium vtile ad amplius se extendit, & ita non competit ea definitio. Quid si replices, quòd idipsum potest facere vsufructuarius, nam, cum ille sit Dominus huius fructus, potest distrahere, & donare, quia ratio dominij, vt dictum fuit, expostulat, quòd ad libitum possit vti re. Respondemus ad hoc, quòd vsufructuarius sit Dominus, nam dominium, & vsufructus sunt duæ species, quæ continentur sub eodem genere, & ideo non dicitur Dominus, sed vsufructuarius; sed non diffitemur, quin fructuum, & prouentuum rerum sit*

verus Dominus, & ita potest illos distrahere, vendere, & donare. Secundò respondere possumus, quòd etiam si esset Dominus vsusfructus, non sequitur inde, illum posse vendere, donare, & distrahere; nam in definitione dominij postremo loco

ponitur, *quocumque usu lege permisso*; at lex non permittit, imò prohibet, quòd vsusfructuarius, vel vsuarius vendat, distrahat suum ius.

His premis, iam tempus est, ut revertamur ad nostram propositionem n. 76. in qua dicebamus, quòd

*Peccator non facit iniuriam veram Deo, quando-
cumque peccat, unde peccatum ex se non continet
veram iniustitiam; potest tamen fieri peccatum,
quod sit vera iniuria Deo.*

99 **P**robatur prima pars. Quia ex opposito sequeretur, quòd in omni peccato esset duplex malitia, & ita quodlibet peccatum esset duo peccata, hoc autem est absurdum: igitur &c. sequela patet: quia in omni peccato est inobedientia, quia fit contra legem Dei, atque adeò est peccatum; quia contra legem: ergo si in eo est ratio iniuriæ, iam est iterum aliud peccatum iniustitiæ. *Probatur secundò, præmissa distinctione inter dominium proprietatis, & dominium iurisdictionis, dominium proprietatis est, quòd facit iniuriam, quando violatur, non, verò dominium iurisdictionis; commune est exemplum: si Magistratus præcipiat subditis, ut portas domorum occlusas teneant tempore belli, aut pestilentis; certè si Magistratus*

ampliùs circa hoc nil diceret, & servus eius relinqueret portas apertas; erit quidem inobediens, nò tamen diceretur iniurius; quia Magistratus in illa lege vsus est dominio iurisdictionis tantum, non verò proprietatis, ratione, cuius habet ius in opera servi; quod non habet in alios ciues: Nunc

100 *Tale sit argumentum. Ut homo sit iniurius Deo, non sufficit, actum esse contra Dei præceptum, sed opus est, ut sit contra Deum imperantem, vel prohibentem aliquid, tanquam Dominum proprietatis, utramque potestatem habet in nos Deus, ut licet possit exigere opera nostra titulo proprietatis, tamen defacto ita non facit, saltem nobis non exprimit; & ubi ipse non exprimit, nos non debemus id præsumere, sed oppositum,*

po;

potius. Tùm quia hoc fauorabilius est; tùm quia præcepta Diuina posita sunt per modum legis, quod semper inculcat Scriptura; lex autem est à potestate iurisdictionis. *Confirmatur*, quia Prælatus prohibens religioso esum carniùm certo tempore, non præsumitur obligare ex iustitia, sed solùm ex obedientia; & tamen si vellet, posset etiam sic obligare, & reddere esum carniùm sequentem, non solùm rebellem, sed etiam ini-

iurium contra votum pauperum; tis, quia tunc esset contractio rei alienæ; ergo idem dicendum in casu nostro; quod totum patet à paritate.

Altera ratio; quia sequeretur, quòd peccator differens pœnitentiam, de nouo peccaret; probatur consequentia, quia teneretur statim pœnitere: nàm qui iniuriam facit auferendo rem alienam, tenetur statim restituere, ita vt mora restitutionis sit nouum peccatum.

PROPOSITIO QVINTADECIMA.

Peccator ex peccato suo quomodocumque non est debitor alicuius reddendi Deo per modum satisfactionis, & reparationis damni ex iustitia commutatiua.

101 **P**Atet ex propositione antecedenti; vbi enim non fit vera iniuria; ibi non est debitum redditionis ex iustitia: sed in peccatis quibuslibet contra Deum non fit vera iniuria: ergo, &c. Minor iam ostensa est. Maior est quasi primum principium in hac materia iustitiæ. Hinc enim in exemplo supraposito, si quid damni patitur herus; qui imperauit seruo, & dominio speciali proprietatis, tenetur seruus reddere æquiualens; ciues autem, si inobedientes fuerint, non tenen-

tur ad restitutionem vllius.

102 *Ad solutionem obiectionum* suppono, partitionem iustitiæ supra notatam. Suppono pro nũc cum cõmuniõis sententia Scottitarum in 4. dist. 46. q. 1. sub. lit. B. in Deo respectu nostri non esse iustitiam propriè, & simpliciter; cuius rei, illa est ratio, quia scilicet Deus non potest nobis de iure obligari; cuius adhuc vltior causa est, quia ipse est ita supremus Dominus essentialiter, vt non possit se priuare dominio, nec illud transferre in creaturam,

X x x x 12.

taliter, quòd Deus ipse ex iure teneatur creaturæ. Potest quidem, & defacto tenetur nobis multa dare, sed vi pacti sui tantum, & ex fidelitate, non verò ex iustitia physica.

103 *Quæ pugnant contra nostram primam propositionem sunt ista.* Primum, pugnat contra nos illud Psalm. 106. n. 17. *propter iniustitias enim suas humiliati sunt,* & alibi passim Scriptura vocat peccata iniustitiam, seu iniuriã; nec præsumendum est, quòd ubi que velit abuti vocibus extra proprium sèsum ad mysticū, vel minùs litteralem: ergo peccatū verè facit iniuriam propriè dictam Deo. *Respondetur*, concedendo totum antecedens, & negando consequentiam. Dico ergo, Scripturam non abuti voce ad sensum mysticum, sed uti ea litterali sensu, licet non semper in maximè rigido, aut propriissimâ acceptione: est enim peccatum iniuria, quia opponitur iuri, quia ius, seu dominium iurisdictionis est ius, non tamen est tale, cui opponitur summè iniuria; sed huiusmodi est tantum dominium proprietatis.

104 *Secundum argumentum.* Si peccatum non esset propriè sumpta iniuria: ergo peccator non tenetur satisfacere Deo pro peccatis: obligatio enim satisfactionis est ex debito iustitiæ propriè sumptæ. *Actorqueri potest argumentum:* quia tunc sequeretur, quòd statim post peccatum te-

neretur peccator pœnitentiam agere: iniurius enim tenetur statim restituere, & ipsa mora est peccatum. *Respondetur ergo*, hoc debitum satisfactionis in peccatore oriri ex alijs capitibus, alterum est præceptum dilectionis, quòd ipsum obligat ad tollenda impedimèta amicitia Diuinæ, quæ sunt peccata. Alterum est præceptum, seu virtus, quæ obligat eum ad suæ salutis procuracionem.

105 *Tertium argumentum:* in omni peccato vitur peccator re aliena, inuito Domino, scilicet vitur seipso; & suis potentijs, quæ omnia sunt Dei: ergo, &c. *Confirmatur:* quia saltem in homicidio non potest peccator excusari ab iniuria: quia lædit ius Dei notabiliter, & aufert rem etiam à dominio proprietatis Dei: ergo, &c. *Respondetur*, peccatorem non uti his, inuito Deo, ut Dominus proprietatis est, sed ut superior, vel legislator, unde negatur consequentia. *Ad confirmationem* (quæ etiam locum habet, quando quis occidit iumentum alterius inuiti, quia etiam Deus est Dominus iumentis) *Respondetur*, fieri quidem iniuriam in occisione iumentis sed fit homini, cui aufertur, non Deo, sicut nec Principi Reipublicæ, verbi gratia, fit iniuria, licet etiam derogetur dominio eius iumentum occisum. *Præterea;* etiam si Deus habeat magis propinquum ius, quam Princeps

ceps Reipublicæ in singulos, tamen non obijcit nobis illud ius volendum, aut seruandum; sed solum ius iurisdictionis.

Quodd detur peccatum verè iniurium Deo, patet, & habetur in casu, quo quis læderet æstimationem Dei apud populum notabiliter, quod fieret per peccatum blasphemiz; est enim illa

vera iniuria, & etiam est inhonoratio, aut contemptus Dei actu externo testatus: Hinc deinde fit iniuria personalis, siue realis, de quo nihil nunc. Vtrobique tenetur peccator ad reparationem honoris Diuini, non tamen ad contritionem, vel penitentiam quamprimùm.

PROPOSITIO SEXTADECIMA.

Satisfactio Christi non fuit in materia iustitiæ.

106 **P**atet ex dictis, quia peccata nostra, & specialiter originale, non fuit in materia iustitiæ, vnde sequitur vt supra, quod non influit debitum satisfactionis ex iustitiâ commutatiua. *Probatur secundò*; quia ellò contraheremus nos debitum satisfaciendi ex mera iustitiâ, tamen actus Christi, quo se obtulit pro nobis, non fuit ex iustitiâ: quia actus iustitiæ supponit debitum in agente: sed Christus non erat debitor pœnz ex Psalmo; *que non rapuit, tunc exolvebat*. Hinc confirmatur prior ratio: quia licet dentur peccata, quæ sunt fortassis, veræ iniuriæ contra Deum, vt blasphemia, &c. tamen satisfactio in his debet fieri ab iniurio ipso, & non sufficit, quòd alius honoret personam offensam. *Sit alia ratio*. Quando satisfactio fit ex iusti-

tia, tenetur creditor ad acceptationem eius, vt sit contentus: sed hic ex satisfactione Christi non tenetur creditor acceptare: ergo &c. Maior patet ex communi ratione contractus iustitiæ, vbi est obligatio vtrobique; sicut enim tenetur debitor ponere, equalitatem, seu æquivalentiam acceptam à creditore, ita similiter tenetur creditor non exigere ampliùs, quia ibi cessat ius eius. Minor autem patet: quia creditor hic est Deus optimus maximus, qui nemini obligari potest ex iustitiâ.

107 *Dices*. Christus non ex misericordia obtulit se pro nobis, sed ex debito: ergo fuit actus iustitiæ. Antecedens probatur: quia habuit debitum moriendi ex præcepto Diuino: ergo, &c. *Respondetur*, quidquid sit pro nunc, transeat antecedens, & negatur

X x x x 2 con.

consequentia: ratio est; quia non omne debitum facit, actum sequentem esse iustitiæ actum, sed solum debitum, quod ipsum est iustitia propriè sumpta; non autem debitum ex obedientia gratitudine, charitate, &c. Christus autem habuit tantum debitum obedientiæ ex præcepto, unde &c. *Replicabis*, quod habuerit debitum propriæ iustitiæ: quia fuit fideiussor pro nobis, & fideiussor tenetur ex iustitiâ ad debitum soluendum, si minùs id præstet principalis debitor. Antecedens communiter supponitur. *Respondetur*, Christum non fuisse propriè fideiussorem; ratio est, quia fideiussor est, qui se obligat ad solutionem debiti, si ipse debitor non satisfaciât; hic autem contrarius non potuit fieri à Christo cum Deo, quia, sciuit, hominem nec posse soluere debitum, si vellet, neque si posset, soluturum in re: quia, sciuit, Deum decreuisse, ut ab homine innocente, qui non contraheret partem ullam debiti, & haberet præterea unionem hypostaticam, fieret satisfactio.

Itaque, eatenus erat fideiussor; quia promisit solutionem; hoc autem modo non obligauit se ex iustitiâ, sed ex misericordia, aut ex fidelitate. *Ex quibus patet*, quàm improbabilis sit eorum sententia, qui non solum dicunt, satisfactionem Christi fuisse, actum veræ iustitiæ, sed adhuc ponunt in Christo specialem habitum, qui sit iustitia.

108 *Tandem obijcies* Isaia 1. n. 27. *Syon in iudicio redimetur*, quod etiam habet alibi Scriptura: conueniunt Patres; & testimonium clarissimè habetur ex Apostolo ad Rom. 3. n. 25. de Christo dicente: *quem proposuit Deus ad ostensionem iustitiæ suæ*. Et prima Corinthiorum 1. n. 30. *factus est nobis à Deo sapientia, & iustitia*. Ad hæc omnia dicimus, ea intelligi de iustitiâ non propria, sed appropriata; nam etiam obedientia, & gratitudo, & vniuersaliter omnis virtus, quæ ordinat nos ad alterum, est iustitia; maxime verò illa, quæ fundat aliquod debitum.

Restat tandem examinandum.

An genus humanum potuerit per satisfactionem puri hominis reparari.

109 **S**uppono, posse Deum constituere hominem caput aliorum in ordine gratiæ, quam possit aliquo modo in alios in-

fluere. Ita Theologi in 3. dist. 19. Scotus in 4. dist. 15. qu. 1. art. 2. Sanctus Thomas qu. 64. art. 4. qui affirmant, quod purus homo potuit

tuit à Deo habere potestatem excellentiæ, vt sacramenta in virtute meritorum ipsius alijs peccata remitteretur. Tùm quia non potest dari ratio repugnantiz. Tùm quia Adam fuit nostrum caput morale quoad damnum; ergo potuit hominem caput instituire, &c. *Moneo secundò*, quòd purus homo, cùm includat exclusionem, potest dupliciter excludere. Primò omnem ordinem gratiæ, & doni supernaturalis, quod Theologi alio nomine solent dicere *in puris naturalibus*. Secundo modo, vt solum excludat vnionem hypostaticam, non dona supernaturalia. *Est ergo difficultas primò*, quid per purum hominem intelligant in hac controuersia Doctores.

- 110 *Caietanus* ex multis coniecturis conatur colligere, quòd Sanctus Thomas per purum hominem intelligit hominem purum primo modo, & secundo; hinc colligit Caietanus, quòd alij Doctores, qui per purum hominem excludunt tantum vnionem hypostaticam, malè opposuerunt se Diuo Thomæ, cùm quæstio non sit in eodem sensu ab vtrisque accepta. Sed, bona venia Caietani, verior est sententia aliorum, quòd per purum hominem tam Sanctus Thomas, quam alij solum excludunt vnionem hypostaticam, non gratiam, & charitatem, & hæc est mens multorum discipulorum Sancti Thomæ; & patet ex eius

littera in quæstione citata, & art. in solutione ad secundum, vbi ait, quòd satisfactio puri hominis est sufficiens satisfactio; ergo non excludit gratiam: alioquin dictum illud esset Pelagianum.

- 111 *Moneo etiam*, quòd satisfactio secundum Scotum, & alios in 4. dist. 15. secundum suam generalem rationem est redditio debiti; nam vt ait Sanctus Thomas in 4. dist. 4. quæst. 1. art. 1. homo per peccatum abstulit Diuinum honorem, quem tenetur per satisfactionem restituere. Hæc autem est duplex: aut sufficiens, aut insufficiens. Hæc est quando illi, cui est facienda, non manet contentus, vt si debens quatuor, reddat duo. Illa etiam diuiditur in perfectam, & imperfectam; hæc est, quando non redditur debitum ad æqualitatem, sed secundum facultatem satisfaciens; tamen est acceptatio ex parte eius, cui debetur, & manet contentus. Perfecta vero est, quando redditur æquale ipsi debito, quæ dicitur satisfactio de rigore iustitiæ; & definitur: *satisfactio est solutio æqualis alijs indebiti*. Aliqui addunt *ex proprijs*. Vnde ad hanc tria requiruntur ex Scoto; & ex Soto lib. 3. de Natura, & Gratia cap. 6. Primò, quòd sit redditio, siue solutio voluntaria; & hinc latro, qui suspenditur, & animæ in inferno non dicuntur propriè satisfacere; sed potius satisfati. Se.

Secundò, quòd sit redditio æquivalentis; & hinc non satisfacit hoc modo, qui debens decem, dat duo. Tertiò, quòd sit ex indebitis; hinc qui daret aliàs debitum, non satisfaceret. *His præmissis.* Sequentes quatuor cõclusiones, quid à nobis affirmandum sit, declarant.

- 112 *Primò igitur dico, quòd loquendo de satisfactione de rigore iustitiæ ita ut nullà supponat acceptationem tam de potentia absoluta, quàm ordinata, nullus purus homo potest Deo satisfacere pro peccato suo, vel alterius.* Probat. Si homo purus posset sic satisfacere; vel esset agendo opus bonum propter offensam, quod est sibi iniunctum ex præcepto, vel per opus ex consilio; vel sustinendo aliquam pœnam, & passionem: sed nullo istorum modorum potest satisfacere: ergo &c. Minor probatur: non per opus ex præcepto: quia aliàs debet: vnde apud Lucam c. 17. n. 10. ait Christus: *cùm feceritis omnia, quæ præcepta sunt vobis, dicite: servi inutiles sumus.* Nec per opus ex consilio: quia licet hoc non obliget, posset tamen nos ad illud iure obligare ex creatione, & conservatione. *Adde;* quòd tale opus ex eius gratia, & acceptatione est alicuius valoris, quæ repugnant satisfactioni rigorosæ. Nec per pœnam, vel passionem: quia omnes pœnæ vitæ præsentis æquari non possunt cum pœna debita peccato: cùm illa sit æterna, & hæc temporalis.

- 113 *Secundò dico, quòd de lege ordinata, etiam posita acceptatione Dei, purus homo nec pro peccato suo, nec alterius potest satisfacere.* Probat. quia omnis nostra satisfactio de lege communi innititur meritis Christi, sicut omne meritum nostrum; ergo opus puri hominis per se non sufficit ad satisfactionem.

Tertiò dico, quòd, supposita Dei gratia, & acceptatione, de potentia Dei absoluta, aliqua pura creatura, vel Angelica, vel humana potuit satisfacere pro peccatis suis, & aliorum. Ita communis Theologorum. Et in hoc sensu locutus est Scotus: nam tam hinc, quàm indecimanona huius expressè habet, quòd opus intantum est meritum, vel satisfactorium, in quantum acceptatur. Vnde male Scotus loco citato ait, Scotum sentire contrà Sanctum Thomam; nam in hoc sensu, non id negat Sanctus Thomas, sed tantum primam cõclusionem, & inter alios Doctores solum est lis verbalis, non realis.

- 114 *Quartò dico, quòd purus homo potest Deo reddere æquivalens, considerando peccatum quantum ad essentialem, & intrinsecam malitiam; & ita satisfacere Deo ex iustitia posita secundo modo.* Hanc probant rationes supra adductæ. Illis adde, quòd Scotus plura argumenta adducit lib. 3. dist. 20. quæ unica, quæ omnia ad hoc vnum reduci possunt. Vt Deo de rigore satisfaceret, homoquæ redimeretur, suff.

sufficiebat satisfactio meriti finiti: sed satisfactio cuiuscumque creaturæ rationalis est meriti finiti: ergo non erat necessarium, satisfactionem fieri, nisi à creatura finita. *Idem probat noster Aureolus* in hunc modum, Rigor iustitiæ exigit, quòd actus satisfactionis sit æquivalens in bonitate malitiæ peccati: sed possibile est haberi actum gratia informatum æquivalentem in bonitate malitiæ peccati: ergo potuit homo satisfacere: ergo non fuit absolutè necessaria Christi incarnatio, seu mors Christi. Minor probatur: si actus gratia informatus non posset æquivalere malitiæ peccati, hoc esset, vel quia culpa esset infinita ratione obiecti, vel ratione sui, vel ratione operantis. Si primo modo; non minor est actus gratia informatus in bonitate, quàm actus peccati in malitia; quia, uterque habet Deum pro obiecto. Si secundo modo, certum est, actum peccati non esse infinitum formaliter, cum sit privatio rectitudinis debitæ inesse alicui, & tanta est privatio, quantum id, cuius est privatio: ideo non debet, sicut nec potest actus bonus satisfactionis, esse infinitus formaliter. Tertio sanè modo videtur, ex parte operantis, peccatum esse infinitum: quia in eo est magna iniustitia; cum verò elicit homo actum satisfactionis, non videtur posse compensare actum peccati; quia etsi

non peccaret, ex alijs beneficijs Dei teneretur, omnes suas operationes in Deum referre, maiora perpeti, & facere. Sed neq; hæc ratio concludit; quia licet de cògruo ad omnia opera bona teneatur homo, non tamen de rigore iustitiæ; hinc nemo peccat, non servando evangelica consilia, quæ sunt perfectionis, & in hoc relucet Divina misericordia; quia, cum posset Deus plura à vobis exigere, pauciora exigit; nihil ergo prohibet, hominem in gratia existentem elicere actum satisfactorium adæquatum, & præponderantem malitiam peccati; non fuit ergo necessaria mors Christi.

115 *Qua fuerit in tanto negotio Patrum orthodoxorum sententia, si quis rogauerit, ingenuè fateor, me nescire. Fortè enim Sancti Patres locuti sunt de satisfactione, sistendo in potentia Dei ordinaria, quando dixerunt, non potuisse Christum, nisi Divinam habuisset naturam, mediatorem, & Redemptorem nostrum esse per modum satisfactionis. Scotus noster Patrum sententijs satisfactum putat, dicens: Patres intelligendos de necessitate consequentia, & data hypothesis, supposito videlicet decreto Divinæ iustitiæ, quæ statuit, ab eo solo redemptionem fieri humane nature, qui Deus esset, & homo. Optima solutio; nam antiquiores Patres mysteria explicabant, ut erant defacto, & missas faciebant*

bant quæstiones de possibili; quæ solutio, si non arrideret, dicamus, Ecclesiam proficere ætate, & sapientia; & aliter censuisse Patres in exordio Ecclesiæ nascentis; iam verò in prouecta ætate Ecclesiæ, aliter esse sentiendum. Sententia Scoti, quæ negat ne-

cessitatem passionis Christi, amplificat Diuinam bonitatem ex eo, quòd cùm faciliores essent viæ ad reparationem generis humani, eam elegit, quæ Redemptori onerosior esset, & nos Deo magis coniungeret. Cui sit laus, honor, & gloria.

F I N I S.

DISPUTATIONVM
QVÆSTIONVM,
DVBIORVM,
ET PROPOSITIONVM,
ELENCHVS.

Prior numerus Quæstionem, vel Propositionem indicat, secundus paginam.

DISPUTATIO PRIMA.

De Possibilitate, Cognoscibilitate, Conuenientia, & Necesitate Incarnationis.

Quæst. 1. **V**trum Deum incarnari sit possibile? pagina 3.

Propos. 1. *Possibilis est Incarnatio Dominica, duarum videlicet naturarum, Diuina, & humana unio sub unitate personali Diuina.* 4.

2. *Possibilitas Incarnationis demonstratur varijs exemplis sacrorum Doëtorum.* 6.

3. *Possibilitas Incarnationis Dominica probatur ex facilitate soluendi argumenta, quæ contra ipsam afferri solent.* 7.

4. *Verbum diuinum valet assumere quamcumque aliam naturam substantialem ab humana.* 19.

S

Quæst. 2.

Disputationum, & Propositionum, &c.

Quæst. 2. Vtrum possibilitas Incarnationis potuerit naturaliter cognosci ab aliqua creatura, antequam mysterium factum esset, vel postquam factum est? pag. 22.

Propos. 1. *Hoc incarnationis mysterium, sicut fide catholica tenendum est, esse possibile; ita credendum firmiter, nulla posse ratione demonstrari, esse impossibile.* 23.

2. *Futuritiò huius mysterij, antequàm ipsum poneretur in esse, nullatenus potest demonstrari.* 24.

3. *Possibilitas mysterij Incarnationis nequit cognosci naturaliter ab aliquo intellectu creato, antequàm fiat.* ibidem.

4. *Dæmon à principio prædicationis Christi, non nouit ipsum, ut filium Dei.* 30.

Quæst. 3. Vtrum Mysterium Incarnationis fuerit conueniens? 34.

Prop. 1. *Congruum, & conueniens fuit, Deum hominem fieri, atque incarnari.* 35.

2. *Solum Dei filium incarnari ex tribus Triadis personis, congruum fuit.* 36.

3. *Incarnationis mysterium non fuit simpliciter necessarium.* 38.

4. *Incarnatio non fuit necessaria ex suppositione peccati primi parentis.* 42.

5. *Non fuit Deo necessarium incarnari, etiam supposito decreto de reparando homine.* 44.

DISPUTATIO SECVNDA.

*De Possibilitate Incarnationis secundum
alios modos.*

- Prop. I. **P**otuit essentia diuina, quæ in tribus personis est, ad se assumere naturam nostram, atque adeò incarnari, ita ut natura diuina esset terminus dependentiæ naturæ humanæ. 47.
2. Non possunt tres Diuina personæ unam, eandemque numero naturam humanam sibi unire. 52.
 3. Aliæ principales rationes pro præcedenti propositione adducuntur. 57.
 4. Impugnationes conuelluntur. 63.
 5. Aliæ argumenta refelluntur. 68.
 6. Partes physicae, & essentielles nequeunt assumi immediate in toto: separati tamen existentes assumi possunt: partes uerò integrantes siue in toto, siue separati existentes, immediate assumi possunt. 69.
 7. Potest una persona Diuina plures ad se sumere naturas humanas, hoc est, cum multis hominibus incarnari: & quod de natura humana dicitur, de quibuscumque alijs naturis dicitur. 73.
 8. Fieri potest, ut natura intellectualis unita Diuinæ essentia, seu personæ, non fruatur ea, quamuis illa natura, quæ est unita Verbo, in ipso primo instanti unionis habuerit perfectam fruitionem. 75.

Disputationum, & Propositionum, &c.

DISPUTATIO TERTIA.

De Personalitate, seu substantia creata.

Prop. 1. **H**umanitas, & Personalitas distinguuntur realiter. 78.

2. Non solum humanitas distinguitur realiter à propria substantia, sed etiam Angelica natura realiter secernitur à propria substantia. 79.

Pet. 1. Verum defacto inter omnem creatam naturam, & eiusdem substantiam cadat realis distinctio? ibid. num. 5.

Pet. 2. Verum de potentia absoluta possit dari aliqua natura creata indistincta à sua substantia, vel personalitate? pag. 80. nu. 6.

Prop. 3. Personalitas, vel substantia non addit supra naturam singularem aliquod positivum, sed duplicem negationem dumtaxat, actualis videlicet, & aptitudinalis dependentiae. 82.

4. Personalitas, seu substantia consistit in aliquo positivo. 88.

5. Si personalitas creata esset quid positivum, probabilius est, personam creatam posse assumere naturam alienam. 90.

6. Humanitas comparata ad substantiam propriam, dicitur propensionem ad illam. 93.

7. Verum humanitas sit in potentia naturali, vel violenta, vel neutra ad unionem hypostaticam? 96.

8. Humanitas ad proprium suppositum tantum naturaliter inclinatur. 100.

DVBIVM INCIDENS.

- A**N detur potentia obedientialis passiva in natura humana respectu personalitatis Divinae? 102.
- Prop. 1. Non datur potentia obedientialis passiva. *ibid.*
2. Ad perfectiones supernaturales habet homo naturales inclinationes. 106.
 3. Soluuntur argumenta in contrarium. 112.
 4. Subsequuntur reliqua argumenta, &c. 129.

DISPUTATIO QUARTA.

De Christo Deo, & homine.

- Prop. 1. **I**N Christo verè, & vera est Deitas, essentia videlicet, & natura divina, estque verus Deus, non ex gratia, & adoptione, sed essentialiter, & naturaliter. 124.
2. Christus verè homo est, humana constans natura eiusdem speciei cum nostra. 126.
 3. Homo est Christus habens corpus cum partibus suis, carne scilicet, ossibus, nervis, &c. nec non sanguinem, Animam quoque habet rationalem eiusdem naturæ, & speciei cum nostra. 128.

DISPUTATIO QUINTA.

De Sanguine Christi.

- Prop. I. **A**N sāguis Christi fuerit diuinitati unitus? 129.
Probabile est, sanguinem non fuisse immediate
assumptum ad hypostasim Verbi. 130.
2. Multa, & grania argumenta in contrarium proponuntur.
133.
 3. Sanguis non fuit unitus hypostaticè Verbo in triduo mortis
Christi. 143.
 4. Alij tres humores, ut cholera, flegma, & melancholia non
fuerunt immediate uniti Verbo Diuino. 144.
 5. Verbum Diuinum non fuit immediate unitum unguibus,
aut capillis. 145.
 6. Sententia docens, sanguinem Christi fuisse immediate uni-
tum Verbo Diuino, est valde probabilis. 146.
 7. Sanguis separatus iterum uniendus corpori, non fuit à Di-
uinitate separatus. 147.
 8. Si quæ pars sanguinis fuit à corpore separata, ita ut nun-
quam esset reuinienda, ea fuit à Diuinitate dimissa. 148.
 9. Immediate, & sine ullo medio quod, Diuinum Verbum
assumpsit totum hominem, tam cathegorematicè, quàm syn-
cathegorematicè. 155.
 10. In assumptione humanitatis secundum ordinem executio-
nis nullum fuit medium quod, sed humanitas sinè medio fuit
assumptio. 156.
 11. Admittendum est medium quo in assumptione, & unione
humanitatis cum Deo. 160.

12. Si-

Elenchus.

12. *Sine ullo medio extrinseco assumpta est humanitas à Verbo.* 161.

DISPUTATIO SEXTA.

De Immaculata Conceptione Deiparæ Virginis.

AN fuerit verus serpens, qui primos Parentes tentavit? 164.

Prop. 1. *Aliquorum placita confutantur.* *ibid.*

2. *Vera sententia proponitur.* 165.

Pet. *An quando dicitur, Serpentem fuisse callidiores bestias terræ, intelligatur de Serpente, vel de Diabolo? Vbi opinio Caiet. &c.* *ibid.*

3. *Caietani opinio non est probanda.* 166.

Dub. *Cur Eva non exhorruit serpentis congressum?* 167.

Pet. *Quod genus serpentis fuerit?* *ibid. num. 10.*

DE PARADISO TERRESTRI.

AN Paradisus sit locus aliquis corporeus, an vero spiritualis? 169.

Prop. 1. *Opinio Origenis, & aliorum abest à veritate.* *ibid.*

De Loco, & Situ Paradisi Terrestris.

Prop. 2. *Due de hac re opiniones non creduntur probabiles.* 170.

3. *Opinio Tostati est improbabilis.* 171.

4. *Opinio Seraphici Doctoris nostri Bonaventuræ non admittitur, & subtilissimi Doctoris sententia stabilitur.* *ibid.*

De quantitate, latitudine, & Longitudine Paradisi.

172.

Prop. 5.

Disputationum, & Propositionum, &c.

Prop. 5. *Non est credibile, Paradisum fuisse locum ita patentem, & spatiosum, ut quidam Ioannes Anglicus, & alij volunt. 173.*

Dub. 1. *Cur Paradisus iste nullo tempore ab aliquo fuit inuentus? 174.*

Dub. 2. *An Paradisus Terrestris modò extet? ibid.*

6. *Paradisus modò extat. 175.*

De facultate, & Dominio hominis in statu Innocentiae. 176.

Dub. 1. *Quomodò animalia erant humani imperij capacia in illo statu, & illi obediebant etiam ferocissima? 178.*

Dub. 2. *An in innocentiae statu homo homini imperasset? 169.*

Prop. vn. *In illo statu fuisset hominum quorundam in alios homines imperium. ibidem.*

DE IUSTITIA ORIGINALI.

Prop. 1. **P**rotoparentes iustitia originali ante eorum lapsum condecorati fuerunt. 181.

2. *Protoparentes creatos esse in gratia sanctificante, est valde probabile. 182.*

3. *Iustitia originalis in primis parentibus fuit donum supernaturale per modum qualitatis permanentis, additum naturae. 184.*

4. *Declaratur iustitia originalis effectus adaequatus. 191.*

5. *In innocentiae statu homo ab intrinseco fuit mortal. 193.*

6. *In primis parentibus immortalitas, & impassibilitas non prouenirent ab actuali dono diffuso per totum corpus humanum. 196.*

7. *Fuif-*

Elenchus.

7. *Fuisset immortalis per assistentiam Dei denegantis suum concursum causis secundis corruptivis.* 198.
8. *In innocentia statu fructus ligni vite non fuisset sufficiens ad præservedum hominem per totam eternitatem.* ibid.
9. *Molina, & Suarij philosophandi modus non approbatur.* 200.
10. *Caietani dicendi modus repugnat.* 201.
11. *Durandi, & Gabrielis doctrina claudicat.* 202.

DE PECCATO ORIGINALI.

Prop. I. **D**E fide est, dari peccatum originale. 203.

Quid sit peccatum originale? 204.

2. *Germana Scoti sententia de macula originali.* 205.
3. *Explicatur ad quod genus pertineat, & quo modo, & quando contrahitur à posteris?* 208.
4. *Peccatum originale non est aliqua morbida qualitas.* 210.
5. *Originalis labe non est formaliter ipsa concupiscentia.* 212.
6. *Macula originalis non consistit formaliter in Reatu, sed in ordinatione ad pœnas.* ibid.
7. *Neque consistit in ipso peccato individuali, & actuali Adæ, extrinsecè denominante peccatores omnes ab ipso descendentes.* 214.
8. *Peccatum originale non est illud individuum peccatum, quo Adam actualiter peccavit, ut transfusum ratione originis in filios, eos constituat intrinsecè peccatores.* 215.
9. *Peccatum originale formaliter non est privatio gratiæ, vel ullius doni habitualis.* 217.

Disputationum, & Propositionum, &c.

10. Peccatum originale in posteris est peccatum eiusdem rationis, & speciei cum peccato habituali, quod manserat in primo Parente ex actu præterito peccati. 221.
11. Inter Deum, & Adam intercescit pactum, quo data est gratia, & iustitia Adamo pro se, & pro liberis ea conditione, ut ipso non peccante, frueretur ipse, & filij tali dono; ipso vero peccante, spoliarentur illo, tanquam transgressores pacti. 222.
12. Hoc pactum expressum fuit pro posteritate. 223.
- Dub. An tale pactum fuerit necessarium simpliciter ad derivandam iustitiam, aut culpam in posteros? 224.
13. De potentia absoluta sine tali pacto potuisset derivari. *ibid.*
- Pet. Quodnam peccatum sit transfusum? *ibidem.*
14. Peccatum transfusum est inobedientia comedendi de arbore prohibita. 225.
- Pet. Virum alia peccata primi parentis, vel peccata aliorum traducantur in filios? *ibid.*
15. Pars negatiua quoad utramque partem est verior. *ibid.*
- Dub. Virum filij geniti ante peccatum Adæ contraxissent peccatum, si Adam postea peccasset? 226.
16. Pars negatiua est verior. *ibid.*
- Pet. Virum, Adamo peccante, & non Eva, vel è contra, posterij nascerentur peccatores? *ibid.*
17. Solo Adamo peccante, posterij fierent peccatores; Eva sola peccante, non contraheretur originale. *ibid.*
- Pet. Virum, si Adam perseverasset, filij nascerentur impeccabiles, seu confirmati in gratia? 227.
18. Pars negatiua est verior. *ibid.*

GRAVE DVBIVM.

AN Beata Virgo Maria fuerit concepta in peccato originali? 228.

B. Virginem Mariam Immaculatam esse, & non contraxisse originalem maculam, sed præservatam, & præventam fuisse ipso momento Conceptionis, & primo instanti, ut immaculatè conciperetur, ostenditur. 231.

Ecclesiæ Catholicæ autoritas in fauorem prædictæ sententiæ. 235.

Autoritas pro Immaculata Conceptione ex Concilijs Generalibus. 240.

19. *Proponuntur, & solvuntur argumenta in contrarium. 243.*

Sanctorum Patrum placita pro sententiâ prædictâ. 254.

Virum B. Maria in Adamo peccauerit, & incurrerit debitum contrahendi peccatum originale? 258.

Examinatur, quid senserit Scotus de debito Sanctissimæ Virginis? 261.

Quod B. Virgo non habuit debitum contrahendi, &c. Rationes proponuntur. 265.

Impugnationes afferuntur. & profligantur. 268.

Diff. 1. *An Virgo contraxerit pœnas peccati originalis? 272.*

Virum Virgo contraxerit fomitem? 273.

Diff. 2. *An Virgo incurrerit clausuram regni cælestis; vel an si B. Virgo mortua esset ante Christi mortem, pateret sibi aditus Regni cælestis? 277.*

Prop. 1. *Si Virgo fuisset mortua ante Christum, non esset ingressa cælum. ibid.*

Disputationum, & Propositionum, &c.

2. Si *Virgo* fuisset mortua ante *Christi* passionem, non vidisset Deum, & ita non fuisset pro tunc Beata. 278.
3. Si *B. Virgo* fuisset mortua in tempore, quod intercescit inter Ascensionem, & Passionem, potest dici, quòd tunc Deum vidisset. ibidem.

DISPUTATIO SEPTIMA.

De Maternitate Virginis Mariae.

- Prop. 1. **A**N *B. Virgo* sit Mater Dei, & hominis? 280.
2. *B. Virgo* verè, & propriè est Mater Dei. ibid.
2. Ratio Maternitatis præstantiori modo saluatur in Maria, quàm in cæteris matribus. 282.

DISPUTATIO OCTAVA.

De Incarnatione Christi in factò esse, scilicet de unitate, & simplicitate Christi.

- Prop. 1. **I**N *Christo* duplex est esse tam essentie, quàm existentie, non tamen *Christus* est duo, sed unus; est què in eo unicum esse subsistentia, seu Persona. 287.
2. Impugnationes contra antecedentem propositionem. 290.

DISPUTATIO NONA.

De Prædestinatione, & Filiatione Christi.

Prop. I. **P**rædestinatio Christi in filium Dei præcessit præuisionem cuiuscumque peccati, etiam Adami: unde, Adamo non peccante, & natura humana manente in statu innocentie, Christus incarnatus fuisset, non quidem, ut Redemptor, & in carne passibili, sed ut Glorificator, & in carne impossibili. 294.

2. D. Thomæ sententia propugnatur. 300.
3. Duo alia argumenta enervantur. 305.
4. Adducuntur aliæ rationes ad suadendam primam propositionem. 307.
5. Doctrina quedam Caietani conuellitur. 309.
6. Adducuntur aliæ rationes impugnantes Caietani doctrinam. 311.
7. Christus in primo signo volitus est à Deo abstrahens à passibili, & impassibili per decretum determinatum ad solam substantiam Incarnationis in se. 313.
8. Christus venit passibilis principaliter ad originale, quàm ad actualia peccata delenda. 316.
9. Si non esset originale, & commissa forent à multis hominibus plura peccata actualia mortalia, adhuc Verbum Dei assumeret carnem ex vi decreti, quo defacto carnem assumpsit. 318.
10. Si solummodo essent peccata venialia, Christus non veniret ex vi præsentis decreti, quo homines voluit redimere à peccato. 320.

Disputationum, & Propositionum, &c.

11. *De Filiatione Christi. ibid.*
12. *Sacra Concilia, & Sancti Patres nihil dixerunt de hac difficultate in sensu, quo proponitur à Scholasticis. 323.*
13. *Omnes sententiae Catholicorum de Filiatione, &c. defendi possunt: tamen sententia docens, Christum, secundum quod homo est, esse filium Dei adoptivum, est preferenda. 326.*
14. *Proponuntur argumenta in contrarium, &c. 328.*
15. *Filiatio non est in persona, tanquam in subiecto, sed in natura. 331.*
16. *Duae sunt in Christo filiationes reales, & realiter ab invicem distinctae, Divina scilicet ad Patrem Deum, & humana ad Matrem Virginem. 333.*
17. *Argumenta in contrarium eliminantur. 335.*
18. *Duo accidentia solum numero distincta possunt esse in eodem subiecto. 339.*
19. *Defacto nunquam in eodem subiecto interveniunt simul duo accidentia solum numero differentia, quae sint realia, & acquirantur per motum. 343.*

DISPUTATIO DECIMA.

De Adoratione Christi. 344.

- Propos. 1. **A**N Latria sit virtus, & qualis virtus? 346.
2. *Latria, eam accipiendo pro habitu ex actibus internis, & externis generato, est virtus moralis, & specialis, & collocatur inter partes iustitiae potentialis. 352.*
 3. *Latria inter omnes virtutes morales est praestantior. 355.*

PARAGRAPHVS PRIMVS.

An Deus sit adorandus, & qua adoratione? 358.

- Prop. 1. **E**st præceptum homini datum de adorando Deo, à cuius obligatione eximi potest nemo. *ibid.*
Deus, ut supremus Dominus, &c. adorandus est adoratione Latriæ. 358.

PARAGRAPHVS SECVNDVS.

An Christi humanitas adoranda sit, & qua adoratione? 360.

- Prop. 1. **C**hristus una solùm adoratione est adorandus. 361.
2. Christi humanitas adoranda est adoratione Latriæ. 364.
3. Humanitas considerata sine Deitate cum sola sua summa gratia, & gloria creata Hyperdulia adoratione adoranda est. 366.

PARAGRAPHVS TERTIVS.

An Sancti, & B. Virgo adorandi sint, & qua adoratione? 366.

- Prop. 1. **S**ancti, & præcipue B. Virgo mater, sunt à nobis adorandi, & colendi; verùm non Latriæ. 367.
2. B. Vir-

Disputationum, & Propositionum, &c.

2. *B. Virgo non adoratur Latria propter periculum, quia, cum sit intellectualis naturæ, posset quis existimare, quòd talis adoratio sibi daretur propter seipsam; tamen absolutè, & simpliciter est adorabilis Latria. 368.*
3. *B. Virgo Maria adoranda est Hyperdulia, minori tamen ea, quæ debetur humanitati Christi separata. 369.*
4. *Omnes sancti sunt adorandi Dulia. ibid.*

PARAGRAPHVS QVARTVS.

An liceat sanctos apparentes adorare, & quia adoratione? 370.

- Prop. i. **N**on licet sanctos apparentes, vel Christum absolutè, & sine conditione apposita adorare. *ibid.*
2. *Non sufficit conditio habitualis ad adorandum sanctum apparentem, nec virtualis; sed requiritur omninò actualis. 372.*

PARAGRAPHVS QVINTVS.

An Reliquiæ Sanctorum debeant adorari, & qua adoratione? ibidem.

PARAGRAPHVS SEXTVS.

An Imagines debeant adorari? 376.

- Prop. vn. **I**magines Christi, Hominis Iesu, & Sanctorum honorandæ sunt; ea tamen lege, ut, sicut Tridentinum

Elenchus.

num dicit, in imaginibus non collocetur fiducia, nec ab eis aliquid petatur, nec in eis inesse credatur ulla Diuinitas, sed solum honorentur propter eos, quos nobis repræsentant. 377.

DISPUTATIO VNDECIMA.

De Peccato.

AN conueniat Christo; & utrùm de potentia Dei absoluta? 379.

Prop. I. Christus non contraxit originale peccatum, imò nec contrahere potuit. 380.

2. Nunquàm peccauit Christus cogitatione, verbo, aut opere. *ibidem.*
3. Fuit in Christo potentia peccandi, non tamen peccare potuit de potentia ordinaria, licet potuerit de potentia absoluta. 382.
4. Proponuntur nonnulla ad intelligentiam præcedentis propositionis. *ibid.*
5. Proponuntur quidam modi impugnandi nostram sententiam. 385.
6. Non concludere, ostenditur. 386.
7. Alius modus impugnandi aberrat à vera via. 391.
8. Alter modus dicendi non est verus. 392.
9. Adducuntur alie rationes contra præcedentem modum Aduersariorum; & probatur, non sequi per modum intrinsecum, Verbum dici peccans, etsi physice concurreret cum natura humana ad actionem peccaminosam. 394.
10. Alius modus dicendi distat à veritate. 398.
11. Alius modus Aduersariorum non est admittendus. 400.

\$\$\$

DIS-

Disputationum, & Propositionum, &c.

DISPUTATIO DVODECIMA.

De Sanctitate Christi.

Prop. 1. **S**anctitas præcisè sumpta non consistit in sola negatione peccati. 405.

2. Posituum, quod dicit sanctitas, consistit in physica, & positiva coniunctione cum Deo per affectum. 406.

3. Sanctitas creata non consistit in aliqua relatione. 407.

4. Singula attributa non sunt sanctitates, nec sanctificant Deum formaliter. 409.

5. Datur in Deo speciale attributum sanctitatis. 410.

6. Deitas, prout præcendit ab omni attributo, non est sanctitas. 412.

7. Si unio hypostatica esset in se sanctitas formalis, sanctificaret naturam creatam hypostaticè unitam in genere causæ formalis. ibid.

8. Si Deitas in se foret sanctitas respectu Dei, non posset tamen reddere sanctam naturam creatam assumptam. 416.

9. Si relatio personalis esset sanctitas formalis, non posset constituere formaliter sanctam humanitatem. 418.

10. Humanitas Christi fuit sanctificata sanctitate substantiali per ipsam unionem hypostaticam, & subsistentiam Verbi. 422.

11. Subsistentia Divina respectu naturæ humanæ debet dici gratia. 424.

Elenchus.

DE GRATIA CHRISTI.

12. *Habuit Christus gratiam iustificantem accidentalem inherentem, & informantem ex ipso primo instanti suae conceptionis, posterius tamen natura, quam facta sit unio.* 425.
13. *Gratia Christi fuit eiusdem speciei cum gratia iustorum quoad essentiam gratiae, licet possit dici alterius quoad modum habendi.* 426.
14. *Gratia sanctificans est summa in Christo.* 427.
15. *Gratia Christo concessa non fuit infinita.* 428.

DE INFINITO.

Prop. I. **E**Xtra Deum, nullum datur in rerum natura, nec Philosophus dari posse existimavit, nisi infinitum in potentia, vel syncategorematicum. 433.

2. *Per nullam potentiam dari potest infinitum categorematicum in sensu à Iunioribus usitato, ac per consequens extra Deum, solum datur infinitum syncategorematicum.* 435.
3. *Qualitas secundum intensionem non est infinitum syncategorematicum; quod ipsum videtur dicendum de formis substantialibus complete, vel incomplete subsistentibus: bene tamen secundum extensionem, praesertim discretam; quantitas vero omni modo extensionis est infinitum syncategorematicum.* 437.

Prop. vn. *Gratia Christi non est, nec potuit esse infinita in essentis, seu qualitatibus.* 450.

Disputationum, & Propositionum, &c.

DISPUTATIO TERTIADecima.

*De Christi scientia. Vbi de Lumine Glorie,
Visione, &c.*

Prop. 1. **B**eatifica scientia fuit in Christo homine non solum post Ascensionem in Cælum, sed ab instanti suæ Conceptionis. 455.

2. Visio beatifica Christi est clarior, & perfectior, quàm sit visio alterius hominis, aut Angeli. Et estò comprehensiva diuinæ essentiae non sit, est tamen summa possibilis. 456.

3. Visio diuinæ essentiae in Christo tanta est perfectione condecorata, etiamsi ad illam intellectus Christi præster actiuum concursus, ut ea perfectior nequeat dari. 458.

4. Lumen gloriæ fuit necessarium in Christo; quod tamen non est actualis visio, sed est aliquod operatiuum. 459.

5. Non est de fide, lumen gloriæ in Beatis esse habitum infusum à visione distinctum. 460.

6. Visio beatifica non requirit dispositionem in intellectu, ut recipiatur. 463.

7. Lumen gloriæ non requiritur, tanquàm potentia receptiua ipsius visionis. 467.

8. Visio non recipitur in toto composito integrato ex lumine, & intellectu. 468.

9. Visio beata immediatè recipitur in intellectu. 469.

10. Intellectus, ut est potentia animæ, est principium actiuum. 470.

11. Intellectus de facto concurret ad visionem beatam. 471.

12. Lu-

Elenchus.

12. *Lumen gloriae non est vitalis potentia ad visionem beatam.* 473.
 13. *Lumen gloriae, in rigore loquendo, nullam habet rationem potentiae, sed habitus; tamen largo modo, et transcendentaliter dici potest potentia.* 474.
 14. *Lumen gloriae non est totalis causa visionis beatificae.* 476.
 15. *Intellectus ad visionem beatificam concurrit per virtutem suam propriam.* 478.
 16. *Per Dei absolutam potentiam sine lumine gloriae, Deo suppleante concursum luminis, potest intellectus creatus actuè elicere visionem Divinae essentiae praesentatae in ratione obiecti.* 482.
 17. *Intellectus sine lumine gloriae, et absque eo, quod Deus suppleat concursum luminis gloriae, praesentata sibi essentia divina in ratione obiecti intelligibilis, potest elicere simul cum obiecto visionem divinae essentiae, non tamen beatificam.* 485.
- Pet. An possit ope superna dari intellectus talis excellentiae, ut valeat ex nativa virtute producere visionem beatificam sine lumine gloriae?* 488.
- Prop. vn. Deus de sua potentia absoluta nequit facere eam accretionem nativae facultati intellectus, ut ipse supplere valeat actiuitatem luminis gloriae.* *ibid.*

DISPUTATIO QUARTADECIMA.

De Visione creaturarum in Verbo. 494.

Prop. i. C *Hristus, quae vidit in Verbo, cognovit perfectius, quam ulla alia creatura.* 500.

2. Ani-

Disputationum, & Propositionum, &c.

2. *Anima Christi non videt actualiter in Verbo omnia, quæ videt ipsum Verbum. ibid.*
3. *Anima Christi non videt in verbo omnia possibilia. 504.*

DISPUTATIO QVINTADECIMA.

De scientia Christi in proprio rerum genere. 506.

Prop. 1. **C**hristus habuit aliquam scientiam rerum in proprio genere. 506.

2. *Christus habuit scientiam per se infusam de rebus in proprio genere. 507.*
3. *Hec scientia per se infusa data fuit Christo ab instanti sue conceptionis, quantum ad habitum, seu actum primum adequatum eius, & etiam quantum ad aliquos saltem actus. 509.*
4. *Non habuit Christus scientiam per se infusam omnium rerum naturalium, quas cognoscebat in proprio genere. ibid.*
5. *Cognitiones Christi independentes à corpore, & similes illis, quas habent animæ separatae de obiectis merè naturalibus, non fuerunt per se infusæ, nec quòad substantiam, nec quòad modum. 512.*
6. *Christus habet scientiam per se infusam de Deo secundum quamcumque rationem obiectiuam, secundum quam scit ipsum cognitione acquisita, siue dependenter à sensibus, siue independenter. 513.*
7. *Christus habet species per se infusas de omni obiecto, de quo habet scientiam per se infusam. 514.*
8. *Nec Christus, nec ullus alius, mediante quacumque specie,*

Elenchus.

cie, potest elicere scientiam per se infusam absque supernaturali habitu physico, vel concursu particulari Dei supplente defectum talis habitus. § 15.

9. Cognitio Christi de futuris in seipsis est talis naturæ quantum ad naturalitatem, vel supernaturalitatem, qualis est ea, qua cognoscit illa actualiter existentia. § 16.

10. Scientia Christi tam habitualis, quam actualis de rebus in proprio genere est perfectissima, non positivè, sed tantum negativè. § 17.

11. Christus habuit scientiam per accidens infusam. § 18.

12. Christus in decursu temporis vitæ suæ acquisivit scientiam experimentalem multarum rerum. *ibid.*

DISPUTATIO SEXTADECIMA.

De Potentia Christi.

Prop. I. **V**trum Christus habuerit omnipotentiam? § 23.
Omnipotentia nec per potentiam Dei absolutam potest communicari alicui creaturae. § 26.

2. Non fuit in Christo omnipotentia. § 30.
De Miraculis, et Mirabilibus. § 32.

Diff. An, quando noster B. Iacobus à Marchia suscitavit mortuum, sicut redijt eadem anima, redierit etiam eadem unio? § 36.

De efficacia verborum. § 39.

Disputationum, & Propositionum, &c.

DISPUTATIO DECIMASEPTIMA.

De Dolor, & Tristitia Christi.

- Prop. 1. **V**erus in Christo dolor fuit, veraque tristitia, sed longe aliter, quam in nobis. 544.
2. Absolutè tristabatur Christus de peccatis alienis, & ex hypotesi de passione propria, idque tam secundum portionem superiorem, quam inferiorem. 546.

DISPUTATIO DECIMAOCTAVA.

De Christi mortalitate, & Morte.

- Prop. 1. **M**ortalis erat Christus, quia homo; & naturalem corruptionem non prohibebat unio facta cum Verbo; sed prohibebat redundantiam gloria in corpus. 549.
2. Violenta morte obiit Christus, habens moriendi necessitatem ex vi tormentorum; fuit tamen voluntaria mors. 550.
3. Cruci affixus inter duos latrones æquinoctio verno congruentissimè mori Christus voluit.

DISPUTATIO DECIMANONA.

De humana Christi voluntate, & oratione.

- Prop. I. **I**N Christo, præter Diuinam voluntatem, admittē-
re debemus eandem humanam, quam in nobis ip-
sis experimur. 553.
2. Voluntas humana Christi Diuinæ voluntati contraria non
fuit. 554.
 3. Orauit Christus in terris: orat nunc in cælis: semper eius
oratio exauditur, si ex absoluta voluntate manauerit. 555.
 4. Orant Sancti pro nobis, & vident nostras orationes. 561.

DISPUTATIO VIGESIMA.

De Merito Christi.

- Prop. I. **M**eriti de condigno definitio. 565.
2. Licet opera procedentia ex habito gratiæ ali-
quem valorem, & dignitatem habeant respectu vitæ ater-
næ; tamen talis valor, præciso pacto, & promissione Dei, qua
vitam æternam promisit iustis, in ratione perfectionis, &
æstimabilitatis non sunt æqualis perfectionis cum vita ater-
na. 574.
 3. Meritum formaliter sumptum, ut fundat condignitatem,
seu ius, & debitum præmij, dicit necessario particularem Dei
acceptationem. 581.
 4. Operationes Christi Domini habuerunt veram, & pro-
priam
SSSS

Disputationum, & Propositionum, &c.

priam rationem meriti. 590.

5. *Christus meruit nobis actibus exterioribus sensitiuis imperatis à voluntate.* 594.
6. *Christus fuit meritus actibus interioribus imperatis à voluntate.* 595.
7. *Christus meruit fruitione.* 596.
8. *Christus meruit usu.* 597.
9. *Christus meruit nobis acerbissima passione tolerata.* 598.
10. *Christus meruit magis uno actu, quam alio.* 599.
11. *Christus meruit per actiones portionis tam inferioris, quam superioris.* 601.
12. *Christus meruit quodammodo per ipsam fruitionem beatificam.* 605.
13. *Christus meruit per actus virtutum moralium, v.g. Iustitia, &c.* 608.
14. *Meritum Christi fuit maximum, sed non infinitum in ratione meriti.* 609.
15. *Eliminantur Aduersariorum placita.* 613.
16. *Opera Christi Domini fuerunt finiti meriti, & valoris simpliciter, & intensiue: possunt tamen dici infiniti valoris extensiue, & extrinsecè.* 619.

De Operibus Præcepti.

D I F F I C V L T A S.

Vtrum Christus meruerit operibus præcepti, & quando incæpit, & finiuit mereri. 626.

Prop. I. *Aliquorum dicendi modus non admittitur.* 628.

2. *Alio-*

Elenchus.

2. *Aliorum opinio confutatur.* 629.
3. *Aliorum sententia non satisfacit.* 631.
4. *Aliorum placita examinantur, & verior sententia adducitur.* 634.
5. *De praeceptis positivis.* 635.
6. *Christus incæpit mereri in primo instanti suæ conceptionis.* 637.
7. *Christus continuavit meritum toto tempore vitæ sinè interruptione, & intervallo ullo.* 640.
8. *Mors Christi fuit terminus meriti eius.* 641.
9. *Humanitas Christi defacto non meruit unionem hypostaticam per opera antecedentia illam prioritate naturæ.* 642.
10. *Potuit humanitas Christi per actum prius tantum natura elicitum mereri de condigno unionem hypostaticam.* 644.
11. *Christus potuisset, si Deus voluisset, mereri de condigno suam Incarnationem per merita subsequencia.* 648.
12. *Christus non meruit defacto suam visionem beatificam, nec amorem illam sequentem, nec alia dona sibi collata simul cum unionem hypostaticam.* 655.
13. *Christus non meruit defacto continuationem unionis hypostaticæ, nec beatitudinis, aut aliorum donorum in primo instanti collatorum intuitu unionis; potuit tamen ea mereri.* 656.
14. *Meruit sibi Christus immortalitatis, & impassibilitatis gloriam.* *ibid.*
15. *Meruit Christus primis Parentibus in statu Innocentiæ gratiam habitualement, & alia dona supernaturalia illius status.* 659.
16. *Christus meruit reparationem ruinæ Angelorum.* 660.

Disputationum, & Propositionum, &c.

17. *Christus meruit Angelis gratiam sanctificantem, & donum perseverantiae. 661.*

DISPUTATIO VIGESIMAPRIMA.

De Christo Redemptore, & Mediatore.

Prop. 1. **C**hristus est Redemptor, & Mediator noster. 664.

2. Redemit nos Christus, satisfaciendo Deo Patri passione, & morte sua. 665.

Diff. *Virum satisfactio Christi fuerit ex rigore iustitiae?* 666.

Prop. 1. *Satisfactio Christi fuit sufficienter ad alterum; unde ex hac parte non defecit à rigore iustitiae.* 674.

2. *Satisfactio Christi non fuit ab ipso debitore personaliter, adeoque ex hac parte defecit à rigore iustitiae.* 675.

3. *Potuit satisfactio Christi non acceptari à creditore; ideoque ex hoc defecit à rigore iustitiae.* 676.

4. *Quarta, & quinta iustitiae conditio, &c. saluari possunt in satisfactione Christi, quare ex hoc non defecit à rigore iustitiae.* 677.

5. *Ultima conditio defuit satisfactioni Christi ad rigorem iustitiae.* 678.

6. *Non fuit ex actu satisfactio Christi in ipso genere vindictivae iustitiae.* 679.

7. *Notantur nonnulla pro maiori solutione supraposita difficultatis.* 680.

8. *Ilud, quod est solutum Deo à Christo pro homine, excedit id, quod ablatum fuit, & amissum per peccatū hominis.* 683.

9. Chri-

Elenchus.

9. *Christus per modum Redemptionis satisfecit ex condigno perfectè, & ex rigore iustitiæ. 684.*
10. *Christus perfectè reparavit damna generis humani. 689.*
11. *Ad Christi satisfactionem fuit necessaria diuina acceptatio. 690.*
12. *Pro iniuria Deo facta à peccatore non potest satisfieri Deo secundum rigorem iustitiæ, circumscripta acceptatione diuina. 692.*
13. *Profligantur argumenta. 693.*
14. *Peccator non facit iniuriam veram Deo, quandocumque peccat: unde peccatum ex se non continet veram iniustitiam; potest tamen fieri peccatum, quod sit vera iniuria Deo. 701.*

D V B I V M.

AN definitiones possessionis, & proprietatis sint legitime assignatæ? 704.

1. *Definitio possessionis non est assignata secundum formam, sed secundum causam; & ita est bona. 705.*
2. *Definitio proprietatis est bona, & assignatur per causam, cum dicit, dominium rei iustis modis acquisitum.*

A L I V D D V B I V M.

AN ususfructus, & usus distinguantur, rectèque definiantur?

- Prop. 15. *Peccator ex peccato suo quomodocumque non est delictor alicuius reddendi Deo per modum satisfactionis, & reparationis damni ex iustitia commutatiua. 713.*

Disputationum, & Propositionum, &c.

16. *Satisfactio Christi non fuit in materia iustitia.* 715.

An genus humanum potuerit per satisfactionem puri hominis reparari? 716.

F I N I S.

1010501

INDEX

INDEX

BIBLICVS LOCORVM

MAGIS NOTABILIVM,

& ad rem facientium , per capita ,
& numeros.

Genesis.

- C**apite primo , numero primo . *Fiat lux , & facta est lux , & vidit Deus lucem , quod esset bona . disp.6.nu.135.*
- Num. 16. Fecit Deus duo luminaria magna , luminare maius , vt praeffet diei , & luminare minus , vt praeffet nocti . disp.6.nu.136.*
- Num.31. Vidit Deus cuncta , quae fecerat , & erant valde bona . disp. 1. nu. 66. disp. 6. nu.53. & disp.12.nu.5.*
- Cap. 2. nu. 16. & 17. Ex omni ligno Paradisi comede , de ligno autem scientiae boni , & mali , ne comedas , in quocumque enim die comederis ex eo , mor- te morieris . disp.6. nu.63. & nu.117.*
- Num.16. Non est bonum , hominem esse solum , faciamus ei adiutorium si- mile sibi . disp.4. n.3.*
- Cap.3. nu.15. Inimicitias ponam inter te , & mulierem , & semen tuum , & semen illius . disp.6.nu.132.*
- Num.16. Sub viri potestate eris , & ipse dominabitur tui . disp.6.n.33.*
- Num. 22. Ne forte mittat manum suam , & sumat de ligno vitae , & co- medat , & vivat in eternum . disp.6. nu. 81.*
- Cap.4.nu.4. Respexit Dominus ad Abel , & ad munera eius . disp.20.nu.3. & disp.21. nu.36.*
- Cap.5. nu. 3. Vixit Adam 130. annis , & genuit filium ad imaginem , & si- militudinem suam . disp.4. nu.5.*
- Cap.6.nu.7. Pœnitet enim me fecisse eos . disp.17. nu.2.*
- Num.12. Omnis quippe caro corruperat viam suam . disp.6.nu.437.*
- Cap.7. nu.18. Porro arca ferebatur super aquas . disp.6.n.137.*
- Cap.9. nu.2. Terror vester , & tremor sit super cuncta animalia terra . disp.6. nu.27.*
- Cap.22. nu.16. Per memetipsum iuravi , quia fecisti hanc rem . disp.20. nu.*

INDEX

- Num. 18. Benedicentur in semine tuo omnes gentes terræ. disp. 4. nu. 3.*
Cap. 33. nu. 3. Et ipse progrediens adoravit pronus in terram septies. disp. 10. nu. 1.
Cap. 47. nu. 26. Ex eo tempore usque in presentem diem in uniuersa Terra Aegypti Regibus quinta pars soluitur. & factum est quasi in legem. absque Terra Sacerdotali, quæ libera ab hac conditione fuit. disp. 6. n. 137.
Cap. 49. nu. 10. Et ipse eris expectatio gentium. disp. 9. nu. 19.

Exodus.

- Cap. 3. nu. 14. Ego sum, qui sum: sic dices filiys Israel: qui est, misit me ad vos. disp. 5. nu. 36.*

Deuteronomium.

- Cap. 6. nu. 13. Dominum Deum tuum timebis, & illi soli seruiēs. disp. 10. nu. 1.*

Primus Regum.

- Cap. 2. nu. 30. Quicumque glorificauerit me, glorificabo eum, qui autem contemnunt me, erunt ignobiles. disp. 10. nu. 43.*
Cap. 16. nu. 2. & 5. Ad immolandum Domino veni, sanctificamini, & venite mecum, ut immolem. disp. 9. nu. 17.

Quartus Regum.

- Cap. 19. nu. 34. Protegam urbem hanc, & saluabo eam propter me, & propter David seruum meum. disp. 6. nu. 196.*

Iudith.

- Cap. 14. n. 16. Vna mulier Hebræa confusionem fecit in omni domo Regis Nabuchodonosor. disp. 6. nu. 138.*

Esther.

- Cap. 15. nu. 13. Noli timere: Non enim pro te, sed pro omnibus hæc lex constituta est. disp. 6. nu. 138. nu. 195. & nu. 197.*

Liber Iob.

- Cap. 3. nu. 3. Maledicta nox, in qua dictum est, conceptus est homo. disp. 6. nu. 135.*
Cap. 6. n. 2. Utinam appenderentur peccata mea. disp. 20. nu. 103.
Cap. 14. nu. 4. Quis potest facere mundum de immundo conceptum semine, nonne tu qui solus es? disp. 6. nu. 32.
Cap. 41. nu. 4. Quis reuelabit faciem indumenti eius. disp. 10. nu. 52.

Liber

BIBLICS.

Liber Psalmorum.

Psalms. 2. nu. 7. Ego hodie genui te disp. 9. nu. 69.

Num. 8. Postula à me, & dabo tibi gentes hereditatem tuam. disp. 19. n. 15.

Psalms. 4. nu. 7. Signatum est super nos lumen vultus tui, Domine. disp. 13. num. 11.

Psalms. 7. nu. 2. Domine Deus meus, in te speravi. disp. 10. nu. 2.

Psalms. 13. nu. 3. Omnes declinauerunt simul. disp. 6. nu. 82.

Psalms. 15. nu. 10. Quoniam non derelinques animam meam in inferno, nec dabis sanctum tuum videre corruptionem. disp. 5. nu. 35. & disp. 13. n. 1.

Ibidem. Adimplebis me letitia. disp. 13. nu. 1.

Psalms. 21. nu. 2. Deus, Deus meus, respice in me, quare me dereliquisti? longe à salute verba delictorum meorum. disp. 17. nu. 6. & disp. 11. nu. 3. An Psalmus hic 21. totus à Christo in Cruce fuerit decantatus disp. 11. nu. 34.

Psalms. 22. nu. 8. & 10. Quis est iste Rex gloria? Dominus fortis, & potens. disp. 1. nu. 33.

Psalms. 29. nu. 10. Quae utilitas in sanguine meo, dum descendo in corruptionem. disp. 5. nu. 34.

Psalms. 32. nu. 6. Verbo Domini caeli firmati sunt, & spiritu oris eius omnis virtus eorum. disp. 1. nu. 56.

Psalms. 35. nu. 10. In lumine tuo videhimus lumen. disp. 13. nu. 63.

Psalms. 39. nu. 7. Sacrificium, & oblationem noluiisti: corpus autem adaptaisti mihi. disp. 21. nu. 106.

Num. 9. Deus meus volui, & legem tuam in medio cordis mei. disp. 20. nu. 115.

Psalms. 44. nu. 8. Dilexisti iustitiam, & odisti iniquitatem, propterea vixit te Deus oleo letitiae. disp. 20. nu. 139.

Psalms. 50. nu. 7. In iniquitatibus conceptus sum, & in peccatis concepit me mater mea. disp. 6. nu. 82. & disp. 9. nu. 42. & 44.

Psalms. 68. n. 5. Quae non rapui, tunc exolebam. disp. 21. nu. 106.

Psalms. 71. nu. 18. Qui facit mirabilia magna solus. disp. 16. nu. 19.

Psalms. 81. nu. 6. Ego dixi: Dy estis, & filij excelsi omnes. disp. 4. n. 2.

Psalms. 96. n. 7. Adorate eum omnes Angeli eius. disp. 10. nu. 30.

Psalms. 98. nu. 5. Adorate scabellum pedum eius. disp. 10. nu. 62.

Psalms. 106. nu. 17. Propter iniustitias enim suas humilitati sunt. disp. 21. nu.

103.

Psalms. 109. nu. 6. Indicabit in Nationibus, implebit ruinas disp. 20. nu. 168.

Psalms. 129. nu. 7. Copiosa apud eum redemptio. disp. 21. nu. 45.

Psalms. 138. nu. 17. Nimis honorati sunt amici tui, Deus. disp. 10. n. 43.

Psalms. 143. n. 10. Qui redemisti Dauid seruum tuum de gladio maligno. disp. 6. nu. 202.

§ § § § §

Pro-

I N D E X

Prouerbia Salomonis.

- Cap. 8. nu. 22. Dominus possedit me in initio viarum suarum, antequàm quid-
quam faceret à principio. disp. 6. nu. 194. & disp. 9. nu. 1.
Cap. 12. nu. 21. Non contristabit iustum quicquid ei acciderit. disp. 17. nu. 4.

Liber Sapientix.

- Cap. 4. nu. 11. Raptus est, nè malitia mutaret intellectum eius. disp. 9. nu. 31.
Cap. 7. nu. 14. Infinitus enim thesaurus est hominibus, i quo qui vñ sunt, par-
ticipes facti sunt amicitia Dei, propter disciplina dona commendati disp.
20, nu. 105.

Ecclesiasticus.

- Cap. 15. nu. 15. Adiecit mandata, & precepta sua: si volueris mandata serua-
re, conseruabunt te disp. 6. nu. 117.
Cap. 19 nu. 4. Qui credit cito, leuis est corde. disp. 10. nu. 52.
Cap. 24. nu. 5. Ego ex ore Altissimi prodini, primogenita ante omnem creatu-
ram. disp. 6. nu. 194.
Num. 14. Ab Initio, & ante Sæcula creata sum. disp. 6. n. 194. & disp. 9.
nu. 1.
Cap. 31. nu. 10. Qui potuit transgredi, & non est transgressus facere malum,
& non fecit, idè stabilita sunt bona illius in Domino, & eleemosynas
illius enarrabit omnis Ecclesia Sanctorum. disp. 20. nu. 2.
Cap. 43. nu. 32. Glorificantes Dominum, quantum potueritis, superualebit
ad huc, & admirabilis magnificentia eius. Benedicentes Dominum, ex al-
tate illum, quantum potestis: maior enim est omni laude. disp. 10. nu. 6.
& nu. 20.

Isaias.

- Cap. 1. nu. 27. Sion in iudicio redimetur. disp. 21. nu. 108.
Cap. 3. nu. 10. Dicite iusto, quoniam bene, quoniam fructum adinventionum
suarum comedet. disp. 20. nu. 45.
Cap. 8. nu. 3. Antequàm sciat puer vocare patrem suum, & matrem suam, au-
feretur fortitudo Damasci. disp. 15. nu. 25.
Cap. 10. nu. 22. Si enim fuerit populus tuus Israel, quasi arena maris, reli-
quæ conuertentur ex eo: consumatio abbreviata inundabit iustitiam. disp.
21. nu. 49.
Cap. 45. nu. 35. Deus absconditus, Deus Israel Saluator. disp. 1. nu. 36. &
44.
Cap. 53. nu. 7. Oblatus est, quia ipse voluit. disp. 18. nu. 4.
Num. 9. Generationem eius quis enarrabit. disp. 1. nu. 36.

Num. 9.

B I B L I C V S.

Num. 9. Iniquitatem non fecerit, nec dolus inuentus fuerit in ore eius. disp. 5. nu. 33.

Num. 10. Si posuerit pro peccato animam suam, videbit semen longeuum, & voluntas Domini in manu eius dirigetur pro eo, quod anima eius laborauit. videbit & saturabitur: in scientia sua iustificabit ipse iustus seruus meus multos, &c. disp. 20. nu. 45. & disp. 21. nu. 48.

Num. 12. Ipse peccata multorum tulit, & pro transgressoribus rogauit. disp. 21. nu. 45.

Cap. 63 nu. 1. Quis est iste, qui venit de Edom, tinctis vestibus de Bosra? Ego, qui loquor iustitiam, & propugnator sum ad saluandum. disp. 1. nu. 33. & disp. 4. nu. 5.

Num. 2. Quare rubrum est vestimentum tuum? disp. 4. nu. 5.

Num. 16. Abraham nesciuit nos, & Israel ignorauit nos. disp. 19. nu. 22.

Cap. 64. nu. 6. Cecidimus. quasi folium, uniuersi. disp. 6. nu. 105.

Ieremias.

Cap. 32. nu. 19. Magnus consilio, & incomprehensibilis cogitatio. disp. 13 nu. 5.

Daniel.

Cap. 3. nu. 18. Notum sit tibi, Rex, quia deos tuos non colimus, & statuam auream, quam erexisti, non adoramus. disp. 10. nu. 1.

Osee.

Cap. 6. nu. 7. Ipsi sicut Adam, transgressi sunt pactum, ibi preuaticati sunt in me. disp. 6 nu. 82.

Cap. 13. nu. 9. Perditio tua ex te Israel. disp. 9 nu. 29.

Matthæi Euangelium.

Cap. 1. nu. 16. De qua natus Iesus, qui vocatur Christus. disp. 9 nu. 69. & disp. 4. nu. 4.

Cap. 4 nu. 10. Dominum tuum adorabis, & illi soli seruias. disp. 10. nu. 1. & nu. 23. & nu. 42.

Cap. 5. nu. 6. Beati, qui esuriunt, & sitiunt iustitiam. disp. 21. nu. 5.

Num. 8. Beati mundo corde, quoniam ipsi Deum videbunt. disp. 13. nu. 35.

Num. 35. Nolite iurare per Cælum, quia thronus Dei est. disp. 10. n. 62.

Num. 41. Diligite inimicos vestros, & erit merces vestra magna nimis. disp. 20. nu. 17.

Cap. 6. nu. 1. Attendite; ne iustitiam vestram faciatis coram hominibus. disp. 21. nu. 5.

Cap. 9. nu. 6. Ut autem sciatis, quia filius hominis habet potestatem in terra

I N D E X

- dimittendi peccata, tunc ait paralitico: surge, tolle lectum tuum, & vade in domum tuam. disp. 16. nu. 11.
- Num. 14. Quare discipuli tui non ieiunant. disp. 20. nu. 97.
- Cap. 10. nu. 30. Omnes capilli capitis vestri numerati sunt. disp. 20. nu. 49.
- Cap. 11. nu. 29. Discite à me, qui mitis sum, & humilis corde. disp. 10. nu. 21.
- Cap. 15. nu. 24. Non sum missus, nisi ad oues, quæ perierant domus Israel. disp. 9. nu. 19.
- Cap. 16. nu. 15. Vos autem, quem me esse dicitis? Tu es Christus filius Dei vivi, &c. disp. 4. nu. 2.
- Num. 17. Caro, & sanguis non reuelauit tibi. disp. 5. nu. 7.
- Num. 27. Reddet unicuique secundum opera eius. disp. 20. nu. 4.
- Cap. 19. nu. 6. Quod ergo Deus coniunxit, homo non separet. disp. 5. nu. 31.
- Num. 17. Si vis ad vitam ingredi, serua mandata. disp. 20. nu. 4. nu. 17. nu. 41. & nu. 52.
- Num. 28. Vos, qui reliquistis omnia, & secuti estis me, centuplum accipietis, & vitam æternam possidebitis. disp. 10. nu. 43.
- Cap. 20. nu. 4. & 7. Ite & vos in viniam meam, & quod iustum fuerit, dabo vobis. disp. 10. nu. 41.
- Num. 13. Nonne ex denario conuenisti mecum? tolle, quod tuum est, & vade. disp. 20. nu. 31.
- Cap. 26. nu. 37. Caput tristari, & mortuus esse. disp. 17. nu. 4.
- Num. 38. Tristis est anima mea usque ad mortem. disp. 17. nu. 2.
- Num. 39. Pater si possibile est, transeat à me calix iste: verumtamen non sicut ego volo, sed sicut tu. disp. 11. nu. 4. disp. 19. nu. 4. & nu. 18. & disp. 20. nu. 60.
- Num. 53. An putas, quia non possum rogare patrem meum, & exhibebit mihi plusquam duodecim legiones Angelorum. disp. 20. nu. 117. & 127.

Marci Euangelium.

- Cap. 6. nu. 5. Non poterat ibi virtutem ullam facere, nisi paucos infirmos, impositis manibus, curare. disp. 16. nu. 17.
- Cap. 14. nu. 62. Tu es Christus filius Dei benedixisti Ego sum. disp. 4. nu. 2.

Euangelium Lucæ.

- Cap. 1. nu. 30. Ecce concipies in utero, & paries filium. disp. 4. nu. 4.
- Num. 35. Spiritus sanctus superueniet in te. disp. 6. nu. 208.
- Num. 78. Per viscera misericordie Dei nostri visitauit nos oriens ex alto. disp. 20. nu. 136.
- Cap. 2. nu. 14. Gloria in altissimis Deo. disp. 10. nu. 40.
- Num. 52. Proficiebat sapientia, & ætate, & gratia. disp. 15. nu. 25.
- Cap. 3. nu. 6. Videbit omnis caro salutare Dei. disp. 1. nu. 4.

Cap. 6.

BIBLICKS.

Cap. 6. nu. 19. Omnis turba querebat eum tangere, quia virtus de illo exibat. disp. 16. nu. 11.

Cap. 14. nu. 11. Omnis, qui se humiliat, exaltabitur. disp. 10. nu. 21.

Cap. 17. nu. 10. Cum feceritis omnia, quae praecepta sunt vobis, dicite: servi inutiles sumus. disp. 21. nu. 112.

Cap. 21. nu. 18. Et capillus de capite vestro non peribit. disp. 5. nu. 28.

Cap. 22. nu. 29. Ego dispono vobis regnum, &c. disp. 10. nu. 43.

Num. 42. Veruntamen non mea voluntas, sed tua fiat. disp. 19. nu. 1.

Cap. 24. nu. 26. Oportuit Christum pati, & ita intrare in gloriam suam. disp. 6. nu. 212. disp. 13. nu. 1. disp. 20. nu. 163.

Num. 38. Palpate, & videte, quoniam spiritus carnem, & ossa non habet, sicut me videtis habere. disp. 4. nu. 8. & disp. 5. nu. 38.

Euangelium Ioannis.

Cap. 1. nu. 12. Dedit eis potestatem filios Dei fieri, his, qui credunt in nomine eius. disp. 1. nu. 56.

Num. 14. Verbum caro factum est, & vidimus gloriam eius, gloriam, quae unigeniti à Patre, Plenum gratia, & veritatis. disp. 5. nu. 55. & disp. 13. nu. 1.

Num. 16. Et de plenitudine eius nos omnes accepimus. disp. 12. nu. 17.

Num. 29. Ecce, qui tollit peccatum Mundi. In Græco habetur, qui tollit illud peccatum Mundi. disp. 6. nu. 82. & disp. 9. nu. 44.

Cap. 2. nu. 24. Ipse autem Iesus non credebat semetipsum eis, eò quod ipse nosset omnes, & quia ei opus non erat, ut quis testimonium perhiberet de homine: ipse enim sciebat, quid esset in homine. disp. 14. nu. 22.

Cap. 3. nu. 14. Nemo ascendit in Cælum, nisi qui descendit de cælo. disp. 6. nu. 211.

Num. 16. Sic Deus dilexit mundum, ut filium suum unigenitum daret. disp. 20. nu. 138.

Cap. 6. nu. 38. Quia de cælo descendi, non ut faciam voluntatem meam, sed voluntatem eius, qui misit me, Patris. disp. 19. nu. 1.

Num. 63. si ergo videritis filium hominis ascendentem, ubi erat prius. disp. 17. nu. 5.

Cap. 7. nu. 8. Vos ascendite ad diem festum hunc, ego autem non ascendo. disp. 9. nu. 19.

Num. 15. Quomodo hic litteras seit, cum non didicerit? disp. 15. nu. 3.

Cap. 8. nu. 34. Qui facit peccatum, servus est peccati. disp. 21. nu. 2.

Num. 44. Vos ex Patre Diabolo estis, & desideria Patris vestri vultis perficere. disp. 21. nu. 3.

Num. 46. Quis ex vobis arguet me de peccato. disp. 11. nu. 1.

Cap. 9. nu. 4. Venit nox, in qua nemo potest operari. disp. 20. nu. 12.

§§§§§ 3

Cap. 10.

I N D E X

Cap. 10. nu. 18. Potestatem habeo ponendi animam, & iterum eam sumendi.
disp. 18. nu. 4.

Num. 31. Ego, & Pater unum sumus. disp. 4. nu. 2.

Cap. 11. nu. 42. Ego autem sciebam, quod semper me exaudis. disp. 19. nu. 17.

Cap. 12. nu. 27. Nunc anima mea turbata est, & quid dicam? Pater clarifica
me ex hac hora, & propterea veni in hanc horam, Pater, clarifica no-
men tuum: venit ergo pater de caelo, & clarificavi, & iterum clarificabo.
disp. 5. nu. 37.

Num. 31. Nunc iudicium est mundi, nunc princeps huius mundi ejcietur
foras. disp. 21. nu. 43.

Num. 32. Ego se exaltatus sum à terra, omnia traham ad meipsum. disp.
18. nu. 5.

Cap. 14. n. 12. Qui credit in me, opera, quae ego facio, & ipse faciet, & maio-
ra horum faciet. disp. 16. nu. 16.

Num. 28. Pater maior me est. disp. 4. n. 2.

Num. 30. Venit princeps mundi huius, & in me non habet quidquam. disp.
10. nu. 1. & disp. 21. nu. 43.

Cap. 17. nu. 5. Clarifica me Pater, claritate, quam habui, priusquam mundus
fieret. disp. 13. n. 1. & disp. 20. nu. 139.

Num. 15. Non rogo pro eis, ut tollas eos de mundo; sed ut serves eos à ma-
lis. disp. 21. nu. 45.

Num. 21. Rogo, Pater, ut di unum sint, sicut & nos. disp. 21. nu. 45.

Num. 22. Ego claritatem, quam dedisti mihi, dedi eis. disp. 20. nu. 53.

Cap. 19. nu. 33. Cum vidissent eum iam mortuum, non frangerunt eius cruras; sed
unus militum lancea latus eius aperuit. disp. 20. nu. 135.

Actus Apostolici.

Cap. 4. nu. 27. Conveniunt verè in Civitate ista adversus Sanctum puerum
tuum Iesum quem unxisti, Herodes, & Pontius-Pilatus cum gentibus,
& populus Israel facere, quae manus tua, & consilium tuum decreverunt.
fieri. disp. 18. nu. 5.

Cap. 8. nu. 2. Curaverunt Stephanum virum timorati. disp. 10. nu. 53.

Cap. 20. nu. 28. Attendite vobis, & universo gregi, in quo posuit vos Deus
regere Ecclesiam Dei, quam acquisivit sanguine suo. disp. 5. nu. 29.

Ad Romanos.

Cap. 1. nu. 3. De Filio Dei, qui factus est ex semine David secundum carnem.
disp. 4. nu. 4.

Num. 10. Invisibilia Dei per ea, quae facta sunt, à creatura mundi intelle-
cta conspiciuntur, sempiterna quoque eius virtus, & divinitas. disp. 10.
nu. 13.

Cap. 2.

B I B L I C K S.

Cap. 2. nu. 10. Gloria, & honor, & pax omni operanti bonum; Iudae primum,
& Græco. disp. 10 nu. 48.

Num. 13. Factores legis iustificabuntur. disp. 20 nu. 4.

Cap. 3. nu. 23. Omnes peccaverunt, & egent gloria Dei. disp. 6 nu. 82.

Num. 25. Quem proposuit Deus propitiationem per fidem ad ostensionem
iustitiae suae. disp. 21. nu. 68. & 108.

Cap. 4. nu. 4. Ei autem, qui operatur, merces non imputatur secundum gratiam,
sed secundum debitum. disp. 20. nu. 31.

Num. 15. Vbi non est lex, nec praevaricatio. disp. 6. nu. 182.

Num. 25. Christus resurrexit propter iustificationem nostram. disp. 20. nu.
136.

Cap. 5. nu. 8. Commendat autem Deus charitatem suam in nobis. disp. 1. nu. 69.

Num. 12. Per unum hominem peccatum in hunc mundum intravit, & per
peccatum mors, & ita in omnes homines mors pertransiit, in quo omnes
peccaverunt. disp. 6. nu. 63. nu. 23. & nu. 100. nu. 105. nu. 188. & nu.
198. & disp. 18 nu. 1.

Num. 14. Regnavit mors ab Ada usque ad Moysen, etiam in eos, qui non
peccaverunt in similitudinem praevaricationis Adae. disp. 6. nu. 115.

Num. 15. Non enim sicut delictum ita & donum. disp. 21. nu. 53.

Num. 18. Sicut per unius delictum in omnes homines in condemnationem,
sic & per unius iustitiam in omnes homines in iustificationem. vite. disp.
21. nu. 63.

Num. 19. Per inobedientiam unius hominis peccatores constituti sunt multi.
disp. 6. nu. 105. & nu. 111. & disp. 20. nu. 151.

Num. 20. Vbi autem abundavit delictum, superabundavit & gratia. disp.
21. nu. 42.

Cap. 6. nu. 23. Stipendia peccati mors. disp. 6. nu. 82.

Cap. 7. nu. 20. Si autem quod nolo, illud facio, iam non ego operor illud, sed
quod habitat in me peccatum. disp. 6. nu. 206.

Num. 23. Video aliam legem in membris meis, repugnantem legi mentis
meae, & captivantem me in lege peccati. disp. 6. nu. 55. & 95.

Cap. 9. nu. 1. Nihil damnationis est iis qui sunt in Christo Iesu. disp. 6. nu. 97.

Num. 18. Non sunt condignae passionibus huius temporis ad futuram gloriam,
quae revelabitur in nobis. disp. 20. nu. 20.

Num. 9. Quos praeceperat, & praeordinavit conformes fieri imagini filii sui,
ut sit primogenitus in multis fratribus. disp. 6. nu. 211. & disp. 9. nu. 3.
& disp. 12. nu. 36.

Num. 4. Qui est ad dexteram Dei, qui etiam interpellat pro nobis. disp.
19 nu. 16.

Cap. 11. nu. 27. Sine poenitentia enim sunt dona, & vocatio. disp. 5. nu. 33.

Cap. 12. nu. 1. Rationabile obsequium vestrum. disp. 10. nu. 15.

Cap. 13

I N D E X

Cap. 13. nu. 10. Plenitudo ergo legis est dilectio. disp. 20. nu. 52.

Corinthiorum Prima.

Cap. 1. nu. 30. Factus est nobis sapientia, iustitia, sanctificatio, & redemptio.
disp. 21. nu. 44. & nu. 108.

Cap. 2. nu. 8. Si cognovissent, nunquam Dominum gloria crucifixissent. disp.
1. nu. 44.

Cap. 3. nu. 21. Omnia enim vestra sunt, siue Paulus, siue Apollo, siue Cephas,
siue vita, siue mors, siue presentia, siue futura; vos autem Christi, Chri-
stus autem Dei. disp. 20. nu. 169.

Cap. 13. nu. 10. Abundantiùs illis omnibus laboravi : non autem ego solus, sed
gratia Dei mecum. disp. 13. nu. 49.

Corinthiorum secunda.

Cap. 4 nu. 17. Quod momentaneum est, & leue tribulationis nostra, supra mo-
dum insublimitate æternum gloria pondus operatur in nobis. disp. 20.
nu. 216.

Cap. 5. nu. 14. Christus pro omnibus mortuus est, ergo omnes mortui sunt. disp.
20. nu. 151.

Num. 21. Eum, qui non noverat peccatum, pro nobis peccatum fecit. disp.
11. nu. 3.

Cap. 11. nu. 14. Et non mirum: ipse enim Satanæ transfigurat se in Angelum
lucis. disp. 10. nu. 49.

Ad Galatas.

Cap. 1. nu. 16. Non acquievi carni, & sanguini. disp. 1. n. 4.

Cap. 2. nu. 20. Dilexit me, & tradidit semetipsum pro me. disp. 9. nu. 48.

Ad Ephesios.

Cap. 1. nu. 10. Proposuit instaurare omnia in Christo, siue quæ in Cælis; siue
quæ in terris. disp. 20. nu. 168.

Cap. 3. nu. 10. Principatibus, & potestatibus in cælestibus innotescere per Ec-
clesiam multiformem Ecclesiam Dei. disp. 1. nu. 33.

Ad Philippenses.

Cap. 2. nu. 6. Qui cum in forma Dei esset, non rapinam arbitratus est, esse se
æqualem Deo, sed semetipsum exinaniuit, &c. disp. 20. nu. 46.

Num. 7. Exinaniuit semetipsum: in similitudinem hominum factus, & ha-
bitum inuentus, ut homo. disp. 1. nu. 1. & disp. 4. nu. 5.

Num. 8. Christus factus est pro nobis obediens usque ad mortem, mortem au-
tem Crucis, propter quod Deus exaltavit illum. disp. 20. n. 163.

Num.

BIBLICS.

Num. 10. In nomine Iesu omne genu flectatur. disp. 10. nu. 30.

Num. 15. Inter quos lucetis, sicut luminaria in mundo. disp. 6. nu. 136.

Ad Colossenses.

Cap. 1. nu. 20. Pacificans per sanguinem Crucis eius, siue quæ in Cælis, siue quæ in terris. disp. 20. nu. 168.

Cap. 2. nu. 13. Et vos, cum mortui essetis in delictis, & præputio carnis vestræ, conuiuificauit cum illo, donans vobis omnia delicta, delens, quod aduersus nos erat chirographum decreti. disp. 21. nu. 66.

Ad Timotheum Prima.

Cap. 2. nu. 5. Vnus Deus, vnus & mediator Dei, & hominum homo Christus Iesus. disp. 1. nu. 57. disp. 20. nu. 84. & disp. 21. n. 1.

Num. 6. Dedit redemptionem semetipsum pro omnibus, &c. disp. 6. nu. 165.

Ad Timotheum secunda.

Cap. 2. nu. 26. Det illis penitentiam, vt respiscant à laqueis diaboli, à quo captiui tenentur ad eius voluntatem. disp. 21. n. 2.

Cap. 3. n. 2. Quod sint homines seipsos amantes, cupidi, elati, superbi. disp. 1. n. 64.

Cap. 4. n. 8. In reliquo reposita est mihi corona iustitiæ. disp. 21. n. 45. & 46.

Ad Titum.

Cap. 3. n. 5. Non ex operibus, quæ fecimus nos, sed secundum misericordiam suam saluos nos fecit. disp. 20. n. 19.

Ad Hebræos.

Cap. 2. nu. 9. Videmus Iesum propter passionem mortis, gloria, & honore coronatum. disp. 20. n. 163.

Num. 10. Decebat eum, &c. qui multos filios in gloriam adduxerat, auctorem salutis eorum per passionem consummare. disp. 20. n. 135.

Cap. 5. n. 7. Exauditus est pro sua reuerentia. disp. 19. n. 17. & disp. 21. n. 45.

Num. 8. Didicit ex his, quæ passus est, obedientiam. disp. 15. n. 25.

Cap. 7. n. 26. Talis enim decebat, vt nobis esset Pontifex, sanctus, innocens, impollutus, segregatus à peccatoribus, excelsior cælis factus, &c. disp. 21. n. 66.

Cap. 9. n. 12. Non per sanguinem hircorum, aut vitulorum, sed per proprium sanguinem introuit semel in sancta, æterna redemptione inuenta. disp. 21. n. 45.

Num. 13. & 14. Si enim sanguis hircorum, & vitulorum, &c. quantum magis sanguis Christi emundabit conscientias nostras ab operibus mortuis. disp. 21. n. 46. & 65.

Num. 15.

I N D E X

- Num. 15. Et ideo noni testamenti mediator est, ut morte intercedente earum prauaricationum, quae erant sub priori testamento, repromissionem accipiant, qui vocati sunt. aeternae hereditatis. disp. 20. n. 151. & disp. 21. n. 65.
- Cap. 10. n. 4. Impossibile est sanguine vitulorum, & hircorum auferri peccata. disp. 21. n. 46.
- Num. 5. Ideo ingrediens mundum, dicit: hostiam, & oblationem noluiisti: corpus autem aptasti mihi. disp. 20. n. 129.
- Num. 14. Una enim oblatione consummanis in sempiternum sanctificatos. disp. 20. n. 135. & disp. 21. n. 65.
- Num. 17. Peccatorum, & iniquitatum eorum iam non recordabor amplius. disp. 21. n. 65.
- Num. 19. Habentes fiduciam in introitu sanctorum, & sanguine Christi. disp. 6. n. 211.

B. Iacobi Epistola.

- Cap. 1. n. 1. Iacobus Dei, & Domini nostri Iesu Christi seruus. disp. 21. n. 2.
- Num. 5. Si quis indiget sapientia, postulet à Deo, qui dat omnibus effluenter. disp. 10. n. 52.
- Num. 14. Unusquisque tentatur à concupiscentia sua. disp. 6. n. 95.
- Num. 17. Omne datum optimum, & omne donum perfectum desursum est, descendens à patre luminum. apud quem non est transmutatio, nec vicissitudinis obumbratio. disp. 5. n. 36.
- Cap. 3. n. 7. Omnis natura Bestiarum, & volucrum, & Serpentum, & ceterorum domantur, & domita sunt à natura humana. disp. 6. n. 26.

B. Petri Epistola prima.

- Cap. 1. n. 18. Non corruptibilibus auro, vel argento redempti estis de vana vestra conuersatione paterna traditionis, sed pretioso sanguine, quasi Agni immaculati Christi. disp. 5. n. 2. & disp. 21. n. 4. & n. 44.
- Cap. 2. n. 21. Christus passus est pro nobis, vobis relinquens exemplum, ut sequamini vestigia eius, qui peccatum non fecit, nec inuentus est dolus in ore eius. disp. 5. n. 33.

B. Ioannis Epistola prima.

- Cap. 1. n. 7. sanguis Iesu Christi emundat nos ab omni peccato. disp. 6. n. 97. & disp. 9. n. 43.
- Num. 10. Si dixerimus, quoniam peccatum non habemus, mendacem facimus eum. disp. 6. n. 101.
- Cap. 2. n. 1 Si quis peccauerit, aduocatum habemus apud Patrem, Iesum Christum iustum. disp. 19. n. 16.
- Num. 2. Et ipse est propitiatio pro peccatis nostris: non pro nostris autem tantum.

BIBLICS.

tantum, sed etiam pro totius mundi. disp. 6. n. 165. & disp. 20. n. 106.

Num. 16. Concupiscentia carnis, & concupiscentia oculorum, & Superbia vite, qua non est ex Patre, sed ex mundo est. disp. 6. nu. 51.

Cap. 4. nu. 2. Omnis spiritus, qui confitetur, Iesum Christum in carne venisse, ex Deo est, & omnis spiritus, qui soluit, ex Deo non est. disp. 4. n. 8.

Num. 15. Quis confessus fuerit, quoniam Iesus est filius Dei, Deus in eo manet. disp. 4. nu. 8.

Apocalypsis.

Cap. 5. nu. 12. Dignus est Agnus accipere diuinitatem. disp. 20. n. 139.

Cap. 12. n. 7. Factum est praelium magnum in Cælo. disp. 1. n. 59.

**Laus Deo Vni, ac Trino, & Immaculatæ
Virginis Conceptioni.**









